







lla.

14-7-4-26

~~5/1~~
~~3/2~~





DE ANIMA DISPUTATIONES QUATUOR

U B I

Natura illius, Proprietates, Modus operandi, vitalesque Operationes, tum Physicæ, tum Intentionales, tum Intellectus, tum Voluntatis exponuntur, cum utrarumque multiplicitate, atque mutua differentia.

A U T H O R E


JOANNE DE ULLOA MADRITANO
SOCIETATIS JESU THEOLOGO.



ROMÆ, Typis Jo: Francisci Chracas, propè S. Marcum
in via Curfus. MDCCXV.

Superiorum permissu.

*Bibl. Mart. In utroque quod ab hinc
ad alio extensio f. pag. 17*



PROLOGUS.



IC labor extremus, longarum hæc meta viarum, Enid. 3.

quibus per totam Philosophiam Scholasticam divagatus, hucusque perveni. Ingredior quippe in hoc opere intima, abditaque humanæ naturæ penetralia: ipsam nimirum Animam; ubi est Sedes, Arx, Regia, Imperiumque rationis. Turpe profectò esset, hominem philo-

sophum ita per extraneas Regiones exspatiari, ut nunquam redeat in se ipsum introspiciendi gratiâ, eo saltem modo, qui concessus est nobis in hac vita, quid sit sua ipsius anima, quibus nobiliteretur donibus, quem operandi modum habeat, quas operationes, quomodo suum nutriet corpus, quomodo per fenestras sensuum res percipiat, quas in corpore incarcerata nequit posse immediatè assequi, quomodo in phantasia formet imaginationes, quasi rudia adversaria lituris deformia in papyro vulgari, quomodo postea judicia, & ratiocinia elaboret, quomodo tandem numerosam prolem actuum voluntatis gignat: Hæc omnia, quæ passim quidem experimur in nobis, sed quid sint, & quomodo fiant, non facile assequimur, explananda utcumque suscipio. Quadripartitum ergo opus dabo.

In prima Disputatione super quidditate, diversitate, divisibilitate, indivisibilitate, mortalitate, immortalitate, æqualitate, inæqualitate, unitate, multiplicitate Animarum philosophabor: nec non de conceptu viventis, de modo quo illud vitales operationes elicit, ac demum de speciebus impressis.

In secunda disputatione disseram de scrupulo, suspensione, formidine, dubio, de præambulis ad judicandum, locutionibusque divinis. De ignorantia, ac moralitate operationum sub illis factarum. De apprehensione, ac judicio. De temeritate, improbabilitate, probabilitate, evidentia, intuitionem, & comprehensionem, quibus qua-

litaribus nunc extolli, nunc deprimi solent judicia. Ac demum de discursu.

In tertia disputatione agam de veritate Propositionum de futuro contingente, tum absoluto, tum conditionato. De determinativo Scientiæ mediæ. De conjungibilitate assensus, & dissensus: Fidei, opinionis, atque evidentia; maximè in attestante: nec non de Fide discursiva.

In quarta demum Disputatione dabo actus voluntatis *Prosecutionis*, & *Aversionis* in genere. Voluntarietates, involuntarietates, volitiones, nolitiones, desideria, fiducias, timores, præsumptiones, desperationes, spes, objectique spei proprietates, nimirum *bonitatem*, (ubi litem, dirimam, An bonum alienum possit esse objectum spei) *Arduitatem*, & *Futuritionem*. Ex quibus omnibus aliqua non perfunctoria notitia habetur naturæ, atque proprietatum, quas habent vitales operationes Animæ, tum quæ spectant ad Intellectum, tum quæ ad Voluntatem,

MICHAEL ANGELUS TAMBURINUS

Præpositus Generalis Societatis JESU.

CUM librum, cui titulus: *De Anima Disputationes quatuor*,
Authore P. Joanne de Ulloa Societatis nostræ Sacer-
dote, aliquot ejusdem Societatis Theologi recognove-
rint, & in lucem edi posse probaverint; facultatem fa-
cimus, ut Typis mandetur, si iis ad quos pertinet,
ita videbitur: cujus rei gratia has literas manu nostra sub-
scriptas, & sigillo nostro munitas dedimus.
Romæ 21. Aprilis 1713.


Michael Angelus Tamburinus:

IMPRIJ

IMPRIMATUR

Si videbitur Reverendissimo P. Magistro Sac. Palatii Apostolici .

N, Archiepiscopus Capua Vicegerens .



EX commissione Reverendiss. Patris Magistri F. Gregorii Selli Sac. Palatii Apostolici Magistri, Disputationes Philosophicas in libros de Anima, quas Doctissimus P. Ioannes de Ulloa Societatis JESU summo ingenio, & rara eruditione composuit, sedula qua potui attentione perlegi, in quibus inveni, quod contenta omnia, (præterquamquod Fidei Catholicæ consonant, & Almæ Matris Ecclesiæ Sanctionibus, ac SS. Patrum dictis minime repugnant, nec bonis moribus dissonant) eruditissimè ab Authore differuntur, & accuratissimè sententiarum ubertate, ac pondere, insignique resolutione perillustrantur; quapropter Opus hoc dignissimum censeo, quòd non solum pro communi Scholæ utilitate in lucem feliciter prodeat, Typisque mandetur, verum etiam, quòd omnium oculis, ac manibus continuò versetur.
Datum Romæ in Conventu S. Mariæ super Minervam hac die 9. Septembris 1713.

*F. Antonius Seraphinus Camard: Ord. Præd. Messanen-
Sac. Theologia Mag., ac in Collegio Casanaensi de
Urbe Textus Angel. Præcept. Cathedralicus vespertinus.*

Sedulò, ac maturè perpendi ex commissione Reverendissimi Patris F. Gregorii Selleri Sac. Apostolici Palatii Magistri has de Anima disputationes, dignam totius Philosophici cursus coronidem, atque Authoris ingenio, ac subtilitati plenè respondentem. Nihil in eis, quod pium, & catholicum Lectorem offendat, sed sanam undequaque doctrinam deprehendi, maximoque literariæ Reipublicæ cessuram emolumento, si publici juris fiat;

*D. Valerianus Mignanelli Abbas, & Procurator
Generalis Congreg. Oliv.*



IMPRIMATUR

Fr. Gregorius Selleri Ord. Prædicatorum Sac. Pal. Apost. Magister.

DISPU:

DISPUTATIO PRIMA.

CAPUT I. *Quid , & quotuplex sit Anima.*
num. 1.

CAPUT II. *De Divisibilitate , ac indivisibilitate Animarum.* num. 21.

CAPUT III. *De Mortalitate , atque Immortalitate Animarum.* num. 36.

CAPUT IV. *De æqualitate , inæqualitate , unitate , ac pluralitate Animarum.* num. 45.

CAPUT V. *Quid , & quotuplex sit vivens.*
num. 58.

CAPUT VI. *De modo , quo viventia eliciunt operationes vitales . Et de speciebus impressis.*
num. 79.

CAPUT VII. *De Anima , & appetitu sensitivo.* num. 153.

CAPUT VIII. *De instinctu , sensatione , anima-que Brutorum.* num. 164.

CAPUT IX. *Sententia quædam , quæ media vocatur inter Peripateticos , & combinatores - expenditur.* num. 200.

DISPUTATIO I.

De Anima in Genere, & in Specie.

IN hac disputatione quidditatem, multipliciter, proprietatem metaphysicam, similitudinem, dissimilitudinem mortalitatem, immortalitatem, divisibilitatem, indivisibilitatemq; Animarum expendam. Cumque ipsarum character sit esse formam Vitalem conceptum vitę examinabo cum suis Corollariis. Et demum Recentioris cujusdam opinionem expendam, quam Mediam vocat inter Aristotelicos, & Combinatores.

CAPUT PRIMUM.

Quid, & quotuplex sit Anima?



NON propono disparandam illius existentiam: quia cum Anima sit una ex formis substantialibus, existentia ipsius constat ex eis, quę disp. 1. physice speculativę protuli contra Combinatores, qui non aliam agnoscunt formam substantialem (exceptā animā rationali justis de causis) quā homogeneas, vel heterogeneas, athonios, sic & sic, taliter & taliter combinaras. Igitur Aristoteles definitionem dedit, atque descriptionem animę. Definitionem, quando dixit de Anima. *Actus primus corporis naturalis potentia vitam habentis.* Ubi pro illo corporis naturalis, vulgō ponitur 1. *Corporis physici, & organici.* Descriptionem, quando postea adiunxit. *Anima autem id est, quo vivimus, & sentimus, & movemur, & intelligimus.* Ubi ut vides, loquitur in particulari de anima rationali; cum in primo textu loquatur de anima in genere. Pro utraque, & contrariarumque explicationem non pauca invenies apud Oviedo; quibus parcens, sic definitionem intelligo. Anima est *actus* non utique metaphysicus, qualis vocari solet differentia, ex qua simul cum Genere componi solet definitio. Non item *entitativus*, qualis dici solet existentia. *pundo 1.*

*Arist. lib. 2
de anim. 6.*

Ibid. cap. 2.

*P. Oviedo
controv. 1.
de anima.*

A

Sed

Sed *informativus*, qualis est forma. Unde licet non omnis forma sit Anima; quia hæc vox supponitur pro solis formis vitalibus; omnis tamen anima in sensu stricto, & philosophico est forma. Et hic terminus *actus* est genus subalternum, quo anima convenit cum accidentibus: qui etiam sunt *actus*, ut calor, quo subjectum indifferens, ut sit, vel non sit calidum, actu physice est calidum. Respectu autem materiæ primæ nullus est terminus in hac definitione, qui sit genericus; quod non est vitium, quia necesse non est, quod in cuilibet definitione etiam relativi, sit genus respectu cuiuslibet correlativi.

2 Dicitur *Primus*: quoniam licet anima naturaliter præsupponat actus alios informativos accidentales præparantes, disponentesque materiam; imò & sæpius actus alios substantiales juxta ea, quæ dixi super formis partialibus disp. 1. physice speculative; at nullum præsupponit actum informativum accidentalem, aut substantialem *constituentem physice essentialiter* illud vivens, quod ipsa constituit: in qua negativa veritate stat ex hac parte suus primatus, ut ibi dixi inter respondendum argumento ex hoc primatu desumpto; ex alia parte est radix, & origo proprietatum, quibus actuatur compositum, quod ipsa constituit, ut est commune omni forma substantiali. Ergo habet totum quod requiritur ad primatum, nempe non habere ante se aliud in determinatâ sphaera, in qua est Primatus; & habere post se aliud. Non enim est Primatus hic, sicut divinus, qui absolute, & simpliciter est Primatus, & in nullo genere supponit ante se aliud. Et hinc sufficienter insinuat, animam esse actum substantialem, quia nullus actus informativus, ex sua essentia primus in constitutione Entis naturalis, est accidentalis. Sed omnis anima est actus informativus ex sua essentia primus in ea constitutione juxta hanc definitionem. Ergo juxta eam nulla anima est accidentalis. Ergo cum non sit chymæra, sequitur, quod juxta hanc definitionem omnis anima est substantialis. Neque dicas, quod in primæ creatione etiam debet præcedere materia cum dispositionibus ad formam, ut hæc naturaliter introducat: unde illæ dispositiones tunc saltem sunt actus primus materiæ. Nam contra. Vel consideratur iste primatus in ordine ad constituendum physice ens naturale. Et sic neque tunc, neque umquam dispositiones illæ accidentales sunt actus primus: quia neque tunc, neque postea, neque umquam accidentia fuerunt, sunt, aut erunt constitutiva essentialia Entis naturalis.

3 Vel consideratur, non quidem relatè ad ens naturale; sed relatè ad solam materiam. Et sic neque illæ dispositiones debent *præcedere* formæ; quoniam aliud est quod illæ debeant inesse materiæ in eodem temporis momento, in quo introducitur anima. Aliud quod juxta naturalem seriem, & concatenationem rerum post primam creationem, debeant *præcedere* illæ dispositiones. Aliud demum, quod ipsa anima, seu quævis alia forma ex sua natura habeat quod illæ præcedant, aut illæ ex sua natura habeant præcedere formæ. Duo priora sunt veræ. Tertium est falsum; quia dummodo in eodem instanti, in quo Deus creavit Animam Adæ, fuerint, & non pro posteriori, organa dispositio-

Quid & quotuplex sit Anima.

3

tionemque necessariam, anima non foret violenta in ea materia, tametsi illa non extisteret pro priori ad eam, eamque exigerent, ita ut pro priori ad ipsam animam nil daretur physicè connexum cum illius creatione. Verum est, quod post primam rerum creationem nequit naturaliter produci forma nisi præcedentibus dispositionibus in materia. Sed hoc provenit ex eo, quod forma producenda per causas secundas nequit produci per has, nisi in subiecto præparato, eo quod causæ secundæ nequeant operari nisi in subiecto præparato, & disposito; forma verò producenda per solum Deum, qualis est anima rationalis, non producit ab eo post primam rerum creationem, nisi præcedente materia disposita: eo quia Deus post illam primam productionem, operari non vult, nisi juxta dispositiones, & exigentiam naturæ.

4. Dicitur *corporis Naturalis*. Hæc vox potest significare corpus completum: nimirum ens ipsum naturale: & corpus incompletum, videlicet solam materiam primam. Respectu utriusvis est anima actus primus, sed æquivocè. Respectu corporis naturalis est actus primus *constitutivus* physicè essentialiter: quia nullum actum alium præsupponit constitutivum illius. Respectu verò corporis incompleti non est certè actus primus constitutivus: sed *informativus*, quia licet juxta seriem, & concatenationem rerum naturalium, præsupponat in materia actus alios informativos saltem accidentales, ut nuper dixi; ast non ex sua met natura, sed ex duobus titulis nuper disjunctivè assignatis. Unde sequitur animam esse actum primum in sensu positivo respectu corporis completi, & in sensu negativo respectu incompleti. Dicitur *organici* non quia omnis protus anima connectatur tamquam cum priore, vel tamquam cum comitante cum dispositione organica partium materiæ, nam forma herbarum, olerum, arborum, & reliquorum vegetabilium est anima, siquidem est forma vivens; & tamen non connectitur cum ea dispositione, quæ nomen mereatur *organica*: improprie namque dicentur herbe, aut arbores habere membra *organica* disposita: neque vox illa *Instrumenta*, qua utitur Aristoteles agens de partibus plantarum, significat determinatè organa corporis in frequente usu vocis hujus: licet enim omnia organa corporis sint Instrumenta; sed non è converso. Alludit ergò illa vox *Organici* ad solas animas sentientes, & rationales, quæ verè ex sua natura connectuntur cum eo, quod materia, cui uniuntur, eam habeat saltem quoad substantiam, & suo tempore partium distributionem, collocationem, distantiam, iudistantiam, situm &c. in quorum complexo stat illud, quod vocamus dispositionem organicam, v. g. caput, viscera, cor, & similia. Hanc autem connexionem deprehendimus ex eo titulo, ex quo cæteras naturales connexiones novimus. Nimirum ex experientia; quotiescumque enim animal cujuscvis speciei est immune à specialibus contrariis circumstantiis, atque accidentibus, experimur in eo talem quamdam membrorum coordinationem, distantiam, propinquitatem, locum, & figuram, quæ semper, & ubique experimur in ferè omnibus animalibus illius ejusdem speciei. Ergò cum nil contingat casu, absolutè, ac simpliciter,

Aristot. 2.
de Anim. c.
1.

Sapient. II. pliciter, sed omnia in mensura, & numero, & pondere disposuisti tametsi respectu nostrum multa sint casualia, assignari debet aliquod principium universale, quod pro omnibus individuis speciei illius determinet externam eam uniformitatem formæ, ac figuræ. Sed hoc principium non est sola voluntas Dei, quia Deus ut auctor naturalis, non operatur post primam rerum creationem, nisi juxta exigentiam causarum secundarum. Ergo illud universale principium debet esse anima, quæ una eademque est quoad speciem in cunctis illis animalibus, ergo anima illa est connexa suapte natura cum organica illa dispositione non utique tota, & in primo instanti habenda, sed successivè, ac decursu vitæ acquirenda quoad aliqua saltem. Illius prima lineamenta accipit à suis Parentibus illud animal in semine, quod hi effundunt, & in quo stat minimè naturale; postea verò temporis decursu anima ipsa perficit suum domicilium juxta ea, quæ dixi disp. 1. physice speculativè cap. de forma sicut anima bombycis suo tempore mittit alas in eo corpore; anima hominis mittit dentes: & animæ aliorum animalium mittunt tempore suo cornua &c.

5 Dicitur tandem *Potentia vitam habentis*, quod de corpore completo, & de incompleto intelligi potest, sed æquivocè. De completo quatenus hoc potest elicere operationes vitales; de incompleto quatenus hoc scilicet materia prima, potest habere sibi unitam vitam. Cumque tam unum, quam alterum non verificetur nisi ratione animæ ipsius: idcirco verbis eis significatur animam esse actum primam corporis naturalis *vitalis* quo ultimò distinguitur anima à cæteris formis substantialibus. Sensus igitur prædictæ Aristotelice definitionis est Anima est. *actus primus informationis vitalis*: seu: *forma substantialis vitalis*. Ubi jam vides genus quo convenit cum aliis, & differentiam, qua discernitur ab aliis. Fateor non convenire inter DD. de ratione, ac quidditate viventis: unde hæc definitio traditur per prædicarum dubium, non sanè quoad existentiam, quia non est dubium, quod omnis anima sit vivens; sed quoad quidditatem. Sed cum hoc contingat in plerisque, vel ferè omnibus definitionibus, jam vides exceptionem istam multum probare. Dabitur itaq; integer sensus definitionis Aristotelicæ, quando explicem quid sit *vivens*. Illa altera descriptio, *Anima est id, quo vivimus* &c. Explicat animam, sicut explicari solet divisum per membra dividentia, vel causa per suos effectus.

6 Quamobrem anima hætenus nota est triplex tantum. Arborum, & herbarum, quæ est vegetativa, præcisè. Brutorum perfectorum, & imperfectorum, quæ est sensitiva, & simul vegetativa, loco motiva, cognoscitiva, & appetitiva materialiter præcisè. Hominum, quæ simul est sensitiva, vegetativa, locomotiva, auditiva, locutiva, cognoscitiva, & volitiva, materialiter, & spiritualiter, quia est rationalis. Vegetativa, sive, quod idem est, nutritiva dicitur anima illa, cujus vita aliud non est, quam nutrire, & substantialiter crescere per intus sumpcionem. Duplex est modus crescendi substantialiter. Unus per *juncta positionem*, nempe quando res crescit, eo quia novæ, &

novæ

novæ partes ejusdem specificæ substantiæ superveniunt, quæ continuum, aut tantum contiguum prioribus (juxta conditionem, & naturam rei de qua fuerit sermo) faciunt quoddam totum majus priore. Sic per adventum novæ aquæ crescit aqua in fluvio, in fonte, in vase. Sic etiam crescit sanguis in venis per illapsum novi sanguinis, in hepate, vel corde fabricato ab anima ibi existente. Sic spiritus in arteriis per illapsum novi spiritus idest subtilioris, & purioris sanguinis in corde elaborati. Sic lac in venis lacteis, aqua in lymphaticis, fel in sua bursa &c. Hic modus crescendi non est vitalis. Alter per intus sumptionem. Et consistit in eo quod subjectum capax sit ad se attrahendi, & quasi sugendi materiam, quæ dicitur alimentum: illamque proportionatè dispositam uniat sibi unione non solius contiguitatis, sed continuationis versus longitudinem, aut latitudinem &c. producendo unionem continuativam prioris materiæ cum illa nova (& in hac productione hujus unionis continuativæ stat ultimo actualis nutritio, quia ex tot actionibus hic concurrentibus hæc sola est immanens, ut pote recepta in præexistente particula viventis) nec non unionem substantialem formæ præexistentis cum illa nova porzione materiæ, quando præexistens forma est indivisibilis; vel si divisibilis fuerit, producendo novam particulam formæ sibi similis in ea nova particula materiæ: ita ut complexulum illud, quod refultat ex nova particula materiæ, & nova particula animæ substantialiter unitis, uniatur unione continuativa cum priore vivente complexo. In hoc stat crescere per intus sumptionem, seu nutriri, seu vegetari, seu vivere vitâ nutritivâ.

7. Nimirum, quod suppositis multis aliis actionibus remotè, ac proximè præparantibus materiam alimenti, ponat vivens actionem productivam unionis suæ formæ cum materia, quæ fuit alimenti, quæ actio cum suo termino recipitur in ea materia alimenti, & in formâ quando hæc est indivisibilis: aut in particula formæ unita illi materiæ, quando forma est divisibilis; maxime autem stat in eo: quod ponat actionem aliam productivam unionis continuantis materiam alimenti cum priore materia, quam habebat vivens, quæ actio cum suo termino recipiatur in priore illa materia, & sic immanens sit: quia, ut dixi, ex tot actionibus hic concurrentibus, in hac actione productiva hujus unionis continuativæ stat maxime, ac primariè formaliter nutritio. Hinc 1. si solus Deus, v. g. efficeret hanc unionem, vivens illud cresceret utique substantialiter; aut non per intus sumptionem, nec per nutritionem, nec viveret vitâ vegetativâ. Nempe quia nil ageret; sed merè passivè se haberet. 2. Ignis non vivit: quia licet producat formam ignis in materia disposita non attrahit illam, sed quasi ad illam vadit cum serpie; & quamvis interdum illam attrahat, non unit sibi illam unione continuativa sicut uniuntur partes hujus manus; sed unione solius contiguitatis, sicut hæc manus est modo unita huic papyro. Idem dico de Magnete qui licet attrahat ferrum, quod solet vocari summum pabulum, est locutio plebeja: quia Magnes non unit sibi unionem continuativam ferrum, neque exploratum, est alterum ex eis producere in altero.

altero suam formam substantialem. 3. Portiones illæ substantiales quas vivens acquirit per nutritionem, non sunt Filix viventis ipsius; quoniam licet acquisitio illarum possit vocari Origo viventis à vivente; atramen ista acquisitio formaliter immediatè stat in sola productione unionis prædictæ continuativæ connexæ essentialiter cum productione novæ particulæ formæ ejusdem in nova particula alimenti: vel si forma viventis fuerit indivisibilis connexa cum productione unionis nectentis illam cum particula illa alimenti. At unio dicta continuativa non est vivens ut patet. Ergò acquisitio illa, seu nutritio non est productio viventis. Ergò non est origo viventis à vivente.

8. Neque urget 1. quod quando forma viventis est divisibilis, producat partem formæ viventis in parte substantiæ quam acquirit. Nam licet ea productio sit origo viventis à vivente, nec non in similitudine naturæ; sed non est à principio coniuncta, quia nil quod prius esset in vivente perseverat in eo complexulo ex nova particula formæ, & ex substantia alimenti: & hoc quamvis animal nascatur propria carne, v. g., quia jam desinit esse propria caro, quando incipit esse alimentum illius: Et non est sicut semen natura sua destinatum ad novam generationem. Neq; urget. 2. Quod quando viventis forma est indivisibilis producat unionem sui ipsius cum ea nova portione alimenti, & non ob aliam rationem Parentes sunt Parentes nisi quia producant unionem formæ cum materia Filiorum. Etenim hoc secundum est falsum, ut dixi in physica speculativa cap. de unione ob istud primum siquidem homo quando nutritur producit unionem suæ animæ cum illa portione substantiæ quam acquirit; & tamen non est Pater complexi illius, quod resultat ex sua anima, & ex illa nova portione materia quam acquirit. Parentes ergo sunt Parentes, quia proprium sanguinem quem sibi comparaverant, laboraverant, perfecerant, & spiritibus compleverant, effundunt ut sit corpus filiorum suorum. Igitur fateor in eo novo complexulo perseverare aliquid, quod prius erat in vivente quod nutritur, scilicet animam eandem: Item complexulum esse vivens, & procedere à vivente: item esse simile naturæ. Non tamen est filius viventis, quia neque est suppositum adequatè distinctum, neque ab eo vivente trahit originem formaliter physicè (quidquid sit de denominationibus) nisi sola unio ista, quæ sanè non est vivens: neque vivens ipsum, quod nutritur, acquisivit, laboravit, perfecit spiritibusque replevit suam animam, quæ perseverat in dicto complexulo. Contraria autem desiderantur in omni generatione creata.

9. Jam anima sensitiva (seu vivens per sensationem) quales sunt anima bestiarum, est illa cuius vita non solum stat in actionibus dictis productivis dictarum unionum; verum etiam in perceptione rerum, siue perceptio sit purè externa, v. g. visio, odoratio, tactus &c., quæ explicui in physica speculativa disp. 3. à num. 87. siue perceptio sit interna, sed materialis, rudis, & imperfecta: qualis est phantasia, seu potentia imaginativa item appetitus elicitus materialis. Hac utraq; vitæ sensitivæ funguntur bestię, inter quas licet detur magna diversitas etiam

etiam quoad hæc verumtamen in sensatione per tactum, & in appetitu materiali elicitio omnes hæcenus notæ conveniunt. Anima rationalis (seu vivens per actus rationis) quales sunt animæ hominum, est illa cuius vita consistit non solum in nutritione, non solum in sensatione externa, aut interna (quæ vocantur portiones inferiores, & inde locutione figurata refertur in animam ipsam idem nomen partis, seu portionis inferioris, cum tamen in homine non sit nisi una indivisibilis anima, & spiritus incapax habendi partem superiorem, & inferiorem) verum etiam in actibus intellectus, & voluntatis.

19. Hæc tres solæ animatum, seu corporeorum viventium species agnoscuntur vulgò. Cæterum ægrè expungitur à Cathalogò animarum, seu Principiorum viventium virtus locomotiva (ad quam reducitur loquiva : quia loqui præter alia consistit in motu eo locali lingvæ, quo sonus articulatus edatur) non quidem propter verba illa Aristotelis transcripta num. 1. *quo movetur* : quia cum ibi præmittat vitam nutritivam, & cum motus in phrasi illius significet quamlibet actionem, quæ non sit creatio, ut quilibet scit : planum apparet, Philosophum non meminisse ibi omnes vitæ species, & non loqui ibi determinatè de motu locali. Non item quia omnis motus progressivus sit eo ipso actus vitalis : nam certè corpus illud æereum, vel ex alia materia, quod assumpsit S. Raphael quando comitabatur Tobiam juniorem, quando gradiebatur cum illo, & quando cum illo comedere, ac bibere videbatur, corpus inquam illud progressivè movebatur, & ex loco in locum, & tamen motus ille non erat actus vitalis, siquidem non proveniebat à principio intrinseco, sed à principio assistente. Idem dico de motibus progressivis Cadaverum, quæ Cacodæmon assumere solet ad illudendum strygebis, & aliis. Non item quia motus omnis loco motivus proveniens à principio intrinseco (non quidem per unionem, ac receptionem, qualis est impulsus ex quo nascitur motus localis progressivus lapidis, aut qualis est gravitas ex qua nascitur motus deorsum ejusdem lapidis ; sed à principio intrinseco per identitatem saltem inadæquam, qualis est motus quo moveo hanc pennam) sit vitalis, quia ex principio nobis intrinseco nascitur motus quo extraneum corpus movemus à loco in locum, v.g. quo moveo hanc pennam ; & tamen non est actus vitalis, quia non est immanens, idest non recipitur in nobis merè ipsi ponentibus illum, sed in corpore quod locomovemus. Non enim omnis actio essentialiter proveniens à principio vitali est actus vitalis, sed illa sola quæ est insuper immanens ; alioquin cum omnis actio physica habeat ex sua essentia nasci ab eo physico principio, à quo nascitur, ut sæpe dixi sequeretur esse vitalem omnem penitus actionem, quam facimus physice. Non demum quia sit vitalis omnis motus quo nos ipsi movemur progressivè, seu alio modo de loco in locum : quia potest ille motus provenire à solo extraneo impulsu, ita ut habeamus nos merè passivè, ut quando equo curru, aut navì vehimur, & movemur progressivè.

11. Ratio itaque ob quam non videtur expungenda à cathalogò principiorum viventium facultas loco motiva, neque à cathalogò actio-

num vitalium actio illa qua nos ipsos movemus progressivè, sive alio modo de loco in locum est: quoties agens operatur *in se, à se, & per se* idest quoties operatur immanenter, & suapte natura excludit quod suppositum aliud creatum influat a què immediatè physicè in operationem illam, operatur vitaliter, & operatio illa verè est vitalis, seu vita in actu secundo juxta definitionem viventis infra dandam. At quoties solum agens ratione principii quo constituitur, se ipsum movet de loco in locum operatur *in se* (quia licet moveatur *in loco*, & *à loco in locum* operatio illa est immanens, ut pote recepta in eodem principio ex quo nascitur: nascitur quippe ex eo agente, & in eodem recipitur, quia supponimus illud se ipsum movere; non. autem recipitur *in loco* per quem movetur ut dixi in physica speculativa disp. 4.) item *à se, & per se*: quia licet agens possit per aliud suppositum creatum adjuvari, immediatè physicè, aut etiam determinari ad aliam actionem similem in specie morali, qua moveatur velocitate, aut tarditate eadem, ab eodem in eundem locum. Verumtamen ad actionem illam specificam, qua ipsum solum movet se ipsum, non potest concurrere a què immediatè physicè ullum aliud suppositum creatum: & hoc ex natura ipsa agentis ipsius; quoniam omnis actio physica ex sua essentia (cum qua utrique metaphysicè conneditur suum agens) habet nasci ab eo solo agente à quo nascitur, & non nasci ab eo à quo semel non nascitur, sicut omnis unio physica habet ex sua essentia esse unionem illorum, quorum est unio, & non aliorum: & omnis præsentia physica habet ex sua essentia esse præsentiam physicam illius cujus est præsentia, & non alius prout probavi in Prodomo disp. 4. num. 62. Ergò quoties solum agens ratione principii, quo intrinsecè constituitur, se ipsum movet de loco in locum, operatur vitaliter. & operatio illa verè est vitalis, seu vita in actu secundo. Ergò facultas illa loco motiva est principium vivens, & motus ille est actio vitalis. Dixi autem *ratione principii quo constituitur*, quia plerumque animalia movent se ipsa de loco in locum ratione animæ, qua intrinsecè constituuntur; non sanè mediatè dumtaxat quatenus movent se ratione virtutis ab anima emanantis, sed immediatè, quia anima ipsa identificatur cum eis suis virtutibus facultatibus, & potentiis, ut dixi in Prodomo disp. 4. n. 18. motus autem qui nascitur ex principio in sensu alio *intrinsecè* puta per meram unionem, aut receptionem, qualis est motus oriundus ex gravitate ex impulsu, aut similibus, quæ non sunt essentialia constitutiva illius quod movetur, non est actio vitalis.

12 Videtur ergò rationi consentaneum quod sit vitalis non tantum in sensu identico, & materiali; sed etiam formali, facultas qua agens solum, se ipsum movet totum, vel quoad partem de loco in locum. Et quod motus ille sit actio vitalis; arqui sub hac facultate loco motiva comprehenduntur facultates loquendi, canendi, respirandi, ambulandi, percutiendi, suspirandi, scribendi, sonandi, & similes cum suis subalternis: quia hæc omnia facimus movendo jam uno, jam alio modo una membra nostra ex uno loco ad alium, ut singula inspicienti;

con-

constabit, quamvis moveamus simul pennam, v. g., gladium &c. quia tunc duæ actiones concurrunt, una tecepra in manu nostra quam movemus: altera in penna quam movemus etiam. Ergo omnes hæ facultates sunt vitales, & omnes hæ actiones, ex quibus prius elicitis in nostro corpore, resultant aliz in corpore extraneo quando nos soli eliciamus illas in nostro corpore, sunt actiones vitales. Divisio ergo illa in animam nutritivam, sensitivam, & rationalem, seu in hanc trinam viram, non videtur adæquata: quandoquidem ibi non fit mentio de anima, seu vita prædicto modo locomotiva, quæ est vitalis, & non potest reduci ad ullam ex illis tribus vitis, eo quod motus ille localis neque est nutritio, neque sensatio, neque actus rationis.

§. II.

13 **H**is positis multæ occurrunt quæstiones. Ecomissis undecim illis erroribus contra animam rationalem, quos notat Oviedo, & refutat, quique apud ipsum legi possunt; quæstio prima est, *qua partes corporis informantur anima*, & consequenter, *qua partes vivant in animalibus*? In longum ibimus si singulas examinare debemus. Dico 1. Caro formaliter, aut æquivalenter talis, puta piscium, puta cartillagines, pellem, membranas, musculos, tendones, arterias, venas, telas, viscera, & similia. Item ossa formalia, & æquivalentia, qualia sunt spinæ piscium, cornua, & dentes. Item pili, capilli, ungues. Omnia hæc videntur informari per animam, & esse viventia. Quia in arboribus non solum vivit lignum, quod est quasi caro viventium illorum, sed etiam folia, flores, rami, fructus, subtilissimæ telæ, cortices virentes, & similia. Neque inferas fore, ut si homini peccatori abscindatur cartilago nasi, vel auriculæ, & consequenter anima separaretur in peccato ab illis partibus; postea autem moriatur homo ille in gratia anima erit beata, & damnata. Etenim sententia æternæ beatitudinis, aut damnationis non fertur quoties anima separatur ab aliqua, vel aliquibus partibus corporis (nam idem argumentum obijci poterat homini abscindatur magna portio carnis quando est in peccato, & postea moriatur in gratia) sed solum quando homo simpliciter moritur, idest quando anima separatur à toto corpore, & juxta statum, quem tunc habuerit anima, salvabuntur, aut damnabuntur partes corporis, quæ olim fuerunt separatæ ab illa per rescissionem, aut per reactionem contrariarum qualitarum, per quam homo in senectute non habet jam multas ex illis partibus corporis, quas habebat in juventute. Jam conclusionis ratio potest esse. Omne quod sentit, vel saltem crescit per intus sumptionem, vivit. At omnia dicta, aut sentiunt, ut de carne formaliter, vel æquivalenter tali, v. g. de pelle constat: nec non de telis viscerum, ubi gravissimus sensus esse solet: item de telis

P. Oviedo
controv. 1.
punct. 3.

illis capitis, quæ Meninges dicuntur, seu *Pia Mater*, & *dura Mater*, ubi gravissimus etiam dolor tempore hemiecranii. Cætera verò quamvis non sentiant, eo quia in eis non posuerit causa prima nervos, & temperamentum ad sensationem, sicut neque posuit in tota carne temperamentum, & nervos ad videndum, audiendum, cogitandum &c. at crescunt per intus sumptionem.

14 Quia omne attrahens alimentum, illud sibi uniens unionē continuativa, & illud convertens in propriam speciem, ita ut crescat versus omnem differentiam respectivè ad suam conditionem, crescit per intus sumptionem juxta dicta num. 6. At cætera omnia ista sic se habent. Nam ossa, dentes, spinæ, cornua, rostra, crescunt versus longitudinem, latitudinē, & profunditatem: & substantia, qua crescunt, neq; sympathiā, neque alio impulsu quærit illa, sed illa trahunt ad se substantiam hanc, & hæc unitur illis non per modum solius contiguitatis, sicut in exercitu unus miles unitur socio; sed per unionem continuativam, & demum ea substantia alimenti convertitur respectivè in os, in cornu, in rostrum, in spinam &c. Rationabile ergo videtur, quod ista omnia vivant vitā nutritivā. Ergo quod informantur animā; hæc namque est, quæ ibi existens, non tamquam actus merè assistens; sed informans adiuta, temperamento ossis, v.g. portiunculas alimenti vicinas intercipit, & producit in eis formam partialem, ac subordinatam ossis: nec non unionem continuativam illarum cum jam conversis in os, in dentem, in spinam &c. de pilis, & capillis, & unguibus, & pennis avium, & lana ovium, & setis aprorum potest esse major difficultas. Sed illa omnia sunt quasi herbæ corporum animalium. Sicut enim terra juxta temperamentum humidi, calidi, & aliorum, profert in unis partibus, & non in aliis herbam jam hanc, jam illam: ita juxta temperamentum, quod inæqualiter dispersum habet corpus animalis, gignit jam hic, jam alibi, jam neque hic, neque alibi pennas, setas, pilos, capillos &c. Et sicut ex herbis quas sponte sua emittit terra, hujus hamores, & temperamentum deprehendimus: ita ex pilis, ex capillis, ex plumis &c. deprehendi solet temperamentum, & humor animalium. Unde illud latinum de rubris capillis, *sub hac pelle non est sanguis sine felle*. Et Hispanum illud. *De esse pelo nigato, ni perro*, ad quam experientiam alludebat, qui dixit. *Crine ruber &c.* Similiter ex barba aspera, & capillis blandis capitis, argui solet vivax ingenium. Sed indicia non sunt certa, argumenta. Similiter respectivè philosophandum de plumis volucrum, de lana ovium: nempe illa esse quasi herbam illorum corporum. Ungues autem sunt respectu illarum extremitatum, quod cortices ramorum. Unde sicut cortices viventes, atque herbæ crescunt per intus sumptionem, informanturque forma vivente: ita videtur de pilis, capillis, unguibusque in quibus proculdubio est robur speciale. 1. Quia Thelescopio exploratum est, capillos esse concavos, & findi interdum, unde proverbium nostrum de homine superlativè sagace. *Hiende un cavello*: nec mirum cum constet culicis proboscidem, licet subtilissimam, esse concavam: siquidem per illam fugit: item quando ex corpore avis penna

penna avellitur humorem fluere videmus, quo nutriebatur penna. Ergo verisimile est, pilos, pennas, & similia sugere attrahereque humorem, quo nutriantur: ex cujus humoris qualitate nascitur color albus in pilis senum, ruber in iracundis &c. Ex alia parte hoc alimentum convertitur respectivè in pilum, in lanam (unde pretiosior est lana quando pecora pretiosioribus vescuntur pascuis) deinde prioribus pilis unitur unione continuativa. Et demum hæc omnia crescunt versus longitudinem, latitudinē, & profunditatem; quid ergo deficit, ut crescant per intus summptionem, & non per meram juxta positionem, quasi una illa excrementa protrudant priora, & sic crescant pili, & pennæ: & sint quasi depositiones, excrementa, & redundantiz?

15 Neque dicas in homine mortuo crescere barbam, & ungues cum tamen jam non sit ibi anima. Etenim non crescant; sed cum pel- lis, & caro contrahi soleant, & ex carne evadant ungues, & pili, idè hæc apparent majora non quia in se ipsis majora sint, sed quia deprimi- tur subtractum, & idè ipsa magis apparent. Et alias si sunt mera ex- crementa, quæ virtus expulsiua protrudit proximiora, absente anima, ut prominent magis pili in mento, & ungues in digitis? Capilli non ita apparent crescere in mortuo: tum quia ipsorum subtractum minus contrahitur cum sit cranium durum: tum quia ipsorum glomus non sinit percipere majorem, sed leviusculam ipsorum apparentiam. Arguo 2. Unguis, pilus, penna, lanugo, capillus, setæ, & similes appendices sive corollaria corporum viventium, aliquod sunt ens naturale, quia certè habent aliquam materiam primam, & non privatam omni forma. Est ergo quod hæc crescant per juxta positionem, quatenus partes pone sequentes, & adhuc intra carnem, vel pellem latentes, propellant illas. Sed de his pone sequentibus rogo; quæ causa convertit illas in unguem, v. g. Nam certè portiuncula illæ materiæ primæ prius erant sub forma alimenti, & non fuerunt ab orbe condito sub forma unguis, aut pili, aut setarum? certè non apparet alia quam anima ipsa, quæ informans ab initio conceptionis pellem, v. g. atque adiuta tempera- mento quod ibi posuit causa prima, juxta idæam quam formavit uoum- quodque animal, convertit olim in unguem, aut pilum particulas ali- menti illac interdum transeuntis, & continuata succellione facit idem in toto vitæ decursu. Ergo saltem primæ particulæ unguis, pili, & re- liquorum, informantur animâ. Cur non reliquæ donec unione conti- nuativa copulentur cum illis quas dicitis propellere alias? Non ergo unæ propellunt alias anteriores; sed hæc per animam vivificatæ faciunt quod herba crescens, nimirum attrahere alimentum, unire illud sibi unione continuativa, & sic crescere versus trinam dimensionem di- ctam usque ad terminum illum magnitudinis, quem complexio alia- rum circumstantiarum poscit, & non plus, sicut crescit caro ipsa, quæ profectò habet suum terminum magnitudinis. Neque est cur ad venien- te forma unguis, aut pili, aut aliarum appendicum abiceat anima ab il- lamateria, quoniam omnes hæc formulæ sunt subordinatæ formæ prin- cipali viventis, ut explicui in Physica speculativa disp. 1. cap. de Forma.

16 Dico 2. Adeps, medulla, lac, aqua, pituita, bilis utraque (flava, & atra) semen, sanguis, spiritus utrique (vitales, & animales) non videntur informari animâ. Unde non sunt viventia, sed sunt, vel alimentum proximum viventis (& non sicut panis, & vinum) vel depositiones, & excrementa jam impura, jam puriora, jam purissima, atque de illis philosophandum videtur in ordine ad hoc, sicut de urina, de saliva, de lacrymis, de flegmate, de pode, de sudore, atque de reliquis fluentibus per interiores meatus exterioresque poros corporis. Et quidam de semine, quod perfectissimum est inter hos fluores omnes, atque omnium vitalissimum videtur, est sententia Aristotelis, de eo agentis. *Illud quoque excrementum est, habetque omnes partes potentia, actu nullam.* Neque ideò nimia venus valetudini morbos sufficit, quia rem strictè, ac formaliter viventem absumit; sed quia absumit rem, in cuius fabrica, ingens copia spirituum, & sanguinis defæcati expenditur; corpus autem eo præsidio sanguinis, ac spirituum nudatum faciliè invadunt, & occupant morbi. Neque Eunuchi ideò sunt macri plerumque, & imbelles, quia careant semine vivente; sed quia resicissis, vel exticcatis nervis primariis, patitur magnum detrimentum fabrica illorum corporum. De adipe autem, medulla, totoque abdomine certius constare videtur conclusio. Cum nullus sit in eis sensus, & sint quasi flos redundans ex carne solida, compositusque ex conglobatis ibi purioribus, & vivacioribus, magisque delicatis excrementis carnis. Sicut etiam medulla fit per juxta positionem, ex semel, & iterum transcolato per ossa succo carnis; quod ne dicas de cerebro, seu medulla cranii, nam de hac aliunde constat, esse viventem, & crescere per intus sumptionem: cum habeat venulas, seu fibras per quas attrahit alimentum: & cum anima cerebrum informans ibi eliciat imaginationes materiales, atque intellectiones, ut dicam cap. 6. quæ ambæ sunt actus vitales.

17 Probo igitur sanguinem, de quo est major difficultas, non esse viventem, & consequenter non informari animâ. Præciscendo tamen ab illa quæstione quondam acri, & jam silere iusta super separatione Divinitatis à Sanguine Christi in triduo mortis. Et primò quidem, Hurrado, & Oviedo, & alii adversarii debent disparitatem dare ad humores alios fluentes per corpus, vel alicubi reclusos, v.g. ad bilem flavam, & atram, ad sudorem, & lacrymas erumpentes ex intimo corpore, ad phlegmata, & salivam, ad humiditatem illam radicalem, sparsam per totum corpus, sine qua hoc redigeretur in pulverem. De his autem dici nequit quod de semine, non incipiente per se loquendo nisi ad annos pubertatis: si quidem illa priora experimur etiam in infantibus. Ergò videntur illa non minus esse partes integrantes hominis, quàm sanguis; qui ideò maximè juxta hos Autores vivit informaturque anima, quia est pars integralis animalis. Dicere autem, ambas biles, salivam, sudorem, succum, lacrymas, & phlegmata esse viventia, habereque sibi unitam animam, non videtur admittendum: cum hæc omnia crescant per meram juxta positionem, sicut crescit aqua

Hurrado
disp. 1. de
anima n. 4.
Oviedo c6.
rev. 1. de
anima pñc.
4.

aqua in vase, aut in flumine. Idem dico de sanguine. Præterea debent dare disparitatem ad humorem illum, quo aluntur arbores, olera, flores, fructus, quem humorem videmus quando hæc discernimus, & qui humor est sanguis horum vegetabilium quæ nutriuntur, sicut animalia illo sanguine suo. Dicere autem liquorem illum, sive humorem, quem ab imis radicibus sugunt plantæ, esse viventem, & informari formâ arboris, est durum. 2. Debent dare disparitatem ad semen, quod sanguis est nobilissimus, & defæcatissimus, de quo Aristoteles paulò ante pronunciavit, esse excrementum, & consequenter non vivere. 3. Nil substantialiter crescens per meram juxta positionem, seu adventum novarum, & novarum portionum ejusdem speciei, crescit per intus sumptionem: & consequenter non vivit vitâ vegetativâ. At sanguis uterque nimirum venarum, & arteriarum (qui secundus solet vocari *spiritus* ob suam subtilitatem, & agilitatem) crescit per meram juxta positionem: quatenus alimentum in hepate, vel in corde, vel utrobique, vel alibi, successivè conversum in sanguinem hunc augeat in venis, ex quibus transit ad arterias, ut illapsus in fornacem cordis purificetur. Ergo neuter sanguis crescit per intus sumptionem. Ergo neuter vivit.

18 4. Crescere per intus sumptionem est habere venulas, poros, fibras, vel quid simile, quo res attrahat alimentum ipsumque convertat in propriam substantiam, ipsumque sibi uniat unione continuativa, ut supra explicui. Ergo quidquid venas, poros, fibras, aut simile non habet, quibus attrahat alimentum, ipsumque in se convertat, non crescit per intus sumptionem. At neuter ille sanguis habet in se ipso poros, venulas, aut quid simile, sed est fluidus, ut constat. Fibræ autem illæ, quæ apparent in sanguine post scissionem venæ, sunt glomera congelati, & conglobati humoris ferosi, mixti cum sanguine; non verò hujus instrumenta ad sugendum alimentum; & insuper sanguis ipse non est qui convertit in sanguinem totum chilum; sed hepar, aut cor, aut utrumque juxta diversas Medicorum opiniones. Ergo. Dico totum chilum, quis sicut vinum potest converti in vinum aliquas guttas aquæ, actione tamen non vitali, ita forsân sanguis potest converti in sanguinem portunculæ aliquas chili; sed actio illa non erit vitalis ob rationes has quas produco. 5. Nil quod est alimentum generale totius viventis quoad partes, quæ certò vivunt, informatur formâ viventis ipsius. At sanguis, quando est sanguis, est alimentum generale totius viventis saltem quoad omnes partes, quæ certò vivunt, nempe quæ distinguuntur ab ipso sanguine, quoniam membra omnia, quæ in animali vivunt, sanguine nutriuntur jam immediatè, jam mediatè, jam uno modo, jam alio temperato. Ergo. Probo major. Nil quod convertitur in formam viventis informatur quando convertitur, formâ ipsâ viventis. Sicut nullus ignis convertitur in ignem nullum lignum convertitur in lignum speciei ejusdem, quia conversio poscit formas oppositas, ut dixi in physica speculativa disp. 1. Sed omne quod est alimentum generale totius viventis, saltem quoad omnes

omnes partes quæ certò vivunt, convertitur in formam viventis: quia in hoc itat quidditas alimentari, nimirum quod forma viventis convertat in se alimentum illud producendo unionem sui ipsius cum materia illius alimentari, & demum quod producat unionem continuativam illius materiæ cum priore, quam habebat forma illa. Ergò. Rationibus sic propositis sufficienter præoccupantur solutiones quas uni, vel alteri ex eis objicit Oviedo cum aliis. Et ex hoc ultimo de cursu habes paritatem, ac disparitatem inter sanguinem, & semen reliquosque fluores, qui per corpus animalis effunduntur. Parias stat in eo quod nullus ex eis vivit, nullus informatur formâ viventis, nullus crescit peritus sumptionem, sed omnes per juxta positionem, idest per novarum, & novarum portionum similitudinem advenit. Disparitas, quod ceteri omnes sunt excretiones, depositiones, excrementa, modo pura, modo impura; sanguis autem non est excrementum, sed alimentum viventis.

19 Hinc 1. Licet sanguis sit pars hominis (integralis dumtaxat, quia non est materia, aut forma, & quidem secundaria, quia non est cor, cerebrum, aut simile quid) ut solet probari ex Tridentino, & ex Innocentio III. Item licet assumptus sit à Verbo. Nihilominus non est firmum, omne assumptum à Verbo informat animâ rationali, ut fatetur ipse Oviedo, quia licet de facto non assumpsit ullam naturam irrationali completam: neque ullam incompletam non spectantem ad integritatem naturalem illius Sacrosanctæ humanitatis; assumptus tamen omne ad eam integritatem spectans. At multa ex illis licet sint naturæ irrationales, idest non informatæ per animam rationalem, ut planum videtur de omnibus illis fluoribus, seu fluidis, quæ memini num. 17. & hic repetenda sunt; spectant nihilominus ad integritatem illam. Ergò. Neque est firmum, omnem partem licet integram, & secundariam hominis, informati animâ, quoniam succus ille, sive humidum radicale, & multa ex illis fluidis, sunt partes integrantes secundariæ animalis, sicut etiam formæ partiales subordinatæ juxta eam quæ dixi in physica speculativa disp. 1. cap. de Forma (partiales inquam respectu viventis completi licet absolute sint totales respectu illius entis naturalis quod essentialiter constituunt, quia illud, v. g. os, caro &c. est absolute, ac totaliter ens naturale; Et tamen illa omnia non informantur animâ rationali. Non ergo sunt firmæ istæ rationes contrariæ.

- Levit. 17. 20 Hinc 2. Verba illa Levitici; quia anima cornu in sanguine est non probant animam bestiarum, de quibus ibi est sermo, uniti physicè sanguini; sed pendere in sui conservatione ab eo. Sicut verba illa Sapientie. Infusum anima in manu Dei sunt, non docent unionem, physicam earum animarum cum manibus Dei, sed dependentiam ab illo, quem sensum illius in frequenter invenies in Scriptura. Neque Aug. 1. 57. Augustinus docuit oppositum quando docuit. Aliquid vitale est in sanguine, quia per ipsum maximè in hac carne vivitur, ipsum vitam corporis vocavit animam; quoniam aliud est esse vitale, quatenus sit res cui physicè unitur forma vivens. Aliud esse vitale, quatenus sit res, quæ vitam

vitam affert, aut conservat. Primum disputamus de sanguine; Sed unde constat dictum fuisse ab Augustino? Secundum non disputamus, & secundum est quod dixit. Sicut etiam ille *vitalis auras carnis*, non quia auræ uniatur forma vivens, sed quia necessaria est ad vivendum. Et Curtius. *Totum propemodum corpus vitalis calor reliquit*; Et Cicero. *Caloris natura vim habet in se vitalem*, quin propterea calori uniatur physicè forma vivens. 3. Neque verba illa, *caro, & sanguis non revelavit tibi*; aut illa Pauli. *Continud non acquievi carni, & sanguini*: probant animationem sanguinis. Juxta morem namque Scripturæ, imò, & totius generis humani, frequens est loquutio per Synecdochen, idest, *pars pro toto*, aut vice versa, ut *Puppis pro Navis*. Item per Metonymiam, idest, causa pro effectu, ut *sine Cere, & Baccho friget Venus*. Cum ergo caro, & sanguis sint partes satis notæ naturæ humanæ, causæque intelligentes ad effectus non consentaneos divinæ sapientiæ, ac voluntati, idcirco humana completa natura, ad quam alludit uterque textus, exprimitur vocibus illis: *Caro, & sanguis*. Hunc autem morem loquendi per Synecdochen noravit Cyrillus in scriptura explicans quo sensu dictum sit Verbum caro factum est. Super quo scribit. *Divina Scriptura carnem plerumque nominat, & quasi ex parte animalis totius significationem facit*; nec non etiam *à sola anima interdum tantumdem ait*; quo stabiliro scripturis illis. *Videbit omnis caro salutare Dei*. Non consens carnī, & sanguinī (vide quam diversum ab ista animatione sensum horum verborum dat Cyrillus) *In septuaginta quinque animabus descendunt Patres tui in Egyptum*. Concludit; quoties igitur audimus carnem factum esse Verbum, hominem intelligimus ex anima, & corpore factum. Juxta hunc ergo morem Scripturæ loquendi per Synecdochen dico textibus istis objectis significari non sanguinem solum, sed totam integram, & completam naturam humanam.

Æneid. 1.

Curtius l. 3.

Cicero 2. de Nat. Deor. Att. 16.

Terent. in Eunuc.

Cyrril. de Incarnat. cap. 25. Luca 3. Galat. 1. Deuter. 10.

CAPUT SECUNDUM.

De Divisibilitate Indivisibilitateque Animarum.

21



QUESTIO secunda est. *An, & qua ratione anima sit divisibilis, aut indivisibilis?* Respondeo. Nulla anima est divisibilis in partes essentielles, quæ sint materia, & forma. Rationalis neque in partes integrantes. Irrationalis autem, sive sit brutorum perfectorum, sive imperfectorum, quamvis non repugnet metaphysicè quod aliqua sit entitativè indivisibilis, siquidem non profertur absurdum invincibile Deo, ex eo quod

quod unicum punctum animæ piri, v. g. replicaret Deus per totam arborem: aut unicum punctum animæ equinæ per totum illud corpus ita ut illa puncta vivificarent respectivè illa corpora, quæ utique nutrirî poterant, sicut corpus humanum, eo quod animæ illæ divinitus producerentur per creationem non autem per eductionem ex materia alimentî: quamvis inquam id possibile sit metaphysicè. At de facto omnis anima irrationalis est divisibilis in partes integrâtes homogeneas, & ejusdem omninò perfectionis: & solùm extrinsecè, & eterogeneas, eo quod accidentaliter sint unæ in partibus nobilioribus corporis, quàm aliæ. Probo primam partem. Nil quod est primum principium intrinsecum entis naturalis potest esse ex alio in eo sensu, & genere in quo ens naturale est ex ipso: juxta definitionem, & explicationem horum principiorum, quas dedi in physica speculativa disp. 1. Sed omnis anima, quippe quæ est forma substantialis entitasque substantialis incompleta, est aliquod primum principium alicujus entis naturalis. Ergò nulla est ex alio in eo sensu, & genere, in quo ens naturale est ex ipsa. Sed ens naturale est ex ipsa, tamquam ex forma ipsam intrinsecè componente. Ergò nulla componitur ex alia forma. Ergò nulla est divisibilis in partes, quarû una sit materia, & alia sit forma. Hoc sufficit pro re apud Peripateticos certa. Probo secundam partem, scilicet animam rationalem esse indivisibilem in partes integrantes. Quando homo auribus, naso, brachiis, cruribus mutilatur, quid fieret de partibus animæ, quæ membra illa informabant? Perseverarent ibidem? Hoc palam est falsum. quippe membra illa corrumpuntur. Corrumperentur illæ portiones animæ rationalis sicut corrumpuntur partes aliæ animæ quando in corpore bestiarum fit similis divisio? Ergò hæc non est absolutè, & simpliciter immortalis, & non acciperet præmium, aut supplicium tota illa anima, quæ olim bonè, aut malè operata est. Vocarentur illicò ad præmium, aut supplicium æternum, quod tunc in eo tempore mereretur homo ille? Ergò si postea mutaret statum, & in eo moreretur, unæ partes sue animæ essent beatæ in Cœlo, & alteræ damnatæ in Inferno. Restarent intra corpus illud truncum? quomodo? Informantesne partes corporis restantes ibi? An merè assistentes? Si primum necesse erat quod aliquæ partes illius trunci corporis informarentur duplici portione animæ rationalis; illa nempe, quæ prius erat, & altera de novo adveniente. Ut quid hoc? Et quæ causa naturalis determinat partes corporis, quæ duplici parte animæ informandæ sunt? Si secundum dico idem. Necesse esset quod in aliquibus partibus illius trunci essent simul duæ partes animæ, una per unionem physicam, sive per informationem, altera per puram assistentiam, sive compenetratio-nem cum illa parte materiæ. Et quæ causa determinat partem corporis in qua debent coire illæ duæ partes animæ. Ergò rationabilis est animam humanam esse entitativè indivisibilem sicut Angelum, quamvis incompletam, & naturaliter existentem unionem cum corpore, quod non verificatur de Angelo. Neque propterea anima rationalis esset simul in duplici loco *adequato* tamen si tota anima sit in capite, tota in manu,

manu, tota in pede &c. sicut neque Deus est in multiplici loco *adæquato* licet totus sit in Cælo, totus in terra &c. Etenim locus *adæquatus* spiritus non est mensurandus regulis loci *adæquati* corporis; locus quippe *adæquatus* unius puncti corporis est unum punctum loci; locus autem *adæquatus* animæ spiritualis est qui debetur ei secundum suam naturam. Sed ei debetur secundum suam naturam totus ille, in quo simul cum materia componit unicum individuum naturale completum. Ergo totus hic locus est locus *adæquatus* animæ, seu formæ spiritualis. At licet anima nostra sit tota in eis multis locis, non componit in eis omnibus nisi unicum individuum naturale completum, nempe unum hominem. Ergo. Hoc dixerim præscindendo à singulari eo dogmate Aristotelis agente lib. de communi animalium motu (si forte est suus) versus finem. *Quo circa non est opus in quocumque membro animam inesse; sed cum in certo principio consistat, reliqua membra, quod illi adjungantur, vivunt.* Quibus verbis docuisse putant aliqui, animam in solo corde esse physice præsentem. Sed commune est, ibi tantum dicere esse rem, ubi specialius manifestatur. *Pater noster qui es in Cælis*, licet æquè sit physice præsens in inferno. *Dominus in Templo Sancto suo*, licet non minus sit physice præsens in stabulo. Item loqui cum præcisione, v. g. *non est necesse quod homo sit rationalis attento predicato animalis*. Sic attento præcisè, quod alia membra utcumque vivant, sicut dicitur *aqua viva, sanguis vivus, vox viva* &c. opus non erat, quod anima ipsis uniretur; absolute tamen est necesse, quia anima informat omnia illa membra. Non est necesse minutias omnes Authorum capere in toto rigore metaphysico.

Psal. 10.

22. Ei communi, atque idcirco sensatz rationi ne respondeas: solere homines brachio v. g. mutilatos, pollere majore robore quam antea in aliquo alio permanente membro, v. g. in altero brachio. Quia id non provenit ex eo, quod ad hoc alterum revocentur partes animæ, quæ erant in brachio abscisso, & consequenter sit major multitudo agentium in brachio remanente; sed ex eo, quod copia spirituum, quæ expendebatur prius in corroboto brachium abscissum, revocatur ad remanens: atque idè hujus nervi sunt magis robusti, quando eorum Oeconomia non turbatur, ut turbatur in Eunuchis: & consequenter anima ibi existens adiuta magis robustis instrumentis, fortius operatur. Neque respondeas 2. cum Arriaga (Admittente quidem hanc sententiam, sed non probante hanc rationem) posse dici hoc, & illud, & illud; quoniam similiter de unoquoque homine *potest dici* non esse prolem legitimam, siquidem nullum suppetit argumentum prorsus metaphysicè evidenter convincens concurrisse omnia omninò, quæ desiderantur ad legitimam prolem (v. g. fuisse internum matrimoniale consensum utriusque conjugis nullo dirimente impedimento enervatum) & tamen juxta rectam rationem *non debet dici*. Nempe quia humana judicia non debent regulari per sola principia metaphysicæ, aut physicè evidentia; sed etiam per prudentialia. Et potest esse contra hæc, quod non est contra illa. Item quia non sufficit quod *possit dici*;

C

sed

sed necesse est quod *probetur* ; alias rejicientur omnia judicia humana : quia nullum ostendis contra quod *non possunt dici* mulra ; quomodo autem probat hic author illa , quæ contra præscam illam rationem *possunt dici* ? Denique quod aliqua *possunt dici* in contrarium probat , partem hanc conclusionis , & rationem qua probatur , non esse prorsus metaphysicè evidentem , sicut *quodlibet est , vel non est* . Nec pauca autem , nec levia *Præ* imminent cerebro non aquiescenti , nisi evidentiis prorsus metaphysicis , aut ineluctabilibus , ut ostendi in physica speculativa disp. 3. inter disputandum activitatem causarum secundarum ad operandum multa de novo , atque existentiam causarum absolutarum : atque ut probavi in Logica minore disp. 2. num. 13. & seqq.

23 Neque dicas 3. Fore ut si anima rationalis indivisibilis posset informare corpus divisibile , atque vultum Gigantis , posset quoque informare corpus divisum , & in qualibet vastissima mole , v. g. ascendente usque ad Perigzum saltem Lunæ . Etenim quamvis ista duo , & similia possint divinitus contingere ; verumtamen cum naturas rerum , idest , naturales vires , ac capacitates , non aliundè noverimus quam ex experienciis : hac de causa prudenter dicimus res naturales non posse facere naturaliter nisi ea , quæ experimur , atque his similia : unde prudenter dicimus , ignem non posse naturaliter refrigerare , non posse naturaliter comburere passum valde distans &c. At anima rationalis numquam informat nisi corpus humanum , aut non multum discrepans ab humano , qualia sunt corpora monstrorum aliquorum . Ergo non potest naturaliter informare nisi corpus humanum . At corpus pertingens usque ad perigzum lunæ non est corpus humanum , quia omnia humana corpora habent suum terminum notum magnitudinis , ac parvitatis , à quo discedere nequeunt . Item : corpus divisum per medium , v. g. non est corpus humanum , quia hoc ex natura sua poscit integritatem , seu unitatem membrorum consistentem in continuativa unione physica unorum cum aliis : sicut Domus , v. g. ex natura sua poscit contiguitatem unorum materialium cum aliis , & hac de causa non est ædificium illud , cujus trabes sunt Mexici , calx Limæ , lapides Madriti , & lateres Romæ . Ergo anima rationalis quamvis una simplex , & indivisibilis possit informare corpus divisibile , & magnum , quia non propterea definit esse humanum ; at non potest naturaliter informare , aut istud corpus immoderatè procerum usque ad lunam , aut istud divisum actu , quia neutrum est humanum .

24 Neque dicas 4. Fore , ut anima rationalis moveretur motibus contrariis , si eadem indivisibilis esset in brachio dextero , & sinistro , nam quando homo narat cum brachia moveantur in oppositas partes mundi , anima in oppositas quoque moveretur ; & quando unum brachium elevatur , & alterum deprimitur , anima sursum moveretur , & simul deorsum . Nil refert . Etenim mulra sunt opposita , quæ sine miraculo conjunguntur ; eo quod sit præpotens causa naturalis unio valens illa . Sic aqua , & nimius calor opponuntur naturaliter saltem inadæquatè ; & tamen ignis illa coniungit . Sic gravitas naturaliter oppo-

opponitur cum motu sursum, & tamen impulsus fortis projicit sursum gravitate lapidis. Sic demum motus in Orientem, & simul Occidentem sunt contrarii. Et tamen hæc contrarietas naturaliter vincitur per motum navis, in Occidentem, & deambulationem vectorum à prora in puppim: siquidem tunc à navi vehuntur in Occidentem, & simul propriis pedibus moventur in Orientem. At eandem indivisibilem animam in eodem tempore moveri sursum, & deorsum, quamvis in locis distinctis, & in subjectis distinctis, qualia sunt brachia distincta, est contrarietas, quam ipsa præpotens anima superare potest, nempe volendo efficaciter motus illos oppositos eorum brachiorum sibi subordinatorum quoad hoc, & consequenter volendo efficaciter similes motus animæ ipsius ob unionem physicam, quam habet cum illis duobus brachiis. Ergo ista contrarietas motuum nil refert, ut pote vincibilis per superiores vires naturales ipsius animæ. Ratio autem est. Tamen nil moveatur per se motibus contrariis per seitate naturæ, sive appetitus innati; moveri potest per se motibus contrariis per seitate electionis. Tum quia vult, & non vult Piger. Tum quia isti motus, qui obijciuntur, licet sint ejusdem animæ, ac in eodem tempore, non sunt secundum idem membrum corporis, nec secundum eundem locum: unde non sunt contrarii omnibus pensatis. Tum propter insinuatam rationem præpotentia. Aliud foret, si anima non esset physicè unita eis membris, quia tunc non esset necessarium, quod sequeretur illorum motum.

25 Ne dicas tandem fore ut anima videret, audiret, intelligeret, amaret in toto corpore, quandoquidem in toto corpore est cum omnibus suis potentiis, à quibus non distinguitur. Etenim est quidem in extremitate digiti cum omnibus suis potentiis remotis, & radicalibus, quia cum his solis identificatur. Sed non cum potentiis proximis, & completis, quia hæc constituuntur per omnes proximas dispositiones, prærequisitæ ad operandum, ut dixi in physica speculativa disp. 2. Atqui anima non identificatur cum his omnibus prærequisitis, ac dispositionibus, hoc est organis, ut constat. Ergo. Quocirca in oculis, & non in occipite videt, quia ibi, & non hic, posuit causa prima, quia voluit, organa, & dispositiones necessarias ad videndum. Ratiocinatur in cerebro, & non in digitis propter eandem rationem. Sentit verò in tota carne formaliter, aut æquivalenter tali, quia per totam illam sparsit causa prima temperamentum, ac dispositiones necessarias ad tactum, puta nervos, & nervulos. Sicut ignis tamen identificatur cum virtute remota, & radicali ad comburendum, comburit passum in quo est temperamentum ad combustionem; Sed non illud, in quo non est hoc temperamentum. Denique casus ille, quem referunt nostræ historiæ Mexicanæ de juvene illo Hispano qui à barbaris interceptus, auditus fuit dicere. *Cavalleros muerto me han*. Id est. *Quirites, occisus sum*, postquam evisceratus fuerat à barbaris Sacerdotibus, ut cor immolarent Idolo, & ex altissimo templo præcipitatus fuerat: casus inquam iste non probat humanam illam animam fuisse divisibilem, quasi pars fuerit in corde illo avulso, & pars remanserit in corpore, quod

*Acosta lib.
5. biff. in
dice c. 22.
Ovalle biff.
de Regn.
Chilen.*

Herrera
Decada 3.
lib. 2. c. 16.

proculit illa verba. 1. Quia hi Authores non proferunt aliud testimonium, quam aliquorum militum ajentium, se in furioso noctis illius conflictu Mexicano audivisse illa verba. Deus autem scit, qui, & quales erant illi gregarii milites, & quod temperamentum habebant in cerebro. 2. Quia ut bene notat Oviedo signum vitæ non fuit notatum in avulso corde, sed in corpore ex corde. Unde non probatur animam illam fuisse divisibilem, sed perseverasse in corpore per aliquod tempus post eviscerationem. Quod posse naturaliter contingere multis exemplis probat Eusebius.

Euseb. de
occulta phi
los. lib. 3.
cap. 15.

26 Probo tertiam partem conclusionis. Nimirum animas irrationales utrarumque illarum bestiarum esse divisibiles in partes integrantes. Ubi suppono, quod capite octavo hujus Disputationis fusiis exponam: videlicet Bruta gaudere animâ, & sensu, & non esse inanimas quasdam machinas, instar Mechanicarum, ut aliqui opinantur. Arguo nunc. Bruta perfecta vocat Aristoteles illa, quæ divisa in partes in nulla eliciunt ullam perceptibilem operationem vitalem, v.g. canis, equus &c. Imperfecta vocat, seu insecta, seu insectilia ea, quæ si in partes dividis, experieris in utraque elicere operationes vitales, v.g. vermes, centipedæ, colubri &c. quia non solum moventur progressivè, ita ut una pars tendat in Orientem, & altera in Occidentem; verum etiam sentiunt si pungantur, contrahuntur, fugiunt, declinant à via, si offendiculum inveniant. Sensatio verò, & motus progressivus sunt indicia non levia vitæ ibi durantis per aliquod tempus, quamvis tandem moriantur partes illæ ob defectum consortii, atque fomenti aliarum, atque ob dissipationem spirituum ex divisione illa nascentem. Dicerè autem indivisibilem animam lacertæ, v.g. esse in utraque illa parte invicem separata, vel in instanti separationis deficere totam animam indivisibilem præcedentem, & de repente produci duas alias, quarum una informet unam partem illius corporis, & altera alteram, siquidem unaquæque ex illis partibus est magis proximè disposita ad illam animam, quam pulvis, v.g. ex quo de repente produci solent pulices, culices, parvuli bufones, & similia, quæ in ictu oculi solent formari ex putri. Dicere inquam hæc, esset sternere viam volenti defendere, animam arboris esse indivisibilem, & formam ignis, & hujus papyri, & similes omnes. Nempe quia his corporibus divisis eadem indivisibilis forma, quæ est in una parte, esset quoque in altera, bilocata scilicet: vel quia in instanti ipso divisionis deficit tota prior indivisibilis forma, & de repente producuntur duæ aliæ propter eandem partem animalium, quæ repente nascuntur ex putri. Oportet meminisse, non esse dicenda quæcumque sine evidente ratione contraria dici possunt; quoniam à prudentia standum est Philosopho; quæ autem prudens ratio suadet alterutrum ex istis?

§. II.

27 **I**gitur difficultas præfens stat primariè in divisibilitate animarum brutorum perfectorum. Probo illam. Considera equum, v.g. in prima die suæ animationis, & eundem postquam per multorum dierum nutritionem acquisivit totam corpoream substantiam, quam habet jam. Anima, quæ informabat illas primas portiones corporis equini distinguitur realiter ab anima informante has alias, quas nutritione successiva acquisivit. Sed ambæ dantur simul in hoc corpore equi magno, & nutrito. Ergò in eo dantur duæ anime. Sed non adæquatè, ac totales, quia sicut caput, collum, & dorsum non faciunt tria corpora equina, sive tres equos, sed sunt partes integrantes ejusdem equi: ita illæ animæ non faciunt duos, aut tres equos, sed unum tantum quatenus unius tantum sunt partes integrantes. Ergò in hoc equo magno, & nutrito dantur multæ animæ inadæquatæ, ac partiales. Sed in hoc stat quod anima hujus equi sit divisibilis in partes integrantes. Ergò est. Discursus totus procedit, & sola major, ac minor priores indigent explicatione. In primis minor videtur certa; quoniam si successivè nutritione deficeret tota anima equina, quæ erat prius, & generaretur nova, equus nutritus, & adultus non esset idem numero physicè, & realiter quoad essentialia (quidquid sit de moralitatibus pertinentibus quidem in aliis rebus; sed impertinentibus in re entitativa, & philosophica, qualis est præfens) qui olim fuit conceptus, & animatus in ventre materno. Sed hoc est falsum.

28 Nam licet equus, & homo, & reliqua viventia nutritiva frequenter mutantur quoad integralia quatenus jam acquirunt, jam amittunt novæ partes substantiæ; ac quoad essentialia, & physica constitutiva semper sunt respectivè unum, & idem individuum animal. Idem namque numero, & individuus est homo quoad essentialia, qui modo est senex, & qui olim erat adolescens: & idem similiter qui modo est adolescens, ac qui olim erat puer: & qui modo est puer, ac qui quondam erat infans. Non enim sunt mutabilia physica intrinseca essentialia constitutiva rerum. Et alias non poterit esse bonus senex ille idem quoad essentialia, qui olim erat effrenis adolescens; sed erit alius homo physicè entitativè distinctus saltem inadæquatè. Ac propter eam dicebam in Physica speculativa disp. 1. cap. de toto substant. solam materiam primigeniam esse de essentia hujus individui compositi substantialis, quia illam numquam mutat hic individuus homo v.g.; cæteræ autem portiones, quas nutritione acquirit, vel casu aliquo amittit, esse dumtaxat partes integrantes. Unde si illæ adveniant, sive non: item si illæ conferrentur, sive amittantur, homo est idem numero physicè entitativè quoad essentialia, licet non quoad integralia. Et propter

propter eandem dico nunc, solam eam individuam animam, seu partem animæ equinæ, quæ in primo animationis instanti informavit, seu animavit illam individuam materiam primigeniam hujus individui equi, esse de essentia ipsius; cæteras autem partes animæ quas nutritione acquirit, aut casu aliquo amittit, esse dumtaxat partes integrantes, & membra non informata, sed informaticia: unde si illæ adveniant, siue secus; item siue conserventur, siue secus, equus est idem numero quoad essentialia, quamvis non quoad integralia. Quod si intuleris, fore ut essentia hujus individui equi constituitur non per animam, sed per punctum animæ. Reponam fore ut essentia ejusdem constituitur non per materiam, sed per punctum materiæ, quandoquidem non est de essentia illius tota illa materia, quam decursu vitæ habet, & acquirit, & amittit; sed illa sola primigenia, quæ vulgò dicitur *minimum naturale*. Nego itaque ambas illationes; quia licet essentia metaphysica equi, aut hominis, utrumque possit explicari in unico puncto materiæ, & animæ divisibilis, substantialiter unitis, non quatenus tunc daretur verè, ac simpliciter homo, aut equus; sed quatenus hæc prædicatur *Animal rationale*. *Animal binnibile*, ut sic abstracta, & præcisa, non ostendunt formaliter immediate, divisibilitatem esse de essentia illius subjecti. Ast non salvaretur absoluta essentia illorum; quia non salvaretur essentia physica. Hæc namque stat in corpore, & anima respectivè divisibilibus, & substantialiter unitis, quia homo essentialiter constat corpore *divisibili*: Equus & reliqua similia, corpore, & anima divisibilibus in partes (quarum numerus Deo, & Angelis notus est) quoniam divisibilitas corporis, & animæ non est prædicatum accidentale equi, sed essentialiter. Ergo neque unicum punctum corporis, neque unicum animæ sufficiunt essentia physica equi. Unde solutam habes hanc replicam. Unicum punctum animæ equinæ est indivisibile in partes integrantes. Sed in unico puncto stat essentia physica illius animæ. Id nego, quia est essentialiter divisibilis in tot partes, quod Deus scit: sicut ternarius numerus est essentialiter divisibilis in tot unitates, quot omnes nos scimus.

29 Probo jam majorem illius discursus num. 27. Omne non educit de potentia materiæ acquisitæ per nutritionem, distinguitur realiter ab educito de potentia illius materiæ: quia in creatis non agnosco capacitem ad suscipiendum duo prædicata contradictoria. At anima equina, quæ informavit materiam primigeniam equi, nempe illas primas portiones corporis equini, non educitur de potentia materiæ acquisitæ per nutritionem. Anima verò, quæ informat hanc materiam, educitur de potentia illius, seu in illa recipitur, quia omnis forma materialis recipitur in ea materia, quam informat, seu educitur ex illa, cum solius animæ rationalis privilegium sit, non educi de materia quam informat, seu cui unitur. Ergo. Probo primam partem minoris. Eductio est physice ex parte rerum actio productiva rei essentialiter unica alii tamquam subjecto præsupposito, ut fuscè explicui in physica speculativa disp. 3. cap. de creatione, & educatione. Ergo si anima equina, quæ informavit materiam primigeniam equi, educeretur de poten-

Divisibilitas, & Indivisibilitas Anim. 23

potentia materiz acquirat per nutritionem, produceretur per actionem essentialiter unitam huic materiz. Tunc sic. Illa anima jam erat producta per actionem essentialiter unitam materiz primigeniz multo antequam acquireret nutritione istas novas partes materiz. Vel ergo perseverat illa prima productio, vel non. Si primum sequetur animam equinam tot simul produci actionibus, quarum singule sunt plene sufficientes, ut existat anima illa, quot sunt particule materiz in toto corpore equino: nam quamlibet particulam informat, cuilibet unitur, & consequenter ex qualibet educeretur: & sanè per actionem distinctam, siquidem actio, qua educitur ex particula A. huic soli essentialiter unitur, & non particule B, cum potuerit existeri sine hac. Ergo si perseverant primæ illæ productiones quando adveniunt hæ aliz, innumeris actionibus producitur, & conservatur simul anima equina, quarum singule sunt sufficientes. Ut quid tanta multitudo actionum totalium quoad sufficientiam respectu unius, ejusdemque termini, quem censet enitativè simplicem, ac indivisibilem? Deinde quæ causa naturalis producit successivè istam animam equinam per actiones essentialiter alligatas istis novis particulis materiz, quas frequenter acquirit equus per nutritionem? Ipsa ne anima producit se ipsam per actiones istas? Causa ne prima? At certè potius ipsa anima debebat se producere per actiones alligatas essentialiter istis novis particulis materiz, siquidem ipsa est, quæ acquirit illas per nutritionem.

30. Si propterea dicatur secundum: nempe deficere omnes priores educationes hujus formæ ex prioribus partibus materiz, quoties nova advenit pars ex vi nutritionis, quæ de novo informat illa anima, & ex qua de novo educitur; contra est. In primis quæ causa naturalis ponit istam novam actionem productivam formæ equinæ? Debebat esse forma ipsa, siquidem ipsa est quæ nutritione acquirit novas partes materiz in equo: & tamen ipsa non potest esse, quia negat se ipsam producere. Deinde. Ista nova, & nova, & iterum nova actio quoties nutritur equus, ex qua censet produci dependenter à materia animam indivisibilem equi, cum siteductio habet ex suamet essentia uniri alii tamquam subiecto præsupposito, quia, ut dixi, hic est character quod distinguitur à creatione, & in hoc tandem resolvuntur præfixæ illæ phrasæ *feri ex aliquo, feri ex nihilo*, ut sæpè explicui loco citato. Er rursum cum siteductio ex omnibus, & singulis particulis materiz equinæ, quia in omnibus, & singulis recipitur ista anima indivisibilis, quandoquidem omnes, & singulas informat, & vivificat, habebit ex sua essentia uniri, omnibus, & singulis particulis materiz equinæ. At hæ habent extensionem localem, & unæ distant & ab aliis. Ergo ista nova, & nova actio habet ex sua essentia uniri rebus invicem distantibus localiter. At omne unicum physicè alii debet esse in aliquo eodem loco, in quo est illud alterum, quando non est unio merè contiguitatis, aut solius continuationis, ut dixi in physica speculativa disp. 1. cap. de unione. Ergo ista nova, & nova actio habebit ex sua essentia esse simul in locis distantibus, v. g. in labio equi, & in pelle cruris; ergo

cum

cum non sit forma spiritualis, sicut anima rationalis, habebit ex sua essentia esse in multis locis adæquatis, & habebit in toto corpore equino præsentiam similem ei, quam habet anima rationalis in toto corpore humano. Et præterea quoties minimam particulam substantiæ amittit equus, mutabitur tota productio totius illius animæ, siquidem prior jam non unitur particulæ illi amissæ: & de repente dabitur alia productio illius animæ, quæ essentialiter uniatur particulis materiæ remanentibus. A qua causa procedit ista nostra productio? Ut quid? qua necessitate, quo fundamento speciali? Rationabilius itaque videtur, animam equinam, & cæteras omnes materiales, esse entitativè divisibiles; secus animam rationalem, cum non militet contra hanc ratio desumpta ex eductione de potentia materiæ, quam informat, quæ militat contra illas, neque ratio alia similis.

31 Tria solent obijci. Primum. Si equus percutiatur in capite, protinus solet operari alterutris pedibus. Ergo, quia eadem est anima in omnibus his partibus. Nego consequentiam, quia in suppositis, certò distinctis realiter adæquatè, solet esse eadem sympathia, quæ unum accipit subito, & totum commoveretur, quando patitur alterum, ut experimur in matribus tam rationalibus, quam irrationalibus respectu filiorum parvulorum. Certè de illa femina dicit apertè Scriptura: *Commota sunt quippe viscera ejus super filio suo*, quin propterea esset eadem anima in Matre, & Filio; quid ergo mirum quod inter partes ejusdem animæ equinæ detur ea sympathia, ut patienti uni protinus succurrat altera? Partes ergo animæ, quæ sunt in pedibus equinis sentiunt non formaliter, sed per consensum dolorem inflictum partibus, quæ sunt in capite: & ideo moventur ad defensionem. Secundum. Si anima equi nil est aliud, quam congeries particularium viventium poterunt aliæ, & aliæ, & aliæ supervenire per nutritionem, vel aliter: Et sic anima equi unius poterit implere totam regionem hanc. Nego consequentiam, quia sicut corpus licet sit divisibile in partes integrantes habet suum terminum naturalem magnitudinis, ac parvitatís. Ita materialis anima tamen si divisibilis sit, & formetur per additionem, partis ad partem, habet suum terminum naturalem magnitudinis ultra quem nequit assurgere naturaliter; quod si Deus plures, & plures illi adderet partes, contingeret quod corpori equino, vel mulsæ alieujus, quibus adjiceret Deus partes, & partes usque ad Apogzum Saturni. Nempe tam corpora hæc, quam animam illam completuram divinitus, æque ob solam Dei potentiam immensum hoc spatium; quod absurdum? taneus autem numerus partium esset intrinsecus, & essentialis non quidem illi animæ equinæ, quia hoc essentialiter constat illo solo numero partium, quem scit Deus, ut adverbi num. 28. sed illi aggregato coalito ex innumeris eis partibus animæ. Et idem dico de corpore equino, aut humano, cui Deus plures, & plures adjiceret partes. Illas nimirum fore essentielles complexo ex illis omnibus, ut constat; sed non corpori humano, aut equino, quoniam hoc constat quidem essentialiter partibus, sed illis solis, quas Deus novit; quemadmodum si terna-

rio

3. Reg. 3.

rio adjungamus novas, & novas unitates, hæ erunt intima constitutiva numeri qui ex illis omnibus resulter; sed non ternario ipsi, quoniam hic essentialiter quidem constat unitatibus, sed tribus solis.

32. Tertium. Vermis divisus, in utraque parte elicit operationes vitales; secus canis, vel equus. Ergo, quia anima illius non verò horum est divisibilis. Nego consequentiam; quia cum animæ horum sint multò perfectiores, ac delicatæ; majore indigent fomento reciproco partium corporis sicut meliore temperamento, & organizatione. Ergo fomento, & organizatione corrupta per divisionem corporis, animæ illicò corrumpuntur in utraque parte divisionis: & motus ille, quem in alterutra experiri solemus, cum sit tumultuarius, & per tempus breve potest nasci ex spiritibus replentibus illas partes, sicut motus arteriarum nostrarum proveniens ex igneo sanguine, aut mercuriali ibi latente: & sicut motus retortus, ac circularis viperini corporis, etiam postquam decapitatum, excoiatum, & penitus evisceratum est: & consequenter privatum animâ. Est enim refertum totum plurimis, & vivacissimis spiritibus, ut constet ex potentissimo veneno illius bestię flante in qualitate nimis frigida, seu coagulante, ob antipathiam illorum spirituum, cum quibus gignitur in corpore viperino, & quorum est quasi excrementum, atque depositio posita in ore ejus. Cæterum cum animæ lacertarum, vermium, & viperarum sint minus perfectæ, & ita vocentur insecta omnia, rudiore contentæ sunt organizatione. Unde durant in membris post divisionem, & consequenter post destructam propriam, & solitam organizationem. Neque hinc probatur majus robur in his, & major debilitas in illis animabus: sicut neque ex eo quod anima humana exigit temperamentum magis nobile, ac delicatum, quam asinina, & facilius discedat à corpore, quam anima Elephantis, aut quercûs, sequitur esse his imperfectiorem. Judicium enim comparativum non debet formari ex uno solo, vel altero titulo; sed ex omnibus, ut sæpè adverti.

33. Probo denique ultimam partem conclusionis scriptæ num. 21. Videlicet partes quibus constat anima materialis esse homogeneas, seu ejusdem omnino entitativæ perfectionis, & solum extrinsecè, ac per accidens etherogeneas. Considera partem animæ equinæ, quam censeas omnium imperfectissimam, v.g. partem pedis, & consequenter cum sit ens verum, & reale, habere perfectionem tantum ut duo, v.g. Nullum est fundamentum, ut dicamus partem, quæ est in corde, v.g. esse perfectiorem illâ, seu habere perfectionem ut quatuor. Ergo id non est dicendum. Ergo dicendum utramque esse perfectam solum, ut duo, & consequenter esse homogeneas, seu ejusdem speciei. Ubi ut jam vides non elevo animam pedis ad animam cordis, sed hanc deprimò ad solam perfectionem certam illius: seu non do imperfectiori perfectionem majorem, quæ sine urgente fundamento tribuitur illi. Probo antecedens. Fundamenta, quæ profertis, sunt; quod anima cordis est per se ab intrinseco determinata ad meliores illas dispositiones, ac temperamentum cordis, ne parum philosophicè recurramus ad Deum

solum pro determinatione illius partis animæ, quæ debet informare cor, illius quæ debet informare oculos &c. Item quod anima, quæ est in corde, & quæ est in oculis operationes elicit longè meliores quàm anima, quæ est in pede. Sed hoc secundum, quamvis verum sit, non probat, quia melioritas operationum istarum non probat melioritatem animæ elicentis illas, sed melioritatem temperamentum, organorum, & aliarum dispositionum, quæ sunt in corde, atque in oculis, & non sunt in pede (& in hoc stat quod partes illius animæ sint etherogenæ extrinsecè, ac per accidentis). Sicut quod anima nostra ratiocinetur in cerebro, & non in tibia, videat in oculis, & non in digitis &c. non probat animam esse meliorem in unis partibus, quam in aliis, sed in unis organis posuisse Deum temperamentum, ac dispositiones, quas noluit ponere in aliis: & qualitas effectus non raxatur solum per qualitate causæ principalis; sed etiam instrumenti, quo operatur hæc, & subiecti, in quo operatur. Illud autem primum est falsum, quia ex nullo capite constat partem illam individuum animæ equinæ, quæ per totam vitam equi est in corde hujus, eo quia semel ibi fuit producta, & non mutat subiectum, esse per se ab intrinseco determinatam ad informandum cor, & non potuisse informare pedem. Sicut esset falsum dicere, individuum illam partem materiæ, quæ est in corde, esse per se ab intrinseco determinatam ad formandum cor, & non potuisse esse materiam pedis. Ergo nullum est fundamentum ad dicendum partem animæ equinæ, quæ est in corde, esse perfectiorem parte ejusdem animæ, quæ est in pede, seu illam habere perfectionem, ut quatuor, & hanc esse perfectam, ut duo, quam ponimus esse minimam perfectionem, quam potest habere.

34 Itaque vivaciores illæ partes, quas Deus, & Angeli norunt, sanguinis paterni illapsi in matriem equæ, v. g. & ibi inventientes sanguinem proportionatum maternum, post tale, & tale tempus sunt proximè capaces, ut singulæ producant *sanguinem causa instrumentales* unam partem formæ equinæ: & cum non sit prior ratio, ut pars A, illius sanguinis producat partem A animæ, quam partem B, causam primam, cujus est determinare quoad individuum, determinat partem A, animæ equinæ, quæ producenda est in ea particula illius minimi naturalis, in qua futuri sunt oculi: atque partem B illius animæ, quæ per partem B illius sanguinis *sanguinem per causam instrumentalem* producenda est in ea particula illius minimi, quæ futura est cor, & sic de aliis. Neque dedecet Philosophum, si Christianus est, recurrere ad causam primam universalem, quando inter causas secundas concurrentes nulla deregitur proportionata ad effectum, prout in præsentiarum nulla detegitur; quamobrem pars animæ equinæ, quæ est in corde, ibi est illa quoad individuum, & non alia unice à priori, quia Deus cujus solius est determinare quoad individuum, quando nulla alia causa determinare potest illud, voluit quod illa numero informaret illam individuum partem equi: & illa eadem individua pars animæ potuit ex se informare aliam quamlibet partem corporis equini. Verumtamen illa

illa pars animæ cum non per accidens, sed ex sua natura sit pars animæ equinæ, inde est quod ex natura sua connectitur cum eo numero aliarum determinatarum partium animæ, quem Deus scit constituere essentialiter physicam animæ essentialiter divisibilis equinæ, & talis in individuo: & non cum aliis animæ partibus. V. g. partes, quibus essentialiter constituitur anima Bucephali, non connectuntur cum partibus quibus essentialiter constituitur Anima Alastoris, quæ si illis adiungerentur, ut adiangi poterant, essent partes integrantes non verò essentielles animæ Bucephali: quia super essentialitate partium animæ divisibilis philosophandum est, sicut super essentialitate partium materiæ. Rursus cum anima ipsa Bucephali suapte natura connectatur cum eo, quod una sua pars sit in capite, altera in corde, altera in hepate &c. singulæ quoque ipsius partes naturaliter connectuntur connexione terminativè disjunctiva cum eo, quod una, quæcumque sit, informet cor, altera quæcumque sit, informet cerebrum &c. sed nulla connectitur cum eo, quod ipsa determinatè informet illam determinatè partem quam informat, quoniam hujus determinatæ connexionis nullum invenitur fundamentum.

35 Dixi de sanguine illo esse causam instrumentalem, quia cum ille sanguinis non informetur forma vitali equina, ut dixi num. 16. non potest esse causa principalis univoca formæ equi generati. Non item æquivoca idest superior, & eminentialis (æquivoca enim quæcumque sit inferioris speciei non sufficit) quia cum ille sanguis fiat, atque elaboretur ab equo Patre, & equa Matre, non potest habere formam substantialem entitativè perfectiorem formæ equi filii. Sed ex alia parte sanguis ille verè concurret physicè ad formam filii, ut dixi in physica speculativa disp. 1. Ergo restat, ut concurrat, ut causa instrumentalis. Et causa principalis erit anima ipsa, equæ, nam hæc cum sit ejusdem speciei cum anima equi filii, & habeat sibi approximatam materiam dispositam, nempe complexum ex utroque sanguine dicto, producit uniformiter dissimuliter partes, quas Deus determinat animæ sui filii in partibus illius materiæ. In generatione hominis, & animalium, quæ generantur ex putri, atque ex Ovis solus Deus producit animam, sed ob diversam rationem. *Rationalem*, quia hæc producitur per creationem, & solus Deus absolute loquendo create potest, ut dixi in Prodomo disp. 4. num. 85. & seqq. *Putidam* illam vermium, & illas alias, quæ procedunt ex animalibus oviparis, ut sunt pisces, volucres &c. quia non apparet causa secunda proportionata, quæ sit univoca, vel æquivoca, formalis, vel eminentialis illorum viventium. Semen quippe inhærens ovis cum non informetur formæ vivente, non est ejusdem neque altioris speciei respectu viventis geniti. Ergo non potest esse causa saltem adæquata illius. Ergo recurrere oportet ad causam primam. Huc usque dicta super entitativa æqualitate partium componentium animas materiales, non probant metaphysicam, aut physicam impossibilitatem animæ materialis compositæ ex partibus entitativè eterogeneis, & dissimilibus; quoniam si specifica distinctio inter materiam, & formam non impedit quod ens naturale componatur essen-

essentialiter ex illis : cur similis distinctio inter partes A , & B , impediet animam aliquam componi ex illis integraliter ? Supponunt hæc omnia , ut vides , bruta habere animam , & non esse initar machinarum artificialium , ut in sua Margarita opinatur Gallæus ille Medicus Pereyra . Suppositionem hanc fusè probavi in Physica speculativa disp. 1. contra Doctores illos , qui negant formas substantiales , & multipliciter , diversitatemque rerum naturalium componunt sicut larruncolorum ludum , nimirum per motus , & elementa , sic , & sic combinata . Magis autem specificè probabo suppositionem illam cap. 8. hujus Disputationis ; & etiam cap. 9.

CAPUT TERTIUM.

De Mortalitate , & Immortalitate Animarum .

Eccles. 3.

36



QUÆSTIO Tertia est . *An animæ sint mortales , an immortales ?* Respondeo . Omnis anima materialis hætenus nota est mortalis . Nulla verò rationalis est mortalis , sive corruptibilis . Probo primam partem , quam satis aperte docemur ab agente . *Unus inventus est hominum , & jumentorum ;*

cum inæqualitate verò mox explicanda : nimirum , unus , seu æqualis , quoad unionis animæ corruptionem ; sicut quoad animas ipsas . Arguo sic . Omne vivens , quod naturaliter deficit , si separetur à materia , & per agentia naturalia est separabile à materia , est naturaliter mortale . At omnis anima materialis , seu irrationalis hætenus nota in primis est vivens , ut suppono . Deinde naturaliter deficit , si separetur à materia . Et demum per agentia naturalia est separabilis à materia , id est , per agentia naturalia est destructibilis unio ipsius cum materia , ut experimur in unis , & prudenter judicamus de cæteris omnibus , quas non experimur . Ergo . Probo illam secundam partem minoris . Fateor multa esse , quæ licet ex natura sua connectantur cum alio , naturaliter perseverant deficiente illo alio . Sic aqua suapte natura connectitur cum aliqua frigiditate ; & tamen naturaliter existit , hoc est sine miraculo , tametsi orbetur omni frigiditate . Sic materia prima naturaliter connectitur cum aliqua forma , & tamen disp. 1. physico speculat. dixi naturaliter perseveraturam illam aliunde supposito miraculo privationis omnium formarum . Sic anima ipsa rationalis , ut pote entitas substantialis incompleta , naturaliter connectitur cum corpore ; & tamen nullum est miraculum in eo quod post separationem à corpore conservetur . Quamobrem ex mera connexionē physica omnis formæ materialis cum unione ad materiam , & cum sua edu-

eductione ex illa, non potest concludi illam non posse naturaliter existere separatam à materia. Verumtamen sunt etiam alie connexiones merè naturales, tales, ut deficiente termino naturaliter deficiat fundamentum, ita ut sine miraculo non possit diutius conservari. Sic unio animæ etiam rationalis cum corpore, ita connectitur naturaliter cum motu sanguinis, cum continuatione quorundam membrorum, cum integritate aliorum, ut cessante illo motu per viperinum morsum, deficiente ea continuatione per abscissionem capitis, corrupta illa integritate per transfixionem cordis, naturaliter deficiat ea unio, ita ut sine miraculo non possit tunc perseverare unio animæ cum corpore. Sic individua hæc præsentia hujus ædificii ita connectitur naturaliter cum fundamentis suis, ut his nutantibus, vel ruentibus, naturaliter deficiat illa præsentia, ita ut sine miraculo non possit illa eadem conservari.

37 Hujusmodi est connexio omnis animæ irrationalis cum unione sui ad materiam. Ratio est illa una, ex qua deprehendimus prudenter cæterarum omnium rerum connexiones, oppositiones, reliquasque proprietates. Nimirum experientia. Dicere namque animam irrationalem esse entitatem incompletam non sufficit: quoniam rationalis etiam est entitas incompleta. Dicere illam non posse quidquam operari sine materia, probabit ad summum illam non posse diu durare separatam à materia; at si non poterit durare naturaliter per aliquot instantia? Est ne physicè necessarium quod actu operetur in omnibus, & singulis momentis, quibus existit? Præterquam quod, cum nesciamus virtutes omnes operatrices, quibus funguntur omnes hæc herbæ, omnia hæc quæ inter manus quotidie habemus, & multæ illarum numquam reducantur ad actum: unde novimus id, quod anima equina separata à materia posset, aut non posset operari in materia, cui applicaretur? Dicere illam suapte natura esse educibilem ex potentia materiæ, & ideo esse materiale, & corpoream, non sufficit. Nam unde constat istam connexionem esse ex illis in quibus fundamentum non potest conservari sine miraculo, deficiente termino? Præterea. Cumeductio formæ materialis, & hujus unio cum materia, sint res diversæ, ut suo loco dixi, quandoquidemeductio est accidens, & unio illa est substantia: &eductio non est unio sui termini, sed unio sui ipsius cum materia (ut explicui in physica speculativa inter explicandum discrimen aductionis à creatione,) cur non poterat perseverareeductio formæ materialis etiam si deficeret hujus unio cum materia? Firmior ergo ratio videtur natura ipsa omnium formarum materialium. Hanc naturam non probamus à priori, sicut nec aliarum rerum naturas, v.g. animalitatem hominis, vim combustivam in igne &c. sed à posteriori, nimirum ab experientia. Unde novimus unionem animæ rationalis cum corpore ita validè connecti ex sua natura cum motu sanguinis, cum integritate cordis, cum continuatione capitis, ut aliquo ex his deficiente non possit illa perseverare sine miraculo? Ex sola experientia. Atqui ex hac eadem novimus non posse perseverare animam equinam, & idem dico

dico de omnibus materialibus, deficiente unione illius cum materia; quia nullum prorsus habemus fundamentum ad iudicandum illam umquam perseverasse; imò neque ad suspicandum. Nam ubi, quandiu, quomodo perseverat? Ergo nisi sis ex illis, qui ubique hærent, qui ubique dubitant, quosque omnes terrent aur a: sonus excitas omnis suspensio, eo quod non acquiescunt nisi metaphysicis evidentiis, rationabiliter judicare debes nullam ex dictis animabus posse sine miraculo conservari separatam à materia sicut quantitas separatur ab illa in Eucharistia; ergo omnes illæ animæ naturaliter deficiunt, si destruatür unio illarum cum materia. Ergo cum prius vixerint, morientur. Ergo sunt mortales. Porro id intelligendum est de animabus solis hæctenus notis, & de aliis similibus, quia nolo disputare modo amplissimam rem possibilitatis. Non enim est facile definire quod sit metaphysicè impossibile aliquid vivens, cuius animam nullum agens naturale creatum possit ex se separare à materia, sed solus possit Deus.

38 Probo secundam partem, scilicet omnem animam rationalem saltem huius speciei, quam novimus (ab aliis possibilibus aliarum possibilitatum specierum abstrahe, quia non bene notum habemus infinitum vulgus rerum aliarum metaphysicè possibilitatum, & quia cum accidentia omnia spiritualia, sint immaterialia; & tamen corruptibilia sint: ideo ex mera, & sola immaterialitate utcumque, non inferitur incorruptibilitas) esse immortalem, non solum ex privilegio, five ex voluntate divina conservandi in æternum illam, quam semel creavit; sed ex sua propria naturâ. Et primò quidem immortalitatem animarum nostrarum satis apertè docent Scripturæ. *Ibunt in supplicium æternum. Insuper autem in vitam æternam;* & alibi passim. Neque potest dici: aliud esse ire in ignem, & vitam, quæ futura sunt æterna. Aliud in ignem, & vitam, in qua ipsi homines futuri sint respectivè æternum. Sententiam autem esse de primo; non verò de secundo. Istam enim tergiversationem iam vulgarem tempore Augustini, & ab ipso refutatam prævenit Paulus inquit: *Æternum gloria pondus operatur in nobis.* Ubi illo in nobis docet gloriam, futuram esse æternam; non secundum se præcisè, in se, ac absolutè; sed in nobis, & respectivè ad nos. Clarius autem ipse Dominus inquit de scandalizantibus. *Ubi vermis eorum non moritur, & ignis non extinguitur,* quod ter inculcans in illo eodem capite, & cum ea voce eorum, eorum, eorum satis apertè docet, vermem, & ignem non futuros utcumque æternos; sed in eis, & respectu eorum; & consequenter animas illas numquam in æternum morituras. Sed quia homines abdomini suo dediti, & ex fece illorum, qui dicunt. *Comedamus, & bibamus: cras enim moriemur;* dicere poterant duo. Unum est: idem præmium, ac supplicium manere respectivè corpora, non quia hæc sint immortalia, sed quia resurrectura sunt: unde animas quoque manet utrumque; non quia immortales, sed quia redivivæ esse debent. Alterum est, morem esse Scripturæ, imò & secularis literaturæ, dicere æternam rem, quæ licet finem habitura sit plurimum tamen duratura est: quem scripturarum morem in rebus aliis notant graves Theo-

Theologi, v. g. lex dicebat de hero, cujus domum volebat relinquere servus. *Perforabisque aurem ejus subulâ, erisque ei servus in aeternum.* Et de Tyro varicinatur Ezechiel. *Et requisita non invenieris ultra in sempiternum.* Imò notum est Horatianum illud. *Servitus aeternum qui parvo nesciet ui;* quibus loquendi formulis satis frequentibus in utraque litteratura non significatur res absolutè, ac simpliciter carens fine; sed res multum tempus duratura.

39 Quia inquam, his & similibus cavillationibus, poterant homines suis appetitibus blandientes, hallucinari: Duo Concilia Generalia fugaverunt istas ineptias. Lateranense sub Leone X. *Damnatus, & reprobumus omnes asserentes, animam intellectivam, mortalem esse & unicam in cunctis hominibus; & hac in dubium vertentes. Cum illa non solum verè per se, & essentialiter hominis corporis forma existat; verum, & immortalis &c.* Item Florentinum definiens, animas nostras post separationem à corporibus, vel purgari, vel in Caelum mox recipi, vel mox in infernum descendere. En definitum animas nostras esse immortales, & non fore redivivas post mortem suam; sed post mortem corporis, mox ire in unum locum, vel in alium. Et en disparitatem inter textus novi Testamenti docentes vitam simpliciter absolutè aeternam, sine fine felicitem, aut infelicem: a quo istos alios textus Exodi, Ezechielis, nec non Ecclesiastici loquentis de Aaron: *Statuis ei Testamentum aeternum*, ac de Phinees, *ut sit illi Sacerdotii dignitas in aeternum*, nempe in longum tempus, quia testamentum, & Sacerdotium Leviticum, ad quod pertinebant hi duo viri, habiturum tandem erat finem, ut Paulus scripsit ad Hebræos, & nos experimur. Disparitas autem stat in eo, quod cum Ecclesia sit *Columna, & firmamentum veritatis*, ut scribit Paulus, est interpret legitima verborum Scripturæ. At verba significantia aeternitatem futuræ vitæ intellexit semper Ecclesia non de tempore utcumque longo, sed de aeternitate simpliciter, ac verè tali; secus ista alia verba Exodi, Ezechielis, & aliorum veteris testamenti, ubi frequenter invenitur ista phrasis longum dumtaxat significans tempus, ergo.

40 Huic dogmati consonat universalis consensus omnium hominum, vel mediocriter rationalium. Hinc nationes illæ, & priscæ sequæ Pythagoram, atque Platonem, & modernæ in utraque India, non audentes asserere mortalitatem animarum, commentæ sunt, atque comminiscuntur illam transmigrationem ab unis corporibus in alia. Consonat quoque ratio moralis. Antiquissima est illa, vel querimonia, vel admiratio: quod cum Deus sit justus Judex, & unicus supremus Gubernator Reipublicæ humanæ, sapientissimè finit homines probos, & justos sub pedibus esse hominum impiorum. Audi Habacuc: *usquequid Domine clamabo, & non exaudies? Vociferabor ad te vim patienti, & non salvabis? quare respicis contemptores, & taces, conculcantes impio justiores se &c.* Ubi Hieronymus. *Nullus enim tam audaci voce ausus est Deum ad disputationem justitiæ provocare, & dicere ei. Cur in rebus humanis, & in mundi istius politia tanta rerum versatur iniquitas. Vociferabor ad te &c.* Ergo etiam juxta lumen naturæ cognoscentes, Deum esse in rebus, & justum

Rivera in
Michæ. c.
5. n. 40.
Sanchez in
23. Isai. n.
29. & sape
alibi.

Exodi 21.
Execb. 26.
Horat. lib.
1. ep. 10.
Sefs. 8.

Flor. in de
finis. Eccl.
45.

Eccl. 45.

2. Timoth.
cap. 3.

Habac. c. 1.

Hieronym.
Prolog. in
Nabacue.

Rowan. 12.
Deut. 23.

justum, & rectum, necesse est fateri aliquando tandem æquanda esse jura, & probos homines premiandos; improbosque puniendos, quæ spe nos cohibet Paulus à vindicta proferens illud Deuteronomii. *Mecum est ultio* (seu *mibi vindictam*, ut vertit Paulus) *et ego retribuam eis in tempore*. Sed quamvis nonnumquam catastrophæ hanc experiamur in hac etiam vita: item quamvis multifariam, multisque modis tum positivis, tum negativis soletur Deus etiam in hac vita homines probos, multifariam multisque modis positivis, & negativis torqueat in hac etiam vita improbos; subsistit nihilominus plurimos justos inter malleum, & incudem degisse usque ad ultimum spiritum, ut testes sunt cuncti Martyres: nec non plurimos impios inter brachia felicitatis degisse. Ergo juxta lumen etiam naturæ fatendum est, post hanc esse aliam vitam, in qua jura æquantur. Ergo juxta lumen ipsum naturale fatendum est, animas nostras aliquando saltem durare naturaliter post separationem à corporibus; sed si semel durant naturaliter aliquandiu post eam separationem, non est cur umquam deficient: siquidem nec deficit causa conservativa illarum nempe Deus, neque ostenditur agens ullum naturale exigens illarum destructionem: & animæ ipsæ sicut quævis alia res naturaliter exigunt suam conservationem. Ergo.

§. II.

41 **E**T hinc sumitur ratio philosophica, non quidem demonstrativa in sensu summulistico, & faciens rem evidentem non minus quam bis tria esse sex (rarissimè enim inveniuntur in speculativa ejusmodi demonstrationes) sed prudentialis, & qua contentus esse debet intellectus rationalis, imò, & quam habere, ut demonstrationem, debet. Magnum quippe Væ imminet, ut jam dixi pervicacibus intellectibus nolentibus aquiescere nisi solis irresistibilibus metaphysicis evidentiis. Omne, contra quod semel existens nullus insurgit positivus, aut negativus potentior hostis per totam æternitatem, naturaliter debet conservari à Deo per totam æternitatem: quoniam licet Deus supremo suo utens dominio possit ex mero suo libito cessare ab illius conservatione; sed non ut Author naturalis, quia ut talis non potest cessare à conservando rem jam existentem, & naturaliter exigentem suam conservationem, nisi propter potentiorē rationem contrariam positivam, aut negativam; aliàs rei illius exigentiam naturalem violabit, & non ut indulgeat contrariæ potentiori, & consequenter non operabitur, ut Author naturalis. Et quamquam ante primam hujus mundi productionem nil fuerit illius fabricam exigens naturaliter, nil quoque fuit exigens naturaliter oppositum, unde Deus, ut Author naturalis condidit hanc fabricam: naturalitate saltem negativa, hoc est contra nullius agentis naturalis exigentiam; quamvis non naturalitate positiva, hoc est juxta agentis aliqujus naturalis

ralis exigentiam . Firma igitur videtur illa major, scilicet : Omne contra quod semel existens , nullus insurgit positivus , aut negativus potentior hostis per totam æternitatem , naturaliter debet conservari à Deo per totam æternitatem . Sed omnis anima rationalis talis est . Probatur . Hostes negativi , qui possunt considerari , sunt . Vel defectus causæ conservantis animam , quæ sicut non est à se , ita neque à se conservatur , sed ab alio (& jam vides eum defectum esse impossibilem , quandoquidem repugnat defectus Dei , qui solus animas rationales conservat) Vel defectus unionis cum materia . Et hic defectus insurgit quidem , quippe omnis anima cum sit ens incompletum naturaliter connectitur cum unione illa . Ceterum cum inter connexiones naturales dentur multæ , quarum fundamentum naturaliter absque ullo miraculo possit conservari sine termino , ut dixi num. 36. eo quod naturalis appetitus quem respectu suæ conservationis habet illud fundamentum potentior sit , quam defectus illius termini : inde est , quod ex sola connectione naturali animæ rationalis cum *suo esse in corpore* debile sumi potest argumentum ad probandum defectum unionis illius potentioris esse quam appetitum naturalem animæ respectu suæ conservationis . Neque huc detorqueri potest , quod ibi num. 37. dicebam de anima rationali : quoniam licet non experiamur sensu animam rationalem separatam à materia ; at rationabiliter novimus illam ex ratione morali paulò ante data , & naturaliter derivata ex cognitione existentiz Dei iusti , & providi : item ex modo operandi alto , & sublimi , & spiritali , quem in nobis met ipsis experimur (quæ fortissima est ratio in hac quæstione) nimirum per principia universalia abstrahentia à materia , & circa objecta similiter abstracta , v. g. circa Deum , circa Angelos , & similia , nunquam percepta per sensum : item per cognitiones comparantes , combinantes , discernentes , inferentes , attendentes motivis non perceptis per sensum , quæ omnia licet indigeant primâ aliquâ specie illapsâ per sensum , ast postquam anima adepta est illam sibi , apud se tacita , quin corpus se immisceat , confert , combinat , segregat , infert &c. Sed hic modus operandi est rationale fundamentum ad judicandum quod etiam si illa separaretur à materia , & specierum spiritalium suppellectilem secum habeat (qua ut pote in sola anima receptâ non est cur spoliatur) poterit similiter ratiocinari , & operari , & ex alia parte non habemus hanc experientiam , & fundamentum ex ea oriundum , pro animabus irrationalibus . Ergo . Rationalis est disparitas inter utrasque .

43 Hostes autem positivi , qui insurgere poterant contra æternam vitam animarum rationalium essent , aut potentiores alii spiritus , qui ipsam occidere possent , ut unus homo occidit alium : aut causæ aliæ naturales corporeæ . Sed neutrum dici potest . Non primum : quoniam licet uni spiritus longè potentiores sint aliis , v. g. Angeli secundæ hierarchiæ respectu Angelorum primæ : & hi respectu animarum : constetque unos Magos interdum ligasse alteros , ita ut hi movere se non possent , solvissentque illa , quæ hi ligaverant , unde videtur spiritus quibus illi se devoverant , potentiores esse quàm illos , quibus hi alteri addi-

xerant se: quamvis hoc inquam ita sit, non constat illum spiritum creatum posse destruere substantiam ullam spiritualement (accidentia spiritalia tam naturalia, quam supernaturalia nobis libera immediatè, ut sunt nostri actus voluntaris, vel mediatè, ut sunt multi actus intellectus, nec non habitus supernaturales passim destruimus) quandoquidem non est idem fungi potentià ad compescendum aliam causam, & posse illam destruere: unus quippe homo potest compescere quoad multam animam hominis alius, impediendo ne faciat tale, aut tale quod alias facere potest, quin possit animam alius hominis destruere. Ergo ex eo quod una substantia spiritalis dominantur aliis substantiis spiritalibus non sequitur unas naturaliter posse destruere alias. Ergo ex eo quod Angeli potentiores sint animabus nostris non sequitur illos posse destruere has. Et ratio potest esse: Omne impotens annihilare animam rationalem, est impotens destruere, seu occidere illam: quia cum non educatur de materia, sed creetur, non potest corrumpi; sed annihilatione sola deficere potest. Sed omnis substantia spiritalis creata est impotens annihilare animam rationalem, quia est impotens illam creare, standi auctoritati PP., ut dixi in Prodomo disp. 4. num. 85. & solus potest annihilare qui potest creare, cum annihilatione, ut pote desitio rei nullo perseverante, aut perseverabili subjecto ipsius, respondet creationi. Ergo omnis substantia creata quantumcumque potentior sit, quam anima rationalis, est impotens destruere illam. Ubi jam advertis me non arguere ex impotentia producendi, ut cumque ad impotentiam destruendi, nam certe homo est impotens producere equum, & est potens occidere illum. Sed ex impotentia producendi determinatè per creationem ad impotentiam destruendi determinatè per annihilationem.

43 Rursus neque potest dici secundum: nempe alias causas naturales corporea posse destruere animam rationalem. Quamvis enim res corporea agere possit *divinitus* elevata in subiecto spiritali, ut ignis materialis inferni agit in utrisque spiritibus damnatis, & ignis Purgatorii in illis animabus sanctis. Item quamvis naturaliter etiam sine speciali elevatione possit agere *indirectè*, & tamquam per consequentias in subiecto spiritali, ut musica Davidis agebat in spiritu illo nequam, qui invadebat Saulem, nam *David tollebas citharam, & percutiebas manu sua, & resceillabatur Saul, & levius habebat, recedebat enim ab eo spiritus malus*: item ut fumus ille, de quo Raphael ad Tobiam agebat. *Extricat omne genus demoniorum, sive d vitra, sive d muliere, ita ut ultra non accedat ad eos*. Nempe quia una res corporea possunt destruere eos humores, aut humorum combinationem, qua naturaliter spiritus egent nequam ad talem, aut talem speciem operationum, & sic abigunt illos, & indirectè operantur contra illos, sicut qui celum extorqueat ab alio, sine quo is occidere nequit. Verum amen nulla causa corporea potest naturaliter operari immediatè, ac directè in subiectum spirituale destruendo ipsum (potentiam obedientialem non nego: nam sicut ignis materialis elevatur à Deo, ut verè comburatur, in

flam;

1. Reg. cap.
16.

Tobia 6.

flammetque spiritus damnatos, ita forsan elevari potest, ut spiritum simpliciter occidat; sed in presentiarum solum loquimur de naturali immortalitate animarum, quam solam docere videtur Lateranense supra citatum verbis illis *verè, per se, essentialiter* etiamsi appellent illam non solum supra informationem; sed etiam supra immortalitatem animæ. Ratio est: tum quia. Nulla causa corporea, ex huc usque notis, quidquid sit de purè possibilibus hactenus ignotis, potest operari nisi in corpore aliquo, ex quo resultare potest operatio in spiritum, ut contingit animæ unitæ corpori ex cujus passionibus naturaliter, resultat gaudium, vel tristicia, dolor, vel voluptas in animam. Ergo ubi nullum datur corpus nequeunt causæ materiales operari quidquam contra spiritum. At in animæ separata ab omni corpore nullum datur corpus. Ergo in ea nequeunt quidquam operari contra eam causæ materiales; cum quia clarius pugnat contra potentiam illam causarum materialium, ratio nuper data contra potentiam causarum spiritualium ad occidendum animam rationalem. Nimirum. Omne impotens annihilare animam rationalem &c. Repete illam.

44. Hæc sufficiunt rei inter Catholicos exploratæ, quæque à solis Atheistis negatur, aut in dubium vertitur: est enim magna consanguinitas inter negantes immortalitatem animarum, & Atheistas. Ex dictis habes 1. me non dicere animam rationalem esse *adhuc divinitus* indestruibilem: neque hæc videtur fuisse mens illius Lateranensis Concilii utentis verbis illis *per se essentialiter*. Potest autem anima nostra, dici adhuc divinitus immortalis: quatenus mortalitas sit propria in quarto modo rei, quæ ex sua natura est corruptibilis, sive pendens à subjecto eductionis. Arqui nec divinitus fieri potest quod anima rationalis *ex natura sua* sit corruptibilis, pendensque à subjecto eductionis, quia nec divinitus contingere potest quod mutet suam essentiam: unde si divinitus produceretur per eductionem, ut aliqui censent esse possibile, id non esset *ex natura sua*, sed contra naturam suam. Ergo. Habes 2. me solum loqui de animabus rationalibus hujus individui speciei humanæ ex qua nos sumus: quia cum non noverimus omnes species posibles, nolo disputare utrum sit possibilis alia species, seu genus animarum rationalium, quæ suapte natura producuntur per eductionem ex subjecto spirituali, sicut multa accidentia spiritualia, & supernaturalia de facto producuntur. Habes 3. me non disputare potentiam *obedientialem* in causa creata ad destruendum animam rationalem, qualem habent multæ ad actus supernaturales; sed solam potentiam *naturalem*, ut subsistat: Animam rationalem naturaliter esse immortalem, & incorruptibilem. Habes 4. quod cum nuperam rationem philosophicam tandem resolverim in impotentiam omnis prorsus creaturæ ad producendum quidquam per creationem, illud robur habebit ea ratio, quod habuerit hæc impotentia: & quamvis in loco citato Prodromi satisfecerim plerisque rationibus philosophicis, quæ proferuntur ad probandum hanc impotentiam, hoc non collit quod arrenta etiam ratione philosophica, & non auctoritate sola, cui ibi innite-

bar, possit esse omnino certum moraliter adhuc juxta philosophiam, nullam causam secundam posse creare, & nullam posse naturaliter destruere id quod sit per creationem. Ratio autem primaria, ut adverti num. 41. sumenda est ex operationibus ibi notatis, quas in nobis ipsis experimur. Habes demum merito jussam esse exulare à nostris scholis illam propositionē. *Forma substantialis, etiam spiritualis, potest esse corruptibilis.* Omnis namq; illa est suapte natura incorruptibilis, ut probavi à n. 38.

CAPUT QUARTUM.

De Æqualitate, aut Inæqualitate, Unitate, aut pluralitate Animarum.

45



QUESTIO quarta est. *An omnes anima ejusdem speciei sint entitativa, & intrinseco perfectione æquales?* V.g. omnes animæ rationales præsentis providentiæ inter se? &c. omnes animæ equinæ inter se &c. Non est questio 1. de animabus ejusdem speciei subalternæ, sive ejusdem generis; quoniam anima humana, & equina sunt ejusdem speciei subalternæ, cum ambæ sint viventes; & planum est illas esse entitativa perfectione inæquales. Nec 2. est questio in sensu reflexo logico, & præcivo, qui frivolus omnino est quando disputantur realitates: atque ad eum confugiunt aliqui loquentes juxta gradum, juxta formalitatem, juxta prædicatum, aut specificum, aut individuale; quia si formalitatibus, si præcisionibus reflexionibusq; nostris licet ingredi in has res, certum videtur animam Petri esse æqualem, & simul esse inæqualem animæ Joannis. Considera namq; illam, & hanc sub sola formalitate *rationalis* deprehendes illas æquales. Considera primam sub formalitate rationalis, & secundam sub formalitate viventis solum: deprehendes illam perfectiorem hac. Inverte considerationem, deprehendes illam imperfectiorem hac. Arcenda est ergo à re præsentis turba ista præcisionum, formalitarum, abstractionum, reflexionum, & similium; quid enim refert quod panis secundum formalitatem *entis* non nutriat, & saxum secundum formalitatem corporis non tundat, si panis à parte rei est panis, & saxum à parte rei est saxum; questio itaque procedit in sensu physico, & reali. An videlicet omnes nostræ animæ sint physice entitative æquales quoad perfectionem, & non qualemcumque: nam certè Rex quoad id longè excedit hominem privatum: & nobilis ignobilem. Sed quoad perfectionem intrinsecam. Sed non est questio 3. de perfectione utcumque intrinseca ratione unionis, seu receptionis. Siquidem nulli Christiannodubium esse debet, animam Sacrosanctam Christi Domini longè per-

perfectiorem esse cæteris omnibus animabus, imò & Angelis, ob excellentias dotes, quibus illam misericorditer Deus intrinsecè per unionem insignivit. Solum est difficultas: an illa quoad suam physicam, & *entitativam* perfectionem realiter distinctam ab illis donis Cœlestibus sit superior, aut æqualis respectu animæ Judæ? Similiter nec est quæstio 4. de individuis completis, an v. g. unus homo sit entitativè absolutè perfectior, quàm alius; quoniam integritas, seu integralitas partium, & membrorum, licet non sit intrinseca per essentiam, est intrinseca per integritatem homini. At non est dubium quod unus homo potest perfectione superare alium quoad integritatem, organizationem, temperamentum, coordinationemque membrorum. Ergo unum individuum potest excedere alterum quoad perfectionem intrinsecam non essentialiter, sed integraliter.

46 Nec est quæstio 5. de quovis excessu licet minimo, & quasi mathematico unius individui supra alterum quoad physicam intrinsecamque identitatem, & perfectionem; quia ægrè admodum ostenditur repugnantia in eo quod A, & B, sint individua ejusdem infimæ speciei; & tamen quod A, perfectione intrinseca per identitatem superet rem B, uno, aut duobus gradibus; tum quia licet aliquando *magis*, & *minus mutent speciem*, ut alibi dixi, non tamen semper. Certum quippe est quod in viginti hominibus datur major intrinseca per identitatem, perfectio extensiva, & majus robur ad interiores effectus naturales quàm in uno solo. Et tamen unus homo, & complexum ex viginti sunt ejusdem infimæ speciei; tum quia in sensu composito quod sint ejusdem speciei potest A, esse magis dissimile rei B, quàm rei C. Probat vulgò, & benè (unde habebis obiter negativam solutionem alius quæstionis. An scilicet sit de ratione individuorum ejusdem infimæ speciei esse penitus similia, & æqualia quoad intrinsecam perfectionem: sitque contra specificam illam unitatem habere invicem aliquam dissimilitudinem, seu etiam inæqualitatem quoad perfectionem cum qua identificatur?) Considera multas actiones oriundas ab igne A, productivas caloris. Et multas etiam oriundas ab igne B, productivas etiam caloris in eadem intensiōe. Illæ immeritò prosus dicentur specie distinctæ ab his. Et tamen illæ sunt magis similes inter se quàm, cum his; quippe omnes illæ confundi possunt inter se non solum sub illis conceptibus, sub quibus possunt confundi cum his; verum etiam sub hoc *Actio propria ignis A*, sub quo conceptu nequeunt confundi cum his quandoquidem actiones propriæ ignis B, neque sunt, neque esse possunt actiones propriæ ignis A. Ergo stat aliqua major dissimilitudo, & major similitudo intrinseca, & essentialis physicè, ac materialiter tantum inter individua ejusdem infimæ speciei. Similiter merum corpus, & anima sicut uniuntur de facto hac individua unione physica A, potuerunt per Deum uniri unione individua B, & unione individua C, itaque resisterent homines realiter inæquate distincti. Hoc tamen numero corpus, & hæc numero anima non potuerunt uniri unione illa individua, qua uniuntur aliud corpus, & anima: quia unaquæque unio

unio habet ex sua essentia esse unionem illorum, quorum est unio. & non esse unionem eorum, quorum non est unio, ut suo loco dixi. Ergo unio hæc individua A, mei corporis, & animæ, magis similis est aliis unionibus eorundem, quam aliis unionibus aliorum hominum. Et tamen cum hoc tantillo excessu similitudinis fiat, quod omnes hæc uniones sint ejusdem speciei infimæ; alias cum unio sit de essentia physica hominis cujuscunque, omnes homines distinguerentur invicem specie physica, si uniones suorum corporum, & animarum distinguerentur specie physica. Ergo tantillus excessus similitudinis tandem reducibilis ad distinctionem numericam (quæ sanè non fiat in indivisibili, sed latitudinem aliquam admittit) non obstat identitati quoad speciem infimam. Ergo neque tantillus excessus perfectionis.

47 Neque obstat quod ille conceptus communis multis *actio ignis A* sit affirmabilis, & quidem essentialiter de actione A, agentis A, & non sit affirmabilis de actione B, agentis B, (idem dico de unionibus) quia ille conceptus quamvis affirmabilis de multis differentibus numero; non est specificus juxta communem usum hujus vocis: quandoquidem definitio illius sub terminis generalibus, sub quibus dari solent definitiones (quæ utique non sunt de singularibus) æquè est affirmabilis de unis actionibus, ac de aliis. Ratio autem est; quam bene notavit Oviedo. Esse genus, aut esse speciem, neque datur à parte rei, neque pender ex principiis metaphysicis; sed pender totum, partim ex imperfecto modo cognoscendi multa per abstractionem, quem habemus in hoc statu vitæ mortalis: partim ex hominum voluntate, qui conceptus hos abstractos redegerunt, ac distribuerunt in varias classes pro majore commoditate utrorumque; & studentium: sicut Astronomi pro majore commoditate utrorumque; redegerant spheram totam in sexaginta supra trecentos gradus: & sicut Philosophi ex eodem fine octo solis gradibus claudunt totam intensionem qualitarum. Ergo duas res differre genere, aut specie, per illum communem usum, & voluntatem tandem definiendum est. At communis usus, & voluntas est quod phrasis hæc. *Hæc duo differunt specie physica* significet illa duo non utcumque esse dissimilia, aut inæqualia etiam; sed esse valde, notabiliter dissimilia, aut inæqualia notabilitate resolvenda demum in judicium prudens, & non cavillosum: ad cujus notabilitatis gradus assignandos non habemus verba præcisa, sicut habemus ad significandum gradus ponderum, particulæque temporis: atque ideo licet tot dentur subdivisiones speciei caninæ, v. g. uni lanngine pleni, alii prorsus rasi à natura: uni parvuli domestici, alii molossi, & montani: uni ab intrinseco inhærentes Tauris, alii solis volucris &c. nihilo tamen minus omnes censentur ejusdem infimæ speciei, quia tantilla illa diversitas quamvis ab intrinseco proveniat, & per generationem habeatur, ac per generationem multiplicetur, non reputatur. Ergo quod attinet ad speciem physicam illa sola differunt specie, quæ valde notabiliter differunt intrinsece, ac ex sua essentia.

48 Atqui hi duo conceptus. *Actio ignis A, productiva coloris. Actio ignis B,*

P. Oviedo
controv. 1.
de anim.
puncto 8.
num. 49.

ignis B, *productiva caloris*, quamvis essentialiter (non utique quoad essentialiam specificam, quia de hoc est quæstio, sed in sensu purè materiali) differant inter se; tamen non differunt valde notabiliter, ergo non differunt specie physica. Et idem dico de unionibus. Et idem de quibusvis similibus. Et ideò dixi in logica majore disp. 3. num. 85. duo differre specie physica in eo stare quod definitio unius, in qua imbibitur differentia sua essentialis, quæ tandem iudicio prudente assignanda est, non possit verè affirmari de altero in sensu reali adhuc sub eis terminis generalibus sub quibus est definitio, quia differentia ea essentialis propriissima, & specifica semper ex usu philosophorum est prædicatum quoddam, quod præter alia habet esse notabiliter diversum à prædicatis rerum illarum, quibus repugnat identitas realis cum ea definitione (v. g. rationale comparatum; cum omnibus aliis speciebus animalis) quod si adhuc contendas illos conceptus. *Actio ignis A*, *productiva caloris*, *Actio ignis B*, *productiva caloris*. *Unio extremorum Petri*. *Unio extremorum Ioannis*, & similes propter tantillam maiorem dissimilitudinem, quam inter se habent respectivè, esse conceptus específicos. Concedam esse específicos in sensu logico, si Logici minutiis istis contenti sint ad fabricam suarum specierum. Negabo autem esse específicos in sensu physico si invicem conferantur (secus si conferantur cum aliis, v. g. *unio extremorum Petri*; *unio extremorum equi*) quia. Physici maiorem, crassiorem, ac solidiorem desiderant dissimilitudinem ad contraponendum unam speciem alii: quoniam licet non desiderent quod una species notabiliter vincat, aut vincatur perfectione per aliam; desiderant quod notabiliter juxta prudens iudicium, & non cavillosum differat ab alia. Unde habebis Perrum, v. g. distingui specie logica secundum istas minutias à Joanne; sed non specie physica. Sicut etiam virum reduplicativè, ut virum præcisè: distingui specie logica à femina reduplicativè, ut femina præcisè: siquidem hic conceptus *Vir præcisè* convenit multis repugnatque femina præcisè: & vir ut vir præcisè essentialiter est vir. Num propterea vir, & femina differunt specie?

49 Hinc demum non est quæstio de aliis animabus possibilibus; sed de solis eis, quæ sunt in hac providentia; quia cum non repugnat unitati specificæ infimæ tantilla aliqua dissimilitudo inæqualitasque perfectionis, ut nuper dixi: forte sunt possibiles animæ rationales ad speciem præsentem spectantes, aliquantisper perfectiores nunc existentibus, & aliz aliquantisper imperfectiores. Cui ex nobis revelavit Deus omnia possibilia? quæstio igitur tota stat in hoc. An videlicet anima unius hominis, v. g. sit entitativè, physicè, materialiter philosophicè quoad sua intrinsicca aliquatenus perfectior quam anima alius. P. Oviedo censet magis consonam pietati partem affirmativam propter respectum ad animam Christi Domini, & ad animam Judæ, quas ægrè fert, esse prorsus æquales in sensu dicto. Sed ego reor magis consonam doctrinæ Pauli partem negativam. Nimirum Sacrosanctam illam animam esse prorsus æqualem quoad physicam, materialem, entitativamque perfectionem cæteris animabus humanis. Nusquam enim Angelos

Oviedo ibidem n. 34

- Hebr. 2.* gelos apprehendit; sed semen Abrahæ apprehendit, inquit Paulus: Unde debuit per omnia fratribus similari; quam universalitatem postea explicat inquires; *sentatum per omnia pro similitudine absque peccato atque similitudo illa per omnia* non fuit quoad moralia, aut supernaturalia, ut constat. Non item quoad accidentalia, puta colorem membrorum, talem longitudinem, aut temperamentum, ut etiam constat. Ergo illa similitudo per omnia debet esse saltem quoad purè physica, & essentialia. At quoad hæc non foret per omnia si anima illa Sacrosancta esset physicè, entitativè, atque essentialiter ratione identitatis realis magis perfectæ quam animæ fratrum. Ergo iste excessus non est omnino conformis doctrinæ Pauli, quam modò dat Hebræis, & olim dederat Philippensibus inquires: *in similitudinem hominum factus: & habitus inventus ut homo*; quod attinet ad majorem pietatem. Fateor inhzrendum esse illi juxta Paulum etiam mox citandum. Ita tamen, ut nobis non infigatur telum quod Job vibravit in amicos suos. *Numquid Deus indiget vestro menducio?*
- 1. Tim. 2.*
- Job. 13.*

§. II.

50 **R** Espondeo quæstioni. Omnes animæ rationales sunt inter se æquales in sensu dicto. Non quia illam, quam Adversarii putant esse imperfectiorem, eveham usque ad perfectionem illius, quam putant perfectiorem; sed è contrario, quia hæc deprimenda est usque ad illam quoad perfectionem purè entitativam, & materiale, intrinsicam ratione identitatis: itaque propter cavillationes, non dico animam rusticam, v.g. frui tantâ perfectione intrinsicâ, & entitativâ, quantâ fruitur, juxta adversarios, anima D. Augustini (v.g. frui perfectione ut sex) sed è conversò animam hujus non fungi majore entitativâ perfectione, quàm animam rusticam v.g. non habere nisi entitativam perfectionem ut quatuor, quæ sit entitativa perfectio animæ rusticæ. Arguo sic. Juxta rationalem canonem philosophicum, sicut inter homines ejusdem communis non sunt admittenda privilegia, seu exceptiones sine positivo fundamento, quia possessio stat pro æqualitate. Ita inter individua ejusdem infimæ speciei non sunt multiplicandæ perfectiones, siue non sunt admittendi excessus sine positivo fundamento, quia similitudo possessio stat pro æqualitate inter individua ejusdem infimæ speciei. At Sacrosancta anima Christi Domini, Beatissimæ Mariæ, Augustini, & similibus ex una parte: Item anima Judæ, Antichristi, seu hominis mentecapti ex alia: sunt ejusdem infimæ speciei, quia non impunè dicitur Humanitatem Christi Domini distingui specie physica ab humanitate Judæ, aut Antichristi (cum ambæ habeant eandem definitionem generalem) nisi forte mutetur usus, & significatio huius loquutionis *distingui specie physica*. Ergo non est dicendum sine pos-

positivo fundamento priores illas animas esse magis perfectas entitativè, ac materialiter, quàm posteriores. Ergo si hæc habeant dumtaxat perfectionem, ut quatuor (aliquam sanè transcendentalem debemus illis concedere) dicendum est illas habere dumtaxat perfectionem, ut quatuor; atqui nullum profertur fundamentum positivum. Probat; non pietas; nam licet jubeatur Timotheus à Paulo *sequare justitiam, pietatem &c.* aut memores quoque esse debemus Jobi nuper citati. Et aliud est priores illas animas esse absolutè, ac simpliciter, vere, & realiter perfectiores secundis, *ex gratia, &c. misericordia Dei*, qui illas locupletavit, cum posset easdem in miserrimo statu relinquere; Aliud autem illas secundum suam physicam *solum entitatem* esse perfectiores secundis, seu identificari realiter cum majore perfectione. Illud est verum. Hoc sine fundamento dici videtur.

Timoth. 6.

51. Non 2. quod possibile sit, unum individuum esse aliquatenus perfectius entitativè quàm alterum; quia non omne quod possibile est, de facto est, ut constat. Non 3. quia unæ animæ perfectiones eliciunt operationes entitativè naturales, quàm aliz; tum quia id probaret animam Augustini, v. g. non tantillum; sed valdè notabiliter superare perfectione vulgares alias animas, siquidem naturales operationes intellectus illius, non tantillum, sed valdè notabiliter, atque specificè physicè superarunt intellectiones illarum aliarum. Ergo si juxta diversitatem operationum taxanda esset diversitas animarum, sequeretur Augustinum, & multò magis Humanitatem Christi Domini, distingui specie Physicà à vulgo hominum aliorum; cum quia idem homo in statu virili operationes longe meliores physicè, ac entitativè elisere solet, quàm in ætate infantili. Ideò ne habet tunc animam entitativè in se ipsa perfectiorem, quàm olim habebat intra viscera materna? Sicut ergo excessus operationum quoad physicam perfectionem in diversis ætatibus, atque statibus, non nascitur ex animæ ejusdem excessu; sed ex eo, quod in una ætate sortitur meliora organa, melius temperamentum, meliora instrumenta quàm in alia: quæ melioritas, si fuerit in nervis habebit meliores vires; si in oculis, videbit melius: si in cerebro melius ratiocinabitur &c. item nascitur ex plurium, ac meliorum specierum copia in una ætate, quàm in alia. Ita quod unæ animæ operationibus naturalibus se exerceant longè melioribus, quàm aliz, oritur ex his eisdem capitibus; non autem ex eo, quod unæ sint entitativè perfectiores, quàm aliz.

52. Quod experientià quoque confirmatur 1. artificum: nam ponemus duos omnino pares peritiâ pulsandi; v. g. instrumenta: sed unum fortius fuisse sonoram Lyram, alterum fabricatam pessimè. Certè unus ex illis adulabitur auribus, & alter caput rumpet. Similiter animæ omnes rationales pares sunt perfectione physicà intrinsecà. Aut unæ, ex dispositione causæ primæ, quæ ab initio seriei generationum ad nostrum usque (hoc est ad fines suæ providentiæ) profunda torrentis consorsio, fluxumque sæculorum ordinavit turbulentum, ut loquitur Augustinus, de casu quodam suæ Matris; adeptæ sunt oculos melius dispositos, & ideò

Lib. 9. contra Jovinianum. c. 8.

eliciunt visionem meliorem : alix stomachum melius temperatum , & sic eliciunt meliores nutritiones : alix cor melius preparatum , & sic eliciunt affectus meliores : alix demum cerebrum melius fabricatum , melius coordinatum , melius temperatum , & sic eliciunt meliores discursus . 2. Experientia diversitatis : quoniam unæ animæ deiectione ad corpus femininum , feminiles affectus , inclinationes , ac cogitationes produciunt . Alix evertit ad corpus virile , viriles affectus , inclinationes , cogitationes produciunt : quin unæ perfectione intrinsecâ physicâ vincant alias . 3. Experientia educationis : quoniam ob solam hujus diversitatem , unæ animæ sapientius gubernant sua corpora , & nobilius quam aliæ . 4. Experientia actionum moralium : ob solam namque diversitatem auxiliorum , & aliorum comprincipiorum (non in genere determinativo , sed purè motivo exercitè , atque subjective) unæ animæ multò melius moraliter , quàm aliæ gubernant suam vitam . Similiter philosophandum videtur in re præsentī , quod unæ animæ operationibus naturalibus exerceantur multò melioribus , quàm aliæ , non oritur ex entitativa earundem diversitate , v. g. non oritur ex eo , quod una sit perfectiva ut sex , quoad intrinsecâ , & altera ut quatuor ; sed ex eo quod cum utraque fruantur eadem perfectione ut quatuor , unæ ex divina dispositione gubernante seriem totam , atque combinationem causarum secundarum , inveniant organa , instrumenta , temperamenta , corpora melius disposita .

53 Et quemadmodum in eis exemplis agens principale non est ex sua natura determinatum ad illa instrumenta , sexum , educationem , species , cæteraque comprincipia , quæ jugiter habet : sed hoc iuge consortium ab alia causa fuit determinatum , & præsertim à prima , sine qua nec unus passer cadit in terram , quæque numeratos habet omnes capillos capitis nostris . Ita quod Augustini anima sortita fuerit nobilissimum illud temperamentum in cerebro , & in corde ; vulgaris autem alia anima vulgare sortita sit temperamentum , aut etiam pessimum , non derivatur ex natura ipsarum : potuit namque Deus decussare brachia sicut Jacob respectu Ephraim , & Manasses inferereque animam Augustini corpori hebrei , & animam hominis rudis corpori Augustiniano . Derivatur ergo tota hæc naturalis , & physica diversitas ex solo divino beneplacito *ad usus suos profunda torrentis contorquente &c.* Ex hoc autem discursu sic arguo reflexè . Quoties experimur effectum , qui præcisè ut talis , contentus est causæ A , vel B : & ex alia parte certior est A , quam B , rationabilius adscribendus est causæ A , quam B . At magna diversitas perfectionum , quam experimur in actionibus humanis , præcisè ut talis , contenta est , aut majore perfectione unarum animarum , aut majore perfectione instrumentorum , quibus operantur , hoc est , partium , & temperamenti corporis (nam certum est , quod anima in hoc statu vitæ mortalis juvatur perfectione , vel retardatur imperfectione organorum , ac temperamenti corporis , etiam quoad operationes : ut idem experitur homo juxta varietatem temperamentorum , quæ habet) Ex alia parte certior , quàm diversitas perfectionis in animabus ipsis ,

Genes. 48.

ipsis, 'est diversitas perfectionis in hominibus quoad temperamenta, & complexiones, quas habent, ut constat experientia operationum externarum, visionis, auditionis, nutritionis, roboris, & similium, quorum diversitas provenit ex organorum, atque temperamenti diversitate. Ergo diversitas perfectionum, quas experimur in operationibus humanis, rationabilius adscribenda videtur diversitati huius quam illi. Et sic satisfit Oviedo agenti nulla ratione probari efficaciter animas de facto existeres, esse æquales. Annuo, si loquatur de efficacia metaphysica; renuo, si de efficacia morali.

*P. Oviedo
controv. 1.
de anim.
punct. 8.
num. 33.*

§. III.

54 **Q**uæstio quinta est. *An in quolibet individuo, v. g. in quolibet homine detur unica anima?* Unicam esse animam non in singulis, sed in omnibus hominibus, fuit error aliquorum damnatus in Concilio Lateranensi agente. *Damnamur, & reprobamus omnes assertentes animam intellectivam mortalem esse, & unicam in cunctis hominibus. Et hac in dubium vertentes; quamobrem de hoc non est quæstio.* Sed de unitate animæ in Petro, v. g. solo. Nec secundò est quæstio de unitate, aut multiplicitate in sensu logico, formali, mentali, & præcisivo, qui importunissimè admiscere solet se quæstionibus de objectiva realitate, & tam impertinens est, quàm Syntaxis Tartarica, vel Persiana respectu orationis Latine. Sed est quæstio in sensu physico, reali, entitativo, & quem materialem vocare solent. An videlicet sicut Petrus, & Joannes sunt duo homines, ita in unoquoque dentur verè simpliciter, & realiter duæ animæ? in primo illo sensu potest intelligi Cajetanus inquires animam rationalem informare corpus secundum gradum sentiendi non secundum gradum ratiocinandi. Si hæc præcisio sive divisio sit purè mentalis, & alludat ad nostros modos cognoscendi, sicut quando dicimus hominem secundum animalitatem sentire, sed non ratiocinari, eo quia animalitas sit nobis ratio ad affirmandum de homine sentire, & non est ratio ad affirmandum de ipso ratiocinari. Si inquam hic sit sensus Cajetani est verus, sed illum non dispuro nunc. Sin autem sensus fuerit, gradum prædicatumve sensitivi in actu primo, hoc est, capacitatem eliciendi sensationes, distinguere realiter, aut virtualiter, aut formaliter ex natura rei, à capacitatem ratiocinandi, ita ut in Petro dentur duæ animæ realiter, aut saltem virtualiter distinctæ cum capacitatem suscipiendi duo contradictoria, quarum una sit sensitiva tantum, & altera rationalis tantum. Id est falsum. Nec 3. est modò quæstio de pluralitate cujusvis formæ; sed determinatæ, ac solius animæ. Jam enim respondi in physica quæstione super pluralitate formarum in eadem materia, & dixi in mixtis omnibus, & præsertim in viventibus, multas simul esse formas substantiales; quas parciales vo-

*Sub Leone
X. sect. 8.*

*Cajet. in
1. p. 2. 76,*

cant, & subordinatas formæ viventis. Nec demum instituo quæstionem super gradu certitudinis, quem habet una, vel altera resolutio hujus quæstionis; nam plerique putant, partem negantem multitudinem animarum in uno homine esse de fide propter quamdam auctoritatem (quæ non invenitur, nisi in solis Codicibus emendatis, ut advertit Archiepiscopus Toletanus Carranza) octavi Concilii Generalis coacti quidem, non ad rem hanc, sed ad decidendum controversiam, inter S. Ignatium, & Photium illum. Alii cum Pererio negant rem esse de fide; communiter tamen censetur temerarium saltem fore, defendere duas, aut tres animas verè, & realiter tales, atque distinctas, in uno solo homine.

*Carranza
in sum. Cō-
cili. rum.
Pererius
lib. 4. in
Genes.*

55 Respondeo quæstioni. In quovis homine una sola datur anima, quæ in sensu physico & reali est simul nutritiva, sensitiva, & rationalis. Idem respectivè dico de brutis, nempe in unoquoque dari unicam animam nutritivam, & sensitivam, licet entitativè divisibilem in multas animas partiales, ut supra dixi. Et in unaquaque arbore, herba &c. unicam similiter animam purè nutritivam; tum quia ratio, quæ in physica probabam multitudinem formarum substantialium subordinatarum, nimirum post dissolutionem mixtorum, & viventium per alambicum, incipere apparere multa etherogenea entia substantialia, quorum singula non sunt sola materia prima cum accidentibus, sed composita ex materia & forma substantialibus, cum ex alia parte non appareat causa proportionata ad producendum de repente eam multitudinem formarum substantialium; unde rationabiliter judicari potest, omnes eas præcessisse latentes in eo composito substantiali, & non esse mera accidentia omnia, quæ disponunt materiam ad formam viventis, hancque unitam conservant, sed esse quoque substantias. Hæc inquam ratio non valet in præsentī, quoniam post dissolutionem viventis nullam experimur restare animam, sive formam viventem; quod si semen arboris v.g., vel ramus à reliquo corpore divulsus, postea radices mittit in terra, & iterum quasi reviviscit, non est quia post separationem unius formæ viventis ab illa materia prima, restet ibi alia; sed quia non fuit separata forma viventis ab individua illa materia illius seminis arborei, aut rami, quinimò ibi mansit affixa sine nutritione per tempus aliquod (tantum verò prolongari potest, ut verè deficiat anima illa, & corrumpatur, & subintret aliud compositum substantiale) postea verò iterum commissa terræ, exercet denuo virtutem nutritivam, & paulatim fit nova alia arbor, aut virgultum, aut fructus &c. Multoties verò id non contingit, ut in trabe v.g. aut pane crudo, vel cocto iterum mandatis terræ, atque in oleribus, & fructibus mandatis stomacho, sed nondum digestis; quia formæ illæ viventis, ibi adhuc permanentes, adeo alterantur privatione unorum accidentium, adventu aliorum, qualitatumque, quas inveniunt in stomacho, ut non possint propagare suam speciem, sed subiaceant agentibus fortioribus, quæ expulsi formis illis, producant alias, vel aliarum unionem in illa eadem materia, ut homo producit in materia sui alimenti non quidem suam ani-

mam

mam, sed suæ animæ unionem cum illa. Quod autem in eis panibus, & oleribus adhuc perseveret forma tritici, olerum, constar, quia nec confusio, quæ granum fit farina, nec mixtura cum aqua, & carentia coctionis, nec cum aqua, & coctione opponuntur, cum forma substantiali frumenti. Cur? Ergo in pane crudo, & cocto perseverat adhuc illa forma, donec in sthomaco corrumpatur. Idem de forma olerum, herbarum &c.

36 Tum maxime, quia sicut nutritio, sensatio, & ratiocinatio differunt specie vitæ. Ita, etiamsi non adeo, differunt in specie actûs voluntatis hæc omnia. *Amor, & odium. Spes, & timor. Gaudium, & tristitia. Volitio, & nolitio.* Nec non in specie actûs intellectus. *Apprehensio. Iudicium. Discursus.* Et tamen illa omnia proveniunt ab eadem voluntate: Atque hæc secunda ab eodem intellectu, quin propterea multiplicentur temerè perfectiones in illa, aut in hoc, quia ex terminis ipsi apparet satis superfluum ponere tot voluntates in actu primo: unam pro solis amoribus, alteram pro solis odiis, aliam pro solis volitionibus, aliam pro solis nolitionibus &c. Item ponere tres intellectus, unum pro solis apprehensionibus, alium pro Iudiciis solis, alium pro solis discursibus. Ergo quamvis sensatio, nutritio, & intellectio valdè differant inter se, possunt nasci ab una eademque anima, quin propterea temerè agglomerentur perfectiones in hac, quia satis apparet superfluitas ponendi tot animas in sensu physico, & reali, quot sunt species operationum; quasi multæ operationes specie distinctæ non possent physicè nasci ab una eademque virtute in sensu reali, cum experiamur ab uno eodemque sole nasci tot distinctos radios, & ab una eademque flamma ignis nasci lucem diffusam per aerem vicinum, calorem, siccitatemque. Igitur eadem anima, quæ adiuta dispositionibus cerebri in se ipsa sola ibi existente producit cogitationes: & adiuta dispositionibus cordis in se ipsa sola ibi quoque existente producit actus voluntatis, quia ambæ ut pote spirituales in sola anima spirituali recipiuntur. Eadem inquam, physicè, ac realiter adiuta dispositionibus sparsis per totum corpus ad nutritionem, atque sensationem in se ipsa, atque simul in eis partibus corporis elicit nutritionem, atque sensationem: quia utraque, ut pote materialis, recipi debet saltem inadæquatè in corpore. Est tamen discrimen quod notavi suo loco de potentis animæ. Sicut enim hæc sumptæ in actu primo remotò invicem identificantur, & solum quoad voces sunt multæ. Acceptæ verò in actu primo proximo inter se distinguuntur realiter inadæquatè, quia sic consideratæ imbibunt diversas dispositiones. Ita anima considerata in actu primo remotò, ac secundum se præcisè, una sola est in quovis vivente. Considerata verò ut proximè nutritiva, ut proximè intellectiva, est realiter inadæquatè triplex (imò & multiplicior, v. g., ut proximè volitiva, ut proximè nolitiva &c.) quia sic est complexum quoddam dicens in recto animam, & in obliquo dispositiones omnes ad eas respectivè operationes. At hæc dispositiones sunt inter se valdè diversæ. Ergo anima ut proximè nutritiva, atque ut proximè sensi-

tiva

tiva &c. sunt complexa realiter inadæquate distincta.

*S. Thom. 1.
p. 2. q. 18. ar.
2. corp.*

57 Hinc 1. cum familiare sit scholasticis ipsis, qui magis castigatè loquuntur, appingere per figuratam loquutionem causa nomen effectus, ut bene notavit S. Thomas, inquit: *quia sic nominamus aliquid sicut cognoscimus illud, ut ex supradictis patet: inde est quod plerumque à propriis exterioribus imponantur nomina ad significandas essentias rerum.* Unde dicimus logicam docentem, v. g. logicam utentem applicantes logicæ nomen suorum actuum. Item *Intellectum practicum. Intellectum speculativum*: non quia sint duæ potentie intellectivæ, sed quia actus practicus, & actus speculativus sunt diversi, & horum nomina applicantur simplici potentie à qua dimanant. Familiare item appingere effectui nomen causæ, unde dicunt, v. g. *fidem divinam*, non quia in se sit quid divinum; sed quia habet pro objecto formali motivo proximè adæquato quid divinum. Cum inquam hoc passim experiamur, idèò commodè dici potest Aristotelem docuisse tres vitas in homine; non quia docuerit tres animas physicè, ac realiter distinctas (sicut non docuit duos intellectus quando distinxit intellectum practicum, & intellectum speculativum; aut intellectum agentem, & intellectum passibilem) sed quia distinxit tres vitas in actu secundo, seu tres species operationum vitalium, nempe vegetativam, sensitivam, & rationalem: & more solito applicuit causæ nomina effectuum; quando itaque dixit hominem prius vivere vitam plantæ, postea vitam animalis, & demum vitam hominis loquutus est de vita in actu secundo, idest, prius fieri ab homine operationes nutritivas, postea sensitivas, & demum rationales; non autem de vita in actu primo quasi prius habeat unam animam solum vegetativam, & postea rejectâ illâ nanciscatur aliam animam sensitivam, & demum hac etiam expulsâ, obtineat aliam; quocirca illud dixit in eo sensu, in quo nos vulgò dicimus hominem prius vivere vitam puerili, postea juvenili, postea virili, & tandem senili: hoc est successivè fieri operationes proprias harum ætatum. Hinc 2. Anima rationalis est simul formaliter, & eminentialiter vegetativa, v. g. licet in diversis sensibus: *formaliter*, quia elicit vegetationem, seu nutritionem, quæ non tantum eminenter, virtualiter, aut æquivalenter, sed actu formaliter est nutritio. *Eminentialiter* item, quia cum eliciat nutritionem, ipsa tamen non est nutritio, sed altioris generis, quia ipsa est substantia vivens, & potens se movere ab intrinseco.

*Arist. lib.
2. de Gene-
rat. anim.
cap. 3.*

CAPUT QUINTUM.

Quid, & quotuplex sit Vivens?

58



OCultimum, & maximum restabat pro intelligentia illius ultimæ particulæ definitionis *anima* nimirum *Potentia vitam habentis*. Licet enim non omne vivens constet animâ: ut pater ex Deo, & Angelis, & anima ipsa, quæ omnia sunt viventia; & tamen animâ non constant; omne tamen

compositum ex anima est vivens. S. Thomas scripsit jure. *Ut sic viventia dicuntur quacumque se agunt ad motum, vel operationem aliquam. Ea verò in quorum natura non est, ut se agant ad aliquem motum, vel operationem, viventia dici non possunt, nisi per aliquam similitudinem.* Unde patet esse de conceptu quidditativo viventis facultas agendi aliquid, sive se ab intrinseco movendi. Et in hoc omnes Scholastici conspirare videntur, ut bene notat Oviedo. Sed cum tot modi sint agendi, uni vitales, alii non vitales, non sufficit quilibet modus: quia nil physicum externum est adeò inanime, ac mortuum, ut non agat aliquid, saltem suam presentiam, aut proprietates, aut speciem saltem sui visualem, quæ adiuti oculi alieni possunt rem illam videre. Aliquod igitur magis speciale *agere*, vel saltem aliquis specialis modus agendi est id, quod ad conceptum viventis spectat.

1. par. q. 18
ar. 1. corp.

P. Oviedo
controv. 2.
de anima
punct. 2. n.
25.

59 Et cum oportet salvare, plantam esse viventem, non enim excusaretur à censura philosophica qui hoc negaret; item Deum esse viventem, quia non excusaretur ab hæresi, qui hoc negaret (eo quod defenderet de conceptu viventis esse tale, aut tale quid, quod Deo repugnat imò ob hoc ipsum quod Deo repugnet, non debet esse de conceptu viventis) Inde est quod assignare oportet conceptum quidditativum *viventis*, qui conveniat viventi purè physico, ac vegetabili qualis est planta: & viventi purè intentionali, qualis est Deus: & viventi purè vegetabili, & sensitivo, quale est animal irrationale: & viventi physico, & intentionali, idest, vegetabili, sensitivo, ac intentionali, qualis est homo. Conceptum inquam non specificum, quia proculdubio hæc omnia viventia differunt specie; sed genericum saltem: rursus non genericum utcumque, v. g. sub latissimo genere *entis*, aut similis; sed genericum infimum in ratione determinata, ac magis particulari *vita*. Oportet præterea, quod ille conceptus non conveniat simplicibus emanationibus, nimirum actionibus quibus natura quilibet producit suas proprietates, & passiones; quoniam actiones illæ non sunt vitales (& hæc de causa dixi non quancumque facultatem se movendi ab intrinseco, sive agendi aliquid sufficere ad rationem *viventis*) cum autem sit difficile invenire verba præventia
ambo

ambo hæc videlicet quæ bene cadant in omne vivens, & applicari nequeant ulli non viventi idcirco difficile est bonam dare definitionem *viventis*. Neque valet fuga ad quamdam doctrinam S. Dionysii agentis Deum non tam explicandum esse nobis per conceptus positivos, quam per negativos: ut ex ea inferatur Deum non esse viventem; sed aliquid plus quam viventem. Etenim eodem abusu dicere poteris Deum non esse unum, non esse trinum, non esse sanctum, non esse æternum, & similia; sed esse aliquid plus quam unum, plus quam trinum &c. Unde non solum non haberemus noticiam perfectam Dei; verum nullam prorsus, & judicantes de Deo juxta sensum verborum, quibus Deus loquitur de se ipso in Scripturis, quem sensum noverat Deus esse universalem in vocabulario hominum, erraremus. Est ergo Deus verè, & simpliciter vivens, in sensu quem habet hæc vox apud homines. Demum occurrit alia difficultas super quidditate *actionis immanentis* in ordine ad quam dari debet conceptus genericus viventis, quia neque de illa convenit omnino inter Authores.

60 Dico igitur. Vivens in genere est illud. Quod *in se*, atque *à se* ab intrinseco, & *per se* habet aliquam operationem, sive motum, formaliter, vel æquivalenter talem, ultra illum quo tendit in suum statum naturalem. Explicatur. Illud habet potest esse *per realem identitatem*, ut unaquæque res habet suam naturam, suaque prædicata essentialia (& sic vivens erit simplicissimum. Et in hoc sensu Deus solus est vivens, quia ille solus identificatur realiter cum sua volitione; ac intellectione, & consequenter cum sua vita in actu secundo, nempe cum omnibus actibus sui intellectus, & voluntatis) Et potest esse *per physicam, & realem immanentem productionem*. Et in hoc sensu Angeli, homines, bruta, & plantæ habent motus suos, seu operationes vitales, quia realiter distinguuntur ab eis, & eas physicè producant. Rursus cum verba in definitionibus non significent actum, sed potentiam, illud habet non significat determinatè motum; sed vel hunc, vel facultatem ad hunc. Non enim semper, ac subjectum est vivum, est in actuali exercitio eliciendi actum vitalem. Dicitur item. *Ad motum formaliter, vel equivalenter talem*, quoniam in primis omne vivum habet ex terminis ipsis facultatem faciendi aliquid, seu se movendi ab intrinseco. Et tunc solum vivit in actu secundo, quando aliquid facit formaliter, aut eminenter. Cadaveris enim solius est jacere, ut saxum. Sed non est de ratione generica viventis determinatè unus motus: neque determinatè alter. Deus namque propriissimè est *Deus vivus*, & vivens quoad actus intellectus, ac voluntatis; & tamen non habet in se immanenter motum formaliter talem, id est, actionem accidentalem extrinsecè physicè egredientem ab ipso: quæque sit physicum actuale absolutum, & immediatum exercitium faciendi actus intellectus, ac voluntatis, quales sunt actiones creaturarum (quamvis actio generativa, & actio spirativa sint formaliter actio substantialis utique, & non tantum eminenter) sed motum sive actionem æquivalenter talem: nimirum, quæ cum non sit physicè actio, sicut hæc nostræ, multò melius quam

quam hæ nostræ denominat Deum intelligentem, ac volentem: quem-
admodum aurum licet non sit formaliter, & physice statum, longè
melius est ad multos civiles contractus quam statum, quod etiam ad
illos utile sit. Et sicut scientia infusa, quæ cum non sit actu formaliter
acquisita, longè melius illustrat intellectum, quàm acquisita, quæ
etiam illustrat. Et sicut unio hypostatice, quæ cum non sit unio sancti-
tatis accidentalis, longè melius exercitium sanctificandi est, quàm unio
sanctitatis accidentalis. Sic intellectiones volitionesque divinæ, hoc est
vita Dei in actu secundo, cum non sit motus formalis actio formalis, ope-
ratiove formalis; infinitè melius reddit Deum viventem, intelligentem,
volentemque, quàm nostra vita actualis, nostri formales motus, nostræ
formales operationes, ac actiones immanentes, reddunt nos viventes
in actu secundo. Unde obiter habes non semper esse idem *eminenter*,
& *virtualiter*, sive *æquivalenter*. Hæc namque contenta sunt hoc uno:
quod res A, v. g. cum non sit res B; perinde se habeat, ac si foret
res B, in ordine ad tale, vel tale munus; hoc autem potest contingere
rei A, tamen si inferior sit re B. Sic Prorex inferior est Rege, sed in
ordine ad aliqua perinde se habet, ac si esset Rex. Sic Vicarius Epi-
scopi. Sic Procurator qui nomine alius init contractum. Cæterum A,
esse *eminenter* B, stat in eo, quod cum non sit actu formaliter B, sed
longè supra B, possit facere quod facit B: & sic neque Prorex est e-
minenter Rex, neque Vicarius est eminenter Episcopus.

61. Dicitur 3. *ultra illum quod tendit &c.* ad significandum, subje-
ctum non vivere motu, seu actione illa, qua producit proprietates pas-
sionesque suas physicas, v. g. qua producit aliquam suam præsentiam,
qua mittit species conducentes ad sui visionem, qua ignis producit ca-
lorem in se, qua corpus grave producit motum deorsum, & similes,
quia per has, vel per harum terminos constituitur naturalis status ha-
rum rerum, & non sunt solius connexionis termini extrinseci: Dici-
tur quartò *in se*; quoniam motus ille vitalis debet esse immanens: in-
terdum immanentia identitatis, & consequenter immanentia tantum
logica, ut quando motus non est formalis, sed eminentialis, quia
tunc identificatur realiter cum vivente ipso. Et in hoc sensu intelle-
ctiones, volitionesque divinæ sunt immanentes, immanentia scilicet
logica, sive identitatis eo ferè modo quo dici solet essentia esse indis-
ferens indifferentia logica ad existendum; interdum verò immanentia
physica, & formali, sive receptionis, ut quando vitalis motus physice
recipitur adæquatè, vel inadæquatè in principio ipso à quo physice
egreditur. Et in hoc sensu nutritio, sensatio, & intellectio creatæ
sunt immanentes immanentia scilicet physica, sive receptionis: quia
intellectiones creatæ physice recipiuntur in solo Angelo, à quo physice
procedunt, vel in sola anima, à qua physice producuntur. Nutritio-
nes autem, & sensationes recipiuntur physice saltem inadæquatè in
anima, à qua physice producuntur. Unde habes non esse de ratione
actionis immanentis quod recipiatur in solo principio activo; sed quod
recipiatur simpliciter in principio à quo physice egreditur. Neque
quod

quod recipiatur in toto illo, sed sufficit quod recipiatur in parte integrante illius; quoniam vitalis sensatio, qua equus, v. g. sentit calcari in latere, aut virgam in dorso, est immanens: & solum recipitur in parte integrante illius corporis, & illius animæ quam esse divisibilem dixi. Dicitur 5o. *de se*, & *per se*. Ad significandum, actionem illam, sive motum in specie, qua subiectum vivit in actu secundo, quique idcirco dicitur *motus vitalis*, talem esse: ut subiectum ipsum vivens per se, ex suæque natura, & non per accidens dumtaxat, excludat consortium alius Agentis æquè in illa specie concurrentis ad motum illum. Si quando homo actu vivit per actualem intellectionem, ex se, atque suapte naturâ excludit, quod aliud quodcumque agens æquè concurrat in illam suam intellectionem (non tantum in individuo, quia hoc commune est omni agenti; sed in quacumque aliam qua homo ipse intelligit) in illa eadem specie: hoc est quod concurrat, ut se, etiam illud aliud intelligat per illam eandem intellectionem per quam intelligit homo: aut nutriatur, aut sentiat per illam eandem nutritionem, vel sensationem, per quam nutritur, aut sentit homo.

62 Verum est quod Deus indispensabiliter concurrat ad intellectionem illam; imò multò magis principaliter quam homo in aliis sensibus; aut non concurrat, ita ut Deus vivat, seu intelligat per illam intellectionem. Et quando Deus facit quod pollicitus est per Jeremiam: *Dabo legem meam in visceribus eorum, & in corde eorum scribam eam*, nempe quando impertitur homini motiones efficaces intellectus, aut voluntatis, non est quia intellectus noster, aut voluntas se habeant merè passivè in actibus illis vitalibus cognoscendi, aut amandi sicut se habet hæc carta super quam characteres formo; sed quia Deus ex pura sua misericordia irresistibiliter condeterminat intellectum, aut voluntatem, ut in se ipsis producant eos actus vitales nec liberos passivè, nec meritorios, homini. Et in hoc sensu dicuntur hi actus fieri in nobis, *sine nobis*: nempe sine nobis, *liberè electivè* concurrentibus ad illos. Subsistit tamen Deum neque vivere, neque intelligere per actus illos, sicut vivit, & intelligit homo. Verum item est, quod homo ad multos suos actus vitales admittit consortium aliorum principiorum creatorum immediatè physicè concurrentium ad illos, puta habitus infusos, & similia. Aut subsistit etiam nullum ex eis vivere, intelligere, aut amare per actus illos: & consequenter nullum concurrere ad eos, æquè in specie illa, atque hominem ipsum.

63 Verum denique est hominem A, non excludere ex sua natura quod alius homo æquè concurrat ad aliam intellectionem similem in specie, & tantum aumericè distinctam, sed per quam non intelligat ipse homo A, quia hic suapte natura opponitur cum eo, quod alius homo vivat illâ eadem numero vitâ, qua ipse vivit; & consequenter cum eo, quod intelligat illâ eadem intellectione, qua ipse intelligit (contra quod nequit sumi argumentum ex nutritione monstrorum illorum, in quibus duo corpora, vel semicorpora, vel corpus, & dimidium apparere solent. Vide quod scriptum disp. 1. physicæ speculativæ cap. de forma)

forma) Hoc autem non verificatur de subiecto non vivente; quia licet ignis, v. g. opponatur quoque cum eo, quod aliud agens operetur actione illa individua, qua ipse *solus* calefacit, aut producit calorem in se ipso, sed non opponitur cum eo quod aliud agens operetur actione aliqua qua ipse producit calorem in se, vel in alio passio, quia non opponitur cum eo, quod actio aliqua ex his nascatur simul, eadem actionem à se, atque ab alio agente; idem dico de motu quo gravitas rapit deorsum corpus, cui inhæret; quamobrem sicut de ratione agentis liberi libertate indifferentiæ est excludere consortium omnis penitus alius agentis, quod *immediatè liberè* se exercet per ullam eandem actionem per quam ipsum immediatè liberè se exercet, v. g. quod amet, quod velit, quod peccet immediatè per illam eandem, per quam ipse amat, per quam vult &c. Ita de ratione viventis est excludere consortium omnis omnino alius agentis, quod immediatè formaliter vivat, per ullam eandem actionem, per quam ipsum vivit. Et hanc vim habent illæ voces *à se*, & *per se*.

64. Definitio viventis sic explicata probatur. In plerisque rebus ob inopiam vocum non aspiramus ad concinnas illas, breves, & concisas definitiones logicas, quæ duobus solis verbis constant, uno explicante genus, & altero differentiam infimam; sed contenti sumus definitione conveniente omni, & soli definito, huiusque quidditatem in hoc sensu simpliciter aperiente. Ergo si definitio viventis data, & explicata fuerit talis, ea contenti esse debemus. Sed est talis. Probat. In primis convenit Deo, Angelis, animabus, separatis, hominibus, beluis, & plantis, quæ sunt omnia vivencia hæcenus nota. Deinde nulli alii. Ergo. Probo primam partem. Tamen Deus exercitiis sui intellectus, ac voluntatis non se moveat ab intrinseco, motu formaliter tali, quales sunt nostri: neque immanente immanentia physica, sicut nostri sunt immanentes; verumtamen agit, & operatur motu, seu actione non virtualiter utcumque, sed *eminenter tali*, atque logicè immanente juxta dicta num. 60. quod sufficit ad veritatem illius definitionis abstrahentis à speciebus viventium, ut ibi dicebam. Ergo ea definitio convenit Deo respectu actuum intellectus, & voluntatis, quibus proculdubio vivit in actu secundo. Convenit etiam Patri respectu generationis Æterni Filii, & Spiratori respectu spirationis, quæ sunt etiam actiones vitales, quia cum propter circumfessionem divinarum, Personarum dictum sit Philippo: *Non credidit, quia ego in Patre, & Pater in me est*: hac de causa actio, qua Æternus Pater generat verè quæ producit Filium, sive sumatur activè pro sola scilicet Paternitate, sive passivè nempe pro sola filiatione: sive utrovis modo verè est, quoad suam essentialiam in Patre, & verè est immanens in eo immanenti à logicè quatenus tota essentia illius (nimirum essentia divina, quæ profectò est unica, & realiter simplex, quia nec essentia, nec aliquid transcendente multiplicatur in divinis, ut suo loco probò) est in Patre. Ex alia parte hic per semetipsum excludit consortium alius suppositi æquè concurrentis ad æternam illam generationem. Ergo salvatur conceptus datus viventis in illa generatione. Idem dico de Spirazione. Neque

Ionn. 14.

in *as* fore, ut Pater aliquā fruatur viā actuali, nempe generatione, qua non fruitur Filius. Nam cum in divinis non multiplicentur absolute, sed sola relativa, ut nuper insinuavi: inde est, quod sicut tota entitas, & divinitas illius generationis est in Filio, eo quia sit entitas, & divinitas essentia divinx, & non alia: ita vitalitas tota illius est in Filio. Neque dicas Patrem constitui intrinsecē in esse Patris per generationem ergo per hanc tendit Pater in suum statum naturalem. Ergo per hanc non vivit. Nam contra. Alia est generatio activa, ut modo insinuavi, & suo loco dixi. Alia passiva. Illa stat formaliter immediatē in sola Paternitate. Et per hanc constituitur Pater, & per hanc non vivit in actu secundo; quia nulla res vivit formaliter in actu secundo per suum formale constitutivum; sed in actu primo, sicut homo vivit per animam. Vita enim in actu secundo stat in actione, qua vivens operatur in sensu explicato supra. Generatio passiva stat formaliter in filiatione: & per hanc non constituitur Pater: & per hanc vivit in actu secundo, quia est actio, seu productio oriunda à Patre ipsique immanes in sensu nuper dicto. Idem de spiratione. Unde habes definitionem daram num. 60. non excludere à vitalitate actionem, cum qua summē essentialiter connectitur status naturalis viventis; sed actionem per quam, seu per cujus terminum intrinsecē constituitur, quæ sunt res diversæ: quandoquidem omnis Creatura intime connectitur cum Deo: & non constituitur essentialiter per eum. Habes quoque solum illud aliud, scilicet. Omne debitum rei in primo, & pto primo instanti suæ existentia (qualiter deberi dicitur Angelo cognitio sui ipsius, per quam utique vivit) spectat ad statum connaturalem illius rei. Distinguo. Spectat ut terminus connexionis, status illius concedo. Ut constitutivum semper atque universe, nego.

§. II.

65 **D**Einde illa definitio convenit Angelis, & animabus separatis. Quoniam ambo hæc constituta in suo statu naturali operantur à se, & per se; & in se suas intellectiones, suosque actus voluntatis, ut constare videtur. Nam licet anima separata à corpore non sit in statu sibi connaturali; at per intellectiones, & volitiones quas tunc habet, non tendit in unionem cum corpore: unde nec in statum suum naturalem. Et licet visio beatifica possit dici spectare ad statum connaturelem animæ nostræ juxta vocem illam. *Inquietum est cor nostrum, donec requiescat in te.* At cum sit supernaturalis, sicut amor Dei, non constituit certè statum naturalem nostrum in sensu merè philosophico, sed mystico. Convenit quoque homini: tum quoad actus vitales purè spirituales, quales sunt actus, intellectus, & voluntatis: tum quoad actus vitales corporales, quales sunt actus interni phantasiae,

Aug. I. Cō-
sis. cap. 1.

sive; atque appetitus materialis, & actus externi videndi, sentiendi; loquendi, nutriendi se ipsum &c. Quoad illos: propter rationem datam pro Angelis, & animabus. Quoad hos: quia homo ita producit formaliter in se (hoc est in membris dispositis) à se & per se suas imaginationes, sensationes, visiones, loquutiones, motus locales, auditiones, nutritiones, & similia, ut neque his exercitiis tendat in suum statum connaturalem: neque pariatur aliud quidquam æque concurrere ad has operationes, ita ut illis denominetur eadem quæ ipse denominatione, v. g., ex tua ipsa natura excludis quod alius concurrat ad tuam nutritionem, ut illâ etiam nutriatur ille: ita concurrat ad tuam sensationem, ut illâ etiam sentiat ille. Recole num. 61. & 63. Neque obstat quod actiones illæ non recipiantur in toto homine, quia jam dixi num. 61. non esse id necessarium ad rationem immanentiam; alias non esset immanens actio, quæ equus audit, videt, olfacit, sentitque quandoquidem, neque in toto corpore, neque in tota anima recipit illas; sed in partibus quibusdam corporis, & animæ distributione accomoda. Quod si putes, animam equi esse entitative indivisibilem, fiat argumentum in animabus vermium, quorum animæ certius sunt divisibiles. In homine autem, cum anima sit indivisibilis, & actiones illæ recipiantur verè in anima, licet inadæquate tantum, jam recipiuntur in toto aliquo constitutivo essentiali ipsius. Et hinc solvitur difficultas, quæ emergere solet contra vitalitatem nutritionis, atque generationis filiorum, atque sensationis corporeæ originem trahentis ab extrinseco aliquo principio, v. g. ab esca in palato, vel ab igne &c. quarum primæ duæ videntur non esse actiones immanentes, & consequenter neque vitales juxta hanc definitionem. Tertia verò est à principio extrinseco unde subjectum non elicet eam *à se*.

66 Neutrum est verum. Nutritio stat formaliter immediate in actione, quæ post longam præcedentem actionum seriem, vivens producit unionem continuativam versus longitudinem, latitudinem, aut profunditatem particulæ alimenti cum priore, quam habebat substantia: interdum producendo particulam quoque suæ animæ in ea particula, quæ fuit alimenti, si anima sua est divisibilis, v. g. anima plantarum, & anima brutorum: interdum producendo dumtaxat unionem etiam substantialem suæ indivisibilis forme cum ea particula alimenti, ut contingit in nutritione humana. Utriuslibet continuativæ unionis productio est actio immanens: quia licet non recipiatur in tota materia, aut tota anima illa divisibili, recipitur in aliqua parte integrali propria illius animalis: nimirum in particula illa corporis, & animæ, cum qua immediate continuatur illa nova particula alimenti; Et ex alia parte animal illud susceptæ naturæ excludit quod res alia nutriatur actione illa. Similiter generatio filiorum est actio immanens, & vitalis. Sed opus est distinctione.

67 Generatio equi, v. g., vel sumitur 1. pro actione productiva formæ equinæ in materia, unionisve formæ illius cum hac. Et sic non est actio vitalis; cum quia fieri potest, ut immediate post emissum semen

Genes. 19.

men moriatur equus Pater : cumque neque forma equina filii , neque ipsius unio cum materia producantur in instanti immediato post feminis emissionem inde est quod ambæ produci possunt quando mortuus est Pater . Ergo neutrius productio est actio vitalis Patris ; tum quia neutra actio est immanens in Patre ; sed immanens , seu recepta in materia seminis , quando jam non est pars integralis Patris , sed pars divulsa ex illo . Vel sumitur 2. pro accidentali , & quasi materiali , & per accidens commixtione paterni sanguinis cum materno sine ullo physico conatu , ut forsan contigit Lot iuxta phrasim , qua utitur Scriptura referens illum casum : atque ut contingit illis , qui generantur ope Dæmonis incubi (si forte generantur aliqui) eo quod Dæmon semen hominis , nil tale cogitantis , furetur , & velocissimè infundat matri Strigis . Et sic neque est actio vitalis formaliter in se ipsa quamvis sit connexa cum principio vitali (non enim omne connexum cum alio particeps est eo ipso naturæ illius alius) quia tunc actio productiva unionis animæ cum materia , est actio non recepta in Patre ; sed in sanguine ipso motu , sive transfuso ex uno loco ad alium . Vel sumitur 3. pro effusione prædicti sanguinis verè , & simpliciter facta à Parente ; & hæc est actio immanens , & reducitur ad illam virtutem loco motivam , quam supra dixi esse viventem , quia verè sit à Parente , atq; recipitur in ipso , in eo sensu in quo nutritio equi recipitur in equo ipso : nempe recipitur in aliqua parte integrante ipsius . Illa namque effusio , seu missio recipitur in sanguine ipso , quem emittit Pater : & hic sanguis licet sit excrementum , ut supra dixi ex Aristotele , est pars integralis substantialis , & satis necessaria ad integritatem ipsius Parentis , ut ex ignavia , & marcore Eunuchorum constare potest : & non est sicut unguis , aut capilli , aut sanguis alter ordinarius , quo vulnus manare solet , ut constat .

68 Sed quia hæc missio sanguinis illius *facta per parentem* non est necessaria ad Paternitatem (si verum est illud de Diabolis incubis) si quidem homo , qui tunc generatur est verè , ac propriè filius hominis illius cujus sanguinem clam furatus est Dæmon : idcirco generatio potest sumi 4. pro formatione , atque elaboratione seminis ipsius : quæ formatio , & elaboratio dici potest generatio in actu primo , idest , præparatio materię proximæ , quæ formationi prolis subservit . Hæc quoque est actio vitalis , & immanens ; quoniam licet semen non informetur animâ vivente , ut supra dixi : item licet non sit pars essentialis viventis ; est tamen pars integralis , & non ex infimis . Ergo omnis actio qua vivens operatur verè , & simpliciter in ea materia est actio quæ procedit à vivente , & recipitur in parte integrante ipsius viventis . Sed ad rationem actionis immanentis sufficit quod recipiatur in parte saltem integrali illius ejusdem agentis , à quo physice procedit , ut nuper dicebam de nutritione equi : v. g. posito quod habeat animam divisibilem , & ex sensatione ejusdem , quando una pars sua calcipit aliam : & ex auditione ipsius , quando auris sua percipit sonum editum pedibus , v. g. Ergo omnis actio , qua vivens verè , & simpliciter operatur in ea materia habet , quod sufficit ad rationem immanentis .

Ergo

Ergo ut immanens. Sed omnis actio qua format elaboratque semen, nimirum qua producit formam seminis recipitur in ea materia, ut actiones quibus producuntur reliquæ formæ substantiales materiales. Ergo illa efformatio seminis verè est actio immanens: & in ea sola stat formaliter immediatè Paternitas, sive generatio in actu primo. Ex quo discursu habes quod ex quatuor acceptionibus, quas habere potest hæc vox *generatio*, & potentia generativa in duabus prioribus non est quid vitale; est verò in duabus posterioribus.

69 Denique sensatio illa, quæ difficultatem movebat ad finem, num. 65. est quoque immanens; quoniam licet multoties non vivens ipsum, sed causa alia extrinseca producat in vivente id, quod ex sua natura aptum natum est ad causandum sensationem jucundam, vel ingratam; & hac de causâ, causa illa extrinseca vulgò dicatur causare dolorem, aut jucunditatem (& consequenter alterutram ex his duabus sensationibus) juxta eum frequentissimum modum loquendi, quo dicimus rem causare effectum, quando licet ipsum non causet formaliter immediatè, causat tamen aliquid suapte natura inductivum illius, in 2. Reg. 12. quo sensu David dictus fuit occidisse Uriam *gladio filiorum Ammon*. Et Diabolus dicitur à Christo Domino, quando per Judæos quærebatur ad necem. *Ille homicida erat ab initio*, nempe ob homicidium Abelis quod persuasit Caino. At tamen causa illa extrinseca non causat illam sensationem gratam, aut ingratam formaliter immediatè; sed vivens ipsum: quemadmodum licet visuales species producantur in oculis ab objectis externis, & sonus in auribus; verumtamen quod producit visionem corpoream, & auditionem est vivens ipsum, & non causæ illæ externæ. Ergo sicut in his duobus exemplis magis claris oportet distinguere à visione, atque auditione illud, quod in oculis, & auribus causant causæ extrinsecæ: ita in cæteris sensationibus. Et ratio est; quia illud idem numero (v. g. eandem plagam, calefactionem, aut combustionem) quod hic, & nunc causant in corpore animato causæ extrinsecæ præsentis, poterant causare in corpore inanimi; Si quidem effectus illi in sola materia hujus corporis recipiuntur, & ex nullo capite probatur connexio illorum cum anima, hic, & nunc informant corpus hoc. At casu; quo hoc corpus esset inanime, non daretur sensatio. Ergo hæc non stat in eo solo, quod in corpore hoc faciunt illæ causæ. Ergo sensatio aliquid distinctum ab eo, quod faciunt in hoc corpore illæ causæ. Hoc aliud est quod dico fieri ab anima, seu à passio ipso composito ex corpore, & anima. Sed hoc aliud recipitur in hoc eodem composito saltem secundum illam partem integram, in qua fit sensatio. Ergo hæc verè est immanens, ut pote recepta in eodem, à quo producit. Sed dices; quid est ex parte rerum hæc sensatio ex calore, v. g. quæ non est calor ipse; quæ etiam ego; quid est ex parte rerum hæc visio albedinis, quæ non est albedo? Hæc *auditis* strepitus, quæ non est strepitus ipse? Sicut ergo albedo percipitur oculis qualitate quadam, quæ non est albedo, sed visio albedinis, & sonus percipitur aure qualitate quadam, quæ non est sonus, sed auditio illius. Ita calor frigus, duri-

durities, mollities, & sexcenta alia percipiuntur tactu, qualitate quadam, quæ non est calor, neque frigus &c. sed *sensatio* illius interdum grata, interdum ingrata. De his iterum redibit sermo infra n. 82. & seqq.

70 Denique definitio viventis supra data convenit animalibus irrationalibus quoad suas nutritiones, sensationes externas, atque internas: nec non plantis quoad nutritiones suas ob eandem rationem nuper datam pro hominibus. Ergo illa definitio convenit omni viventi. Ex alia parte non convenit ulli non viventi. Quia licet multa non vivencia operentur quoque, operatio illa, aut non est immanens, aut per illam tendit agens in suum statum connaturalem in sensu philosophico, aut agens non habet à se & per se in sensu jam dato illam operationem, ut inspicienti singulas actiones, quæ obijci solent constabit protinus. Ergo definitio illa convenit omni, & soli viventi in actu primo hoc est omni, & soli verè, ac simpliciter potenti elicere operationem, qua ipsum verè, & simpliciter vivat. Et hinc infertur quod licet tanta detur etherogeneitas viventium, ut mox dicam, nihilominus datur conceptus communis, & univocus respectu omnium illorum: videlicet definitio illa, Quoniam omnis conceptus expri- mens rationem verè, ac simpliciter convenientem omnibus viventibus, & nullam in eis aperiens diversitatem, sed ita miscens, & confundens illa, ut ex vi præcisè talis conceptus discernere nequeamus, sine nec nemulta vivencia, est conceptus logicè univocus respectu illorum, juxta ea, quæ sæpè dixi in logica. Proponit namque illa definibilia, vel actu definit illa unicà definitione. Sed talis est definitio data: quia ut constat est discursu facto à num 64. convenit omnibus omninè viventibus. Et ex vi præcisè illius nequit intellectus discernere ullam multitudinem viventium: id est, nequit discernere utrum motus ille, siue operatio sit formaliter talis, ut contingit in creatis, vel eminenter talis, ut contingit in Deo. Neque. Utrum sit operatio intentionalis, ut contingit in viventibus cognoscitivis, vel sensitiva, vel nutritiva &c. Ergo definitio illa est conceptus univocus omnibus viventibus. Univocus inquam non univocatione physica, quia hæc poscit physicam, & realem æqualitatem in univocatis, quæ profecto non datur inter omnia vivencia; sed univocatione logica, quæ contenta est apparente æqualitate, in eo stante, quod realis inæqualitas, quæ datur inter univocata non appareat per talem conceptum. Et ea non apparet per dictam definitionem. Et ob hanc rationem, licet homo, & canis nequeant univocari physicè in animalitate, quandoquidem animalitas hominis longè superat animalitatem canis, univocantur logicè sub hoc conceptu *animal*, quia per eum non apparet diversitas physica, & realis, quæ datur inter illos; lege quæ scripsi in logica disp. 4. circa univocationem Dei, & creaturæ sub conceptu entis.

71 Si dixeris. Motum, seu operationem purè eminenter talem, tam improprie esse operationem, quam homo pictus est homo: maxime cum, esse operationem virtualiter, siue eminenter talem consistat in eo quod *cum non sit operatio* perinde se habeat, ac si operatio esset: unde

unde sicut hic conceptus *distinctio* non est univocus respectu distinctionis actu formaliter talis, & distinctionis tantum eminentialis, sive virtualis. Ita hic conceptus, *operatio*, *motus*, *actio* non est univocus respectu actionis *formalis*, & actionis tantum *eminentialis*, qualis est divina respectu divinarum intellectionum, & volitionum. Et consequenter praedicta definitio non erit univoca respectu viventis increati, & viventis creati. Si inquam id dicas, quæstionem de voce movebis; tene rem; videlicet illam definitionem verè, ac simpliciter convenire, prout jacet utrique viventi: & ipsorum non aperire diversitatem. Ac loquere prout volueris. Profecto res tantum eminentialiter talis interdum univocatur cum re formaliter tali, ut causa eminentialis productiva caloris univocatur logicè sub hoc conceptu *productivum caloris* cum calore, qui est causa univoca, & formaliter talis respectu caloris alius. Interdum non univocatur, ut non univocatur per se distinctio eminentialis cum distinctione actuali, & formali; totaque diversitas pendet ex usu vocum, quarum una accipiuntur in uno sensu, & alie in alio propter majorem commoditatem disputandi. Hoc unum stet. Rationem viventis in actu secundo ratione actualis exercitii vitæ poscere actualem operationem, quæ vel formaliter, vel eminenter sit talis. Et rationem viventis in actu primo ratione habendi per identitatem adæquatam, vel inadæquatam principium vitæ, facultatem poscere ad alterutram eam operationem. Atqui dicta definitio operationem dumtaxat enuntiat præscindendo à qualitate illius. Ergo enuntiat quod poscit ratio viventis, & præscindit à differentiis. Et in hoc stat quod illa sit conceptus logicè univocus.

72 Absolutè verò nego operationem eminenter talem (quidquid sit de operatione purè virtuali juxta id quod adverri num. 60.) esse tam improprie operationem, quam homo pictus est homo: & distinctionem eminentialem esse distinctionem, sicut statua est homo; quoniam licet consulto solo latino Vocabulario, inò & philosophico, hæ voces *operatio*, *distinctio*; solum significant operationes, ac distinctiones, quas in creatis experimur. At verò consulto Vocabulario Theologico, & attentis eis arcanis divinis, quæ neque homines Authores linguarum, neque homines purè Philosophi meminerunt, & ad quæ significanda non reliquerunt idoneas voces, operatio eminentialis verè, & simpliciter est operatio in hoc solo sensu Theologico, quatenus Deus verè, ac simpliciter intelligit, amat, odit, atque in ordine ad hæc non se habet sicut statua, cui nihil agenti, & merè passivè se habenti aliunde induuntur vestes. Et distinctio eminentialis verè, & simpliciter est distinctio in hoc solo sensu Theologico: quatenus scilicet essentia divina verè, & simpliciter communicatur Filio: Et Paternitas identificatur cum essentia verè, ac simpliciter non communicatur Filio. At ambo hæc *quatenus* sunt vera. Ergo operatio eminentialis verè est operatio in sensu Theologico quamvis non in merè latino, aut Philosophico. Et distinctio eminentialis verè est distinctio in sensu Theologico, quamvis non in sensu merè latino, aut Philosophico. Unde habes explicationem

nem illius quod disp. 1. logica dicebam de distinctione virtuali, nempe illam non esse verè, & propriè distinctionem: intellige veritatem, ac proprietatem philosophicam tantum, quæ ibi disputabarur. Et habes insuper vivens increatum, & vivens creatum non univocari sub illa dicta definitione in sensu merè latino, aut merè Philosophico; univocari autem in sensu Theologico. Et habes demum has minutias logicas super univocationibus logicis esse difficultates de vocibus, & orundas ex penuria vocum ad loquendum de multis rebus divinis; quas homines Authores linguarum, & purè Philosophi non meminerunt, & ideo idonea verba non excogitarunt pro nobis, qui loqui debemus de multis, quæ illis non venerunt in mentem.

§. III.

73 **H**Actenus de quidditate viventis; quoad ipsius multipliciterem. Dico 2. quemadmodum aliud esse solet Sanctum; & aliud Sanctitas. Ita aliud solet esse vivens, & aliud vita. Hæc potest sumi in actu primo: & est anima ipsa, seu tota substantia quando vivens non constat partibus essentialibus, ut non constat Angeli neque Deus. Vel in actu secundo; & hæc est duplex. Una consistens in unione substantiali animæ cum corpore: actu namque absolute est vivus homo ille, cuius anima est physicè unita suo corpori, tametsi nullam penitus eliciat actualem operationem vitalem: non enim est omninò necessarium quod in omni prorsus instanti, in quo homo vivit, eliciat actu nutritionem, aut sensationem, aut actum alium internum. Altera consistit in exercitio aliquo, sive operatione virali. Et sic nutritio, sensatio, imaginatio, intellectio, volitio, & similes operationes sunt vita in actu secundo. Hæc actualis vita potest item esse duplex. Una quæ sit motus actio, sive operatio eminentialis dumtaxat, & tales sunt actus omnes, tum necessarii, tum contingentes divini intellectus, ac voluntatis, saltem distincti à relationibus. Utrique enim cum non sint motus, aut actiones formales, physice sicut nostræ; insinuat nihilominus melius quam nostræ dominant Deum scientem, amantem, volentem &c. altera quæ sit motus, seu actio physica, & formalis. Et talis est hæc vita in actu secundo creatorum viventium, quoniam omnia hæc physice, & formaliter, & non solum eminentialiter operantur, quando actu vivunt elicientes operationem vitalem.

74 Rursus hæc eadem actualis vita potest esse septuplex (& omnes reperiuntur in homine solo, seu potius una vita, idest, una anima capax exercendi has omnes species vitæ actualis) nimirum, nutritiva, sensitiva externæ, quæ subdividitur in tot species quot sunt sensus nostri externi. Sensitiva internæ per actum phantasie, quem habere solemus inter formandum. Sensitiva internæ per actus interni appetitus materialis, quibus

bus sine peccato, ac merito (nisi annuat voluntas) solemus appetere, ac horrere sicut appetunt, ac horrent bestię, & sicut nos ipsi somniantes. *Locomotiva* cum suis subalternis, de qua egi supra num. 11. *Rationalis per actus intellectus* ad quos reducuntur actus memorię. Et *rationalis per actus voluntatis*. Et unaquęque ex his duabus subdividitur in alias duas vitas actuales. Unam entitativę naturalem, nempe actus, intellectus, & voluntatis quos Angeli, animę separata, ac homines possunt elicere sine adiutorio supernaturali. Alteram entitativę supernaturalem, nempe actus, intellectus, & voluntatis, quos nec Angeli, nec animę, nec homines possunt elicere sine illo adiutorio. Cumque tot sint species distinctę tum unorum actuum, tum alterorum: jam hinc vides, quam copiosa seges nascatur vitarum rationalium; quod si divisionem facias ex parte subjecti viventis, sex invenies membra dividenda. Scilicet vitam actualem Dei, Angelorum, Animarum separatarum. (quę sanę non sunt mortuę, sed vivunt, & ex earum vita docuit Christus Dominus resurrectionem mortuorum Sadducęos negantes illam. *De mortuis autem quod resurgant, non legisti in libro Moysi super rubum quomodo dixerit illi Deus inquitens. Ego sum Deus Abraham, & Deus Isaac, & Deus Iacob? non est Deus mortuorum, sed vivorum*) Hominum, Belluarum, Plantarum. Prima, secunda, & tertia sunt vitę purę rationales, quia nec Deus, nec Angeli, nec animę separata habent nutritionem, actus phantasie, aut appetitus materiales, aut sensationes externas: quia hæc omnia pendunt a corpore, quo illa eria carent. Et licet spiritus damnati torqueantur igne infernali, tortura illa non est sensatio externa corporalis, sed interna, & merę spiritualis causata quidem per ignem materiale, sed elevatum per Deum ad operandum in subiecto spiritali (sicut nostrę potentię naturales passim elevantur per Deum ad effectus supernaturales agendos, & recipiendos) & ex illa operatione nascitur quod viventes illi spiritus infelices producant viralem illam acrem sensationem, qua cruciantur: sicut anima nostra licet sit spiritalis, producit quando est unita corpori mordacem, atque vehementem sensationem in se, atque in corpore receptam, si corpus comburatur.

Matth. 12.

75 Vita plantarum est purę nutritiva, quidquid sit de quibusdam historiis (Deus scit veritatem facti, quod narratur) quarundam plantarum, in quibusdam partibus Philippinarum, & Americę, ad quasdam ripas quarundam aquarum: quę plantę dicuntur contrahi, & quasi verecunda persona, claudi intra se ipsas, quando manu humana palpentur, aut quando homo etiam tacitus, ipsis appropinquat. Sine vitā sensitivā potest contingere hoc, sicut multę alię res, quę certę non sunt sensitivę, naturaliter dilacantur, vel contrahuntur frigore, siccitate, calore, aut humiditate. Potest contringere quod plantę istę Indianę (& consequenter prodigiosę, quia valdē distantes) atmospherā humani corporis (idest, spiritibus, vaporibus, fumis, exhalationibus ex eo jugiter exeuntibus) naturaliter contrahantur, & in se ipsas revolvantur, sicut funes post madefactionem naturaliter contrahunt.

trahuntur. Et in alia parte Indix possunt esse, aut nasci aliæ herbæ; quæ atmosphærâ corporis humani, vel canini, vel felini naturaliter delatentur, quin propterea gaudeant propinquitate corporum illorum. Cautos nos reddit vetustissimum nostrum proverbium. *De lingua terrarum linguas petrasas*: idest: *ex longinquis regionibus, longissime sabella*. Vita belluarum est nutritiva; & sensitiva: cum externè, ut eonstat; quia omnes illæ crescunt per intus sumptionem, & omnes dant signa doloris, quando feriuntur: & valde credibile est omnes habere aliquam internam, sed corpoream, & materialem, cognitionem eorum, quæ ipsis sunt congrua, & eorum, quæ incongrua sunt: cum in vilissimis corpusculis pulicem, culicem, & aranearum, quæ saltu prehendunt masticas, experiamur sagacitatem externam, quæ satis indicet internam aliquam, licet rudem, & materialem cognitionem ex phantasia derivatam. Vita denique hominum omnes has vias complectitur, ut eonstat. Unde licet detur de facto vita purè rationalis, & vita purè nutritiva; aut non est detectum hætenus vivens purè sensitivum externè: quandoquidem omne sensitivum est saltem nutritivum. Neque purè sensitivum internè: quia omne tale est sensitivum quoque externè. Hæc dixerim de vita, quæ formaliter strictè, ac philosophicè est vita: quod si ad sensus anagogicos, & allegoricos excurras, vita etiam est illud, quod necessarium est, & conducit ad vitam. Unde Christus Dominus dixit: *Hæc est autem vita æterna, ut cognoscant te solum Deum verum, & quem misisti Iesum Christum*; quæ cognitio est quidem in se ipsa formaliter vita; ac æterna solum est, quatenus necessaria, atque ad illam ducens est. Et hic sensus *Ibid. c. II.* *vita* frequens præterit apud Joannem. Vita quoque est illud, quod dat vitam. In quo sensu dixit Dominus plangenti Marthæ. *Ibid. c. 14.* *Ego sum resurrectio, & vita*, & alibi. *Ego sum via, veritas, & vita*.

76 Jam quod attinet ad vivens ipsum, ut distinctum à vita in actu secundo, est etiam multiplex. Aliud namque est vivens in actu secundo. Aliud vivens in actu primo. Vivens dicitur tale in actu secundo, quando actu elicit actionem vitalem, modo suæ naturæ proportionato (non enim debemus omnia metiri regulâ eadem) nempe vel formaliter physicè, ut faciunt viventia creata: nec non æternus Pater respectu generationis Filii, & Spirator respectu Spiritus Sancti: vel eminenter dumtaxat, ut facit Deus respectu suorum actuum intellectus, & voluntatis. Hæc species viventis in actu secundo tot modis potest intelligi, quot dixi de vita in actu secundo. Dicitur quoque vivens in actu secundo, seu actu vivum, & actu vivere: quando licet nullam penitus eliciat operationem vitalem, ut jam supra notavi, actu tamen habet per identitatem, aut unionem principium illius elicitive; quævis enim anima separata, vel Angelus, nullum omnino conciperet actum, intellectus, aut voluntatis per aliquod instans (eo quia Deus negaret ei suum concursum, vel propter aliam causam) adhuc viverent. Idem dico de homine cujus corpori unita esset anima. Vivens dicitur in actu primo quando loquimur de illo inspecto secundum virtutem operandi vitaliter, operetur nec ne actu. Hæc vivens in actu primo

primo (omissis illis, quæ idè præcisè vocantur *vitalet*, quia fovent, & conservant vitam, suntq; ad illam necessaria, puta sanguinem, calorem, spiritus utroque, & hujusmodi multa, quæ vitalia dicuntur ab effectu, ut mox dicam) est tripliciter 1. ratione identitatis adæquatæ cum principio vitali: & talis est Deus, Angeli, nec non anima rationalis. 2. ratione identitatis inadæquatæ: & tale est homin, bellua, & planta, quia hæc tria identificantur inadæquatè cum animabus suis respectivè, quæ animæ sunt principia vitalia. 3. ratione unionis substantialis solius: & talia sunt corpora, quibus anima est unita. Illa namque verè sunt viva, tamen nec adæquatè, nec inadæquatè identificentur cum principio vitali, nempe cum anima, sed per solam unionem fruuntur illa. Sicut homo verè est Sanctus, Sapiens, albus, peccator &c. tamen nullo illo modo identificetur cum his formis, sed solum per unionem potitur illis.

77 Rursus vivens in actu 1. aliud est accidentale, aliud substantiale. Illud est quod, non tam est vivens, quàm quid superadditum viventi, ut eliciat, vel elicere possit actionem vitalem; per usitaram autem locutionem adscribitur ipsi nomen effectus ad quem suapte natura destinatur, sicut logica habitualis vocatur *Docens*, aut *utens* nomenclaturà acceptà ex actibus illis ad quos destinatur. Et sicut Jacob sortitus est hoc nomen à supplantatione: & nomen Israelis à prævalentia, sanè intellectà, in Deum: de quo satis exemplorum invenies in Hebræis nominibus. Et sicut Scipio quidam vocabatur *Africanus* ab Africa subjugata, & quidam alius *Asiaticus* ab Asia, & alius quidam Germanicus à Germania devictis &c. Oportet meminisse plurimas invecas esse in Scholam ipsam loquutiones figuratas, quibus omnes passim utimur: & ex eis non posse sumi Scholasticum argumentum ad probandum rigorem scholasticum. In hoc sensu habitus, præsertim infusi, lumen gloriæ, species, & tota suppellex rerum, ac principiorum, quæ determinatè habentur in ordine ad hanc, vel illam actionem vitalem, possunt dici principia *viventia*, seu *vitalia*; vitalitate tamen figurata, sumpto scilicet nomine ab effectu, si quidem planum est habitum charitatis, v. g. non amare Deum, lumen gloriæ non videre Deum, & similiter de similibus. Unde habes rationem, qua Graves aliqui Doctores probant hæc principia supernaturalia esse totam virtutem agendi actus supernaturales vitales, eo quod illa principia sint etiam viventia, non esse rationem efficacem: quoniam sunt viventia sicut Scipio erat Africanus, & sicut Jacob erat Israel: nimirum ab effectu; non autem quia principia illa formaliter in se ipsis sint viventia: quandoquidem neque nutriuntur, neque sentiunt, neque intelligunt, neque amant, neque ullam *in se ipsis*, sed in intellectu nostro, aut voluntate eliciunt operationem vitalem; & consequenter actus illi, ad quos juvant, non sunt immanentes respectu horum comprincipiorum, sed respectu solius intellectus, aut voluntatis. Unde concluditur, illa adiecta principia posse quidem esse comprincipia, sed non totalem virtutem ad actus illos vitales producentes.

Genes. 32.

78 Vivens in actu primo substantiale est illud quod non per loquutionem figuratam, sed verè simpliciter est vivens, & verè, ac simpliciter operatur modo suæ naturæ proportionato in se, à se, & per se, quia verè, ac simpliciter nutritur, aut sentit, aut intelligit, aut amat &c. Est duplex. Unum increatum (& hoc quatenus non quidem formaliter, sed eminenter duntaxat producit actum vitalem, ut intellectus divinus producit intellectiones, & voluntas producit suos actus. Vel quatenus non eminenter utcumque, sed physicè, ac formaliter producit aliquid modo vitali, ut Æternus Pater producit Æternum Filium, cujus non utcumque eminenter, sed verè, ac formaliter est Pater verè, & formaliter producit, seu mittit eum ex se missione, productione, ac generatione nobis in hac vita inaccessibili, infinitèque distante ab his nostris quarum sumus assueti.) Alterum creatum. Hoc vivens substantiale creatum est quadruplex. Unum per solos actus spirituales intellectus, ac voluntatis, ut Angelus, & anima rationalis separata. Aliud per solam nutritionem, ut plantæ. Aliud per nutritionem, ac sensationem externam, & internam, ut belluæ. Aliud per hæc omnia ut homo, qui ut pote compositus ex corpore, & anima rationali, capax est habendi omnes has vitas, hoc est, habet principium capax exercendi has omnes vitales operationes, quarum multiplicitas adscribi solet principio ipsi per figuratam loquutionem. Unde meritò scripsit Gregorius, Evangelium omni creaturæ prædicari cum soli homini prædicatur, quia scilicet: *Omnis creatura aliquid habet homo. Habet namque commune esse cum lapidibus: vivere cum arboribus: sentire cum animalibus: intelligere cum Angelis.* Nulla itaque est substantia in Cælo, aut in terra, quæ tot speciebus vitæ fruatur, quot fruitur homo,

S. Gregor.
homil. 29.
in Evang.

CAPUT SEXTUM

*De Modo, quo Viventia eliciunt operationes
Vitales: & de speciebus, quas illæ
prærequirunt,*

79



ON est quæstio de modo immanentis. Jam enim dixi supra, licet non omnis actio immanens sit vitalis, eo quia careat aliquo alio ex requisitis ad vitalitatem; verumtamen omnem actionem vitalem debere esse immanentem, vel immanentiam logicam, eo quod non distinguatur realiter à vivente ipso (ut contingit in divinis) sicut essentia creata dici solet indifferens indifferentiæ tantum logicæ ad existendum. Vel im-

ma-

manentia physica, eo quod distinguatur realiter ab ipso vivente, ut contingit in creatis. Nec 2. est questio de aliis operationibus vitalibus distinctis à visione corporea, ab actibus phantasiae, sive imaginationis, ab actibus spiritalibus animae, sive intellectus, sive voluntatis; sed de his solis, & de qualitatibus quibusdam, quae vocantur *species impressa* ad distinctionem illarum, quae dicuntur *species expressa*, eo quod haec consistant in ipsis intellectionibus, sive in terminis per illas productis, exprimentibus objecta. Etenim quod attinet ad alias operationes vitales, jam in physica speculativa, jam alibi explicui illas, inquiens, nutritionem, quae omnium infima est vita, stare formaliter immediate in actione, qua post multarum aliarum seriem preparantium alimenti materiam, anima producit in particula immediata materiae praexistens unionem continuativam materiae alimenti cum immediata illa materia corporis praexistente, producendo simul particulam suam animae in ea materia alimenti, si anima fuerit divisibilis: vel unionem solam suam animae cum ea nova materia, si anima fuerit indivisibilis.

So. Inquires item: sensationem corpoream per tactum stare formaliter immediate in actione, qua anima in ea parte corporis, quae alias est disposita (maxime per nervorum ramos, & ramusculos qui sunt primarium instrumentum sentiendi) & cui accedit aliud corporeum, licet tenuissimum, his duobus principiis determinata producit in illa eadem parte qualitatem, quae est formalis, & immediata perceptio, sive experientia proprietatis alicujus corporei illius, sive positivae puta duritiem, molliciem, aequalitatem inaequalitatem, calorem, frigus &c. sive negativae puta expulsionem caloris, expulsionem pruriginis, expulsionem siccitatis &c. In productione itaque hujus qualitatis, quae ex tactus ipsius experientia constat, sicut visio ex experientia oculorum, auditio ex experientia aurium: & sicut albedo, lux, combinatio corporum, & alia constant ex aliis experientiis: in productione inquam illius qualitatis stat formaliter immediate sensatio per tactum sive sit dolor corporalis, qui est actualis perceptio per tactum rei ingratæ tactui: sive sit voluptas corporalis, quae est actualis perceptio per tactum rei gratæ tactui. Et quia Deus ita fabricavit totum ferè corpus, maxime carnem, ut in ferè toto sint dispositiones ad suscipiendum impressionem alius corporis ob nervusculorum ramificationem, idcirco in toto ferè corpore dominatur tactus, seu vis sensitiva per tactum. Et quia in unis partibus est melior dispositio, ut anima producat qualitatem dictam: & in aliis non tam bona, quae diversitas datur etiam in diversis corporibus diversorum hominum: idèò unæ partes dicuntur magis delicatae quam aliae, quia in eis citius, & intensius anima producit qualitatem eam percipientem rem ingratam, aut gratam, aut neutram, quàm in aliis, sicut ignis citius, & intensius producit calorem in unis subjectis, quàm in aliis, juxta eorundem dispositiones. Et quia Deus in aranea propter fines sibi notos posuit meliores dispositiones, quàm in corpore humano, ut animala illa producat in eo corpusculo dictam qualitatem: hac de causa *nos vincit aranea tactus*.

81 Et quia ab assuetis non fit passio in sensu quem alibi dedi: eo quia ad sensationem requiritur aliqua novitas (praesertim quando sensatio est productio dictae qualitatē in gradu valde remisso) ut tunc quasi sensus naturaliter accurrat anima prospiciendi ergo illi parti corporis, & intensiorem producatur qualitatē, quae est formalis perceptio, atque experientia illius objecti; post tempus autem, & tempus cessante novitate non ita curat anima rem illam, & distrahitur ad alias res, & consequenter languidam, vel etiam nullam producit qualitatē, quae sit formalis perceptio contactus corporis illius: hac de causa ratio non sentimus indumentum, cui assueti sumus ab incunabulis; sentimus verò defectum illius. Sicut qui assuetus est audiendi strepitum, non sentit illum, & ad illius praesentiam dormire solet; evigilat tamen illo cessante, quia tunc accidit novitas in organo audiendi. Et demum quia virtus animae est finita, & fieri potest motus coelestis, vel diabolico, vel etiam naturali, adeo fit distracta in re alia cogitanda, vel fruenda, ut ibi absumat tota virtus perceptiva: hac etiam de causa fieri potest aliquo ex eis tribus modis, ut anima non producat dictam qualitatē, & consequenter nil vel parum sentiat, tamen corpori admoveatur ignis, gladius, vel aliud idoneum ad cogendum animam, ut producat in gradu intenso illam qualitatē; & ex eo quod homo nec dolorem, nec voluptatem sentiat, ob vehementem distractionem quando aliis in gradu intenso debebat alterutrum sentire: confirmatur non leviter, perceptionem per tactum, doloremque, aut voluptatem non nasci ex solo contactu alius corporis; sed ex sola ipsa anima, hancque quando expedita est determinari contactu illo ad productionem illius qualitatē, in qua productione stat sensatio, seu grata, quae dicitur *voluptas*, seu ingrata, quae dicitur *dolor*, seu neutra.

82 Hinc 1. Aliud est quod *efficit* determinat animam, ut producat in ea parte corporis dictam qualitatē scilicet dolorem, aut voluptatem, aut qualitatē neutram. Aliud quod *formaliter immediatē* hoc est proximē per se ipsum determinat. Aliud *dolor* ipse sive *voluptas*, seu (aliis terminis.) Aliud est quod in corpore vivo agit, & producit agens illi applicatum. Aliud est actualis, vitalis, corporalis perceptio illius effectus, quem facit in corpore vivo agens illud. Hoc quando tangit corpus A vivum, verē physicē producit in eo calorem, v. g. vel frigus, vel plagam, vel contusionem, vel libertatem à molestia aliqua. Et sic activē per suum effectum determinat animam, ut producat in ea parte dictam qualitatē. Calor ipse, frigus, plaga, contusio, libertas ab illa molestia proximē per seipsam, ac per dispositiones illius partis determinat animam non penitus distractam, ut producat eam qualitatē. Ceterum qualitas haec (nempe actualis, corporalis, vitalis perceptio caloris, plagae, soni, odoris, saporis, in qua perceptione vitali stat formalis dolor, voluptas, & similes sensationes materiales) à sola anima producit physicē, tum quia est actus vitalis contentus intra vires naturales animae; tum quia si sensatio, seu corporalis perceptio illius caloris, frigoris, plagae, soni, odoris, saporis;

ris; hoc est, dolor, seu voluptas illa starent adæquatè in eo solo, quod unum corpus operatur in altero, omnis casus possibilis, in quo daretur illud, quod unum corpus operatur in altero, esset casus in quo daretur sensatio, sive dolor, aut voluptas &c. propter rationem datam sapè contra Connotatores. At non est: quia fieri potest, & solet, quod ignis, quod ferrum, quod alia similia operentur in corpore vivo, quin detur ulla sensatio, idest, dolor, aut voluptas, ut nuper dicebamus de abstractis modo supernaturali, aut diabolico, aut etiam naturali. Ergo præter totum illud, quod unum corpus operatur in altero, oportet fateri, aliquid aliud, in quo etiam stet sensatio, sive dolor. Hoc aliud est, quod voco dolorem v.g. & hujus productionem voco sensationem. Et sicut homo applicando activa passivis dicitur accendere lucem, ignem, & facere multa alia; ita propter immeditationem illius, quod facit unum corpus in alio vivo cum illa sensatione, dicitur vulgò unum corpus causare dolorem in altero, vel voluptatem, vel aliam sensationem. Neque dicas, fore ut homo non se habeat *merè passivè* respectu cruciatus, & doloris, quando torquetur ab alio, siquidem dicimus hominem ipsum producere physicè formaliter dolorem suum, idest, qualitatè illam, quæ est actualis perceptio corporalis corporis illius, quo torquetur. Unde subinferretur, damnatos spiritus non se habere merè passivè ad cruciatus illos, siquidem perceptiones illæ illorum, ignium sunt actus vitales spirituum ipsorum. Fateor vivens totum ab alio non se habere *merè passivè* in ordine ad sensationem istam, in qua stat dolor formaliter immediatè, quia ista sensatio, & dolor est actus vitalis; cæterum se habet merè passivè in ordine ad effectum, quem torquens causat in subiecto torto, & ex quo subiectum hoc irresistibiliter determinatur ad producendum in se ipso qualitatè, quæ est dolor. Unde torquens causat mediatè, ac determinativè dolorem; tortus verò formaliter immediatè. Unde infernalis ignis torquet determinativè spiritus illos, & illi immediatè se torquent: quia ipsi producant in se acrem sensationem illius ignis, quippe quæ est eorumdem vitalis actus.

83 Hinc 2. oportet fateri dari hanc qualitatè in qua dixi stare formaliter immediatè perceptionem contactus corporis extranei. Sic enim non potest prudenter dubitari, esse colores, esse luces, esse huiusmodi alia, quæ aliis sensibus percipiuntur: & juxta rationem datam in physica speculativa disp. 1. & 3. lux, color, & similia non consistunt in solis atomis substantialibus *sc.* & *sc.* & *taliter*, & *taliter* combinatis: & quamvis consisterent in hac combinatione, adhuc subsisteret illam esse quid verum, & reale, distinctum à solis substantialibus punctis combinatis, quandoquidem hæc possunt realiter existere quin illo individuo modo combinentur. Ita dubitari nequit, esse quamdam rem physicam, & realem, & non merum ludibrium sensus, quæ vocatur perceptio corporis alicujus, sive effectus, aut proprietatis corporis illius per viam contactus corporalis. Hæc realitas (da illi specificum nomen quod volueris) distinguitur realiter ab utroque corpore, & ab

illo contactu, & à dispositionibus utriusque, & ab anima corporis, quod physicè tangitur; quoniam complexum ex his omnibus potest dari, quin detur ea realitas *perceptionis corporalis*: eo quod anima sit aliò prorsus distracta; vel lethargo, aut apoplexi ligata. Distinguitur etiam ab animæ expeditione ab his impedimentis: quia ægrè assignabis rationem nisi petendo principium, ob quam nequeat Deus impedire dictam sensationem in sensu composito illorum omnium, nolendo scilicet concurrere ad illam, aut omitiendo volitionem concursus; sicut igne ad moto pulveri nitrato potest impedire inflammationem. Ergo realitas illius perceptionis distinguitur realiter à substantia omni. Ergo est accidens, & generica voce *qualitatis* illud significamus. Hoc accidens, hanc realitatem percipiendi per tactum corpus illud, est quod vocamus perceptionem materiale per tactum: & *dolorem* quando est ingratus propter substantiam, vel propter modum, vel propter alias rationes parti illi corporis, quæ tangitur: & *voluptatem* quando est grata: & *meram sensationem* quando neutrum est: Et hanc dicimus fieri ab ipsa anima in ea parte corporis, quæ tangit, vel tangitur: determinatà utique, & necessitatà per consuetudinem rerum, quæ tunc concurrunt. Est enim actio vitalis animæ ipsius, & non sicut actiones vitales divini intellectus: unde physicè, ac formaliter debet produci ab anima ipsa (quod enim neque formaliter, neque eminentialiter agit rem A, non vivit tunc per rem A; sed in ita trunci, aut cadaveris est) & insuper debet produci ab illa *in se ipsa* saltem inadæquatè: quia actio illa debet esse immanens immanentia physicà, & cum anima rationalis sit purus spiritus nequit actio illa recipi in sola hac anima.

84. Sicut ergo experientià deprehendimus multas alias res, quas aliunde ratione probamus contrà combinatores, esse accidentia distincta ab atomis sic, & sic, taliter, & taliter combinatis. Ita experientià partim, & partim ratione deprehendimus sensationes materiales, sive per preceptiones, tactū, aliumve sensum corporalem, esse qualitates factas per animam in se, atque in corpore. Utrum autem hæc *sensationes* materiales consistant unicè in actionibus productivis illarum qualitatum: Utrum unicè in ipsis qualitatibus: Utrum in unionibus harum cum corpore, & anima: Utrum in complexu ex his omnibus. Hoc inquam coincidit cum famosa illa quæstione: In quonam consistat formaliter immediatè *intellectio*? In productione speciei expressæ, seu verbi mentis? An in ipsa specie expressa? An in unione huius cum intellectu? An in complexu ex his omnibus. Et sicut paucis me expedivi ab hac quæstione in Prodro-mo disp. 4. num. 22. paucis eisdem potes te expedire ab ista alia de *sensatione* materiali. Et sicut casu quo Deus uniret gratiam sanctificantem huic papyro, hæc papyrus haberet quidem sanctitatem, sed non esset sancta, aut filia Dei adoptiva, quia intrinsecè est incapax harum denominationum: & denominationes non constituuntur solo subiecto, formà, & unione; sed *capacitate* etiam subiecti. Ita casu quo Deus speciem expressam, verbum mentis, pondus voluntatis, & similes qualitates intentionales uniret animæ nil prorsus agenti, sed mere

merè passivè se habenti : hæc haberet intellectionem , sed non intelligeret : haberet amorem , sed non amaret : haberet vitam actualem , sed non viveret per illam , quia licet alias sit capax intelligendi , & amandi ; alt prorsus est incapax intelligendi , aut amandi per actus , quos ipsa neutiquam producit physice , aut eminenter . Est namque de conceptu actu intelligentis , & actu amantis , actu vivere : & insuper de conceptu actu viventis , actu agere formaliter , aut eminenter aliquid . Cumque anima sit incapax invertendi essentias rerum , ideò est incapax intelligendi , aut amandi per actus , quos neutiquam ipsa facit . Et sic solvitur argumentum quorundam Doctorum impugnantium doctrinam nostram , ex casu quo Deus uniret intellectui nil agenti speciem expressam , hoc est cognitionem aliquam à se solo , vel ab alio intellectu creato productam . Similiter casu quo Deus subiecto vivo nil penitus agenti uniret qualitatem illam quam vocamus materialem perceptionem objecti corporei , hoc est quam vocamus dolorem , voluptatem , visionem , auditionem , saporationem , odoratum : subiectum illud haberet materialiter dolorem , sed non doleret , haberet materialiter visionem , sed non videret &c. quia licet alias sit capax subeundi has denominationes ; verumtamen est incapax subeundi illas per actus , quos ipsum subiectum , neque formaliter , ut creatura , neque eminenter , ut Deus , producit . Est enim de conceptu actu dolentis , actu videntis , actu audiendi , actu olfacientis &c. actu vivere . Et insuper de conceptu actu viventis , actu agere formaliter , aut eminenter .

85. Hinc 3. Verum est , posse Deum se solo facere quæcumque faciunt cause secundæ , quando hæc non habent ex sua met essentia facere illa ; secus quando habent , quia divina omnipotentia non est ad invertendum essentias rerum , v. g. non est ad faciendum quod homo non sit animal . At de essentia viventis actu est aliquid actu agere formaliter , aut eminenter : & de essentia actu dolentis , actu olfacientis , actu videntis &c. est actu vivere . Ergo licet Deus se solo sine igne , v. g. possit producere in corpore vivo totum illud quod produceret ignis in eo corpore : item licet se solo sine anima possit producere in ipsa , & in corpore qualitatem illam absolutam , quam produceret anima coacta , per illud quod faceret ignis ; nihilotamen minus nequit Deus se solo facere quod vivens illud actu doleat , actu videat , actu audiat , actu olfaciat , sine ullo influxu activo animæ illius ; quia nullum actu vivere viventis illius potest fieri à solo Deo , cum sit de essentia illius fieri etiam formaliter , aut eminenter ab ipso vivente . Et omne actu dolere , actu videre , actu audire est actu vivere illius viventis . Hinc 4. cum sensus audiendi , olfaciendi , gustandi (imò , & videndi quoad multa ,) pares vel supares sint sensui tactus , excepto quod temperavitentum , ac dispositiones ad hunc sparsit Deus per totum corpus ob fines suæ providentiæ ; temperamentum verò , ac dispositiones ad alios sensus redegit ad determinatas illas , & minuras particulas corporis (de quibus consule Anatomicos , qui soli practici sunt harum rerum quas nos definire nequimus nisi deperdenter ab experientiis illorum) ideò quæcumque

dixi de sensu tactus, intelligantur dicta respectivè de illis aliis sensibus quoad individuas illas partes corporis in quibus exercent suas sensationes, v. g. de auditu quoad tympanum, in quo anima producit actua-lem perceptionem soni: de gustu quoad cuspide[m] linguæ, atque gut-tur, ubi anima producit actua[lem] perceptionem saporis &c.

86 Sonus quippe vagans per aerem, & tympanum attingens, atque in eo bene disposito receptus, determinat animam ibi existentem, & non distractam, ut producat ibi, & non alibi (quia ibi, & non alibi posuit Deus temperamentum necessarium) qualitatem, qua formaliter immediatè percipit sonum. Et hæc qualitas, seu potius productio illius, est audi-tio, satisfactioque materialis in specie determinata auditionis. Et quia hoc temperamentum est melius in apro quam in homine, hac de causa dicitur, quod vincit *nos aper auditu*. Similiter corpora alia perfricantia mollem, spongiosam linguam, & guttur, obligant animam ibi exi-stentem, & non distractam, ut producat ibi, & non alibi (quia ibi, & non alibi posuit Deus nervusculos, & temperamentum necessarium ad hunc effectum) qualitatem, qua formaliter immediatè percipit corpus illud non qualibet perceptione, v. g. caloris, aut frigoris, aut duri-tiei, aut mollietiei; sed determinatè illa, quæ vocatur *gustus*, seu *sapor*: & hæc qualitas, seu potius illius productio est saporatio, sive gustatio, perceptioque materialis in specie determinata gustus. Et quia hoc tem-peramentum est vehementius in simia, quam in homine: idcirco dicitur quod nos vincit *simia gustu*. Similiter corpuscula alia, v. g. vapores, fumi, halitus &c. se se insinuantia per poros internos naricum bene dispositos obligant animam ibi existentem, & non distractam, ut ibi, & non alibi (quia ibi, & non alibi posuit Deus temperamentum ad hunc effectum) producat qualitatem, qua formaliter immediatè perci-pit corpuscula illa non qualibet perceptione, sed specificè illà, quæ dicitur *odoratio*. Et hæc qualitas, seu potius productio illius, est quod vo-catur *olere*. Et quia hoc temperamentum est magis vivax in Vulture, imò, & in cane, quam in homine, idè dicitur quod nos vincit *vulture odoratu*.

§. II.

87 **H**Is jam alibi dictis nunc leviter perstricis: primaria diffi-cultas stat in illis aliis, quæ adverti num. 79. nempe in modo, quo fiat visio corporalis, actus phantasie, intellectus, & vo-luntatis, quia his potentiis non applicatur physicè objectum sicut ap-plicatur corpori quando in hoc eliciuntur sensationes materiales nuper disputatæ; quid ergo est illud quod animam existentem quidem in oculis, & in cerebro, & non distractam (sed indifferen-tem omnino ad eliciendum in oculis visionem, in capite imaginationem, & in-tellectionem) determinat, ut eliciat tum visionem, tum imaginatio-nem,

nem, quæ sanè distinguitur à visione corporea, siquidem multoties imaginamur quod non videmus actu; tum intellectionem spiritualem, quæ certè distinguitur ab aliis duabus. Prisca, & satis rationalis Philosophia est; quemadmodum corpora aliqua mittunt ex se rem quandam (quæ ad placitum hominum vocatur calor) ad certam usque mensuram, & distantiam, qui calor receptus in corpore alio vivo, cogit animam ibi existentem, ut corporali actu, & vitali, percipiat illum perceptione quæ interdu[m] est dolor, interdum voluptas, & quæ utrovis modo est sensatio materialis, & corporea caloris; & quemadmodum corpora alia mittunt ex se ad certam mensuram, ac distantiam rem quandam, quam homines voluerunt vocari odorem qui odor receptus in quadam parte corporis, quæ vocatur *nasus* cogit animam ibi existentem, ut vitali corporali actu percipiat illum perceptione illâ specifiâ, quæ vocatur *odoratio*. Et quemadmodum corpora alia mittunt ex se rem aliam, quam vocari lucem voluerunt homines: quæ lux recepta in corporibus aliis non autem in oculis videntis (excipe feles, nocturnas volucres, & alia id generis immunda animalia, quæ ut pote destinata ad prædæ nocturnas, lucem habent in oculis sicut lampyrides in cauda, ut asperitæ prædæ luce illâ videantur, & terreantur, & capiantur) reddunt corpora illa idonea ad hoc, ut oculo corporali videantur.

88 Ira multa accidentia corporea, puta lucem, colorem, distantias, præsentiam, motum localem &c. mittunt ex se rem quandam (quæ ex mero placito hominum vocatur *species impressa*, & potuit vocari alio nomine) quæ res in ea parte oculi recepta, in qua Anatomici juxta suas experientias ajunt, fieri visionem, cogit, atque determinat animam ibi existentem, & non distractam, ut vitali corporali actu ibi quoque existente, percipiat ea accidentia, non ibi existentia, sed in objecto distante, & hic vitalis corporalis actus est quod vocatur *visio corporea*. Dixi 1. multa accidentia, quia nulla substantia licet corporea percipitur oculis: quia nulla illarum est color, lux, distantia, aut quid simile: imò & plurima accidentia etiam corporea non percipiuntur oculis, sed sensu alio, v.g. calor, frigus, odor, sapor, sonus, &c. Dixi 2. specifica illa accidentia, quia oculis non solum percipimus lucem, & colores, sed etiam præsentias ut tales, distantias ut tales, motus ut tales, figuras ut tales rerum (habentium tamen lucem, & colorem, vel saltem lucem) siquidem oculorum actu manemus certi, ac securi, non solum de luce, ac colore; verum etiam de distantia, & indistantia rerum inter se: de motu quo moventur: de præsentia, quam habent: de figura sphericâ, quadratâ &c. de his inquam ut distinctis, licet non ut separatis, à luce, & colore manemus certi per actum oculorum: discernentes lucem, & colorem à motu, à quiete, à figura, à distantia, & similibus accidentibus, quæ insunt subjecto viso; quod non verificatur de materia prima, aut de anima, aut de aliis substantiis: quia non oculorum, sed discursus actu sumus certi, & securi de earum existentia. Neque obstat quod distantia, & motus localis percipiatur actu; quoniam eadem res potest percipi in diversis organis diver-

diversorum sensuum. Sic calor, frigus, durities, mollitiesque percipiuntur tactu, & etiam in organo odoratus, tamen perceptiones vitales sint distinctæ, ut etiam sunt distinctæ perceptiones vitales distantie localis, v. g. per tactum, & per visionem: & hæc vivacior solet esse quam illa, & quia vivacior, magis obnoxia errori solet esse, quam illa, ut constat experientia.

89 De his igitur speciebus impressis licet nullo sensu percipiantur (memineris tamen formidandæ illius sententiæ Augustini, quam non semel citavi. *In lumine carnali regula recta intelligendi est consuetudo cernendi: quod non vident &c.*) Quia ut dixi neque substantiæ, neque

Serm. 147.
de tempore

omnia accidentia etiam materialia, percipiuntur per sensus quos de facto dedit nobis Deus licet alios potuerit dare quibus accidentia alia materialia, imò & substantias perciperemus. De his inquam speciebus aliquæ sunt difficultates; quid sint: An sint in rerum natura, seu potius species impressa sit merum figmentum, & ritulus sine re? quem usum, utilitatem, effectum, subjectum habeant? Multifariam cavillantur aliqui contra illas; v. g. quod sine fundamento ponantur hæc species; quod anima existens in oculis naturaliter producat ibi visionem objecti eo ipso quod hoc præsens sit intra spheram oculorum, quin ad hos mittat ullam qualitatem visualement. Sicut anima existens in corde naturaliter causat ibi, ni se cohibeat, commotionem ad vindictam eo ipso quod præsens sit inimicus, licet hic non mittat ex se ullam qualitatem ultericem. Et eadem anima ibidem existens naturaliter producat ibi, ni se contineat, commotionem ad amorem, nec non interdum ad appetitum eo ipso quod præsens sit objectum ipsi animæ amabile, & appetibile, quamvis hoc non mittat ex se qualitatem amatoriam. Et anima ibidem existens naturaliter causat ibi, ni sibi violentiam inferat commotionem ad pavorem, & horrorem, eo ipso quod præsens habeat horridum aliquid, & terribile objectum, tamen hoc non mittat ex se horridam ullam qualitatem. Nempe quia sicut sunt agentia, quæ per suam intrinsecam virtutem, sine adminiculis venientibus ex passo, naturaliter operantur in illo [quando est in distantia proportionata]. Ita sunt agentia, quæ naturaliter operantur in se ipsis actus vitales, aut fuga, aut prosecutionis, quando proportionatum objectum est præsens in certa distantia; tamen pro singulis his actibus non veniant ex objecto speciales, atque specificæ qualitates. Et huiusmodi est potentia visiva, quæ præsenre objecto proportionato in distantia proportionata naturaliter producat in se ipsa visionem corpoream; tamen nulla specialis qualitas visualis sibi ex objecto illo veniat: atque ideo potentia visiva perspicacitate superat alios sensus. Nam cum hi adeo hebetes sint, & obtusi, ut sua objecta non percipiant, nisi per contactum physicum, & immediatum (ut aer sono percussus tangit physicè immediatè tympanum aurium, sapor tangit physicè linguam, odor nasum, calor manum &c.) potentia visiva, ut pote multo excellentior, assequitur objectum ipsumque vitaliter percipit, tamen non sit physicè immediatè sibi applicatum, modo tamen sit intra proportionatam distantiam.

Imò

Imò tantum distat ab aliis sensibus, ut non percipiat objectum, quando hoc est sibi immediatè physicè applicatum; atque idèò oculis non videmus oculos ipsos, neque rem physicà immediatè his contiguum.

90 Verumtamen sit Conclusio. Dantur res quædam (de genere utrique qualitarum, quia sunt accidentia absoluta, bene vel male assiciencia subiectum) quæ vocantur *species impressa externà* subservientes visioni corporeæ. Et aliæ quæ vocantur *species impressa interna* materiales etiam subservientes imaginationibus materialibus, quæ exerceri solent à dormientibus, & somniantibus, nec non ab ebriis, phreneticis, pueris, aliisque hominibus ratione non utentibus. Et aliæ quæ vocantur *species impressa interna*, sed sunt purè spirituales, ut pote in sola anima receptæ, juvantes ad cognitiones simpliciter spirituales, quas habemus, longè superantes modum cognoscendi oculis, & imaginatione, cujus cognoscendi modi etiam canes, & feles participes sunt. Trinus ergo datur specierum ordo. Hæc philosophia vetus, admittens qualitates visuales missas ab objectis, & propter hanc Analogiam dictas, semen objecti, juvantesque ad visionem, quæ qualitates vulgò dicuntur *species impressa* magis commoda est ad explicandum phenomena naturæ. V. g. non videtur objectum, inter quod, & potentiam visivam, est paries: quia sicut nec auditu, nec odore percipitur, quia interpositio solidi parietis impedit transitum soni, & odoris, qui debent venire ex illo ad nostrum sensum, ut nos illos vitaliter percipiamus: ita impedit transitum speciei, quæ ex objecto illo venire debebat ad nostros oculos, ut his perciperemus illud. Item; reflexionem quamdam vivacem lucis solaris, v. g. licet æquè sparsam per totam superficiem aquæ, non videmus in tota superficie; sed in parte quadam proportionatâ diametro apparenti, quam tunc habet Sol. Nempe quia species impressa illius specialis fulgoris quem cernimus in angulo coincidentiz, ut ajunt, non venit nisi per lineam rectam: cumque non ex qualibet parte superficiæ aquæ veniat ad nos in quacumque parte littoris sinus lineæ recta, quæ angulum format cum lineâ rectâ solis, hac de causâ non cernimus fulgorem illum speciatem in qualibet parte superficiæ aquæ ex qualibet parte littoris.

91 Idem dico de reflexione in speculo. Ex loco namque A, videmus vultum nostrum, non in qualibet parte speculi, licet ex qualibet fiat reflexio, ut experitur qui locum intuenti speculum, mutat; sed in ea sola, ex qua venit lineâ rectâ ad oculos nostros, quia species quam ipse vultus noster mittit, solos oculos, qui sunt in lineâ rectâ à puncto reflexionis, determinat ut videant vultum: & non ex qualibet parte speculi venit lineâ rectâ ad oculos nostros in quacumque parte sinus. Idem dico quando videmus virgam semiimmersam in aquâ. Apparet oculis curva, vel etiam fracta: quia species, quam mittit particula A, immersa, transit per aquam tremulam: Species, quam mittit particula B, immediata illi, transit per aerem non ita sensibilibiter tremulum. Cumque duo hæc media sint sensibilibiter adèò ætherogenea, idèò species duarum illarum particularum transeuntes per illa, & perve-

nient-

nientes inter se contiguz ad oculos, cogunt animam in eis existentem, ut producat visionem illarum duarum particularum, ut habentium inter se proportionem, quam inter se habent aqua, & aer per quæ duo transeunt species ipsæ. Cumq; aer, & aqua (maximè quando hæc movetur continuè, ita ut oculus non sistat illam individuam aquam, sub qua incepit videre partem virgæ) forment inter se illam curvitatē, quia pars A, & hæc quæ in instanti A, erat recta cum parte A, aeris, jam propter motum suum non est in instanti B, recta cum illa parte aeris: hæc de causâ pars A, & pars B, virgæ non apparent inter se rectæ, sed obliquæ, curvæ, & virga tota apparet curva, vel fracta. Idem dico quando objectum apparet rubrum, aut viride, aut coeruleum, si videatur perspicillīs rubris, viridibus &c. Species namque missa ab illo transiens per vitrum rubrum admiscetur cum specie hujus coloris (qui ut pote magis vivax, & magis vicinus, quàm color objecti, eum suffocat) & hæc species, licet non sit rubra, determinat visionem rubri coloris ex qua ipsa procedit: & sic perveniens ad oculos cogit animam ibi existentem, & attentam, ut producat visionem coloris rubri non discernentem distantiam inter hunc colorem, & objectum; & consequenter proponentem hunc colorem, ut in objecto illo.

92 Idem dico quando objectum trans crystallum, vel infra aquas, apparet majus, quàm alias apparere solet; v.g. frustum carnis in fabula de cane transeunte fluvium. Item sydera præsertim Planetaria in alterutro Ori zonte, ubi à nobis videntur trans atmosphæram vapidam globi terraquei. Ob globum namque, vel semiglobum, quem format Crystallus, superficies aquæ, atque atmosphæra, habet plura puncta, in quibus formantur plures anguli recti inter objectum, & nostros oculos. Ergo plures veniunt ad oculos species objecti illius, & ex pluribus partibus, & per lineam proportionatam. At species cogit animam, ut producat visionem exprimentem objectum *in illo loco*, ex quo ipsa species venit, sive per viam directam, sive per reflexam, ut constat ex speculo, siquidem semper videmus nos in ea parte speculi, ex qua venit species ad nos. Ergo si propter superficiem globosam mediū, per quod transeunt species, hæ multiplicentur per lineas proportionatas: & ex una parte non apparet interruptio, sed tota superficies est æqualis, & quasi lævigata: necesse est, quod visio sit major; non quidem intensivè in eadem parte illius superficie, sed extensivè in diversis scilicet partibus. Sed hoc ipso quod visio sit extensivè major, & non appareat interruptio, objectum idem apparebit esse majus: quia ut apparet non majus, sed multiplex, debebat apparere aliqua interruptio, ut contingit in speculis ita fabricatis, ut multifariam reddant vultum personæ intentis. Ergo experientia hæc rationabiliter explicatur per viam specierum impressarum.

93 Neque dicas experientias has non probare determinatè adventum qualitatē ex objecto ad oculos; sed vel hunc, vel egressum qualitatis alius, quæ dici solet visualis radius ex oculis ad objectum: quæ qualitas ad objectum perveniens, & illius ebibens imaginem, redit ad oculos,

oculos, & ibi cum anima producit visionem. Etenim ut quid isti Tabellarii, quiescant, & redeant, & iterum eant, & iterum redeant continuo motu directo, & reflexo? quis dedit tributatum oculis, ut viatores habeant, vel consularum, ut habeant satellites istos? Videtur res poetica ista de radiis ocularibus euntibus ad objecta, & horum imagine onustis redeuntibus ad oculos, sicut apes redeunt ad alvearia, & parum philosophica, cum simplicius sit, & magis conforme causis naturalibus, quod sine istis itineribus objecta mittant ex se, sicut frigus, calorem, lucem, odorem, & similia: Ita qualicetam quamdam, quæ recepta in oculis cogat animam ibi existentem producere visionem objecti. Neque ad probandum hoc satelliticium oculorum adducas orationem illius sanctæ Viduæ contra Holophernem. *Capiasur laqueus oculorum suorum: aut illud Jeremiæ. Oculus meus depradatus est animam meam:* aut similes alias loquutiones satis obvias in sacra, & seculari literatura; quia jam vides illas omnes esse pulchras loquutiones metaphoricæ, sicut est illa: *Pepigissus cum oculis meis* &c. & illa: *ascendit mors per fenestras nostras*: accommodatas modo communi loquendi, juxta quem solet tribui causæ nomen effectus, ut Scipio Africanus, Cæsar Germanicus: & effectui nomen causæ, ut fides divina &c. Propterea sicut visio explicatur per istos harpagones, seu satellites, qui exeuntes ab oculis prehendunt imaginem objecti, & redeuntes ad oculos ibi faciunt illius visionem: cedo rationem ad refellendum eum, in cujus cerebrum veniat, calefactionem fieri per similes harpagones, seu satellites, qui missi ex manu, v. g. & prendentes calorem in igne, onusti eo redeunt ad manum, eamque calefaciunt: item odoratorem fieri per similes harpagones, qui exeuntes è naso, & prendentes odorem quencumq; inveniunt, protinus redeunt ad interiora nasi, & ibi faciunt simul cum anima odoratorem. Non videtur philosophicus iste modus explicandi visionem. Neque item dicas fore, ut ventus, maximè quando vehementer moveatur, rapiat has qualitates per ipsum transeuntes, ab objecto ad oculos; tum quia idem poterat dicere de luce, quæ etiam recipitur in aere tunc vehementer moto. Tum quia re vera oculi quamquam munici non ita perfectè vident objectum distans, quamdiu ferocit ventus. Tum maxime quia cum objectum jugiter emitat speciem sui, sit quod rapta per ventum est particulâ Atmosphæræ, in qua producebat speciem, succedat alia in qua similiter producit speciem sui. Ergo semper adest oculis species, qua videri possit. Et propter eandem rationem non deficit lux in aere tamen ventus rapiat cum unis particulis atmosphæræ unas particulas lucis ibi receptas.

Indist. 9.

Tibren. 3.

Job. 31.

Jerem. 9.

§. III.

94 **V**erus igitur Philosophia docens existentiam specierum impressarum missarum ab objectis sicut passim mittuntur alia qualitates, receptorumque in toto aere, ac corpore, sicut calor, lux, odor, & similia recipiuntur etiam; sed determinantium solos oculos ad videndum, quia ibi solum posuit Deus organa necessaria ad hunc effectum, sicut odor solum nasum determinat ad olfaciendum, & sonus aurem solam ad audiendum. Hæc inquam Philosophia est simpliciter vera. Tum propter experientias, quæ per illam commodè, sine illa incommodè explicatæ sunt à num. 90. tum propter eversionem paritatum illarum contrariarum quas scripsi num. 89. Etenim, quod absque missione qualitatis ultricis, amatoriz, aut terribilis, objectum eo solo quod sit præsens, soleat determinare animam, non se compeſceant, ut vitaliter producat in corde commotionem ad vindictam, amorem, aut metum, nascitur ex eo quod præsentia sua acuit, sive intendit sui cognitionem, vel saltem imaginationem, ut contingit in orbis ratione. Hæc cognitio, vel imaginatio, ut pote vivax propter præsentiam objecti suapte natura instigat animam ad vehementem affectum circumspectum, qui affectus proportionatus sit illi. Hic affectus propter dominium, quo pollet supra humores corporis, ut istis eisdem experientiis constat, animam determinat, ut vel eos vitali modo commoveat, vel commotionem, immediatè oriundam ex sola vehementer commigitatione, ut interdum fit, etiam reluctante voluntate, augeat, & foveat. Ergo jam invenitur origo vitalis istius commotionis cordis ad vindictam, vel amorem, vel metum, tamen objectum non mittit ex se istas qualitates, sed solam speciem, qua videatur. Tum quia oportet, ut probabo num. 103. admittere species impressas in potentia imaginativa, ad salvandum memoriam, quam non rarò experimur in brutis recognoscere hominem, & locum, in quo bene, aut male se habuerunt (notum est Aratagemma, quo usus fuit ille qui ambiens regnum, volebat equum suum hinnitu primum salutare Solem Orientem) item in amentibus. Oportet quoque, ut infra dicam admittere illas in memoria potentiz rationalis. Cur ergo non sunt admittendæ species externæ, missæ ab objectis ad oculos?

95 Neque tantà incessanteque effusione harum qualitatum, quæ vocantur *species*, exhauritur, aut minuitur virtus physica licet finira objecti mittentis illas. Etenim sunt aliqui effectus, quorum productio, & conservatio atterunt, & debilitant vires suæ causæ, ut iteratus motus ingentis ponderis ex uno loco ad alium. Sunt alii, quorum productio, & conservatio nec minimam consumunt suam causam, ita ut hæc non deficiat unquam propter effectum, quem causat, sed propter alias rationes.

tiones. V. g. productio continua, & conservatio lucis, nec minimum absumperunt virtutem finitam Solis per tot sæcula. Jugis, & numquam interrupta productio, ac conservatio præsentie non atterunt virtutem finitam corporum, ac spirituum: nam quamdiu sint in rebus, eadem facilitate producent suam præsentiam in loco extrinseco, si locus extrinsecus sit, qua initio prodixerunt illam. Hujusmodi est qualitas quæ dicitur *species impressa*. Nam difficultas est in eo, quod hæc charta conservetur per mille annos, v. g.; supposito tamen quod conservetur, eadem facilitate, qua modò, producet speciem impressam sui, ut videatur oculo corporeo, sicut eadem facilitate, qua modo, conservabit suam præsentiam: quia neuter effectus physicus est ex illis, qui atterunt, aut consumunt virtutem suæ causæ. Ratio est. Nil naturaliter resultans, & simpliciter emanans ex re tamquam proprietas physica ipsius; ipsam tamen finitam consumit per se præcisè, nisi per accidens adiungatur aliud, ut contingit in calore nativo, qui videtur proprietas physica animalium viventium extra aquas, & interdum destruit ipsum, eo quod interdum destruat humidum radicale ejusdem, nempe quando aliud pabulum non habet. At effusio lucis in Sole, productio præsentie in corporibus, atque spiritibus, nec non effusio specierum impressarum, naturaliter resultant respectivè ex eis subjectis, simpliciterque emanant ex ipsis tamquam naturales proprietates: quoniam quociescumque subjecta illa sunt in statu suo naturali, & non cohibentur manu superiori, producunt ea effecta. Ergo jugis, & numquam interrupta productio eorum effectuum non consumit per se præcisè causas illas, quamvis finitas: quomobrem ostendunt finitatem suam, quia non possunt producere id generis effectus in majore intensione, neque in quavis majore, & majore distantia, neque ad præsentiam cujusvis, & cujusvis impedimenti; non tamen quia post aliquod longum tempus jam non poterunt, quamvis aliunde non invadantur ab hoste potentiore, producere aut suam præsentiam, aut speciem sui ipsius. Et ecce probatam primam partem conclusionis num. 90.

96 Dices. Hoc inter alia differunt oculi ab aliis sensibus; quod hi alii non eliciunt suas operationes vitales circa suum objectum, nisi hoc sit ipsis immediatè applicatum, vel saltem qualitas ab illo missa. Non ita oculi. Quia licet possant aliquam proportionatam applicationem sui objecti; verum tamen tanta potest esse, ut visionem impediatur: quod experieris si hos eosdem characteres immediatè admoveas oculis. Ergo hi ut producant visionem non egent objecto, tamquam convirtute partiali ad illam. Ergo neque specie ab illo missa, quæ sit tamquam vicaria, & substitutum aliquod objecti; sed contenti sunt proportionatà distantia objecti luce perfructi, ac colore, & hoc ipso potentia visiva producet *in se ipsa* visionem illius objecti. Sicut ignis producit *in passu* proportionatè distans calorem, quin ex eo passo evadat ulla qualitas, qua juvetur ignis. Nego consequentiam propter experientias datas num. 90. quæ specialiter procedunt de oculis, & non de aliis sensibus; tum propter specialem quoque rationem desumptam ex speciebus materia.

erialibus phantasiæ, atque spiritalibus intellectus, quæ non suadent oriri ex passio ulla qualitatē iuvantem ignem ad comburendum; tum propter vocem illam satis notam. *Ab objecto, & potentia paritur notitia*, quatenus objectum immediatē physicē concurrat cum anima ad noticiam illam: vel quatenus faciat aliquid ibi, ubi est potentia, determinans hanc, ut ipsa vitaliter faciat noticiam illam (ut dixi de sensationibus aliis, & mox dicam de sensatione quæ est visio) in quo fundatur analogia illa, *species est semen objecti*, & potentia est quasi mater parturiens noticiam. At objectum multoties propter distantiam ab oculis nequit per se immediatē concurrere cum anima ad producendum, in eis rem illam, quæ determinat ad suam visionem. Ergo oportet assignare aliquid ab illo productum, quo mediante salvetur, quod simul cum anima producit saltem determinativē eam visionem, seu noticiam oculare. Hoc aliquid vocamus speciem impressam. Quod si neges hanc minorem, eo quia multoties objectum producit in passio, cui non est immediatē applicatum, effectum, quem non producit in passio proximior, eo quia in illo sunt dispositiones meliores quam in hoc, & illud non est adeo distans, ut non sit intra sphaeram agentis. Et constat ex Sole producente lucem in hoc mundo inferiore, & in nostris ipsis oculis, à quibus adeo distat. Unde potest inferri hanc charram, posse producere visionem suam simul cum anima in oculis nostris, tametsi eis non sit immediatē applicata, & tamen non emittat ex se qualitatē vicariam ad hoc munus.

97 Contra est. Fateor causas solere producere effectum in passio distante, quem non producant in medio. Sed hoc semper contingit producendo in medio effectum suapte natura tendentem in effectum illum alium, quem producit in distante, sed hunc non assequenter propter impedimentum positivum, aut negativum quod est in medio. Et sic Sol producendo calorem in luto illud indurat, & producendo calorem in cera illam solvit; quin aerem intermedium solvat, aut induret, quia calor, quem in ipso quoque producit, non invenit aerem capacem indurationis, aut liquefactionis. Ergo si objectum est quod producit visionem in oculis distantibus simul cum anima, oportet quod in medio producat aliquid, quod ibi produceret visionem, si ibi essent oculi; quidam est hoc aliquid nisi species impressa, quam dicimus mittere ex se objecta? Ergo quamvis hæc simul cum anima producant in oculis visionem suam, producant hanc mediante specie, quam spargunt per aerem usque ad certam quandam distantiam, intra quam si incidat in oculos capaces, & attentos, ibi & non alibi producit cum anima ibi existente visionem, materialem. Similiter objectum amabile, odibile, terribile &c. producit cum anima aliena hos actus respectivē non quatenus mittat ex se, atque per aerem spargat hos effectus, aut aliquid immediatē illos producat: sed quatenus ut supra dixi, præsentia suā vivaciorem producat speciem sui ipsius in oculis illius alterius personæ. Hæc species vivaciorem visorem. Hæc mediata, vel immediatē excitat vivaciorem cognitionem in illa altera persona. Hæcque vivacior cognitio instigat animam

mam ad vivaciorem effectum proportionatum objecto secundum id quod apparet tunc in eo.

98 Ex dictis Inferitur 1. disparitas, ob quam oculi soli egent speciebus sui objecti ad percipiendum illum; secus alii sensus. Hi namque adeo hebetes sunt, ut objectum non sentiant nisi ipsi immediatè physice applicetur. V. g. nasus non percipit odorem, nisi ipsi immediatè physice applicetur, non quidem res, quæ odorem mittit; sed odor ipse, id est, vapor ille individuus, fumus, halitus, spiritus, exhalatio &c. quæ physice recepta intra poros internos nasi cogit animam ibi existentem, ut ibi producat id quod *odoratio* dicitur. Lingua non percipit saporem, nisi ipsi immediatè physice applicetur res illa, quæ animam in lingua existentem cogit, ut ibi faciat id quod *gustatio* dicitur. Auris non percipit sonum, nisi tympano suo immediatè physice applicetur, non quidem cimbalum, v. g. aut tuba, quæ sonum edit, sed aer ipse quali crispus, & undulans proportionatè ad primum sonum, unde venit, & qui propagatus per atmosphæram (sicut circuli propagantur per stagnum quando jactur lapis) pervenit ad tympanum aurium ipsumque percutit: & sic animam ibi existentem cogit, ut faciat actum eum viralem, qui dicitur *auditis*, quæ cessante sono externo durare solet, vel in sola phantasia: vel quia semel percussum tympanum aurium adhuc tantillum moveretur cessante causa extrinseca, ut accidit in aliis motibus. Tactus non percipit sua objecta nisi ipsi immediatè applicetur calor, v. g. frigus, asperitas, suavitas &c. quæ animam ibi existentem cogit, ut faciat viralem eam operationem, quæ *sensatio per tactum* dicitur. At oculi non juvantur, imò impediuntur immediata physica applicatione lucis, coloris, præsentiz, figuræ, motus, & similium, ut illa videant. Ergo possunt oculi quod aliquatenus distat à se id quod vident. At ex alia parte res illa quæ videtur debet facere in oculis aliquid, quod animam in oculis existentem cogat ad producendum visionem, sicut cætera objecta quando excitant, & alterant sensus sibi respondentes: & rem hanc facere nequit in oculis, quin per medium aerem faciat illam, vel aliquid aliud, faciens illam ubi subjectum aptum invenerit. Ergo oculi possunt quod objectum visum faciat in se ipsis aliquid immediatè, vel mediatè determinans ad visionem. Hoc aliquid non est odor, non est sonus, non est sapor, non est durities, non est quid simile spectans ad sensus alios. Hoc ergo est quod vocamus *speciem impressam* sicut poteramus vocare alio nomine. Est itaque disparitas quoad punctum speciei impressæ inter oculos, & sensus alios. Ratio autem à priori disparitatis hujus est; quia Deus licet potuerit ita temperare tactum, v. g. ut perciperet objectum distans, & oculos ut non perciperent nisi objectum immediatè physice applicatum, non ita se gessit. Sed ob fines sibi notos, ita oculos temperavit, ut essent speculatores objecta percipientes antequam accedant; cæteros verò sensus ita segnes reliquit, ut objectum non sentiant, donec jam domi sit.

99 Hinc 2. Hæc species non concurrunt immediatè physice active
ad

P. Toledo
2. de Anima
cap. 5.

ad visionem, ut merito dicit Cardinalis Toledo; quia ut dixi à n. 80. objecta externa alterantia sensus nostros, nil aliud præstant, quàm producere in eis aliquid quod animam ibi existentem determinat, ut ibi producat vitalem sensationem, aut per tactum, aut per auditionem, aut per odorationem &c. Et hoc sufficit illi Analogiæ cum semine, atque ad salvandum veritatem illam. *Ab objecto, & potentia paritur notitia* nimirum æquivocè: atque ab unoquoque in suo genere: ab objecto in genere determinativo, & moraliter efficiente. A potentia autem vitali in genere physicè efficiente. Et fundamentum non est urgens ad concedendum in specie impressa, sive in objecto, cuius dicitur vicaria, & semen, virtutem physicè productivam adhuc inadæquatè actus vitalis, qualis est Visio. Præsertim cum hic ut pote naturalis, capax sit oriri physicè à virtute sola animæ: quod non potest dici de actibus vitalibus supernaturalibus, qui proinde nasci debent physicè, sed inadæquatè à principio supernaturali. Hinc 3. inter productiones naturales hætenus notas nulla est magis velox, quàm productio lucis, & harum specierum. Considera immensam distantiam inter Solem incipientem, ascendere per Orizontem, & oculos nostros. Nihilò tamen minus in illo eodem momento producit in nostris oculis lucem, & speciem sui qua videtur à nobis. Non quidem quatenus ea individua lux, & species corporea motu locali transcurrat à Sole ad oculos nostros, sicut torrentes solent currere: hoc enim foret habere motum localem, quo in momento conficerent immensam distantiam, & qui incomparabiliter superaret motum localem, vel ipsius Arietis, ac Libræ; sed quia in uno momento producit Sol uniformiter difformiter per totam eam, distantiam, sive lineam, lucem, atque speciem suam. Similiter quando nubes fulgurant, aut bombardæ, prius percipiunt oculi fulgorem quam aures fragorem: non solum quia oculi solent esse magis perspicaces; sed etiam, quia lux, & lucis species citius propagantur, idest, citius producuntur in subiecto proportionatè distante, quàm sonus, aut tonitru. Imò (quamvis non possit facile experientiâ probari) citius quam fulmen ipsum, aut explosa pila pervenit species ad oculos: quia experientiâ Solis dictâ probari videtur nullum effectum produci in subiecto æquè velociter, ac lucem, & speciem.

100 Hinc 4. Verum est quod sine cibo, formaliter, aut æquivalenter tali, non potest Deus substantialiter nutrire positivè animal (nutritionem negativam, idest, vitæ conservationem sine cibo, non nego: & ea forte Henoch, & Elias modo fruuntur, & post universalem resurrectionem fruuntur omnes homines) quia nutritio substantialis ex sua essentia est acquisitio novæ substantiæ, non per juxta positionem, sed per intus sumptionem, ut supra dixi: & nequit Deus facere quod sit ulla res sine suâ essentiâ. Verumtamen sicut potest Deus solo sine igne causare mediatè in subiecto acrem illam, & mordacem sensationem, quam alias causare solet solus ignis: quatenus se solo potest producere in subiecto ardorem illum, cuius vitalis perceptio est dolorosa combustio, & qui animam ibi existentem determinat inelu-
da.

Stabiliter, ut ipsa sola producat physicè in se, atque in corpore vitalem illam sensationem, ac dolorem, qui vocatur *tormentum ardendi*. Et sicut potest se solo sine ullo odore causare mediàtè illam sensationem, quæ vocatur *odoratio*: quatenus potest sine odore causare in naso, alterationem illam, cujus vitalis perceptio facta per solam animam, concursu generali Dei adiutam, vocatur *odoratio*: & quæ alteratio cogit animam, ut producat in se, ac in corpore vitalem illam sensationem (& similiter in aliis sensibus). Unde sit posse Deum facere quod animal sentiat ignem, quando non est, odorem, quando non est; quia materialis sensatio horum est quidem physicè connexa cum illis; sed non metaphysicè: nec est modus phyticus illorum, sed viventis illius quod sentit. Sicut inquam hæc possunt contingere divinitus. Ita potest Deus facere quod videas objectum quod non est in rebus, vel saltem non est physicè præsens; quia producere potest in oculis tuis, atque spargere per aerem speciem illius: quæ utique est qualitas absoluta, & non connexa essentialiter cum illo. Atqui species hæc irresistibiliter determinabit animam tuam existentem in oculis, & attentam, ut producat visionem objecti illius, & consequenter, ut videat illud. Ergo potest Deus facere quod videas objectum non existens, aut non præsens tibi.

101 Potrò hæc visio, sicut illæ aliæ sensationes materiales, si fiat à Deo, non est fallax: quia licet de essentia visionis materialis, & cujusvis alius materialis sensationis rei A, sit connexio physica inviolabilis naturaliter cum re A; sed non est connexio metaphysica, sicut neque hæc est de ratione cognitionis amoris, aut odii rei A. (& hæc est disparitas ob quam nec Deus potest facere, ut physicè operetur id quod non existit in rebus: operatio enim physica est modus physicus creaturæ operantis, unde metaphysicè connectitur cum illa sicut præsentia illius &c.) At connexionem purè physicam licet inviolabilem toti naturæ potest Deus violatam conservare, ut constat. Ergo visio illa objecti A, verè, & realiter est visio illius quamvis illud non sit præsens, aut non sit in rebus. Ubi adverte. Aliud est quod ea visio, eave alia sensatio materialis, esset verè, ac simpliciter visio objecti A, & præsentis illius. Et aliud quod esset visio, seu alia materialis perceptio illius ut physicè existentis, ut physicè præsentis. Primum est quod dico. Secundum est repugnans, vel æquivocum, quia illud ut enuntiare videtur non tantum visionem; sed etiam existentiam rei, ac existentiam præsentis. At manifestè est falsa enuntiatio existentis, aut præsentis, quando neutra datur. Ergo falsum, vel æquivocum, est dicere, illam visionem fore visionem rei ut existentis, vel ut præsentis, quamvis verum foret esse visionem existentis, ac præsentis. Equivocationis radix est mixtura directi cum reflexo: illius quod est, cum illo quod enuntiat illud ut. Miraculosa illa visio causata per Deum imprimentem oculis speciem rei, nec præsentis, nec existentis, verè esset visio, & non illusio, aut fallacia existentis, arque præsentis. At non esset verum quod tu addis reduplicatione illa ut: quia
hæc

hæc enunciat, vel enunciare videtur existentiam illam objecti illius, aut præsentiam, cumque hæc non dentur in eo casu: idèd ista tua reduplicatio enunciat falsum. Neque obstat quod homo habens illam visionem sibi persuaderet existentiam, ac præsentiam illius objecti: nam imputet sibi nimium credidisse colori; & poterat Deus illum Instruere de veritate, si censeas Deum non posse esse causam per se erroris adhuc philosophici.

102 Aliud dicendum de istis visionibus, similibusque sensationibus causarum à spiritu nequam, vel à causis naturalibus, qualis est visio colorum per vitrum triangulare, & aliarum visiones rerum, quæ non sunt; quia cum causæ hæc non habeant virtutem physicam patranda miraculum strictè tale: separatioque visionis veræ, & non illusoriæ à suo objecto sit strictè miraculosa: inde est, quod visio objecti, aut non existentis, aut non præsentis causata per spiritum illum, aut per alias causas naturales, non est visio nisi fallax, ad præstigias, illusionesque spectans: idèst: visio duntaxat est rei, quæ apparet esse objectum illud, sicut percussio imaginis Petri est percussio illius, quod apparet esse Petrus. Visio autem illa miraculosa, de qua paulò ante, non esset visio rei, quæ apparet esse objectum illud; sed visio illius ejusdem objecti connexa quidem naturaliter cum eo; sed non metaphysicè. Ergo divinitus separabilis ab illo.

§. IV.

103 **P** Robo secundam partem conclusionis datæ num. 90. scilicet. Non solum admittendæ sunt dictæ species externæ, venientes ex objecto ad oculos. Verum etiam aliæ internæ materiales quoque euntes non ex oculis solis, sed ex omnibus sensibus ad partem illam capitis, quæ dicitur *sensus communis*, quia ibi coeunt species omnium sensuum: & *phantasia*, & *potentia imaginativa*, quia ibi anima exercet actus phantasiæ, sive imaginationis materialis, quæ imaginatio solet vocari phantasma materiale. *Phantasma*, quia est in sensu quem dicam num. 109. quasi quoddam simulacrum, seu imago rerum, quas imaginamur: sic quando urbem aliquam imaginamur, obversatur nobis intus quædam res constans ædificiis, viis, hominibus, plateis &c. similis urbis, quam vidimus: quando imaginamur mortuum, obversatur nobis intra nos corpus quoddam pallidum, informe &c. qualia sunt cadavera quæ vidimus. Et quia hæc imaginationes solent plus justo exardescere, atque intendi maxime in amentibus: hac de causa hi quando publici, & quando occulti sunt, videntur sibi videre oculis carnis quæ non vident illis, sed imaginantur. Dicitur item *materiale*, quia ea imaginatio non est actus spiritualis, sed corporeus receptus sicut visio, auditio &c. partim in anima, partim in capite, ubi etiam est anima.

ma. Et quia intellectus nequit naturaliter pro hoc statu cognoscere, nisi dependenter ab imaginatione, ideo non agnoscit nisi pependenter à Phantasmatibus.

104. Hæ qualitates propagantur per internos proportionatos nervos (quos anathomici deprehenderunt tendere inter cerebrum, & unumquemque sensum) sicut species externæ propagantur per aerem, inter objectum, & oculos. Et sicut hæ pervenientes ad oculos animam ibi existentem determinant, ut ibi producat sensationem objecti, quæ dicitur *visio* magis, aut minus claram juxta intensiorem, aut remissionem speciei ipsius, & juxta meliorem, aut pejorem dispositionem, quæ est in oculis. Ita species, seu qualitates hæ internæ, pervenientes ad partem capitis, ubi exercentur imaginationes materiales, animam ibi existentem, & non distractam ad aliud, determinant ut producat sensationem illam materialem, & vitalem objecti, quæ vocatur *imaginatio*, seu *phantasia*, magis, aut minus vivacem juxta majorem, aut minorem vivacitatem speciei illius, juxta melioremque, aut pejorem dispositionem illius partis capitis. Et sicut species illæ externæ eò intensiores solent esse, quo objectum visum magis emicat. Ita species hæ internæ eò vivaciores solent esse, quo sensatio ipsa externa magis vivax, & acuta est: quoniam procedunt physicè ab ipsa sensatione (non enim sunt actus vitales, sed qualitates oriundæ ex actu vitali externo, ac determinantes ad alium actum vitalem nempe internam imaginationem) determinantque ad imaginationem, non tantum objecti externi, verum etiam sensationis objecti illius, siquidem non solum imaginamus objectum; verum etiam imaginamur nos *videre*, nos *audire*, nos *gustare*, nos *pati* objectum illud. Unde constat quantum juvet ad vivacitatem imaginationum, & consequenter judiciorum, & discursuum ex illa pendendum, bona organizationis sensuum externorum, vivaxque perceptio objecti in eis facta per animam.

105. Et sicut species externæ (vel contractus ipse physicus objecti, si si sermo sit de objecto aliorum sensuum) interdum movent ad motum physicum, & quasi tremorem gratum, vel ingratum sensum ipsum externum, quem attingunt, etiam renuente anima edere motum illum, ut testem sui affectus interni, ut constat quando nequis sistere oculos in vultu personæ te turbantis, sed palpitant illi protinus. Ita hæ species internæ receptæ physicè in radice, vel prope radicem nervorum totius corporis, ipsamque alias dispositam consuetudine, vel alio modo, physicè attingentes, cogere solent ad motum etiam involuntarium nervos illos. Ut constat ex involuntario tremore, quando imminet periculum grande, involuntariâ venere, involuntariâ iracundiâ, & similibus: quando sedem imaginationis attingit vehemens species interna (casu excitata, vel recens illapsa per aliquem sensum) sensationis alicujus, vel terribilis, vel impuræ, vel hostilis &c. Species namque illa simul cum imaginatione ex vi speciei illius facta vitaliter per animam, attingens physicè compagem illam nervorum, idest, in ea recepta ferit per consensum nervos partium aliarum, & causat dis-

parēs effectus, sicut digitus pulsans compagem cordarum multarum, diversos edere solet sonos, sed proportionatos singulis cordis, & modo quo digitus premit radicem, sive caput illarum, & qualitati digiti rangeatis, & qualitati tactarum cordarum. Sic nervi, atque spiritus sparsi per cor, per præcordia, per oculos, per alias rotius corporis partes, & imaginatione illa physice pulsari, quæ physice recipitur in radice omnium illorum, naturaliter commoventur (præsertim in fervore generationis, ut constat ex arte, qua Jacob usus est) etiam anima renuente: moventur inquam juxta qualitatem illius imaginationis, juxta qualitatem specificam ipsorum nervorum, jam in oculis, jam in præcordiis, jam alibi: & juxta qualitatem inclinationis, vel habitualis, vel specialiter congenitæ illi persone: Sed cum scriptum sit:

Genes. 4. Aug. serm. 197. de sermone. Ad Rom. 7. Trid. sess. 5. canon. 5.

Sub te eris appetitus ejus: & tu dominaberis illius. Inde est, quod imaginatio, & commotio hujus, vel illius nervi naturaliter descendens ex illa, latrare potest, sollicitare potest, mordere omnino non potest nisi volentem, ut de Diabolo inquit Augustinus, quia nec per se est peccatum, nec per se necessitat, sed invitat ad peccatum. Lege Paulum, & Tridentinum.

106 Est tamen discrimen inter species externas, & has internas: quod illæ abeunt naturaliter abeunte objecto. At hæ internæ solent manere infixæ magis, aut minus, juxta qualitatem illius partis capitis, in qua recipiuntur, ut etiam aliæ qualitates, v. g. calor, frigus, odor, color, figura &c. magis, aut minus durant infixæ subjectis, juxta qualitatem subjecti, in quo recipiuntur. Duratio autem harum specierum constat experientia; quoniam certum est, nos imaginari, tum dormientes, tum vigilantes illa, quæ olim externè sentimus: vel simpliciter, prout sentimus, vel sub combinatione sub qua non sentimus. Sed tunc non ingreditur de novo in cerebrum species interna illius objecti veniens ex ullo sensuum, quia suppono quod tunc per nullum sensum percipiatur objectum illud. Ergo cum aliunde imaginatio illa debeat nasci ex aliqua specie interna objecti illius, oportet quod permanserit aliqua ex prius habitis per sensationem externam, quæ de novo excitata (sicut instrumentis aliis excitari solet ignis, odor, fumus, & alia) de novo cogat animam ad productionem novæ imaginationis.

107 Totus hic discursus pendet ab existentia harum internarum specierum, quæ sunt qualitates *physicæ*, quia non sunt figmentum aliquid: *mentales*, quia ex se habent recipi in dicta parte cerebri: *intentionales* item, quia juvant immediatè ad cognitiones materiales, quæ vocantur imaginationes. Probat ergo illa existentia ex nuper dictis. Anima est physice indifferens ad imaginandum, & non imaginandum, objectum, quod aliquando percepit per sensus externos. Et quidem hæ imaginationes solent esse adeo ineptæ, adeoque contrariæ habitualibus nostris inconcussisque evidentiis, ut satis constet illas non esse operationes spirituales rationales animæ nostræ, sed rudissimas, & materiales quasdam cognitiones, penitus diversas ab actibus rationis, ut te-

flan-

tantur insomnia, & amensium imaginationes, quæ risum, vel pudorem excitare solent in quovis mediocriter rationali. Rursus indifferentia, quam habet anima ad imaginandum licet interdum sit indifferentia libertatis, cum interdum voluntariè se applicet anima ad habendum, vel rejiciendum hujus, vel illius objecti imaginationem; sæpius tamen non est indifferentia libertatis. V. g. quando habemus primas repentinas imaginationes prævenientes usum liberi arbitrii. Item quando habemus imaginationes, quibus constant somnia. Item quando homo ebrius, phreneticus, amens, infans habent caput imaginationibus scatenis. Ergo necesse est assignare aliquid, quo actuetur, ac determinetur hæc indifferentia anima, hacque cogatur elicere in cerebro vitalem illum actum qui dicitur *imaginatio*, seu *phantasia* (quamvis hæc vox magis alludat ad potentiam ipsam) seu *phantasma materiale*. Sed hoc aliquid non est semper imperium voluntatis, ut nuper dicebam. Non objectum ipsum, quod imaginamur, quia hoc multoties jam non est in rebus, vel saltem non est præsens. Non sensatio ipsa externa, quia tunc neque videmus, neque audimus, neque olemus, neque sensu alio percipimus illud objectum, aut aliud simile (v. g. inter somniandum) Ergo necesse est recurrere ad aliam causam creatam.

108 Sed hæc non potest esse distans ab ea parte in qua fit imaginatio, & consequenter nec potest esse ipsa externa sensatio (adhuc quando exercetur hæc) quia sensatio doloris, v. g. in aliis partibus corporis distat à cerebro, ubi fit imaginatio. Et accidens materiale sic distans, & per nullum suum effectum perringens usque ad eam partem, nequit determinare animam, ut in ea parte capitis producat illam imaginationem. Ergo necesse est admittere aliquam causam distinctam ab anima, cerebri organizatione, & istis aliis, quæ animam determinet ad illam imaginationem. Sed hæc causa neque est substantia, saltem semper (ut præscindam modo à potentia, & impotentia Angelorum, ut nos ineluctabiliter determinent ad imaginationes) neque potest suapte natura esse quoque indifferens, ut detur, vel non detur illa imaginatio: quia alias oportere comminisci aliam causam, quæ istam determinaret; sed debet esse determinata ex se ad illam imaginationem, quamvis interdum propter defectum alicujus requisiti, aut præsentiam contrarii, non determinet ad illam. Ergo experientia ipsa nostrarum imaginationum suadet admittendam esse aliquam causam creatam distinctam ab illis omnibus, quæ sit in ea parte capitis, & quæ sit accidens per se determinatum ad imaginationem objecti A. Sed hoc accidens non aliunde haberi potest nisi ex sensatione externa, quæ est, vel fuit in sensu externo; quia licet cognitiones spirituales, ut pote purioris naturæ, possint exprimere multa, quæ non percipiuntur per sensus, v. g. substantias, res spirituales, veritates universales &c. ruditas, & materialitas imaginationum assurgere nequeunt ad hoc: arque in eis solis, quæ sensu externo percipiuntur, hærent, & quando inter somniandum identificamus res distinctas, aut distinguimus res identificatas, aut separamus res inseparabiles, aut conjungimus res

inconjungibiles, imaginamur modo rudi, & vasto, & insuper distorreo, illam eandem identitatem, distinctionem &c. quam rudi etiam modo percipimus per sensum. Et quando aliquis per accidens componit verus inter somniandum, est, quia innumeras combinationes specierum rerum, & verborum, quas habet in ea parte cerebri aliquando per accidens evadit bona combinatio (inter innumeras occasiones in quibus nulla, vel aliqua prorsus ridicula evadit, ut etiam contingit in aliis rebus, quæ casu fieri solent modo prorsus mirabili) & ea combinatio aliter tunc infixæ cerebro, restat postquam homo evigilat.

109 Ergo sciendum est accidens illud trahere originem ex sensatione externa, ex huiusque organo propagari, sicut per aerem propagatur lux, sonus, odor, calor, usque ad cerebrum, & non alibi: & in eo determinare ad imaginationem producendam, quia ibi, & non alibi posuit Deus temperamentum imaginationum: unde qualitatem hanc non debes imaginari in lapidis, motu locali transcurrentis de loco ad locum; sed in lapide, odoris, aut rei similis diffusæ, ex loco ad locum; ergo de primo ad ultimum admittenda est res quædam habens hæc attributa. Esse rem creatam, accidentalem, venientem ex sensu externo, receptam in ea parte corporis ubi anima exercet imaginationes, & suapte natura determinatam ad imaginationem objecti A, v. g. Rem igitur habentem hæc attributa, vocamus speciem internam, materiale, juvantem, & determinantem ad concipiendum imaginationes. Ergo admittenda est. Dicitur hæc res figura, phantasma, simulacrum, idea objecti, non quia in se formaliter habeat figuram illius: aut quia in illi figuræ partes delicatas cerebri juxta figuram objecti, aut quia imaginatio, ad quam determinat, habeat in se figuram objecti; (Jam vides abusum locutionis metaphoricæ) sed quia sicut sonus naturæ suæ est qualitas apta nata, ut fiat auditio, & odor ut fiat odoratio, & color ut fiat visio ab eo qui potest, & in parte determinata in qua potest. Ita hæc species est qualitas apta nata ut fiat ab anima, quæ potest, & in solo cerebro ubi solum potest, quædam sensatio, seu perceptio objecti, quæ exprimit illud *sub tali*, aut *sub alia figura*, cum his, aut aliis accidentibus; prout per sensum cognitum fuit, aut ab intellectu excogitatum. Reflexus autem intellectus supra hanc imaginationem apprehendit illam per speciem rei habentis illam figuram sicut apprehendit Angelum per speciem juvenis; non quia illa habeat eam figuram; sed quia modo materiali exprimit, quasi speculum, eam figuram in suo objecto: & intellectus non discernit, tunc esse à representare: sicut intuens speculum non illico discernit inter speculum, & objectum, quod per speculum representatur.

110 Propter hanc reflexionem intellectus supra imaginationem: quo magis vivax, & recta fuerit hæc, eo cæteris paribus magis vivaces, & justas cognitiones, judicia, & discursus concipere solet ipse intellectus circa modum efficiendi aliquid, v. g. picturam, statuam, domum, poema, concionem &c. & circa modum etiam speculandi aliquid: quoniam reflexus supra illam justam, & vivacem imaginationem, quasi

vi-

videt id ipsum quod loquitur, quod cogitat, quod scribit, quod pennicillo depingit &c. Et constat experienciâ quotidianâ artificum delineantium prius imperfectè id ipsum, quod facere moliantur: quod autem beneficium exemplar illud externum præstat oculis corporis, illud exemplar alterum internum, siue imaginatio vehemens præstat intellectui. Vide quæ in Physica speculativa dixi super causa exemplari. Ad hanc forsan nobilem, & perspicuam imaginationem divinitus, aut infusam, aut ex naturalibus speciebus combinatam Propheta Jeremia alluere Baruch, scriba suus, quando rogatus à quibusdam *quomodo scripsisti omnes sermones istos ex ore ejus?* Respondit: *ex ore suo loquebatur, quasi legens ad me omnes sermones istos.* Aded namque perspicax, sedata, & iusta potuit esse imaginatio, quam Deus ministerio Angelorum, vel per se solum infudit Jeremia circa res illas: ut illas dictaret suo Amanuensi *quasi legens*: hoc est quasi ante oculos haberet volumen aliquod apertum, in quo legeret ea, quæ dictabat. Ad hanc quoque excellentiam phantasiæ, seu imaginationis, alludere potest id quod de duobus egregiis artificibus Beseleel, & Oliab dixit Deus Moyse: *Implevi eum Spiritu Dei, sapientiâ, & intelligentiâ &c.* impertiens illis inter alia dona, vivaces quasdam iustas, & immotas imaginationes, seu phantasmata materialia operum illorum, quæ circa divinum cultum facienda erant. Ad hanc etiam infixam, & perspicuam imaginationem id quod ipsi Moyse super eisdem operibus dixit Deus. *Inspice, & fac secundum exemplar quod tibi in monte monstratum est.* Juvat summoperè perspicuitas, & soliditas imaginationis (modo non sit talis, ut plus iusto habeat potentia, & quæ ancilla esse debet, corripiat post se intellectum) ut intellectus speculetur, cogitet, discurrat, ratiocinetur, quia tunc quasi ad manus habet illud idem quod cogitat. Cui felicitati in imaginando, & postea in ratiocinando, si demum accedat felicitas in ore, aut calamo, aut pennicillo, aut scalprio, aut proportionatis instrumentis rei illius, de qua fuerit sermo, hominem habebis consummatum: Prima autem immediata origo est felicitas phantasiæ, siue imaginationis.

Jerem. 36.

Exod. 31.

Exod. 25.

§. V.

III Hucusque de harum specierum existentia quoad substantiam. Sed quomodo conservantur in cerebro? quo clavo insiguntur illi? quomodo excitantur? Sed quæro ego; quomodo conservantur, quomodo insiguntur aliæ qualitates in subjectis suis? v. g. frigus in hac manu? Albedo in hac carta? Nigredo in hoc armento? Dolor in carne post percussionem? tinnitus in tympano auri post sonum? & sic de aliis. Igitur sicut agentia naturalia produxerunt albedinem in hac carta. Et illud *in* est clavus, quo illa conservatur unita cartæ; quia illud *in* significat actionem productivam, albe-

albedinis, ut pote eductionem, per suam essentiam esse unitam carrez
hoic juxta discrimen alibi datum inter eductionem, & creationem: &
actio productiva rei essentialiter unita subjecto alicui non est debilis
clavus, ut insigatur res illi subjecto: atque durat donec adveniant
alix qualitates expellentes illam. Ita sensatio externa, v. g. visio
objecti A, mittens per nervum extensum inter partem, in qua fit visio,
& partem cerebri in qua fit imaginatio, speciem sui ipsius, & sui obje-
cti ad partem illam in qua fit imaginatio, determinat animam ibi exi-
stentem, & non distractam, ut per eductionem hoc est per actionem,
essentialiter unitam ei parti, & animæ ipsi informanti eam partem,
producat sensationem illam internam, quæ vocatur *imaginatio*, sive
phantasma materiale, sive *adus Phantasia*. Et sic insigitur species illi
parti capitis, & ibi durat donec aliarum, & aliarum adventu destrui-
tur: quemadmodum ignis, v. g. per liueam aeris inter ipsum exten-
sam, & hanc manum, mittit qualitatem illam, quæ dicitur calor, usq;
ad hanc manum: & animam in manu existentem determinat, ut per
eductionem hoc est per actionem essentialiter unitam ipsi manui, & ani-
mæ ipsam informanti, producat non quidem calefactionem, quia hæc
est actio propria ignis, sed vitalem sensationem caloris: & hæc sensa-
tio durat quandiu in manu durat calor, & non distrahitur anima ad
alia: & calor durat in manu donec adveniant alix qualitates ipsum
extinguentes; & quemadmodum novo, & novo, & iterum novo adve-
niente calore, nil aliud est ex parte rerum, quam intensio aliqua caloris
durans infixa subjecto.

112 Ita habitualis Philosophia, Theologia, Medicina, Musica &c.
scu habitus artium, & scientiarum, nil aliud est ex parte rerum, quam
intensio aliqua specierum (materialium si habitus sit imaginationum, &
phantasæ; spiritualium, si habitus sit cognitionum, & judiciorum pro-
priorum intellectus) relictarum, ex crebris respectivè cognitionibus
circa regulas, principia, conclusiones, difficultates, & solutiones pro-
prias Philosophiæ, aut Theologiæ &c. quæ tamen species non citò
transcant, sed permanenter inhæreant, vel parti cerebri in qua fit
imaginatio, si sint species materiales: vel soli animæ si sint species spi-
rituales. Et ratio est: omnis positiva facilitas ad repetendum conclu-
siones philosophicas, v. g., comparata ex crebra repetitione concipi-
endi illas, est habitus acquisitus Philosophiæ. Sed omnis intensio
specierum dictarum est positiva facilitas ad repetendum mente, sive
ad iterum concipiendum eas conclusiones, ut constat. Ergo omnis illa
intensio est habitus acquisitus, quamvis una, vel altera sola species
non mereatur nomen habitus, sicut una hirundo non facit ver. Non
ergo est necessarium multiplicare habitum acquisitum, & intensionem
specierum. Dixi autem *positiva facilitas*: quia interdum membra ex-
terna sine receptione specierum permanentium in ipsis, sunt promptio-
ra ad operationem aliquam. Nempe quando prior difficultas consiste-
bat in positivo aliquo impedimento: tunc enim illo remoto membra
reliant magis prompta. Et hoc potest contingere in majore facilitate
quoad

quoad membra exteriora ad saltandum, pulsandum Instrumentum, canendum, scribendum &c.

113 Major difficultas est in modo, quo excitantur in phantasia hæ species, quæ verè solent ibi esse, sed quasi mortuæ, aut sopitæ. Maxima verò, quomodo & per quam causam excitantur inter dormiendum, ex quarum excitatione nascuntur extraordinariæ illæ cognitiones, hoc est, imaginationes, quas solemus habere dormientes, quæque vocantur somnia. Respondeo. Hæ species phantasie multoties excitantur in somno specialiter, & combinantur à Deo, aut per se solum, aut ministerio Angelorum. Multoties à Diabolo. Multoties à causis naturalibus, nunc benè, nunc pravè coordinatis. Undè insomnia multoties sunt à Deo, qui sicut Musicus diversas pulsans cordas, diversos edic sonos, quibus diversas res potest manifestare audienti (ut constat ex tympano, & tuba militaribus) ita diversas excitans species materiales phantasie hominis dormientis cogit animam illius, ut vitaliter producat diversas imaginationes, quibus Deus nunciat illi diversas res. Multoties sunt insomnia à Diabolo, qui ex divina permissione diversas excitat species materiales phantasie hominis dormientis, ex quibus diversæ nascuntur imaginationes pessimæ, physicè, aut moraliter. Multoties demum insomnia sunt à causis merè naturalibus, & sunt coordinatæ, si hæ causæ coordinatæ sint; disparatæ verò, & fatuæ, si causæ illæ non sint coordinatæ: & ideò ægroti, & plus iusto melancholici, & qui vino ciboque repleti sunt, somnia pati solent satis gravia, quæ Nostrates meritò vocant *Pessudilla*.

114 Probo primam partem. Omne somnium, ut distinctum à mere somno, stat physicè ex parte rerum in imaginationibus, seu actibus phantasie supposita sensuum externorum quiete, physicè quidem à sola anima productis, ut pore actibus vitalibus; determinatis verò à speciebus materialibus receptis, & inherantibus ei parti capitis, in quibus fiunt imaginationes (sicut visio corporea determinatur à specie objecti recepta, & inherente in ea parte oculi, ubi fit visio) quando enim res peragitur, non imaginationibus, sed cognitionibus spiritualibus, & rationis propriis, non est *somnium*, sed quid sublimius nempe *extasis*, *raptus*, aut quid sublimius. Sed multa somnia sunt à Deo vel solo, vel ministerio angelorum. Ergo multæ illæ imaginationes, seu potius, imaginationum excitatio, & combinatio sunt à Deo. Sed non præcisè ut causa universali, quia de hoc non est quæstio. Ergo ut causa speciali. Sed non semper quatenus Deus tunc infigat illi parti capitis novas species materiales, aut sine illis determinet animam, ut ibi producat vitalem illam imaginationem: quia licet ambo hæc possint contingere, etiam potest neutrum contingere: & est connaturalius, quandoquidem ibi esse supponimus suppellectilem specierum, quas Deus excitare potest, sicut nos excitare possumus ignem, odorem, & similia languentia, commovendo scilicet eam partem cerebri, vel destruendo illas alias species, quæ impediabant, ne alteræ exererent vires suas. Ergo illarum specierum excitatio, & consequenter imaginationes,

tiones, siue somnia ex illis oriunda, multoties sunt specialiter à Deo. Minor prima constat ex scriptura quoad factum, & quoad jus; quoad factum: quia quatuor illa somnia S. Joseph, & illud Magorum de quibus Matthæus: & illa duo Josephi Patriarchæ, de quibus Moyse. Et illud Pharaonis, & Nabuchodonosoris. Et illud Madianitæ ejusdem, quo Deus animum adiecit Gedeoni. Et illud Mardochei. Et alia quæ scriptura meminit, procul dubio fuerunt à Deo specialiter: quoad jus quoque juxta varicinium Joëlis. *Effundam de spiritu meo super omnem carnem &c. Et Seniores vestri somnia somniabunt;* quæ verba non fuisse merum varicinium, sed promissionem, suadet autoritas Petri citantis illa in secunda, quam habuit concione.

115 Sed quidditas somnii, ut distincti ab aliis modis percipiendi objecta, itat physicè ex parte rerum in actibus phantasie, siue imaginationis (supposita quiete sensuum externorum) oriundis ex commotione, excitationeque specierum materialium, quæ physicè recipiuntur in ea cerebri parte ubi sunt imaginationes, quæque vulgò dicitur *sensus communis*, quia ad illam mittuntur species ex omnibus aliis sensibus externis. Et ex alia parte verbum illud *somnus*, vel *somnium*, quo utitur scriptura non est cur extrahatur à propria sua significatione ad significandum extraneum, vel alium modum spiritualem cognoscendi objecta. Ergo. Ratio autem est. Deus non minus dominatur speciebus internis materialibus confluentibus in ea parte capitis, quæ dicitur *sensus communis*, Phantasia, potentiaque imaginativa, quam dominetur rebus cæteris. Ergo sicut homines formando varios characteres in carra, in parieteve, possunt & solent dicere vicino, quod volunt, tametsi nullum profertant verbum: & sicut milites variis motibus, & coloribus Vexilli dicunt, aut sociis, aut hostibus, quæ volunt (ut sit in matrimis clausibus, in quibus naves distantes ex mutatione, motibus, aut coloribus Vexilli prætoriani intelligunt quæ jubet, quæ prohibet Imperator) ita Deus per se solum, aut per Angelos suos commotione, excitatione, combinationeque specierum materialium, quas recepras videt in nostra illa parte cerebri, sicut videt multas qualitates recepras in hac carra (puta colorem, calorem, frigus, præsentiam, motum, figuram, humiditatem, siccitatem &c.) potest multas in nobis excitare imaginationes, & his mediantribus multis etiam, quando voluerit, cognitiones entitative spirituales, quia hæc naturaliter excitantur ex imaginationibus quando expedita est mens: sicut imaginationes ex speciebus materialibus internis. Ergo species phantasie multoties excitantur specialiter per Deum, & consequenter somnia.

116 Multoties quoque per Diabolum permittente Deo; tum quia *Spiritus ille nequam à Domino, qui exagitat Saul* post unctionem Davidis, nil aliud videtur fecisse, quam irritibus, sine iis, melancolicis, horridis, & iracundis imaginationibus complere caput Saulis; non quia Diabolus ille produceret physicè eas, nam ut pote actus vitales Saulis ab hoc producebantur in se, à se, & per se; sed quia piscinam revolvens specierum materialium funestiarum, & horridarum, quas

quas receptas videbat in ea parte capitis , cogebar animam illam non distrahentem se ad supernaturalia cogitanda , ut conciperet horridas eas imaginationes . Ex hęc naturaliter dissipabantur psallente Davide sicut glomera nubium aquilone flante . *David tollebat cisbaram , & percussit manu sua , & refocillabatur Saul , & levius habebat ; recedebat enim ab eo spiritus malus .* Nempe . Hebetabatur gladius , quo percutiebat Saulem . In quo etiam sensu dixit Raphael de quadam naturali medicinā . *Fumus ejus extricavit omne genus Demoniorum* , quia arcens naturaliter naturales qualitates pessimas , quibus Dēmonia torquent animos nostros , extorquet ab ipsis flagellum , & sic abigit illa . Similiter lamentum illud Jobi . *Si dixerō . Consolabitur me lectulus meus : Et relevabor loquens mecum in strato meo ; terrabis me per somnia , & per visiones horrore concuties ;* alludere videtur ad eandem operationem Diaboli . Cum enim huic super omnia temporalia Jobi , exceptā vitā , dederit Deus permissionem . *Ecce in manu tua est ; verumtamen animam illius serva* , torquebat , vel torquete minabatur sanctum illum hominem etiam dormientem . Nimirum excitando in illo horrida somnia , gravia , & molesta nimis , vulgo apud nos *Pesadillas* satis notam pestem . Hoc autem fiebat , non quatenus Diabolus ipse faceret imaginationes illas , in quibus physice formaliter stant somnia , ob rationem vitalitatis toties dictam ; sed quia commovebat , excitabatque horridas species , olim illas parti cerebri Sancti Jobi : & species illę adigebant animam tunc indefensam , ut produceret in se imaginationes , seu somnia horrida . Ergo somnia excitatioque specierum Phantasię multoties est à Diabolo .

117 Tum quia sicut non excedit vires naturales harum causarum materialium , quas passim experimur , combinare ita accidentia materialia , ut hæc combinatio naturaliter causet in oculis nostris speciem determinantem ad visionem coloris , qui non est , v.g. colorum per triangulare vitrum , colorum in nubibus , colorum in collo columbæ , colorum in Coelo &c. Rursus sicut neque excedit naturales vires Diaboli formare in aere ante oculos nostros varia figmenta determinantia oculos , aut sensum alium ad perceptionem externam illius , quod non est : ut solet facere cum strygibus , cum magis , & Necromanticis (quamvis non negem illum uti interdum corporibus physicis , & realibus ; sed cadavericis , quæ furatur , & quibus dissimulatus illudere solet personis libidinosis , quæ interdum invenerunt se inter amplexus cadaveris , vel humani , vel belluini purantes esse suum amicum , vel suam amatam ob fucum , quem cadaveri ei indiderat Diabolus , de quo vide Martinum Del Rio) Ita non videtur excedere vires naturales Diaboli penetrare usque ad partem cerebri , ubi sunt imaginationes , & quæ dicitur *Phantasia* , sive , *sensus communis* , & multitudinem specierum , quas invenit ibi revolvere , excitare & combinare sicut nos inter scribendum combinamus characteres : atque sic cogere animam (aut volentem , ut contingit in homine vigilante , aut nequeuntem se defendere , ut contingit multoties in dormiente) ut concipiat imaginationes quas ipse vult . Sicut qui speculum ponit ante oculos tuos est in causa , ut te ip-

sum videas, & quæ sunt ponè te. Imò in hoc stant physicè à parte refuz tentationes, ac suggestiones; quoniam licèt interdum possit excitare physicè immediatè membra ipsa externa, sicut unus homo respectu alius hominis, quorum excitatio indirectè, & quasi à posteriori pellit ad culpam: partim ob sympathiam illorum cum voluntate, partim quia illa externa sensatio mittens speciem sui ad phantasiam, ibi excitat acrem imaginationem: & hæc acrem cogitationem, & hæc instigat ad voluntarium consensum.

118 Licet inquam hoc possit facere, Deo permittente. Verumtamen modus magis connaturalis, & ordinarius viderur directus, à priori. Nimirum incipiendo à commotione, excitationeque specierum receptarum in ea parte cerebri, & sic causando imaginationes pravæ, quas ipse vult: & hæc imaginationes partim, quia sunt in radice, vel prope radicem omnium nervorum excurrentium per cuncta membra corporis exagitant, & alterant illos, aliàs dispositos, partim quia excitant cogitationes solitas excitare consensum voluntatis, & sic extorqueant tandem consensum à voluntate. Idem respectivè dico de bonis consiliis, sive inspirationibus Angeli Custodis. Illas nimirum stare physicè ex parte rerum in commotione, excitatione, ac combinatione specierum, quas invenit in dicta parte nostri capitis: & inde nasci probas, & utiles imaginationes, & post has naturaliter venire bonas cogitationes, quæ sunt quasi plantare, & rigare: & demum illapsâ gratiâ cœlesti, sine qua plantare, & rigare nil prodest, nasci salubrem fructum nostri salutaris consensus, quem Angelus ille operatur. Penetrare namque usque ad Sacrarium mentis, & rationis, speciemque sublimes, & purè spirituales in sola anima receptas, commovere, excitare, ac immediatè combinare, non videtur concessum ulli Angelorum, sicut neque scire secreta, quæ ibi sunt; sed reservatum illi soli, qui solus dixit loquar ad cor ejus. In harum igitur respectivè specierum phantasie excitatione, stant physicè illæ quasi voces internæ, quas sibi videtur homo interdum audire, quia Angelus excitans, & combinans internas Phantasie species, excitat, & combinat illas cum speciebus vocum externarum, quatum sumus assueti. Hinc obiter habes, quàm utile sit assuescere sensus externos præsertim oculos rebus probis: & quam periculosum assuescere illos objectis improbis. Ex sensuum namque externorum exercitio nascitur copiosa illa seges specierum, quas habemus in parte dicta cerebri, & quæ determinant animam non reluctantem, vehementer ad imaginationes. Ergo si exercitium sensuum fuerit circa objecta improba, copiosa erit seges in ea cerebri parte improbarum specierum; si circa objecta proba, copiosa erit seges specierum probarum. Ergo in primo casu habebit Angelus improbus multa, & utilia instrumenta ad excitandum improbas imaginationes, & pauca vel nulla Angelus bonus ad excitandum bonas imaginationes; è converso autem in casu secundo. Habes item quantum juvet ad disciplinas omnes naturales, & cuncta, quæ mente, & ratione fiunt, habere bona phantasmata in cerebro, idest, iustas, bonas, idoneasq; imaginationes, atq; species materia-

riales , nam mens , & ratio modo naturali habita , imaginationes , & species , quibus illæ excitantur , sequi solent semper , aut fere semper.

§. VI.

119 **P** Robo jam tertiam partem responsionis datæ num. 113. videlicet prædictas species materiales determinantes ad imaginationes , & consequenter ad somnia , multoties excitari à causis his naturalibus ordinariis , nunc benè , nunc malè coordinatis . Constat hoc videri ex somniis ipsis , quæ multoties nec bona , nec mala sunt in ordine ad mores , sive quia supponant , sive quia invitent ad rem bonam , aut malam , sive quia utilitatem aliam , aut inutilitatem invehant . Ergo nec sunt specialiter à Deo , nec à Diabolo , sed à causis naturalibus . Rursus multoties (præsertim quando humana temperies est turbata per morbum aliquem , maxime per febrim , quæ somnia de fontibus , & fluviiis causare solet , aut per crapulam , & ebrietatem , aut per vehementem aliquam passionem) somnia sunt adeo turbida , & malè coherentia , adhuc in sua materialitate , ut satis indicent , se , atque specierum excitationem , ex qua nascuntur , trahere originem , ex turbatis illis causis naturalibus , quæ tunc dominantur in eo corpore . Fumi namque , exhalationes , vapores , halitus ascendentes ex toto corpore , & maxime ex parte tunc patiente , v. g. corde oppresso , vel stomacho , item sursum elevati per sydera maxime per Lunam (ut experiantur qui ei expositi dormiunt) sicut per hanc , & per illa interdum elevantur , interdum non elevantur vapores ex Megacosmo . Illi inquam ætrolibet modo ascendentes , attingunt partem illam cerebri , quæ dicitur sensus communis , & in qua elicit anima sensationem , quæ vocatur imaginatio , & in qua sunt receptæ species materiales . Hæ turbulentè ebullire incipiunt , & sic anima turbulentas elicit imaginationes , in quibus consistunt illa somnia , sicut turbulentam elicit visionem in oculis , quando in his sunt species turbulentæ , distortæ , & malè coherentes obiectorum visorum : & sicut in hoc casu dolere incipiunt oculi , ita in illo altero magis dolet cerebrum , propter specialem commotionem spirituum , & nervorum illius ob specialem , & turbidam commotionem specierum , quæ ibi sunt , & imaginationum materialium , quæ ibi tunc sunt . Unde sagaces Medici assequi solent qualitatem morbi ex qualitate somniorum , quæ jure rogant ab ægris .

120 Contingit enim tunc quod in vase pleno bonis , malis , ethereogeneis , & neutris odoribus ; quos si non revolvas , nil dicunt naso ; si turbidè , ac impetuosè excites , emittunt turbidum , & ethereogeneum , fetorem . Interdum verò , vel nulli ascendunt in eam partem fumi , aut vapores , eo quod tunc corporis temperies sit tranquilla , vel tenuissimi ascendunt ; & ideo impares movendo illam specierum copiam ,

sicut interdum ex parte aliqua globi terraquei nulli, vel levissimi ascendant vapores, & ideo impares movendo atmospheram: Vel quamvis ascendant, anima est adeo oppressa somno, ut quamvis sollicitate, elicere nequeat imaginationes. Et tunc nullum est *somnium*, sed altus somnus. Interdum ascendunt vapores & fumi, sed leves, atque utcumque in suo genere ordinati. Et tunc species illæ phantasiæ ordinatæ excitantur, & imaginationes inde oriundæ, sive somnia, habent aliquam ordinationem. Interdum ascendunt, & postea cessant, & rursus ascendunt, & rursus cessant, sicut contingit in vaporibus globi terraquei. Et tunc durat aliquandiu somnium, & postea est merus somnus, & rursus redit somnium. Igitur cum somnia consistant physicè ex parte rerum in imaginationibus materialibus, quas anima elicit quiescentibus omnino, aut maxima ex parte sensibus (quia puriores aliæ cognitiones spirituales non sunt somnia, sed actus mentis, ac rationis) & has imaginationes non determinat per se anima ipsa, sed species materiales, quæ sunt in ea parte capitis: & hæc species quando jam sunt permanenter receptæ in ea parte capitis non determinant ad imaginationes, nisi quando excitantur, sicut cordæ non sonant nisi quando pulsantur: & non excitantur à se, sicut nec cordæ pulsantur à se; sed per causas extrinsecas pervenientes ad illam eandem partem: inde est quod juxta harum varietatem, & conditionem, excitantur illæ & sunt imaginationes illæ, & habentur illa somnia naturalia. (Sicut juxta varietatem rerum pulsantium cordas instrumenti varios sonos hoc edit.) ridiculum autem foret in tot combinationibus tot rerum, præscribere regulam universalem pro his omnibus somniis. Pro discernendis autem somniis divinis, & diabolicis, & merè naturalibus, alienum ab hoc loco esset disputare. Interim sufficit Evangelica illa regula. *A fructibus eorum cognoscetis eos*. Et lege Augustinum, jure non admittentem peccatum in somno, seu maliciam formalem.

*Matth. 6.
S. Aug. lib.
10. confes.
cap. 30.*

121 Sed quid tandem est hæc excitatio specierum receptarum in dicta parte capitis? quomodo excitantur? moventur ne de loco in locum illæ particule cerebri, sicut moventur aquæ piscinæ; quando ex illa excitatur gravis, aut gratus odor? Cur tandiu silere solent illæ species: cur de repente solent excitare imaginationem præsertim in somno species rerum non proximè, sed multò ante perceptarum per sensus? Coincidit hæc questio cum illa altera de memoria, super qua adeo acutè philosophatur Augustinus: qui licet plerumque disputet de memoria intellectuali, ac proinde aliquando dicat, memoriam posse interdum esse sine imaginatione; est cum etiam sit memoria in imaginatione, quia etiam bruta, ut docet idem Augustinus, solent habere memoriam, ut indicant Matres redeuntes ad locum, ubi reliquerunt filios, & canes redeuntes ad locum, in quo sepeliverunt panem (de quo instinctu, & animatione bestiarum disputabo infra cap. 8. ubi argumenta contraria exponam) & ut indicant somnia nostra, quæ solent esse repetitæ imaginationes rerum earundem, quas jam ante imaginati sumus: idcirco eidem subjacet difficultati explicatio unius, & explicatio alterius memoriz.

Consu.

*Lib. 10. c. 8.
S. Aug. lib. 10. c. 8.*

*Lib. 1. M. M.
fica ante
medium.*

122 Considera quot, & quàm partim etherogeneæ, partim homogeneæ irrepererunt in nostrum cerebrum, species materiales ex omnibus quinque sensibus ab eo tempore infantia, in quo incipimus imaginari, eo quia jam pars illa capitis habebat temperamentum ad recipiendum illas. Est ne lingua humana, quæ possit illas recensere? In ea parte cerebri sunt illi *campi*, quos eleganti metaphora scribit Augustinus illa *antra*, illa *caverna innumerabilibus*, atque innumerabiliter plena innumerabilium rerum generibus, siue per imagines &c. Verum est quod plurimæ illarum exciderunt (non enim habemus modo species materiales, omnium prorsus rerum, quas à teneris unguiculis percepimus per sensus) vel propter suam debilitatem, ac tenuitatem, sicut excidere solent aliæ qualitates: vel propter mutationes physicas factas in ea parte cerebri, quæ certè nutritur, atque minuitur sicut cætera membra corporis, unde subiecto illo mutato species in eo receptæ deficient: vel propter qualitates comitantes substantiam alimenti, qua substantialiter crescit illa pars capitis: vel propter alias causas, quibus obnoxii sumus. Sed verum quoque est multas ibi manere affixas sicut cætera accidentia materialia affiguntur in magno numero suis subiectis, in quibus necesse non est quod sint physice, ac materialiter campi, antra, cavernæ, sinus, bursæ, aut quid simile. Nil enim ex his datur in hac charta, & tamen in tota ea sunt plurima accidentia de genere qualitatis, ut jam dixi; v. g. aliqua albedo, aliqua nigredo, aliqua asperitas ad tactum, aliqua suavitas, aliqua durities, aliqua mollietates, aliqua humiditas, aliqua forsitan positiva siccitas, aliqua gravitas, aliqua levitas, aliqua præsentia, aliqua figura, aliqua flexibilitas, aliqua inflexibilitas, aliqua lux, aliqua frigiditas, aliquis calor &c. quæ omnia licet sint recepta physice in tota hac charta, & non habeant singula suas cellulas, & privata domicilia, sicut habent apes in favo; verumtamen non formant rudem indigestamve molem, sed conservantia suam entitativam distinctionem, edentiaque suos característicos effectus sine confusione unarum cum aliis, atque coeunt in eodem subiecto. Ergo non est res extraordinaria quod in eodem penitus subiecto maximè si non est punctum indivisibile, qualis non est pars capitis, in qua sunt imaginationes, confluant plurimæ qualitates sine confusione, sine crudæ indigestione, tamen subiectum illud non sit plenum sinibus cavernis cubilibus &c.

123 Dico ergo. Sicut aliæ qualitates materiales silere solent in subiectis, in quibus recipiuntur, donec excitentur: & hæc excitatio, id est, expeditio à contrariis ad operandum, aptitudoque subiecti, in quo operaturæ sunt, interdum fit per adventum similis qualitatis, quia tunc fit intensio & crescunt vires: interdum per adventum contrariæ, quia tunc illa prima magis contrahitur in seipsam, & sic magis exardescit: interdum per ignem, aut calorem, ut excitantur multi odores: interdum per quemdam motum localem subiecti, in quo sunt illæ qualitates, ut excitatur graveolentia, quando revolvitur sentina navis: interdum per alias causas, quarum plerasque ignoramus, & illas solas dicere,

quas

10 Confess.
cap. 18.

quas experientiâ deprehendimus, esset in longum ire. Ita qualitates illæ materiales, quas vocamus species imaginativas, seu phantasæ quasque huc usque disputavi, silent in cerebro, seu in ea parte quæ dicitur sensus communis (in qua recipiuntur, non sicut aqua in vase, sed sicut formæ materiales in suis subjectis) donec excitentur. Hæc excitatio est physicè ex parte rerum, vel positiva, vel negativa: *Positiva*: quando illis adveniunt novæ vires, ut animam determinent ad vitalem illam internam sensationem, quæ vocatur imaginatio. *Negativa* est quando species ipsæ liberantur ab impedimento ne animam sic determinant: & quando pars illa capitis, in qua determinare debent animam, liberatur ab impedimentis quæ habebat.

124 Illa excitatio *positiva* interdum consistit in intensione magnâ illarum specierum, ob intensiorem magnam horrores, voluptatis, vel alius passionis, quam habuit sensatio externa ex qua orta sunt: vel ob specialem dispositionem quam invenerunt in cerebro, quia species parte illa capitis potius, ibi regnant: & ideo crebro, & faciliè excitantur, & determinant ad imaginationes objecti illius, ex cuius sensatione externa, ipsæ sunt nati. Atque ideo crebras habent imaginationes, seu phantasmatæ, seu somnia factionum militarium homines martiales: mortuorum, homines mericulosi: Veneris, homines Veneriei. Interdum consistit in novo, & novo adventu aliarum specierum ejusdem, vel similis objecti: interdum in habitu, seu consuetudine imaginandi illud: interdum in sollicitudine animæ circa objectum illud ob nimium horrorem, aut voluptatem circa illud. Et ob has causas hominibus assuetis prosequendi aliquod objectum magno horrore, vel magna voluptate, facillimè excitantur priores species imaginativæ objecti illius. Interdum in assiduo imperio habituali voluntatis circa imaginationem illius objecti. Et hanc ob causam ei, qui sedulò didicit memoriter poema, orationem, concionem &c. excitantur phantasmatæ, seu species vocum illarum, & objectorum, ordine eodem, quo semel, & iterum, iterumque voluit illas recipi in dicta parte cerebri. Interdum, in illapsu specierum contrariarum in eandem partem cerebri, ad quarum novam repentinam præsentiam contrahuntur priores species, & sic magis acuantur, exardescunt, & excitantur. Sic habenti phantasmatæ, sive species imaginativas infernalis ignis, qui non extinguitur, & vermis qui non moritur, quæ duo externè percipit non tactu, aut visione, sed auditione; solent excitari hæc species per adventum specierum voluptatis prohibitiæ, ac præcipitantis in barathrum illud. Interdum etiam consistit in physica, & locali commotione spirituum illorum, qui serpunt per totam illam partem capitis, ubi sunt imaginationes, qui partem illam commoventes, aut leniter, aut furiosè, faciunt suo modo id, quod Instrumentum, quo revolvatur ignis, cuius vires calefactivæ tunc excitantur: aut quo movetur piscina, cuius graveolentia tunc excitatur. Cumque inter dormiendum spiritus illi, idest portuicula subtilissimæ sanguinis, soleant commoveri ob adventum fumorum, & vaporum ascendentium ex toto corpore, & præsertim ex stomacho, & cor;

& corde: idcirco inter dormiendum excitari solent propter illam commotionem physicam cerebri jam unæ, jam aliæ species phantaziarum jam ordinatæ, jam sine ordine: species inquam, cum quibus habent specialem relationem illi sumi, & vapores oriundi ex cibis coctis, semicoctis, aut crudis, mixtisque cum aliis qualitatibus, quæ sunt in corpore illo. Interdum denique consistit illa positiva excitatio specierum, idest, virium augmentum in aliis, quæ longum esset persequari.

125. Excitatio item *negativa* dictarum specierum, quæ consistit in remotione impedimentorum, aut ex parte sui, aut ex parte cerebri, in qua determinatur sunt animam ad eliciendum viralem imaginationem, multifariam etiam contingere potest. 1. ut nuper dicebam de commotione, & revolutione ignis, v. g. quæ sit, ut abstergatur cinis ipsum cooperiens, & ita emicat, & vividius calefacit ignis, qui instar mortui jacebat. Sic fieri potest, quod motione subtilissimi sanguinis, vagantis per illas partes cerebri, hæc commoveantur, & harum commotione excutiantur, & pareant unæ species materiales: & his pereuntibus, exerat suas vires aliqua quidam species materialis ibi permanens, & cogat animam ad imaginationem rei illius, ex cujus perceptione externa fuit generata illa species. 2. per excitationem illius individui partis cerebri, in qua recepta fuit species A; v. g. Sicut enim individuum organum in quo exercentur auditiones, non est unicum punctum indivisibile, sed corpus habens suam trinam dimensionem. Et similiter individuum organum, in quo sunt odoraciones. Et individuum organum, in quo sunt visiones, &c. ita ut objecta horum sensuum modo attingant unam modò attingant aliam particulam illius organi, & qualibet attracta fiant sensationes illæ externæ.

126. Ita organum illud individuum, ac determinatum in quo sunt imaginationes, seu sensationes internæ materiales, non est unum punctum indivisibile physicè; sed corpus, generalem trinam dimensionem habens. Et species venientes ex sensibus externis modo recipiuntur in una modo in alia, modo in alia parte organi illius: & in quacunque recipiantur, si non adsit impedimentum, cogat animam elicere ibi imaginationem objecti, cujus est illa species. Fieri ergo potest quod moveatur, aut quod munderetur, aut quod tangatur pars illa organi in qua recipiebatur species imaginativa objecti A, & non contingat hoc parti, in qua recipiebatur species imaginativa objecti B, Et sic excitabitur illa, & non hæc. 3. Excitatio illa negativa potest contingere per imperium voluntatis, applicans animam ad indagandum speciem objecti A, & non speciem objecti B. Sic quando reminisci volumus in individuo, aut in specie, aut in genere inferiore objectum, quod abstractissime cognoscimus, facimus, quod quando in libro querimus periodum determinatam, nempe amovere unas, & alias paginas, donec veniat & palam fiat illa, quam querebamus. Ita *volentes* reminisci objecti A, cujus confuse nimis, abstractèque meminimus pro priori ad hanc volitionem, abigimus actu reflexo potentia imaginativæ hæc & illas & alias

alias species, cum quibus miscbatur illa, quam quærimus: & ab actis illis, hæc venit: & repetit determinationem animæ ad novam imaginationem clariorem objecti A, per liberationem ab impedimentis ne exerceat suas vires determinativas ad imaginandum illud. Denique hæc excitatio negativa contingere potest multis aliis modis, quos modos recensere, longum esset. Sufficiat hos insinuasce, ut alii inveniantur.

§. VII.

127 **E**X huc usque disputatis inferitur 1. Eodem, vel ferè eodem modo philosophandum esse quoad existentiam, multitudinem, atque excitationem nobiliorum aliarum specierum, quæ in sola anima recipiuntur, & sunt spirituales. Et hæc est tertia pars conclusionis quam dedi num. 90. Ubi ne confundas duo. Aliud est quod in sola anima dantur hæc species spirituales, quas vocant *intelligibiles*, dantur inquam in ordine ad *primam cognitionem* objecti. Et aliud, quod dantur in ordine ad *memoriam* spiritualem, sive ad reperendum spiritualem cognitionem objecti, ut jam olim cogniti. Etenim ut jam dixi, & experientiâ constat, habemus tres modos cognoscendi primò, & secundò, & tertio, & multoties, sive multoties percipiendi vitaliter objecta, realiter simpliciter distinctos. Primus est materialis, externus per sensum aliquem externum, quia verè videmus oculis, audimus auribus &c. Secundus est materialis etiam; sed internus per unum solum sensum communem, seu phantasiam, seu potentiam imaginativam, quæ omnia in idem recidunt, & consistunt in ea determinata parte capitis, non utique physicè indivisibili, informatâ, & vivificata per animam, in qua hæc elicit operationes illas vitales, quæ dicuntur imaginationes, seu phantasie, seu phantasmata materialia: quam vitalem operationem habent pueri nondum adepti usum rationis, Ebrii, phrenetici, mentecapi, & dormientes: Et cum hi ex alia parte non eliciant actum rationis, hoc est, cognitionem rerum entitative spirituales (qui est tertius, & rationalis modus cognoscendi) atque hanc ob causam, neque peccent coram Deo in eis, alioquin malis, quæ faciunt: neque mereantur in alioquin bonis: sequitur operationem illam, sive modum cognoscendi esse realiter distinctum ab hoc tertio sublimiore.

128 Dico igitur; licet non sit exploratum apud omnes quod dantur species intelligibiles spirituales in ordine ad *primum spirituales cognitionem objecti*, idest, quæ verè, ac simpliciter est actus mentis, & rationis: eo quod multi putent phantasma materiale (actum nimirum phantasie, & imaginationis) aut materialem speciem ipsius missam ad eam partem capitis, dependentem à cujus temperie anima producit in

se sola cognitionem spiritualem objecti, concurrere immediate ut causam inadæquatam cum anima ad productionem spiritualis illius cognitionis. Unde negant necessitatem speciei impressæ spiritualis intelligibilis concurrentis cum anima ad illam cognitionem. Et hoc propter generale illud principium, videlicet causam inadæquatam duntaxat, non debere esse ejusdem perfectionis cum effectu, siquidem nec est causa univoca, nec æquivoca illius, quia hæc divisio cadit in solam causam adæquatam. Et hoc multis exemplis, & rationibus probant, quando disputant: num Principium supernaturale sit tota ratio agendi actum supernaturalem. Et ex re ipsa præsentī sumunt novum argumentum: siquidem phantasma ipsum materiale dicitur concurrere immediate, quamvis solum inadæquatè ad speciem illam impressam, intelligibilem, quæ dicitur spiritualis; licet inquam non sit explorata apud omnes existentia speciei impressæ spiritualis in ordine ad primam cognitionem objecti, & hac de causa negent famosam illam divisionem intellectus *passibilis*, & *agentis*, quia intellectus vocatur passibilis quatenus patitur, seu recipit à phantasia dictam speciem, quæ si non datur, ut pote res superflua, non subsistit suppositum illius termini *Passibilis*, sed illius alterius solius, nempe *intellectus agentis*, quia hic significat intellectum producentem in se ipso cognitionem, qua cognoscit: quod verè ita sit.

129 Verumtamen restat alius titulus probans existentiam harum, qualitarum, quæ dicuntur species impressæ intelligibiles spirituales. Nempè reminiscencia spiritualis, quæ sit actus mentis, ac rationis: actus nimirum ille rationalis, quo meminimus non solum utrumque objecti quondam cogniti, quia hæc erit memoria purè materialis, & non est strictè reminiscencia, sed etiam meminimus illius, ut *quondam cogniti*, ita ut meminerimus illius, & spiritualis saltem cognitionis alicujus, quam de illo habuimus. Unde sit quod stricta, & formalis reminiscencia est semper reflexus quidam actus intellectus. Ex memoria igitur spirituali, ac rationali, ut distincta à memoria sive reminiscencia materiali, qua etiam fruuntur bellæ, cum sit actus solius imaginationis, argumentor in favorem prædictarum specierum spiritualium. Esto quod spirituales reminiscenciæ, quas habet anima unita corpori, non evincant existentiam harum specierum, eo quod secunda, tertia, quarta, & cæteræ cognitiones, quas habet anima, objecti, ut prius cogniti, nascantur à phantasmate materiali, seu imaginatione ejusdem iterum, acque iterum excitata, sicut prima rationalis cognitio ejusdem objecti dicebatur numero antecedente nasci à primo phantasmate materiali objecti illius. Esto. Attamen certum est animas separatas à corporibus reminisci per actus rationales multarum rerum, quas in hac vita cognoverunt. Item redeuntes ad corpus reminisci rerum, quas extra corpus sciverunt. At reminiscenciæ illæ nequeunt immediate physicè determinari per animas ipsas, quippè quæ ex sua natura sunt physicè indifferentes ad illas, & non funguntur libertate immediata circa illas, sicut funguntur circa actus voluntatis. Neque possunt determinari im-

mediatè physicè per objecta ipsa, quorum sunt reminiscentiæ, quippe illa, vel jam non sunt in rebus, vel valdè distant à potentia animæ, quæ exercet in se ipsa actum reminiscendi, v. g. si anima illa reminiscens sit in Cœlo, & objectum cujus reminiscitur sit in inferno, vel sit homo adhuc vivus in hoc mundo inferiore.

130 Ergo necesse est assignare aliquid aliud (& quidem ex causis naturalibus, ne absque necessitate recurramus ad Deum pro effectu naturali) quo immediatè physicè determinetur anima illa ad illam reminiscentiæ. Hoc aliud vocamus speciem impressam intelligibilem spirituales, & ob titulum hunc receptam in sola anima, & eam acquisivit anima illa in hac vita, atque hinc portat secum, sicut portat secum alia accidentia in sola anima recepta, v. g. characteres Sacramentorum, habitus infusos, multas cognitiones &c. acquisivit autem speciem illam quatenus percipiendo per sensus intuitivè, aut abstractivè, hoc est, propriè, aut impropriè objectum A: habuit spirituales cognitionem intuitivam, vel abstractivam illius. Hac cognitione producens in anima speciem abstractivam sui ipsius (non enim sensu ullo externo percipimus nostras rationales cognitiones) sicut liquores relinquere solent in subjectis, in quibus recipiuntur, odorem, colorem, saporem, frigis, calorem, & alias qualitates: item hac specie conjuncta cum specie intuitiva, vel abstractiva sui objecti, restat anima preparata, ac disposita, ut separata à corpore iterum, atque iterum repetat cognitionem illius objecti, hoc est reminiscatur illius, interdum per actum intuitivum, interdum per abstractivum, prout fuerint species objecti, quas secum adduxerit ex hac vita, & prout fuerit combinatio aliarum circumstantiarum maxime ablatio impedimentorum cognitionis intuitivæ: hanc enim tunc habet de se ipsa, licet ex hac vita adduxerit secum solas species abstractivas sui ipsius; repetat inquam cognitionem quoties proportionatè excitatur in anima positivè, aut negativè juxta dicta num. 124. & 125. species illa. Unde qui moriuntur ante usum rationis, sicut sit post usum phantasie, nullam penitus speciem portant secum ex hac vita, quia species imaginativæ, ut pote materiales recipiuntur quoque in corpore, & consequenter pereunt discedente anima à corpore.

131 Probo jam majorem syllogismi num. 129. Et quidem pro reminiscencia rationali animæ redeuntis ad corpus, rerum quas multò ante vidit, habemus non obscurum testimonium Pauli, qui post quatuordecim annos meminisse arcanorum Dei, quæ sanè non perciperat per sensus, aut per imaginationem, & quæ non manifestavit ea sola ratione, quia non erat sibi permissum. Sic enim scribit. *Scio hominem in Christo ante annos quatuordecim (sive in corpore nescio, sive extra corpus nescio, Deus scit) raptum hujusmodi &c. & rursus. Audivi arcana verba, quæ non licet homini loqui.* Ubi duo constare videntur. Unum quod Paulus meminerit saltem in genere Verborum illorum, quæ audivit. Alterum quod casus ille potuit simpliciter contingere animæ suæ, separata, aut physicè, aut moraliter à suo corpore, alias non dixisset illa *sive,*

Sed, si unum ex his fuerat impossibile. Ergo animæ Pauli restabant infixe species illarum rerum, quibus speciebus juvabatur ad reminiscen-
 tiam illam, quam habebat quando scripsit periodum hanc. Sed illæ species erant purè rationales, intelligibiles, spirituales, imò & supernaturales. Ergo hæc non sunt figmentum aliquod Philosophicum. Pro
 reminiscencia autem animarum separatarum de rebus, quas agnoverunt in hac vita: præterquamquod est incredibile quod animæ sanctæ, & damnatæ, & purgantes sint prorsus oblitæ eorum omnium, quæ egerunt, quæque passi sunt in hac vita, nempe suorum omnium peccatorum, suorum omnium meritorum, suorum amicorum &c. habemus testimonia scripturæ apertè docentia hanc memoriam. 1. Joannes vidit animas quasdam, quæ clamabant voce magna dicentes: *Usquequod Domine Sanctus, & verus, non iudicas, & non vindicas sanguinem nostrum de his, qui sunt in terra?* Ergo animæ illæ interfectorum propter Verbum Dei, habebant memoriam eorum, quæ passi erant à superstitionibus tunc hominibus. 2. Judas Machabæus vidit Oniam defunctum, idest, animam illius orare pro omni populo Iudæorum. Ergo anima illa recordabatur illius populi. Item audivit illam dicentem sibi de Jeremia, scilicet de anima Jeremiæ. *Hic est Patrum amator, & populi Israel: Hic est, qui multum erat pro populo, & universa sancta Civitate.* Ergo anima Jeremiæ separata tunc à suo corpore reminiscebatur populi, & Civitatis. 3. Esto puram parabolam fuisse rem illam de Epulone; aut non fuit parabola, sed historia vera quod Christus D. dixerit tamquam verba Abrahæ: *Recordare, quia recepiisti bona in vita tua: & quod dixerit tamquam verba Epulonis illius. Mabeo enim quinquæ fratres &c.* Si autem animas separatas habere memoriam rerum, quas sciverunt in hoc mundo, esset ludibrium mentis, Christus D. figmentum adscripsisset ori Abrahæ, & ori illius veri, aut parabolici damnati. Firma itaque est illa major, nimirum animas separatas reminisci eorum, quæ in corpore cognoverunt, & animas redeuntes ad corpus reminisci eorum, quæ cognoverunt in separatione. Atqui hæc reminiscencia nequit fieri sine speciebus spiritualibus intelligibilibus, ut num. 130. dicebam. Ergo has oportet admittere. Neque opponas illud. *Non est in morte, qui memor sit tui; in Inferno autem quis constabitur tibi?* quia testimonia à me producta satis indicant, Davidem neque isthic, neque alibi negasse omnem penitus memoriam animabus separatis, sed solam memoriam *utilem* ad vitam temporalem, aut æternam: atque ideò subiungit in *Inferno autem &c.* idest, post mortem: nam de cetero non est dubium, quod animæ purgantes, & illæ alteræ sanctæ, quæ olim fuerunt in corde terræ, ad quas descendit anima Christi Domini (*Sic erit filius hominis in corde terra tribus diebus, & tribus noctibus*) constituentur, & constebantur Deo, sed confessione non proficiente ad vitam æternam.

131. Sæpe ergo; quod sicut dantur qualitates quasdam quæ ab objectis producuntur in nostris oculis v. g., & vocantur species materiales externæ, quæ animam ibi existentem determinant ad vitalem visionem corpoream faciendam; & rursus qualitates aliæ, quæ à visione, & qua-

Apoc. 7.

Luc. 16.

Psal. 6.

Matth. 12.

cumque alia externa sensatione producantur in ea individua parte ; licet non physicè indivisibili nostri capitis , quæ dicitur sensus communis , locus phantasie , locus imaginationum : quæ qualitates dicuntur species materiales internæ , & animam ibi quoque existentem , ac non distractam determinant ad vitalem imaginationem , seu apprehensionem materialem faciendam . Ita dantur qualitates aliæ purè spirituales , atque intelligibiles : quæ si non producantur in anima à phantasmate materiali , sive à specie oriunda ex illo , juxta sententiam relearn n. 128. & consequenter si non sunt necessariæ , ut anima determinetur ad producendam in se primam cognitionem objecti ; ac necessariæ sunt ad *re-miniscentiam* , seu *memoriam* , quæ non sit actus phantasie , sed rationis ; & consequenter immediatè , physicè producantur à sola cognitione rationali objecti (cum enim non sint operationes formaliter vitales , necesse non est quod producantur ab anima) & in sola anima ut potè spirituales recipiuntur , sicut in hac charra recipiuntur modo plurimæ qualitates materiales juxta num. 122. & hæ sunt quæ vocantur *species interna spirituales intelligibiles* ; interdum naturales , interdum supernaturales , prout fuerit cognitio , ex qua sola oriuntur : Et quamvis non orientur ex objecto cognitionis , determinant animam , quando excitantur , ad repetendum cognitionem illius , consequenterque ad memoriam illius , quia determinant illam ad cognitionem de eo quod objectum illud cognoverit , & non potest cognoscere se cognovisse objectum A , quin de novo cognoscat illud idem objectum A : & quamvis immediatè physicè orientur ex cognitione , non determinant ad reflexam *intuitivam* cognitionem ipsius cognitionis : quia non sunt species propriæ illius proprietate intuitionis , sed proprietate causalitatis dumtaxat physicæ : quoniam respectu animæ unitæ corpori , & nequeunt cognoscere nisi dependenter ab hoc , illa sola est species propria proprietate intuitionis , quæ operatur in sensu corporis . At species illæ , quamvis immediatè physicè nascantur à cognitione , non operantur in ullo sensu corporis , siquidem per nullum illorum percipimus nostras spirituales cognitiones . Ergo . De his igitur speciebus dixi num. 127. philosophandum esse , quoad existentiam , multitudinem , atque modum , quo excitantur , sicut de illis aliis materialibus imaginativis , quas explicueram usque ad locum illum .

133 Hoc tamen discrimine ; quod illæ physicè recipiuntur in anima , & simul in ea parte capitis unita animæ , ubi sunt imaginationes , sive apprehensiones purè materiales (sunt enim qualitates materiales) sicut in illa etiam recipiuntur illæ imaginationes . Hæ autem species intelligibiles , cum sint purè spirituales , comitanturque animam sive unitam , sive separatam à corpore , in sola anima recipiuntur : sicut etiam cognitiones illæ spirituales , ad quas determinant animam . Ubi adverte . Aliud est quod anima non possit meminisse , judicare , aut discurre nisi in capite *inestate loci* , quatenus in nullo alio loco totius corporis possit elicere operationes illas vitales spirituales . Aliud *inestate subjecti* , quatenus non possit elicere operationes illas , nisi receptas sal-

saltem inadæquatè in membro illo, & ab eo tamquam à causa materiæ pendentes. Primum illud est verum: quoniam anima, quamdiu est corpori unita, non potest elicere operationes illas nisi in eo loco, in quo invenit instrumenta, dispositionesque ad eas. At in solius capitis loco, idest, in sola capitis parte, quæ dicitur cerebrum, sunt dispositiones necessariæ ad eas operationes; non quidem in genere: nam certè potest anima separata à corpore meminisse, judicare, & ratiocinari; sed in specie: nempe ad classes illas cognitionum, quæ nobis concessæ sunt in hac vita, quia solæ concessæ sunt nobis in hac vita cognitiones pendentes hoc vel illo modo à phantasmatibus: & in ea sola parte cerebri sunt phantasmata (quod non tollit, animam posse in loco etiam ubi est pes, aut manus, habere cognitiones, si Deus uteretur suo alto dominio, siquidem illæ in sola anima recipiuntur, & illa est æquè physice præsens in pede, in manu &c. ac in cerebro: nec tollit quod in solo etiam capite infundat Deus cogitationem animæ sine ulla dependentià à phantasmatibus. Omnia quippe serviunt ei.) Ergo juxta ordinariam providentiæ in solo loco, ubi est ea pars cerebri, potest anima elicere in se ipsa tamquam subiecto adæquato operationes intelligendi sibi concessas in hac vita. Sicut in eo solo loco ubi fuerit aliqua pars sui corporis potest vivere, durante hac vita. Illud verò secundum est falsum: quia licet dicæ operationes pendeant à corpore, quatenus sola phantasmata determinant in cognitiones animam incarceratam, & sui ipsius nesciam (sicut esset homo natus, nutritus, & adultus, in profundissima, obscura, & sola specu subterranea) ad illas operationes; at hæc, ut pote spirituales, in sola anima recipiuntur: & neque adhuc inadæquatè in ea parte cerebri.

§. VIII.

134 ¶ Nfertur 2. notitia modi, quo cognoscimus ea, quæ oculis, aut sensu alio percipimus: nec non alia, quæ nullo sensu tangimus, & amamus. Item notitia rerum, quæ interveniunt quando cognoscimus, & amamus. Novem sunt illa quæ sigillatim exponam. Considera 1. objectum capax, ut videatur, v. g. ignem. Hic per aerem intermedium producit qualitatem illam, quæ vocatur: *species materialis externa impressa*: sicut per aerem diffunditur lucem, & calorem, & odorem &c. Et sicut nulla ex his qualitatibus perveniet ad te, si ea linea aeris sit interrupta per impediens corporis interpositionem, ita species illa materialis non perveniet ad tuos oculos, si inter eos, & objectum mediet impedimentum aliquod. 2. postquam species ad oculos, aut alias capaces pervenit, animam in eis existentem, & attentam cogit, ut producat in eis vitalem operationem, quæ dicitur *visio corporis*. 3. hæc visio, & cæteræ sensationes (quæ non sunt per speciem objecti,

sed

sed per physicum contactum illius, aut alicujus physici effectus ex eo nascentis) per nervos quos posuit Deus inter omnes sensus, & partem capitis, ubi sunt imaginationes, mittunt qualitatē eam materialem, quæ dicitur *species interna materialis*; quod si in nervis eis sint interposita aliqua corpuscula, qualitas ibi sistit, & non pertingit partem illam capitis: & idē qui apoplexi laborant, vel simili morbo, nil sentiunt ex eis, quæ sunt in suo corpore, quia per illos internos canales diffusum est corpus complens illos, & non permittens transitum ad cerebrum illis qualitatibus: sicut nil objecti A vident oculi, quando inter hos, & totum illud est paries, v.g. & ob similem causam aliqui odoratu, auditu, visu, aut alio sensu orbi sunt: quia nervus inter organum illius sensus, & partem illam capitis, occupatus est alio corpusculo obturante, vel malo alio modo est dispositus. 4. Illa species sensationis externæ perveniens ad dictam partem capitis, quæ ob confluentiam specierum sensationum omnium materialium in ipsam, vocatur *sensus communis* (seu potius Organum, & sedes, & locus, sensus communis) & eam inveniētem dispositam, & animam, quæ ibi est, attentam: hanc cogunt ut faciat vitalem eam sensationem internam, quæ dicitur *imaginatio*, sive *actus phantasia* circa tale objectum, sive apprehensio materialis illius; & quia in hac propter suam materialitatem, ac rusticitatem multoties decipitur homo, ut constet ex erroribus, quos experientia deprehendit in somniis, in deliriis, in phrenesi, in ebrietate &c. hac de causa actui phantasia, sive imaginationi, non est omnino credendum: & hac etiā de causa communis est illa exprobratio. *Ista est imaginatio. Ista est apprehensio*, scilicet materialis. *Ista est phantasia*; hoc est. Ista est operatio potentie illius, quam toties deprehendimus fallacem. Cæterum est verax multoties; quoniam certè est verax imaginatio, sive apprehensio, sive phantasia doloris, quam habet ille, qui verè à parte rei percutitur.

Genes. 1.

135 5. Hæc sensatio interna producit speciem sui ipsius, & consequenter sui objecti in illa eadem parte capitis. Nam sicut Deus, ut durent, ac propagentur species viventium, eis providit semen, ex quo, deficientibus illis, nascentur hoc vel illo modo alia individua speciei ejusdem. Ita imaginationibus, & cognitionibus providit, quod post se relinquunt dictam qualitatē, ex qua abeuntibus illis, nascentur hoc vel illo modo similes cognitiones. Experientiā namque constat dari memoriā non solum rationalem, & spiritualem, verum, etiā materialem, atque imaginativā, ut supra dixi: siquidem multi ex illis, qui solā imaginatione funguntur, ut sunt bellæ, ebrii, mentecapiti, dormientesque homines, recordari solent: Imò & nos ipsi per actum memoriæ rationalis, ac spiritualis recordamur passim imaginationum, quas habuimus, & somniorum, quæ nil aliud sunt, ut dixi, quam multitudo imaginationum. Atqui hæc memoria non aliter contingit in illis nisi per excitationem illarum specierum, quas relinquunt priores imaginationes, ut supra etiā dixi, quæ species excitatæ cogunt ad novam imaginationem ejusdem objecti: & excitatæ in nobis ratio-

ratione utentibus cogunt ad novam spirituales, & rationalem cognitionem, quæ dicitur memoria objecti ejusdem. Ergo illæ imaginationes reliquerunt species sui ipsarum; sicut multi liquores relinquunt in vase odorem, colorem, saporem &c. quia verò interdum excitantur simul disparatarum rerum species imaginariæ, & non est expeditus mens ad cohibendum illas (ut non est inter dormiendum) idèd tunc sicut semina eterogena generant monstrum, ita species illæ determinant animam, ut concipiat monstruosam imaginationem. 6. Hæc sensatio, seu hoc phantasma materiale, seu hæc imaginatio, vel producit novam illam speciem spirituales intelligibilem, de qua supra n. 128. vel per se immediatè determinat animam attentam, ut in se sola producat primam cognitionem spirituales objecti (quæ solet esse mera apprehensio, sed distincta valde ab ea altera, quæ est mera imaginatio. Ubi obiter vides quantum faveat bona, & quantum noceat mala imaginatio, ac distorta, quia rapit post se primam operationem intellectus circa illud objectum, quæ sine dubio sapit naturam illius imaginationis, per quam immediatè determinatur. Ex primis autem cognitionibus objecti pendere solet processio tota actuum intellectus, & volun-tatis, quos circa illud exercemus) primam inquam cognitionem objecti; sed in eo solo loco, in quo anima informat membrum proportionatum, nempe in solo loco, in quo est medullium cerebri, ut ita dicam: sicut enim anima quandiu est unita corpori, non vivit in loco ullo, ubi non est pars aliqua corporis sui: ita non elicit cognitionem rationalem in ullo loco, in quo non est organum illud, seu membrum determinatum, dependenter à quo cognitiones spirituales concessit illi Deus pro hac vita. Recole num. 133.

136 Rursus hæc cognitio spirituales, & reliquæ omnes producant in sola anima species intelligibiles, spirituales, subservientes, quando excitentur aliquo ex illis modis datis num. 124. & seqq. memoriæ rationali, seu novæ generationi alius similis cognitionis objecti ejusdem: quia ut nuper dicebam Deus qui voluit nos frui memoria, providit cognitionibus vim relinquenti post se distam qualiteram, ut illis abeuntibus, & quidem facillimè, ut constet experientiâ, propagari, & durare posset sua species physica per repetitionem similium cognitionum derivatarum ex determinatione qualitatibus, quam in anima relinquunt priores cognitiones. 8. Hæc primæ cognitiones objecti, aut per se præcisè, aut per aliatum consortium aperiuunt veritatem, aut falsitatem, bonitatem, aut malitiam objecti: & sic ipsæ per se exercitè, ac subjectivè sine reflexa sui cognitione; objectum verò per se signatè, arque in genere objectivo (mediante scilicet sui cognitione) movent, instigant, & sollicitant, jam intellectum ad cognitionem aliam, quæ sit assensus, jam ad aliam, quæ sit dissensus, jam voluntatem ad actum, qui est amor, jam ad illum, qui est odium. 9. Hi iidem actus intellectus, & voluntatis relinquunt in anima species spirituales sui ipsorum: quoniam habemus memoriam de eo quod aliquando assensu, vel aliquando dissensu sumus objecto illi, item de eo, quod olim amavimus, vel

vel odimus illud : Sed hac memoria non aliter habetur juxta supradicta , nisi quatenus anima determinatur ad habendum hanc novam reflexam cognitionem illorum actuum per excitationem species, quas reliquerunt sui ipsorum in anima . Ergo reliquerunt illas . En utcumque explicatum per novem hac intermedia brevissimum illud iter , quod solet esse inter objectum , & ipsius rationalem assensum , aut dissensum , aut amorem , aut odium .

137 Hucusque quando objectum percipitur per sensum aliquem ; quando verò per nullum prorsus sensum perceptum est objectum , quod cognoscimus , quod amamus , quod odimus &c. ut per nullum penitus sensum percipitur à nobis ullum supernaturale , ulla substantia , ullus spiritus , ullum universale , ullum denique distinctum à pauculis istis accidentibus materialibus , quæ experimur oculis , auribus , tactu , gustu , & olfactu : tunc alio longe modo accidit negotiorum cognoscendi , & amandi . Et tunc cognitiones ipsæ rationales tamen interdum non relinquunt dubium de sua veritate . *Vel est , vel non est Angelus Michael ; at semper sunt obscurissimæ circa quidditates , & proprietates suorum* objectorum : quales essent cognitiones super luce , & coloribus , quas formaret cæcus à nativitate : & quas formaret de pratis , de montibus , de floribus , de Insulis , de stellis , de nubibus , de Urbibus , de Musica &c. ille qui etiamvis oculos haberet , ac aures ; natus tamen , & adultus esset in obscurissima subterranea specu , audiretque alium de his rebus philosophantem . & initio quidem dignus esset compassione , si hæc negaret , aut dubitaret ; postea verò supplicio , si contumax acquiescere noller sapientioribus , qui diurnâ oculorum experientiâ perillustrarunt , & possederunt illa omnia . Sic quamvis animæ nostræ vi polleant intellectivâ , quia tamen à primo instanti suæ creationis fuerunt incarceratæ intra specum terream hujus corporis , ad quam per nullum sensum illabitur ullum supernaturale , ullum æternum , ullum infinitum , ullum universale , ulla substantia , ullus spiritus &c. ex alia parte non habent infusas à Deo species proprias harum rerum : & demum suâ perspicacia non est sicut Angelica , quæ sensibus corporeis carens , illis non indiget ad intelligendum , eo quod hæc sit substantia completa spiritualis intellectiva : hac de causa obscurissimum formant conceptum de quidditate , proprietatibus , connexionibus , oppositionibus , amabilitate , odibilitateque harum rerum respectivè ; cum tamen clarissimam habeant cognitionem earum rerum , quas sensu aliquo prehendunt . Ex obscuritate autem cognitionum circa res illas supernaturales , æternasque , naturaliter nascitur , quod prosecutiones , aut fugæ voluntatis circa illas sint tepidissimæ , aut nullæ , nisi Deus succurrat : atque ex perpeticuitate cognitionum circa has alias res , quas sensu aliquo prehendimus , naturaliter etiam procedit , quod prosecutiones , aut fugæ voluntatis circa illas , sint vehementes , acres , & violentæ nisi Deus , ut misericors Pater opituletur . At sicut , qui insidet equo quantumvis feroci , sed qui sessori subiectus sit , in eo sensu in quo dictum est illi

Genf. 4. *sub te eris oppetitus tuus , & tu dominaberis illius , poterit illum desceden-*

tem

tem ad prata prohibita dextrorsum, aut sinistrorsum, sistere aut cogere etiam ut fecit tendat. Ita anima dominans absolūtē, ac simpliciter utrisque actibus potentie imaginativæ, potest unos arcere, alios acuerre, & actus voluntatis rectos concipere.

138 Igitur ut anima concipiat ullam vitalem operationem intellectus, aut voluntatis circa objectum A, in particulari, simpliciter est necessarium ex natura rei (potest Deus has necessitates dissolvere,) quod saltem audierit illud, aut sensu hoc, vel alio perceperit aliquid illius, seu aliquem effectum, seu proprietatem, seu causam, seu aliquid simile illi; quia si nec audivit illud umquam, quomodo potest cognoscere, aut amare, aut odisse illud? quam veritatem, ut satis per se notam innuit Paulus, quando scripsit; *quomodo credent ei, quem non audierunt?* Ad sonitum illius saltem nominis, effectus, proprietatis, partis, aut rei similis objecti illius, protinus excitatur in parte illa capitis, in qua sunt imaginationes, aliqua, vel aliquæ species in ea parte productæ, ut supra dixi, per externam sensationem rei habentis aliquam licet informem, & rudem proportionem cum ea proprietate, aut effectū, aut saltem cum ea voce, & nomine, quo audita sunt. Exempli gratia audito, Deum esse antiquum illum dierum, & *capilli capitis ejus quasi lana munda*, de quo Daniel, excitatur protinus imaginativa species, & imaginatio ipsa Gravissimi alicujus Senis, quem vivum, aut pictum vidimus. Audito Deum esse causam primam, & ultimum finem rerum, siquidem ipse fecit nos, & non ipsi nos: Et: *Univerſa propter ſe metipſum operatus eſt Dominus*. Excitatur species imaginativa, & imaginatio ipsa magni alicujus pelagi, quod aliquando vidimus, vel audivimus, ex quo fluunt, & in quod refluunt plurimi, atque eherogenei rivuli. similiter audito Deum apparuisse Eliz sub hoc Symbolo, nempe quasi *ſibilis auræ tenuis*; sub quo etiam symbolo forſan apparuit noſtris Parentibus cum auდიissent vocem Domini Dei deambulantis in Paradiso ad auram poſt meridiem. Et sub quo etiam forſe apparuit Davidi, cui dixit. *Cum audieris ſonitum gradientis in cacumine pyrorum, tunc inibis pralium, quia tunc egredietur Dominus &c.* Audito inquam hoc, excitatur species imaginativa, & imaginatio ipsa ſubtiliſſimæ illius auræ cuncta penetrantis, quam aliquando percepimus. Excitata hæc species in ea parte cerebri naturaliter determinat animam non diſtractam, ut in illa eadem parte, & ſimil in ſe ipſa, partem illam informantē, producat vitalem imaginationem immediatē, ac directē repræſentantem rem illam v.g. Graviffimum ſenem, ex cujus ſensatione externa ſuit generata illa species.

139 In hoc articulo hujus proceſſus ſolet eſſe præſentiſſimum, & generale periculum errandi. Si nimirum anima per hanc imaginationem correpta, prodeat in ſpiritualē apprehenſionem, aut in judicium enuncians, vel ſupponens objectum, v.g., Deum in ſe ipſo eſſe ſicut illud alterum, quod imaginatio illa immediatē, ac directē exprimit: hoc eſt: Deum in ſe ipſo eſſe ſenem canutum, eſſe pelagus, eſſe auram, aut quid ſimile. Sicut erraret ille, qui intuens objectum in ſpeculo

Roman. 10

Daniel. 7.

Pſal. 99.

Prov. 16.

3. Reg. 19.

Genſ. 3.

2. Reg. 5.

culo iudicaret objectum illud esse speculum, aut esse intra speculum, aut speculum esse objectum illud. Et in hoc periculo peribant rustici illi Poloni, qui tempore Paganismi credebant, Deum esse murmur illud lene, quod transcurrrens aura per medias arbores edere solet. Et quamquam non sit periculum incurrendi in hos errores, quando exploratum omnino est, rem A, non esse illam rem B; atq. quando non ita est exploratum, aut anima non ita attentè reflectit, facillimum est apprehendere per actum mentis, ac rationis rem A, esse illam rem B, per speciem cuius, ad modum cuius, instar cuius cognoscitur: id est esse rem B, cuius imaginatio, propter aliqualem proportionem cum A, iuvat & determinat ad cognitionem rationalem rei A, & supposità illà apprehensione disputare solent aliqui; quid mirum quod tunc disputatio sit porius vociferatio, quam ratiocinatio, si illam dirigat apprehensio illa prima distorta? quando igitur anima sic infelicitè apprehendit, non cognoscit objectum per species alienas utcumque; sed fingit & facit ens rationis, quod sibi imputet. Hæc autem macula non est aspergenda omni cognitioni habitæ per species alienas, & experimenti objectum ad modum alius; alioquin omnis cognitio, etiam quæ est actus fidei, quam habemus de Deo, esset falsa, & faceret eas rationis: imò omnis cognitio quam habemus de substantiis, & de illis, quæ supra notavi non percipi per sensus: quod est confundere *imperfectiorem* cognitionis, obscuritatem, & abstractionem cum *falsitate*.

140. Igitur anima aliunde instructa de eo, quod Æternus Pater non est in seipso senex habens canutos capillos, imaginatione illa senis, vel aliâ æquè impropria (quæ quando propriam nascisci nequimus, impropria contenti esse debemus) iuvatur, ac determinatur ad cognitionem objecti, quod audivit esse antiquum dierum, & consequenter ad cognitionem Dei, quia inter senem, quem sensu percepit, & antiquitatem dierum apparet aliqua, licet rudis proportio. Unde quod tunc determinat animam ad rationalem, & minus obscuram illam cognitionem Dei per modum senis, neque est sola imaginatio senis, quia sæpè illam habemus, quin Dei meminerimus: neque sola vox *Deus*, quia eum agnoscere possumus per speciem alius rei; sed complexum ex vocibus *Deus est antiquus dierum* excitans speciem, atque imaginationem Gravissimi senioris alicujus, simul cum hac imaginatione movet animam ad ulteriorem cognitionem, nempe quæ sit actus rationis circa Deum. Similiter anima, tametsi numquam se ipsam viderit, aliunde tamen sciens ex principiis, partim Philosophicis, partim Theologicis, se esse spiritum diffusum per totum corpus, & cum toto eo intimè penetratum, audiens has voces *anima est spiritus* cognoscit per actum intellectus se ipsam, per modum, per speciem, atque instar tenuissimæ auræ facillimè se se insinuantis per corpus; non quia iudicat, vel apprehendat, *se esse ventum*, quia hæc esset apprehensio dissona, & loquutio ea sacra *ventus est vita mea*, & secularis, *in ventos vita recessit* est loquutio metaphorica obsecundans humanæ imaginationi, & consuetudini loquendi prout apprehendimus. Sed quia propter aliqualem similitudinem

dinem inter substantiam spiritualement, & subtilissimum ventum, vox illa *anima est spiritus* excitat speciem, atque imaginationem subtilis ventis, & simul cum hac imaginatione propellit animam, quando capax est, ad ulteriorem, idest, spiritualement cognitionem sui ipsius: quæ cognitio licet obscurissima, nihilo tamen minus longè melior est quam mera imaginatio.

141 Interdum imaginatio, seu apprehensio imaginativa faculz, aut flammæ determinat ad eam cognitionem ob similitudinem licet informem, ac rudem animæ cum flamma. Interdum imaginatio puellæ non ob similitudinem animæ cum illa; sed ob terminationem femininam illius vocis *Anima*; quia ut constat ex Poetarum, atque Pictorum præxi, res apprehendi, ac pingi solent per speciem illius sexus, ad quem alludit vox significativa illarum rerum. Idem dico de cæteris omnibus cognitionibus abstractivis, idest, representantibus rem universaliter in genere, aut in specie: & de representantibus rem singularem per modum alius, ad modum alius, instar alius, per species alius; idest de cognitionibus rei oriundis ex imaginatione alius rei propter aliquam proportionem inter utramque; quæ cognitiones erunt falsæ, entiumque rationis formatrices, si enuncient, vel supponant, unum esse alterum; verè autem, tamen si imperfectæ, atque obscuræ, & ænigmaticæ, si hoc minimè enuncient, sed dumtaxat habeant determinari ex imaginatione illius alterius concurrentibus dictis requisitis. Stet ergo. Cognoscere rem abstractivè, seu per modum, & speciem alius, interdum esse fingere, facere ens rationis, habere cognitionem falsam; interdum non: prout anima sinat, aut resistat, se falli imaginatione, apprehensione, actuque phantasiæ; periculo autem illi obnoxii sunt phantastici, furiosi, præcipites, ignorantes, plus iusto timidi, & quicumque passione feroce correpti sunt; minus verò expositi sunt qui dominium retinent sui ipsorum, & quasi in alto sedentes, despiciunt suas imaginationes, discernuntque inter id, quod est res A; & id, quod est res B, cujus imaginatione juvantur ad figendum aliquam cognitionem rei A; sed non sinunt se ita plus iusto juvari ut præcipitentur in errorem.

§. IX.

142 **I**nfertur 3. necessitas habendi copiosam, ac selectam suppellectilem specierum materialium in parte cerebri, ubi sunt imaginationes, ad habendum actus spirituales mentis, ut jam innuavi; quia licet illæ non juvent immediatè, ac directè ad hos, sed ad materiales imaginationes; at hæ sunt ex natura rei necessariæ ad actus illos; quia si cognitio est intuitiva objecti, debet hoc percipi à nobis per aliquem sensum: si abstractiva, debet determinari per ima-

ginationem aliqujus alius objecti, cum quo objectum A v. g. habeat aliquam, licet rudem proportionem. Ergo utrovis modo sit cognitio, prærequirit dictas species in dicta parte cerebri. Ergo si illa fuerint paucæ, aut malæ, pauci & infelices erunt actus mentis. Cumque pueri, Juvenes, & viri etiam artium inexperti, paucas adhuc, & non selectas species habere soleant: hac de causa errare solent in actibus intellectus, & in actibus voluntatis per hos regulatis, & est vulgaris illa exprobratio, vel accusatio. *Iste habet paucas, & malas species in capite.* Sunt itaque illa instrumenta, quibus anima juvatur ad intelligendum: Instrumentis autem paucis, & malis quid potest artifex facere? Inferitur 4. quid dicendum sit super illa difficultate. An cognitiones abstractivæ, nimirum ferè omnes, quas habemus in hac vira, terminentur immediatè ad objecta ipsa: an potius ad phantasma aliquod, idolum, sive substitutum, in quo tamquam in medio cognoscamus objectum illud, v. g. Deum: sicut homo videt suum vultum, non in se ipso, sed in speculo, vel in aqua? Multus est egregius Doctor Izquierdo in his phantasmaribus, idolis, & substitutis defendendis. Sed distinctione opus est. Aliud est, quod omnis cognitio abstractiva de existentia, aut aliquo alio attributo sui objecti, sit mediata; quatenus egeat ratione aliqua suasiiva illius. Aliud quatenus egeat specie sive imaginatione alius objecti extranei quondam percepti per aliquem sensum. Aliud quatenus sit cognitio sui objecti *in hoc alio*, tamquam in speculo aliquo: ita ut omnis cognitio spiritalis abstractiva, v. g. Dei ut distincta ab imaginatione materiali, qua juvatur, aut determinatur anima ad habendum illam, debeat esse cognitio reflectens supra illud extraneum objectum, aut supra illius imaginationem, & in ea representare Deum.

143. Illud primum plerumque est verum; quoniam licet dentur multæ cognitiones abstractivæ ita evidentes circa id, quod enunciant (licet obscuræ circa subjectum, & prædicatum, quod enunciant) ut non indigeant ullâ ratione suasiivâ. V. g. *vel existit, vel non existit Gratia sanctificans, Angelus, substantia*, & similia, quæ non cognoscuntur à nobis nisi abstractivè. Item. Principia omnia scientiarum, quæ ut pote *principia* debent esse per se nota, & non indigna ratione ullâ suasiivâ: & ut pote *Universalis*, non sunt cognitiones intuitivæ, sed abstractivæ, siquidem intuitio formalis, & immediata, quidquid sit de æquivalentiis, non est nisi de singularibus. Atque hanc ob causam, dixi suo loco, possibilem esse cognitionem abstractivam divinitus infusam, quæ sit immediatè, ex terminisque evidens circa Trinitatem, eo quod sicut de facto datur unum lumen supernaturale determinans ad cognitionem intuitivam illius, nempe lumen gloriæ: & alterum determinans suo modo ad cognitionem abstractivam Trinitatis, sed indigentem ratione suasiivâ illius, v. g. lumen Fidei; ita est possibile divinitus lumen supernaturale medium inter ambo hæc, quod sit inferius lumine gloriæ, & superius lumine Fidei, & consequenter determinans ad cognitionem non intuitivam Trinitatis, sed abstractivam, nullâ tamen indi-

Izquierdo in phan-
do in pha-
ro disp. 2.
quæst. 3.

indigentem ratione suavis, ut contingit in illis abstractivis cognitionibus per se evidentibus nuper insinuat; licet inquam hoc sit divinitus possibile: verumtamen plerumque abstractivæ cognitiones, quas habemus, ita sunt obscuræ circa esse, aut non esse id quod enunciant, & circa subjectum, & prædicatum quod enunciant: ut ratione suavis egeant, & sine ulla non concipiantur ab intellectu, ut experientia constat. Ergo omnis cognitio abstractiva plerumque est mediata mediatione rationis suavis, quatenus hac plerumque indiget.

144 Secundum semper est verum, quia in eo stat quidditas cognitionis abstractivæ (seu quod idem est symbolicæ, atque ænigmaticæ) non in sensu logico, nempe cognitionis constituentis universale, sed in sensu philosophico: nempe quod habeatur ex specie, seu imaginatione alius extranei objecti propter aliqualem proportionem sui objecti cum illo extraneo; quæ species, & imaginatio in nobis est materialis, ut roties dixi: in Angelis verò, & animabus separatis, est spiritalis: Multa namque alia cognoscunt utrique, aut cognoscere possunt distincta ab eis, quæ intuentur: & consequenter cognoscunt illa abstractivè per species alienas, sed quas ipsi acquirerunt per intuitionem, aliarum rerum utcumque proportionatarum cum objecto illarum cognitionum, vel infusas à Deo acceperunt. Unde si est possibile quod eadem cognitio nascatur à specie propria, & simul à specie aliena sui objecti: illa cognitio erit simul intuitiva, & abstractiva secundum positivum, quod hæ vocis significant: secus autem secundum negativum. Sicut esset simul vivum, & mortuum secundum positivum, sed non secundum negativum, corpus illud, quod simul haberet formam vitæ, & illam, quam vocant formam cadaveris. Et esset simul sancta, & peccatrix secundum positivum, sed non secundum negativum anima, quæ simul haberet gratiam, & peccatum; quamobrem omnis cognitio abstractiva est mediata mediatione speciei alienæ, quatenus præsupponere debet alienam speciem, sive imaginationem proportionatam subjecto abstractivè cognoscenti, qua hoc juvetur, aut determinetur ad illam cognitionem. Tertium, nimirum quod omnis cognitio abstractiva Dei, v.g. sit cognitio Dei *in alio*, tamquam in speculo, phantasmate, medio, vel substituto, ita ut sit cognitio reflectens supra hoc aliud, sicut oculi carni reflectunt supra speculum intuentes illud, & non intuentes objectum, quod post te habes, nisi intuendo speculum (in quo stare videtur difficultas præfens) hoc inquam tertium est æquivocum. Verum multoties: multoties falsum.

145 Fateor nos sic multoties cognoscere abstractivè. *Maximè* quando durare volumus in cognitione, quæ sit actus mentis, quia tunc quasi clavo imaginationis figimus illam cognitionem, reflectentes supra ipsam imaginationem, quæ nobis est magis clara, ut pote rei perceptæ per sensus, & in sua levitate est magis firma, ut pote derivata ex materiali specie physicè, ac materialiter recepta in cerebro: & in ea imaginatione considerantes per actum intellectus objectum, considerationem hanc, quæ minus clara est nobis, & ob suam spiritualita-

tem

tem facile labitur ex nostro intellectu, quasi appendimus ex illa imaginatione, & circumquaque firmamus illam: atque ideò Magistri Ascetici monent nos meditationi, seu orationi mentali præmittere imaginationem illam, quam vocant *compositionem loci*, sive *memoriam localem*, v.g. imaginationem ignei pelagi, in quo quasi natant damnati, sicut pisces in mari, quando poenas illas meditari volumus: & tunc meditatio illa est continuata cogitatio ab intellectu concepta, quæ reflectere solet supra materialem imaginationem ignei cujusdam pelagi, & supra pelagus ipsum verè habens illud pro objecto non quidem absolute, sed hypotheticè, ac suspensivè enunciato (ne mediatio falsa sit) & in illo, illiusque imaginatione, tamquam in speculo voluntariè sibi objecto representans illas poenas. *Maximè* quoque quando ordinatè proferre volumus longam seriem rerum: quia ad hanc memoriam valdè conducit illa alia memoria localis. Id est, tenax quædam imaginatio ordinatorum cubilium, seu sinuum, seu cellularum, quem ordinem, vel alium similem bene notum habeamus per sensus; & tunc post bene distributa, collocata ea, quæ dicere volumus per sinus, & domicilia ea: ad eam eorumque imaginationem reflectere solemus mente inter dicendum, quæ dicere decrevimus, quasi legentes in unoquoque sinu periodum, quem ibi imaginatione scripseramus: quæ ars ad reminiscendum, licet novam, & novam requirat memoriam, novas item, & novas imaginationes, adjuvat procul dubio per se loquendo, sicut majus pondus quod volucres habent cum pennis, quàm sine illis, juvat ad volandum, & majus pondus, quod habet rheda cum rotis, quàm sine illis, juvat ut moveatur. Ubi parum refert, an hæc mentalis reflexio soleat tendere immediatè, ac directè in solam vitalem illam imaginationem phantasie: & indirectè in ipsius objectum, quod per sensum externum fuit perceptum. An è converso. An æquè immediatè, ac directè in utrumque. Parum inquam refert, quia unoquoque ex his tribus modis potest res contingere. Sic quando intuentes oculis carnis imaginem Christi D. dicimus. *Mic est noster Redemptor*, licet intuitio sit imaginis solius, non verò Christi Domini; & enunciatio sit de Christo Domino, & non de imagine, aut mentalis cognitio unius est, etiam alterius.

146 Proficit similiter cognitioni abstractivæ reflexio supra dictam imaginationem, hujusque objectum perceptum per sensus, aut supra simili percepto quando abstractiva cogitatio est mollis, aut horrida: quoniam hæc sapissimè est reflexa supra imaginationem objecti illius extranei, quod pellicit, aut terret, & in ea tamquam in speculo representat suum objectum. Et sic torquebat Deus Ægyptios. *Persona tristis illis apparentes pavorem illis præstabant*, nempe excitabat Deus in illis horridas imaginationes, in quibus tamquam in speculis mens illorum videret larvas funestas. Et in genere loquendo, quando cogitatio, quæ sit actus mentis, & rationis, est permanens multoties est reflexa supra imaginationem, & objectum ipsius, quæ ut dixi, est magis clara, & magis consentanea nostræ materialitati, ut pote conce-
pra

Sapient. 17.

pra ex objecto percepto per aliquem sensum, & recepta physice in nostro cerebro: & consequenter magis permanens, & consequenter in ea magis fixè cogitamus objectum, quod purè abstractivè cognoscimus. Et in hoc sensu abstractivè cognitiones aliquandiu durantes representare solent suum objectum mediàtè in phantasmate, & substituto: nempe in imaginatione materiali, quæ sit non quidem illius formaliter, ut talis objecti abstractivè cogniti, siquidem ponimus non esse perceptum, per sensus, sed alius rei utcumque proportionatæ cum illo. Et hoc unum probare videntur argumenta, quæ loco citato conglobat dictus Auctor. Videlicet quod quando cognoscimus abstractivè, obversatur menti nostræ quoddam simulacrum rei illius. V. g. quando cogitamus Madritum, obversatur nobis quoddam objectum divisum in vias, & plateas, distinctum templis, palatiis, domibus, refectum hominibus hac illac gradientibus, equis, apothecis &c. Hoc simulacrum nil solet esse aliud à parte rei, quàm materialis imaginatio rei illius perceptæ olim per sensus, aut rei similis: & nos mente reflectentes supra, hanc imaginationem in ea abstractivè, & consequenter obscurè etiam, cognita (siquidem imaginationes non percipimus sensu ullo externo) cognoscimus Madritum.

147 Sicut oculis carnis intuentes imaginem Christi Domini in ea cognoscimus per actus rationis tum eam, tum Christum ipsum. Unde sicut tunc dantur hæc duo, visio materialis imaginis. Cognitionis spiritualis imaginis, & Christi ipsius. Ita sæpissimè quando cognoscimus abstractivè solent dari hæc duo. Vitalis imaginatio corporea objecti A, spiritualis cognitio ipsius imaginariæ, & objecti proprii sui nec non objecti alterius, quod abstractivè cognoscimus. Sed quia imaginatio (in sua etiam obscuritate, quando est tantum memorativa) est clarior quam spiritualis illa cognitio abstractiva: & amba simul concurrunt; idèdè facile deluditur intellectus, si iudicet cognitionem abstractivam representare suum objectum *semper in illa imaginatione*, & confundat *eum* imaginatione, & *in* imaginatione. Illa abstractiva cognitio non enuntiat explicitè, aut supponit implicitè hoc objectum esse illud, v. g. Deum esse canem senem, quia tunc non foret abstractiva dumtaxat, sed falsa, & chymaræ efformatrix; sed implicitum hunc habet sensum. *In ordine ad antiquitatem dierum præcisè, Deus est eminenter senex canis. In ordine ad robur, & naturalem venustatem sibi proportionatam, Angelus est eminenter Iuvenis. In ordine ad subtilitatem, activitatem, aut teneritudinem anima rationalis est eminenter aura, flamma, puella &c.* qui omnes sensus veri sunt, & nullus formar ens rationis. Hanc item consuetudinem reflectendi supra imaginationes ipsas vitales corporeas, atque utilitatem ad cogitandum magis vividè, & permanenter objectum, probant testimonia Scripturæ, quæ producit ille Author scilicet. *Videmus nunc per speculum in enigmate. Item. A magnitudine speciei, & creatura &c.* Item. *Cunctus populus videbat voces.* Et similia, quæ tantum probant usum frequentem, & magnam utilitatem reflectendi supra dictam imaginationem, & illam sibi sistendi ante oculos

1. Cor. 3.

Sapient. 13.

Exodi 20.

men-

mentis, sicut imago externa sistitur ante oculos corporis ad cogitandum vivace, & permanente cogitatione objectum, quod abstractivè cognoscitur. Et hoc solet fieri quando homo adeò absorbetur in cogitatione rei, ut videatur sibi videre illam, tametsi verè ex parte rerum cognoscat illam purè abstractivè.

148 Verumtamen nego esse prorsus universalem, aut necessariam inter cognoscendum abstractivè hanc reflexionem supra dictam imaginationem vitalem, & hac de causa semper ac reflexionem illam dixi à num. 145. usum sum termino *solet*, aut æquivalente. Dico ergo; quamvis omnis cognitio abstractiva, sive humana, sive Angelica, sive animæ separata (jam enim dixi Angelos, & animas separatas multum cognoscere, aut posse cognoscere purè abstractivè) indispensabiliter sit cognitio illius objecti, v. g. Dei. Attamen non semper hæc abstractiva cognitio, est cognitio Dei in illa perceptione vitali (sit imaginatio formalis, aut æquivalens: materialis, aut spiritalis &c.) aut in objecto illius tamquam in phantasmate, aut speculo, aut Idolo, aut Vicario, aut Substituto, ita ut illa solam imaginationem, aut illius objectum repræsentet immediatè, ac directè. Sed dumtaxat est cognitio Dei in illo objecto, v. g. in gravissimo seniore *inestate* dependentiæ à pravia imaginatione, seu alia vitali perceptione illius: & *inestate* identitatis cognitionis ipsius abstractivæ immediatè exprimentis Deum cum cognitione exprimente illum seniore. Sed quia hunc percipimus per sensum, non autem Deum, & consequenter ille est nobis magis notus, quàm Deus: ideò dicimus cognoscere Deum in illo, & non illum in Deo. Tota difficultas rei præsentis, & multarum aliarum similium stat in vocula illa in quæ profectò multoties non significat nisi dependentiam. In *manibus tuis sortes mea*. Et rursus. *Insuper anima in manu Dei sunt*. Et similiter apud sæculares. *In te omnis domus inclinata recumbit*, ut ad juvenem quemdam dicebat anus quædam. Multoties significat solam motionem, ut quando dicimus causam cognosci in suo effectu, aut hunc in illa, quia unius horum cognitio movet ad cognoscendum alterum. Multoties significat unionem, aut receptionem, aut localem inclusionem unius in alio; ut cum dicimus albedinem videri in hac charta, hominem videri in rheda, pecuniam in bursa. Multoties significat exordium speciei juvantis ad perceptionem vitalem objecti: ut cum dicimus hominem videre suum vultum in speculo, idest, à superficie speculi incipere retrogradam speciem, quæ hominem determinat, ut videat vultum suum, & non spectrum aliquod præcisè, aut phantasma sui vultus. Cum ergo latina significatio illius in sit adeò varia. Censeo; quoties *Eternus Pater*, v. g. cognoscitur abstractivè per species senis, per modum senis, instarque senis, non in alio sensu est necessarium quod cognoscatur in phantasmate senili, nisi quatenus necessarium est, quod illa cognitio abstractiva, & sit cognitio senilis figuræ aliquando perceptæ, per sensum, & consequenter magis notæ, habentisque aliquam, licet rudem proportionem cum aliqua proprietate *Eterni Patris*: & quatenus pendet ab specie imaginationeque

illius

illius figuræ; Sed hoc non facit, quod cognitio abstractiva Dei tota absorbeat in representatione illius figuræ, & non representet immediatè, ac verè Deum ipsum, ut distinctum ab illa. Sicut quod oculis corporis videas tuum vultum in speculo, non facit, quod tota tua visio absorbeat in videndo speculum, aut larvam, sive phantasma aliquod ibi inclusum, ut putant pueri: & non exprimat verè, ac simpliciter tuum vultum, ut distinctum à speculo, ab omni larva.

149 Probo igitur primam partem conclusionis scriptæ initio numeri antecedentis; quoties excitatur imaginatio senis, v.g., aut juvenis in anima alias capace, ac non reluctante, illa elicit cognitionem spirituales senis, aut juvenis &c. quia imaginatio in anima illa est efficax determinativum cognitionis, quod non accidit, quando, ubi primum excitatur imaginatio, reluctatur anima imminenti cogitationi de objecto illo, ut constet ex resistantia contra suggestiones diabolicas primum ad cogitandum, deinde ad consentiendum, incipientes ex imaginatione. At quoties cognoscimus Eternum Patrem abstractivè per speciem senis: ac Angelos abstractivè quoque per speciem juvenum, excitatur imaginatio Senis, ac Juvenis quos vidimus: quia experientia constat observari tunc nobis quasi quoddam senile, aut juvenile Simulacrum, quod nil aliud est à parte rei quam nostra ipsa imaginatio comitanter se habens cum nostra cognitione, non autem pro priori semper in genere objectivo: & quia Izquierdo noluit distinguere inter hæc duo. Simul, ac comitanter imaginari materialiter, & cognoscere spiritualiter senem. Item; cognoscere Eternum Patrem in ea imaginatione, tamquam in speculo reflexè, ac signatè cognito, idèratus est omnem abstractivam cognitionem Patris Eterni ad modum senis esse cognitionem illius in aliquo simulacro senili. Ex alia parte anima non reluctatur tunc imaginationi ei, quinimò eam admittit, atque in ea moratur ad cognoscendum Patrem Eternum, ergo quoties &c. 2. quoties subiectum habet cognitionem implicite innuentem, aut explicitè enunciantem in ordine ad antiquitatem dierum, Patrem esse eminenter senem: & in ordine ad esse principium, & finem, Patrem esse eminenter pelagus: habet cognitionem senis, & pelagi. At quoties abstractivè cognoscit illum per speciem senis; instar, atque per modum pelagi, habet illam cognitionem, quia ut dixi num. 147. in hoc stat quiddas abstractivè cognoscendi Deum per speciem senis, aut maris: quod nimirum retinens anima imaginationem illorum, iudicat per actum obscurum, atque propter aliquam similitudinem inter objecta derivatum ex hac imaginatione, Deum esse eminenter in ordine ad illas proprietates dignas Deo (secus quoad alias indignas) senem quemdam: maro quoddam &c. quomobrem cum habeamus imaginationem materialem, & simul cognitionem spirituales senis, quoties Deum cognoscimus abstractivè instar senis: & cum illa imaginatio, & cognitio sint multò clariores, quam hæc: & non protinus discernamus inter in & cum, his de causis videmur nobis cognoscere Deum, non immediatè in se, ut distinctum ab objecto illius imaginationis, sed in eo solo, vel in hac

sola tamquam in aliquo speculo ; Sed fallimur ; & hæc est secunda pars conclusionis datæ num. 148. quam sic probō in exemplis ipsis materialibus , quibus utuntur adversarii .

150. Quando te vides in speculo , non solum vides speculum , sed tuum ipsum vultum physicum , & realem , vides immediatè , ac directè , ut distinctum à speculo : & non vides simulacrum aliquod , seu phantasma quod ibi sit , & tibi simile sit : ita ut corporalis ea visio licet concepra ex specie vultus tui resiliens à speculo , verè simpliciter , ac directè sit visio vultus tui . Item quando intueris imaginem Christi Domini , & dicis *hic est noster Redemptor* , non solum cognoscis imaginem illam , verum etiam directè cognoscis Christum ipsum , ut distinctum ab illa imagine , ac de illo ut sic distincto , credis esse nostrum Redemptorem , aliosque actus fidei concipis , quorum objectum immediatum , ac directum est ipse Christus Dominus , & non imago illa (quia alioquin essent falsi) qui actus derivantur quidem ex visione , atque imaginatione illius imaginis ; non tamen affirmant , aut negant aliquid de imagine , aut de visione , aut de imaginatione illius ; sed de solo ipso Domino , ut ab illis omnibus distincto . Ergo quando imaginatione intuemur , aut recordamur senis , & sic cognoscimus Æternum Patrem per speciem senis , atque instar senis , ob rudem aliquam Analogiam illius cum sene : cognitio hæc Patris immediatè , ac directè repræsentat Patrem , ut distinctum à sene , atque imaginatione senis , & de ipso enunciat , quod enunciat ; non verò de sene , aut de imaginatione , rametsi ea cognitio derivetur ex illa imaginatione . Ratio autem est quam insinuaui . Omnis cognitio enuncians aliquid de A , ut distincto à B , exprimit A , ut distinctum à B , & non potest dici de illa quod sit cognitio tantum mediata , & indirecta rei A , nisi in sensu innegabili , & de quo non potest esse questio : videlicet quod habeatur ex specie , seu imaginatione rei B . At pleræque cognitiones abstractivæ , quas habemus de Deo nimirum actus fidei supernaturalis quoad sua intrinseca , & essentialia , enunciant aliquid de ipso Deo , ut distincto à sene huiusque imaginatione , ut constat . Ergo exprimunt Deum , ut distinctum ab istis , quamvis ab istis pendeant : Ergo exprimunt quoque immediatè , ac directè Deum ipsum , & non ista sola , nisi fiat questio de voce .

151. Probo etiam partem . Scilicet *ineitatem* significatam per illam piscam philosophicam loquutionem . Cognoscere rem abstractivè est cognoscere illam *in alio* ; esse geminam duntaxat . Unam dependentiæ à prævia imaginatione , aut alia vitali perceptione illius alius , v. g. senis . Alteram identitatis cognitionis abstractivæ repræsentantis Deum , v. g. immediatè in se (quamvis obscurissimè) ut distinctum à sene , cum cognitione aliqua senem repræsentante . Omnis & sola cognitio Dei , quæ ambas habet ineitates respectu senis v. g. , est cognitio abstractiva Dei . Ergo ambæ requiruntur , ac sufficiunt , ut cognitio sit abstractiva . Ergo ambas & solas significat illa loquutio vera . Probo antecedens . Omnis & sola cognitio , quæ repræsentat suum ob-

ob-

objectum, & non est purè intuitiva illius, est cognitio abstractiva illius, quia non datur medium. Sed omnis, & sola cognitio Dei habens utramque illam inèitatem respectu senis, nimirum pendere, ac determinari ab imaginatione habente senem pro objecto, & esse etiam spirituales cognitionem senis ipsius, est cognitio, quæ repræsentat Deum ut constat: & non est purè intuitiva respectu Dei: quia si talis esset, non penderet ab imaginatione ulla ullius senis, neque esset cognitio huius, sicut visio beatifica, quæ est cognitio respectu Dei purè intuitiva, neque est cognitio senis, neque pender ab eo, quod beati habeant ullam imaginationem ullius senis. Ergo omnis, & sola &c. Neque dicas hunc Syllogismum laborare fallaciâ latere solitâ in eo termino exclusivo *sola*, qui dat sensum universalem negativum: quoniam ista fraus committitur quando ponitur in minore, & omittitur in maiore terminus iste; v. g. Omne animal rationale est vivens. Sed omnis, & solus homo est animal rationale. Ergo omnis, & solus homo est vivens. Malè; licet utraque præmissa sit vera: quoniam illa vox *solus* quæ ponitur in consequenti cum sit negativa distribuit prædicatum *vivens*, quod in maiore non distribuitur, cum ibi non sit illa vox. In Syllogismo autem meo auditur vox illa in utraque præmissa.

152. Ex his habes quod si DD. contrarii agentes res abstractivè cognitas cognosci semper in phantasmate aliquo, in Idolo, in Simulacro, & non immediatè in se ipsis, solummodo dicant illas non cognosci clarè intuitivè; sed obscurè, ac per cognitionem derivatam ex imaginatione aliarum rerum immediatè, aut per species proprias earumdem perceptarum, nec non per cognitionem simul repræsentantem illas alias res. Si inquam id solum dicant, non est cur laborent in suadendo hoc, quia me non audient dicentem, res abstractivè cognititas, cognosci immediatè in se ipsis in sensu isto; id est cognosci *intuitivè*; esset quippe clara contradictio. Et quando nos dicimus illas cognosci immediatè in se ipsis, & non præcisè in phantasmate, non loquimur in isto sensu. Sed solum dicimus duo. Unum. Non est necessarium, quamvis sit commune, quod cognitio abstractiva reflectat supra imaginationem materialem senis, v. g. eamque habeat pro objecto (sicut oculi habent pro objecto speculum) & in ea exprimat objectum per speciem resilientem ex ea in intellectu, sicut in oculos resilit species sui ipsorum ex speculo. Secundum: sive hoc contingat, sive secus, cognitio abstractiva Dei, ipsum immediatè in se, hoc est, ipsum ut distinctum ab istis phantasmatibus repræsentat, arque de ipso, & non de illis enunciat verè, quæ verè enunciat. Unde cognitio potest in triplici sensu dici *immediata*. 1. quatenus nascatur immediatè ex objecto, aut specie propria illius. 2. quatenus non egeat ratione suadente id, quod illa enunciat. 3. quatenus non habeat pro objecto phantasmatum, in quo sicut oculi in speculo exprimat suum objectum. Primum nego de cognitione purè abstractiva. Secundum, & tertium affirmo de multis, quamvis non de omnibus,

CAPUT SEPTIMUM.

De Anima, & Appetitu sensitivis.

153



D finem hujus disputationis explicare oportet sensum, & radicem phrasion illarum. Pars hominis superior. Pars inferior. Appetitus rationalis, qui quando est deliberatus semper est, aut positivè honestus, aut positivè malus, quia actus indifferentes in individuo non agnosco. Appetitus sen-

sitivus, qui in se, ac per se præcisè nec bonus est, nec malus formaliter. Homo exterior. Homo interior. Homo vetus. Homo novus. Homo animalis. Homo rationalis; & similes loquutiones quibus libri Ascetici referti sunt, & in quorum explicatione propter allusionem, quam habent ad peccatum originale, aliqua Theologica dicere oportet; parè tamèn, ac sobriè quantum sufficit Philosopho. Igitur quemadmodum Mercurius, seu Argentum vivum (vulgò *Azogue*) tremulum semper est; atque motibus agitarum contrariis, quia specificis quibusdam constat qualitatibus, reciproce contrariis. Et quemadmodum fulmen rarò, vel numquam cadit ad perpendicularum; sed per lineam obliquam, & quasi spiralem, non solum quia perpendicularis est una sola; oblique autem sunt innumeræ, & frequentius est cadere per unam è plurimis, quam per illam quæ una sola est; sed insuper quia exhalatio illa, sive sit massa solida, contat oppositis elementis, & unoquoque adspirante ad motum sibi connaturalem, fit obliquus ille motus fulminis, nisi quando externus impetus, quo exploditur, tantus est, ut conciliet has domesticas inimicitias, quia tunc excurret fulmen per lineam rectam à puncto, in quo erumpit, ad punctum, in quo sistit. Ita omnis homo cujus corpoream massam Deus non temperaverit specialissimâ providentiâ (ut sola fortè corpora Christi Domini, & Beatissimæ Virginis temperata fuerunt) motibus illis contrariis, contrariisque inclinationibus agitur, quas describit Paulus concludens. *Igitur Ego ipse mente servio legi Dei; carne autem legi peccati*; quasque non ignorabat secularis ille, qui cujusdam venenæ nomine aiebat. *Vides meliora probeoque: deteriora sequor*. Nec sceleratus ille Propheta, qui de se aiebat; *qui cadens, apertior habet oculos*.

Roman. 7.

Nem. 24.

154 Hac super re dico 1. Nasceitur infelix hic effectus ex eo, quod homo constat duobus elementis contrariis: corpore nimirum, & anima non utrumque rationali, idest, in actu primo, sicut constat infans, & & vir mentecaptus; sed ratiocinante. Corpore inquam, idest, non solâ materiâ primâ, aut ea cum tali humorum combinatione, quam ex originali habemus, sed materiâ primâ cum ea combinatione, & in-

super

superinformata, vivificata, animata per animam, non utcumque sensitivam, sed sentientem. Complexum ex materia, & anima cum eorum humorum combinatione, interdum una, interdum alia naturaliter appetit, sicut aqua frigiditatem (non sicut ignis calorem, quia hunc appetitum, seu connexionem nullum agens naturale potest violare sicut violare potest illam aqua cum frigiditate, & hanc aliam de qua modo, quia *sub te eris appetitus tuus, & tu dominaberis illius*) appetit inquam. *Genes. 4.* multas res, modo unas, modo alias juxta humorum, & aliarum causarum combinationem, quas anima expedita ad judicandum judicat non debere fieri, & *vult non fieri*. En jam unos motus contrarios: nempe illum quo viva caro incitata ad vindictam, ad venerem, ad crapulam appetit naturaliter has res (ut etiam appetunt bruta, atque ut magnes, & ferrum se reciprocè appetunt) & motum alium, quo anima cognoscit non debere huc fieri, & de facto *non vult fieri*. Et hos oppositos motus quasi digito ostendit Paulus quando scripsit. *Videō autem aliam legem in membris meis repugnantem legi menti meae* (illos nimirum appetitus, & inclinationes corporeas, quas notamus etiam in subjectis irrationalibus sensitivis, & non sensitivis) idest, judicio dicenti illa non debere fieri, & voluntati nolenti facere illa. Illud idem complexum ex materia, & anima informantem illam cum varia variorum humorum combinatione, naturaliter *aversatur*, & *odit* multas res jam unius, jam alius speciei, juxta humorum, & aliarum causarum combinationem, quas tamen anima expedita ad judicandum *judicat* debere fieri, & *vult fieri*. Ecce alios motus contrarios nempe aversionem illam corporalem, & judicium, atque voluntatem hanc.

Psal. ibid.

155 Dico 2. Illa corporalis inclinatio, & aversio non identificatur cum sola materia prima hominis; alias omnis casus possibilis, in quo existeret ea materia, foret casus in quo daretur utraque respectivè quod constat esse falsum. Neque cum sola anima ob eandem rationem. Neque cum solo eo temperamento humorum. Nam licet inclinatio ad motum localem deorsum identificetur cum sola gravitate, & resistentia quantitatis A, penetrationi cum alia quantitate identificetur cum sola quantitate A; verumtamen hæc non est detecta humorum complexio, seu temperamentum in uno corpore humano, quod per se præcisè sit adequatè inclinatio ad potandum vinum, v.g. ad sumendum vindictam &c. ita ut si ve detur, si ve non detur anima in eo corpore, detur in eo actualis absoluta inclinatio ad eas res, quas judicium dicit non esse faciendas. Identificatur ergo illa corporalis inclinatio, & aversio cum complexo ex corpore, & anima informantem eam parrem corporis, ubi datur illa inclinatio, & aversio: nec non ex combinatione humorum, atque qualitarum, quæ insunt illi eidem parti. Et quia hi humores, atque ipsorum combinatio sunt adeò diversa in hominibus: idè licet omnes hi sint ejusdem infimæ speciei quoad materiam, & formam, habeant, attentè etiam solâ complexione, tam diversas corporales inclinationes, sicut diversas vitæ mensuras, uni longiores, alii breviores etiam præscindendo à causis extrinsecis. Imò idem individuum homo

juxta

juxta mutationem ætatis experitur eam diversitatem : quia etiam mutatur temperamentum . Non propterea nego , dictam inclinationem , atque aversionem corporalem interdum identificari adæquatè cum sola sensatione corporali objecti A ; sed hæc , ut pote actus vitalis , non potest esse sine anima . Interdum etiam cum imaginatione objecti A ; sed hæc etiam est actus vitalis . Numquam tamen cum solo habitu , seu consuetudine illius partis corporis in fuga , vel inclinatione respectu objecti A , quia hic habitus cum non sit actus vitalis , sed species intentæ generata ex repetitione actus vitalis , potest aliquandiu perseverare in corpore , absente animâ , sicut perseverant alia accidentia : & tamen tunc non datur actualis absoluta inclinatio , aut aversio corporalis respectu objecti A .

156 Dico 3. consequenter ad nuper dicta . Hæc corporalis inclinatio , & aversio , ut pote consistens physicè in dictis , adæquatèque identificata cum eis , si loquamur de illa sola ut distincta à cæcitate mentis debilitateque voluntatis , est independens non quidem absolute ; sed conditionatè , nec non constitutivè , à peccato originali ; Explicatur : quemadmodum pender ab hoc , & in pœnam hujus habetur illa humorum complexio , quæ tandem tandem facit nos mori : & illam non haberemus , si peccatum illud non fuisset commissum , unde fit , quod naturalis nostra mortalitas pendeat absolute à peccato originali ; non autem conditionatè , quasi hæc eadem complexione constantes post non commissum illud peccatum , non essemus naturaliter mortales ; sed quatenus non constarem hæc eadem complexione , si peccatum illud non fuisset commissum : vel quatenus Deus speciali privilegio conservaret nos , tamen si haberemus hanc eandem complexionem , de quo consule Pererium . Ita ex peccato originali pender absolute quod hanc

*Lib. 4. in
Genes. 9. 2.
post med.*

habeamus in corpore humorum , spirituum , & qualitarum temperiem , cum qua identificatur adæquatè illa corporalis inclinatio sumpta pro formali ad tale , & tale prohibitum , & corporalis aversio à tali , & tali præcepto . (& in qua stat physicè à parte rei illud , quod dicitur fomes peccati , seu concupiscentia , & quod etiam secundum corpus *Trid. sess. 5. Can. 2.* in deterius commutatum sit genus humanum , ut Tridentinum docet) quatenus in pœnam illius peccati , & in exercitium nostrum , aut reliquit Deus hanc temperiem humorum , quæ in Adamo erat cohibita per contrariam aliam physicam qualitatem ante peccatum , & similiter cohibenda foret in nobis , si ille non peccasset : aut de novo indidit illam physicam temperiem Adamo post peccatum sine illius alterius temperamento : & per intermedios Antenatos traducitur ex illo ad nos , sicut traducuntur qualitates inducentes mortem naturalem (ubi non si similem opineris traductionem physicam peccati ipsius originalis) . Et hoc disjunctum est verum .

*Sess. 5. can.
3.*

157 Quia illa humorum , & spirituum temperies , seu potius intemperies , non est peccatum strictè , ac formaliter ; sed effectus , & pœna peccati originalis , ut ibidem exponit Concilium , & quid suapte naturâ instigans ad illud , quod aliàs est peccatum formale ; sed cum

Deus

Deus simul largitus sit homini liberum arbitrium, non quidem in sola phrasi Pelagiana, idest, morè naturale; sed præventum insuper, adiutum, roboratumque per suam interiorè gratiam collatam intuitu meritòrum Christi: quo libero arbitrio sic intellecto potest homo retundere, atque enervare illam connexionem naturalem suæ complexionis cum peccato, quia *sub te erit appetitus tuus, & tu dominaberis illius*, sicut quis potest enervare naturalem connexionem aquæ cum frigiditate: Ideò Deus relinquens ad agendam, ut Concilium dicit, illam temperiem humorum in corporibus nostris, quam non reliquisset si Adamus non peccasset: aut illam post peccatum indens hominibus, non est causa per se peccati, aut saltem tentator in eo sensu, quem negat Jacobus; sed Iudex severus cum illis, quos culpâ ipsorum prævidit perituros ob indulgentiam cum illa suorum humorum intemperie: & Pater misericors cum aliis quos gratiâ suâ (cui tamen resistere possent) præventos novit usuros illâ temperie, sive potius intemperie humorum ad propriam coronam. Nam *Zeatus vir, qui suffert tentationem &c.* Et *Faciets etiam cum tentatione præventum, ut possitis sustinere*; quod autem prædicta corporalis inclinatio, v. g. ad vindictam, ad venerem, ad gulam, nec non aversio ab arduis, & acclivibus actionibus respectu corporis, sit in sensu dicto independens à peccato originali, quatenus per illud non constituatur intrinsicè, & posset esse absolutè in nobis, licet peccatum illud non præcessisset, constare videtur. Tum ex brutis, quæ cerrè non peccaverunt in Adamo; & tamen habent illas corporales inclinationes ad vindictam, venerem &c. tum ex præcedente conclusionè, quia nil adæquatè identificatum cum complexo ex corpore, anima, & dicta humorum temperie, pendet aliter à peccato originali, nisi quatenus ex hoc pendet quod tale identificatum existat, aut non existat; non quatenus ex peccato illo pendeat quod semel existens, sit aut non sit tale. At juxta antecedentem conclusionem illa corporalis inclinatio, & aversio adæquatè identificatur cum illo complexo. Ergo non aliter pendet à peccato illo, nisi absolutè quoad suam existentiam; non autem pendet ab illo *constitutivè*: aut quatenus, si non præcessisset illud peccatum, & existeret illud complexum, illud idem non esset inclinatio ad mala multa, & aversio à multis bonis.

Genes. 4.

Iacob. 1.

Tria. sess. 5
c. 5. & can.
6.

Ibid.

1. Cor. 10.

§. II.

154 **D**Ico 4. consequenter ad hanc eamdem Philosophiam: Fomes peccati; concupiscentia materialis (nam etiam anima concupiscit per actum voluntatis, qui purè spiritualis est) Captivitas Diaboli quoad hanc partem. Pars inferior. Appetitus sensitivus. Homo exterior. Homo vetus. Homo animalis; & similia non sunt

sunt larvæ, seu aliquæ ideæ, seu moralitates, & voces sine re. Sed sunt quid physicum, & reale, consistentia omnia illa physice à parte rei in prædicta humorum, spirituum, & qualitarum combinatione positiva, atque negativa, non utique sola, sed existente jam in unis, jam in aliis corporis humani partibus non solis, sed informatis animâ sensitivâ, quia ut dixi num. 154. Inclinatio, naturalisque connexio cum eo quod est peccatum, si fiat debita advertentiâ, quando est intrinseca congenitæque homini, consistit physice ex parte rerum in illa spirituum, humorum & qualitarum, intrinsecus, aut extrinsecus, excitata combinatione positiva, & negativa (hoc est in illa, & in defectu alius qualitaris enervantis illâ) recepta in carne informata per animam sensitivam. Siquidem illa combinatio per se ipsam formaliter immediatè invitat ad venetem, ad vindictam, ad gulam, ad ignaviam, ad corporalia commoda, sicut similis combinatio per se immediatè instigat equum, & mulum, quibus non est intellectus ad similia: & sicut aqua per se immediatè inclinat in frigiditatem: & sicut illa combinatio est valde ætherogenea in hominibus, ideò carnales concupiscentiæ congenitæ illis, atque distinctæ ab aliis titulis, puta educationem, imaginationem &c. sunt inclinationes in diversa peccata: & sicut illa combinatio humorum, & spirituum mutari solet ætate, cibis, morbis, climate, exercitiis corporalibus, propinquitatē, ac distantia syderum, præsertim Planerarum: ita inclinationes corporales ad peccata solent eisdem causis mutari. Semper tamen sunt inclinationes corporales ad aliquid malum in genere morum, & aversiones ab aliquo bono. Ac fomes peccati, concupiscentia, pars inferior, appetitus sensitivus, & reliqua ista sunt physice ex parte rerum dicta inclinatio corporea, congenita, & homini intrinseca, non per identitatem, sed per physicam receptionem in variis partibus sui corporis. Ergo fomes peccati, concupiscentia &c. Hinc sicuti uni melius vident, alii debilius juxta diversam combinationem, quam habent in organo visus. Et uni melius ratiocinantur, alii debilius juxta diversam combinationem organizationis, ac temperamentis, quod habent in cerebro. Ita uni ferociores, alii mitiores habent concupiscentiam corporalem, sive fomitem peccati, juxta disparē combinationem humorum, & qualitarum, quas per corpus sparsas habent. Et sic abundantes bili flava obnoxii sunt corporali concupiscentiæ vindictarum: abundantes atra concupiscentiæ funestarum, & atrocium rerum &c. Sed *sub te erit appetituum &c.*

159 Dico 5. Præter hunc appetitum sensitivum concupiscentiam, fomitem, & partem inferiorem, consistentia physice à parte rei in prædicta humorum intemperie, datur alius fomes, & pars inferior consistentis physice ex parte rerum non tam in phantasia, seu potentia imaginativa, quam in actuali ipsa imaginatione, quia licet hæc non sit congenita homini, sed actus vitalis post aliquot annos ab ipso productus, & sine quo existere potest; Verumtamen notum est quantum sollicitet sua vivacitate animam, ut eligat, vel saltem approbet, quæ delectant corpus, & respuat, quæ aspera sunt. Imò quanto dominio polleat supra membra ipsa

ipsa corporalia, ut ipsorum humores, ac spiritus revolvens, in ipsis excitet acuatque inclinationem ad rem prohibitam: quod si coeat utraque phalanx: nempe imaginationum corporalium, & naturalis propensionis membrorum ipsorum in rem prohibitam; aut contra rem præceptam; jam vides quantum bellum immineat voluntati. Accedere solet alius fomes, nimirum habitus, consuetudo, aut semel saltem gustasse rem dulcem prohibitam, aut amaram præceptam, v.g. torturam, & cruciatum externum, aut internum propter observantiam legis. Omnia ergo ista consuecunt, vel augent concupiscentiam, fomitem, appetitumque sensitivum. Sed quia omnia illa sunt corporalia, & inferioris conditionis, & neque simul sumpta, neque singillatim, sunt per se peccatum (excepto quando homo per actum voluntatis dissimulatum, & reflexum, conviuet illis, & se ipsum decipere volens, esse causa per se illorum, ut pote consistentium in solo corpore, quasi non eo ipso exercitè, licet simulatè, conspurcarent voluntatem) quandoquidem ad omnium illorum præsentiam non ex voluntate, sed aliunde venientem potest adhuc stare voluntas firma per gratiam Dei in decreto nolitivo: ideò omnia ista dicuntur pars inferior, & quæ non dat, sed sollicitas sententiam. Item quia istis omnibus sumus similes bestiis, ideò dicuntur facere hominem animale: & quia istorum omnium intemperiem hæreditate accepimus à nostris Parentibus primis, dicuntur spectare ad hominem veterem; & quia ista omnia accidunt in solo corpore, quod respectu animæ est quid exterius, dicuntur spectare ad exteriorem hominem.

160 Dico 6. Datur alius fomes, seu alia fomitis pars pejor. Nimirum cæcitas, & obturatio intellectus: nempe quando hic dicitur amandum, quod fugiendum est: aut vice versa, & subjacet illi *Va* Isaïæ dicentis. *Va qui dicitis malum bonum: & bonum malum, ponentes tenebras lucem &c.* Cum enim intellectus apprehensiones, judicia, & discursus immediatè gubernent actus voluntatis, aberrabunt hi à recto tramite, si aberrent illi: maxime cum nequeamus velle, aut nolle nisi præcognita. Fateor hanc cæcitatem, atque obturationem intellectus multoties venire specialiter à Deo, saltem ut permissore, in poenam peccatorum commissorum juxta maledictionem Moysis, si fuit maledictio, & non mera prædicio. *Percutiat te Dominus amentia, & cecitate, ac furore mentis, & palpet in meridiescens palpare solet cæcus:* & juxta testimonium Isaïæ. *Dominus miscuit in medio ejus spiritum vertiginis: & errare fecerunt Ægyptum in omni opere suo.* At multoties quoque nascitur naturaliter ex perturbatione prædictæ combinationis humorum, atque spirituum, atque sensationum externarum, nec non imaginationum: ut in phreneticis, acrive laborantibus febris solet ex simili perturbatione quoad intensiorem, nasci similis cæcitas, & obturatio intellectus; & tunc nulla, vel saltem non plena, dabitur, aut dari potest advertentia in homine, & consequenter nullum, vel saltem non grave peccatum dabitur in ea formaliter actione, quamvis detur in alia causante hanc. At non ita contingit regulariter: nam quantumcumque turbetur illa complexio humorum, atque spirituum corporalium, nec non

Isai. 5.

Deuter. 28

Isai. 29.

imaginatio, adhuc restat per se loquendū lumen rationis, & advertentia sufficiens. Sed esto quod intellectus ipse particeps sit rebellionis, & dicet malum ut bonum, & bonum ut malum: si scintilla aliqua restat luminis, idest, aliqua advertentia, quamvis videatur sopira, aliquodve dubium: adhuc voluntas potest stare, atque gratia Dei adjuvante stringere gladium nolitionis contra illam humorum, & spirituum combinationem habitu, & consuetudine roboratam, contra proprias imaginationes, imò & contra proprium intellectum erroneè clamansem esse bonum illud malum, aut esse malum illud bonum.

¶ 161. Ecce ex parte inferiore pervenimus ad superiorem: ex complexione naturali, ex sensationibus externis, ex imaginationibus, ex intellectu ipso obsecrato ad voluntatem, quæ arx, & Regia, & supremum tribunal est Regni. Hæc ergo est pars superior hominis nempe mens expedita, atque disciplinata simul cum voluntate: & donec voluntas consentiat, aut dissentiat, nil proficit tota concupiscentia totus fomes, tota inclinatio, ac naturalis connexio corporis cum tali, aut tali operatione: quia neque peccatum, neque meritum datur apud Deum donec anima consentiat per actum voluntatis. Hæc enim est quæ aut remuneratur pro bono, aut condemnatur pro malo juxta Chrysostomum apud S. Thomam: & quamquam actio externa interdum augeat meritum, aut demeritum, ut dixi in Prodomo disp. 5. num. 168. non tamen appetitus sensitivus. Et prima radix stat in voluntate, & sicut quantumcumque alius pulset januam tuæ domus, non ingredietur, nisi tu aperire velis: ita quantumcumque sine consensu formali, aut interpretativo tuæ voluntatis pulset inclinatio, delectatio, horrore, aut corporis, aut imaginationis: si tu non vis, peccatum non committitur: Nam quod de Diabolo dicit Augustinus supra, *larrare potest, sollicitare potest, mordere omnino non potest, nisi volentem*, hoc de turbâ totâ illorum humorum, atque spirituum, non commotorum voluntati, in quorum combinatione stat concupiscentia, & fomes carnalis peccati, & de imaginationibus non minus sollicitantibus, dico; *larrare possunt, sollicitare possunt, mordere omnino non possunt nisi volentem*. Et quod de vi extrinsecus illatâ aiebat Sanctissima Lucia, hoc de intrinsecus illatâ sine dissimulatæ voluntarietatis mixtura, dici potest: *Si invitam jussus violari, castitas mihi duplicabitur ad coronam*.

¶ 162. Ex toto discursu hujus capitis habes. Partem superiorem hominis distinguere realiter inadæquatè à parte inferiore, illisque omnibus, quæ sub hoc nomine inclusi conclusione quarta; quoniam pars superior est sola anima, quam identificatam pono cum suis potentiis: pars inferior est complexum ex illorum humorum, atque spirituum combinatione, partemque corporis in qua sunt, atque anima informante illam partem. At anima distinguitur realiter inadæquatè ab eo complexo. Ergo. A parte autem illâ inferiore, quæ consistit in imaginationibus provocantibus ad culpam per se solas, aut per suppetias quoque, quas ipsi ferre solet seditio humorum, atque spirituum agitorum, distinguitur realiter adæquatè; Imaginationes namque, illæ sunt adæquatè actus

1.2. q.20.
art. 4.

Serm. illo
197. de 12-
port.

actus vitales animæ ab ipsa physice eliciti, & in ipsa, atque in cerebro simul recepti. Et consequenter ab illa distinguuntur adæquatè; quod si partem superiorem intelligas, non tam animam ipsam, & suas potentias, quam harum potentiarum actus, nimirum recta iudicia, & rectos actus voluntatis, in hoc sensu pars superior distinguitur adæquatè à parte inferiore, ut constat.

163. In unaquaque ex his duabus partibus hominis, nempe superiore, ac inferiore, distinguuntur alix duæ. Una quæ dicitur *pars concupiscibilis*. Et est facultas expedita, & facilis ad appetendum, vel saltem approbandum aliquid, siue voluntatis actu, siue corporis operatione. Altera quæ vocatur *Irascibilis*. Et est facultas expedita, & facilis ad repellendum aliquid alterutro ex eis duobus actibus; ad quam allusisse videtur David quando dixit. *Irascimini & nolite peccare*, quia hæc nolitio est repulsio sui objecti. Neutra identificatur adæquatè, sed tantum inadæquatè cum anima; quoniam licet activa concupiscibilitas, & irascibilitas radicales, atque remotæ, identificantur adæquatè cum anima; at formales proximæ; ac expeditæ imbibunt prærequisita necessaria ad actus illos, præter animam ipsam. Sed hæc prærequisita puta cognitiones respectu actuum voluntatis, & humorum temperiem respectu actuum corporalium, distinguuntur realiter ab anima. Ergo. Iaterdum denique contingit, quod eadem operatio spectet ad concupiscibilem, & irascibilem, ut actus spei. Nempe quia interdum operatio per suam propriam arduitate invitatur, ut constat ex generosis animis, qui facilitate languescunt, arduitate verò moventur, & excitantur. Vel saltem quia objectum ipsum ita vehementer optatur, ut proterat voluntas difficultates omnes contra illud insurgentes, ut facit per actum spei Theologicæ, per quem ita appetit Deum tamquam ultimum finem, ut insurget contra omnes difficultates emergentes contra possessionem Dei.

Psal. 4.

CAPUT OCTAVUM.

*De Instinctu, Sensatione, Animaque
Brutorum.*

164



NIMUS erat manum retrahere ab his. Tum quia obnubilatur honor eo ipso quod in dubium vertatur: ita antiquissima veritas de animatione vitæque brutorum injuriam patitur in hoc ipso, quod hinc inde controversa sit. Tum quia cum pulchra illa ingenia, quæ post Medicum illum Gallegum Antonium Pereyra docuerunt, bruta omnia esse machinas quasdam naturales, quæ instar artificialium moventur sine anima, sine vita, sine

Q 2

ulla

In Marg-
rit. Anto-
niana.

ulla prorsus cognitione, sed ob meram combinationem humorum, & membrorum, quæ habent, sicut moveretur horologium ob meram rotarum, & ponderum combinationem; cum inquam hæc bella ingenia proles sint illius novantiquitatis, quæ negat materiam, & formam, & compositionem entia naturalia, sublunaria præsertim, per puram athomorum combinationem, sicut per meram combinationem motuum, propinquitatum, ac distantiarum lignorum quorundam obtrinetur victoria in ludo satrunculorum: cumque novantiquitatem illam satis oppugnaverim disp. 1. Physicæ speculativæ, rescissa sufficienter videbatur hæc sententia contra animationem brutorum, avulsâ radice illa, ex qua nascitur. Tum demum quia id maxime desiderant D.D. contrarii. Nempe quòd ferò, & multis paginis impugneretur sententia sua, quia sic assurgeret ad dignitatem magnæ cujusdam opinionis. Et res manebit utrimque probabilis, sicut passim res aliæ Philosophicæ, ac Theologicæ. Non profectò ederet tantum strepitum sententia illa, si mero silentio repudiata fuisset, sicut in illo Gallægo suo Authore repudiata fuit à cunctis Universalibus Hispaniæ, quarum nulla dignata est impugnatione sententiam illam.

165. Sed cum in hoc mundo non solum vivamus, sed etiam convivamus, par est ut aliis cedamus. Igitur in hoc capite ad finem hujus dispositionis in loco semoto ab aliis questionibus, quas Peripatetici ipsi inter se disputant, hanc evolvam, ne cum illis misceatur. Non congeram rationes novas positivas ad probandum bruta fungi instinctu, cognitione, (quam hic semper intellige imperfectissimam, rudem, materialem, oriundam ex sola phantasia, similem eis quas nos habemus inter dormiendum, & consequenter imparem merito, & demerito: lege Augustinum) sensatione, atque anima; hujusmodi namque rationes notissimæ sunt, atque obvix, & actum agere tadet. Solum itaque proferam, insinuat illis, rationes negativas: id est, rescindere conabor octo argumenta contraria, quæ horum Philosophorum nomine congerit, & non sine refutatione P. Ignatius Gaston Pardies in opusculo erudit de anima bestiarum; quod ut præstem, exponam prius quid sit *instinctus*, qua voce utimur inter loquendum de prædictis cognitionibus brutorum. Quemadmodum logica naturalis in actu primo proximo est expedita, & prompta capacitas ad discurrendum mentaliter *modo logico*, nempe per viam consequentiarum: Et in actu secundo est, principia juvantia, id est, cognitiones juvantes ad discurrendum modo dicto, quæ principia, sive cognitiones, absque Magisterio alieno, & absque prævio discursu proprio excitari solent in intellectu, simul ac proportionatæ occurrunt circumstantiæ, & intellectus non est aliò distractus, vel aliunde impeditus. Item: quemadmodum Synderesis in actu primo proximo est expedita capacitas ad concipiendum prima principia, seu regulas, seu cognitiones in materia Prudentiæ moralis (ut distinctæ ab astutia) determinare, id est in materia spectante ad humanos mores. Synderesis autem in actu secundo consistit in actualibus ipsis cognitionibus, regulis, seu principiis in materia prudē-

S. August.
lib. 10. con.
sist. cap. 30.

dentis illius determinatè : quæ principia sine prævio magisterio alieno, discursive proprio excitantur in intellectu, ubi primum proportionatè occurrunt circumstantiæ, & intellectus non est aliunde impeditus. Itæ *instinctus* naturalis in actu primo proximo est expedita capacitas ad concipiendum modo proportionato illi subjecto (idest modo spirituali, ut multoties contingit hominibus : vel modo purè materiali, ut semper contingit bestiis, atque etiam hominibus non utentibus actu rationis, & mentis) concipiendum inquam non cognitiones universales, quæ dignæ sint nomine *principiorum*, sive *regularum* (quia hic modus cognoscendi per abstractionem à singularibus, usum rationis poscit, & phantasiam brutorum superat : quippe nequeunt cognoscere modo illo suo materiali, nisi quæ percipiunt, aut perceperunt sensu externo : & hoc neque ceperunt, neque percipiunt Universalia) Sed cognitionem singularem in hoc individuo casu, & aliam in alio, & aliam in alio, quæ cognitiones juvent determinatè in materia conservandi proprium individuum, vel speciem ad querendum propriam commoditatem, vel vitandam proprium incommodum. Instinctus autem in actu secundo est actualis hac cognitio, interdum spiritualis, (imò, & supernaturalis, ut quando homo operatur ex instinctu divino, sive Spiritus Sancti : nimirum ex quadam apprehensione suasiva actionis A ; v. g. aut veritatis A, alias occulte, quam apprehensionem producit Deus in homine ; sine ipso homine liberè concurrente longè sublimius, quam ego formo in hac charta hos characteres) interdum purè materialis, quam sine prævio discursu, aut magisterio habet subjectum, ni aliunde sit impeditum, ubi primum concurrunt proportionatè circumstantiæ, & quæ determinatè juvat ad querendum commodum, & fugiendum damnum proprii individui, aut propriorum filiorum, aut aliorum propriæ speciei.

166 Dari in brutis, (imò & in hominibus usu rationis privatis) hujusmodi instinctum, hoc est materiale cognitionem (imparē utique merito, ac demerito ut pote ex sola phantasia oriundam) & excitantem sive impellentem vitalem appetitum, modò ad querendum bonum physicum, & materiale propriæ naturæ, modò ad fugiendum malum, sine illis tamen reflexionibus, quia, ut, *quomodo, propter*, & similibus quæ usum rationis requirunt, & ex parte dumtaxat nostri intellectus se habent utentis terminis illis explicandi ergo actiones illas brutorum ; ex parte verò objecti solum significant eam cognitionem exercitè per se ipsam connecti cum ea prosecutione boni, aut fuga mali, sicut dolor exercitè per se ipsum connectitur cum retractione manus, v. g. & volitio nostra loquendi exercitè per se ipsam connectitur cum loquutione : & hunc insuper instinctum interdum esse majorem, interdum minorem in unis quàm in aliis speciebus brutorum : in unis quàm in aliis individuis ejusdem speciei : in unis quàm in aliis temporibus : in ordine ad una, quàm in ordine ad alia, prout Deus ab initio illum distribuit, & per generationem transit à Patribus ad Filios. Hac inquam adeo certa fuerunt Philosophis amantibus veritatem potius, quàm novita-

tem, prementibusque vestigia prudentiæ potius, quàm ingenioli, ut pudeat de hoc dubitare. Et consequenter certum fuit illi: bruta non esse auctomata, hoc est machinas quasdam, quæ sola combinatione membrorum, & temperie humorum (ut rotis horologium) moventur ad ea ad quæ moveri experimur; sed constare principio intrinseco vitali materialiter cognoscitivo, materialiterque appetitivo, & fagitivo, (nos etiam in somnis, quando ratio nil operatur, materialiter cognoscimus, appetimus, fugimus, amamus, horremus &c.) quod principium vocant *animam* materiale. Unde bestię istæ, quæ sine sensu, sine animâ, sine visione, sine auditione sint mera auctomata, & sicut mechanicæ machinæ merito iustæ sunt exulare à nostris Scholis in propositione 21. R. Admodum P. Generalis Tamburini. Loquens enim Augustinus de vi qua sensifico carnem meam indubitanter supponit illam in brutis, concludens sic. *Sentiunt enim etiam ipsa per corpus.* Vetusissimæ rationes, quibus id probant non ita claram, & evidentem faciunt rem, sicut *his tria sunt sex*: Fateor. Sed sæpè dixi, & disp. 2. Dialect. num. 13. probavi miserabilem valde, & infra puerilem, vel supra contumacem esse intellectum non acquiescentem nisi uni, & soli metaphysicæ evidentię simili nuper dixi. Nempe sicut in agendo, ita in iudicando non sunt querendæ ejusmodi evidentię: quia utrobique observanda sunt prima principia prudentiæ. Vide quam multa, & robusta scribit Augustinus hac super re credendi illa, quorum ineluctabilem evidentiam non habemus: & contra se ipsum quando fermè Academicus, ac de omnibus quasi dubitans ad illam solam aspirabat evidentiam rarè, vel numquam assequibilem in rebus humanis, quæ par esset huic *septem, & tria sunt decem*. Sunt ergo rationes illæ ex illarum specie, quæ videntur non relinquere locum dubitandi nisi volenti de omnibus dubitare, & non ob aliam rationem affirmantem absolutè, nisi quia ita *potest res esse*.

167 Nam 1. argumentantur Philosophi ex miris eis operationibus, quas experimur in brutis non quidem humano imperio, minis, verbo, aut blanditiis operantibus; sed sponte sua agentibus, atque sibi relictis, ac sine ullo extrinseco principio physicè alterante corpora brutorum, v.g. in Simia, in Elephantis, in fabrica nidorum avium, non solum seminarum, sed etiam matium quærentium, quando illæ sunt parvi vicinæ, res mollissimas, in quibus deponant delicatos suos fetus: item in versutia, qua aranea (maximè quæ vaga est, & venatum exit) vix se mover, quando est ante conspectum muscæ, desceat sensum ad dorsum illius, lentissimè appropinquat, & velocissimè insilit in prædam, quando jam vicina est. Idem de felibus respectu muris, & simplicis aviculæ. Idem de cane jussu custodire vestes sui heri &c. Neque prodest dicere brutorum actiones esse interdum adeo sagaces, ut si ex illis arguere cognitionem liceret, cognitionem perfectissimam arguere deberemus: cum experiamur instinctum illum esse certissimum. Etenim non est adeo certus, & indeclinabilis brutorum instinctus, ut non erret multoties, & facillimè decipiatur per homines, imò per pueros quibus ludibrio esse solent simiæ, & docilissimæ aliæ bestię. Sic felis in-

S. Aug. lib.
10. Confess.
cap. 7.

Idem lib.
6. Confess.
cap. 5.

sit multoties in parvulum objectum motum putans esse matrem, aut vitale aliud, & invenit esse glomus papyraceum. Sic canis fabulæ habens fructum carnis in ore, & cernens illius figuram infra aquam per quam transibat, volens prendere quod videbatur majus, reliquit quod habebat in ore, & infixit dentes aquæ decurrenti. Sic homunculi ipsi multoties illudunt Tauro, Elephanto, & sagacissimis aliis brutis, & capiunt illa. Sic Gallus, qui secundum regulas sui instinctus, debet canere ad mediam noctem, sæpè canit multò ante propter aliquam aeris mutationem turbantem illius cerebrum. Sic canis multoties invadit hominem fictum, taurum fictum &c. Porro quod multoties certius quam homines assequantur bestię hunc, vel illum finem naturalem, provenit partim ex eo, quod perspicaciorem solent habere hunc, vel illum sensum externum (ut vultures, & canes habent sensum odoratus, nec non Delphini imò, & aviculæ solent præsentire procellam maris priusquam ipsi nautæ) partim ex eo quod alio sensu externo non percipiunt quod homo percipit, & remoratur ipsum a tali, vel tali actione; partim eo quod illorum anima absorpta tota in eis cognitionibus, & non fatigata cognitionibus spiritualibus, quibus fatigatur anima humana, vivaciorem habere solent phantasiam, sive potentiam imaginativam ex qua procedit cognitio, quæ dicitur *instinctus*. Et partim demum ex eo quod non apprehendunt multa, quæ homines apprehendunt, quæque retrahunt, ac inaniter terrent, & propterea non sinunt illos adipisci finem, ad quem tendebant. Sic pueri quia minus apprehendunt difficultates, item ebrii, phrenetici, & dormientes noctambuli, securissimè faciunt multa, & ambulantes per loca, per quæ experefactus homo, & rationis compos non auderet, & quæ si metu hoc possessus aggrediretur, periret. Sed hæc quatuor radices non probant instinctum illum esse absolute omnibusque pensatis perfectiorem, aut æquè perfectum entitative, ac humanam spirituales cognitionem. Ergo ille non est talis. Adde quæ infra dicam num. 195. his consentanea; quocirca instinctus ille non est certior certitudine intrinseca, seu connexionis cum sui veritate, quia passim (ut dixi, & experimur) decipiuntur, & capiuntur ab hominibus sagacissima etiam bruta; sed certitudine extrinseca, seu carentiâ cognitionum aliarum turbantium subiectum, & facientium quod hoc non operetur, aut timidè operetur, & sic aberrat. Vel dicito instinctum illum interdum esse certiores non certitudine illa, quæ propria est animi intellectus; sed certitudine impropria consistente in maiore vivacitate imaginationis, eo quod bestię non habeant aliud quo occupentur. Superari autem homines ab aliquibus bestiis quoad imaginationem, tam non est absurdum, quàm non est superari quoad vires corporales, aut quoad perspicaciam nasi, oculorum &c. Demum ut dicebam num. antecedente, neque ille instinctus, sive materialis cognitio infert bruta operari strictè, ac propriè *propter finem*, sed ad summum materialiter, & improprie sicut ignis disponit passum ut propaget in eo suam speciem, aut sicut nos in somno, infantia, phrenesi, aut statu alio, in quo caremus usu rationis, volumus, aut nolumus, propter

propter finem, atque ut, quia, quamvis &c. Nempe instinctus dictus per se immediatè, ac directè conneditur cum hac, vel illa brutorum actione sine reflexionibus facta, sicut nostra volitio efficax loquendi per se conneditur cum loquutione exercenda sine reflexionibus novis potentiz loquutivæ: aut sicut aqua per se immediatè conneditur cum frigore, & non cum calore absque reflexione intentionaliter discernente inter utrumque, quod in omnibus deprehendes connexionibus merè naturalibus, & rerum insensibilium, quæ connexiones cum non sint strictè reflexivæ, sunt tamen cum unis terminis, & non cum aliis ob distinctionem inter unos, & alios; & non ob strictam reflexionem super utroque.

163 Secundo argumentantur, quia hæc advocantur rationes illæ, seu potius vocatur ratio ex omnibus illis compacta contra combinatores disp. 1. physicæ speculativæ. Nempe sterni viam, ut jam notarunt alii, Nebulonibus, & Atheistis ad negandum in hominibus animam rationalem, discursus, cognitiones, amores, odia &c. eisdem namque prorsus rationibus, quibus DD. contrarii docent actiones omnes, quas notamus in brutis, non probare illa gaudere animabus, actionibusque vitalibus, sed posse salvari solâ combinatione arthomorum, membrorumque illorum, sicut in machinis mechanicis: Dicit Atheista, & Nebulo quispiam, actiones, & operationes, quas experimur non quidem in aliis, sed in nobis ipsis, non probare nos habere animas distinctas à mèra combinatione coordinationeque arthomorum, & membrorum, quibus constamus, & hac soluta compage nil aliud restare, quod sit anima rationalis, & nos omnes esse machinas quasdam instar artificia-lum, quæ ob diversitatem rotarum, ponderum, situs, & similia, diversos edunt effectus. Qua seria ratione purè philosophicâ invadis hos, quam hi non retorqueant in te docentem hæc omnia respectivè de brutis? Si recurras ad principia sola fidei, magnum sanè offundis lumen Atheistæ, neganti Deum, & consequenter authorirare divinarum scripturarum: Et hoc saltem habebimus ex te, quod nulla prorsus est naturalis ratio, qua sufficienter, & modo homini consentaneo, probes nos habere animas, & non esse meras machinas carneas, meraque horologia ambulancia. Vel saltem nemini esse evidens alium hominem habere cognitiones, & appetitus: nam cum illa non experiatur immediatè in se ipsis, sicut experitur propria, poterit dubitare, sicut vos dubitatis de bestiis. En in quod barathrum præcipitat hominem, pruritus novitatum, animositas dicendi quidquid non apparet tam falsum, quàm *his tria non sunt sex*, & appetitus gloriolæ ingenioli apud aurículas puerulas. Neque dicas si materialis anima canis sufficit ad operationes caninas: anima alia magis perfectâ, sed materialis etiam, sufficit ad operationes humanas: intra genus quippe materialium unæ res sunt magis perfectæ, quam aliz. Id ne dixeris; tum in genere, quia est fraus antiqua transilire ex unis rebus ad alias, miscendi causâ verasque, excitandique fumum, & pulverem, ne appareat veritas, ac salûtas, & sic restet res æquè probabilis, ac sua contradictoria. Tum quia

quia ex eo, quod ad operationes purè materiales, quales sunt caninæ sufficiat anima materialis, non sequitur, quod ad operationes, quæ non sunt utcumque perfectiores, sed insuper sunt simpliciter spirituales, sufficiat anima solum utcumque perfectior, sed materialis. At multæ operationes humanæ sunt, non utcumque perfectiores quàm caninæ; sed insuper sunt simpliciter spirituales, v.g. cognitiones universales, quæ abstrahunt à materia, cognitiones reflexivæ, actus fidei, spei, charitas, dolor de præterito, spes de futuro, actus disjunctivi &c. Ergo.

169 Item Authores contrarii videntur lapsi in viciū promulgandi canones universales pro cunctis individuīs speciebus, ac generibus bestiarum propter unum, vel alium casum particularem, unius, vel alius machinæ artificialis observantis motus etherogeneos, & simul regulares sine ullo principio intrinseco vitali, sed propter solam combinationem rotarum, aliarumque variarum rerum, quibus constat: promulgandi inquam eam doctrinam universalem, & petendi disparitatem ab eo qui concessit eo de machinis artificialibus, negat illud de brutis. Profectò si iste modus philosophandi esset saltem honestus, etiam foret hic. *Unus puer in ventre materno habuit usum rationis. Ergo omnes. Da disparitatem.* Quod si ex illis fueris hæreticis, qui illo eodem antecedente probant illam eandem consequentiam, accipe alium, quo multis ab hinc sæculis refellit S. Augustinus, ut notavi disp. r. Physicæ speculativæ hæreticos abavos horum, qui modo docent omnes pueros dum baptizantur habere usum rationis. *Una asina quondam loquuta est, & satis apertè sanè. Ergo omnes asina loquuntur, aut loqui possunt, quumvis iussit de causis loqui nolint. Da disparitatem.* Neque recurras ad Angelum, vel Dem qui aperuit os asinæ. Nam redit argumentum. *Deus aperuit os cuiusdam asina. Ergo omnium. Da disparitatem,* quæ talis sit, qualem poscis a nobis, scilicet ineluctabilem, & parem, vel supparem saltem huic evidentiæ. Bis tria sunt sex. Item. *Sol, sive una combinatio arborum suapte natura illuminat integrum hemisphærium. Ergo fungus, seu alia combinatio arborum suapte quoque natura illuminat hemisphærium. Da disparitatem.* Et cave ne recurras ad oculos, quia jam scis promptam esse Irydem, vitrum triangulare, colorem cæruleum Cæli, & multa alia ad probandum oculos non semper esse testes fide dignos. Item homo suapte natura est capax concionandi ad populum. Ergo etiam canis. *Da disparitatem.* Unus lapis, nempe magnes, affigit acui proprietatem quærendi polum. Ergo omnes lapides: da disparitatem. Jam vides quam nugatoria sint argumenta hæc ex uno, vel altero casu ad omnes: ex una, vel altera specie ad alias: & insuper quam frigidum sit poscere disparitates has, quæ non alibi fundantur, quam in naturis ipsius rerum, pro quibus non suppetunt rationes à priori. Idem de paritate horologiorum ad probandum bruta omnia esse machinas sine anima. Vide alia in ea prima disp. Physicæ: neque præterea examen majoris claritatis, facilitatis, & brevitatís in explicando res naturales, quas majoritates promittunt hi Authores. Argumentabor denique

ratione, quam dabo infra num. 175. & seq. Siquidem vestrz istz machinz, super quas fundatis totam istam Philosophiam contra animas brutorum, numquam edunt multos e heterogeneos motus, quin detur aliquod principium extrinsecum physicum physicè causans primum illorum; quale principium physicum non assignatis pro omnibus omninò actionibus brutorum, nisi recurrentes ad occultam novam combinationem athomorum, solitamque cantilenam, *sic, & sic, taliter, & taliter* combinatz athomi.

170 Jam ratio pro instinctu, & cognitione, sensationeque brutorum esse potest; quemadmodum voluit Deus bruta comedere, deglutire, concoquere, crescere substantialiter, ambulare, aut natare, aut volare: ita ut in his omnibus non se habeant merè passivè, sicut saxum quod ab uno loco portatur in alium; sed activè, producendo physicè in ipsis respectivè eas res: & hac de causa contemperavit, & coordinavit illorum respectivè, corpora, membra, & humores modo proportionato, ut operationes illas elicerent in numero, tempore, loco, pondere, & mensura, quæ ab initio stabilivit: & non ex ulla libera electione ipsorum; sed ex necessitate naturæ, non quidem absolutè, sed ex suppositione, quod omnia penitus concurrant constitutiva actus primi proximi ad individuum talem, aut talem operationem, qui modus operandi opponitur libertati indifferentiæ non autem spontaneitati sive libertati à coactione. Ita voluit quod bruta eadem prosequerentur, fugerent, appeterent, horrerent, eliciendo physicè hæc, & non se habendo merè passivè; actibus tamen qui non essent tam propriè tales, quales sunt illi, qui ex ratione procedunt; aut neque tam improprii quales sunt fugæ, profectiones, & appetitus ignis, aquæ, & illorum mixtorum, quæ sensu carent; sed actibus qui quasi mediè essent inter illos proprios, & hos valde improprios. Experimur namque semper, & ubilibet in brutis actiones externas, quæ ob suam etherogeneitatem, & magnam diversitatem ob instantaneas mutationes sine causa extrinseca immediatè physicè causante illas, ob astutiam, & calliditatem, qua vel se defendunt, vel hosti insidiantur, ob præcautionem, qua sibi, & filiis suis prospiciunt in futurum, ob instantiam, qua petunt aliquid ab hominibus, ob mestitiam, & jucunditatem quas præferunt: ob complexum inquam ex his omnibus universale, atque stabile, quasi digito ostendunt volentibus videre, esse tunc in eis corporibus aliquem actum similem ei, quem vocamus volitionem in hominibus, aut alium similem ei, quem vocamus nolitionem, aut alium similem ei, quem vocamus gaudium, aut alium similem ei, quem vocamus timorem &c. Unde in sensu litterali dixit Salomon: *Vade ad formicam & piger, & considera vias ejus, & discite sapientiam, cum reliquis, quæ ibi adiungit.* Dixit idem Isaias. *Cognovit bos possessorem suum, & asinus præsepe Domini sui.* Quæ duo cum experiamur quotidie de cognitione utriusque proportionata illis, non est necessitas, ut alium sensum demus illis verbis.

171 Quamquam autem non semper à sensibus, & experientia stan-

Prov. 6.

Isai. 1.

dum sit: nempe quando validior insurgit ratio contraria; aut quando hæc non insurgit (ut in præsentiarum non insurgit nisi censeas unam, vel aliam paritatem, sive casum particularem sufficere statuendo Canones universales) à sensibus, & experientia standum est. Atqui fugere, appetere, velle, nolle, insidiari, præcavere in futurum, tristari, lætari, & similia indispensabiliter præsupponunt aliquam cognitionem proportionatam ipsis, nempe spirituales, si ipsi sunt actus spirituales: aut materiales, & ex phantasia sola descendentes, si ipsi sint actus materiales, ut nos inter somniandum experimur, siquidem pro illis appetitibus, volitionibus materialibus, quas nunc habemus, experimur in nobis ipsis habere tunc aliquas cognitiones materiales utique earundem illarum rerum. Ergo voluit Deus, quod bruta haberent dictas imperfectas cognitiones. Ergo ita contemperavit membra, & organa illorum corporum, ut concurrentibus cæteris requisitis circumstantiis, & non aliunde impeditis brutis ipsis, naturaliter resultent in eis corporibus (sed præsertim in capite) materiales illæ cognitiones, & in eodem capite, aut corde materiales illi affectus. Sed in eis cognitionibus, quando ordinantur ad proprium commodum procurandum, vel incommodum vitandum, stat instinctus. Ergo voluit, quod haberent animam, & consequenter quod non essent machinæ quædam ambulatores. Abjicerem sanè hos discursus, si pro parte contraria audirem argumentum validum ad derubandum ex possessione assensus communem, ac per tot sæcula inconcussam sententiam nostram. Sed cum ab his Auctoribus non audiamus nisi mysteriosa illa, & nunquam explicata *sc.*, & *sc.*, *taliter*, & *taliter combinata arbitri*, etiam quando ab illis quaerimus quid sit tale brutum in specie, aut in individuo: item non audiamus nisi quod brutorum actiones *possunt* esse effecta sine anima illorum membrorum: & unam, vel alteram paritatem machinarum mechanicarum, cum dicant hæc, & non alia, refragor illis. Sed adverte me non negare multas actiones bestiarum, & motus posse fieri sine animâ, & vitâ illarum: sicut in horologiis aliisque machinis mechanicis experimur multos motus, quin animam habeant illæ machinæ: & sicut in homine sunt multæ operationes, quæ non possunt determinatè animam rationalem ex genere suo. At contrarii absumunt in hoc multas paginas. Ergo frustra laborant. Difficultas est an *omnes omnino* actiones bestiarum fieri possint, quin habeant animam cognoscentem, & appetentem materialiter.

S. II.

172 **O**bjicies 1. Nutritio, circulatio sanguinis; motus in arteria, & corde, retractio promptissima manus quando homini absorpto in alia cogitatione admoveatur ignis, contorsio, varique motus

motus corporis ad vitandum lapsum, & hujusmodi alix actiones naturaliter fiunt à pueris, & ab hominibus omnino rudibus sine ulla penitus cognitione. Ergo similiter omnes actiones omnium bestiarum fiunt ab his sine ulla cognitione adhuc materiali, & consequenter sine ullo instinctu. Nego consequentiam. Tum quia, argumentum quod multum probat nil probat. Sed istæ paritates probarent similiter reliquas omnes actiones humanas fieri absque ulla cognitione, & fieri abque anima rationali, quæ sit distincta à configuratione membrorum; quoniam istis eisdem paritatibus poterat uti Atheista ad hoc probandum. Ergo nil probant; recole dissectam tergiversationem ad finem num. 168. Tum quia committitur vitium arguendi ex una, duabus, tribus, aut quatuor speciebus actionum ad omnes penitus: & frigide poscitur disparitas, sicut posceretur ab illo, qui serio uteretur paritatibus quas scripsi num. 169. Igitur sicut animæ rationalis immortalitatem, immaterialitatem non elicimus ex omni omnino illius operatione, sed ex illis purè spiritualibus, quas perstrinxi num. 168. & aliis cuique notis, quales sunt actus disjunctivi, conditionales item illationes, & discursus &c. Ita animam, & instinctum bestiarum non arguimus ex omnibus omnino actionibus illarum (Arbores namque nutriuntur etiam, & per eas gyrat suus sanguis, idest, humor ille, quo aluntur, & varios edere solent motus, ut suæ partes invicem copulentur, & non cadant; & tamen non agnoscimus instinctum in eis) sed ex quibusdam determinatis. V.g. ex memoria, quam in brutis toties cognoscit Augustinus infrà citandus, ex sagacitate, qua unæ bestię insidias tendunt aliis, quas nondum sensu ullo percipiunt, sed expectant. Ex alacritate, & iustitia, quam de repente ostendere solent, non ad præsentiam, sed ad absentiam, quarumdam rerum. Ex præcautione qua provident in futurum, & à periculis conservant suos fetus. Ex cognitione advertentiaque aliqua quam in brutis docent Scripturæ, quarum literalem sensum mutare non cogit unius Medici Pereyra autoritas. Aperrè namque dicit Christus Dominus. *Oves illum sequuntur, quia sciunt vocem ejus; alienorum autem non sequuntur, sed fugiunt ab eo, quia non noverunt vocem alienorum.* Ex Deo Jobum instruens dicit de equo, *ubi audieris buccinam dicis: Vab. Procul odoratur bellum, exhortationem ducum, & ululatum exercitus; quod potens argumentum producit hi DD. ad mutandum significationem illarum vocum: Audieris: Odoratur? Sciunt, nempe modo materiali, & ovino? Tum demum quia ista eadem exempla non impugnant esse animam in corporibus istis quæ nutriuntur, per quæ circulatur sanguis &c. aliàs cur cadaver non nutritur, cur non habet arteriam, & cor palpitans? Ergo etiam in bestiis datur anima, licet non daretur instinctus ad illam diversitatem, & subitaneam mutationem suarum actionum. Sed neque probat non dari in eis aliquam cognitionem, nam quando homo, v.g. penitus est abstractus, v.g. in extasi supernaturali, vel naturali, vel diabolica, non retrahit manum, quamvis comburatur, sicut nec retrahit cadaver. Ergo quando retrahit non est ita abstractus, ut non sentiat quidquam; & non advertat quidquam aliud.*

Objic. 2.

Io: 20.

Job 39.

173 *Objic.* 2. multitudinem, ac diversitatem actionum, quæ ultra illam generalem instandi pulmonem, & expellendi aerem per asperæ arteriæ orificium, requiruntur ad loquendum, hoc est ad pronunciationem verborum. Et tamen hæc omnes actiones sunt absque ulla cognitione, aut reflexione, quia hæc potius noceret quam juvaret ad loquendum, ut experiretur Orator, qui vellet publicè loqui cum hac reflexione. Idem dicunt de multitudine, atque diversitate actionum, quæ intercedunt Musicæ; pulsandi v.g. citharam, quæ omnes fieri solent absque reflexione. Ergo actiones omnes brutorum sunt sine ulla cognitione, seu instinctu. In primis argumentum hoc non impugnatur esse animam in subiecto illo proferente verba, seu citharam pulsante. Nam alias cur corpus mortuum, cur saxum, cur aqua non loquitur, aut citharizat? 2. Antecedens est falsum; quia si in loquente nulla, prorsus requiritur advertentia ad motus, & actiones linguæ, cur homo prorsus distractus aliò, vel prorsus captus mente non pronunciat ullum verbum, aut pulsat artificiosè lyram? Cur, qui numquam didicit hæc, neque ullam umquam habuit cognitionem peregrini idiomatis, aut soni, non loquitur attenta solâ naturâ idiomate illo, aut edit illud sonum? Igitur quando homo perfectè possidet musicam, vel idioma, diversitatemque actionum utrique huic functioni intervenientium, ita ut perfectum habeat habitum, & consuetudinem, & ex hac edic actiones utrasque succursu tamen alicujus licet levissimæ advertentiz. Et inde constat, quod si privaretur de repente omni prorsus notitiâ idiomatis, & Musicæ, quantumcumque assuefactam haberet linguam, aut manum, neque linguam moveret iuxta regulas illius idiomatis, neque manum juxta regulas Musicæ: ut constat etiam ex illis, qui propter aliquem morbum amiserunt omninò memoriam, quamvis prius exercitissimè fuissent in loquendo, & citharizando; levissima itaque memoria illarum par est, ut lingua, & manus valde assuefactæ edant illos sonos, quos sane non edit, qui incipit discere idioma, & musicam quamvis attentus sit. Nempe quia consuetudinem non habet. Falsum igitur est illud antecedens. Tum quia sicut in eo, qui velocissimè legit absorptus totus in sensu litterarum, est re vera attentio ad figurarum coordinationem, ac combinationem characterum, licet nulla attentio ad id esse videatur (si enim repente succederent ignoti characteres, aut ignota notarum combinatio, hæreret). Ita in citharizantibus, & aliis. Tum quia initio saltem, quando acquiri incipiebat utervis habitus, dabatur advertentia, & disciebatur modus contrahendi, flectendi, depromendi linguam ad loquendum, & modus utendi digitis ad pulsandum lyram: faciantur adversarii idem de brutorum instinctu. 3. Nego consequentiam, quia instinctum bestiarum non arguimus ex omnibus actionibus illarum, ut adverti num. antecedente; sed ex illis determinatè, quas ibi insinuavi, & ex similibus.

174 *Objic.* 3. Nonnulla artefacta, v.g. statuas humanas, statuas avium, statuas Satyrorum, in quibus experimur motus, & actiones prorsus similes actionibus humanis, & actionibus brutorum, quales sunt canere,

nere, fugere, currere, volare, salutare solem &c. Et tamen ibi cerere non est anima, aut instinctus. Ergo idem potest contingere in veris brutis; quia non excedit potentiam Dei facere in omnibus speciebus bestiarum, quod in aliquibus facit humana industria. Nego consequentiam, quia in istis ludibriis, quæ ars, humana excogitavit, jam deprehendimus principium extrinsecum physicè productivum earum actionum, v.g. ventum, aquam, cordulas, aut funiculos, pondera, & similia, de novo mota per aliquod aliud principium extrinsecum physicè præsens. In cane autem jam blandiente hero cum alacritate, jam minante extraneo cum ira, jam sepeliente panem pro tempore necessitatis, jam transportante ad alium locum filios parvulos semel de electos ab homine non noto, jam fugiente, quando videt puerum se inclinantem ad terram: item in fele, & araneo vago insidiente, & patienter expectante prædam ne fugiat perterrefacta, & in aliis similibus non invenimus ullum principium extrinsecum physicè productivum actionum illarum; sed tantum quasi moraliter, idest, motivum per viam caninæ, aut felinæ materialis cognitionis, sicut per ejusdem generis cogniciones movent nos multa in somnis. Ergo ex istis machinis artificialibus ad tempus solum edentibus istas actiones, nempe solum quamdiu durat impulsus venti, aquæ, aut alius rei, qua moventur, non potest sumi argumentum legitimum contra animationem, & instinctum bestiarum, quæ semper ubilibet in quavis peristhasi causarum extrinsecarum physicarum edunt respectivè actiones toties dictas. Neque probatio consequentiz est legitima. Nam si omnia, quæ Deus potest facere, sunt absolute affirmanda, aut prudenter dubitanda: O quot bona, & quot mala haberemus simul, aut saltem prudenter dubitarem, sint nec ne in nobis? Fateor potuisse Deum complere totum mundum sicut de facto animalibus veris; ita machinis, & machinulis exprimentibus vera animalia, efficiendo per se immediatè, vel per ministerium aliorum in arte factis illis omnes actiones (excipe semper *vitales*, ut tales) quas experimur de facto. Nego tamen id de facto fecisse; jam enim vides quam frigidum argumentum sit ex *posse esse*, ad, *ita esse* necnon ad *forse ita esse*.

175. Objic. 4. quemadmodum pericissimi artifices faciunt ex ære, fuso aliave proportionata materia statuas animalium perfectissime imitantes hac quoad externa: ita potest Deus formare ex carne, ossibus, nervis, musculis, cartilaginibus, tendonibus, sanguine, spiritibus, membranis, corde, hepate, liene, pelle &c. statuas canis, aut felis, aut aranei vagi, aut volucris, aut cujuscvis alius speciei: adeo ut statua illa, sive machina in omnibus, & per omnia esset similis, & æqualis cani quem nos putamus vivere, volucris &c. uno hoc excepto nempe quod animam non haberet illa machina. Non enim est metaphysicè absolute, ac determinatè connexum cum hac illud complexum. Tunc sic: Machina illa palpitaret in corde, nec non in arteriis ratione spirituum, quibus referta esset proportionatè, haberet famem, posset nutrirî ratione caloris, quem haberet in stomacho, sanguis circum iret per vasa
illius;

Illius, posset latrare, si de repente in eis membris, quæ essent oculi, aut aures percuteret sono, aut aspectu ingrato, posset fugere &c. Ergo posset elicere respectivè omnes penitus actiones, quas experimur in cane, felo, araneo, volucris, & reliquis bestiis, quas putamus vivere, habereque animam, & instinctum. Et ramen animam non haberet, nec instinctum, ut ponimus, ergo omnia, quæ experimur in bestiis, possunt fieri absque anima, & instinctu. Ergo necesse non est concedere hæc bestiis. Retorqueo argumentum: in fabrica in omnibus, & per omnia simili humanæ, excepto quod animam non haberet: eliceret ne omnino omnes humanas operationes? Nego itaque primam consequentiam tum propter generales rationes. 1. quòd iste modus philosophandi sollicitare videtur ad vetustum illum Academicorum errorem, negantem quidquam esse certum, & docentem dubitandum de omnibus. Si enim negatis, vel saltem in dubium revocatis canem audire, videre, sentire, vivere, eo quod censeatis esse machinam quamdam, quæ sine principio vitali intrinseco movetur sicut horologii rotæ propter meram coordinationem suarum partium, quid certum habebimus in tota natura? De quo ambigere nequibimus? Prudentiæ autem est declinare non solum ab evidentissimis falsitatibus, verum etiam à sententia pugnante contra quotidianas experientias sine gladio positivæ potentis rationis, & cum hac sola frigida ratiuncula. *Potest sine contradictione evidente esse oppositum.* Hinc ratio 2. quòd à sensibus, & experientia standum est in rebus naturalibus, quoties valida positiva ratione non, derubantur à possessione veritatis. Experimur autem bestias videre, audire, sentire, &c. dolorem, voluptatem &c. quin positiva ratio adducatur ad probandum sensum, & experientiam hanc fallere. Hæ operationes, ut pote vitales essentialiter prærequirunt principium vitale, quo supponis carere istam machinam. Ergo non eliceret omnes prorsus actiones, quas eliciunt nostræ bestię. 3. quòd arguis ex una, duabus, decem, aut viginti actionibus ad omnes prorsus: & disparitatem petis inter naturas ipsas rerum; ut si texeres cathalogum actionum plusquam centum humanarum, quæ non prærequirunt animam cognoscitivam: & inde inferres nullam prorsus humanam actionem præquirere animam cognoscitivam: & quod sanè pulchrum esset, peteres disparitatem, cur unæ actiones ex sua natura petunt hanc, & aliæ ex sua natura non petunt hanc. 4. quòd isto eodem discursu potest atheista probare corpora nostra non habere animam distinctam à carne, & carnis conremperatione: siquidem potest Deus facere fabricam humanam, sicut istam caninam, de qua rogo. Posserne, aut non posset elicere omnes operationes, quas nos eliciamus? Si primum. Ergo sine anima possumus elicere operationes, quas habemus. Si secundum. Ergo neque ista fabrica canina posset omnes actiones, quas possunt nostri canes.

176 Tum maximè, quia licet machina illa posset edere multas actiones quando esset physicè alterans aliquam superficiem illius corporis ex qua alteratione sequeretur post varias consequentias talis vel talis alius

alius motus in eo corpore, ut ex motu majusculæ rotæ horologii sequuntur motus alii, & justus numerus pulsationum tempore suo. Item licet possit elicere actiones illas specificas, quæ non prærequirunt essentialiter principium materialiter cognoscitivum, & appetitivum, quales essent ista circulatio sanguinis, ista palpitatio spirituum in corde, & arteriis, ista conversio sanguinis in carnem (quæ profectò non esset nutritio, cum non esset actio vitalis) At non possit elicere actiones illas, quæ essentialiter prærequirunt principium intrinsecum cognoscitivum, & appetitivum. At in nostris bestiis experimur actiones essentialiter præquirentes hoc principium, quæque eliguntur quindetur physice principium extrinsecum physicum alterans physicè superficiem illorum corporum bestiatarum, quas vocatis machinas mechanicas. Ergo licet ista machina possit elicere multas, non tamen omnes actiones, quas experimur in nostris bestiis. Probo minorem. Omnis actio sagax, omnis memorativa, omnis provida, & omnis, quæ sine ullo principio extrinsecò physico sit, præquirit principium intrinsecum cognoscitivum, & appetitivum. At in nostris bestiis experimur has quatuor species actionum. Nam 1. *sagacitatem* experimur in araneo vago, quod si ad conspectum muscæ sit, sensim, ac silenter defecit ad partem oppositam ne videatur à musca, sed ut hanc à tergo insiliat, & tunc accedens pedetentim ne musca avolet, vibrat se in prædam, quando proportionatam habet propinquitatem. Profectò neque species, neque odor egrediens à musca potest causare illos motus aranei, quia hic per vos neque videt, neque audit, neque sentit. Item in araneis clausuram servantibus, quæ tanta dexteritate ordiuntur suas telas in loco, & tempore commodo, nempe nubo, vel nocturno, ut muscas diurnas prestant. Item in felibus (tantà sagacitate insidiantibus muribus, & aviculis) jam terræ se affluentibus, jam inter herbas, virgulta, vel arborum frondes latitantibus, jam mortuum imitantibus. Quodnam principium extrinsecum movet physice illa corpora, ut insidias illas tendant, quando nec mus, nec aviculæ, nec odor, nec species illorum sunt physice præsentis? Dicendum ergo est juxta prudentiam (quidquid sit de Phanatismo audacter negante omnia, ac de Academicismo omnia revocante in dubium) principium extrinsecum causans illas actiones esse purè motivum per viam memorativæ cognitionis, & appetitus. At non cognitionis, aut appetitus rationalis, ut constet. Ergo materialis. Neque possunt adversarii recurrere ad visuales species prædæ, quæ tangentes partes illas felis, vel aranei, quæ dicuntur oculi, moveant physice mediata cætera membra quibus sunt actiones illæ. Tum quia multoties præda nulla est in toto illo tractu, & videmus has bestias explorantes, aut oculis, aut naso utrum sit præda aliqua; tum quia cum species visuales solum moveant illud quod est oculos ad *videndum*, & odor illud, quod est nasus ad *odorandum*, & sonus illud, quod est auris ad *audiendum*: Ubi neque detur visio, neque oculus videns, neque auditio, neque auris audiens, neque odoratio, neque nasus odorans, nil faciunt species visuales, aut odor, aut sonus.

At

At in vestris bestiis, neque datur visio, neque oculus videns &c. sicut nec in horologiis, quia hæ omnes sunt operationes vitales, & bestiarum vestrarum non habent vitam, sed sunt machinæ quædam ambulatoriæ sine animâ, sine vita, sine sensu. Ergo.

177. Secundò *memoriam* experimur in multis ex nostris bestiis. Tum quia, ut observat Augustinus, experimur Matres volucres, quamvis longè discesserint, redire sine erroribus in nidum, & matres quadrupedes in angulos, vel antra ubi reliquerunt filios suos. Er rursus alibi habent enim *memoriam*, & pecora, & aves; alioquin non cubilia nidosve repeterent &c. cujus ranti Viri autoritas toties inculcantis hoc, verendum poterat esse nostris Adversariis, & enervare unum quemdam Galilæum Pereyra eorum quasi Coriphæum. Quando ergo mater distat per duo, vel tria milliaria, quod principium extrinsecum, si memoria intus non est, incipit movere physicè illam machinam, ut physicè moveatur hæc in locum ubi sunt filii? Tum quia canis ætatis provectæ etiam si distet à loco, in quo sepelivit panem, vel ossa pro tempore famis, post diem, aut dies redit ad illum terrâ coopertum, & fruitur suâ providentiâ, quin aliud distinctum à memoria, rudi quidem, & materiali, possit illum excitare physicè, ut repetat semotum illum locum, & excavet terram in qua reliquerat frustum panis, qui sanè neque odore, neque specie visuali, neque ullo alio modo poterat titillare nasum, aut oculos, aut aliud membrum canis, ut rediret ad eum locum. Tum quia Psittacus, quando nondum nactus est habitum loquendi suo modo, sed adhuc quasi discit: & quando nullâ causâ extrinsecâ excitatur, sicut excitatur repetitio Echonis, solet quasi repetere eadem verba, easdem distinctiones, & eodem ordine, atque tono, quo, & quas audivit. Tum, quia bestiarum venatrices de repente solent surgere, & pergere ad locum ubi pridie assequutæ sunt prædam, & ubi hæc esse solet, & ibi expectant parienter per tempus, & tempus donec veniat præda; quod instrumentum physicum movet physicè machinam illam, quam Vos putatis inanimum, & purè mechanicam, nos autem viventem, & sentientem? 3. Experimur etiam actiones *providentiam* redolentes. Nam quodnam extrinsecum principium est causa physica de eo, quod canis (præsertim si senex sit atque expertus) quando est bene satur, & adhuc habet rem, discedat in semotum locum, scalpât terram, ponat ibi depositum, occultet illud terrâ, reverurus ad reliquias illas quando necessitas urgeat, & aliunde non suppetat remedium? Item quodnam extrinsecum principium movet physicè formicas, ut tempore æstatis impleant horrea sua tantâ aviditate rescindentes apicem granorum frumenti ne corrumpantur mittentia radices in terram? quodnam causat physicè, quod vulpes inter gradines saxorum, stipitem, verberum, aut plagarum fingat se mortuum, & est viva? quodnam causat physicè quod bestiarum matres postquam latibula ubi habebant parvulos filios directæ sunt ab hominibus extraneis, prædant illos, & transportent ad alia loca? Habent igitur bestiarum quasi providentiam in futurum.

178. Neque recurras ad mysteriosam, & numquam explicatam com-

S

bina-

S. Aug. lib.
1. Musica
ante med.
Idem. lib.
10. Confes.
c. 17. & 25

binationem motuum, qui in his casibus sunt intra hæc corpora, ex quibus internis procedunt illi externi. Tum quia partes, ac particulæ interiores eorum corporum non moventur à se de repente. Ergo moventur ab aliqua causa, & quidem per influxum, aut per contactum physicum; quæro; quænam sit sua causa extrinseca physica in casibus dictis? Nam canem esse senem, & saturum, & panem habere in ore, unde probatur esse principium physicum physicè movens illud corpus, ut discedat non in quemcumque locum, sed semotum, & effodiat terram, & ibi relinquat illas reliquias, & postea naso terram congerat supra illas? Tum quia est Philosophia plus justo admirabilis ostentare majorem facilitatem, brevitatem, perspicuitatem in explicando res naturales, & postea, quod tota hæc major perspicuitas reducat ad hæc duo puncta. Unum retrahere manum tamquam à vivis carbonibus à formis substantialibus materialibus materialiter cognoscitivis, atque appetitivis non propter ullam rationem positivam, & determinatam, sed propter unam, vel alteram paritatem (qualis in præsentis est horologium, quo DD. contrarii putant arceri à rerum natura cunctas nostras bestias) & quia aliter potest componi res sine evidente impossibilitate metaphysica, quam per formas viventes. Alterum; ruere in antra innumerarum combinationum, athomorum, motuum, & similium numquam hæcenus explicatorum, aut in futurum explicandorum, etiam quando loquimur de specie determinata, aut de individuo determinato, nisi sub illis abstractissimis, & generalissimis terminis. *Sic, & sic: taliter, & taliter.* Ita ut tota Philosophia horum DD. combinatorum, omnia phenomena naturalia, omnes causæ, omnia effecta, omnia denique entia naturalia reducantur ad illam solemnem cantilenam. *Sic, & sic: taliter, & taliter. Sic, & non alio si: taliter, & alio taliter combinata atbemi, seu motus hujus individui entis naturalis.* Hinc incipit, & hic sistit tota Philosophia combinatorum, & ultra non pergitur; quænam sunt ista *si, & sic*, quodnam istud *taliter, & taliter*. Omnis profecto combinatio est unarum rerum, & unarum carentiarum cum rebus aliis, & carentiis aliis. Postulo. Illa machina quam omnes vocamus *canem*, & vos putatis esse prorsus inanimem sine sensu ullo, quot, quarum, qualium *rerum*, quot, quarum *carentiarum* est combinatio, cum quot, quibus, qualibus aliis *rebus*, & *carentiis*? quo nomine vocantur saltem Pervanicè, aut Mexicanicè, ista omnia? Peripatetici bene, vel male, ac saltem paucis verbis, & in Calepino obviis explicant satis apertè principium memoratarum actionum. Nempe principium vitale cognoscitivum, & appetitivum materialiter (idest, modo persimili ei, quo interdum cognoscimus, & appetimus nos homines in somniis) operationum, quas experimur in cane v.g., & eas eliciens quando cætera concurrunt prærequisita tum intrinseca ex parte corporis illius, tum extrinseca. Hoc principium nec intuiti sumus, neque sensu alio tetigimus illud; sed ab effectibus assequimur illud, sicut multa alia. Profecto neque oculis, neque sensu alio percepisti umquam actualem motum Solis; sapienter tamen dices quod Sol modo in hoc tem-

tempore movetur, & stultè movebis dubium super hoc, nempe quia post tres, vel quatuor horas videbis eum in loco valdè distante ab illo quem modo occupat. Experimur denique speciales actiones in bestiis, quando nullum est extrinsecum principium physicè movens externa, vel interna illarum instrumenta, quæ erat secunda pars minoris scriptæ num. 175. ut quando bestia mater non agitata principio extrinsecò, sed casu transiens per loculum ubi habebat suos filios, illos neque ibi, neque alibi invenit. Certè carentia pura contactus physici halitus filiorum cum aliqua superficie corporis materni, cum nil sit, non est causa physica physicè movens maternum corpus ad querendum vocem, planctu, & odoratu filios. Idem dico de cane querente herum, quem neque oculis, neque naso, neque auditu sentit. Dicendum ergo, motus illos nasci ex dolore propter amissam rem charam: & dolorem eum moveri ex materiali cognitione de amissione illius. Idem dico de cane experto, adultæque ætatis de repente eunte ad effodiendum panem, quem pridie abscondit in terra.

§. III.

179 **O** Bjic-5. Anima materialis, si datur, debet esse una, & eadem in toto corpore bestiz. In hoc probando multa impendunt; sed distinguendum est. Una & eadem unitate simplicitatis, seu indivisibilitatis, qualem habet anima rationalis, nego. Unitate compositionis, quatenus omnes partes illius animæ naturaliter uniantur unæ cum aliis (non in individuo, sed in specie) ad componendum illud, quod absolutè, & simpliciter dicitur *una anima canina* v. g., sicut corpus Petri est unum unitate compositionis, concedo. Dico *quod absolutè, & simpliciter dicitur*, nam centupeda, & insecta alia, quæ divisa in duas partes, & postea subdivisa in alias duas, eliciunt operationes vitales deambulandi, atque sentiendi in quatuor, imò & pluribus partibus quod admirationi non vulgari fuit quondam Augustino, non probat ibi tunc, aut ante sectionem esse quatuor animas, aut quatuor animalia; quoniam sicut non dicuntur absolutè, & simpliciter *corpus humanum* singulæ partes corporis, neque dici potest hominem consistere multis corporibus humanis, nisi addatur *inadequatis* (quod est res frigida) Nempe quia hæc vox *corpus humanum* stat pro complexo resulante ex omnibus eis membris, aut saltem præcipuis, quæ sunt in homine. Ita non dicuntur absolutè, ac simpliciter *anima* lacertæ v. g. singulæ partes animæ illius (nisi frigidè dicas illas esse animas inadequatas) sed solum complexum resultans ex omnibus illius partibus, quæ omnes, aut saltem primarias partes corporis illius informant, est quod absolutè dicitur *anima lacertæ*.

*S. Aug. lib.
de quantitat.
anima.*

180 **I**stant. Omnis anima, quæ sentire potest, & apprehendere obje-

objecta, quæ sunt extra se, potest multo melius sentire, & apprehendere quæ sunt intra se: cum sibi sit magis intima, & applicata quàm aliis. Ergo si anima lacertæ sentit, & apprehendit, licet materialiter, quæ sunt extra se, multo melius se ipsam. Ergo potest dicere *ego*. Ergo quando dividitur in quatuor partes v. g. potest dicere. Ego sum in quatuor locis, & una mea pars pergit in Orientem, altera in Occidentem &c. Super illo *Ego* dicunt hi DD. multa. Nego antecedens. Anima rationalis habet sibi magis vicinam fabricam interiorem corporis, quod informat, quàm horologii; & tamen hanc intuitivè cognoscit, atque discernit unamquamque rotam, uniuscujusque dentes, motus, & concatenationem, quin cognoscat intuitivè (& multæ animæ, neque abstractivè, imò neque apprehendunt, v. g. animæ pueriles) immensam suppellectilem rerum, quibus constat interior fabrica sui corporis. Item apprehendit, atque intuitivè cognoscit quomodo, & quando lignum convertitur in ignem, & non cognoscit quomodo, & quando nutritur corpus, quod informat: quomodo, & quando extrahuntur multa, quæ erant in arca, in cella vinaria, & non quomodo, & quando extrahuntur ex penu suæ memoriæ tot, actam diversæ res, quot extrahuntur, neque quomodo memoriæ fuerunt impressæ, neque quomodo ibi sunt conservatæ, neque quomodo fiant somnia, & à qua causa determinetur hic, & nunc hoc individuum somnium. Rursus neque in se ipsa discernit quomodo fiant suæ apprehensiones, sua judicia, sui discursus, suæ volitiones, suæ nolitiones; cum tamen bene discernat quomodo fiant hi characteres in hac papyro, cui profectò non est immediatè applicata. Demum cum satis perfectè cognoscat multa accidentia extranea, v. g. albedinem, sonum, odorem &c. non cognoscit se ipsam, neque scit de se ipsa nisi valdè abstractivè, quid sit. Ergo antecedens illud non est verum. Et ratio est. Major cognoscibiliras activa non taxatur unicè per majorem propinquitatem cognoscentis cum cognito (ut constat nuperis exemplis, & quia nil magis propinquum nobis quam Deus: *in ipso enim vivimus, movemur, & sumus*; non solum ratione dependentiæ, ac originis *ipsius enim, & genus sumus*; sed etiam ratione immensitatis, vi cujus intimè præsens est nostris animabus; & tamen eum non discernimus, cum discernamus mente, multa, quæ à nobis distant) sed etiam per vim cognoscitivam subjecti cognoscentis, per statum quem tunc habet, nec non per multa alia. At fieri potest quod quamvis objectum sit intimè præsens, deficiat hac vis cognoscitiva illius, ut deficit bestiis ad cognitionem reflexivam supra animas proprias, & deficit animæ rationali ad cognoscendum se ipsam intuitivè in hac vita: item fieri potest quod itatus, in quo est subjectum cognoscitivum, alizve circumstantiæ non sinant hoc cognoscere quantum alias cognoscere poterat. E contrariio autem fieri potest, quod contrarium eveniat respectu objecti, quod est extra subjectum cognoscitivum. Ergo quamvis objectum sit intimè præsens &c. Deinde est ratio specialis, ob quam animæ bestiales non possunt habere illam reflexionem *ego* supra se ipsas; quemadmodum quippe rationalis animus non

Actus 17.

Aristus.

1. Cor. 15.

non potest cognoscere in hoc statu intuitivè clarè, atque distinctè nisi ea, quæ percipit per aliquem sensum corporis, quod informat. Ita bestiales animæ non possunt cognoscere adhuc materialiter nisi ea, quæ sensu corporis percipiunt, aut perciperunt. Cujus ratio à priori est, quia non sunt plus, neque habent capacitatem ad plus: neque sunt capaces elevationis sicut anima rationalis: neque possunt cognoscere materialiter cognitione abstracta à materia. Ergo nequeunt ullatenus cognoscere id, quod nullatenus percipiunt, vel perciperunt per sensum. At non percipiunt, aut perciperunt ullatenus se ipsas immediatè per ullum sensum, quia neque se vident, neque se audiant &c. quandoquidem animæ illæ, neque sunt lux, neque color, neque sonus, neque ullum aliud accidens materiale. Ergo non possunt se ullatenus cognoscere. Ergo non possunt supra se reflectere agentes *Ego*.

181 Instante rursus. Caput humanum rescissum solet movere oculos, mordere terram, movere labia quasi ad loquendum, & cor per aliquod palpitat tempus. Ergo vel anima illa est divisa, vel illi motus sunt propter motum, & agitationem vitalium spirituum, qui non protinus extinguuntur, atque ob suam vivacitatem igneam nesciunt quiescere, sicut quiescere nescit argentum vivum, & edunt motus in eis partibus corporis, quorum hæ partes assuetæ sunt. Si dicatur hoc secundum (quod revera dicimus) ergo sicut illi spiritus sufficiunt edendo illos motus, similes alii spiritus sufficient edendo omnes penitus actiones bestiarum, & non erit necessarium aliud principium, quod vocatur anima siquidem non datur major disparitas, quam inter magis, & minus. En 1. quod toties adverti de his Doctoribus, nempe basim totam suæ novæ Philosophiæ esse unam, vel alteram paritatem: esse arguere ab uno, duobus, viginti casibus particularibus ad omnes prorsus: Cum meminisse debuissent ex puris particularibus nihil sequi: nec non inductionem, ut sit bona, poscere, quod in præmissis ponantur omnia prorsus singularia, neque uno solo prætermisso; alias esset legitima hæc inductione. Terra non comburit; aqua non comburit; aer non comburit. Ergo nullum elementum comburit. En 2. quod sæpè etiam adverti nempe ipsam Philosophiam videri complanare viam negationi animæ rationalis. Si enim ex eo quod sanguinei spiritus corporis humani sufficient istis motibus inferi, spiritus quoque bestiales sufficere omnibus prorsus actionibus bestiarum: cedo argumentum efficax erutum ex natura ad probandum spiritus sanguineos humanos non sufficere ad omnes prorsus operationes, quas facit homo. Ergo non probari potest ratione ulla naturali homines habere animas. Igitur jam adverti existentiam animæ rationalis non probari philosophicè ex quacumque actione, quam experimur in homine; sed ex talibus, & talibus moribus, & actionibus, sæpè explicatis, atque notis cuicumque habenti animam rationalem. Similiter animas bestiarum non probamus ex quibuslibet motibus illorum corporum, sed in genere, ac sub ratione formarum substantialium, probamus illas discursu quem dedi dist. 1. Physicè speculativæ contra Combinatores; in specie verò, & sub ratione formarum viventium.

viventium, cognitionem, & appetitum habentium, probamus illas discursu, quem supra insinuavi à num. 175. Dic, quando rescissum caput humanum ostendit sagacitatem qua aranea vaga, qua felis, qua bestia alia, & maximè vulpes insidiantur prædæ? quando ostendit imaginem providentiæ, quam canis senex ostendit dum in loco semoto sepe- lit panem, vel os, ad quod redit tempore famis? quando abscissum illud caput repetit cum cantu integram stropham olim auditam, ut repetit Pliuracus? quando abscissum illud caput facit alia, quæ ibi perstrinxit, quæque passim experimur in bestiis? Nos arguimus ex unis actionibus, & hi DD. impugnant argumentum ex aliis, specie, imò & genere distinctis. Ergo falsum est, quod non sit major diversitas, quam inter majus, & minus. Porro cum in capite humano rescisso turbetur tota Oeconomia nervorum ex occipite pendentium, mirum non est quod semel, aut iterum immediatè post rescisionem, nervi, quibus oculi sunt annexi, moveantur: & sic videantur moveri oculi ex intentione; nervi item dentium comprimantur, & sic dentes mordeant quod per accidens ibi fuerit; nervi demum subservientes labiis tremant, & sic labia moveantur. Neque mirum esset si in cada vere integro antequam rigeat, & induretur, aliquando contingat aliquis ex motibus aliis.

182 Objic. 6. sentire, & apprehendere in nullo alio consistit, quam in imagine quadam sive representatione rei quam imaginem anima format, & qua simul, atque indivisè anima considerat rem, hoc enim, & non aliud experimur in nobis quando internè sentimus, & apprehendimus rem aliquam. Ergo omne impotens formare hanc imaginem, sive representationem est impotens sentire, & apprehendere; Sed omnis bestia est impotens formare hanc imaginem, sive representationem, quandoquidem omnis illa, & sua anima, est quid corporeum; & hic modus operandi longè superat omne corpus: nam pone depingi saltim divinitus in globo ceræ, ferri, aut auri omnia illa, quæ depinguntur in nostro cerebro, & globum illum percuti, aut feriri, aut simile quid pati. Certè globus ille non formabit in se ullam imaginem, seu representationem objecti, neque sentiet dolorem, aut voluptatem, quia ille globus est corpus, & omne corpus est incapax faciendi in se ejusmodi figuras, imagines, aut representationes objecti, quibus illud consideret; nec non incapax sentiendi dolorem, aut voluptatem &c. Ergo ratio est, quia sola anima, & substantia rationalis potest hæc omnia sentire, ac percipere. Anima bestialis cum sit per nos corporea, seu corpus, perinde se habebit in ordine ad sentiendum, ac percipiendum, ac corpus aliud quodcumque. Respondeo in primis, aliud est esse corpus aliud esse corporeum, ut disp. 4. logicæ major. explicui. Corpus primariè, ac per se est sola quantitas. Corporeum autem est illud omne quod suapte natura dicit talem ordinem, sive connexionem ad quantitatem, tamquam ad terminum unionis, ut sine miraculo nequeat orbari unione illa. Anima bestialis est hujusmodi; at non est quantitas. Unde est corporea, sed non est corpus primariè, ac per se. Dicitur tamen absolutè corpus propter intrinsecum illum ordinem, quem

quem habet ad quantitatem, sicut etiam materia prima. Et sicut homo dicitur esse essentialiter corporeus, quia essentialiter constat materia prima, quæ est essentialiter corporea propter similem ordinem intrinsecum ad quantitatem. Sed de hoc ibi. Deinde si non superat perfectionem omnis rei corporeæ, esse intrinsecè supernaturalem, & physicam formalem immediatam participationem hypostasis divine (ut constat ex unione hypostatica) cur superare debet perfectionem omni; propterea rei corporeæ esse cognoscitivam purè materialiter, esse appetitivam purè materialiter, sicut nos cognoscimus quando licet fungamur anima rationali, cognoscimus, & amamus sine usu rationis, v.g. in somnis, in phrænesi, in infantia, in alta ebrietate &c. Et ex his quotidianis experienciis respondeo directè.

183 Distinguo antecedens objectionis. Sentire, & apprehendere qui sint actus spirituales, concedo; qui sint actus materiales, & corporei, seu potentia purè imaginativæ quales sunt nostri ipsi actus sentiendi, & apprehendendi in infantia ante usum rationis, & in somnis sæpissimè (quidquid sit de uno, vel altero casu) & quoties homo privatur usu rationis, subdistinguo: in nullo alio consistit quam in imagine rationali, & spirituali nego: quam in imagine materiali, & corporea (idest, quæ intrinsecè connectitur cum quantitate, tamquam cum termino unicis, sine quo nequit naturaliter existere, licet ipsa imago non sit corpus, idest, non sit quantitas) concedo antecedens. Et eisdem terminis explicantur cætera cum adiuncta ratione. Mirum est quod Philosophi hi Combinatores claudentes cuncta phænomena, & entia naturalia, etiam individua illis monosyllabis, *sc.* & *sc.* numquam explicatis in particulari, vel ad summum illis trisyllabis *saliter*, & *saliter* adeò agrè apprehendant, esse possibile quod in se ipsis quotidie experiuntur, ut existens, & frequentissimè in aliis; quæro quando dormitis somno naturali ordinario (non autem illo *Ego dormio, & cor meum vigilat*) vestra anima, quæ profectò est spiritalis, & rationalis, operatur ut spiritalis, & rationalis? Minimè, sed corporeè, ac materialiter; quando nondum nati eratis usum rationis, quando phrænesi, aut ebrietate, aut vehementissima febris, aut habituali stulticia laborant homines alii, anima eorum operatur semper, ut rationalis, ac spiritalis? Minimè, alias animæ in his statibus capaces essent merendi, ac demerendi apud Deum: quo circa cognitiones, & appetitus plerique quos in his statibus habent, sunt materiales, & corporei, prolesque solius phantasie, sive potentie imaginativæ. Et tamen in omnibus his statibus est innegabile, quod homines sentiunt, apprehendunt, volunt, nolunt, appetunt, timent, petunt, minantur per actus internos, & qui non sunt mechanici motus præcisè, sicut sunt motus machinarum mechanicarum, nisi etiam velitis negare hominibus phantasiam, & imaginationem, & dicere homines etiam quoad hæc esse quasdam machinas mechanicas, & dicere nos in somniis nullam penitus habere cognitionem, nullum timorem, & nullum omninò alium actum vitalem id generis. Ergo non est cur ita acclive sit vobis quod res corporea,

Cantic. 5.

Lib. I. qu.
84. ar. 8.

rea, & materialis sit imago, seu representatio (vasta utique, & informis) seu appetitus rei alicujus. Dices. Graves Doctores censere, *judicium intellectus non ex toto ligari in somno*, ut loquitur S. Thomas. At in infante duorum, aut trium annorum tantum, operatur ne ratio ullatenus? In bene ebrio? In prorsus stulto? Et tamen omnes hi habent suas tales cognitiones, & appetitus. Deinde illi Doctores nusquam docuerunt in *omnibus* penitus somniis operari rationem; rei autem præsenti sufficit quod interdum non operetur, sed mera potentia imaginativa. Hæc autem, utpote identificata cum anima nostra, sicut extrinsecus hujus potentia, est entitativè spiritualis, licet imaginatio sit entitativè materialis: unde non sequitur potentiam materiale cognoscere rem spiritualem, tamen si potentia imaginativa imperfecto suo modo, & sæpissime absurdo, dicatur somniare Deum, Angelos &c.

184 Neque infugas dicens principium physicè eliciens eas operationes esse spiritualem substantiam, nempe animam nostram; quoniam hoc non nego; sed ajo illam tunc non operari, ut spiritualem, ac rationalem, quia omnes illi actus sunt materiales, & corporei; & tamen sunt vitales cognitiones, sive potius perceptiones internæ objectorum (si vox illa *cognitiones* cujus significationem in præsentis sæpè explicui ardua sit tibi) sunt appetitus, sunt gaudia, sunt timores &c. Ergo hæc sano modo intellecta convenire possunt rei materiali, & corporeæ, seu rei, quæ in phrasi vestra est corpus. Et in hoc stat una magna quædam vestra difficultas; nimirum quod sit apprehensio, seu perceptio, seu imago, seu representatio objecti illud, quod est corpus. Profectò si prorsum, ac declive vobis est apprehendere, judicare, & dicere non quæcumque *sic*, & *sic*, non quodvis *taliter*, & *taliter* combinationis athomorum facere canem, sed tale *sic*, & *sic*; tale determinatum *taliter*, & *taliter*: cur adeò acclive est, ut neque apprehendere possitis, non quodvis corpus, sive potius corporeum; sed tale determinatè corporeum quod sit anima canina, posse elicere illas odoraciones ad quærendum herum, & prædam? Illas memoraciones loci in quo sepelivit panem pro tempore famis? Illud de globo ex cera, vel stamno est verum; sed ideò, quia non est ibi anima ulla, quæ sola est capax elicendi operationes illas, de ratione autem sentiendi, apprehendendique est esse actum vitalem, & consequenter quod physicè eliciatur à principio intrinseco, ut dixi initio hujus disp. Pone similiter in eo globo omnia prorsus, quæ sunt in homine, & quæ extrinsecus adveniunt homini, sed non animam rationalem, certè globus ille non faciet actus humanos.

175 Quamobrem experientiâ ipsâ nostrorum actuum ducti duos ordines distinguimus cognitionum, sive imaginum, sive representationum, sive apprehensionum objecti. Unum purè spiritualem, qui licet pendeat à corpore, quatenus determinatur, aut producit in adæquatè à specie interna, quæ producit à sensatione externa (de qua supra) ac cum recipitur in sola anima potest sine miraculo existere, quamvis nec mediatè, nec immediatè *quantitativè* quantitati. Hic autem non potest nasci

nasci nisi ex anima nostra, quæ est substantia spiritualis rationalis. Sed absit ut bestias admittamus ad hunc ordinem; Alterum materialem, corporeum, sive corpus, ut vos loquimini. Ad hunc solum ordinem admittimus bestias, & quidem non ad totum: quia non putamus illas esse capaces illarum reflexionum, illationum, motionum, materialiumve cognitionum Dei, aut Angelorum, quas habere solemus in somniis naturalibus: eo quod vigilantes habuerimus ejusmodi cognitiones spirituales ex speciebus quibusdam materialibus, quæ in somno excitatæ determinant propter habitum, & consuetudinem ad cognitionem repetendam eo modo, quo tunc repeti potest: & tunc non potest reperi nisi modo materiali, cum non sit tunc rationis usus; illas autem cognitiones cum bestiarum, etiam vigilantes numquam habuerint, aut habere potuerint, ideo suæ cognitiones numquam assurgunt ad ordinem totum cognitionis materialis. Assurgunt tamen ad magnam partem; licet enim non quodvis corpus, seu potius corporeum possit facere operationes illas corporeas, sicut neque quodvis ex vestris *scilicet*, & *scilicet*, *taliter*, & *taliter*; at cum operationes illæ corporeæ sint ex sua natura ita connexæ cum corpore, tamquam cum termino unionis, & receptionis, ut saltem sine miraculo nequeant ab illo separari, & ex alia parte nullum sit impedimentum, nasci possunt ab aliquo principio corporeo substantiali, intrinseco, stabili, & permanentemente in ea materia. Hoc principium vocamus in cane animam caninam, in equo equinam &c. & his brevibus terminis specificis, qui inveniuntur in quolibet vocabulario, explicamus quod vos istis abstractissimis, & valde genericis *scilicet*, & *scilicet*, *taliter*, & *taliter* combinata membra, atomi &c. quibus in nullo vocabulario respondent voces specificæ, explicantes in individuo simpliciter sine circumloquiis, quænam, & quot sint ista, quorum *scilicet*, & *scilicet*, *taliter*, & *taliter* combinatio cum aliis (quænam in individuo, & quot sunt ista alia?) facit canem, equum &c.

186 Objic. 7. Operationes humanæ cognoscendi, memorandi, providendi &c. non differunt ab operationibus bestiarum nisi secundum magis, & minus, quatenus homines melius discurrunt, melius reflectunt, plura cognoscunt, quam bestiarum. At pro bestiarum operationibus (sufficit anima materialis, & corporea. Ergo etiam pro humanis, modo anima ex qua hæc proficiuntur sit magis perfecta, quam anima bestiarum. Ergo si admittitur hæc, ut necessaria, & sufficiens pro eis operationibus, sequetur animam hominis esse quoque materialem, quamvis magis perfectam. Confirmatur: ideo juxta Patres, & priscos Philosophos homo est capax liberi arbitrii, quia capax est cognoscendi bonum, & malum: unde capax est comparandi unum cum altero, & deliberandi, & consultandi, & discurrendi, & eligendi. Ergo si bestiarum sunt capaces cognoscendi bonum, & malum, non quidem morale, sed saltem physicum, sibi que physicè proportionatum, vel adversum, capaces erunt discurrendi, deliberandi, consultandi, & eligendi cum cognitione. Ergo habebunt liberum arbitrium, si non quoad res spirituales, & morales, saltem quoad res purè physicas, & materiales.

Nego majorem objectionis. Aliud est quod utraq; operationes differant etiam secundum magis, & minus absolute (& hoc est verum; sed compossibile cum differentia specifica, imò & generica: nam in hoc sensu etiam homo, & Angelus differunt secundum magis, & minus: quandoquidem Angelus est magis intellectivus quam homo, & tamen differunt plusquam specie) aliud, quod non aliter differant nisi secundum magis, & minus majoritate, ac minoritate contentis intra eandem speciem. Et hoc est falsum 1. quoniam idem posset dici de operationibus intellectus, atque voluntatis hominis sapientis, ac vigilantis comparatis cum cognitionibus, & appetitibus in nobis excitatis dum dormimus. Num utraq; differunt invicem præcisè secundum magis, & minus? 2. quoniam omnis operatio entitativè spiritalis (tacitam, præterea nunc supernaturalitatem, & alia attributa, quibus mobilitati solent operationes humanæ) differt specie ab omni operatione corporea: & consequenter plus differt, quam secundum magis, & minus solum. At multæ operationes humanæ non sunt utcumque perfectiores quam belluinæ, sed sunt entitativè spirituales; omnes autem operationes belluinæ sunt corporeæ. Ergo multæ operationes humanæ differunt specie ab omnibus belluinis: & consequenter plus quam secundum magis, & minus.

187 Minor constat ex humanis cognitionibus præscindentibus, jam objectivè, jam purè formaliter ab eis, quæ percipiuntur sensibus, idest, cognitiones rerum, quæ non percipiuntur sensibus: quales sunt cognitiones rerum spiritualium, rerum supernaturalium, & resse xivæ supra alias cognitiones, vel actus voluntatis: quales etiam sunt cognitiones universales, ac instar principiorum circa res ipsas corporeas. Constat item ex cognitionibus reflexivis expressè, ac formaliter supra motiva, ut assentior rei A; propter auctoritatem illius, qui eam asserat. Constat etiam ex actibus voluntatis tendentibus in objectum non perceptum, neque perceptibile sensibus, ut appetitus efficax in Deum super omnia, ut ultimum finem naturalem. Amor super omnia ejusdem, ut Authoris naturalis, qui duo actus negari non possunt, ut possibiles in statu puræ nostræ naturæ. Hæc omnes operationes quavis pendeant à corpore (ut supra dixi) remotè, ac in suo fieri, quatenus à corpore pendent species, ex quibus concipiuntur; at sunt entitativè spirituales, quia in sola anima recipiuntur physicè, & ipsi soli uniuntur physicè: Unde sine miraculo possunt existere separatæ ab omni quantitate. Omnia hæc repugnant brutis; atque idcirco supra num. 168. dixi non inferri materialitatem animæ humanæ ex eo, quod animæ materiales brutorum sufficiant cau-
sando actiones, quas in brutis experimur; quoniam omnis operatio, non utcumque perfectior, sed entitativè spiritalis prærequirit principium saltem inadæquatum non utcumque perfectius, sed entitativè spirituale. At multæ humanæ operationes, intellectus, & voluntatis sunt, non utcumque perfectiores, quam operationes bestiales, sed insuper sunt entitativè spirituales, præscindentes à corpore,

& ma-

& materia, quatenus exprimunt, aut feruntur in objectum non perceptum sensibus: cum tamen omnes cognitiones, & appetitus bestiarum, neque exprimant, neque ferantur nisi in id, quod sensu aliquo percipiunt, aut percipere possunt, aut solent; quia licet cognoscant suo modo multa, cognoscunt illa *ut multa*, nam hæc percipiunt per sensum; non autem secundum *unam* aliquam rationem, quia hanc unitatem non percipiunt per sensum. Et non inferunt unum *ex* alio, sed faciunt unum, & aliud materialiter. Et non faciunt unum *propter* aliud; sed faciunt unum, & alterum (quæ omnia non incongruè explicabis exemplo nostrorum somniorum, seu potius puerorum; qui nondum sunt assueti his reflexionibus) illis autem *ex*, atque *propter* utimur nos ad exprimendum sagacitatem illarum bestiarum, quæ solo impetu sui appetitus excitata cognitione materiali, & minimè reflexiva, quam tunc habent, faciunt unum, & aliud. Ergo quamvis anima materialis sufficiat operationibus bestiarum, non sufficit omnibus operationibus humanis. Ego abs jure retorquent in nos hi DD. absurdum, quod ex eorum sententia elicimus. Nimirum homines quoque fore machinas quasdam mechanicas elicientes cunctas suas operationes per viam rotarum, & combinationem arthorum, si bestię forent id generis machinæ.

188 Ad confirmationem distinguo antecedens: quia capax est cognoscendi *utcumque* bonum, & malum saltem physicum, nego. (somniaantes enim, ebrii, perpetuò amentes, infantes, correptique vehementer febri posita capite, utcumque agnoscunt, & discernunt inter bonum, & malum physicum, ac quasi discurrunt, quasi deliberant, quasi eligunt, ut constabit cuilibet qui aliqua sua somnia meminerit; & tamen neque propriè discurrunt, neque deliberant, neque consultant, neque eligunt media, neque habent simpliciter tunc liberum arbitrium. Nempe hæc omnia propriè loquendo indispensabiliter flagitant usum rationis, hoc est cognitionem aliquam entitativè spiritualem: & personæ illæ quamquam anima spirituali fungantur, usum rationis non habent propter præsentia tunc impedimenta, & actiones illas faciunt, & etiam cohibitiones, & etiam quæ videntur deliberationes, & quæ videntur electiones mediorum; sed sunt mera figura, seu rudis imitatio horum, actuum impetu facta, aut cohibitione appetitus materialis assurgentis, vel cadentis, prout materialis, & corporea cognitio, quam solam tunc habent, assurgit, aut eadit, aut hebetatur aliunde) quia capax est cognoscendi *per actum spirituales* quique usus rationis sit, concedo: nam de hoc loquuntur procul dubio qui ex hoc capite cognoscendi probant liberum arbitrium. Sed cum hic actus repugnet bestiis, non concluditur has discurrere, deliberare, aut liberè operari: sed sicut homo pictus apparet homo, ita actiones illæ apparent deliberativæ, & electivæ: re tamen ipsa naturaliter sine reflexione procedunt ex appetitu, quo tunc agitantur bestię: & hic appetitus sine ulla alia reflexione ex materiali cognitione, quam tunc habent.

189 Instant. Solæ præsentie unius bestię, v. g. lupi, aut milui fo-

lent causare in alia , v.g. in Agno , in Pullo Gallinaceo ratione instinctus , sive cognitionis , quam damus huic , speciales quosdam effectus , ut fugam , & tremorem . Cur non causat hos effectus immediatè per se absque recurſu ad eam cognitionem ? Cur sicut illa præſentia alterat corpus alterius beſtiolæ , ut cognoscat ; non alterabit citius , & immediatius , ut tremat , & fugiat ? Si præſentia muscæ alterat corpusculum dicti araneoli , ut cognoscat , & appetat ipsam muscam , cur non erit sufficiens ad cauſandum illos motus circulares , clandestinos , lentos , & veloces , quibus supra dixi uti hanc beſtiolam ad invadendum muscam ? Respondeo 1. istud non valere in actionibus illis quas experimur in brutis , quando nullum penitus est extrinsecum principium physicum (saltem notum , quia divinare non licet Philosophis , neque recurrere ad occulta myſteria , neque ad latibulum illud *potest esse* sine impossibilitate metaphysicè evidente) physicè alterans illorum corpora , v.g. quando canis ululat , & hac illac olfacit herum non inveniens quando rectâ tendit in semotum locum in quo frustum panis sepelierat : quando beſtia mater ingemit raptos filios non inveniens : quando felis pergit ad locum , ubi aliquando mures capit : quando araneus vagus nullam detegens muscam in sua vicinia , elevat suum corpusculum supra manus , & pedes , atque explorat . Solæ namque carentiæ rerum cum sint purum nil non sunt principium physicum physicè alterans de repente illa corpora . Machinæ autem artificiales quo uno exemplo fulcitis beſtias omnes , quas meras machinas putatis , numquam moventur motibus specialibus , irregularibus , etherogeneis , distinctisque à motu in centrum nisi detur aliquod principium physicum physicè illas movens . 2. Neque valet universè quando adest dictum principium physicum ; quoniam agnus v. g. , pullus iste , aranea &c. faciunt illos motus , quia sensu aliquo percipiunt objectum quod horrent , vel appetunt . Si enim neque viderent , neque audirent , neque olfacerent , neque ullo modo sentirent illud , non fugerent , aut involarent in illud . At sentire trahit secum principium intrinsecum vitale . Ergo faciunt ista , quia principio intrinseco vitali gaudent . Igitur illa sensatio externa suapte natura excitat internam , hæc appetitum fugæ , aut proſequutionis . Ecce hic appetitus suapte natura instigat membra ad illos motus , sicut hominibus contingit inter dormiendum , & quando ob illam causam non habent usum rationis . Unde ad illa *cur* respondeo , quia objectum illud præſens causat in beſtiola eos motus , quatenus per hanc *percipitur* aliquo sensu . Et hæc ipsa perceptio est actus vitalis suapte natura trahens alium actum vitalem , nempe materialem dictam cognitionem , vel saltem materialem appetitum proſequutionis , aut fugæ .

§. IV.

190 **O** Bjic. 8. Anima nostra eatenus præcisè causat motus, & actiones nostri corporis, quatenus vult, & imperat illos. Sed bestialis anima non est capax concipiendi volitionem, aut imperium actionum sui corporis. Ergo non potest causare illas sicut anima nostra causat nostras. Deinde non causat illas modo alio. Ergo anima bestialis nullo modo causat actiones sui corporis. Ergo non datur talis anima. Antecedens probatur, tum quia cum finis facti ad imaginem Dei, quemadmodum hic operatur ad extra per solum imperium, *Genes. 1. fiat lux, & facta est lux*, ita anima nostra operatur in corpore, idest, extra se, per solum imperium; tum quia eo ipso quod anima efficaciter velit aliquem motum determinatum in aliquo membro determinato, vel aliquam combinationem motuum etherogeneorum contingit per *S. Thom. 1. P. 1. q. 76. ar. 8.* *quamdam necessitatem naturalem*, ut observat S. Thomas, & Aristoteles qui exemplo Civitatis benè regulatæ id explicat, quod cætera membra necessaria ad motum illum, atque non impedita obediunt illi volitioni. Nempe ratione sympathiæ quam habent cum anima, qua vivificantur. Unde eo ipso quod anima motum, vel motus illos velit, protinus panduntur nervorum tunc concurrentium orificiola, seu fissuræ: protinus irrumpunt illac spiritus, qui intra cerebrum continentur, & per nervorum cavitatem transvolantes usque ad musculos, hos inflant: protinus inflati hi attrahunt membrum illud cui annectuntur: & consequenter fit motus illius; quamobrem sicut multitudo, & varietas sonorum in Organo editur, si copia fit aeris intra illud, eo præcisè quod sedens Musicus in uno loco pulset jam hanc, jam illam pattem. Itaque varietas, & multitudo actionum humanarum fit eo præcisè, quod non deficiente in cerebro copia spirituum, anima ibi solum residens, aut in solo corde velit efficaciter motum aliquem corporis; quoniam hæc volitio si efficax sit, connectitur physicè cum dicta nervorum apertura, per quam illicò penetrant spiritus cerebri, sicut aer per apertam fenestram, & spiritibus illis intumescunt muscoli, & intumescentes hi retrahunt membrum cui affiguntur. Origo itaque nostrarum actionum externarum est Imperium, volitio, lex, quam indicit nostra anima. At bestix sunt incapaces concipiendi hoc imperium, volitionem, & legem. Ergo sunt incapaces edendi, per modum similem nostro, actiones quas edunt. Ergo neque habent animam, neque sensum: quia hæc eatenus requiruntur ad illas actiones, quatenus requirerentur ad imperium, & volitionem illarum.

191 Nec major, nec minor istius objectionis videntur firmæ. Non major; quoniam licet necessarium sit imperium illud, sive volitio ad omnes actiones externas humanas, ut tales; at falsum est quod illo
præ-

Genes. 1.

S. Thom. 1.
P. 1. q. 76. ar.
8.
Aris. de mo-
tu animal.
cap. 10.

Genes. 2.

precisè operetur anima . Tum quia etiam est falsum quod Deus solo imperio condiderit mundum quandoquidem physicè, quoque, ac immediatè produxit illum cum tota sua suppellectili . Nam ubi scribitur quod dixit Deus : *Fiat lux , & facta est lux* , scribitur etiam . *In principio creavit Deus Cælum , & Terram* . Tum quia nil creatur verè , & simpliciter vivens per actionem A , operatur illam precisè ratione imperii : hoc namque operandi genus est operari dumtaxat moraliter ; omne autem vivens creatum operatur physicè immanenter actionem , seu rem qua in actu secundo vivit , ut supra probavi . Sed anima rationalis verè , ac simpliciter vivit per actiones multas externas , v. g. per visionem , per auditionem , per sensationem externam , omnes quippe hæ actiones sunt vitales , & in homine non est aliud principium vitale substantiale præter animam . Ergo hæc non operatur actiones illas precisè ratione Imperii sicut herus operatur actiones sui mancipii , sed etiam physicè immediatè ; tum quia ista Philosophia trahit originem ex illa altera , quod anima est physicè in una sola parte corporis , puta in cerebro , seu in corde , & inde tamquam ex sua Regia expedit nuncios , atque decreta ad reliqua corporis membra . Sed hoc est falsum , quia anima verè , & simpliciter informat non solum cerebrum , & cor ; verum etiam , & brachia , manus , crura , pedes , & reliqua membra , & consequenter illis omnibus est physicè unita : & consequenter in eis omnibus est physicè præsens , eliciens in omnibus illis sensationes aliasque respectivè actiones vitales . Et insuper , quia non propterea effecit in multiplici loco adæquato , ut supra dixi disputans indivisibilitatem animæ rationalis . Ergo non est philosophicè verum , quidquid sit de pulchris modis loquendi , quod anima rationalis sit physicè præsens in una sola parte nostri corporis , & inde tamquam Rex ex Regia sua , tamquam Imperator ex centro sui exercitus , tamquam Sol ex Cælo suo mittat radios lucis , leges , & præcepta . Istæ enim sunt metaphoræ non ineptæ pro Poetis , sed minus aptæ pro Philosophis . Neque uspiam id asseruit Aristoteles ; sed quando id innuere videtur , subintelligitur nota similitudinis : videlicet , ita moderatur anima membra , & actiones corporis , quasi ex edito loco gubernat Rex , dirigit Imperator , & fulget Sol ; Est enim commune in omni literatura loqui terminis insinuantibus identitatem , sed significantibus solam similitudinem . V. g. *Dic quibus in terris , & eris mihi Magnus Apollo* , hoc est quasi Magnus Apollo . Item . *Constituit te Deum Phœonix* . Hoc est quasi Deum . Rursus . *Quorum Deus venter est* . Hoc est colunt , & venerantur quasi Deum , ventrem suum . Juxta hoc loquendi genus quod valdè commune est , insinuat aliquando Aristoteles animam esse physicè in solo cerebro ; aut corde .

191 Præterea neque minor illius Syllogismi contrarii num. 190. est firma ; quoniam licet bestialis anima non sit capax concipiendi imperium , aut volitionem , quæ sit spiritalis , rationisque exercitium ; est capax concipiendi volitionem , seu potius appetitum , nunc prosequitivum , nunc aversativum , qui sit purè materialis , & exercitium mediatum phantasiæ , sive potentie imaginativæ : sicut ante usum rationis sunt

Virgil. E.
clog. 3.

Exod. 7.

Philipp. 3.

sunt capaces pueri, & sicut adulti dormientes, aut ebrii, aut phrænetici, aut in alio quovis statu, in quo licet anima rationali fungantur rationalitatis usus est omnino impeditus. Sicut ergo isti edunt multas ex suis actionibus, quia volunt, & imperant illas, non quidem volitione, aut imperio spiritualibus, & ex ratione oriundis; sed materialibus, atque ex sola potentia corporea imaginationis descendentibus, appetitu materiali mediantē. Ita animæ bestiarum.

193 Obiiciunt denique Aristotelem dicentem 1. *Homo unus ex numero animalium omnium vim habet cogitandi.* 2. Corpora animalium esse quasi optime regulatam Civitatem, in qua necesse non est, quod gubernator singulos Cives passim admonere muneris sui, quia jam singuli ex consuetudine faciunt, quod fieri debet. 3. Animalia esse quasi machinas, quæ authomata dicuntur: & ossa, nervosque præstare in illis, quæ funes, rotæ, atque instrumenta alia præstant in his. 4. Idem repetit inquiens posse fieri, quod animalia sint mira quædam authomata, quæ, ut moveantur, non indigent quod actu tangantur, sed tactu præterito contenta sunt. Respondeo cum notum sit Aristotelicum Systema de ente naturali consistere in eis duabus essentiatibus, quæ tanto horrore sunt his DD. modernis, scilicet in materia, & forma substantialibus, videtur omnino certum Aristotelem rebus istis non habuisse animum evertendi Systema suum, & docendi bruta, nil aliud esse quam congeriem quamdam atomorum sic, & sic combinatarum, aut esse machinas quasdam sicut mechanicas, quæ nullo principio substantiali intrinsece agente motus edant illos; quamobrem exponendæ sunt omnes istæ locutiones, quæ adversari videntur Aristotelico Systemati. Exposicio autem, sicut simplicias, ita verius, sumitur ex communi modo loquendi, quo vulgariter utuntur homines, & quem nuper memini; videlicet innuere identitatem, & dumtaxat similitudinem significare unius rei cum alia, quam similitudinem expressè significat cap. illo 7. de motu animalium inquiens animalia esse quasi machinas quæ authomata dicuntur. Igitur ad primum respondeo solum hominem cogitare, quia cogitare est actus rationis, & non solius phantasie: undè improprie valdè dicitur cogitare puer ante usum rationis, aut vir dormiens, sive vino, aliove morbo ratione orbatus; quod jam olim præmonuit Augustinus. Agens namque de memoria disciplinarum, quæ utique spiritualis est, & præmittens: *Cogo, & cogito, sic est, ut ago, & assito, facio, & factito.* Subjungit. *Verumtamen sibi animus hoc verbum proprie vindicavit, ut non quod alibi, sed quod in animo colligitur, id est cogitur, cogitari proprie jam dicatur.* Cumque bestia non habeat animum, quia hæc vox plerumque stat pro spiritu rationali; sed animam, quia hæc vox stat pro forma rationali, & irrationali: ideo sunt incapaces actus rationis, & sunt incapaces cogitandi. Hoc tamen non impedit, quod imperfectioribus aliis fruantur cognitionibus: nempe materialibus, quæ similes sint eis, quas habent homines non utentes ratione. Ad secundum, negare ibi necessitatem admonitionis, quæ sit actus rationis, non quæ sit actus phantasie solius. Et sermonem ibi esse de actionibus quotidianis brutorum, quas

Arist. cap. 1. histor. animal. & de motu animal. cap. 10. ibid. cap. 7. Idem lib. de gener. animal. cap. 1.

S. August. lib. 10. confes. cap. 111.

ex mera consuetudine quotidie eliciunt; non de specialibus, & extra ordinariis, quas multoties eliciunt sine prævia consuetudine. Ad tertium Animalia esse quasi machinas, & automata in ordine ad multitudinem, combinationem, atque concatenationem instrumentorum, (& in hoc sensu etiam homines sunt quasi machinæ illæ; non autem dedit in eo loco hoc nomen hominibus, sed bestiis, quia de his maxime agebat tunc) secus in ordine ad carentiam vitæ, & principii intrinseci substantialis moventis ea instrumenta. Ad quartum respondeo idem. Negatur ibi necessitas de eo, quod actu tangantur; tactu qui sit actus rationis: & est sermo de quotidianis actionibus brutorum.

§. V.

194 **E**X hucusque dictis infertur Cardinales propositiones, quibus resolvo præsentem controversiam, esse has sex. *Prima*: non esse hic quarrendas, sicut neque alibi sapissime, evidencias metaphysicas æquales illi, *his tria sunt sex*, ita ut intellectus contrarius ligatus manibus, & pedibus resset, quin adhuc mutire valeat, quin tergiversari, quin cavillari queat. Cum enim contrarii nec in favorem suarum bestiarum has evidencias proferant, & hæc penuria evidentiæ harum per totam philosophiam vageretur, sequetur Academicismus, & licere de omnibus dubitare, si quiescendum non esset nisi ad conspectum istarum evidentiæ; quo via sternetur ad evertendum totam humanam æconomiam, imò & religionem. Contenti esse debemus solis principiis Prudentiæ, perpendentes utrz rationes majus habeant pondus, utrz solutiones sint magis simplices, & minus cavillatrices: nec dubitandum eo solo titulo, quod non profertur irresistibilis metaphysica evidentiæ, quoniam hujus defectus non sufficit ad prudenter dubitandum: sicut neque quod oppositum possit absolute contingere, sed opus est ratione aliquâ positivâ, & nondum congruè solutâ. *Secunda*. Admissa ista Philosophia non restat ratio ulla naturalis ad dicendum, hominem constare animâ rationali, quamcumque enim proferant hi Authores, retorquetur in ipsos homo Atheista, seu aliunde suo abdomini deditus, iniquis, cunctas operationes humanas fieri per solam viam instrumentorum, quibus constat humanum corpus: & quod illæ sint perfectiores, quam operationes brutorum, probare dumtaxat, instrumenta humana esse perfectiora, quam brutorum, siquidem in machinis ipsis artificialibus experimur unas edere plures, & perfectiores motus, quàm alias, quia plura perfectiora, & magis apta habent instrumenta. Neque hæc ratio potest regeri in nos, quasi sufficiat homini anima materialis perfectior, quàm anima bestiarum, si his conceditur anima materialis; quoniam hæc argutia explicata, & rescissa jam fuit supra num. 186. & seqq. *Tertia*. Nos non probare moraliter evi-

evidenter animam, & instinctum brutorum ex quibuslibet operationibus illorum; sed ex illis solis, quas insinuavi num. 176. & seqq. Unde permittit Adversariis, si velis, quod ceteræ actiones brutorum non probent hæc habere cognitionem, appetitum, aut animam; quatuor namque illæ species actionum, quas disputavi eo num. 176. : nimirum *sagaces, memorativa, provida*, atque sine principio physico extrinseco phisicè influente *elicta*, sufficiunt in præsentia. *Quarta* : Difficultates omnes contrariæ explicandæ, ac solvendæ sunt exemplis quotidianis somniorum, infantiz, ebrietatis, phrænesis, & similibus statuum, in quibus licet operetur anima, quæ verè est spiritalis, & rationalis; operator tamen modo penitus materiali, & corporeo entitativè. Idest; per viam solius phantaziz, seu imaginationis, appetitusque sensitivi. Et tamen cognoscit, advertit, memoratur, appetit, horret, fugit, timetque vitali modo, & non automathico; ergo cognoscere, & appetere, modo prorsus corporeo, ac materiali, atque membra movere motu ex ea cognitione, & appetitu oriundo, non est fictio, non est ens rationis, non est tergiversari, aut cavillari; sed est quid physicum verum, reale; & quamvis dormientes testes adhibeamus, nec non ebrios, infantes, & similes, qui in nullo tribunali faciunt fidem: jam vides quàm frigidum esset repellere illos in causa præsentia, in qua agitur de re purè physica, & materiali, non autem de re prærequirèntium rationis. Illas cognitiones, appetitus, motusque membrorum ex illis oriundos agnoscimus in bestiis; interdum quidem, & quoad aliqua perfectiores, quam in hominibus, eo quod sensus aliquos, per quos ingressi sunt species imaginationi subservientes, habeant perfectiores (ut lynx, ac ferè omnes volucres habent vivaciorem oculum, canis item, ac vultur meliorem nasum, quam homines) vel propter rationes, quas scripsi supra num. 167.

195 Verumtamen absolutè loquendo, omnibusque pensatis humana vis imaginativa, actualesque multæ imaginationes humanæ longè perfectiores sunt ex se, atque ex suo conceptu; quidquid sit de eo, quod evenire solet per accidens, quam imaginativa vis, actualesque imaginationes bestiarum propter complexioneam scilicet ex his citulis; 1. quia licet imaginatio humana non prærequirit in sensu legico, & formali animam rationalem, neque hæc ut talis influat in illam, eo quod illa neque est actus rationis, neque semper actum hunc immediatè prærequirit, aut in sensu physico, & reali connectitur intimè cum anima ipsa rationali, cujus est actio vitalis; ergo omnis humana imaginatio prærequirit essentialitèr, & immediatè principium physicum entitativè perfectius principio, quod prærequirit imaginatio bestialis; ergo ex hoc titulo habet majorem perfectionem juxta principium, quod in Prodro-mo explicui disp. 2. cap. 2. Rursus. Humana vis imaginativa est longè universalior quam omnis bestialis imaginativa vis. Constat enim ex nostris somniis, in quibus ratio prorsus silet, & sola potentia imaginativa operatur, solere nos habere tunc cognitiones (imperfectissimas uique, sed quæ simpliciter sunt cognitiones) Dei, Angelo-

rum, rerum spiritualium, redexionum, illationum, causalitatum, rationum retrahentium, colloquiorum ordinatorum, Poematum, Syllogismorum, & rerum aliarum, quarum imaginationes longè superant vim imaginativam bestiarum. Nempe quia his solum concedimus vim imaginandi illa, quæ immediatè in se ipsis percipiunt, aut perciperunt per sensus: homines verò fruimur phantasiâ, & vi ad imaginandum, non solum ea quæ immediatè in se ipsis percipimus per sensum, verum etiam illa, quæ percipimus mediatè, idest, ad imaginandum ea quæ *audivimus*, aut legimus, quamvis non sint sensu perceptibilia, ut non sunt Deus, Angelus, universalitates &c., & quæ aliquo modo per species, nempe alienas, cognovimus tunc simpliciter absolute. Illorum objectorum species materiales, & alienæ excitari solent in vigilia ad cognoscendum illa objecta, excitari quoque solent in somno sicut passim excitantur casu aliz. Et propter consuetudinem, & quasi appropriationem ad objecta illa, v. g. ad Deum, animam determinare solent ad habendum tunc cognitionem imaginativam illorum eorundem objectorum. Præterea. Multoties cognoscimus reflexè, atque attentè nostras ipsas spirituales cognitiones, examinando illarum tendentiam, rectitudinem, aut dissonantiam physicam, vel moralem. Hæc cognitio reflexa habetur per species alienas simpliciter materiales, corporeas; sed quæ quasi per usurpationem, quasi appropriantur ei cognitioni. Unde si hæc species simpliciter alienæ, sed jam quasi appropriatæ ei cognitioni (ut species juvenis solent appropriari Angelis, atque ideo species juvenis movere solent, atque excitare cognitionem Angelorum) excitentur in somno sicut passim excitantur temerè aliæ determinare solent animam ad habendum tunc actum phantasiz reflectentem, quamvis imperfectè, supra cognitiones spirituales quas olim habuimus: Unde supra cognitionem universalitatum, illationum, Angelorum, Dei &c. Propter has duas res habere solemus in somniis cognitiones illas imperfectissimas, & merè imaginativas rerum, quas numquam sensu percipimus. At bestię sunt incapaces utriusque illius rei, quia sunt incapaces cognoscendi abstractivè per species alienas rem, quam non percipiunt, aut perciperunt per sensum immediatè in se ipsa, ut percipiunt aliquando e mentitis figuras. Et sunt etiam incapaces cognoscendi reflexè suas cognitiones spirituales, quæ nullæ sunt. Et licet voce moveantur non tamen objectivo significato illius, sed modo, & tempore vocis moveantur ad illud quod est illis significatum. Ergo non sunt capaces habendi cognitiones imaginativas Dei, Angelorum, rerum, aut principiorum universalium &c. Ergo vim humanam imaginativa omnibus pensatis excedit per se, atque ex conceptu suo imaginationem bestiarum.

196 Atque hinc obiter explicari potest illa difficultas quam movet, ac mirificè promovet S. Augustinus super vi memoriæ nostræ, quam passim experimur in casibus, quos ibi agglomerat, continere innumeras res quas numquam sensu percipimus. Non contingit hoc, quia res illæ physicè, ac realiter prius fuissent in anima, sicut hi caracte-

S. Aug. lib.
10. confess.
d. c. 9.

rafteres sunt in hac charta, ut minus rectè poterat aliquis colligere ex illis verbis. *Ibi ergo erant, & antequam eu didicissem; sed in memoria non erant.* Sed contingit, quia in primis homo pollet vi cognoscendi (abstractivè utique, & imperfectè, sed cognoscendi simpliciter) illa, quæ nullo sensu percipit, aut percipit; audit tamen, aut legit, formandique in phantasia imaginationem illorum subservientem repetendo novas, & novas cognitiones spirituales, in qua repetitione cognitionis exprimentis objecta illa, nec non priorem cognitionem illorum consistit reminiscencia absolute talis, ut insinuat S. Doctor. Hæc imaginatio relinquit in cerebro semen, hoc est speciem sui ipsius. Hæc species casu, vel consilio excitata naturaliter determinat animam ad repetendum cognitionem illorum objectorum, sicut chorda instrumenti apertè pulsata naturaliter edic illum sonum, quem edic, & sicut semina arboris decilum in terram idoneam naturaliter causat arborem similem. Deinde homo pollet vi assentiendi veritati objectivæ, eo ipso quod illa sibi sufficienter obijciatur: sicut oculus pollet vi videndi, & auris audiendi. Ergo quamvis res illæ, quas eloquentissimè ibi conglobat S. Doctor non præcesserint physicè, ac realiter in anima, & quamvis nullo sensu perceptæ sint immediatè, in se ipsius, possumus habere memoriam illarum, dicereque. *Ita est:* aut: *Non ita est;* simul ac nobis proponuntur. Sed de hoc jam egi supra in proprio loco.

Ibid. c. 10.

Ibid. c. 18.
& 19.

197 *Quinto.* Quemadmodum homines quando operantur ex cognitione, ac appetitu merè materiali, v. g. in somno, infantia, ebrietate, amentiaque non operantur liberè libertate indifferentiæ (ut indubitanter supponit Augustinus loquens de factis, & ipsius confessionibus, quæ in somniis accidere solent) & consequenter nec meriti, nec demeriti sunt capaces tunc; sed ad summum operantur liberè libertate à coactione, quatenus faciunt multa ex illis sine violentia sibi illata, & in hoc sensu operantur sponte, hoc est non inviti. Ita bestiæ; imò minus; quoniam ut nuper dicebam suæ cognitiones materiales absolute, omnibusque pensatis longè imperfectiores sunt quam humanæ. Et sicut prædicti homines in eo statu non operantur voluntariè, neque cum eis reflexionibus. *Ut, quia, quamvis,* & similibus, sed sumus nos qui urimur illis ad explicandum aliquas eorum hominum actiones: sicut etiam dicimus ignem conari calefacere aquam, *sicut si frigida,* & exiccare lignum, *ut comburas illud.* Ita bestiæ.

Ibid. c. 30.

198 *Ultimo.* Aliqui ex Authoribus consentientibus nobis, solvunt omnia supra data argumenta recurrentes ad distinctionem inter cognitionem entitativè spirituales, & cognitionem materialem, atque corpoream, quam solam concedunt bestiis. Haecenus bene. Sed addunt discrimen inter utramque cognitionem stare in eo solo, quod spiritualis cognitio est semper reflexiva supra se ipsam, secus materialis. Philosophi aliqui contrarii opinantes hoc discrimen esse totam basim animationis bestiarum, diruere conantur illam, agentes omnem cognitionem materialem, si forte datur, esse quoque reflexivam supra se ipsam, quatenus per se immediatè quasi in genere causæ formalis notificat &

ipsam subiecto cognoscenti. Neuteris assentior. Non primis, quia sæpè in somniis advertimus, aut saltem dubitamus esse somnium illud, quod tunc nobis contingit, & interdum etiam dicimus *hic non est somnium*. Sed cognitiones omnes, quas habemus in somniis naturalibus sunt materiales, corporeæ, atque solius potentiaë imaginativæ opera. Ergo huiusmodi cognitiones possunt ex genere suo esse reflexivæ. Ergo in huius reflexionis impotentia non differunt à cognitionibus entitativè spiritualibus. Item quando vigilamus, solemus recordari per novum actum phantasiæ, jam unarum, jam aliarum imaginationum, quas aliquando habuimus. Item solemus actu etiam phantasiæ cognoscere esse meram imaginationem illam, quam tunc habemus. Ergo non est supra rationem imaginationis esse reflexivam. Et ratio est quam nuper dabam. Potentia imaginativa humana potest concipere imaginationem illius, cuius speciem habet. At non solum habet species aliarum rerum verum etiam suarum propriarum imaginationum, ut constet ex memoria illarum, quas solet elicere homo etiam vigilans, qui non habet usum rationis. Ergo. Discrimen igitur inter utramque dictam cognitionem sumendum est ex conceptibus spiritus, & corporis, quos dedi disp. 4. logicæ. Videlicet illa est cognitio entitativè spiritualis, quæ non habet ex natura sua connexionem talem cum quantitate, tamquam cum termino unionis, aut receptionis, ut nequeat carere illâ sine miraculo. Illa verò est materialis, & corporea, quæ ex natura sua talem habet connexionem cum quantitate tamquam cum termino unionis, aut receptionis, ut nequeat carere illâ saltem sine miraculo. Et tales sunt omnes cognitiones elicite à sola phantasia, sive potentia imaginativa, quoniam suapte natura habent recipi physicè inadæquatè in ea parte cerebri, in qua est sensus communis, sive potentia imaginativa (& nullum agens naturale potest facere ut illa pars cerebri existat sine quantitate) sicut visio in ea parte, quæ est oculus, & auditio in ea parte, quæ est auris &c.

199 Cognitiones autem nostræ entitativè spirituales, quamvis ad sui conceptionem egeant naturaliter specie aliqua materiali ingrediente per sensum, & transeunte per phantasiam; at soli animæ rationali uniuntur ex natura sua, & in ea sola recipiuntur. Cumque animæ nostræ sine miraculo possint separari ab omni quantitate, ut separatur de facto quando homo moritur, ideo possunt sine miraculo existere, quin quantitati uniuntur mediâtè, aut immediâtè, tamen si dictum illud suum inadæquatatum principium nequeat sine miraculo separari à quantitate. Jam enim scis, non semper competere effectui omnia omnino, quæ competunt suæ causæ inadæquatæ. Denique nec secundis illis Philosophis assentior, quia sæpè dixi bestias esse incapaces istarum reflexionum, quoniam materiales, quas habent, imaginationes, solum possunt exprimere quæ perciperunt, aut percipiunt immediâtè in se ipsis per sensum externum. Non enim possumus illis concedere cognitiones abstractivas, quibus cognoscant per species alienas, id quod nullo prorsus sensu externo percipiunt, aut perciperunt unquam. At propriam ima-

imaginationem, ut pote actum reconditum in phantasia, hoc est in intima quadam parte cerebri, nec percipiunt, nec umquam perciperunt bestię per sensum externum. Ergo bestiales cognitiones materiales non sunt reflexivę supra seipsas, aut supra alias similes; sed dumtaxat exprimunt res illas, quas immediatę percipiunt sensu aliquo externo, & cognitione illa, atque hac perceptione per sensum v. g. sibilo, voce, ruba auditis, moventur ad illud, quod signis illis significari solet, non ex intelligentia significati illorum signorum, sed ex consuetudine; quod non leviter confirmatur ex eo, quod experimur, eisdem signis quibus bruta moventur in unis regionibus ad unas actiones, moveri alia ejusdem speciei in regionibus aliis ad alias, vel etiam ad oppositas. Item experimur bruta non nisi post usum crebramque repetitionem illorum signorum intelligere illa (ut vulgò dicitur) seu potius facere illa, ad quę moventur eis signis. Sed quidquid de hoc sit, necesse non est recurrere ad istas actiones probandi ergo animam, & cognitionem brutorum, quia sufficiunt quatuor illę species disputatę supra num. 176. & seqq.

CAPUT ULTIMUM.

*Sententia quedam, quę Media vocatur,
expenditur.*

200



NGENIOSUS Recentior, & rei philosophicę satis peritus, æstimans se verę Aristotelis sequacem, mediumque inter vulgares, ut ait, Peripateticos, atque Athomistas, opinionem suam ingenio, ac eruditione firmat. Sed est à parte rei Athomista, atque ex genere illorum, qui entia naturalia, phænomenaque ferè cuncta naturę per solam artem combinatoriam componunt, & per solennem illam cantilenam sic, & sic: taliter, & taliter, sicut entia artificialia, & sicut pulchri multi loci excogitantur ab Arithmeticis, & Geometris pro Juniorum voluptate. Contingeret ei, quod plerumque contingit illis, qui inter digladiantes sese medios sistunt, nimirum ab utrisque plagas accipere; nulla tamen huic imminet Auctori à Combinatoribus, quia ipse à parte rei est Combinator etiam, & per viam incedit dispersionis, collectionis, mixtionis, separationis primordialium corpusculorum, idest, athomorum: fugitque à forma substantiali mixtorum, nec non à novis productionibus rerum, quę simpliciter sine fuco sint novę productiones (quasi ipsę combinationes, collectiones, dispersiones, ipsęque sic, & sic: taliter, & taliter non fierent de novo, aut essent quid chymericum), tamquam à

re stygia. Non est ergo cur medium se pronuntiet inter Peripateticos, quos dicit vulgares, & Athomistas: quia tam subiles larvæ, nec pueros ipsos fallere solent; videtur enim protinus vultus, qui latet. Esse verè, ac simpliciter hominem, & simul esse Mediatorem inter Deum, & homines, duobus solis hominibus concessum esse, audivimus ex scriptura, Jesu Christo nempe, & Moyse. Igitur quoad divisionem, & coordinationem præsentis controversiæ, insistam vestigiis hujus Auctoris, perpendens quæ in unoquoque ex Articulis suis scribit: Et illius doctrinæ in particulari applicans, quæ paulo ante dixi loquendo in genere in hac disputatione, nec non in physica speculativa.

201 In Proemio dicit: Materiam primam juxta Peripateticos esse quandam *semisubstantiam*, ac *seminaturam* (voces falsæ, aut saltem æquivocæ, inductæ, ut videtur, ad movendam irrisionem). Etiam vestra corpuscula primordialia, sunt in hoc sensu semisubstantiæ, ac semi-naturæ, quando dispersa sunt. Cur igitur aspernamini in domo aliena, quod in vestra habetis? Præterea; quamvis materia, & forma sint semisubstantiæ, ac semi-naturæ collatæ cum ente naturali quod constituunt, siquidem sunt partes illius; non tamen collatæ cum conceptu quidditativo substantiæ, aut naturæ, quoniam totus conceptus substantiæ, cum suo genere, ac differentia, nempe *ens per se* verificatur de materia, & verificatur de forma: nec non totus conceptus naturæ, nempe *principium motus, & quietis* &c.) *Latentem in omni corpore*. Etiam vestra athomi latent, quando dispersæ sunt, & illas imaginari licere, non verò sentire, dicitis. *Nulli alligatam actui substantiæ adhuc metaphysicè accepto*. Id est falsum. Quoniam differentia specificæ est actus metaphysicus, existentia realis est etiam actus, aut metaphysicus, aut logicus in sententia valde communi apud Peripateticos, non distinguente essentiam ab existentia. Sed materia, & forma sunt respectivè alligatæ essentialiter suæ differentiæ (specificæ, nec non suæ existentiæ reali). Ergo falsum est illud *Nulli*. Pergit. Et quæ sit indifferens ad quemcumque actum substantialem, præter animam rationalem, *educendam ex illa per Generantem*. Ista vox *Eductio*, quæ pacifica, & bona erat in scholis, incipit esse dubiæ fidei, ex quo Combinatores inciperunt non bene uti illâ, & supposito hoc non bono usu, fabricare super illam majores quasdam res. Ignis v.g. non *educit* ex ligno aliam formam ignis, sicut panes educuntur ex arca, seu vinâ ex carcere. Abscè ridicula barbaries, sed in hoc solo, & præciso sensu; quatenus videlicet producit illam per actionem intimè, ac essentialiter unicam illi individui materiæ primæ, quæ per talem actionem non producit, aut conservatur, in qua materia, seu in cujus materiæ particulis sit forma ignis.

202 Dicit 2. quamvis nomine alieno. Ex hac idæa derivari Physicam quandam abstractam, & metaphysicam, fingentem sibi naturam aliam imaginariam, quæ nusquam reperitur, nempe quia nullo sensu rangimus immediatè in se ipsis hanc materiam, & formam. Contra. Quia Anima rationalis nullo sensu percipitur immediatè in se ipsa, ideo

ideo ne, stando etiam solis principiis naturalibus, est res abstracta, & metaphysica, & imaginaria, & nusquam reperibilis? Non; quia ut non semel citavi ex Augustino, licet in homine animali tota regula credendi, sit *consuetudo cernendi*; at verò in homine rationali, est alia regula, nimirum mens, ac discursus, habitus, vel à priori ex quidditate rerum, vel à posteriori ex effectibus, aut absurdis. At discursus, quem dedi disp. 1. physicæ satis rationabiliter constat menti, quamvis non sensibus, existentia materię primæ, & formę substantialis in genere: nec non discursu facto capite antecedente similiter constat existentia animę brutorum determinatè. Ergo hæc duę res, quamvis nusquam sensu inveniuntur, non sunt abstractę, & merè imaginarię. Similiter ubi, quo sensu experimur formationem, & organizationem fœtus in ventre materno? Vel matres ipsę debent dicere quod sancta illa dicebat suis filiis. Nescio qualiter in utero meo apparuistis. Ubi, quo sensu experimur modum, quo sunt nostra somnia, nostrę reminiscencię, nostrę internę operationes vitales, sive materiales, sive spirituales, modum, quo fœtui imprimitur imaginatio materna, & huiusmodi alia sexcenta. Ideo ne sunt hæc omnia, idealia tantum, & res purè metaphysicę? & vestras primordiales aetheros, igneos v. g., quas sparsas dicitis per hanc terram, quis unquam expertus est, quando sparsę sunt. Ergo ne quando sparsę sunt, dicuntur à vobis purè ideales, & imaginarię? Sicut ergo illa priora certò moraliter iudicamus propter alia signa, & effectus distinctos à sensatione, ita materiam, & formam substantiales. Ratio autem à priori est. Deus noluit quod sensu perciperemus in hoc statu, nisi sola accidentia materialia, & quidem satis pauca. Quære ab ipso rationem, si audes. Ergo quod non est accidens materiale, nequit à nobis percipi pro hoc statu sensu ullo materiali. At materia, & forma substantiales, non sunt accidentia materialia. Ergo.

203. Dicit 3. Sub nomine eorundem. Hanc nostram Philosophiam ad nullos usus medicinę valere. Hoc concedo de medicina, quę sit à posteriori, & purè mechanica, & practica: quoniam hæc præscindens à quidditatibus, & intimis constitutivis rerum, ad unam solam aspirat proportionem, aut disproportionem medicinarum cum morbis: & utraque magis patet per experientias, quàm per rationes, quę solent vocari à priori. Nego autem de medicina, quę sit à priori, & speculativa. Et idem dico de aliis facultatibus subalternis nostrę Philosophię. Hęc non est mechanica, sed speculativa, & procedit, vel procedere conatur per vias rationum à priori, indagando physicam, & realem quidditatem rerum, proprietatesque physicas, tum quę probantur ex prædicato generico, tum quę ex specifico. Philosophię practicę mechanice indigent hac nostra ad melius, & nobilius esse, nempe ad reflexe sciendum causas, & rationes à priori operum suorum; sed multo magis, ac quasi simpliciter egent experientiis, atque ideo illę totę experientias incumbunt, quarum una sola, & bona plures valere solent, quàm decem rationes, quę alibi videbantur à priori, sed fallabant.

Verum.

Verum est quod Philosophia nostra habet pro materia, & obiecto ens physicum, & sensibile; sed non procedit circa illud modo sensibili, & mechanico; sed utens experientiis, quantum sufficit, & non recedens ab ipsis, ut exprobat hic Author, quinimo illas accuratè, ac maturè perpendens, procedit modo speculativo, hoc est nobiliore, circa ens naturale physicum, & sensibile. Sicut enim Theologia disputat ens divinum, modo tamen humano: ita nostra Philosophia ens naturale sensibile; modo tamen insensibili, mentali, atque purè speculativo. Et hinc refellitur solennis illa calumnia: scilicet quod neque scimus, neque discimus, neque curamus, neque docemus experimenta. Hoc ultimum est verum, quia ut dixi: Physica nostra non est mechanica, sed altior. Tria priora sunt falsa. Scimus namque, curamus, & discimus experientias, tum ne decipiant nos, sicut non paucos de ceperunt experientiz Alembici, & aliq̃ quatuor, aut sex, ex quibus particularibus casibus volunt elicere Canones universales pro cunctis prorsus entibus naturalibus; tum, ut per experientias, non crudas, indigestas, & tumultuariè congestas, sed cautè, ac maturè introspectas, rimemur utrumque physicam quidditatem, physica constitutiva, physicaque proprietates entium naturalium, quarum speculatio, non autem exercitatio, est opus nostrum. Et quia hanc experimentorum examinandorum curam habemus, dicimus Achillem vestrum, nempe resolutionem mixtorum in elementa, vel chimica, vel vulgaria, quæ experimur in Alembicis, non habere pedes bene tinctos acq̃ stygiâ: unde non esse invictum absolutè; tum quia, cum in eadem elementa resolvatur corpus humanum, sequeretur quod hoc, stando soli rationi naturali, non haberet animam, quæ esset forma substantialis, sed hominem nil aliud esse quàm congeriem ex pluribus, aut ex nobilioribus athomis primordialibus, aut ex melius dispositis, & combinatis. Ergo ex solis principiis fidei, non autem ex principiis Philosophicis haberemus hominem fungi animâ distinctâ ab athomorum nobili combinatione. Tum quia illa resolutio per Alembicum est in partes integrantes, ejusdem generis (quamvis subtilioris longè speciei) cum divisione corporis in minutissimas particulas, facta per cultellum; non autem in constitutiva essentialia, quia post eam factam non perseverat forma substantialis, quam non probatis, non informasse multitudinem illam corpusculorum, sicut nec perseverat unio physica necens partes essentielles, quæ unio est de essentia physica entis naturalis.

204. Dicit 4. Ex errore in janua, seu in principiis entis naturalis, nasci inexplicabiles difficultates, in quas cadunt Peripaterici, & in quantum solutione nec ipsi inter se conveniunt. Si loquamini de inexplicatione, quæ in eo consistat, ut solutiones non sint adeo perspicuæ, ut *his tria sunt sex*, concedam; sed idem contingit vobis, imò & in omnibus humanis opinionibus, quæ sanè tales non essent, si uni ex disputantibus probarent suas conclusiones dicta hac perspicuitate. Voluit Deus, ut chalybe percutiente silicem, evaderent scintillæ: & similiter voluit, quod unis ingeniis configentibus cum aliis resularent scin-

scintillæ aliquæ lucis, ac veritatis; non autem configerent uni cum, alteris, si conclusiones unorum nullam penitus haberent difficultatem, aut difficultatem potius evidenter solutam haberent. Si loquamini de inexploratione consistente in eo, quod nec prudenter, & rationabiliter solvantur eæ difficultates à Peripateticis, hoc nego.

205 Dicit 5. (Semper nomine Atomistarum) Ex hoc errore in principiis entis naturalis nasci quod Peripatetici numquam dent congruas, & determinatas rationes, seu causas effectuum naturalium; sed per abstracta quædam, & universalia verba, quæ si aliquis memoriter discat (sunt sex, vel octo, non plura) evadet jam Philosophus. Contra 1. ex facto ipso constat, Peripateticos, licet vulgares juxta phrasim hujus Authoris, multorum effectuum naturalium assignare congruas, & rationales causas, non per verba generica, sed specifica, & etiam individualia; texere autem hic Catalogum exemplorum, esset res plus solito ridicula. 2. Admirabile est, quod hi Doctores appingere audeant nobis nomen quasi characteristicum suæ novantiquitatis. Si rogemus ab ipsis; quid est physicè ex parte rerum lignum v.g.? Aliud non responderetur, nisi hoc. Multa primordialia corpuscula, multæ athomise, & sic combinata, taliter, & taliter distributa, coordinata, collocata, dispersa &c. sed quid sunt physicè istæ athomi; quid est istud physicum sic, & sic: istud taliter, & taliter? quàm congruam, & homine Philosopho dignam explicationem dant? Rursus si rogemus. Cur hoc agens naturale congregat in tali passo has determinatè athomos coloris albi, v.g. in hac charta, & non coloris violacei. Cur congregat athomos aqueas, & non æreas, & similia de aliis? quàm explicationem producant, quæ non sit petitio principii? Profecto est verum Hispanicum proverbium. *No axe poco &c.* id est, de re sua facit qui in alium projicit malum proprium. Cum tota horum Virorum Philosophia circumscribatur his abstractissimis terminis, etiam quando sermo est de individuo, aut specifico ente naturali. Atomii primordiales uno sic, & non alio sic combinantur, uno taliter, non alio taliter divise, aut coordinate, quin unquam explicent quidnam, & quodnam sit illud sic, illud taliter: cur ab hac individua causa procedat hoc unum sic, & non aliud sic. Cum inquam hic sit proprius nomen istius novantiquitatis, mirum sane est quod affigere illum nobis conentur, qui sapissimè, quantum Viatori licet, assignamus in specie rationes proportionatas effectuum naturalium. Sed istud videtur querere *cubiculum intra cubiculum*, ut abscondantur à persequente gladio argumentorum Peripateticorum, quos hic Author vocat vulgares: & imitari illum, de quo Juxta dicebat. *Et visum frustra contendere Thirsim.* 3. Reg. 22.

206 Contra 3. Quemadmodum salem miscere cibo in certa quadam mensura, est illum condire; miscere autem plus, & iterum plus salis, est cibum corrumpere. Item miscere saccharum potui usque ad certam quædam mensuram, est potum jucundum parare; miscere autem plus, & plus, & iterum plus sacchari, est parare syrupum. Ita inquirere usque ad certum quædam terminum in quidditates, causasque, & rationes

Virgil. E.
clog. 7.

rerum naturalium, est philosophari. Nolle autem quiescere, sed plus, & plus, & iterum plus inquirere, vel est nugari, vel proximo illudere, vel insanire. V. g. Quærat à vobis quispiam; quid est homo? Respondetis forsitan. *Animal rationale*. Prius quærebat unum, jam quærat quatuor; quid est animal; & cur homo est animal? Quid est rationale; & cur homo est rationalis? Debes respondere saltem octo, nempe genus, & differentiam uniuscuiusque ex his quatuor. Et hæcenus fortè continebis te, & patientiam habebis. Quærat ulterius importunus ille quidditatem singulorum illorum, & insuper rationem, cur habet illam quidditatem, & rationem, cur competit homini. Quid facies in hoc casu. Condolebis sanè miseriæ humanæ, vel insolenti Inquisitori irasceris. Nempe causa Prima, quæ tumentibus fluctibus maris posuit terminos, quos præterire non possunt, tumentibus quoque fluctibus humanæ curiositatis terminos objecit, quos transilire non licet. Hoc quod in materia notissima, qualis est hominis essentia, dixi; potius jure dicendum videtur in rebus obscurissimis, quales sunt plerorumque effectuum naturalium; causæ adæquatæ. Cur in vigilia excitatur potius memoria rei A, quàm B? Cur in somno A potius fuit somnium A, quàm B? Cur scæui imprimuntur signa, quæ medicabatur mater? quomodo in utero formantur, & organizantur membra? & hujusmodi sunt innumera alia. Ergo quod in nostra Philosophia multoties non assignetur congrua adæquata ratio multorum effectuum naturalium ultra naturam causæ, nil probat, quia nimis probat. Nec valet dicere, quod assignatur in Philosophia combinatoria; tum quia quando hæc assignatur, etiam Peripatetica licet vulgaris assignat, & quidem rationem non obnoxiam ulli ex argumentis illis, quibus Disp. I. Physicæ, & capite antecedente hujus præsentis, refelli istam combinatoriam Philosophiam, imò nulli alii positivo argumento contrario subjacentem. Tum quia, ut res probetur, non sufficit quod aliquibus aliis opportuna sit, si gravia alia secum trahat absurda. At combinatoria ista ars, applicata entibus naturalibus, trahit secum absurda, quæ in utroque loco citato congesti. Ergo quamvis utilis foret aliquibus rebus explicandis, non ideo probanda est. Jam ratio à priori est. Natura cujusque rei est prima radix, & origo proprietatum, passionum, omniumque effectuum illius. Ergo foret implicatio in terminis, quod ante se præsupponeret aliam rationem intrinsecam à priori. Ergo quando ad naturam ipsam & quidditatem rei pervenitur, probatam aliunde, & contentam à posteriori, aut saltem prudenter præsuppositam propter alia motiva, ibi sistendum est, nec ultra progrediendum, quærendo, inquirendo, rogando, ni de manifesta stulticia, ignorantiaque terminorum postulari velimus: Effemus namque sicut ille, qui magno ardore conatur lac & mel suggere ex marmorea columna, cum aliud sugere non posset, nisi dentium, & labiorum suorum sanguinem. Ergo quod multoties Peripatetici ultra naturam rerum, de quibus est sermo, non pergant dando aliam, & aliam intrinsecam rationem à priori, non est ignorantia reprehensibilis, sed prudentia, imò & impossibilitatis dandi prio-

priorem aliam originem respectu primæ originis effectuum; atque proprietatum rerum. Nec propterea datur licentia ponendi ad libitum naturas, & quidditates rerum: quia fateor illas probandas esse positivè à posteriori, vel ex communi sapientium consensu esse supponendas. Primum est philosophicum, secundum ad prudentiam spectat, sine qua vix ingenio, & vix Philosophiz. Quod si doctrina hæc tibi non ardeat, sustine frivolum illum Inquisitorem super essentialia prædicata hominis, quem nuper memini.

207 Dicit 5. Atomistarum opinionem; & hæc est coram Deo sua sententia, tametsi iustis de causis non proferat, aut non proferre videatur illam absolute coram hominibus; sed tantum per modum hypothesis, ut ajunt: atque sub his terminis negativis, videlicet: *Non convinci oppositum*, quasi rationale esset defendere absolute omne, cujus oppositum non convincitur: & quasi sententiæ resolvendæ essent in sola principia metaphysica, aut physica, & non etiam in principia reflexa prudentiæ, sine cujus regulis ingenium, atque discursus humani ex subtilissimis filis, sed aranearum, texuntur. Sed ne in principio aberremus, & vociferantibus unis contra Orientem v.g. vociferentur alteri contra Occidentem cum circumfusæ turbæ risu, stabiliamus oportet id, de quo est controversia. Contingit quandoque quod Authores disputent duas diversas valde difficultates: unam directam, alteram reflexam v.g. An omnes homines morituri sint? Item; quam certitudinem habeat omnes prorsus morituros esse, seu, an hoc sit de fide? Similiter. An Papa legitime, ac pacifice gubernans, sit verus Christi Vicarius, & Petri Successor? Item quam certitudinem habeat hoc, seu, an hoc sit penitus de fide? Plerumque tamen controversiæ difficultates inter Philosophos, Medicos, Jurisprudentes, Theologos, & ceteros non sunt reflexæ, sed directæ, atque immediatæ super rebus ipsis, quas exercitè prolatione ipsa suarum rationum convincere, saltem per viam prudentiæ conantur sui Authores. Similiter impresentiarum. Dux valde diversæ difficultates contraheri possunt. Prima, directa, realis, & immediata. An videlicet entia omnia naturalia componantur materiâ, & formâ in phrasi Peripateticorum: an potius componantur ex solis quibusdam atomis essentialiter, atque integraliter indivisibilibus, tamquam ex materia (quas atomos, seu minima naturalia, seu corpuscula primordialia, ex Democrito, Epicuro, & quibusdam aliis Orientalibus accepta, primus innoxit in Occidentem quidam Poeta Lucretius, notorius irrisor Divinitatis: unde non puduit graves quosdam Philosophos, & Theologos accipere legem pro tota Physica à Betis, & tribus Medicis, ut jam sæpè notavi nimirum à quodam Gallago *Perryro*, à quodam Toletano *Valles*, licet sobriè admodum locuto, & à quodam Germano *Bassone*, qui cum Cartesio, Gassendo, & aliis, partem scholæ, nec parvam, nec levem, post se corripuerunt) ex eis inquam atomis tamquam ex materia, & ex earum textura, harmonia, coordinatione, ac combinatione tanquam ex forma. Altera difficultas est reflexa. Quam scilicet certitudinem

dinem habeat sententia Peripateticorum? An convincatur, an probetur evidenter evidentiâ metaphysicâ, aut physicâ, aut saltem morali absoluta, & quoad omnes intellectus?

108 Solam primam difficultatem disputamus cum Combinatoribus, non verò secundam. 1. quia, id est, quod ferè semper disputatur in omnibus facultatibus, & sententiis, quando aliquid disputatur. Res nimirum ipsa directâ, realis, & physicâ, non autem reflexiones, & abstractiones, quæ aut cavillationem, aut fugam à primaria difficultate intus in corde significare solent. 2. quia est antiqua, & ideo nota fraus, ut tranquille possideas quod occupasti, detorquere in regionem aliam imperum contrariorum, sicut Principes solent movere bellum in regione distante, ut interea firmentur in possessione Urbis, quam occuparunt in hac: unde profiteri hunc Authorem, ut profiteretur ad finem hujus articuli, se non aspirare ad aliud, nisi ad hoc solum. *Non convinci Philosophiam Peripateticam ut oppositam Philosophiâ combinatoria*, unus est ex multis clandestinis modis firmandi, & stabilendi hanc; quidquid sit de tergiversationibus, & reflexionibus, quibus videtur quærare cubiculum intra cubiculum, ut abscondatur, ut jam notavi ex Michea. Quæro. Entia naturalia sunt, & componuntur realiter per solam artem combinatoriam, ut loci multi, & entia artificialia; vel per materiam, & formam Peripateticas? In hoc stat difficultatis cardo: passim enim judicant, & dicunt, & defendunt magni homines plurima, quæ nulla ex tribus memoratis evidentiis convincuntur; sed prudentibus rationibus, quibus adversari non habetur ut rationale. Sed quia sub velamine illorum terminorum reflexorum. *Non convincitur oppositum* solet latere directum ipsum, & reale, nempe. *Non ita est à parte rei*, ideo agam cum hoc Authore, quamvis aliàs nil, aut fere nil haberem contra illum, attento solo cortice illorum reflexorum terminorum. *Non convincitur*, id est, *non probatur irresistibili evidentiâ*? transeat, ut expressè adverti Disp. 1. Physicâ. Ergo non ita est à parte rei? Nego consequentiam. 3. quia ut jam dixi, nunquam mihi probantur illi, qui tamquam spiritu phanatico abrepti, confestim pronuntiant evidenter verum, quod verum putent, evidenter falsum, quod falsum putent, evidenter impossibile, evidenter necessarium &c. non enim tam facile inveniuntur evidentiæ, quæ hoc nomine dignæ sint; aliàs non, tamquam de gemma rarissima, locus sic fuisset Job. *Sapientia verò ubi invenitur*? Et meminisse debuerant hi, qui lapillos Bohemæ vendere solent pro adamantibus, scriptum esse; *Eccl. 19. qui creditis cis, levis corde est*. Solùm ergo intendi in ea prima Disp. Physicâ, & in hac de Anima, verum esse simpliciter entia naturalia constare materiâ, & formâ in sensu Peripatetico, & non istis minimis naturalibus, sive atomis primordialibus, conglobatione ipsa illarum, ratione rem convincendo non metaphysicè, aut physicè, sed modo illo, quo cætera humanæ res humano modo convinci solent. Magnum quippe vix imminet ingeniis quiescere nolentibus, nisi ad conspectum evidentiæ huic similis. *Sis erio sunt sex*, Deum cum neque convin-

catur

cat, ut vera ista Philosophia combinatoria (& quæ mechanica dici potest concepta tota, genita, nata, nutrita, & adulta inter opera mechanica, & physica experimenta, assimilata tota entibus artificialibus, mechanicis) & cum idem contingat in plerisque, ne dicam in ferè omnibus, Iudiciis naturalibus, quæ occurrunt in decursu totius vitæ: sequetur ille alter phanatismus negandi omnia, aut dubitandi de omnibus, aut dicendi, quidquid per ineluctabilem evidentiam non probatur, prorsus impossibile: quæ radice semel infixæ animo, disponitur via ad similes phanatismos in rebus altioris ordinis.

§. II.

209 **I**gitur combinatoriam Philosophiam, prout à RR. traditur, & prout ab ipso clam, & quasi aliud agente, defenditur, sic dilucidè exponit hic Author, & simul explicat sex puncta cardinalia Physicæ, ad quæ reduci videtur tota utilitas ejus Philosophiæ, videlicet explicat; quid sit materia prima? quid forma? quid sit compositum substantiale? quid generatio substantialis, v. g. quid sit ignem, comburere lignum, & similiter de cæteris omnibus operationibus entium naturalium; quid sit destructio substantialis, v. g. quid sit ignem extinguere in ligno, lucem in aere &c. & demum quid sit alteratio, v. g. subjectum calefieri, humectari &c. Deus, inquit, ab initio creavit innumeras atomos, seu corpuscula, seu minima, penitus simplicia, & indivisibilia tum in partes essentielles, quæ sint materia, & forma substantiales, tum in partes integrantes, tum in partes continuatas. Hæc corpuscula vocat primordialia, seu minima naturalia, quæ ratione, non autem sensu assequi possumus; insulcat verò nostris materiæ, & formæ substantialibus, eo quia nusquam invenimus illas immediatè in se ipsis, hoc est nullo sensu externo, illas assequimur. Quatuor solas species, aut quasi species, ordines, aut classes agnoscit illorum, juxta quatuor scilicet nota elementa, nempe atomos terreas, atomos aqueas &c. quamvis non multum curet, an sint juxta sola tria elementa, quæ agnoscunt Chymici; sed tria illa, aut etiam quatuor elementa, videntur nimis pauca pro tanta multitudine entium naturalium, quantam experimur, poterat liberalius procedere, & ponere triginta illa elementa, quæ meditatus est Saguens, quandoquidem nulla nova fieret expensa. Ex his atomis plurisariam inter se combinatis, textis, & coordinatis, componi, ait, omne corpus naturale. Harum congeriem, seu massam vocat *materiam primam*, & *actum metaphysicum insensibilem*. Totum hoc, excepto illo de elementis, sive communibus, sive chymicis, convenit nostræ materiæ Primæ juxta Zenonis sententiam super compositione continui. Quoniam materia prima, quam defendimus est quasi massa quædam, seu completum ex innumereis atomis, seu particulis,

nuculis, seu corpusculis, trino illo modo indivisibilibus, & consequenter sensui imperceptibilibus, & ex ea componuntur omnia corpora naturalia distincta à quantitate, quæ sola est primariè, & perfe corpus, idest, impenetrabile, juxta ea, quæ dixi Disp. 4. Logicæ majoris. Et quamquam sit pura potentia physica, potest vocari actus metaphysicus, ut supra dixi, quippe quæ identificatur realiter simpliciter, tum cum sua differentia essentiali, qua distinguitur ab omni non ipsa, tum cum sua existentia. Quamobrem super hoc primo puncto de materia, prima dissentio, sed non multum huic Authori, ut etiam insinuavi Disp. 1. Physicæ: ubi adverti primarium, & capitale discrimen inter nostram, & combinatoriam, seu mechanicam Physicam stare in formis substantialibus.

210 Pergit. Forma nil aliud penitus est, quàm textura, combinatioque prædictorum corpusculorum, vel quæ sint ejusdem ordinis, vel quæ sint diversi: & ex multitudine combinationum corpusculorum illorum, nasci multitudinem formarum, quas experimur. Juxta artis combinatoriæ regulas, solus ternarius, aut etiam quaternarius numerus elementorum, videtur mihi valde parvus ad tot millionum milliones formarum substantialium, & accidentalium, quas experimur. Vellem saltem triginta illa Saguentiana elementa, esto quod anonyma sint, & in nullo vocabulatio inveniatur nomen proprium duodecimi, & vigesimi quinti elementi. 2. quod mille milites ita combinentur, seu coordinentur, ut faciant circulum, vel ut faciant cuneum, vel ut faciant phalangem quadratam, vel ut faciant columnam, hoc inquam facit, ut mutetur forma plusquàm accidentalis, consistens in figura, & sic magis, vel minus idoneo ad invadendum, aut resistendum? Neutiquam. Ergo si tota distinctio inter entia naturalia, v. g. inter carbonem, & pyropum, inter hanc chartam, & aurum, seu marmor, purè, ac præcisè consistit in diversa combinatione, coordinatione, ac multitudine corpusculorum istorum primordialium, & elementarium (in omnibus sanè mixtis perfectis dantur per vos corpuscula, plura, vel pauciora omnium elementorum) sequetur carbonem, papyrum, pyropum, aurum, marmor, & reliqua omnia mixta perfecta non distinguere reciprocè plusquàm merè accidentaliter, sicut figuræ quadratæ, aut rotundæ milites; & hoc est magnum illud emolumentum, quod nacti sumus è versibus Lucretii? Sed quia, ut dixi, Cardo totius præsentis controversiæ stat in hoc puncto de formis substantialibus, à quibus tamquam ab stygiis volucris fugiunt hi Doctores: & punctum hoc disputavi jam Disp. 1. physicæ, loquens in genere de forma substantiali, & capite antecedente præsentis Disputationis loquens in specie de forma substantiali brutorum, ideo re hac supersedeo. Repete hic utraque argumenta.

211 Pergit ulterius, inquiens. Compositum substantiale, sive ens naturale nil aliud esse ex parte rerum, quàm completum resultans ex prædictis atomis, seu corpusculis, & ex prædicta ipsorum combinatione, jam una, jam alia, jam hac, jam illa. Quæro. Idem exercitus

citus constans eisdem hominibus, equis, mulis, & mulabus, sunt diversa entia naturalia, seu diversa composita substantialia ex eo quod per Instructores exercitus ita coordinentur, ut forment jam cuneum, jam semicirculum, jam quadratam phalangem? **Quæro 2.** Ista definitiva lex entium naturalium comprehendit ne illa etiam, quæ vulgares Peripatetici vocant viventia sensitiva. An non? si primum, recole argumenta capitis antecedentis. Si secundum, cedo disparitatem, & rationem ob quam nequeat ille Gallegus Pereyra dicere cum suis, sensationes, cæterasque omnes actiones, quas experitur in Cane, in Elephanto, in Simia, nil aliud esse, quàm diversas combinationes earundem primordialium athomorum, quibus constant illa corpora. **Quæro 3.** Ista definitio entium naturalium comprehendit ne homines etiam, an non? Si primum, cave Tibi. Si secundum, cedo disparitatem, & rationem purè naturalem, ob quam homo non sit merum, & purum completum ex pluribus, aut melioribus athomis (puta ex igneis) melius combinatis, & coordinatis, & ob quam cunctæ prorsus humanæ operationes naturales, sive internæ, sive externæ non sint meræ, & puræ combinationes eorumdem corpusculorum; quod si congrua ratio naturalis non occurrat, teneberis dicere ex solis principiis fidei constare hominem frui animâ distinctâ à mera suarum athomorum combinationes; attentis autem, & maturè consideratis rationibus, nullâ penitus ratione convinci, hominem non esse machinam quamdam mechanicam, artificialem (inftar horologii, aut molendini edentium suos sonos, motus, & quietes juxta diversas combinationes, quas magister fecit, rotarum) sine spiritu, sine vitâ, sine libero arbitrio &c. vel quod licet unicuique constent hæc evidenter *de se ipso*, contra quam tamen constantiam tota ista Philosophia facillimè detorqueri potest; nulli tamen constat evidenter de aliis, siquidem oculi, aures, & cæteri sensus sapissimè deprehenduntur fallaces. En fructus pretiosos, quos ex Oriente invexerunt in Occidentem Carmina Lucretiana.

212 Pergit adhuc inquires. Generationem substantialem, v.g. Ignis in ligno nil aliud esse à parte rei, quàm excitationem, confluxum, conglobationem, ac combinationem athomorum ignearum v.g., quæ sparsæ erant, & latebant in ligno, & propter commixtionem cum aliis, insensibiles erant. Et idem de cæteris omnibus effectibus physicis. **Quæro 1.** quando Milites per campos, aut per mare sparsi congregantur, aut assurgunt ex insidiis tubæ, tympano, facibus accensis, motu vexillorum, aut aliâ à militaribus tesseriis excitati, clangor ille tubæ v.g. est ne generatio substantialis? Non videtur Philosophia multum illuminans intellectum humanum; & tamen sit sensibile, & incipit apparere quod prius latebat, & sparsum erat, nempe exercitus, & numerus milicum, qui exercitus transit juxta phrasim vestram ab actu metaphysico, insensibili, ac potenciali, ad actum physicum, & sensibilem exercitus. Cur ergo ista citatio, & conglobatio ignearum athomorum est generatio substantialis, licet ignis transeat, ut dicitis, ab actu metaphysico, & insensibili ignis ad actum physicum, & sensibilem

hilem ignis? Et ratio utriusque est. Generatio substantialis *creatur*, cum non sit entitative in se ipsa substantia, sed accidens quoddam juxta Peripateticos, eatenus præcisè dicitur substantialis, quatenus est actuale, formale, ac immediatum exercitium, quo fit aliqua substantia, non quo de loco in locum movetur aliqua substantia, aut de substantia accidentibus transit ad sub aliis. Ergo quoties nulla omnino fit substantia, non datur generatio substantialis. At quoties nil aliud fit, quàm movere istas athomos, expedire illas ab extraneis, & revocare multas ad eandem partem hujus chartæ v. g., nulla fit simpliciter substantia, sed mera mutatio præsentiarum, locorum, & situum. Ergo quoties &c. Quæro 2. quando homo nutritur, & substantialiter crescit uniendo suæ carni novas, & novas substantiæ partes (idem dico de cæteris omnibus nutritivis) quas athomos carnis humanæ sparsas per tot alimenta, quibus vescitur in toto vitæ decursu, excitat, liberat ab extraneis, combinat, & trahit ad se. Item; quando videt, quando audit, quando alias externas sensationes elicit, quando imaginatur in fomno, vel in vigilia, quando mente apprehendit, judicat, assentitur, dissentitur, discurrit, amat, odit, timet, sperat, gaudet, tristatur, & cæteras spirituales elicit operationes merè naturales, rogo, quibus athomis, quibus primordialibus corpusculis consent intrinsecè, atque essentialiter hæ operationes? Et hoc attentis solis principiis vestra Physicæ, præscindendo à principiis Fidei. Operationes omnes vitales intellectus, ac voluntatis, quæ spirituales sunt, dicetis nil prorsus aliud esse, attentis vestris principiis, quàm congeries primordialium corpusculorum, sic, & sic combinatorum? Vel affirmatis; vel negatis. Si primum, non arbitror Philosophica, sed Poetica, & Epicurea principia, ex quibus id sequitur. Si secundum, ergo 1. vestra Physica combinatoria non est universalis pro omnibus effectibus naturalibus, & pro omnibus entibus naturalibus, siquidem homo est ens naturale, & hæ operationes, de quibus locutus sum, sunt entitative naturales. Ergo 2. debetis reddere rationem, ac disparitatem, quam sequaces illius Gallegi Pereyra adoriti nequeant suo Alembico, & suis aliis machinis artificialibus horologii, molendini, & similibus. Videtur ergo purè mechanica ista Physica, ut pore nata, & adulta, inter opera mechanica, & non multum rationalis, ut pore oblita operationum rationalis, quæ etiam sunt effecta entitative naturalia, & prodeuntia à quodam ente naturali. Denique. Unicus finis, quem habent hi Doctores in adituendo prædictam quidditatem generationum substantialium est fuga à formis substantialibus, quas plus timent quàm pueri nocturnas larvas, tametsi viros cernant ridentem de vano illo timore; item fuga, & panicus terror propter fatales illos terminos (quamvis alias satis bonos, imò necessarios) creatio est productio rei *ex nihilo*. Eductio est productio rei *ex aliquo*, unde horrent hi, & tremunt quando audiunt aliquid fieri simpliciter de novo: quia formidabiles illæ voces *nihilo, aliquo*, lex inviolabilis eis videntur, ne quidquam fiat simpliciter de novo. Sed mera explicatione philosophica istarum

vocum sedavi semel, & iterum in Physica istos timores.

213. Pergit ulterius inquiring destructionem, seu corruptionem substantialem, seu conversionem unius substantiæ in aliam, v. g. Ignis in cineres nil esse aliud ex parte rerum, quàm everfionem, sive dispersionem unius combinationis corpusculorum, in cuius locum succedit alia, & sic incipit apparere, atque sensibile esse actui physico, quod prius latebat, & solum habebat actum metaphysicum insensibilem: nec non definit esse physico, & sensibili, quod prius apparebat, & sensibile erat. Alterationem autem nil aliud esse, quàm inchoatam commotionem, & combinationem eorundem corpusculorum, retento adhuc nomine prioris compositi, v. g. manum calefieri, nil esse aliud, quàm moveri, & combinari incipere corpuscula ignea, quæ per manum sparsa erant. Hæc sunt corollaria prioris doctrinæ: unde argumenta eadem, quæ rescindunt illam, rescindunt hæc. In primis sensu percipitur multas alterationes non stare in eo, quod corpuscula, quibus constat corpus alteratum, moveantur, & incipiant habere novam combinationem, v. g. quando corpus alteratum per asperfionem colorum, quando aer per illapsum lucis, aut per sonum. 2. quando homo alteratur per externam sensationem, & postea per internam phantasiam, & mox per spirituales apprehensionem rei, quam externè sentit, & mox per illius iudicium, & mox per illius appetitum, vel odium, quæ, quarum nam atomorum inchoata combinatione constat intrinsecè, atque essentialiter hæc omnia, & singula. 3. Sicut non datur generatio substantialis, quando nulla penitus sit substantia, ut nuper dicebam, sed solum sit mutatio de loco in locum, de situ in situm: ita nulla datur substantialis corruptio, destructio, sive conversio, quando nulla penitus deficit substantia, sed sicut duntaxat, confluentia, & conglobatio substantiarum: quia sicut generatio non est entitativè in se substantialis, sed solum ratione termini, cuius est productio, dicitur talis: ita respectivè, corruptio, destructioque. Unde casu quo entia naturalia essent, sicut mechanica, & artificialia, ut putant hi Authores (ars quidem imitatur naturam; sed non est natura: & imitatur quoad multa sensibilia, & externa; sed non quoad omnia omnino, & multo minus quoad essentiam) mutaretur quidem unum totum substantiale sensibile in aliud totum substantiale sensibile, sed mutatio esset *substantialis* non quoad realitatem, sed quoad apparentiam: & esset accidentalis quoad utramque, quippe nulla prorsus substantia fieret, aut defineret esse, sed sola accidentalis combinatio, idest, fierent præsentia conglobata substantiarum in eodem situ, ac loco, aut definerent esse præsentia illæ omnes, aut multæ. Sicut quando multi milites coeunt prius dispersi, aut disperguntur prius coeuntes, non fit substantialis ulla generatio, corruptio, aut conversio. 3. Ista explicatio corruptionis, conversionis, & generationis, vel aptatur homini, vel non, attentis solis principiis Philosophicis vestris. Si primum, ergo principia vestra per se probant, hominem non esse aliud quàm artificialem, quendam machinam, ita ut nisi principia fidei nos cohiberent, debe-

remus dicere juxta rectam Philosophiam, hominem esse merum, & purum complexum ex atomis sic, & sic combinatis per Deum, sicut per Rectorem horologii combinantur hujus rotæ, atque morus. O rectam Philosophiam, juxta quam hoc dici debuerat. Si secundum, cur hætenus non protulistis disparitatem ex solis principiis Philosophicis erutam, quam cum suis machinis, mechanicisque exemplis nequeant adoriri, qui bestias judicant, esse mera authomata? 4. quia ista explicatio nata, & adulta inter sola tria, aut quatuor exempla mechanica, potius videtur mechanica, quàm liberalis, obturant quidem os tribus, aut quatuor, & centum si vis, difficultatibus, sed os aperient gravioribus aliis sæpe datis. Et insuper non est legitima, quia ex tribus, aut quatuor casibus particularibus depromit legem universalem pro tota, penitus natura. Demum, quia ista explicatio trahit originem ex horrore sæpe dicto ad formas substantiales, ex pavore illarum vocum ex *nihilo*, ex *aliquo*, & ex metu quod aliquid fiat simpliciter de novo; quæ omnia ad satietatem usque explicui in Physica.

114 Ex dictis, & ex processu toto hujus controversiæ cum hoc Authore, qui se medium proficitur inter vulgares, ut ait, Peripateticos, & Combinatores, constat primum articulum (nec dicam unicum, quandoquidem ex eo reliqui pendunt) esse circa formas substantiales, quas omnes hi adeo exoli sunt, & quas nos putamus necessarias, ut stabilia intrinseca, & substantia principia proprietatum, & operationum entium naturalium, atque ut intrinseca substantia, & specifica distinctiva eorundem. Cardinales, quas habent, rationes sunt. 1. quia à nobis non convincitur existentia formarum prædictarum. 2. una, vel altera mechanica experientia, v. g. Alembici, cujus igne dissolvitur compago corporum mixtorum, etiam viventium, & videmus ea resolvi in sola elementa, vel chymica, vel vulgaria, non sanè pura, quia sub Luna nullum est purum elementum, sed impura, & cum rebus extraneis mixta: cumque unumquodque componatur ex eis, in quæ resolvitur, inferunt corpora omnia mixta ex solis elementis componi, puris, aut impuris: & corpora illa nil aliud esse quam massam quamdam, seu complexum ordinatum ex innumeris particulis elementorum, jam uno modo, jam alio combinatis. 3. Impossibilitas assignandi congruam causam naturalem multorum effectuum naturalium, nisi per recursum ad excitationem dictarum particularum. 4. Impossibilitas de eo, quod id esset *creare*, sive facere ex nihilo, quod creaturis repugnat: & similiter impossibilitas, ut creatura destruat quidquam simpliciter, & absolutè, quia id esset annihilare. 5. Imperceptibilitas, & insensibilitas formarum materialium, quas defendimus, quia nullo sensu assequimur illas.

§. III.

215 **C**ardinales autem rationes meas non semel, aut bis tantum dedi, tum in Physica, tum capite antecedente. Sed cum unusquisque ex his Authoribus innover aliquid, saltem quoad verba, si sequaces sui videant illud solutum, insolubile putabunt; unde cogor, si non referre, ac saltem perstringere illa, quæ toties dixi. Rationes igitur nostræ sunt negativæ, idest, solventes argumenta contraria, & positiva, quamvis plerumque inferentes absurdum ex contraria sententia, ut enim adverti in Prodro-mo Disp. 1. num 19. nullum efficacius restat argumentum contra obstinatum intellectum, quàm deductio ad impossibile, quoniam *tantummodo sola vexatio intellectum dabit auditui nempe nostro, solemus namque homines esse, licet ille, qui dicebat de se qui cadit, & si aperiuntur oculi ejus.* Rationes negativæ sunt 1. quod formarum existentia (intellige super formas in sensu peripatetico vulgari) non convincatur evidentiâ metaphysicâ, aut physicâ, nil probat, quia multum probat, tum quia nec sententia vestra convincitur prorsus ineluctabiliter ut vera, quandoquidem omnia vestra argumenta solutione, ac retorsione satis probabili enerventur; imò nulla, prorsus est humana opinio, quæ evidenter convincatur, ut vera, quia aliâ opinio non esset. Ideo ne omnis opinio deferenda est? Ecce phanasisimum negandi, aut dubitandi omnia saltem humana. Ecce pruriginem, & licentiam dicendi quidquid non est tam falsum, quàm *his tria non sunt sex*; tum quia nullum negotium purè humanum, convincitur evidentiâ ineluctabili, ut verum. V. g. illum esse tuum Patrem, aut tuum Filium. Esse tuum herum, aut tuum famulum. Esse Maritum, aut esse Uxorem. Illum esse Ægrotum, aut sanum. Illum vendere, aut emere. Illum tibi inferre injuriam, aut gratiam præstare &c. quories enim falluntur, & fallunt oculi! Falluntur, & fallunt aures! In somniis videmur nobis evidentiissimè experiri res istas, aut similes; & tamen somniamur: quæ duo contradictoria sequuntur ex eo quod esset larva quædam, aut quidam diabolus iste qui tibi videtur maritus, uxor, herus, famulus, Judex, venditor, creditor &c. en non convincuntur evidentiâ prorsus infallibili ista, in quibus tota vita civilis est immerfa. Ideò ne, aut neganda, aut dubitanda sunt? tum, quia humana judicia non habentur dumtaxat ex irresistibilibus evidentiis, sed multo frequentius ex prudentiæ regulis. At existentia formarum satis prudenter firmatur, quamvis non irresistibili evidentiâ, huic simili quodlibet est, vel non est. Ergo.

216 Ratio secunda contra istam secundam. Experientia Alembici, & similes aliæ probant satis rationabiliter duo. Unum est in omni mixto perfectio, etiam sensitivo, etiam rationali esse multas formas par-

triales, & subordinatas principali formæ illius, quæ sicut naturaliter connectitur cum accidentibus, organizationeque illius suæ materiz, ita cum multis particulis formarum aliarum substantialium: atque ideo ad hoc probandum usus fui experientiâ istâ in Physica. Alterum est in mixto manere elementa actu formaliter, licet attenuata, & quasi in minutissimum pulverem, vel rorem, vel auram redacta. Sed non probat, in mixtis istis non dari ullam aliam formam substantialem, v.g. auri, equi &c. tum quia resolutio per alembicum non est in partes essentielles, sed in partes integrales, ejusdem generis (quamvis subtilioris sine comparatione speciei) ac divisio, & concisio cultello facta corporis illius. Ergo quod post illam resolutionem non restent nisi elementa, aut chymica, aut vulgaria, probat quod ex illis, & solis componitur essentialiter: undè ista elementa sunt prima principia intrinseca, & verè elementa omnium corporum naturalium, saltem sublunarium; sed in genere solo compositionis *integralis*; non verò compositionis *essentialis*, nam in hoc genere non sunt elementa, sed mixta: hoc est: composita ex materia, & forma substantiali, quæ solæ duæ entitates sunt simpliciter prima elementa, sive principia essentialia entis naturalis: tum quia omne mixtum imbibit intimè intra suam essentiam unionem suarum partium essentialium, ut probo in Physica, aut saltem istam vestram combinationem athomorum. Et tamen post resolutionem non manet illa unio, aut ista combinatio, ut patet. Ergo non omne, quod intimè imbibit mixtum intra suam essentiam manet post mixti resolutionem. Ergo quod post hanc non appareant nisi elementa sola, & nulla alia substantialis forma appareat, impar est probando hanc non imbibit intra physicam essentiam mixti. Et ratio est. Nil intimè connexum ex sua natura cum unione sui ad corpus, potest naturaliter perseverare deficiente hac unione. Sed omnis forma materialis, ut pote talis, & quia talis intimè connectitur cum unione sui ad corpus. Ergo nulla potest naturaliter perseverare deficiente hac unione. At quoties mixtum per Alembicum, vel aliud simile resolvitur, deficit, ut constat unio illa, si jam non defecerat prius. Quid ergo mirum, quod post eam resolutionem non perseveret? Si sermo sit de forma rationali, hæc perseverat; sed cum sit spiritus, non percipitur ullo sensu materiali.

217 Ratio tertia contra tertiam istam. In primis. Nulla utilitas trahens post se gravia absurda est admittenda. Nam quid refert claudere duas portas, si aperiuntur quatuor, aut quid juvat præcavendo fillicidia conjungere duas regulas, si dividuntur aliz duæ. At quamvis ista combinatio athomorum esset idonea ad explicandum aliquos effectus naturales, trahit post se absurda, quæ in utroque illo loco fusè ostendi, & mox perstringam. Ergo ista combinatio, tam admittenda est, quàm virtus Midæ convertendi in aurum quidquid tangebatur, & ideo fame, ac siti morituri. Deinde; quamvis per viam formarum substantialium non dentur rationes omnium penitus effectuum naturalium (nam sapientia hæc ubi invenitur? Per viam athomorum datur ne evidens, & prorsus adæquata ratio explicans modum quo fiunt no-

istæ reminiscentiæ, nostri actus vitales intellectus, & voluntatis, quæ sunt nostra somnia, quæ sunt signa maternæ imaginationis in corpusculis factus, quod magnetica acus boreali plagæ obvertitur &c.) at congrua, & prudens ratio datur eorum, quæ obijcitis, ut videri potest in ea disp. 1. Physicæ; & quamvis multoties sistant Peripatetici in natura, & essentia rei, de qua tunc est sermo, id non est ipsis vertendum vitio. Tum quia id facitis vos. Rogo v. g. Cur hoc specificum agens habet vim movendi, & combinandi has athomos, quas hic, & nunc movet in hoc passo? Cur nec movet, nec habet vim movendi alias? Sola similitudo, aut dissimilitudo non sufficit, quia neque omne simile alii potest illum producere, sive in nostro sensu peripatetico, sive in vestro combinatorio, neque omne dissimile est impotens producere illud. Recurritis ergo ad experientiam, tamquam ad rationem à posteriore, & sistitis in natura ipsa tum agentis, tum athomorum, tamquam in ratione, ultra quam progredi non licet. Cur igitur exprobratis nobis festucam in oculo. Tum quia cum natura ipsa causæ, aliunde nobis patefacta à posteriori per effectus, sit prima radix, & origo intrinseca illi causæ respectu omnium suarum proprietatum, & effectuum, quod ultra illam non assignetur alia origo, causa, sive ratio, non est vitium, sed necessitas: impossibile namque est quod supra primam originem intrinsecam detur alia origo, seu ratio intrinseca; tum demum, quia licet rationale sit, & philosophicum inquirere in causas rerum usque ad certum quemdam terminum; Si hic transiliatur, jam dixi supra prætio habendus sit importunus ille Investigator.

218 Ratio quarta contra istam quartam. De novo sunt istæ combinationes, excitationes, convocationes, conglabationes istorum, vestrorum corpusculorum. Quæ quantumcumque à vobis extenuentur, & vocentur meræ modificationes: ast sunt quid verum, reale, physicumque, & non meræ imaginationes, aut somnia, aut entia rationis per vos. Et tamen neque sunt ex nihilo in sensu creationis, neque creantur per aliam creaturam. Item. De novo sunt ab homine in decursu suæ vitæ multæ cognitiones apprehensivæ, judicativæ, discursivæ, memorativæ: multæ volitiones, nolitiones, amores, odia &c., quæ sunt quid physicum (non dico materiale, aut externum) verum, & reale; & nihilominus, neque creantur, neque postea annihilantur. Ergo quod formæ substantiales de novo fiant simpliciter, & absolute, non probat illas creari, aut fieri ex nihilo, quando incipiunt esse: aut illas annihilari, desinere in nihilum, quando desinunt esse. Ratio autem est mera explicatio, quam toties dedi in Physica, illius grammaticæ philosophicæ ex *nihilo*, ex *aliquo*. Rem creari, sive fieri ex nihilo stat physicæ ex parte rerum in eo quod res finitæ, ac limitatæ perfectionis, quale cerè non est Verbum Æternum, aut Spiritus Sanctus, producat actione, quæ non habet ex sua essentia uniri physicè ulli præsupposito subjecto, id est, subjecto non producto per ipsam. Hæc nullas subjecti est quod significat illa vox ex *nihilo*, & non aliud. Item. Rem educi de potentia subjecti, non sane est quod extrahatur

ex illa, sicut nummi ex marsupio, aut sicut aqua ex puteo, aut sicut vincti ex carcere (Potest ne cadere in Philosophum virum tam barbara, & incivili intelligentia?) Sed in eo quod producatur actio, per suam essentiam unita alicui subjecto præsupposito. Hæc aliquitas, & non aliud, est quod significat illa vox ex *aliquo*. Rursus rem annihilari est desinere in nihilum sui, hoc est, desinere quin perseveret aliquod suum subjectum, cui nimirum essentialiter uniretur sua actio productiva, aut conservativa. Et ideo formæ etiam materiales vini, & panis miraculose annihilantur in Eucharistica transubstantiatione, quia non perseverat aliquod subjectum proprium ipsarum. Demum rem corrumpi est desinere in aliquid sui ipsius, cui nimirum essentialiter uniebatur sua actio productiva, aut conservativa, sed ex eo quod forma substantialis hujus chartæ v. g. verè simpliciter de novo producatur ab aliqua causa creata, non sequitur quod hæc producat illam, actione, quæ non habeat ex sua essentia uniti alicui præsupposito subjecto; quinimo producit illam per actionem essentialiter unitam materię primæ causæ hujus (quæ materia est subjectum præsuppositum ad formam substantialem hujus chartæ) quia producit illam *in* hac materia prima, non solum in eitate unionis, sicut anima rationalis producitur à solo Deo in corpore; verùm etiam *in eitate* receptionis, quo solo modo possunt res produci à Creaturis, quæ operari non possunt nisi *in* aliquo subjecto, & in hac impotentia stat impotentia creandi. Item ex eo quod verè, ac simpliciter deficiat forma substantialis hujus chartæ, quando comburitur non sequitur quod non perseveret aliquid proprium hujus formæ: quandoquidem perseverat materia prima, quæ propria erat hujus formæ, non proprietate identitatis, aut constitutionis, siquidem forma distinguitur adæquatè à materia; sed proprietate receptionis, aut educationis, & connexionis, quam speciem proprietatis respuere non potes, nisi velis nobis suadere, non esse in rebus aliam proprietatis speciem, quàm identitatis adæquatæ, aut inadæquatæ cum re, quæ dicitur propria. Ergo intellectû philosophicâ grammaticâ non sequitur formam creari, aut fieri ex nihilo, aut postea annihilari, ex eo quod simpliciter, & absolute deficiat. Denique ratio quinta, contra istam quintam, jam est data supra. Etiam vestræ arthomi sunt imperceptibiles, ac insensibiles (Percipimus modò sensu ullo corpuscula ignea, æreave, quæ dicitis esse hic, & nunc sparsa per hanc chartam?) arque ideo dicit hic Author licere imaginari, non tamen sentire illas. Et tamen illas defenditis. Habet homo aliam viam cognoscendi firmiorem, quàm est via sensus corporei.

209 Jam positivæ rationes in favorem formarum substantialium, non semel, neque iterum tantum prolatae sunt. 1. quia si agentia naturalia non aliud faciunt, quàm movere, arque combinare corpuscula ignea v. g., quæ dicitis esse in charta hac latentia, & quasi ludere latrunculorum ludo, qui totus consistit in bonis motibus, & combinationibus illarum figurarum, evadent artificialia, & ens naturale evadet sicut artificiale, quod totum consistit in combinatione colorum.

v. g. aut terræ, ligni, calcis, aquæ, laterum tegularum &c. & ista combinatio, si verè, & simpliciter est aliquid, quæ ut talis combinatio, non erat prius, jam habebimus agentia naturalia facere aliquid simpliciter de novo, & in hoc aliquo hebetabuntur tela omnia, quæ vibratis contra hoc, quod est creaturam facere aliquid simpliciter de novo. Si est nil, habemus agentia naturalia non facientia aliud, quàm istas combinationes nil agere absolute, & simpliciter. 2. quia si aurum, potus, carbo, adamas, imò, & viventia sensitiva non differunt invicem, nisi combinatione eorumdem elementorum, & in majore, aut minore numero jam particularum unius, jam particularum alterius, sequetur ista omnia, imò & cuncta entia naturalia, saltem distincta ab homine, non differre substantialiter inter se, ac quoad speciem: sicut non differunt substantialiter, ac quoad speciem mille homines ex eo quod sint in statu dispersionis, aut conglobationis, aut figuræ quadratæ, aut alius, aut addentur alii centum, aut detrahantur ducenti. Multitudo namque, aut paucitas sola, aut situs, aut coordinatio, non mutant speciem physicam, & realem, tamen si mutare soleant moralem in ordine ad hos, vel illos effectus. 3. quia exulabunt à natura generationes substantiales, destructiones, atque conversiones, ut supra explicui. 4. quia non videtur rationale negare brutis animas viventes, ac sensitivas distinctas à mera coordinatione membrorum, ut capite antecedente disputavi. 5. quia ista novantiquitas incidit in foveam quam fecit contra nos: siquidem inquirentibus plus justò, & scire volentibus plusquam oportet sapere. V. g. Cur istud? & istud aliud cur? & cur istud aliud? respondent hi per naturam quoque rerum notam ex sola experientia. Cur hæc charta est referta tot corpusculis quatuor elementorum, ex pluribus aquæ v. g., quàm terræ? quia ita voluit causa prima facere illam. Et cur ad motus ignis potius exciteat, & combinat corpuscula ignea in hac charta, quàm aquæ, & facit ignem in ea, & non facit aquam? quia habet virtutem ad unum, & non ad aliud. Et cur hoc? Sola ne similitudo, aut dissimilitudo? Jam ostendi, non esse rationes sufficientes; aliàs cum una sedes sit similis alii, & unus paries alii, & una stella Capellarum alii, & sic de innumeris rebus, sequetur unam ex his posse per artem quoque combinatoriam facere alia. Sistendum ergo est illis in natura ipsa rerum jam à posteriori nota. 6. quia argumenta, quibus abrepti sunt ad hanc novantiquitatem, satis rationalem, atque expeditam habent solutionem.

220 7. Et præcipuè propter periculosas consequentias circa hominem stando etiam solis principiis naturalibus; & præscindendo à lumine Fidei, ut sæpè adverti. Vel enim ista Physica, iste modus componendi entia naturalia sine forma substantiali peripatetica, extenditur etiam ad ens naturale humanum. Vel non. Si primum, jam vides quàm diversum sit, atque alienum à Philosopho Christiano, sicut proprium illorum Atheistarum Epicuri, atque Lucretii, dicere; quod stando solis principiis naturalibus, & attenda sola Philosophia recta, & ratio-

rationali, homo non habet ullam formam substantialem, distinctam à pura, & mera combinatione meliore, meliorum corpusculorum, sive Athomorum. Si hæc est vestra Philosophia, si hæc fœdus latet sub illius pulchritudine, erit sepulchrum dealbatum. Adhæreat illi qui vult. Si secundum, quod argumentum depromis ex tota Philosophia, sed sola (nam hoc argumentum ad sola principia naturalia philosophica restringo) in favorem animæ rationalis distinctæ à mera illa combinatione, quod non hebetetur in cæteris mixtis, sive quæ sensitiva, sive quæ insensitiva dicuntur? Si semel est verum, quod effecta omnia naturalia canis, elephantis, simiæ, & reliquorum, nascuntur ex pura combinatione athomorum, cur operationes cunctæ humanæ, purè naturales non poterunt prodire ex meliore combinatione meliorum athomorum? quo pacto convincetis quod non possunt? quod si retorferis. Si anima materialis simiæ facit operationes illas, cur anima materialis perfectior non poterit facere perfectiores? Jàm respondi capite antecedente. Si loquaris de perfectioribus, sed adhuc materialibus etiam, quales sunt possibiles, annuo. Si de perfectioribus, quæ sint spirituales, quæque semel suppositâ specie aliqua, illapsa per sensus, assurgant postea incomparabiliter super sensus, ut sunt cognitiones rerum spiritualium, & rerum universalium, & motionum unarum rerum ad assensum, vel dissensum, ad amorem, vel odium, ad spem, vel timorem aliarum: quæ spiritualitates, universalitates, atque intentionales motiones, nec ullo sensu percipiuntur: urque sunt etiam cognitiones disjunctivæ, conditionales, causales, illativæ, quarum omnium homo est capax. Si inquam de his speciebus perfectionum, loquaris: nego quod prodire possint ab anima perfectiore, quàm anima simiæ, sed materiali. Quia nulla anima materialis, & bestialis potest cognoscere nisi id, quod percipit, aut percipit per sensus, & modo absoluto, determinatoque, qui sit consentaneus modo, quo percipit, aut percipit per sensus. Tandem, quia ista Physica peccat contra bonam logicam, eo quia ex tribus, quatuor, aut quinque casibus particularibus deducit universalitates. Complerum sanè ex his omnibus discursibus tum negativis, tum positivis probat sufficienter Physicam Peripateticam esse magis consentaneam rationi, & novantiquitati istî præferendam esse.

§. IV.

221 **I**N articulo primo disputat doctè hic Author numerum, essentiam, qualitates, operationesque uniformiter disformes quatuor notorum elementorum. Huic disputationi parco, quia passim obvix, & quia admodum rationabilia sunt, quæ dicæ hac super re. Dicæ 2. tam Peripateticos rigidos, quàm rigidos athomistas dicere verum, & dicere falsum, quando illi affirmant, & hi negant elementa posse

posse in alia transmutari (loquendo de elementis, prout sunt apud nos, idest, impuris, atque multifariam mixtis; quia de elementis puris tamen experientia nostrae non subint, fatetur non posse una converti in alia) & sententiam mediam profert, quam inquit non posse falsitatis convinci. Nimirum, elementa posse de novo generari, quatenus transire possunt ab actu metaphysico insensibili, aquae v. g., ad actum physicum sensibilem aquae, hoc est, quatenus atomi aquae sparsae per aerem v. g., & sic insensibiles, possunt coadunari, & ita combinari, ut appareat aqua. Et posse corrumpi, quatenus possunt hanc transire ab actu physico sensibili ad actum insensibilem metaphysicum: hoc est: quatenus atomi aquae possunt ita dissipari per aerem, ut non appareat nisi aer. Et in hoc solo sensu posse unum elementum converti in aliud elementum. Jam vides hanc sententiam, quam dicit Mediam, esse casum quemdam particularem illius universalitatis de Atomis, & de arte Combinatoria applicata naturae, & de entibus naturalibus apprehensis, & creditis artificialibus. Unde rationes negativae, ac positivae nuper datae refutantes illam universalitatem refutant hanc particularietatem. Addit Generationem, corruptionem, permanentiamque elementorum in mixtis, esse claves totius Physicae circa compositionem entis naturalis. Id nego; tum quia ut jam adverti supra, antiquum est detorqueere aliò pondus belli, ut interea occupati soli possessio radiceatur: tum quia generentur nec ne strictè, ac rigorosè elementa: convertantur nec ne rigorosè una in altera: perseverent nec ne actu actu formaliter (ad minutissimas utique atomos redacta, ut ex Aristotele bene probat hic Author, & constat ex eo, quod non percipiuntur sensu, nisi quando arte, vel natura resolvitur illud corpus, & solutae elementorum particulae conglobantur inter se, atque sic incipit apparere aqua, spiritus, & terra) subsistit adhuc praesens difficultas. Metalla, herbae, arbores, bestiae habent ne ultra coordinationem, & combinationem istorum primordialium corpusculorum, idest, istorum minimarum particularum elementorum aliquod principium substantiale, intrinsicum, stabile, atque universale pro omnibus operationibus propriis illorum, quod principium vocamus formam substantialem. Vel non habent. Vos dicitis hoc secundum propter rationes scriptas supra. Ego dico primum propter illas alias negativas, & positivas, quas subjunxi: ergo quidquid sit de perseverantia elementorum, quo actu formaliter sint talia, & quidquid sit de generatione, corruptione, ac conversione illorum, subsistit praesens difficultas. Quod elementa actu formaliter talia perseverent in mixto, ut forsitan aliquando docuit Aristoteles, probat mixta omnia, etiam humana, componi intrinsecè ex illis, non intrinsecè partium essentialium (quoniam partes essentialia sunt praecise materia prima, & forma, & unio, sine quibus nec divinitus potest existere homo v. g., cum tamen divinitus possit existere sine ulla aqua, v. g., sine ullo aere, sicut potest sine corde, sine cerebro) sed intrinsecè partium integralium, cum quibus ita connectuntur mixta, ut sine miraculo subsistere nequeant absque illis,

in quo etiam sensu cerebrum v. g. est pars integralis hominis. Rursus quod elementa videantur una converti in alia v. g. Aqua in aerem, & aer, & aqua in ignem, interdum provenit ex eo, quod numerus particularum unius elementi v. g. aeris, adeo praevaleat contra paucitatem particularum alterius, ut absolutè, & simpliciter sit aer, & res apta respirationi, quamvis admixtus particulis aquae sicut rebus aliis admixtus est infra Lunam. Interdum ex eo, quod unum elementum (v. g. Ignis in vasa ardentissima fornace cuius tota vacuitas videtur ignita) producat suam formam in atomis cunctis, quibus refertus erat ille aer, nec non in eis, quae erumpunt successivè ex corporibus, quae ibi comburuntur: unde vacuitas tota plena corpusculis ignitis admixtis cum corpusculis aëris, apparet tota ignita. Er sic aquae subterraneae possunt esse magnum pabulum subterraneorum ignium propter innumera corpuscula extranea, quorum sunt quasi vehiculum, & quae in ignem convertit ignis ille: quod autem unum elementum immediatè, directè, ac formaliter in se convertat aliud, expellendo formam huius, & producendo propriam in illis eisdem particulis materiae, difficile est: maximè cum elementa pura nupiam, & nusquam experiamur.

222 In articulo 3. disputat; An elementa perseverent actu formaliter in mixtis? Respondet, perseverare secundum actum metaphysicum, & insensibilem, secus secundum physicum, & sensibilem. Hoc est. Perseverare Atomos multas terrae, aquae, aeris, ignis, id est, quae si solvantur ab aliis, & inter se combinentur, erunt una terra, aliae aquae, aliae aer; sed quia dispersae, attritae, valdeque mixtae sunt cum extraneis corpusculis resultantibus ex multis aliis subcombinationibus horum elementorum, quibus solis componitur juxta ipsum omne ens naturale, ideo nec acutissimo lynceo oculo discerni possunt: & sic explicat Aristotelem inferentem, fore ut mixta non essent propriè mixta, sed composita, sive aggregata quaedam, si vera esset quorundam opinio agentium, mixtionem nil aliud esse quàm *compositionem secundum partem heterogeneam*. Ad hoc enim ut oculus corporeus, quantumcumque aptus, & aptissimis adiutus instrumentis percipiat objectum, necesse est hoc habere milliones, & milliones punctorum. Et adducit exemplum ex doctrina Pauli Casari. Sicut enim eadem aqua, quae in alveo dicitur fluvius, quando intrat in mare amittit hoc nomen, & postea potest illud recuperare, si nimirum per occultos terrae meatus evadat in fontem, & fluere iterum incipiat: ita illa eadem elementa, quae ante compositionem mixti erant elementa, amittunt in illa hoc nomen, & postea recuperant illud, quando mixtum resolvitur. Rei huius substantia satis probabilis est; tum quia Aristoteles ait; mixta consistere (integraliter utrique, non essentialiter) elementis, sicut syllabam litteris. At syllaba *Ba* constat essentialiter litteris *B*, & *A* non potentia utrumque, sed actu formaliter talibus. Ergo mixta constant integraliter elementis actu, & non potentia. Et quamquam alibi non rare dicat, elementa esse in mixto, *non actu, sed potentia*, potest hoc sine

Arist. lib. 1
de Generat.
cap. 21.

Casarius di-
fert. 4. de
Ignis.

Aristot. 2.
Metaph.
text. 60.

sine ullo absurdo, aut violentia intelligi juxta frequentem modum loquendi, quem noto, & exemplis satis claris confirmo. Decade quarta Regularum de modis loquendi scripturæ. Videlicet, frequens esse, negare absque falsitate, improprietate, abusive terminorum, id, quod quamvis verè physicè sit, non tamen apparet, seu externè constet: Sic Paulus dicit, Melchisedecum *sine Patre, sine Matre, sine genealogia, neque initium dierum, neque finem viæ habens*. Quoniam licet ista omnia verè physicè, actu, & non solùm potentia habuerit, quippe qui purus homo erat ex Adamo descendens; omnia tamen illa latebant, neque vulgo constabant; cum tamen illa omnia notissima esse soleant in Proverbiis tanti ordinis, cujus erat Melchisedec. Sic Horatius obscurum quemdam hominem *vocat sine gente*; nam licet gentem actu physicè habeat, vel habuerit, talis non erat illa, ut in Republica discerneretur. Cum ergo elementa non discernantur in mixto, neq; vulgo appareant, neque unquam clarè detegantur, nisi quando mixtum resolvitur, mirum non est, quod utens Philosophus communi hoc modo loquendi, & in omni litteratura usitato, dicat elementa non manere actu formaliter in mixtis: quia non est apud homines quod non apparet esse.

223 Tum quia sicut in re altioris momenti aiebat Paulus, *uniuscujusque opus quale sit, ignis probabit*: ita uniuscujusque mixti compositioni integrale ignis probare solet. At quoties mixtum subijci, & resolvi potest per ignem, sensu ipso experimur illud resolvi in elementa. Quoniam particule unæ abeunt in fumum (qui est aggregatum quoddam ex subtilissimis portiunculis paucioribus àëris, & pluribus aquæ, & terræ, quando corpus fumans adhuc retinet crudicatem) aliæ in spiritus, qui sunt subtilissimæ portiuncule àëris (fumi, spiritus, & vapores agilitatem, & respirabilitatē passivam habent, quæ sunt notissimæ proprietates àëris) cum subtilissimis aliis substantiæ corporis illius, atq; adeo activiores esse solent ob suam subtilitatem: sicut apex flammæ, acies, ac acumen gladii. Aliæ in vaporem, qui est aggregatum ex portiunculis àëris, & pluribus portiunculis aquæ corporis illius, quæ portiuncule successione continua auctæ in operculo Alembici, naturali pondere multitudinis relabuntur, & fluunt multoties prorsus liquidæ, pelucidæ, claræ, & aliàs potabiles ab ignaro originis, unde exierunt, & non percipiente odorem, aut saporem, quem secum vehunt (simili modo sunt pluviz in Atmosphæra) Aliæ demum restant pulvis, cinis, terra, & caput mortuum, ut dicunt Chimici. Ergo cum omnia ista non generentur de novo, quia non apparet rationabilis, & proportionata causa tot generationum, & tam etherogenearum: neque congruè dicatur, hæc omnia elementa latuisse intra poros, & sparsa fuisse per occultos canaliculos illius corporis, nam licet hoc contingat multoties, v. g. quando limo, manu, uva torculari trabe, oliva molendini rora comprimuntur, non tamen sufficit, quia aliàs semper, ut contingit etiam in istis casibus, restaret corpus illius mixti quoad suam substantiam, quandoquidem solum abierant illa, quæ occupaverant suos poros, & concavitates internas. Atqui non restat post totalem resolu-

*Idem lib. 5
de Gener. 6.
20. & 21.*

Ad Hebr. 7

*Lib. 2. Sa.
17. 5.*

1. ad. Cor. 3

tionem. Ergo dicendum ista omnia elementa verè, actu, ac physice fuisse in eo corpore non tamquam partes essentielles, sed integrales, ut sapè monui: & corrumpi, quando ex illis fit mixtum, ut dicit hic Author, nisi solum quoad *dici*, seu apparentiam, quamvis ita attenuata, & quasi in rorem, aut pulverem redacta, ut sensu non posset perpi, donec ille adveniret, qui uniuscujusque corpus quale sit, probat. Ignis, nimirum. Hic activitate sua dissipans gluten, & quasi viscum, quo illa omnia (in subtilissima minima redacta per Deum, qui hanc fabricam, & œconomiam voluit in corporibus sublunaribus) conglutinata erant, solvit nodum, & unionem illorum: & reliquens ea libera, facit ut similia cum similibus agglomerata se ostendant sensui, & facit quod dissimilibus à dissimilibus semotis, appareat çtherogeneitas rerum, quibus integraliter constabat machina, seu moles illius mixti. Neque dicas, fore ut aqua per alembicum extracta ab herbis, sit materia sufficiens ad baptismum. Quoniam sicut pro Eucharistia non elegit quemvis panem, quoad substantiam talem v.g. panem non coctum; sed panem, qui in usu communi esset talis, nempe panem coctum: neque elegit quodvis vinum, quoad substantiam tale, v.g. Vinum in uva; sed quod esset tale in usu communi, scilicet, vinum extra uvam. Ita non elegit quamlibet aquam, sed illam quæ in usu communi est, ac dicitur aqua. Sed aqua in quam mixta ista resolvuntur, etiam aqua, sit quoad substantiam, non est aqua vulgaris, & quæ est in usu communi. Ergo tam idonea est baptismo, quam panis crudus, aut nuda consecrationi.

224 Tum demum; quia sententia negans elementa dicto modo per Deum attenuatissima (quia hanc œconomiam voluit in corporibus sublunaribus) perseverare actu formaliter in mixtis, præcipuè fundatur in horrore ad duas formas substantiales in eadem parte materie, quarum una sit alteri subordinata, ita ut detur forma corporeitatis, quæ sit substantiale completum resultans, non quidem ex organizatione membrorum, quia hæc est accidens quoddam consistens in figura, loco, situ, & coordinatione illorum, idest, in unis præsentis, & carentiæ aliarum; sed ex dictis formis substantialibus elementorum, & ex aliis adhuc imperfectis supponentibus illas. In horrore, inquam, hoc, & in rationibus eum fundantibus, fundatur illa sententia. At in Physica ostendi non esse cur tantus horror concipiatur: cum plerique ex contrariis, defendentes substantiam creatam esse formam substantialem positivam, admittant eo ipso duas formas substantiales positivas in eadem materia (quamvis diversorum generum, quales etiam sunt, quas ponit hæc alia sententia) formam v.g. viventis, & formam subsistentiæ, quarum illa est subordinata huic, eo quod hæc suapte natura præsupponat illam in ente naturali, quod ultimo complet in ratione Personæ, aut suppositi tantum: sicut hæc alia sententia docet formam ligni v.g. suapte natura præsupponere in materia, quam ultimo complet in specie ligni, formas elementorum, & alias. Ergo. Propter hæc rationes probabilem reor sententiam quoad substantiam, quam docet

docet hic Author, nempe in mixtis perseverare actu physice, ac formaliter elementa distributione accommoda. Nego tamen illud de actu metaphysico insensibili, & de actu physico sensibili; tum quia particule istæ primordiales, & elementares, aut sunt, aut non sunt coram Deo, & Angelis ejus, terra, aqua &c. si primum, hoc dico esse satis probabile. Si secundum, ergo terra est collectio atomorum, quas non dicis quid sint antea: & aqua est collectio atomorum, quas non dicis quid erant prius, quando dispersæ erant; tum quia istæ phrasæ alludunt ad compositionem, seu potius essentialium Constitutionem mixtorum ex solis atomis elementaribus *scilicet*, & *scilicet* combinatis, *scilicet*, & *scilicet* dispersis, sine ulla alia forma substantiali. Quod falsum est; nam unaquæque species mixti, & multo magis si est vivens, & multo magis si est sensibile, & omnino certè, si est rationale, præter istas atomos, juxta sententiam super compositione continui, imbibit formam aliam substantialem, quæ sit stabile universale principium proprietatum illius mixti, substantialeque distinctivum illius ab aliis speciebus. Et hoc propter rationes toties datas.

225 De igne an actu formaliter sit in omni prorsus mixto, præsertim vivente (non loquor de lampyræ, aliisque insectis tum marinis, tum terrestribus, tum volantibus, quæ noctu lucere videntur: nec de ignis serpentibus, quos in Hæbræos misit Deus, qui poterunt esse bestiarum verè naturaliter viventes absque miraculo) non ita facile philosophabor; tamen enim ignis possit esse in corde, in præcordiis, & in spiritibus ita subtilizatus, attenuatus, temperatus, atque rebus aliis castigatus, ut non exerere possit solitas suas vires. Item; licet multoties, non solum lucere, sed scintillare quoque videantur oculi animalium inter tenebras. Demum; licet nobis ipsis videamur, quando in loco obscuro impingimus capite in parietem, videre quasi globulos lucis erumpere ex oculis nostris; verumtamen, neque experientia Alembici, neque ulla alia probat in mixto omni vivente, aut non vivente esse ignem, qui actu formaliter sit ignis. Istis namque experientiis sufficere videtur calor intensus, atque in subtilissimis particulis viventis receptus, quæ particule propter suam agilitatem, ac subtilitatem vocari solent *Spiritus*. Particulæ hæc vivaces, ac fervide ratione contusionis, perfricationis, iracundiæ, aut specialis attentionis, aut coarctationis in angustis loculis, facile accendi possunt à se ipsis, quæ utpote perfectiores forma igniculi, possunt esse causa æquivoca illius, & facile extinguuntur etiam. Sic quando pellem pilis crispam dorsi, aut capitis felis, aut canis benè nutriti manu perfricamus, scintillas quasdam volitantes videmus, si locus sit obscurus, nempe quæ subtilissimi spiritus evadentes ex illis corporibus, & pinguedine subtilissima imbuti, protinus accenduntur perfricatione illa inter pilos asperos. Sic quando chalybe quatimus silicem, minutissimæ hujus particule, sed acutæ, ac asperæ contusione illa confestim accenduntur ab illis mixtis, quæ, ut pote perfectiora quam formula illa igniculi illius, sine magno absurdo possunt esse causa æquivoca illius; tamen non omne perfectius

alio, in causa æquivoca illius; nihilo tamen minus, quando est perfectius ex una parte, & ex altera semper omnino ad præsentiam suam, in eodem penitus concursu dispositionum fit illud alterum, sine magna temeritate possumus dicere illud esse causam æquivocam, & eminentialem huius. Sic denique quando nubes fulgurant, imò quando fulminant, etiam subtilissimæ exhalationes, & spiritus in ictu oculi accenduntur, vel accendi possunt per spiritus alios sulphureos, mercuriales, aureos, aliorumque mixtorum, quibus spiritibus referta est nubes, & non omnes sunt æquè dispositi, ut inflammentur. Hi spiritus, perfectiores utique quàm forma ignis, adiuti, sive excitati, atque exagitati oppressione humoris frigidi, quo etiam imbuta est nubes, nec non motu, & agitatione possunt esse causa æquivoca illius instantanei ignis, qui vel est mera coruscatio, vel etiam fulmen propter longè majorem materiam, quæ accenditur. Non ergo est omnino firmum, quod in omni prorsus vivente est actu formaliter ignis.

226 Pergit hic Author ad explicandum diversitatem temperamentorum, atque complexionum humorum: unde varia prognostica dat super indole, super ingenioque hominum. In primis si prognostica sint de actionibus ipsius, atque de actu secundo (qualia non esse videntur) falsa sunt, non solum propter actiones liberas, de quibus cerè non loquitur; Sed etiam propter actiones naturales; quia cum inclinationes, & aversiones toties enerventur, seu hebetentur propter occursum multarum aliarum causarum contrariarum, causa inducens hanc vel illam inclinationem, seu aversionem respectu huius, vel illius actionis naturalis, non est firmum fundamentum, & universale ad vaticinandum has, aut illas actiones naturales, nisi ad summum, ut *aliquando*, vel *aliquoties* attenta natura rei habendas. Si prognostica sint de solo actu primo, hoc est de *solis inclinationibus*, aut *aversionibus* habendis, etiam intelligenda sunt cum his restrictionibus, ut *plurimum*. Item. *Attenta solo titulo huius temperamentis*: cum enim temperamentum A: v. g. humidum, possit conjungi cum tot aliis contra causis, ipsum castigantibus, & coercentibus, v. g. cum consuetudine, seu habitu contrariis, cum qualitate ciborum, cum qualitate àëris Atmospheræ intra quam degimus, cum qualitate ventorum ibi regnantium, cum qualitate syderum minus, aut magis oblique ibi influentium, & cum multis aliis contrariis illi temperamento, quæ ipsum quidem non destruant, sed compescant: inde est quod prognostica illa de ingenio, & aliis qualitatibus, & de inclinationibus, & aversionibus naturalibus, & de valetudine, fundata in *solo* temperamento, & complexionem, nequeunt esse universalis, & solum possunt esse vera cum eis limitationibus dictis. Præterea eadem individua Persona mutat temperamentum, saltem magna ex parte, in pueritia, in adolescentia, in juventute, in virilitate, in senectute. Mutat temperamentum mutatione regionum, mutatione studiorum, & negotiorum, mutatione jugis tenoris vitiorum, maxime corporalium, & virtutum, & multis aliis de causis. Ergo neque ex semel habito temperamento possumus præscire incli-

natio-

nationes, aut aversiones naturales in posterum futuras, quandoquidem ad eas, sicut ad ingenium etiam, atque ad vigorem animi juvat, aut nocet fabrica ipsa physica corporis, & bona, vel mala coordinatio membrorum, atque instrumentorum: quamvis enim Citharedus sit peritissimus, non bene sonabit Cithara, si fracta sit, aut malè facta. Atqui temperamentum maxima ex parte stat in æqualitate, vel prædominio elementorum, attenta singulorum naturâ. Ergo ex æqualitate illorum, vel alicujus prædominio sumi nequit universale, & firmum prognosticon adhuc quoad eas res naturales, ingenii, prudentiæ, roboris, sagacitatis, valetudinis, inclinationum &c. Potest sanè dici. Ille, in quo prævalet elementum terræ, tamquam pars essentialis ipsius hominis (quia ut jam dixi, essentia physica consistit in solis materia, forma specifica illius mixti, & unione, sine quorum uno solo, nec divinitus potest existere homo, cum tamen divinitus possit existere sine elementis: unde Aristotelicum illud, *mixtum fit ex elementis, sicut syllaba ex litteris*, non significat similitudinem adæquatam, sed solam inadaquatam, consistentem in eo, quod elementa perseverent in mixto actu formaliter, sicut litteræ in syllaba) Ille inquam, in quo prævalet terra, quamdiu hæc prævaleat, & attento hoc solo titulo, ingenium hebes habebit, & inclinationes rudes, segnes, & parum honoratas. Molles verò, ac desuentes ille, in quo prævalet elementum aquæ, idest, per cujus materiam primam totam, & integram plures portiunculæ aquæ sint sparæ. Inquietas, subriles, turbidas, & parum firmas ille, in quo prævalet elementum aëris. Acres, vivaces, mordaces, efficaciæ ille, in quo prævalet ignis formalis, aut æquivalens. Sed jam vides catervam combinationum causarum aliarum, quæ prædominium illud coercere, ac castigare possunt.

227 Ex dictis solvuntur argumenta, quæ in articulo tercio scribit hic Author. Primum format ex Alembico toties introducto. Experientia hæc, sive hoc mechanicum argumentum idoneum est ad rationabiliter probandum, omne mixtum, etiam humanum, componi integraliter ex elementis, actu formaliter coram Deo, & Angelis ejus talibus, licet non coram hominibus, donec adveniat ignis, atque ideo, ut supra adverti, Aristoteles dixit non semel, elementa manere in mixto, non actu, sed potentiâ. Igitur. Sicut in hac charta completum ex innumeris punctulis quantitatibus, punctulis formæ illius herbarum, ex qua fuit facta, punctulis subsistentiæ (juxta sententiam docentem, illam esse quid positivum) punctulis gravitatis, punctulis viscositatis, punctulis præsentis &c. est subiectum, sive substratum, super quod cadit atramentum harum linearum, harum litterarum, quas calamo formo. Item. Sicut complexum ex materia, forma peripatetica, & unione unaquaque cum sua suppellectili, est subiectum, sive substratum, super quod cadit forma substantialis positiva *subsistentia* juxta Authores id docentes. Ita complexum ex innumeris punctulis materiæ primæ, punctulis quantitatibus, punctulis gravitatis, punctulis terræ actualis, & formalis, punctulis aquæ actualis, & formalis, punctulis

aëris

àëris actualis, & formalis, est satis probabiliter juxta experientiam istam, subjectum, seu abstractum, super quod cadit unaquæque specifica forma mixtorum, quæ sit substantialē intrinsecum distinctivum, unorum ab aliis, substantialēque, permanens, & universale principium omnium proprietatum mixti. Ad hanc usque lineam ascendit non admodum violenter mechanica ista experientia Alembici, sed non ultra, ad negandum scilicet generationem aliarum formarum peripateticarum in materia mixtorum tum propter duodecim illas rationes, partim negativas, partim positivas supra repetitas; tum determinatē, ac sigillatim propter formam peripateticam ignis, à qua tamquam à restygia fugiunt omnes hi Combinatores, & Pereyristæ. Etenim quando mixta resolvuntur, experimur terram, hoc est, pulverem, ac cinerem relinqui: experimur fumos, vapores, atque spiritus, sive exhalationes, quæ tria mixta, cum sint agilia, & passivè respirabilia, satis indicant componi ex multis portiunculis terræ, atque aquæ, ut constat ex fuligine, quam annexam parietibus Camini relinquit fumus, & ex aqua, in quam resolvitur vapor; tertium, ex multis acutissimis, & vivacissimis portiunculis formæ carnis illius, ossis, liquoris, aut alius rei (non habentis formam viventem, ut pote jam separatam, vel nunquam, ibi inductam) quæ in alembico est. Hæc tria elementa experimur. Ignem autem actualem, & formalem, ubi, quando experimur relinqui post resolutum illud corpus? Recole quæ dixi supra circa hoc. Deinde, quamvis athomi igneæ sparæ essent per lignum v.g., hoc non tolleretur, quod ignis illi ad motus novas particulas formæ ignis in illa produceret, sicut quod athomos aqueas habeat, non tollit, quod novas acquirat athomos aqueas, quando nova aqua infunditur illi. Præterea quando homo, canis, felis &c. vescuntur pane, & sunt substantialiter majores, quas atomos humanas, caninas, aut fellinas per panem sparsas, coadunant in se ipsis, ut substantialiter crescant? Quando bestię generant animas suorum filiorum (si non sit Pereyrista) quas particulas equinas, murinas, aquilinas, mulares, seu illius alterius, sparsas per sanguinem, & ibi latentes, coadunant, combinant, & faciunt apparere? Dicendum ergo videtur juxta rectam rationem, quod licet agentia naturalia, saltem nobis nota, non generent in ligno formam aquæ, formam àëris; generant verè, ac simpliciter formam ignis in sensu peripatetico: & quod duo, tres, quatuor, viginti casus particulares, quos experimur, impares sunt dando canones universales pro tota natura, & pro rebus quas non experimur.

*Arist. 1. de
anim sensu
25.*

228. Hinc cum ignis juxta Aristotelem sit omnium elementorum activissimum, & etiam tenuissimum, tamen impurum sub Luna, facilius operatur cæteris paribus in subjecto minus terræ, & plus tenuissimum spirituum habente, non quidem aridorum, & exsiccorum, quales sunt purè àerei, sed subtilissimam aliquam pinguedinem habentium. At inter res combustibiles nobis notas, unæ minus habent terræ, plurimum autem didictorum spirituum, ut nitratus pulvis (ratione nitri; nec non sulphuris attenuati, & triti) pili superficiales fornicis, qui pul-

pulvere illo imbuti esse solent. Aliæ multum quidem eorum spirituum, sed plus justo agglomeratorum, ut massa ipsa sulphuris, quæ non tam promptè inflammatur, sicut pulvis ille. Aliæ minorem copiam eorundem, quamvis absolutè magnam, & admixtam pluribus particulis terræ, & aquæ, ut oleum, pix, cera, adeps, aqua vulgo ardens &c. Aliæ non parvam copiam eorum pinguium tenuissimorum spirituum, sed multo adhuc mortificatam humore, ut lignum, cujus subtiliores particule, & pinguioribus convertuntur in flammam, idest, in ignem rariorem, clariorem, puriorem, levioriæque ratione materiæ, in qua est; densiores verò in id, quod simpliciter, & absolutè vocatur *Ignis*. Aliæ denique res combustibiles, porciones longè plures habent terræ, aut aquæ, pauciores autem tenuis, & pinguis spiritus. Quid ergo, mirum, quod ignis applicatus his subjectis, in unis protinus, in aliis cito, sed non ita cito, in aliis tardius, in aliis numquam, vel non nisi post longum tempus producat formam ignis. Profectò Author hic, qui nobis etiam objicit hoc argumentum, dicens, non solui à nobis, nisi per terminos valde generales, & supponentes id, de quo est questio, debet etiam solvere illud inquires, Ignem in unis corporibus facilius, & citius excitare, ac coadunare atomos igneas per illa sparsas, in aliis segnius, in aliis numquam. Ergo etiam responder per terminos generales, idest, per naturam ipsam agentis congregantis, & atomorum congregandarum, & per terminos supponentes istum atomismum, istamque artem combinatoriam, translaram ex entibus artificialibus ad entia naturalia: de quo atomismo est præsens questio.

229 Objicit 3. Nulla est necessitas dicendi ignem generari de novo, aut extingui, sicut judicat vulgus Peripareticum; quoniam eo ipso, quod ignitæ particule dispergantur, extinguitur ignis, idest, non fit physicè sensibilis: & eo ipso, quod coadunentur, generatur ignis, hoc est, fit physicè sensibilis. Contra 1. Quamvis istud esset verum diploma ignis in particulari, restant aliæ, quæ, vel quarum uniones, debent generari de novo, ut quando animal nutritur, & fit substantialiter mains, non utique quoad essentiam, sed quoad integritatem: item quando unum vivens generat aliud vivens. 2. Quia iste modus generandi, & extinguendi ignem, non esset generare, aut extinguere physicè, ac realiter coram Deo, & Angelis ejus; Sed sensibilis dumtaxat, apparens, & coram hominibus. 3. Quia jam supra dedi rationes negativas, & positivas, ob quas negotium hoc nequit fieri per artem combinatoriam.

230 Objicit 4. Vinum, Allium, Cœpe, Mel, Piper, & innumera alia, si manu tangerentur, aut palato, deprehendi solent frigida; & tamen in stomacho, & in sanguine deprehenduntur calidissima. Unde ergo sunt calida virtualiter, aut habent virtutem productivam caloris illius, nisi quia excitant, & conglobant igneas particulas, aut quas inveniunt in stomacho, aut aperiunt, & communicant quando diluuntur, quas in se ipsis habent. Contra 1. Vos debetis etiam proferre rationem cur in stomacho excitant hujus, vel suas igneas particu-

las, & non in manu, in qua etiam sunt ignea primordialia puncta per vos. Quod si confugiant ad diversas dispositiones in unis, & in alteris partibus, ecce jam inciditis in foveam, quam nobis facitis. 2. Quemadmodum quando ignis movetur ferro v. g. exardescit, non quia ferum physice producat illum majorem ardorem instar causæ formalis, aut virtualis, sed quia exagitando, & revolvendo ignem, qui quasi sopitus erat, facit ut ille exerat vires suas, & majorem calorem producat. Quod etiam facit aqua modica magno igni aspersa, cujus etiam omnia extranea corpuscula, quæ cum aqua admixta erant, convertuntur in ignem. Ita vinum, piper, mel, & ista omnia excitant in stomacho istum majorem calorem, non immediate, ac directe quasi causæ univocæ, aut æquivocæ illius: sed mediatè, ac indirectè, quatenus 1. subtilissimi sui spiritus penetrantes acidum, quod ibi regnat, & non in manu v. g., illud excitant, quod prius languebat, revolvunt, & quasi exagitant. Acidum illud, quod calidissimis spiritibus refertum est totum, exerit suas vires, & in delicatissimis, & sensibilibus partibus stomachi, producit novum calorem: quatenus 2. Acidum illud convertit in se multas portunculæ istarum rerum, vel illarum aliarum, cum quibus mixtæ sunt, & sic crescit, & majorem calorem producit. Sunt multi modi causandi effectum, & non omne, ad cuius præsentiam major calor excitatur, est causa formalis, aut virtualis illius, sed multoties est causa purè indirecta, & quasi per accidens; imò & contraria, cum experiamur manus post lotionem aquæ frigidæ, magis interdum calidas, quia hoste illo movente bellum, spiritus calidi excitantur, & moventur ad resistendum. Idem respectivè dico de calce igne jam subacta, quæ exardescit utique infusa aqua, quia halitus, & spiritus calidissimi (non autem ignei formaliter, quia id non probatur) hoste illo circumdati, excitantur, atque faciliè erumpentes ex calce castigata, & depurata, fervorem illum causant. Nec aliud explicuit S. Augustinus, quando de illa gleba dixit *latenter ignem servat*, idest, spiritus, & halitus, qui propter suam subtilitatem, vocantur *spiritus*, cum re ipsa sint corporei, & propter ardorem vocantur *ignis* cum re ipsa sint res calida, & non plus.

S. Aug. l. 1.
de Civ. 6. 4.

231 Cætera, quæ addit hic Author circa materiam, & formam mixtorum, quæ non sint sensibilia, circa substantiam, accidens, rem, modum, ubicationem, motum localem, unionem, totumque substantiale, sunt corollaria (quæ jam in physica explicui) pendentia ex arthomis, & illo suo solenni principio, scilicet. *Non convincitur*, quasi sistema suum convinceretur, & hoc non esset aperire Januam ad negandum, & dubitandum omnia, & etiam ad dicendum omnia: & quasi non esset, detorqueri ad sensus reflexos evidentiæ irrefragabilem, quæ raro, vel numquam inveniuntur, quæstiones directas, & de rebus prout sunt à parte rei, coram Deo, & non prout nobis apparent, ac sensibilia sunt, in quo stat artificium totum hujus opinionis, nempe in transitu ab actu, quem vocat metaphysicum, & insensibilem (nempe hominibus, sed bene notum Deo, & Angelis) ad actum

actum physicum, & sensibilem, non solum hominibus, sed etiam bestiis: in hoc solo stat juxta hunc Authorem omnis, & tota generatio entium naturalium, quæ viventia non sunt, & sensitiva. Item. In transitu ab actu physico, & sensibili hominibus, & bestiis ad actum metaphysicum, & insensibilem utrisque solis; sed notum, & absolute, simpliciterque existentem coram Deo, & angelis. Brevius. In collectione, & dispersione atomorum. In his solis duobus punctis stat tota generatio, & corruptio entium naturalium juxta hunc Philosophum. Itaque, his duabus voculis armatus quilibet (ut ipsi minus justè exprobrant nobis de materia, & forma, quam multiplicem valde, atque ætherogeneam dicimus quoad essentiam, quoad præquisita, quoad effectus, quoad modum operandi, & quoad multa alia) vagari possit per totum Orbem terrarum, definitivè, atque ex tripode definiens cuncta prorsus phenomena naturæ, tametsi numquam explicet, quot, & qualia corpuscula primordialia, unius elementi, quot aliis elementi corpusculorum carentiæ, quot item aliis, quot rursus aliis componant hanc talem speciem talis entis naturalis quod modo occurrit? Cur hoc agens naturale excitat, & conglobat corpuscula hujus elementi, & non alius? Cur hujus ejusdem tot, & non plura, nec pauciora minima primordialia excitat? Et demum, quali fuga ad solenne illud, *Nos convincitur oppressum*, non esset quærere cubiculum intra cubiculum, ut abscondamur à persequentis veritatis gladio. Ex centum millibus, quæ in omni prorsus arte, & scientia disputantur ab hominibus, nec unum saltem depromes, quod seclusis reflexis Prudentiæ principiis convincatur evidentiâ irresistibili, aliàs jam non foret materia prudentis disputationis. Ideo ne quodlibet dici, aut negari potest impune, ac rationabiliter? Ergo phanatismus, & libertinorum spiritus. Ex cunctis humanis negotiis levibus, mediocribus, magnis, & maximis producat unum, in quo non possit componi absq; contradictione, quod totum illud est merum somnium, quod est oculorum, & aliorum sensuum ludibrium, quod personæ, quæ intervenire videntur ibi, sunt larvæ, si semel abstrahentes à reflexis Prudentiæ principiis, absorbemur toti in eo solo, quod sine contradictione potest esse. Ideo ne cuncta humana, quæ quotidie præ manibus habemus negotia, neganda sunt, vel saltem dubitanda? Num talis Persona sit verè tuus Pater? Num talis sit verè tua Mater? Num talis sit tuus Frater? Num talis sit Maritus? Num talis sit Uxor? Num talis sit Rex? Num talis sit Judex? Num talis sit Famulus &c. Invehatur in Rempublicam hic modus philosophandi, & videbimus mirabilia. Neque valet dicere, vos non aspirare ad hujusmodi ineluctabiles evidentiâs, *Hic tria sunt sex. Quodlibet est, vel non est*, aut similes. Licet enim non aspireris ad illas signatè, expressè, atque verbis illis; aspiratis exercitè, atque tacitè, nimirum non acquiescentes quoties non exploditur contra vos argumentum demonstrans, esse metaphysicè impossibile quod res itto modo contingant. Semper enim, ac hujusmodi argumentum non explodatur, patet hominibus latissimus canapus pro tergiversationibus, cavillationibus, ne-

gationibus, & demum fugâ ad cubiculum intra cubiculum, ut abscondantur. Sæpe ergo, quod sicut nulla valet virtus voluntatis, absque Prudentia: ita nulla speculatio, nullus discursus, nulla doctrina innixa tantum principiis speculativis, & præscindens à principiis Prudentiæ in philosophando. Unde meritò iusta est exulare à nostris scholis tota ista Physica.

232 Illa alia, quæ contra nos agglomerat hic Author, quasi non essent obnoxia eisdem cavillationibus, quibus obnoxia est nostra. V.g. quid sit flamma? quid fumus? quid vapor? quid spiritus? quid fuligo? Cur calx cocta exardescit aqua? quid sit creatio? quideductio? & similia, ad nauseam usque sunt explicata tum in Physica, tum in hac Disputatione. Unum tandem moneo. Si hic Author, & sui nil aliud intendunt, nisi reflexum hoc. Non convinci per ineluctabilem evidentiam, superantem omnem tergiversationem, & cavillationem, & à principiis Prudentiæ præscindentem, systema suum esse falsum, annuo: quia jam monui disp. 1. Physicæ, me hoc non disputare. Sin verò sub his reflexis terminis latet, quod latere videretur, scilicet: Systema illud esse verum, rectæque Philosophiæ omnibus pensatis consentaneum, hoc unum est quod nego.

Finis Primæ Disputationis.



DISPU.

DISPUTATIO II.

DE ACTIBUS INTELLECTUS
IN GENERE.

NON ago modo de potentiis animæ entitativè in seipsis inspectis . An scilicet inter se , atque ab anima distinguantur , quia difficultatem hanc explicui in Prodromo disp. 4. num. 18. Non item de aliis operationibus vitalibus , v. g. de nutritione , aut utravis sensatione , externa scilicet atque per sensus , & interna per phantasiam , imaginativamve potentiam : quia disputatione præcedente hæc omnia disputavi . Non item de aliis operationibus animæ non vitalibus : quia illas ut pote communes rebus aliis evolvi in physica speculativa agens de actionibus , & causalitatibus . Solum ergo disputandas suscipio in hac , & sequente disputatione vitales illas operationes intentionales , atque spirituales animæ , quæ vulgò dicuntur *actus intellectus* , *actus voluntatis* . Memoria namque , seu reminiscentiæ nil aliud revera sunt , quam actus intellectus , quibus iterum cognoscimus id , quod jam olim cognoveramus cognitione oriunda ex speciebus reliquis à prima cognitione , & super hanc plerumque reflectente . Porro intelligentia nostrorum actuum intellectus , & voluntatis res est summopere necessaria pro tota Philosophia , & Theologia . Ambæ quippe magna ex parte examinant signatè , aut exercitè supponunt proprietates actuum utrorumque : Unde tertio quoque passu hærebis , vel ad invia declinabis nisi utrosque bene notos habueris . Sicut ille qui nocturno tempore liberè discurrere vult per urbem , cujus vias pla-

plateas, angiportus, ædificia, & compita nota non habet: aut per domum amplam cujus cubilia, scalas publicas, & occultas ignorat. Quotidiana experientia docet quot & quam decumani Solæcismi committantur in Philosophia, & Theologia ab eis qui nullo, vel pravo modo intellexerunt naturam, qualitatem, proprietatem, diversitatem, similitudinem, dissimilitudinem, & similia actuum intellectus inter se collatorum, & actuum voluntatis inter se, & horum cum illis. Exordiri debebam à famosa illa difficultate. In quonam stet physicè intellectio? In sola ne specie expressa, seu quod idem est, in solone verbo mentis, quod est qualitas absoluta enuntians jam uno, jam alio modo objectum? An in actione hujus productiva, quia certè anima producit in se ipsa, quando aliquid cognoscit hanc qualitatem, quæ dicitur Verbum mentis, sive species expressa, sive intentionalis imago objecti. An in unione hujus qualitatis cum Anima? An in his omnibus? Et similiter de Amore. An ille stet in pondere voluntatis, quod vergit, aut etiam rapitur in objectum? An in hujus ponderis productione? An in unione? An in omnibus his? Sed cum hæc explicuerim in Prodro mo disp. 4. num. 22. Ideò ad minus universalia descendens exordiar ab imperfectionibus intellectus, quales sunt: Scrupulus; suspicio; formido; dubium; ignorantiaque; quia verò si abstractissimè dicantur, atque in casus magis practicos, & notos non contrahantur ægrè percipi solent: idcirco descendam ad bonitatem, & malitiam moralem actuum, quos anima concipere solet sub aliqua ex his imperfectionibus intellectus. Et consequenter portiunculam attingam aliquam Philosophiæ moralis quantum scilicet sufficit pro pleniori intelligentia harum imperfectionum intellectus. Eis explicatis

catis pergam ad physicas animasticas proprietates. *Apprehensionum, Judiciorum, Discursuum*; ad quas solas tres classes reducuntur omnes actus intellectus creati. Sequentibus ergo capitibus distinctam disputationem dabo.

CAPUT I. *De scrupulo, suspitione, formidine, atque dubio.*

CAPUT II. *De Praeambulis in ordine ad judicandum, num. 8. Et de loquutionibus divinis, num. 14. & seqq.*

CAPUT III. *Moralitas operationum factarum, cum ignorantia, dubio &c. num. 20.*

CAPUT IV. *Resolvitur praecedens questio.*

CAPUT V. *De apprehensione, num. 70.*

CAPUT VI. *De Judicio, num. 75.*

CAPUT VII. *De Judicio certo, num. 88.*

CAPUT VIII. *De Judicio evidente, intuitivo, & comprehensivo, num. 100.*

CAPUT IX. *Questiuncula super Apprehensione, ac Judicio, num. 120.*

CAPUT X. *Questiuncula aliae circa Judicia, num. 134.*

CAPUT XI. *De discursu, num. 146.*

CAPUT PRIMUM.

*De scrupulo, formidine, suspitione,
atque dubio.*

I



EMORIA rationalis est *spiritualis potentia*, qua per excitatas species relinquitur in anima ex prioribus cognitionibus, determinata elicit novam cognitionem illius ejusdem objecti. Et quidem ut cogniti antea. Non enim esset verè, ac simpliciter recordari si intellectus determinaretur per Deum ad iterum cognoscendum.

A cum ignorantiæ totali quod illud olim noveris. Species illæ relinquuntur, ac excitantur sicut supra dixi de speciebus materialibus relictis in phantasia. Intellectus est *spiritualis potentia*, *spiritualiter cognoscitiva objecti*. Cumque primò cognoscere objectum, & secundò, & tertio &c. cognoscere illud idem, nec non priorem illius cognitionem, non sint exercitia specificè diversa, jam vides memoriam, & intellectum solo nomine differre: eadem namque potentia cognoscit rem primò, secundò, & tertio &c. quod autem aliqui dicantur habere acutam memoriam, & obtusum intellectum, venit ex organorum ejusdem potentie diversitate. Nempe ex diversitate organorum, quibus anima unita corpori eget tum ad recordationem, tum ad intellectiones. Sicut quod aliqui bene audiant, & male videant. Voluntas est. *Spiritualis potentia*, *spiritualiter approbativa*, aut *reprobativa objecti*. Vulgò dicitur potentia cæca; sed est loquutio præcisiva, nam voluntas, & intellectus sunt idem, ut dixi loco jam citato. Ex logicis autem præcisionibus frigidum valdè argumentum potest sumi pro realitatibus Philosophicis, aut Theologicis. Fundamentum illius præcisionis est quod cognitiones distinguantur ab affectivis approbationibus, & reprobationibus: & per figuratam loquutionem solet tribui principio proprietates effectuum, ac vicissim, ut toties adverti. Harum potentiarum exercitia exponam. Et incipiam à minimo. Dico. *Scrupulus* tametsi abs jure confundatur ab aliquibus cum suspitione; imò cum formidine; imò cum dubio, quia non semper discernimus practicè minutias has cognitionum nostrarum. Verumtamen strictè, atque pressè sumptus ab istis omnibus distinguitur: estque physicè ex parte rerum. *Apprehensio* non omnino rejecta (spiritualis utique, & non solius potentie imaginativæ actus) rei à se, vel ab alio factæ, aut omissa nullo, vel levissimo fundamento concepta. Et propter hanc levitatem dicitur *scrupulus*, quæ vox rem levissimam significare solet. Dicitur *Apprehensio*; quia omne quod est actus intellectus, & non est iudicium, aut discursus, est mera apprehensio: quippe in has tres classes reducuntur omnes actus intellectus, (quip-

quippe intellectualis representatio objecti, vel est talis, ut nil penitus de illo affirmet, aut neget: & sic est mera apprehensio: Vel de illo aliquid affirmat, aut negat cum modo, aut sine modo: & sic est iudicium. Vel enunciat unum ex præcognita, & ob præcognitam connexionem alterius cum eo: & sic est discursus) sed omnis scrupulus strictè sumptus, est actus intellectus, ut jam adverti: quia licet præcedere soleat imaginatio, seu actus phantasie, anima attenta non sistit in ea, sed necessariò pergit ad ulteriorem actum perfectiorem, qualis est actus intellectus: sicut quando sensu exteriori percipit objectum non sistit in ea externa sensatione, si attenta est, sed imaginatione primò, intellectu deinde percipit objectum illud. Deinde scrupulus non est iudicium, aut discursus; quia neutrum ex his duobus est merus scrupulus; sed aliquid plus. Ergo. Dicitur *non omnino rejecta* scilicet per firmum iudicium de contradictorio; quia aliàs Catholicus renatus contra Fidem per apprehensionem clamantem contra hanc, diceretur credere Deo, atque in Deum *cum scrupulo*; quod absit. Dicitur 3. *vel à te, vel ab alio &c.* tum quia scrupuli non sunt de re merè speculativa, & possibili duntaxat v. g. apprehensio rupium, quæ totæ sint ex saccharo, apprehensio maris, quod torum sit ex lacte, & similes futiles apprehensiones, quas meritiò vocamus *Paradijum mente captorum*. Sed sunt de re practica, & facta, vel facienda libere, omissa, vel omitrenda liberè; tum quia non tantum habemus scrupulos de nostris; sed etiam de alienis actibus. Unde homines plus iusto tenaces sui honoris torqueri solent scrupulis contra decus suam propter tales, aut tales actiones alienas: v. g. Si ille actione, aut omissione eâ, vel tantillum tangit meum honorem &c.

2 Dicitur demum *nullo, vel levissimo &c.* Et hoc differt à suspitione, quæ sit mera suspicio, & non sit insuper formido; quoniam suspicio est apprehensio etiam, majusculo fundamento concepta, & non rejecta (ut nuper dicebam de scrupulo; alias sequeretur etiam Catholicum tentatum credere *cum suspitione falsitatis*) scrupulus verò levissimo, aut nullo. Sicut enim propria malitia consistens quandoque in levitate animi, quandoque in aversione contra proximum, quandoque in experientia morum priorum (quia ut nostrum dicit proverbium *putas omnes esse sui similes*) solet supplere defectum quantitatæ fundamenti ad rationaliter iudicandum, ut contingit in peccato iudicii temerarii. Ita horror, & timor rei A, solet supplere defectum levissimi etiam illius fundamenti quod requiritur ad apprehendendum *se, vel alium fecisse rem A*. Sicut enim plaga in parte delicatissima dolet, quamquam gossypio, aut bysso subtilissima attingatur, & interdum quamquam nullo, sed sola imaginatione tangatur. Ita quando anima est delicata circa rem A, levissimo, & interdum etiam nullo fundamento excitatur apprehensio de re A, facta per te, vel per alium, & non ut merè speculativè possibili. Illa apprehensio temerè excitata animamque mordens, est, quæ vocatur scrupulus: quia hæc vox non solet applicari cuivis apprehensioni temerariæ, sed ei soli, quæ ratione sui objecti, vel ra-

tione subjecti in quo datur, vel ratione utriusque, subjectum ipsum torquet. Porro apprehensiones quoque, & non judicia tantum, atque discursus, egere interdum (ut sint non solum prudentes; sed physice saltem rationales) aliquo fundamento, tamen leviore, sive ex parte objecti, sive ex parte subjecti, videtur certum; tum quia quavis intellectus degeneret à prudentia; tandem est potentia rationalis. Ergo nequit apprehendere, ut practice actum, id pro cuius existentia nullum penitus est fundamentum; tum quia licet apprehensiones pure speculative, atque de re ut pure possibili, fundamento non egeant, quales sunt illæ mentecaptorum, quas nuper memini; ast apprehensio saltem physice rationalis de eo, quod res *A facta, aut facienda sit*, aliquo saltem levi eget fundamento. Alias rationabiliter posses apprehendere, non ut mere possibile, sed ut practicum *se fuisse* in horto, vel in cenaculo inter Apostolos, aut *se fuisse* cum Jasone quæsitum aureum vellus: ita ut ex illa apprehensione posses prodire in decumanam hanc stulticiam. *Num verè sui ego inter Apostolos in horto? Num verè, atque in actu secundo vellus sum in Argonavi, & sui unus ex Argonautis?*

3 Hinc operari cum scrupulo, & contra ipsum sumptum secundum positivum, id est, sumptum pro sola dicta apprehensione malitiæ, non est ex se peccatum ullum: neque est operari cum remorsu, vel contra remorsum conscientie sufficientem ad peccandum, nisi aliunde subrepat, ut facile potest, aliud actionem inficiens; quia nullus operans cum iudicio firmo, & humano modo prudente, de eo quod sua operatio non est prohibita, ullatenus peccat: siquidem hic non operatur contra conscientiam retrahentem. At multi operantes cum scrupulo, & contra scrupulum secundum positivum dumtaxat, possunt operari cum iudicio firmo, & humano modo prudenter, de eo quod sua operatio non est ullatenus prohibita; quia in sensu composito apprehensionis vehementer inclinantis ad iudicandum rem *A*, potest, & solet intellectus habere prædictum iudicium de opposito. Ut contingit Catholico vehementer tentato contra articulum fidei, qui firmiter assensit illi in sensu composito illius tentationis, hoc est apprehensionis vehementer sollicitantis ad negandum illum. Et contingit etiam illi, qui media nocte solus descendit ad habitaculum mortuorum, qui in sensu composito apprehensionis vehementis, firmiter iudicat nullum illorum assuescitur in pedes. Ergo. Sed quid si homo ille non repellat positivè scrupulum per dictum iudicium; sed ab hoc abstinens operetur ad præsentiam illius solius scrupuli reclamantis? Respondeo. Casus in primis non videtur practicus; quoniam volitio ipsa operationis illius exercitè, ac practice supponit iudicium de levitate apprehensionis illius contrariæ, excepto si temerè procedatur in hanc volitionem, quidquid sit de hoc, sit nec ne peccatum, volo actionem *A*; quia nunc jam vides peccatum. Deinde cum scrupulus ipse, sive apprehensio peccati leviter concepta per se immediatè in genere causæ formalis notificet animæ levitatem fundamenti ad apprehendendum, & multò melius ad iudicandum malitiam in ea actione: Id circò scrupulus ipse per se ipsum

sum exercitè, atque in genere causæ formalis est incapacitas retrahendi obligatoriè ab ea actione. Ergo nisi aliunde subintret alia advertentia retrahens, vel scrupulus ipse ratione circumstantiarum se habentium ex parte subjecti, assurgat usque ad conscientiam retrahentem, eo quia subiectum illud putet fundamenta ea verè levìa, esse gravìa, actio non inficietur malitià.

4. *Suspicio* penes magis dumtaxat, & minus differt à scrupulo. Est enim admissa, suscepra, & voluntarie audita apprehensio etiam, magis inclinans in iudicium de re A, quia vel majore excitatur fundamento, vel licet fundamentum sit æquè debile, atque in casu scrupuli, invenit subiectum magis dispositum, & primum in iudicium illud. Solet autem illius admissio his aut similibus verbis explicari, *quis scit, si iste furatus est mihi li brum? Num iste furatus fuit?* Unde Samaritana illa, quæ suis dicebat. *Venite videte hominem qui dixit mihi omnia quaecumque feci.* Numquid ipse est Christus? Nondum judicabat; sed habebat suspitionem, quod ille erat Christus. Et sicut inter scrupulos uni sunt vividiores aliis in sua ipsa levitate fundamenti. Ita inter suspiciones unæ sunt vehementiores aliis, tametsi omnes fundamento innitantur impari ad iudicandum. Ad scrupulum ergo sufficit fundamentum obiectivum, aut subiectivum ut unum; ad suspicionem verò, ut duo, ut ita dicam, uterque autem completur in sua ratione per carentiam iudicii absoluti de opposito: unde utrumque seorsim ab illa carentia voco scrupulum, aut suspicionem *secundum positivum* solum: conjunctum verò cum ea carentia voco scrupulum, aut suspicionem absolutè, ac simpliciter. Et sicut iudicare absolutè contra honorem proximi, absque fundamento sufficiente ad iudicandum, est peccatum. Ita suspicari delibèratè, absque illo etiam leviori fundamento, quod sufficit ad suspicandum, ægrè excusatur à peccato. Est tamen interdum licitum, juxta concurrentes circumstantias, explorare amplius veritatem cum debito moderamine illius rei, cujus suspicio tibi venit in mentem. Experientia quippe docet, solere Judices levissimis indiciis deprehendere tandem post longas consequentias delicta, & delinquentes. An autem sit licitum operari cum, & contra suspicionem malitiæ maculaturæ tuam actionem, mox dicam. Hæc apprehensio cum graviusculo fundamento; sed adhuc insufficiente ad iudicandum concepta, vocatur *suspicio* quando est de re mala, aut saltem non bona positione suspicanti. Vocatur autem *simplex fiducia* quando est de re bona suspicanti. Nullus enim dicitur habere fiduciam de eo, quod alius furatus est sibi pecunias; sed habere suspicionem. Neque dicitur habere suspicionem, sed fiduciam, simplicem saltem, obtinendi à Rege honorem A, quando autem fiducia est gravior v.g. quam habemus in meritis Christi Domini in misericordia, in omnipotentia Dei &c. tunc non est mera apprehensio majusculo utcumque concepta fundamento, quàm scrupulus; sed firmum, & stabile iudicium, firmissimis conceptum fundamentis tum circa existentiam absolutam meritorum Christi Domini, misericordiam Dei &c. tum circa horum proportionem ad reddendum Deum

propitium nobis, cum circa absolutam propitiationem, si per nos non ster.

5 *Formido*, & *timor intellectualis*, ut distinctus à formidine, & timore, qui sunt actus voluntatis, de quo agam disp. 4. num. 181. (& consistunt physicè in aversione voluntatis à gravi malo aliquo imminente absolute, aut saltem possibile timentis ipsi: ex qua aversione nasci solet tristitia, & mæror, sicut ex spe boni nasci solet alacritas, & gaudium) jam emergunt ex classe apprehensionum: & sunt judicia nunc majore, nunc minore fundamento concepta, & consequenter nunc prudentia, nunc imprudentia, quæ judicia enunciant suum objectum, non quidem absolute, sed cum hoc, vel simili modo. *Fortè*; *forſan*; v. g. *Fortè hic, qui mihi blanditur, insidias parat*. In hoc judicio stat physicè ex parte rerum formido, & timor intellectualis, & judicium absolutum rei coexistens huic alteri, vocatur judicium formidolosum extrinsecè propter hanc coexistentiam. Nam quamvis suspicio etiam, imò & scrupulus soleant vocari formido, non est, quia physicè in se ipsis sint formido, aut timor intellectualis (stant quippe hæc duo in solo judicio habente eum, aut similem modum tendendi) sed quia valdè proxima sunt ad illum excitandum. Est autem antiquum valdè adscribere causæ nomen effectus, & sic Christus Dominus dicit de se: *ego sum Resurrectio, & vita*, & à Joanne vocatur: *Propitiatio pro peccatis nostris*. Et Philosophi ipsi passim dicunt Intellectus practicus; Intellectus speculativus; Intellectus agens; Intellectus passibilis. Non quia sint quatuor intellectus; sed idem numero intellectus vocatur *practicus*, quando elicit cognitionem dirigentem ad opus. *Speculativus* quando elicit cognitionem sistentem in contemplatione sui objecti. *Passibilis* quando suscipit speciem spirituales intelligibilem (si fortè datur) missam ab imaginatione. *Agens* quando elicit primam cognitionem objecti. Non autem dicunt intellectus apprehensivus &c. quia his phrasibus ut pote non necessariis uti noluerunt. Prædictus igitur timor, seu formido intellectualis, potest tendere immediate, ac directè in objectum ipsum, v. g. *fortè venit Petrus* (& hoc sive judices simul, sive non judices, eum venisse, quia utrumvis contingere potest: quoniam judicium absolutum ex ordinariis de re A, non opponitur cum illo altero modali de carentia rei A, sicut nec cum judicio enunciantie probabilitatem illius carentiæ: ambo namque judicia hæc negant immediate, ac directè *certainitudinem* reflexam rei A: in sensu autem composito affirmandi rem A potes negare certitudinem reflexam illius, cum qua res illa nec identificatur, nec semper connectitur) & potest etiam tendere immediate, ac directè in judicium ipsum quod habes de re illa; v. g. Judicas absolute Petrum venisse. Sed ea possunt assurgere mediocria moriva contra hunc adventum, ut reflectens supra tuum judicium, & memor te esse hominem capacem errandi dicas. *Fortè fallor*; *fortè est falsum judicium meum*, prosequaris tamen in eodem judicio donec res magis appareat, eo quod motiva illa adhuc non sint sufficientia, ut deponas illud. Potest demum esse formidolosum in alio sensu, nimirum quatenus aded debile, ac tenue sit, ut non firmet intellectum.

Dubium

IOANN. II.
1. Jo: c. 2.

6 *Dubium* contingit quando apprehendis rem A, & neque assentiris ei neque dissentiris, eâ solâ causâ, quia pro neutra parte detegas fundamentum sufficiens (& tunc est dubium negativum. Et tale est dubium quod habemus de paritate arenarum maris, quia apprehendentes hanc paritatem non affirmamus, aut negamus illam, eâ solâ ratione adducti, quod pro neutra parte occurrit fundamentum vel eâ solâ causâ, quia pro utraque occurrit æquale fundamentum: nam tunc etiam hæret dubius intellectus, atque medius inter utrumque, & tunc est dubium positivum. Et tale est dubium quod habemus, quando viros duos dignos fide audis affirmantes rem A: & simul alias duos æquales, negantes illam eandem rem; tunc certè dubius hærebis. Et non ineptè explicatur lancium statæ exemplo. Sicut enim illæ possunt esse in æquilibrio, eo quod neutra prematur pondere ullo: & etiam eo quod ambæ pondere aquali premantur. Ita intellectus apprehendens rem A, (nemo quippe dubitat de illo quod sibi non venit in mentem) interdum deprehendit æquale fundamentum ad affirmandum, & negandum. Tunc est dubium positivum. Interdum nullum invenit fundamentum ad affirmandum, aut negandum; tunc est dubium negativum. Hinc quamvis dubium reflexum non sit mera apprehensio, sed iudicium absolute enuncians tuam suspensionem iudicii, tuumque dubium. Verumtamen dubium directum est complexum quoddam resultans ex apprehensione objecti, & carentia assensus, & dissensus non quomodolibet; sed determinatè nascente carentiâ illâ ex iudicio reflexo distante, pro neutra parte esse sufficiens fundamentum: vel pro utraque esse æquale fundamentum. Unde licet dubium de re A, importet suspensionem iudicii de ipsa re A; at non importat suspensionem omnis omnino alius iudicii; quinimò importat existentiam reflexi cuiusdam iudicii distantis, pro neutra parte esse fundamentum sufficiens, aut pro utraque esse fundamentum æquale.

7 Sic quando apprehendis peccatum A, ut à te commissum, hoc est quando apprehendis tuam commissionem illius peccati, sed neque detegis rationem sufficientem ad iudicandum te illam fecisse: neque sufficientem ad positivè iudicandum te non fecisse illam: tunc dubitas negativè de tuo peccato; & potes non imponere tibi onus certum, ac de facto, propter rem quam maturè perpensam, non invenis certam. Vel detegis æquale fundamentum ad iudicandum te fecisse, atque ad iudicandum te non fecisse actionem illam; tunc dubitas positivè. Et unæ rationes enervant alteras. Et post maturum examen, quod suppono, adhuc manet incerta radix talis, aut talis obligationis (quarum diversitas non est spernenda, sed attendenda, quia nonnumquam ratione materiae confurgit nova obligatio, de quo Theologi morales) & consequenter adhærere potes unis, vel alteris, ut contingit in opinionibus verè probabilibus, cum utraq; rationes supponantur prudentes, & neutra supponantur evidentes. Quotuplex autem sit utrumque hoc dubium, exponam infra quando de illo, atque de ignorantibus, atque de honestate, & inhonestate operandi cum illis, disputabo, ubi

ubi adverte, dubium, formidinem, suspensionem, timorem, ac serupulum, non esse confundenda cum mera earentia claritatis, sive cum obscuritate iudicii: interdum quippe sine istis imperfectioribus firmè judicamus; & quia iudicium est obscurum, multæque difficultates vociferantur contra illud, videmur nobis judicare cum dubio, ac timore; sed non. Et ita potest evenire in actibus Fidei.

CAPUT SECUNDUM.

De Preambulis ad judicandum.

8



RIUSQUAM judicia exponam, respectu octo illos, vel novem gradus, notatos supra disp. 1. num. 134. per quos nunc segnius, nunc velocius, ascendit anima ex infimis sensibus ad arcem mentis: hoc est, ad judicia firmissima, ad discursus, ad imperia, & ad actus voluntatis volendi, nolendi

&c. quos iterum exponere non gravabor, adjungens alia. Incipitur semper in providentia ordinaria ex aliquo sensu externo percipiente obiectum aliquod, puta oculos, aures &c. quoniam licet supposito hoc primo gradu multa postea fiant in imaginatione, aut in intellectu, aut in voluntate per causas alias naturales, aut supernaturales (& etiam per solum Deum) non illapsas per sensum ullum externum; aut in iudicio quoque omnium sacratissimo valet juxta ordinariam providentiam Apostolicum illud; *quomodo credent ei quem non audierunt*. Sic enim, licet solus Deus incrementum det frugibus intrinsecus; aut juxta ordinariam providentiam non dat nisi præcedente ministerio extrinseco arandi, seminandi, rigandi &c. Ita licet causæ naturales v. g. vivacitas intellectus, copiosaque suppellex specierum, atque habituum, quam acquisitam, vel infusam habet: rursus, licet ipsa causa prima, tametsi numquam intraverint per sensum ullum externum, multas operentur cogitationes, apprehensiones, judicia, & discursus; aut numquam in providentia ordinaria, nisi præcesserit externa visio, auditio, aut aliqua sensatio obiecti illius, de quo fuerit sermo, vel aliis per modum cujus, instar cujus, per speciem cujus cognoscatur illud, de quo est sermo. Neque propterea evadunt fallibilia cuncta judicia, quæ in ordinaria providentia habemus, ut pote originem trahentia ex sensu aliquo externo, qui semper est metaphysicè fallibilis; tum quia sequeretur iudicium ipsum fidei esse fallibile, si quidem juxta nuper productum testem trahit originem ex auditu. Ergo fides ex auditu infert ipse. Tum quia principia Metaphysica, Arithmetica, Geometrica, & similia forent etiam ambigua, & fallibilia: cum supponant lectionem, auditionem, atque intelligentiam vocum illarum, quibus proferuntur. Tum præcipue. Aliud est quod omnia nostra Judicia pendeant à sensu exter-

Remon. 10.

Ibidem.

externo , tamquam à constitutivo , vel unico fundamento suæ veritatis . Aliud tamquam à mera conditione subjecliva , & juxta ordinariam providentiam simpliciter necessaria . non quidem ut judicium si semel existat , sit verum ; sed ut judicium semel existat physicè in rerum natura . Sicut pendent à naturali capacitate animæ nostræ ad producendum illa : & sicut pendent ab eo quod anima non sit aliò distracta , occupataque in aliis cognitionibus : & sicut pendent à decreto applicativo omnipotentis ab aliisque multis prærequisitis ad suam physicam productionem . Si contingeret primum , judicia essent fallibilia ; sed non dico illud . Secundum est quod dico , & illud dumtaxat probat omnia penitus judicia nostra , & naturalia , & supernaturalia , & fidei , & non fidei , esse contingentia non quoad veritatem , si semel existant ; sed quoad existentiam . Unde meritò jussu sunt exulare à nostris scholis propositiones illæ . *Mens humana de omnibus dubitare potest , ac debet . Item Antecertum notitiam divinæ existentie dubitare quisque semper posset , ac deberet , an non talis natura conditus fuerit , ut in omni suo judicio fallatur : etiam in iis quæ certissima , & evidentissima ipsi apparent . Et similes aliz , quæ satis disponunt intellectum ad fidem quamdam gracilem , & parum , vel nil firmam .*

9 Igitur , juxta philosophiam illam datam disp. antecedente , primus passus animæ in hoc ascensu usque ad judicium firmum , seu etiam evidens , est sensatio aliqua externa objecti ipsius A : vel alijs per modum cujus , seu instar cujus , seu per speciem cujus cognoscatur objectum A . Ubi jam vides utilitatem imò & necessitatem videndi , audiendi , aut aliter percipiendi bene per sensum nun , vel olim objectum , ad formandum rectum judicium rectitudine etiam physica , & naturali ; & experientia docet solere nos ægrè capere ratiocinia , quæ pessimis , obscuris , & male formatis characteribus scripta legimus : solereque clarè , ac distinctè percipere mente , quæ clarè , ac distinctè percipimus per sensum . 2. hæc externa perceptio illicò diffundit , sicut lux lucem per aërem , qualitatem , quæ vocatur ad libitum *species impressa sui* , & objecti sui , per internos nervos , & nervusculos ad partem illam capitis , ubi sunt imaginationes , & quæ ad libitum vocatur *sensus communis* . Ubi etiam vides utilitatem , ac necessitatem habendi puros , & bene combinatos interiores canales , sive nervos ad bene imaginandum . 3. Hæc qualitas , seu species animam in ea parte capitis existentem , & non distractam cogit (est enim illa species causa necessaria) ut in ea parte producat vitalem eam operationem , quæ dicitur *imaginatio* , *apprehensio imaginativa* , *phantasia actus* , & phantasma materiale : sicut hæc charta posita cum proportionem ad oculos tuos , determinat tuam animam in oculis existentem , & non penitus aliò distractam , ut in oculis producat vitalem illam operationem , quæ dicitur *videre* . Ubi etiam vides utilitatem , ac necessitatem habendi bene organizatam partem cerebri , & bene purgatam , in qua sunt imaginationes . 4. Hæc imaginatio ; quæ licet perfectior sit visione externa , adhuc tamen corporea , impura , & materialis est , duo facit . Unum est

est relinquere ibi in illa parte capitis quasi semen suum, hoc est, qualitatem quæ dicitur *species impressa imaginativa* (sicut res odoriferæ, & aliz passim relinquunt in vasis, in terra, in aqua, in aere, qualitates quæ sunt indices, naturalique vestigia præteritæ existentiz rerum illarum) quæ species subservit memoriæ imaginativæ rei ejusdem: nempe quando imaginatione iterum, atque iterum cognoscimus rem, tametsi tunc non intueamur illam oculis corporeis. Alterum est protinus determinare, cum sit causa necessaria, animam ibi existentem, & non distractam, ut vel producat in se ipsa speciem illam, quam vocant *impressam*, spiritualem, intelligibilem, (& respectu cujus intellectus dicitur ab unis *Possibilis*, quia patitur, & recipit in se speciem illam; ab aliis verò *Possibilis*, quia specie illâ adiutus potest prorumpere in primam cognitionem objecti) vel ut sine nova illa productione, & consequenter sine specie illa, sine distinctione intellectus agentis, & intellectus passibilis, immediatè producat anima in se ipsa, quæ utique est suus intellectus, primam spiritualem, puramque ab omni contagione corporis, perceptionem objecti. Ubi etiam vides utilitatem, ac necessitatem habendi bene purgatam, ac organizatam illam partem capitis, quæ vulgò dicitur *cerebrum*, dependentem à qua producit anima in se sola primam apprehensionem, sive perceptionem spiritualem objectorum.

10. Hæc prima spiritualis, & rationalis cognitio, perceptio, seu notitia objecti, est prima illius apprehensio, de cujus multiplici specie loquar infra: quando est merè speculativa, atque de illo secundum se dumtaxat, præscindendo ab illius existentia, præsentia, præterita, aut futura, non eget fundamento ullo: quando est practica, nempe quia est apprehensio, *quod feceris, quod facis, quod facies* (idem dico de alio) rem illam, jam eget aliquo fundamento, vel objectivo, vel saltem subiectivo stante in dispositione, quam tunc habet subiectum apprehendens, ut dixi num. 2. quod fundamentum, si sit levissimum, & superlativè frivolum, tunc apprehensio illa est *scrupulus*; si gravissimum fuerit, sed nondum assurgat in motiouem efficacem ad judicandum, tunc est *suspicio*; quod si apprehensio illa secum habeat adiunctum iudicium, de eo, quod par est fundamentum ad affirmandum, atq; ad negandum: aut iudicium de eo, quod pro neutra parte est fundamentum sufficiens: tum apprehensio illa simul cum carentia assensus, & dissensus directi circa objectum, sed oriunda ex eo iudicio, est dubium positivum, aut negativum, ut jam dixi. 5. Hæc prima apprehensio objecti solet movere exercitè, subiectivè, in genere causæ formalis unitæ intellectui (& non objectivè, atque reflexè cognita) ad assensum, vel dissensum objecti: quandoque per se præcisè, & tunc dicitur apprehensio *suasiva*, eo quod instar lucis per fenestram illapsæ, patefaciat realitatem objecti, aut saltem abigat umbras, & id difficultates contra illud, & in hoc sensu invitat ad illius assensum: quandoque non per se præcisè, eo quod sit lux tenuior, & quasi antelucana; sed per consortium aliarum noticiarum, sive specierum, quæ sunt in eo intellectu, movet ad assen-

assensum, vel dissensum: quandoque autem nec per se, nec per aliud movet. Et tunc est simplex, atida, infecunda speculatio objecti. En preambula ad primam Apprehensionem quomodo autem fiunt iudicia? Respondeo.

11 Sicut prima rationalis apprehensio objecti producitur physicè à sola anima, sed impulsà, arque determinata per actum phantasie. Ita primum iudicium, idest, cognitio ea, qua anima dicit *Est*; aut dicit: *Non est*: aut quidquam alio modo enunciat, fit à sola anima, ut pote, actus vitalis ipsius; sed determinata, vel invitata per primam apprehensionem, aut solam, aut simul cum aliis speciebus, quas in memoria habet; quod si dicta prima apprehensio, nec per se præcisè, nec simul cum aliis faciat rem evidentem, tunc ut intellectus prorumpat in primum iudicium dictum, opus est imperio voluntatis, idest, requiritur quod anima *velis* judicare iudicio illo, quatenus aliunde ita sit præparata, & disposita ad judicandum illud, ut hæc dispositio suppleat defectum evidentie in apprehensione. 6. Hoc primum iudicium circa tale objectum determinatum (juxta circumstantias tunc præsentis in anima illa, seu, quod idem est, in illo intellectu) interdum est *formidolosum* aliqua ex illis tribus formidinibus explicatis n. 5. nempe directâ, aut reflexâ, aut formidine stante in debilitate ipsius iudicii, & hic modus iudicandi est omnium infimus, arque ad eum reducitur iudicium, quod vulgò dici solet *dubitativum*, sed hæc est loquutio minus propria, siquidem dubium ex propriis terminis est suspensio affirmationis, & negationis supra explicata, & non datur suspensio utriusque, quando datur altera. Interdum est iudicium sine formidine ulla directâ, aut reflexa, aut consistente in debilitate, imbecillitateque ipsius iudicii; & tunc si non adsit fundamentum objectivum sufficiens ad abigendum omnem illam formidinem; sed majori ex parte fundetur iudicium in levitate ipsius personæ iudicantis, vel in prava alia dispositione, tunc erit iudicium temerarium. Sin rationale adsit fundamentum; sed non infallibile, tunc erit iudicium probabile, magis, aut minus juxta quantitatem, & qualitatem fundamenti. Sin adsit motivum, infallibile quidem; sed obscurum (ut contingit in iudiciis fidei divinæ) tunc iudicium erit certum; sed non evidens, & talia sunt iudicia fidei. Si demum adsit motivum, & fundamentum evidens, tunc iudicium evadet evidens. De quibus omnibus postea.

12 8. Hoc iudicium, sive per se solum, sive per suum consortium cum aliis, præstare solet duo effecta respectivè. Unum est, sollicitare voluntatem, idest, animam in genere causæ formalis, & exercite sine alia reflexa sui cognitione, ad amorem, odium, desiderium, spem, timorem &c. illius objecti. Hæc sollicitatio consistit physicè ex parte rerum, partim in positivo, nimirum in iudicio ipso aperiente bonitatem, aut malitiam objecti, quæ sola est, quæ strictè movet sui amorem, vel odium: partim in negativo, scilicet quod illa eadem voluntas non aliunde retrahatur ab amore, vel odio, impetu majore, aut æquali: quia si id contingat, neutrum sollicitat tunc in actu secundo, sed unum

hebetatur per alterum, sicut quando est æquale pondus in lancibus, bilanx est in æquilibrio, & neutrum pondus deprimit suam lancem, infra æquilibrio illud. Unde iudicium dictum est causa moralis actus illius voluntatis, non in genere objectivo: quoniam non est objectum, quod reflexè cognitum per aliam cognitionem, moveat; sed in genere subiectivo, quatenus exercitè per se, atque in genere cause formalis intrinsecè unitæ animæ hanc instigat, movet, atque sollicitat. Sicut habitus, & consuetudines per se immediatè, absque reflexa sui ipsorum cognitione, impellere, aut retrahere solent. Et sicut gravitas manus tuæ per se immediatè, absque reflexa sui cognitione, trahit manum tuam deorsum. Alterum est; sollicitare similiter intellectum, idest, animam in genere causæ formalis immediatè, exercitè, sine reflexa sui cognitione, ad iudicium aliud, modò affirmativum, modò negativum, modò relinquendo libertatem ad oppositum modò non relinquendo juxta doctrinam quam, explicui in Dialectica disp. 1. à n. 171.

13 Hæc sollicitatio stat physicè ex parte rerum in duobus quoque: uno positivo, & altero negativo. Positivum est, quod tale iudicium pandat animæ connexionem, sive oppositionem sui objecti cum re A; v. g.: & sic instigat, sive suadet, ut assentiatur quoque rei A, vel ut dissentiatur. Negativum est, quod aliud non addit retrahens animam ab eo altero iudicio: quia si addit, continget quod nuper dicebam, videlicet unum hebetari per alterum. Hæc sollicitatio, seu motio unius iudicii respectu alius realiter distincti, est sollicitatio ad discursum: quoniam est sollicitatio exercita, immediata, & directa, ut ex uno iudicio transeat intellectus ad aliud iudicium. Interdum autem est motio, ut præcisè transeat ad aliud. Interdum ut transeat ad aliud *signanter propter objectum primi iudicii*, ut iudicium de eo, quod Deus incapax falli, ac fallere dixit Incarnationem Verbi, movere solet ad assensum Incarnationis, non utcumque; sed *signanter propter testimonium Dei nequeuntis falli, aut fallere*. Et tunc iudicium A. v. g. movet ad iudicium B, quod est reflexum non utique supra ipsum iudicium A; sed supra objectum materiale huius, quod est objectum formale iudicii B, interdum etiam, ut transeat ad aliud *signanter propter ipsum primum iudicium*, ut quando iudicium de eo quod feceris rem A, movet ad hoc aliud; *quia iudico te fecisse A, iudico etiam te dignum esse premio B*. Denique tam Iudicium, quod movet, quàm illud alterum iudicium, seu actus ille voluntatis, ad quem movet, relinquunt suum quasi semen in anima, idest, speciem spiritualem in sola anima recepram, quæ juvans ad memoriam horum omnium, seu ad iterum cognoscendum hæc omnia, est in causa, ut illa iudicia postea quasi renascantur, quatenus est in causa, ut postea habeamus illas alias cognitiones, quæ vocantur *memoria*, quæ similes sunt prioribus actibus. Unde trahit originem metaphorica loquutio seminis priorum actuum, & filiationis posteriorum. En finitum processum quem disp. antecedente incipi ab externa sensatione objecti usque ad actum discursus, & voluntatis circa illud.

Hinc

§. II.

14 **H** Inc . Pro his , quæ in suo loco dicuntur , & præsertim in tractatu de Fide , ubi rem hanc ex professo explico , notabis , quod præter multos alios modos loquendi cum creaturis , quos habet Deus : item præter illos externos alloquendi hominem , quos permittit utrisque Angelis v. g. per formationem vocis in aere . Per motionem , formationem , aut combinationem unorum corporum cum aliis ante nostros oculos , sicut formantur , & combinantur litteræ in charta , ut qui legit intelligat hanc , vel illam rem . Per actionem determinandi hominem , ut in se eliciat talem , aut talem externam sensationem (quibus etiam modis uni homines loqui solent cum aliis) . Per revolutionem , excitationem , atque combinationem specierum materialium , quas habemus in parte capitis ubi sunt imaginationes . Præter hos inquam modos alloquendi hominem , quos bonis , & malis Angelis permittit Deus , notabis ex hucusque dictis , arcanos alios , magis intimos , sublimes , puros , & excelsos , quos sibi reservavit : non enim semper , ac loquitur Deus , loquitur per vocem de Cælo lapsam , & externè sensibilem . Igitur loquitur 1. per infusionem novarum specierum materialium in phantasiam , idest , in partem capitis , ubi sunt imaginationes , sine præcedente sensatione externa , quæ species sint , aut sensationis externæ , aut imaginationis objecti A , cum quibus duabus rebus non connectuntur plusquam physicè species illæ , & has potest Deus infundere , *absque intentione* de eo , quod homo iudicet se habuisse illam externam sensationem , vel imaginationem : & consequenter infusio illarum non esset tunc divina locutio *de eo quod homo habuerit alterutram* ; sed esset loquutio rei alius , quæ vera esset . Hoc sanè potest Deus facere : sicut sine thure potest huic chartæ affigere thuris odorem , quia se solo potest facere quidquid faciunt causæ secundæ , & non est essentialiter annexum illis . Angelos autem sive malos , sive bonos fungi potestate faciendi in nostra phantasia speciem materialem propriam sensationis externæ , aut imaginationis , quam nec habemus , nec umquam habuimus , non constat . Infusis autem ois speciebus , & quasi formatis materialibus characteribus in phantasia , potest Deus animam attentam , illicò concipientem imaginationem proportionatam illis , docere hoc , vel illud : sicut ego formatis characteribus in hac charta ante oculos tuos possum tibi revelare talem , aut talem rem . Et hic est unus ex innumeris modis loquendi tecum . 2. potest Deus sine harum specierum infusione determinare irresistibiliter animam , ut producat in se vitaliter tales , & tales imaginationes materiales (quod neque constat posse Angelos) ex intentione ut homo mente intelligat hoc vel illud secretum , quod procius intelligit existentibus in se , atque combinatis ,

Cc 2

prout

prout vult Deus, illis materialibus imaginationibus. Sicut existentibus in hac charta, & modo quo ego volo, his characteribus, protinus intelliges, si me intelligas, quod ego tibi dicere volo. Et sicut Petrus potest irresistibiliter movere manum Joannis, ut hic in se ipso faciat hanc, aut illam percussorem, qua intelligat, quod Petrus vult, ab ipso intelligi.

15. Hactenus erit loquutio divina materialis, & corporea entitativè. Potest 3. Deus intellius penetrare, & loqui ad cor hominis in sacratio ipso rationis: nimirum infundendo animæ novas spirituales species rerum, quas neque sensu, neque imaginatione usquam affecta erat, aut quoad modum unionis inter se, aut quoad substantiam. Et hæ species spirituales illico determinabunt animam, cum sint causæ necessariae, ut in se concipiat notitias, & cognitiones respondentes illis speciebus, & ex quarum intentione Deus infudit species illas. 4. sine specierum novarum infusione potest Deus alloqui hominem per excitationem, atque combinationem priorum specierum spiritualium, quas homo jam habebat tamquam semen, & odorem priorum cognitionum spiritualium sive etiam actuum voluntatis. Illæ namque spirituales species excitatæ, atque combinatæ prout Deus vult, cogent animam, ut pote causæ necessariae, ut concipiat cogitationem, seu notitiam objectorum, quæ Deus vult; sicut diversimodè pulsatis, & combinatis fidibus lyrae, aut organi instrumentis, solent homines manifestare aliis suam mentem. Notus satis est in exercitiis, & classibus hic modus loquendi Imperatoris cum militibus per combinationes, aut sonorum tubæ, & tympani, aut motuum vexilli. 5. sine novarum infusione, & sine antiquarum, excitatione specierum, potest Deus alloqui hominem determinando ipsum per irresistibile decretum, ut in se producat primum apprehensionem spiritualem, deinde iudicium eorum rerum, quas Deus ipse vult meliorem, & secretiorem modò, quàm ludi magister movens manum pueri potest ipsum cogere, ut formet in charta illos, & illos characteres, quibus puer intelligat se puniendum, si fuerit contumax: & premian-dum, si docilis; & meliorem modo, quàm unus homo potest cogere alium, ut hic in se ipso faciat illas, & illas actiones, quibus intelligat secretum quod non vult alio modo revelare illi.

16. Hos quinque modos loquendi cum hominibus arcanos, & sublimes sibi soli reservasse videtur Deus; & modo unis, modo aliis utebatur cum Prophetis in visionibus, & revelationibus, quas eis concedebat, interdum purè *imaginarias*; sed imaginatione per Deum ipsum, cui omnia serviunt, mota (non enim minus bestialis, quàm imaginatio nostra, erat anima illa, cujus linguâ, usus est Deus ad instruendum nequam illum Prophetam) interdum *intellectuales*; interdum utraque. Et modo unis, modo aliis utitur nobiscum etiam in ordine ad illa, quæ ad Fidem, & mores spectant, quæque per Ecclesiam sunt nobis manifestata tamquam per extrinsecum ministerium arandi, plantandi, atque rigandi. Eâ namque Ecclesiasticâ doctrinâ præsuppositâ juxta ordinariam providentiam, Deus dat intrinsecus incrementum. Et modo etiam unis, modo aliis contingit à parte rei quod Deus pollicitus est per Je-

remiam : *Dabo legem meam in visceribus eorum : & in corde eorum scribam eam* . Et per Oseam . *Ducam eam in solitudinem , & loquar ad cor ejus* . Et quod David celebrat . *Beatus homo , quem tu erudieris Domine : & de lege tua docueris eum* . Et quod Dominus de ovibus ex Paganismo adducendis pronunciat : *Vocem meam audient* . Et quod de Paterna doctrina dicit . *Omnis qui audit dicitur a Patre , & didicit , venit ad me* . Et universè omnes divinæ illustrationes , vocationes , pulsationes , inspirationes , & auxilia intellectuala , illuminationes , quibus instruit , docet , vocat , prævenitque ex parte intellectus homines , & consequenter quibus cum hominibus loquitur , & quæ multis diversisque scripturæ phrasibus explicantur , stant physicè ex parte rerum in aliquo ex prædictis quinque modis : præsertim autem in apprehensionibus suavis ad bonum juxta externam publicam doctrinam Ecclesiæ , quas apprehensiones scribit Deus in nobis , *sine nobis* , non quia nos ad illas non concurramus physicè (sunt enim adus vitales nostri intellectus) sed quia ipse solus immediate , vel mediatè per infusionem novarum specierum , aut veterum excitationem combinationemque , determinat nos ad illam : & illius apprehensionis intellectualis luce adiutus intellectus luce videt subobscura , sufficiente tamen , id quod Deus vult eum judicare , ut ex hoc judicio transeat in operationem , vel omissionem , quam vult Deus .

17 Sed cum non sit moraliter evidens (prout requiritur ad assensum , qui sunt fidei divinæ) prædictas apprehensiones , seu illustrationes , seu loquutiones in particulari , esse verè , & simpliciter loquutiones Dei , siue revelationes , quia de nulla in particulari docuit hoc Ecclesia : idè dissensit illis solà voluntate per meram inobedientiam non facienti quod illa vox interior suadet non est hæresis ; dissensit autem intellectu , & per internum judicium contra illas , erit formalis hæresis quando illæ proponant idem omninò quod per externam Catholicam doctrinam Ecclesiæ Deus docuit ; item quando rem particularem ita proponant , ut ei homini sit moraliter evidens , Deum loqui tunc ; secus quando non sit ; quoniam ad hæresim formalem requiritur pertinacia ; hæc autem non consistit in duratione longa erroris ; sed in eo quod ad præsentiam sufficientis evidentiz moralis de eo quod Deus loquitur , dissensit intellectus quod in unico momento fieri potest , ut suo loco dixi , & explicui testimonio Christi Domini agentis apud Marcum , *ut videntes videant* (ecce moralem , saltem respectivam , evidentiam) *& non videant* (ecco perviciam) *& audientes audiant , & non intelligent* ; quod non solum est verum de non intelligentia parabolarum , quas à Christo audiebant ; sed etiam de dissensu ad præsentiam prædictæ evidentiz moralis , quando homo permittit , dominari sibi passionem violentam , puta nimiam superbiam , nimiam obstinationem , nimium timorem &c.

18 Porro dicta vox , loquutio , doctrinaque Dei in secreta cordis nostri schola , consistens aut in dictâ apprehensione suavis , aut in infusione novarum specierum spiritualium , aut in excitatione , & combinatione antiquarum (sicut pulsatio , & combinatio sonituum campanæ dicitur

Jerem. 31.
Osep. 2.
Psalm. 93.
Ios. 19.
Ibid. 6.

Matth. 23.

dicit: nonnulla populo) quandoque est adeò perspicua, ut fuget omne dubium, formidinem, suspicionem, atque scrupulum, ne non sit Deus

5. Aug. 7. qui loquitur. Et ea fructus videtur Angustinus inquiens. *Facilius dubitarem vivere me, quam non esse veritatem, quæ per ea, quæ facta sunt, intellecta conspicitur.* Et in multis etiam rebus Sancti Prophetæ, de quo-

10. *Jerem. 36.* rum uno dicebat suus Amanuensius Baruch. *Ex ore suo loquebatur, quos legens ad me omnes sermones istos;* atque ad hanc promptitudinem audien-

Psal. 30. di, & claritatem cognoscendi vocem divinam potuit alludere David in-
Psal. 118. *inquiens. Aures autem perfecisti mihi;* nec non illud: *lucerna pedibus meis*

verbum tuum, & lumen semitis meis; quandoque autem vox Dei, & Angeli missi à Deo, licet sit externa talis est, ut ignoret homo tum signi-

Io. 12. ficatum illius, tum, sit nec æ Dei. Pro utroque habemus Canonica exempla. Divina erat vox illa, quæ audiente turbâ dixit. *Et clarificavi, & iterum clarificabo.* Nihilominus turba, quæ stabat, & audie-

Acta 9. rat, dicebat tonitruum esse factum; ubi satis innuit, turbam materialitatem, non autem significationem illius vocis percepisse. Audiebant quidem vocem Christi Domini comites Pauli. *Viri autem illi, qui comitabantur cum eo, stabant stupescit audientes quidem vocem &c.* sed quia

Acta 12. non intellexerunt sensum illius, Paulus dixit in concione, quam habuit ad populum linguâ hebræâ in castris, *qui mecum erant, lumen quidem viderunt, vocem autem non audierunt, ejus, qui loquebatur mecum.* Vo-

Io. 11. cem internam Dei audivit Caiphas. *Hoc autem à se metipso nos dixit; sed cum esset Pontifex anni illius prophetavit.* Sed vocem Dei, quæ erat de morte Christi pro redemptione hominum intellexit de eadem morte in sensu valde alieno. Vocem Dei habuit iniquus Propheta Balaam,

Numer. 24 quando prædixit: *Orietur stella ex Jacob &c.* Sed cum incarnatio Verbi dicatur à Paulo: *Mysterium quod absconditum fuit à sæculis, & generationibus, nunc autem manifestatum &c.* Verosimilius est, Prophetam illum,

Colossen. 1. non intellexisse suam prophetiam. Deniq; frequenter dicitur in Evangeliiis, Apostolos ipsos non intellexisse multa, quæ à Christo Domino audiebant. Non ergo est necesse quod omnis qui verè audit, seu habet vocem Dei ad se directam, illicò intelligat illam. Neque contrarium

Io. 10. dixit Dominus quando dixit: *Oves meæ vocem meam audiunt.*

19 Contigit etiam multoties quod homo ignoraret, esset nec ne bonus spiritus ille, qui revera bonus spiritus erat. Michael quippe erat qui apparuit Josué:

Iosue 5. *Sum Princeps exercitus Domini;* & ramen Josué initio ignoravit hoc, atque ideò quæsit ab ipso: *Noster es an adversariorum:* Raphael erat qui per tempus non modicum conversabatur cum utroque

Tobie 12. Tobia. *Ego enim sum Raphael Angelus,* & uterque ignorabat illum. *Videbat quidem vobiscum manducare, & bibere &c.* Angelus bonus apparuit

Ibid. 13. Gedeoni, *Apparuit ei Angelus Domini, & ait.* Dubitavit verò Gedeon in-
Iudic. 6. *inquiens. Da mihi signum quod tuis, qui loqueris ad me.* Angelus bonus apparuit matri Sampsonis cui apparuit Angelus Domini. Et ea non

Io. 20. agnovit, quem cum interrogasset, quis esset, & unde venisset, & quo nomine vocaretur, noluit mihi dicere. Verè Christus Dominus erat, qui Magdalenam alloquebatur, & illa existimans quia hortulanus esset, dicit &c.

Verè

Verè Christus Dominus erat, qui comitabatur, & docebat illos duos euntes Emmaus: & oculi eorum *tenebantur ne eum agnoscerent*. Verè Christus Dominus erat, quem audiebat, & videbat Petrus; dubitans nihilominus dixit hic: *Domine si tu es, jube me venire ad te super aquas*. Denique spiritus bonus erat qui extrahebat eum è carcere Herodiano; & tamen *nesciebas quia verum est quod fiebat per Angelum: existimabatur autem se visum videre*. Nec novum ergo, nec mirum est, quod anima audiens multoties internam vocem, ac doctrinam Dei ambigat, torqueaturque anxietatibus, & timoribus, sit nec ne illa vox Dei, an illius altetius. Sed ad casus hos jam nos pramonitos voluit Christus Dominus: *A fructibus eorum cognoscetis eos*. Non dicit *fructu*, quia Diabolus multoties suadet unum, duo, ut plura bona, ut vel in unum, malum præcipiet nos. Et hæc Philosopho Christiano sufficiant ut à longè saltem noverit modos, quibus Causa prima loqui solet cum animabus. Cætera Theologi dant in Tractatu de Fide.

Luc. 23.

Matth. 14.

Acta 12.

Matth. 6.

CAPUT TERTIUM.

Moralitas, operationis factæ cum dubio, suspitione, formidine, atque ignorantia.

20



OPIOSE tractant rem hanc Theologi. Ego, quæ Philosophia moralis requirit, sola dabo: alia quali digito fontem ostendam. Dubium intellectuale (quod ad solas decem classes redigam quodque jam definivi num. 6.) est ut ibi dixi, suspensio assensus, & dissensus rei, ut talis, de qua fuerit sermo; non quævis sed oriunda ex eo, quod pro neutra parte detegis rationem quando utramque partem apprehendis (& tunc est dubium negativum) vel ex eo quod pro utraque occurrant æquales rationes (& tunc est positivum) quod explicui exemplo bilancis; quæ est in æquilibrio, vel quia in neutra lance est pondus, vel quia in utraque est æquale. 2. utrumque potest esse *juris solius* nempe quando ambigis de lege seu prohibitione, sed non de facto ipso; v. g. qui sciret se occidere hominem; dubitaret verò an hic, & nunc sit prohibita illa occisio. Vel *facti* scilicet quando sciens legem, dubitas num id quod facis, sit contra illam; ut qui sciens prohibitionem homicidii, dubitat num sit homo, vel bellua, id in quod jaculatur. Vel *juris simul, et facti*.

21 3. Utrumque potest esse *Prudens*; scilicet quando hæret intellectus ob rationes non spernendas, licet non sint evidentes adhuc moraliter. Vel *imprudens* quando absque fundamento sufficiente hæret: ut dubium, venerit ne incognitus Romam Magnus Turca. Hoc dubium melius, ut insinuavi, vocatur scrupulus: cumque prudentia, & im-

pru-

prudencia non consistant in indivisibili, sed magnam habeant latitudinem: inde resultant multa species dubii, prudentis, & imprudentis. 4. Dubium juris potest esse *speculativum praxi*, scilicet quando loquendo abstractè, ac in genere, dubitatur liceat ne actio A ex se: praxi autem loquendo non dubitas quin hic, & nunc omnibus pensatis, liceat. Item *practicum praxi* scilicet quando non dubitas rem ex genere suo licere; dubitas verò an hic, & nunc in his circumstantiis liceat: Item *practicum simul*, & *speculativum*; scilicet quando de utroque ambigis.

22. Dubium potest esse *directum* scilicet quando cadit supra rem ipsam, quam facis, ut si dubites, sit nec ne aqua elementaris illa qua baptizas: vel *reflexum*; quando scilicet cadit supra dubium ipsum; ut si dubitares, sit nec ne licitum baptizare illà aquà, de qua dubitas an sit elementaris. 6. potest contingere quod dubium *maneat* dubium omnino, eo quod intellectus, vel nequeat, vel non curet illud resolvere; quinimò voluntas illicò prorumpat in eam opinionem: & potest etiam contingere quod *resolver* illud; non quidem directè, quatenus veritatem objectivam assequatur, quia tunc jam non maneret dubium; sed reflexè, quatenus prudenter iudices quod illo non obstante, potes hic, & nunc omnibus pensatis licitè operari (ut in antecedente perplexitate, de qua mox) unde, quatenus prudenter spernas illud. 7. Dubium potest esse *Purum* circa actionem A; v. g. sit nec ne obligatoria, & nihil plus: & potes esse *mixtum* cum æquali dubio, sit nec ne obligatorium contrarium, vel contradictorium illius actionis; ut quando Pastor dubitat, teneatur nec ne assistere sacro ovibus desertis; & simul, teneatur nec ne invigilare gregi, sacro prætermisso. Iste adhuc non est casus perplexitatis antecedentis; nam licet dubium sit *æquale subiectivè*, potest esse dispar objectivè, eo quia unum peccatum appareat minus altero etiam gravi: & tunc debet eligere quod minus apparet; aliàs illud alterum secundum totam suam malitiam erit homini voluntarium, & imputabile; suppono enim illam inæqualitatem non esse gradualem intra eandem speciem, quasi unum appareat, ut quatuor, & aliud ut sex; sed esse specificam, quatenus unum peccatum apparet contra iustitiam, & alterum contra temperantiam v. g. species autem ut talis, idest, essentia consistit in indivisibili.

23. 8. Potest contingere quod dubia sint *æqualia objectivè* quatenus peccata appareant æqualia; detur tamen inæqualitas subiectiva, eo quia unum dubium sit minus altero, & neque tunc est perplexitas antecedens, quia determinatè debes operari juxta minus dubium. 9. Potest contingere quod utrumvis dubium *utrovis modo sit æquale*; sed non eo ipso datur dicta perplexitas; nam fieri potest ut medium practicum suppetat indagandi veritatem, & tunc tenetur ad hoc determinatè. 10. denum potest evenire quod dubia *æqualia sint subiectivè, & objectivè medium practicum non sit*, quidquid sit de speculariis ad explorandū veritatem. Iste est casus antecedentis perplexitatis, in quo facere potes quod libuerit; non enim potes simul ponere, aut simul omittere ambo contra-

tradictoria de quibus est dubium . Hinc jam vides , quàm æquivocè dicere-
mus absolutè licere , aut absolutè non licere operari cum conscientia dubia ; quandoquidem tot sunt dubiorum species .

24 Sic prima conclusio . Ad voluntarietatem sufficientem ad lethale fat est operari cum dubio *prudente* , & *practico* , & *puro* , & *non resoluto reflexè* ; Dubio inquam *juris* , vel *facti* , *positivo* , aut *negativo* , in *materia gravi* , & etiam in ea de qua dubitatur sit ne lethalis , aut venialis . Operari autem cum suspicione , aut formidine interdum sufficit ad eam voluntarietatem , interdum non . Dixi *prudente* , quia dubium , reflexè cognitum , ut frivolum , qualis est scrupulus , nullis , vel levibus innixus fundamentis , non sufficit rei tam gravi . Quod si ipse discernere nequeat , sit nec ne prudens dubium , obedire debet aliis juxta prudentiam ; quod si sit contumax , & nolit , relinqui debet in ea carnis duriæ donec vexatio der intellectum , & aliquando citò dabit , si diu duret tortura . Dixi *practico* , quia stat benè quod quis considerans rem secundum se , purè specularivè , ambigat sit nec ne licita ; & tamen quod hic , de illa non dubitet hic & nunc omnibus pensatis , & suppositis talibus circumstantiis ; Sic potest quis dubitare , specularivè loquendo , liceat nec ne assistere Sacro Obligatorio , & simul dicere officium ; liceat nec ne non pœnitere immediatè statim post peccatum ? liceat nec ne , indica potio in die jejunii ? Et tamen sciens affirmativam sententiam esse longè probabiliorē , non dubitare , sed omnino judicare hic & nunc , & supposità eà majore probabilitate , tria ista licere . Ubi obiter vides , sententiam magis probabilem , licet sit æquè tuta formaliter , ac contradictoria , quatenus æquè vitatur peccatum , formale ; posse tamen esse minus tutam materialiter , nempe quia fieri potest , quod re ipsa sit prohibitum , quod ipsa docet ; cum tamen certissimè non sit præscriptum contradictorium . Dixi *puro* quoniam si dubium est admixtum cum altero dubio , ita ut resultet antecedens perplexitas gaudet ille homo privilegio eligendi extremum quod maluerit , secus si non sit perplexitas antecedens , ut nuper dictum . Dixi *non resoluto reflexè* non quia jam veritatem deprehenderis , nam tunc jam non manebit dubium ; sed quia non possis , vel non cures resolvere prudenter , quòd non obstante illo dubio , liceat hic , & nunc , & suppositis talibus circumstantiis operari .

25 Difficultas potest esse in eo , quod possis prudenter formare hoc judicium ; nam multoties est reflexè positivè prohibitum operari cum eo dubio , ut Sacramenta administrare cum materia , & forma dubiis , & universè quando actio tua potest vergere in damnum proximi , nisi fortè prevaleat jus tuum contra jus alterius , ut evenit in bello justo , in defensione tuæ vitæ &c . Ceterum multoties etiam potes prudenter resolvere practicè illud dubium , quod tunc manebit purè speculativum , & dictamen conscientiae practicum , & ultimum , ex quo prodit actio tua , non erit dubium , sed certum . Potes namque sic dicere . *Sicut non debet præterire meas obligationes , ita nec volo novas privatâ auctoritate mibi imponere* . In præsentiarum re consideratâ , & consultâ , non video prohibitio-

nem directam, aut reflexam hujus actionis, vel quia pro neutra parte est ratio specialis, vel quia autoritas, & ratio suadens prohibitionem enervatur per auctoritatem, & rationem contrariam; & ego non habeo Angelicam illam mensuram ad metiendum longitudinem, latitudinem, & altitudinem majotis, aut æqualis probabilitaris; neque stateram Sanctuarii, ut sciam in utra parte sit veritas: neque Ecclesia, quam non latet hæc res, & ad quam spectat docere nos vias veritatis hæcenus aperuit veritatem hac super re. *Nolo igitur imponere tibi hoc onus, quod non probatur positivè. Itaque hic, & nunc licet hac operatio* (in rebus non evidentibus, assensus, & dissensus pendent ab imperio voluntatis prudenter eligentis) En ultimum, & practicum dâmen, quod sanè non est dubium; sed subjectivè certum, & quali definitiva sententia, ex qua prodit actio.

26 Dices 1. Reflexam esse prohibitionem operandi quando datur hoc dubium. Resp. distingo in tali, & tali casu particulari quem jam insinuavi v. g. quando intercedit damnum proximi concedo: semper & in omni casu petis principium, nam de hoc est questio, & nostra conclusio est multoties posse licitè operari cum eo dubio merè speculativo: nempe resolvendo illud practicè discursu nuper dato, unde manebit purè speculativum: & operatio non prodibit ex illo, sed ex eo altero judicio practico jam dicto. Quod si sæpè homines operentur cum illo solo dubio, quin illud practicè prudenter resolvant, & consequenter peccent hoc probat illos nescire, aut non curare id agere, quo excusarentur; sed præcipites trahi ab appetitu: vel dubium revera esse ex illis, quæ nequeunt prudenter resolvi practicè, eo quod positivè, ac directè sit certa reflexa prohibitio operandi cum illo in tali, aut tali materia determinata: ut projicere lapidem, quando dubitas, ibi esse caput tui proximi. Dices 2. In dubiis tutior pars est eligenda. Resp. concedo de dubiis practicis, ob rationem conclusionis mox dandam; nego de merè speculativis, & quæ prudenter resolvi possint, eo quod non probetur positivè determinatè prohibitio, ut pote enervata per majores, pares, vel supiores rationes contrarias: aliàs cum dubium sit inter Aucthores de obligatione v. g. penitendi immediatè post lethale, & tutius sit penitere, damnandi essent novi lethales qui non immediatè penitent.

27 Dices 3. Sic operantem se obicere voluntariè periculo violandi legem: distingo periculo formali violandi formaliter legem nego, quia operatur cum practico illo ultimo, & prudente discrimine, unde non ita contra conscientiam: periculo materiali violandi materialiter legem permitto. Hoc autem non interest, nam idem contingit ei, qui utitur sententia minus tuta materialiter, sed magis, vel æquè probabilis. Ubi jam videris discrimen inter salutem corporis, & animæ, in qua paritate multi multum clamant. Illa, sicut cætera omnia temporalia, non obtinetur solis judiciis prudentibus, sed rebus ipsis physicis, & ad eum effectum virtuosus: Ergo licet prudens sit judicium medici, si tamen medicina physicè, & materialiter est nociva, prudentissimè trudet in sepulturam, sed trudet in actu secundo. Cæterum moralitas hu-

mana-

manarum actionum regulatur per prudentiam, vel imprudentiam, qua sunt; nam hoc ultimum dictamen est regula proxima formalis moralitatis, & juxta eam judicandi sumus à Deo; quia lucerna corporis nostri est oculus noster, qui si lucidus fuerit totum opus lucidum erit; tenebrosus autem si ille nequam fuerit. Sed fiat bene quod actio sit re ipsa prohibita, & tamen quod prudenter practicè judicetur non prohibita, ut constat in omnibus opinionibus, quæ sunt minus tute materialiter, & tamen sunt magis, vel æquæ, vel ferè æquæ probabiles; & deinde quia non est contra prudentiam humanam error materialis, prudentia quippe humana non est sicut divina. Ergo si abstergens homo sibi omnem pravum affectum, & lucem divinam invocans, nihilominus non detegit positivam, & specialem prohibitionem, eo quia rationes pro utraque parte sunt quales diximus, potest prudenter resolvere dubium. In hoc stat totum punctum. Quod possit, & resolvat.

28 Dices demum. Habentem illud dubium debere non resolvere illud per se ipsum, sed consulere libros, vel homines doctos, & interea operatione supersedere. Resp. distinguo in multis casibus v.g. quando res vergit in damnum proximi quando est specialis, quando est tempus &c. concedo: semper & in omni prorsus casu, nego. Cum enim series virg humanæ referra sit tot, & tam eterogeneis casibus ferè singulis diebus, in quorum plerisque potest excitari istud dubium; Si homini non liceret prudenti discursu, dato supra num. 25. se resolvere: sequeretur artifices, milites, rusticos, aulicos, & quorquos non sunt de genere Theologici, tertio quoque passu debere interrumpere sua ministeria, & adire Theologum cum novis, & novis casibus conscientie (v.g. milites quando jam sunt vicini congressui) imò & sequeretur Theologos ipsos passim quoque in propriis, & alienis actionibus dirigendis hæsus, cum non semper habeant præsentem omnes auctoritates, & rationes pro utraque parte, ut hac specie prudentie resolvant dubia propria, & aliena. Non facile credam obligavisse ad hoc, eum qui dixit: *Iugum meum suave est, & onus meum leve*. Credi-
derim facilius Augustino agenti. *Si propter eos solos Christus mortuus est, qui certa intelligentia possunt ista discernere, penè frustra in Ecclesia laboramus*. Et rursus. *Ceteram quippe turbam non intelligendi vivacitas, sed credendi simplicitas tutissimam facit*. Idem dico, respectivè de rebus ad mores spectantibus.

29 Dixi item in conclusione num. 24. *dubio positivo, aut negativo*; nam in utrovis intercedit apprehensio malitiae, & quidem cum aliquo fundamento alias esset dubium imprudens. Ergo si non resolves illud iudicio prudente, negante malitiam, operaberis non bona, sed mala fide, & contra conscientiam, quia tunc non alià operaberis conscientiam nisi illà dubitativā. Unde quatenus est ex te devoras malitiam, & te obijcis formaliter periculo peccandi. Dixi præterea *juris*, vel *facti*. Nam cum non loquamur de jure alio disparato; sed de jure alludente ad illam eandem actionem, quam facis; perinde est dubitare de prohibitione homicidii quando certò scis te jaculari in hominem; ac dubi-

Matth. 6.

Matth. 11.
S. Aug. ep.
202.Idem ad-
versus Ep.
fundamen-
talem c. 4.

tare utrum sit homo, illud in quod jacularis, quando certò scis prohibitionem homicidii. Dixi demum *in materia gravi, vel in materia de qua dubitatur, sit ne gravis, aut levis*. Nam qui apprehendens cum aliquo fundamento malitiam, aut confusè, & in genere: aut disjunctivè gravem, vel levem, prorumpit in actionem illicò, priusquam veritatem exploret, seu apprehensionem prudenter spernat, non operatur ex fide bona; sed mala; atque ita contra conscientiam, quam solam tunc habet, scilicet contra eam apprehensionem: & quatenus est ex se, perinde habet exercitè, atque opere ipso, licet non signatè, & verbis, quod actio sit bona, vel mala, lethalis, vel venialis. Sed hoc ipsum est grave peccatum reflexum, nempe aquè deglutire columbrum lethalis, ac pulicem venialis, æternam damnationem, ac poenam temporalem, totalem destructionem amicitie divinæ, ac merum teporem. Ergo.

30 Sic explicatà conscientia dubia facilè probatur conclusio scilicet esse illam sufficientem ad lethale. Quoties homo exercitè, atque opere ipso dicit. *Omninò volo hoc, sit vel non sit malum, sit vel non sit lethale*; lethalius peccat; nam quatenus est ex se deglutit malitiam lethalem si forte est, sicut deglutiret irreverentiam Principis, qui intra cubiculum suum diceret. *Omninò volo projicere lapidem, sordes &c. transeat nec ne Princeps per viam*. Sed quoties homo prædicto modo dubitat, & sic dubitans prorumpit in actionem, exercitè, atque opere ipso, licet non signatè, & verbis, sic dicit; *Omninò volo hoc, sit vel non sit malum, sit vel non sit lethale*: sicut ille alius lapidem proiciens cum illo dubio, opere ipso diceret; *transeat nec ne Princeps ego volo proficere hoc per fenestram*. Ergo quoties homo cum eo dubio operatur peccat reflexè. Ergo dicendum, quod eadem virtus, quæ prohibet operationem, prohibet etiam operari cum eo dubio: cum sit operatio graviter irreverens ipsi virtuti, & objecto formali ipsius. Dices 1. Ergo ut licitè operemur debemus præcognoscere determinatè positivè, & absolute operationem non esse prohibitam: distinguo, ut licitè positivè, idest, honestè, concedo: licitè negativè, idest, non peccaminosè nego; quia ad non peccandum sufficit quod pro priori ad operationem neque advertamus, neque dubitemus practicè, malam esse operationem, quoniam eo ipso operatio non erit contra ullam conscientiam. Ergo neque peccatum. Unde quando Apostolus scripsit. *Omne autem quod non est ex fide peccatum est*; loquitur de illo quod neque positivè, neque negativè est ex fide bona: esse quippe negativè ex fide, est non esse contra bonam fidem, idest, contra conscientiam. Ergo quod neque adhuc negativè est ex fide est contra conscientiam. Ergo peccatum.

31 Dices 2. Omnis qui non habet plenam advertentiam malitiae non peccat; sed omnis qui dubitat non habet plenam advertentiam malitiae. Resp. non habet plenam advertentiam, terminativè determinatam, & quæ absolute sic dicat *hoc est malum* concedo: quia cum de hoc dubitet, non potest hoc idem determinatè judicare. Terminativè suspensivam, & disjunctivam nego; quia ille verè, & plenè apprehen-

dens malitiam in sua actione, & hanc apprehensionem non repellens prudenter, subito prorumpit in operationem; & hoc est, si non signatè, & verbis, opere tamen, & exercitè sic se gerere: *Omninò volo hoc, sit nec ne malum moraliter, sit nec ne lethale*; hoc autem modo se gerere est deglutire quatenus est ex se malitiam gravem, & perinde habere peccare, ac non peccare graviter; qui est modus reflexus peccandi: Et pater amplius in eo qui dubitans an sit homo, vel bellua, objectum, in quod collimat nihilominus jaculatur: hic namque opere, ac exercitè dicit: *sit vel non sit homo, committam, vel non committam homicidium omninò volo jaculari*. Unde in foro conscientiz, & coram Deo comprehendente omninò interiora nostra, malitiam homicidii deglutit, licet non apud homines, si revera hominum non occidat, quia poenæ humanæ sunt impostæ homicidio ipsi, actu culpabiliter parato, non autem solis intentionibus occultis.

32 Quæres hic operari cum dubio de positiva honestate sufficit ne ad meritum, & honestatem operationis? Resp. vel ponis actionem ex motivo illius honestatis, quam dubitas: vel suspicaris sic dicens: *Volo hoc facere quia fortè placet Deo, quia fortè est sublevatio miseria proximi &c.* Vel non. Si primum honestè positivè operaris, ut satis patet: cum movearis ex objecto formali bono, atque ad rem quam suppono non prohibitam. Si secundum non sufficit; licet enim ad male operandum sufficiat facere quod præcognoscitur malum, licet non fiat ex motivo malitiæ; nempe quia hoc rarò contingit, non autem est rarum peccare; Et quia malum ex quocumque defectu; verumtamen ad honestè positivè operandum per actum prosecutionis (secus per actum fugæ, ut pater in dolore de peccato propter ipsius turpitudinem) requiritur quod opereris ex motivo intrinseco, vel extrinseco honesto: quia non aliud est specificativum virtutum nisi objectum formale, seu motivum ipsum, & insuper quia bonum debet esse ex integra causa.

33 Probo jam formidinem, & suspensionem malitiæ interdum sufficere, interdum non, ad coinquinandum actionem. Vel enim sunt actus reflexi supra iudicium practicum directum sic tendentes. *Fortè fallor in iudicando hanc actionem licere*. Id est: metaphysicè, physicè, ac moraliter potest contingere quod fallor in hoc iudicio. Vel directi, respicientes nimirum malitiam ipsam objectivam sic: *fortè est mala hæc actio*. Sed leviori fundamento concepti quam concipitur dubium. Si primum: non sufficiunt ad maculandum actionem. Nam quoties homo operatur cum iudicio practico absolute, & simpliciter prudente de honestate sue actionis, æquè, vel magis probabili quàm contradictorium, non peccat adhuc juxta magis rigidos Theologos. At aliquando operatur cum iudicio isto reflexo formidolosò, & simul cum iudicio prudente dicto. Nam cum iudicium sic prudens, neque sit infallibile, neque prorsus evidens: in sensu composito illius potest esse reflexa ista formido; quin imò omnis qui non est prorsus suarum opinionum servus, habet istam formidinem reflexam, cum toties deprehenderit, suum intellectum erravisse in eis, quibus aliquando omninò assentiebatur, sive dissentiebat.

Si

34 Si secundum iterum rogo, vel repellis prudenter istam formidinem, & suspicionem, ut passim repellimus multas alias v.g. de apparitione defuncti: vel non repellis. Si primum non peccas licet ponas istam actionem, quia non operaris contra conscientiam obligantem; sed contra conscientiam enervatam per istud prudens iudicium quo repellis formidinem. Si secundum. Rogo iterum: vel inquiris in veritatem modo humano, & practice possibili. Vel non. Si primum, & nihil detegis malitiae, potes licite operari, quia potes prudenter non auscultare isti formidini, & suspicioni; ut potes non attendere simili formidini quando solus ingrederis cryptam defunctis scatentem, & quia non est admittenda positiva prohibitio, quae positivè non probetur. Si secundum; iterum rogo: vel aliunde habes jus ad illam actionem: vel non habes tale jus. Si primum potes licite illam facere, quia jus certum non amittitur per solam formidinem, aut suspicionem: & sic femina aliqua dubitans, aut suspicans oritur scandalum alienum, si ipsa aliquam actionem faciat ad quam habet jus, puta si egrediatur sua Domo, si proportionatis suo statui vestibus utatur, potest utrumque facere, quia illud non est scandalum datum, sed acceptum. Si secundum debes abstinere ab actione donec veritatem explores, aut formidinem alia via prudenter repellas; sin secus mala fide operaberis; quod si formido, & suspicio assurgant usque ad rationem dubii dicendum est de illis, quod de dubiis diximus.

§. II.

35 **J** Am quod attinet ad ignorantiam, omnem ad moralitatem spectantem in sex classes redigo. 1. Ignorantia potest esse *positiva*, idest, error consistens in physico, & reali actu intellectus negante quod est: aut affirmante quod non est. Vel *negativa*, idest, mera, & pura carentia notitiae, eo quod, aut numquam scivit homo illam rem, aut quia jam est oblitus, aut quia hic, & nunc aliò est distractus: quae dux ignorantiae licet in rigore non sint ignorantiae, sed *oblivio*, & *inadvertentia*; petinde tamen se habent in ordine ad moralitatem; quid enim refert te scivisse talem, aut talem obligationem, si hic, & nunc quando operaris, illam prorsus non advertis? Vel *mixta* nempe quando iudicas quod non est, & ignoras quod est, vel vice versa. 2. Ignorantia potest esse *juris*, vel *facti*, vel *utriusque*. Juris quando ignoras, aut erras circa legem naturalem, vel positivam, vel negativam, vel civilem, vel Ecclesiasticam, vel divinam, vel generalem, vel particularem ad te spectantem. *Facti* quando non ignoras legem, ignoras, vel positivè erras circa illud quod facis v. g. occidis hominem, & hoc ignoras, aut putas te confodere belluam. *Utriusque* quando neque scis quod facis neque illius prohibitionem. 3. Haec ignorantia potest esse *antecedens*, vel *consequens*, vel *comitans*.

Ignor.

36 Ignorantia antecedens potest esse talis, aut *respectu libertatis*, aut *respectu actionis* quam liberè exerces. Erit antecedens *respectu libertatis*: quando tibi non occurrat modus inquirendi in veritatem; quod si revera talis modus non suppetat, erit ignorantia physicè *antecedens*, seu *invincibilis*, & *inevitabilis*, ut revera non suppetit nobis nunc de præfenti modus ullus explorandæ, quid modo fiat Pekini? Sin verò revera sit modus explorandi veritatem, sed non occurrat dubium suspicio, aut formido prudens circa illam, vel si occurrat, non tamen circa obligationem explorandi illam, erit *antecedens*, seu *invincibilis moraliter* non tamen physicè. V. g. physicè poteras scire, num talis dies esset Dominica, quia poteras querere; attamen si nec dubium; nec formido tibi venit in mentem de die Dominica, vel licet venerit, non tamen circa obligationem interrogandi, cum habuisti ignorantiam antecedentem, seu invincibilem non physicè, sed moraliter, quæque est, idem æquivalenter in ordine ad vitandum peccatum. E converso fieri potest quod sit *antecedens*, & *invincibilis* physicè secus moraliter; ut si Diabolus suggereret dubium à quo non posses re expedire de obligatione rimandi cogitationes tui sodalis. Tunc ea ignorantia est vincibilis moraliter in hoc solo sensu quatenus supposita eâ conscientia invincibiliter erroneâ debes apponere media ad indagandum, quid ille cogiter: sed est invincibilis, & antecedens physicè, quia si ille alter non vult, nil prorsus piscaberis. Rursus hæc ignorantia antecedens potest esse *præfens* quando operaris, & hæc est quæ facit ad rem in ordine ad excusandum; vel potuit esse *antecedens olim*, sed jam non, quando prorumpis in operationem.

37 Ignorantia antecedens *respectu actionis* est illa quæ dicitur causa negativè efficax actionis illius, idest, *quæ talis est, ut si abesset, & veritas sciretur, non faceres talem actionem*. V. g. jacularis in objectum, quod prorsus ignoras esse hominem, esse Patrem, aut Fratrem tuum; si tamen hoc scires, aut dubitares, neutiquam jaculareris. Hæc vocatur ignorantia antecedens *respectu jaculationis*, non quia sit causa positiva illius (mera namque ignorantia, sive positiva, sive negativa, de eo quod objectum illud sit homo, neque physicè neque moraliter insuit per se, ac positivè in jaculationem versus illam partem) sed *negativa* quatenus si abesset ea ignorantia, non faceres eam actionem, eo modo quo possibilitas passi non est causa positiva combustionis v. g. sed tantum negativa quatenus si passum non esset possibile, certè non combureretur. Idem deprehendes in multis ex illis conditionibus, quæ dicuntur *sine qua non*. Rursus cum veritas possit adveriti, vel quia illam certò scis, vel quia prudenter dubitas: duæ aliæ resultant species hujus ignorantiz antecedentis: una quæ talis est, ut si abesset ratione certæ *advertentia* omitteretur actio illa; altera quæ si abesset *etiam ob solum dubium*, vel suspicionem, omitteretur quoque actio.

38 Porro ea veritas conditionalis, quæ definitur hæc ignorantia antecedens, non reddit sensum universalem scilicet *omnis casus possibilis, in quo sciretur veritas &c.* quia esset falsa: cum sint possibiles multi casus,

casus, in quibus tamen si scires esse hominem, esse Patrem tuum; jacularetis: neque sensum particularem scilicet; *in aliquo casu possibili, in quo sciretur veritas &c.* Nam etiam ignorantia comitans, de qua postea, quæ est opposita ignorantie antecedenti, talis est ut in aliquo casu possibili in quo ipsa abesset, abstinere homo ab ea actione; neque illa conditiona: a significat quemvis casum singularem; possibiles namque sunt multi, in quibus licet scires esse hominem, jacularetis v. g. si à Deo jubereris, si esset prorsus necessarium ad tuendum vitam tuam &c. Reddit ergo sensum illum singularem, qui contingit quando jaculatur v. g. *Si hic, & nunc attentis præcisè illis aliis, quæ pro priori ad jaculationem habuisti, scivisses, vel dubitasses objectum illud esse hominem non jaculatus fuisses.* Et in hoc differt ab ignorantia comitante. Hæc veritas conditionalis potest esse, vel merè *speculativa* qualis respectu nostri dici potest actus ille scientie medice, quo Deus hoc idem agnosceret: vel *practica*, quatenus scilicet fundetur in actuali resoluta nolitione, quam tunc habebas parandi homicidium, vel in aversione innata, seu elicita actuali, vel habituali, directa, vel indirecta hujus sceleris, quæ aversio, vel quid simile, ut timor justitiæ humanæ, aut divinæ, excitaretur per notitiam, vel dubium dictum, & manum cohiberet à jaculatione. Denique indicium hujus ignorantie antecedentis solet esse dolor, & mixtitia post detectam veritatem, licet non semper; fieri namque potest. ut non poneret actionem, si prævidisses, vel dubitasses effectum inde nasciturum; & tamen illa actione jam facta, non dolcas quinimò gaudeas ob alios fines bonos, aut malos spectantes ad aliam materiam; ut si inde copiosam hæreditatem percipias &c. Dixi semper *scientiam*, vel, *dubium*; licet enim fieri possit, ut abstineres ab actione si certò scires; non autem si merè dubitares id quod faciebas, & è converso: verum tamen hæc differentia est purè physica, & materialis, non autem formalis in ordine ad variandum antecedentiam ignorantie, quam modò versamus.

39 Similiter ignorantia *consequens* potest esse talis *respectu libertatis*, vel, *respectu actionis* quam ponis. Hanc secundam prætereo, quia cum rem supponat factam, incapax est impertiendi ei bonitatem, aut malitiam moralem. Illa est idem, ac ignorantia liberè habita; nempe quia homo verè poterat scire veritatem, si voluisset. Est duplex. Una *consequens physice* ad libertatem, quatenus verè physice poterat eam abjecisse: quia licet neque illa, neque suum objectum, & consequenter neque debitum, sive obligatio repellendi eam, reflexè tibi venerit in mentem, casu tamen poterat veritatem scivisse, ut in aliis rebus contingit: hæc excusat à peccato. Item *consequens moraliter*: quatenus verè sibi suboluit objectum A, & poterat indagare veritatem, sed noluit. Hæc consequentia moralis potest item esse duplex. Una *purè materialiter*; quatenus licet rem odoratus sis, & consequenter physice, ac moraliter poteras assequi totam quidditatem illius negotii, non tamen advertisti debitum, seu obligationem inquirendi (& hæc etiam excusat). Altera *formaliter*: nempe si advertisti etiam obligationem inquirendi veri-

veritatem. Hæc ignorantia consequens formaliter ad libertatem, solet esse duplex: una vocatur *affectata* scilicet quamdiutè, ac formaliter vis illam habere, sicut illi qui apud Job ajunt *scientiam viarum suarum nolumus*. Altera vocatur *crassa*, & *supina*: scilicet quando præ mera socordia negligis scire veritatem: circa illam te habes positivè; circa hanc permisivè: illa in rebus obligatoriis est multo pejor: Utraque potest esse ignorantia contra notitiam præceptam *propter se ipsam*, & quasi speculativam, ut est notitia expressa Trinitatis; & tunc habet specialem malitiam contra virtutem studioris, & est peccatum in recto, seu in se ipsa formaliter. Vel contra notitiam præceptam *propter aliud faciendum*, seu *omittendum*; ut est notitia præceptorum, & actionum ad quas, circumstantiarumque pro quibus, obligant: & tunc datur duplex peccatum; unum est ignorantia ipsa; alterum operatio illa contra præceptum, aut legem quam voluntariè ignoras; quod si ab hac operatione nunc abstineas, contentus non laborando in veritate indaganda, adhuc non securè fugis, quia voluntariè te projicis in periculum operandi postea contra legem.

40. Demum ignorantia *comitans* datur, quando ignoras quidem jus, & factum; *idem tamen faceres licet utrumque adverteres*, aliquando etiam si dubitares, modò non scites certò, aliquando etiam si certò scires v. g. qui ignoraret legem prohibentem homicidium, & simul se jaculari in hominem, ram præx autem indolis esset, ut æquè jacularetur, sciret nec ne, & prohibitionem, & homicidium. Hæc veritas conditionalis potest esse, aut merè *speculativa* nempe quando Deus scientia media prænoscit te te ipsa facturum idem, licet nunc de præsentì nulum detur fundamentum in tua voluntate connexum cum eo futuro conditionato, pòt contingit in aliis actibus scientiæ mediæ quibus prænoscit Deus omnes prorsus operationes creaturarum, quas elicerent sub quavis libertate. Potest item esse *practica* scilicet si fundetur in eo quod habes hanc volitionem. *Volo omninò jaculari, siue sit, siue non sit, homo id in quod collimo*. Vel quia es habitualiter propensus ad homicidia: Vel quia attentis eis aliis, quæ se habent ex parte actus primi ad iaculationem, neque notitia prohibitionis, neque notitia de eo quod objectum illud est humanum, cohiberet te à jaculando. Vocatur *comitans* hæc ignorantia, quia coexistit iaculationi, & neque est causa illius, neque effectus, neque ipsius contradictorium caufaret omissionem illius actionis.

41. 5. Pleræque ex his ignorantibus possunt esse *pura*, vel *mixta*. Ecce hæc est primaria, & magis necessaria divisio. Ignorantia est *pura* quando non solum ignoratur lex, statutum, prohibitio, actio, eventusque nasciturus ex ignorantia illa, verum neque dubium, formido, aut suspicio prudens oboritur, quidquid sit de imprudente. Talis fortè fuit ignorantia illius, qui fuit in periculo rapiendi Rebeccam. Ignorantia *mixta*, seu *non pura* datur quando veritas quidem latet; aliquod tamen prudens dubium, seu formido adest circa illam. Talis fortè fuit ignorantia Pharaonis quando primum rapta est Sara; siquidem flagellavit

Job 21.

Genes. 20.

Genes. 12.

Genes. 20.

lavit Dominus Pharaonem plagis maximis propter Sarai uxorem Abraham; quando autem rapta est per Abimelech videtur intercessisse ignorantia pura. Rursus ignorantia illa pura, est triplex: una circa *solum ius*, ut quando bene adverris te comedere carnem penitus tamen ignoras prohibitionem. Alia circa *solum factum*, ut quando bene scis esse feriam sextam, penitus tamen ignoras esse carnem, aut piscem id quod comedis. Alia circa *utrumque*. Ad ignorantiam juris reducitur ignorantia circumstantiarum, & conditionum pro quibus obligat lex. 6. & ultimò. Illa ignorantia *comitans* solet esse triplex. Una *iuris*, & *facti*; ut quando idem faceres tamen si scires prohibitionem, & infaus- tum eventum nasciturum ex tua actione. Secunda respectu *iuris solius*; ut quando idem faceres licet legem scires prohibentem; non tamen si scires te occidere amicum tuum explosione illa. Tertia respectu *facti*, sed non juris, ut quando idem faceres licet scires te occidere hominem; non tamen si scires legem id prohibentem, ut contingit militantibus in bello injusto, sed quod invincibiliter putant justum. His positis difficultas est ad moralem Philosophiam spectans, quam ex his ignorantia excuset à peccato, eo quod opponantur voluntarietati, quam hoc requirit.

CAPUT QUARTUM.

*Resolvitur præcedens questio, & obiter de
opinionè minus probabili.*

42



COMMUNIS, & vera Theologia est: ignorantiam antecedentem respectu libertatis, idest, invincibilem, excusare à peccato actuali, quidquid sit de præterito; secus consequentem, idest, vincibilem. Ut hoc explicetur, & loquendo univocè de ignorantia positiva, & negativa, idest, de errore, & ignorantia. Sit secunda Conclusio. Ex eo præcisè quod actio, vel omisso fiant cum ignorantia comitante positiva, vel negativa, & attento solo specifico hujus ignorantie constitutivo, neque sequitur esse peccatum, neque non esse. Idem de ignorantia antecedente juris, vel facti. Idem de invincibili, seu antecedente respectu libertatis. Et licet ignorantia vincibilis non solum crassa, & supina, sed etiam affectata excuset in foro conscientie ab hæresi formali iudicium contra articulum fidei; verumtamen hæc etiam ignorantia ex genere suo aliquandiu potest stare sine peccato aliquandiu cum illo. Sola ergo & omnis ignorantia *pura*, sive juris, sive facti est, quæ ut talis excusat ab illo peccato in instanti in quo ipsa adest. His terminis minutim

ratiſm explicio communem illam, & veram Theologiam. Probo primam partem. Ignorantia comitans in materia homicidii (& idem, de quavis alia) conſiſtit in eo quod inter jaculandum, verè ignores, aut prohibitionem, ſcilicet humanum eſſe objectum illud; eodem autem modo jaculaberis, tametiſi utrumque ſciſes, vel dubitaret. Hoc eſt ſpecificum conſtitutivum huius ignorantie; ſed hoc præciſe ut tale, aliquando ſtat cum peccato actuſi (ut ſi jaculatio illa prodiret ex hoc actu voluntatis. *O quantum gauderem objectum hoc eſſe nequam illum*) Aliquando ſine ullo peccato actuſi in hac materia, ut quando nullum omninò habeas actum approbativum homicidii, ſed ſolum ſit ſpeculativè verum, *te aequè jaculaturum ſi ſciſes eſſe hoſtem tuum*; vel etiam practicè eo quod propenſus valdè ſis in vindictas, & aſpectus ipſe hoſtis tui excitaret tuam propenſionem ad explodendum contra ipſum; in quo caſu neque prava iſta indoles per ſe præciſe eſt peccatum, niſi ipſi indulgeas: neque culpa, quam tunc patraret, facit te nunc de præſenti reum peccati actuſis. Ergo ex eo præciſe quod ignorantia ſit comitans neque inferitur &c.

43 Obijcies. Ignorantia comitans ſolum datur quando datur animus faciendi illam eandem actionem, etiamſi ſciſetur prohibitio. Nego: nam licet non deret hic animus actuſis poteſt eſſe verum *te ſimiliter operaturum licet veritatem ſciſes*, ut nuper diximus. Sed eo ipſo quod hoc ſpeculativè, vel practicè ſit verum, ignorantia non eſt antecedens reſpectu juris, aut facti; nam hæc ignorantia antecedens conſtituitur per veritatem oppoſitam. Deinde non eſt conſequens ad factum ipſum, nam ponimus te laboraturum eâ ignorantia eliceret nec ne actionem dictam. Ergo reſtat quod ſit comitans. Probo ſecundam partem. Ignorantia antecedens juris, & facti ſtat in eo quod occidens re ipſa hominem v. g. ita proſus ignores, aut prohibitionem, aut homicidium, aut utrumque, *ut ſi alterutrum ſciſes, abſtineret ab ea actione*, ut ſupra dictum. Sed hoc præciſe ut tale, ſive ſit veritas merè ſpeculativa, ſive etiam practica, poteſt ſtare cum peccato actuſi in ea actione item ſine illo. Probatuſ; tum quia licet iſta veritas conditionata ſit practica eo quod fundetur in propoſito omninò reſoluto non occidendi tuum hoſtem; huiusmodi tamen propoſitum poteſt compati cum delectatione moroſa in illa occiſione, ut contingit in aliis rebus; nec non cum voluntate de eo quod alius faceret actionem illam ad occidendum tuum hoſtem. Ergo iſta veritas conditionata, & fundamentum ipſius poſſunt compati cum eo quod actio illa ſit peccatum actuſe eo modo quo actiones externæ poſſunt eſſe. Tum quia iſta veritas conditionalis poteſt fundari in propoſito, abſoluto quidem non occidendi *ob ſolas penas imminentes à juſſitia divina, vel humana*; ita tamen ut ſimul ſit voluntas occidendi terminativè conditionata *ſi tales pena non imminerent*. Sed eo ipſo iſtud idem propoſitum abſolutum non occidendi, eſt peccaminolum, nam iſta hypotheſis non purgat à malitia homicidium: ergo. Poteſt item ſtare abſque peccato actuſi, quia ut patet ſtare poteſt, abſque ullo affectu ſimplici, vel efficace, abſoluto, vel conditionato circa homicidium.

44 Hinc aliud est quod hæc ignorantia sit formaliter in se peccatum (& hoc est impossibile eo ipso quod sit antecedens, seu inevitabilis per libertatem) Aliud quod actio sub illa posita, possit esse peccatum: & hoc est quod dicimus. Objic. Omnis ignorantia pura excusat à peccato juxta ultimam partem conclusionis. Sed omnis ignorantia antecedens est ignorantia pura, nam si haberes aliquid prudens dubium circa prohibitionem, aut homicidium v. g. quod patras jam ignorantia non foret antecedens, nam jam habebas lucem ad inquirendum in veritate, superfedendumq; ab actione, si prudenter resolvere dubium nequibas ergo. Dist. maj. excusat à peccato ex eo præcisè quod sit pura concedo, & hoc est quod dicimus in ultima parte; ex alio titulo, idest, ex ea veritate conditionata, qua constituitur ignorantia antecedens nego propter rationem nuper datam. Et permissa minori distinguo similiter consequens. Non nego ignorantiam antecedentem solere excludere, & comitantem solere includere peccatum. Sed nego quod hoc contingat, ex eo præcisè quod dentur illæ veritates per quarum unam constituitur ignorantia antecedens, & per alteram comitans.

45 Probo tertiam partem, scilicet idem dicendum de ignorantia invincibili, seu antecedente respectu libertatis. Hæc antecedentia, seu invincibilitas consistit in eo quod vel revera non suppetat ullus modus explorandi veritatem; vel licet suppetat non tibi occurrat; vel licet occurrat ille, non tamen cogitatio ulla de obligatione, & debito explorandi hic, & nunc veritatem talibus urgentibus circumstantiis. Sed totum hoc potest stare cum actuali peccato, & sine illo; ergo ex eo præcisè quod ignorantia sit invincibilis, seu antecedens; neque sequitur determinatè peccatum, neque determinatè excusatio peccati. Probo minorem, ut supra; habens prædictam ignorantiam, & nec levissimè suspicans esse hostem tuum objectum illud quod putas arborem, potes vibrare in illud cum hoc actu. Sic transfererem nequam illum; & revera est. Ecce jam peccatum homicidii coram Deo cum omnimoda, & antecedente ignorantia de eo quod hominem occidis; Irregularitas verò, excommunicatio, & aliæ pœnæ inflicte ab hominibus, solum contrahuntur ob homicidium plenè adverrentiā, vel culpabili ignorantia patratum. Deinde potest etiam evenire quod nullum sit peccatum. Fieri namque potest quod nullus omnino detur affectus in homicidium. Ipsa insuper ignorantia eo ipso quod non sit libera passivè, non est peccatum personale; & eo ipso quod sit antecedens, non est passivè libera. Probo quartam partem scilicet ignorantiam crassam etiam, & affectatam excusare ab hæresi formali (& consequenter à reservatione, & aliis huic adnexis) judicium contrarium rei de fide; quod signanter notavit eximius Doctor, & post eum Arriaga.

Summ. di-
sput. 19. de
fide sect. 3.
n. 18.

Arriaga di-
sput. 19. de
fide sect. 5.

46 Sed adverte aliud est graviter peccare contra fidem esseque infidelem negativè: aliud esse infidelem positivè, seu incidere in hæresim formalem. Ab illo primo non excusat dicta ignorantia, quando est periculum judicandi aliquid contra res revelatas; sed ex illo primo non

non sequitur secundum. Nam etiam culpabilis ignorantia eorum, quæ sunt necessariò credenda, item superstitio, abjuratio merè extetna Fidei, merè quoque; externa disseminatio errorum, nec non voluntariè se exponere, periculo incidendi in hæresim, vel quia hæreticorum libros revolvit absque præsidio sufficientis doctrinæ, vel quia uxorem ducit hæreticam &c. sunt peccata gravia contra fidem. Et tamen non sunt hæresis formalis. Eadem quippe virtus potest trahere secum multa præcepta, & prohibitiones: & violare unum non est violare omnia. Rursus aliud est incidere in hæresim hanc quoad forum externum; aliud autem, quoad internum, & coram Deo. Illud primum non nego, quia quando res sufficienter est propostæ, ut de fide Ecclesiæ non admittit istas excusationes; atque sic intelligendi sunt Doctores illi inter quos S. Thomas, qui ab illa regula *ignorantium excusat hæresim* excipiunt articulos fidei, ut ibidem notat Doctor citatus, nempe quia Ecclesiasticum, forum non præsumit in Christianis ignorantiam circa eos articulos; potest tamen revera dari circa aliquem, vel aliquos. Denique non nego ignorantiam hanc trahere secum hæresim formalem in aliquo casu particulari; scilicet quando trahit originem ex contemptu Verbi Dei, aut Ecclesiasticæ doctrinæ; v. g. *nolo scire doctrinam ipsius Concilii, ipsius libri Canonici, quidquid enim dicant volo adherere huic tali opinioni*. Loquimur igitur de illa in genere, & prout haberi potest in aliis casibus.

47 Arguo sic. De ratione hæresis formalis est formalis pertinacia. Ergo quisquis non est formaliter pertinax non est hæreticus formalis. Sed fieri potest quod quis consultò velit ignorare, quæ definiuntur in tali, aut tali Concilio Generali, quæ traduntur in tali, vel tali libro Canonico, quin sit pertinax formaliter; nam potest velle hanc ignorantiam, vel proptur solam difficultatem aquirendi noticiam contrariam, vel propter expensas quas debet facere; vel propter verecundiam, si aliqui advertant illam modo discere, quæ alii vulgò sciunt; vel propter timorem, ne fortè ibi sit aliquid contra talem quamdam opinionem, qua mirificè tenetur, & cogatur illam deferere ob reverentiam debitam Verbo Dei, atque definitioni Ecclesiasticæ: in quo casu potest tam longè abesse à contumacia, ut potius promptus esset posir ad deponendum proprium iudicium, simul ac ipsi certò moraliter constet de alterutro illorum: sicut Reus qui fugit à Magistratu ne capiatur, tam longè abest à resistentia, ut potius ne resistat, fugiat. Ergo non est pertinax formaliter licet multoties peccet contra fidem, non autem semper; sed solum quando res debet ex præcepto credi singillatim, & explicite, aliàs tenerentur omnes discere, & memoriter tenere omnes, & totos libros Canonicos, omnesque definitiones Conciliorum: ne fortè umquam haberent assensum contrarium ulli ex revelatis à Deo in eis libris, & definitionibus.

48 Ratio autem à priori est. Hæresis formalis, ut distincta ab aliis pravæ doctrinæ qualitatibus, est *iudicium certò oppositum ei quod certò moraliter proponitur, ut revelatum per Deum*; deficiente namque hac

evidente credibilitate deficit obligatio credendi assensu firmo, & in-
concusso, qualis esse debet assensus fidei divinæ, & consequenter dis-
sensu oppositus non est infidelitas positiva. Ergo quoties absit illa
moralis certitudo, seu illa evidens credibilitas, non potest dari hæ-
resis formalis; & consequenter neque illa, quæ ei sunt annexa, ut re-
servatio &c. At quoties simpliciter ignoratur quod Deus dixit, quod
Ecclesia definivit in tali, vel tali materia, undecumque proveniat hæc
ignorantia, non habetur iudicium quod certò opponatur ei quod certò
*moraliter constat illi homini esse revelatum per Deum; siquidem nulli
constat certò moraliter, nullique proponitur, ut evidenter credibile id
ipsum in individuo quod simpliciter ignorat licet suâ culpâ ergo. Ex-
plicatur; licet ignorantia affectata non excuset ab omni peccato, cer-
tum est quod opponitur cum multis: scilicet cum reflectentibus supra
prohibitionem v. g. cum his. Volo hoc propter id ipsum quod prohibitum
est à tali superiore. Volo hoc, licet prohibitum est ab hoc Prælate. Qui enim
simpliciter ignorat prohibitionem non potest habere has absolutas re-
flexiones. Hoc dicimus de hæresi formali. Est enim peccatum expres-
sè, ac formaliter contra Verbum Dei, non quidem metaphysicâ evi-
dentiâ propositum; sed obscurè, & solum cum evidente credibilitate.
Ergo impossibile est quod hoc peccatum committatur quando simplici-
ter ignoratur tale Verbum Dei. Ob easdem rationes prædicta igno-
rantia excusat ab illo alio peccato quod vocatur *error Theologicus*; nam
hic consistit in iudicio opposito ei quod legitimè infertur ex antecedente,
quod certò moraliter constat, esse revelatum v. g. consistit in hoc
iudicio *Christus non est risibilis*. Risibilitas enim legitimè infertur ex eo
quod Christus sit homo: & hoc est evidenter credibile.*

S. II.

49 **P** Robo quintam partem conclusionis. Scilicet ignorantiam
vincibilem, seu consequentem ad libertatem interdum sta-
re cum peccato, interdum sine illo. Ubi adverte quando dixi hoc
idem de ignorantia invincibili intelligendum est non solum quando
est talis respectu facti; sed etiam respectu prohibitionis. Ignorans
quippe invincibiliter prohibitionem, quæ emanavit à tali legitimo suo
superiore potest sic se gerere ob pravam, & pervicacem affectum erga
illum. *Volo hoc, & vellem esse prohibitum ab isto homine, ut videres se con-
tremi à me;* Ubi vides Ignorantiam antecedentem respectu libertatis
posse esse comitantem respectu actionis. Neque hoc ullatenus coinci-
dit cum errore illorum qui dixerunt absolute, ignorantiam invincibi-
lem non excusare à peccato. Tum quia illi, & qui eos iuste impugnant,
loquuntur de ignorantia invincibili. *quantenus est pura puritate excludente
omnem advertentiam, seu absolutam, seu conditionatam prohibitionis, ut
jam*

jam existentis, & etiam ut possibilis; de qua ignorantia loquor in ultima parte conclusionis. Nunc verò loquor de ignorantia invincibili, quatenus excludit omnem advertentiam, dubium, & suspicionem de actuali prohibitione, sed non de practica possibilitate illius; advertere autem illam posse dari hic, & nunc sufficit ad concipiendum dictos actus peccaminosos. Arguo itaque; in primis vincibilitas purè materialis consistens in eo quod re vera poteris physice scire id quod agis, ac prohibitionem, sed non venit tibi in mentem ulla cogitatio circa obligationem inquirendi in alterutrum, hæc inquam vincibilitas impar est impertiendo malitiam formalem tuæ actioni. Solum ergo loquor de ignorantia vincibili moraliter: nempe de illa quæ coexistit alicui formidini, vel suspicioni, quæ sit principium indagandi veritatem. Nam habens principium hoc tripliciter potest se gerere.

50 Primò. Scio in genere multas mihi impositas obligationes: neque una die discere omnes; volo hodie discere, quæ sunt in materia A, & postea discam quæ sunt in materia B. Decursu autem diei se offert occasio operandi in materia B, & penitus oblitus illius dubii quod habuit, operatur in ea materia contra obligationem, quam re ipsa ipsa habebat in ea. Ecce jam operantem contra obligationem, & cum ignorantia quæ ipsi fuit libera, vincibilis, & consequens; quandoquidem sicut incurrit in descendas obligationes circa materiam A, potuit has differre in alium diem, & studere obligationibus, quas in genere agnoscebat in materia B. Et tamen neque peccavit, quando noluit studere his, sed illis (supponamus utrasque fuisse æquales) neque quando operatus est contra illam obligationem in materia B, prorsus immemor illius, & reflexæ obligationis discendi illam. s. dubitans sub Auroram sit nec ne dies obligationis assistendi sacro, & habens præsentem à quo quærat, potest nolle quidquam ab eo quærere ob multas rationes, quæ tunc occurrere possunt; sibi tamen persuadens posse alium postea rogare hac super re: ingruente autem turbâ aliarum specierum, obliviscitur hujus dubii, & sacrum omittit in die festo. Etiam hic habuit ignorantiam voluntariam, & moraliter vincibilem, ut patet, & tamen neque peccavit quando noluit quærere ab illo, siquidem habuit iudicium prudens, & animum serium inquirendi veritatem opportunè: neque postea peccavit quando aliis negotiis prorsus correptus, talisq; dubii prorsus immemor, sacrum omisit. Similiter subit aliquis de novo munus aliquod, advertens impositas esse certas quasdam obligationes habentibus illud munus pro casu quo eât Neapolim v. g.: potest nolle indagare quænam illæ sint, eo quod propositum resolutum habeat numquam eundi Neapolim, vel aliud propositum nempe percunctandi illas, quando se offerat occasio eundi. Postea verò hujus dubii oblitus mutat animum, it Neapolim, & operatur contra aliquam ex eis obligationibus. Iste etiam habuit ignorantiam moraliter vincibilem, & tamen in neutra occasione peccavit ob rationem jam datam. Ergo ignorantia verè, & simpliciter vincibilis aliquando stat sine peccato. Similiter fieri potest, quod re ipsa sit prohibitio rei A, & tibi

subol-

subolvere; sed tam levi fundamento, ut prudenter abicias illud tamquam frivolum; tunc etiam verè, & simpliciter poteris vincere eam ignorantiam quam habes inter operandum; nam dubio illo licet levi semel excitato, poteris obcuriositatem, vel ob alios fines v.g. exercendi humilitatem, alloquendi quamdam personam &c. quærere, esset nec ne talis prohibitio; & sic inopinato deprehendere esse revera. Et tamen neque peccasti quando non quæsisisti, neque quando contra prohibitionem revera existentem operatus es penitus immemor dubii prioris, atque obligationis, sive debiri explorandi veritatem.

51. Cæterum si in ipso operationis instanti, & quidem *pro priori* ad illam, habueris dictam ignorantiam vincibilem circa prohibitionem talis actionis, sine dubio peccas si in illam prorumpas. Tum quia operaris mala fide, quandoquidem jam habebas principium dubitandi, & temperandi manum ab ea operatione, donec explorares esset nec ne secura. Tum quia eadem virtus, quæ prohibet illam operationem, similiter prohibet ne in illam prorumpas quando prudenter suspicaris esse prohibitam: sic namque operans, diceret exercitè, atque opere ipso, licet non verbis; & signatè. *Sit vel non sit prohibita hæc actio, volo illam, quæ est nodus reflexus spernendi graviter legem.* Vide quæ dixi de dubio practico non resolutio. Dixi *circa prohibitionem*. Nam si suspicatus es obligationem, & nolens laborare illam explorando, fecisti illud idem v.g. audire sacrum, vel suspicans prohibitionem noluit rem inquirere propter verendum, socordiam &c. abstinuisti tamen ab actione, tunc etiam non peccasti licet operatus es cum ignorantia voluntaria. Nempe quia hæc solum inficit actionem contrariam obligationi quæ subluit. Dixi item *pro priori*; quoniam vincibilitas ignorantiz coexistens quidem actioni, sed ex illa nascenti, seu veniens pro posteriori ad illam, impar est illam inficiendo, quia serò venit; ut quando homo agnoscens personam aliquam, ipso opere excitatur suspicio, sit ne propria, vel aliena uxor, tunc quidem immediatè post istans talis suspicionis debebat abstinere; sed non peccavit in instanti ipso, in quo suspicio, aut dubium fuit excitatum.

52. Demum qui sciens certas quasdam ad se pertinere obligationes, quas tamen non discernit, sed neque curat illis studere quin contingat ulla ex dictis circumstantiis iste sine dubio peccat graviter, aut leviter in hac, vel illa specie, prout fuerit illa notitia confusa, quam præhabuit: quia ut sæpè dictum, quantum est ex se deglucivit illam malitiam, quam præsumpsit, & cum qua præsumptione temerè operatus est. Impletè namque, & exercitè sic dicit. *Sit vel non prohibitio de hoc, curent alii*, & iste est unus ex multis modis spernendi leges. Hinc soluta habes argumenta contraria intendentia ignorantiam consequentem, seu vincibilem non excusare à peccato. Distinguo: non excusare semper concede ob nuper dicta: non excusare umquam, nega, & casus illos proferro paulo ante datos.

53. Probo jam ultimam parrem. Scilicet omnem, & solam ignorantiam *puram*, sive juris, sive facti excusate à peccato ex hoc titulo
igno-

ignorantiz. Hoc negarunt Lutherus, & Calvinus quando dixerunt ignorantiam invincibilem non excusare à peccato. Profecū cum una ex semitis satis tritis, ducentibus ad effraznem morum licentiam, sit ineluctabilis rigor: spiritus ille nequam impulit hos duos in eum errorem, ut homines iudicantes se graviter peccare, etiam quando invincibili ignorantia tenentur, aut desperent, aut parvi faciant peccatum. Catholica verò Theologia docet ignorantiam invincibilem, idest, *puram* omnem, & solam; attento hoc titulo excusare. Hæc puritas consistit in eo quod talis sit ignorantia, ut neque cognitione apprehensivâ, neque judicativâ, neque terminativâ absolutâ, neque conditionatâ, neque determinatâ, neque disjunctivâ adverratur, ut actu existens prohibitio actionis, quæ hic, & nunc fit, aut adverratur directè, vel reflexè debirum, sive obligatio explorandi eam prohibitionem. Neque quia nulla penitus excitatur species illius, sive quia hæc species numquam fuit, sive ob oblivionem, sive ob totalem distractionem. Et hoc est discrimen illius ab ignorantia, quæ utcumque est antecedens, seu invincibilis, quæ licet non adverras ullatenus rem esse hic, & nunc prohibiram, eo quod nec minimam de hoc habes suspicionem; potes tamen advertere illam prohibitionem *suspensivè*, & *hypotheticè*, ita ut affectus voluntatis feratur in rem apprehensam, ut *prohibitam*, seu in actionem apprehendendo hypothetum, in qua prohibita esset; in casu autem ignorantiz *pura* nequit illum pravum habere affectum, quia nullam prorsus habet adverrentiam directam, aut reflexam, ut suppono, prohibitionis adhuc hypotheticam, nempe quia non excitatur species, aut suspicio ulla illius prohibitionis, sicut nec multarum aliarum rerum, quæ sunt possibiles imò existens.

54. Argue igitur sic: qui ignorat id ipsum quod actu facit v. g. occidere hominem, esse alienam rem quam sumit &c. aut prohibitionem contra id quod facit; Rogo, vel habet aliquam prudentem suspicionem, seu formidinem alterutrius, vel non, si primum jam ignorantia ista non est pura, & omnimoda, de qua sola agimus modo. Ergo licet iste revera peccet, eo quia ante exploratam veritatem, & antequam dubium, vel suspicionem resolver prudenter, se projicit temerè in periculum violandi suam obligationem; nihil tamen ad nos; imò est pro nobis: quandoquidem probat ignorantiam, quæ non est pura, & omnimoda, non excusare, & consequenter solam ignorantiam *puram* excusare, si quæ excusat. Si secundum quarto iterum. Vel habet pravum illum affectum de quo supra: nempe quo feratur in actionem apprehendendo illam, ut *prohibitam*, & eam volens, *tamen si prohibita foret*. Vel non. Si primum nec iste est casus, de quo in presenti, quia non habet ignorantiam omninò puram, idest, puritate excludente etiam notitiam *suspensivam* prohibitionis; eo namque ipso quod velit eam actionem *licet prohibita foret*; jam agnoscit saltem hypotheticè prohibitionem, & effectivè violat legem. Si secundum ille est casus de quo loquimur, & istum pronunciamus immunem ab omni peccato contra illam prohibitionem; quamvis non ab omni alio priore, quia in præ-

nam alicujus prioris peccati potest relinqui à Deo in illa ignorantia.

55 Arguo Primo à posteriori: quia alias vera esset propositio 68. Bajana damnata per Pium V. & Gregorio XIII. nempe *infidelitas purè negativa in his, quibus Christus non est predicatus, peccatum est*. Si enim ignorantia pura, & omnimoda incarnationis non excusat à peccato infidelitatis negativæ, illi, quibus Christus non est predicatus erunt rei infidelitatis dictæ, & ratio est eadem pro omnibus aliis ignorantibus. Nam sicut dicit Paulus ad Romanos, *quomodo credent ei quem non audierunt*; ita dicere possumus, *quomodo potest homo obedire legi, aut præcepto, cujus puram, & totalem habet ignorantiam*. Secundo quia habet excusationem veram, legitimam, & irredarguibilem: *Prorsus non adverti directè, aut reflexè. Non sum Angelus. Non omnes advertimus omnia, quæ usus fuit Paulus*. Cum enim Ananix dixisset: *Percuties te Deus paries dealbate*; & perfida illa coram exclamasset *Summi Sacerdotem Dei maledicis?* Paulus sic se excusavit. *Nesciebam fratres quia Princeps est Sacerdotum*; quam excusationem etiam pervicaces illi homines admiserunt, & tacuerunt. Similiter Abimelech, cum à Deo audiret hanc cominationem: *En morieris propter mulierem quam tulisti; habet enim virum*; illico confugit ad hanc excusationem puræ, & totalis ignorantie: *Domine num Gentem justam, & ignorantem interficies? Nonne ipse dixit mihi Soror mea est; & ipsa ait Frater meus est*) in simplicitate cordis mei, & munditia manuum mearum fesi hoc: quam excusationem admisit Deus. Ecce duos casus omni exceptione majores, in quibus pura simplex, & omnimoda ignorantia excusat à peccato præsentè, non solum apud rectum tribunal Dei, verum etiam apud nequissimum illorum hominum.

56 Et ratio est. Opus sic factum non est contra ullam conscientiam actualiter, vel virtualiter in suo effectu existentem; quia neque datur talis advertentia, neque ignorantia præsens est effectus humano modo procedens ab ea advertentia olim habita; sed ad summum à peccato commisso quondam, de quo non disputo, quia solum quæritur sit nec ne actu formaliter peccaminosa actio, quæ nunc fit. Ergo opus istud non est peccatum. Quod si dixeris, verum esse quod non datur; sed dari debebat ea advertentia; instaurantur eadem argumenta contra istam reflexam obligationem; quoniam supponimus nullam penitus adesse advertentiam, dubium, aut suspicionem de ista obligatione reflexa acquirendi advertentiam directam. Ergo homo, si redarguatur eo quod non habuerit advertentiam, quam habere debuerat, proteget se eadem excusatione qua nuper. Ergo solum debebat remore, non autem proximè, & actualiter habere istam advertentiam: siquidem supponimus non venire illi in mentem istud debitum, sive obligationem reflexam. Quocirca ne confundas hæc duo. *Peccavisse. Actu peccare formaliter*. Non nego illud, sed hoc, quando adest ignorantia pura, & omnimoda istius quoque obligationis, seu debiti explorandi veritatem.

Sed

§. III.

57 **S**ed objicies in casu citato Abimelech subjunxit Deus. *Ideo custodivite, ne peccaretis in me, & non dimisi, ut tangeres eam.* Ergo Abimelech peccavisset, si tetigisset eam licet cum dicta ignorantia pura, & omnimoda. Distinguo peccavisset contra temperantiam concedo (sed de hoc non habebat ignorantiam puram, bene quippe sciebat Saram nondum esse uxorem suam) contra justitiam nego: & de hoc erat ignorantia: quia prorsus crediderat feminam illam non esse uxorem Abrahæ. Videns autem Deus simplicitatem, qua operabatur, & fortè animum etiam contrahendi matrimonium cum illa, largitus est in pramium aliarum etiam virtutum auxilium efficax ne plenè consentiret opere, aut voluntate etiam contra temperantiam.

58 **Objic.** 2. Juxta Chrikum Dominum apud Luc. *Qui cognovit voluntatem veri, & non obedivis vapulavit multis qui autem non cognovistis, & fecistis digna plagis vapulavit paucis.* Ergo licet ignorantia minuat non tamen excusat culpam. Et confirmatur. Judæi gravissimè peccaverunt Dominum crucifigentes, & Apostolos persequentes, & tamen in primo casu habuerunt ignorantiam facti teste Christo Domino dicente: *Non enim sciunt quid faciunt; teste Paulo: si enim cognovissent, Dominum gloriam, numquam crucifixissent.* In secundo purabant se bene agere teste Domino: *Veni ut omnis qui interficit vos arbitretur obsequium se prestare Deo, & hac facient vobis quia non noverunt Patrem neque me;* quod quidem faciebat Paulus ante suam conversionem. Ergo ignorantia facti non excusat quando res sciri debuerat. Secundò Nicodemus prorsus ignorabat illa de quibus dixit: *Quomodo possunt hæc fieri? & tamen propter hoc ipsum fuit sugillatus à Christo agente; Tu es Magister in Israël, & hæc ignoras?* Item Discipuli illi qui ibant Emmaus omnino ignorabant mysterium Resurrectionis, & Passionis Dominicæ, licet enim sæpè revelata fuerit per Christum Apostolis suis, verumtamen ipsi nihil horum intellexerunt, & erat verbum istud absconditum ab eis, & non intelligebant quæ dicebantur; quæ tergemina ejusdem ignorantia repetitione satis indicat Evangelista plenam, & totalem ignorantiam quam Discipuli habebant; & tamen propter hoc ipsum habuerunt correptionem; *O stulti, & tardi corde ad credendum.* Denique quia scripturæ multoties innuit ignorantiam ipsam esse peccatum, ut *Ignorantias meas ne memineris.* Et inveniet multa similia, qui verbum ignorantia quærat in Concordantiis Bibliis.

59 Qui sic arguit non bene novit phrasim scripturæ, quam aliàs notavi. Ejus est mos tribuere interdum subjecto prædicatum, quod re ipsa non habet; sed habent illi, quorum actionem imitatur illud subjectum. Sic Jeremias alloquitur Deum: *seduxisti me Domine, & sedu-*

Ff 2

Jerem. 20.

Hus

- thus sum.* Cum tamen Deus ob sibi essentialiorem veracitatem incapax sit deceptionis activæ, ac passivæ; quaritur tamen Propheta, *quia talia pertulit dum ejus obsequitur imperio, qualia qui ab alio in insidias inducitur sustinere solet.* Ira P. Sanctius. Item 3. ad Galatas dicitur *Christus pro nobis factus maledictum.* Nempe ut ibidem ait idem Doctor, *quia talia passus est, qualia patiuntur illi qui dicuntur à Domino maledicti.* Scilicet quia pependit ex ligno. Item apud Ezechiel. m. nomine Dei exprobratur Hierosolymitanis. *Radix tua, & generatio tua de terra Chanaân Pater tuus Amorrhæus, & Mater tua Ceibæa.* Cum tamen omnes illi ut pote Judæi, oriundi essent ex Abraham, & Sara.
- Daniel. 13.* Similiter Daniel objurgans nequam illum senem, inquit. *Semen Chanaân, & non Iudæa; cum re vera esse Judæus.* Sed quia omnes isti imitabantur Ethnicos illos: idcirco absque falsitate, imò cum magna Epithasi vocantur Ethnici. Demum apud Joannem dicitur, *qui odit animam suam in hoc mundo, in vitam æternam custodit eam; cum tamen non oderit, sed verissimè diligit animam suam, qui ejusdem appetitus cohibet: Odisse tamen dicitur quia communiter qui in alios inimico sunt animæ, illos laboriose alligant vitæ;* inquit idem D. Cum ergo omnes isti, de quibus procedit objectio, & confirmationes, se gessissent sicut ignorantes, & cæci se gerere solent, mirum non est quod absolute, & simpliciter ignorasse, atque nescire dicantur, licet re ipsa sufficientem habuerint noticiam directam, vel saltem reflexam de debito, ac obligatione inquirendi veritatem, ut digni forent reprehensione, & supplicio. Ergo in istis casibus non fuit ignorantia pura, & omnimoda; Ergo non veniunt ad rem. Et confirmatur ex eo quod Christus dicit Judæis hanc conditionalem. *Si cæci essetis, non haberetis peccatum.*
- Joann. 9.* At juxta eundem Dominum, *cæci erant, & duces cæcorum.* Ergo ne peccatum non habuerunt ullum? Absit. In illa conditionali loquitur de ignorantia pura, quæ excusaret illos à peccato. In minore non de cecitate, seu ignorantia pura, sed de operationibus illorum, quæ tales erant quales solent esse cæcorum operationes.

60. Et ratio scholastica est. Juxta commune Theologorum axioma. *Omnis peccans est ignorans.* At multi habentes sufficientem advertentiam malitiæ, peccant ut constat. Ergo multi habentes sufficientem advertentiam malitiæ sunt ignorantes. Ergo ex eo præcisè quod in Scriptura, & Patribus, & præcipuè Augustino, cujus testimoniis in præsentiarum utuntur adversarii, inveniatur conjunctio ignorantia cum peccato, male arguitur illam ignorantiam esse omnimodam, & puram ab omni advertentia tum directâ, tum reflexâ circa debitum explorandi veritatem. Sed de hac sola ignorantia sic omnimoda, & pura loquimur in præsentia ergo ex istis testimoniis, & multis aliis, male arguitur non excusare à peccato ignorantiam de qua modo; quapropter sicut omnis peccans est ignorans, non quia caret omni prorsus advertentia; sed quia malitiâ, vel facilitate obsecutus, non vult expendere potentissima motiva, ut fugiamus à peccato tamquam à facie colubri, & ob hoc dixit Moyles: *Gens absque consilio est, & sine prudentia.*

dentia: Utinam saperent, & intelligerent, ac novissima providerent. Et Jeremias. Desolatione desolata est omnis terra, quia nullus est qui recogites Jerem. 12. corde. Ita similiter Judæi, & peccatores dicuntur cæci, ignorantes, nescivisse, non cognovisse &c. non quia nullam prorsus habuerint directam, aut reflexam advertentiam malitiæ. (cum apertè dixerit Christus. Ipsa opera qua ego facio testimonium perhibent de me, quia Pater Io: 5. misit me; & alibi: operibus credite, & alibi: Si non venissem, & loquutus Cap. 10. fuisset eis, peccatum non haberent: nunc autem excusationem non habent. Cap. 15. & ibidem; Si opera non fecissem eis, que nemo alius fecit peccatum non haberent; nunc autem, & vident, & oderunt. & me, & Patrem meum.)

Sed quia eam advertentiam habentes saltem de debito, & obligatione explorandi veritatem: advertentiæ illi auscultare noluerunt, nimis passione correpti. Et confirmatur ex Isaia dicente. Audite audientes, Isai. 6. & nolite intelligere, & videte visionem, & nolite cognoscere. Excaca cor populi hujus, & aures ejus aggravata, & oculos ejus claudite. Quem locum frequenter citatur invenies in novo testamento, ergo illi ita non videbant ut viderent: ita non audiebant ut etiam audirent; quod nihil aliud est quam illos non habuisse ignorantiam puram, & omnimodam de qua modo; sed admixtam cum advertentia sufficienti, cui tamen attendere noluerunt, ut majus peccatum committerent quam Pilatus juxta illud Christi Domini: qui me tradidit tibi majus peccatum, Io: 19. habet.

61 Ex quibus omnibus fit obsecrationem, indurationem, cæcitatem, atque ignorantiam Pharaonis, Judæorum, & omnium peccatorum solere quidem esse penam aliarum culparum (& sic cum illas præsupponat, certum est quod ab illis non excusant) Sed non est idem, esse penam peccati, & esse peccatum, aliàs poena æterna cæterisque aliis insitit à justitia divina, & humana essent formaliter in se ipsis peccatum, cum tamen illas Deus omninò efficaciter velit culpâ præsupponere; quando autem obsecratio, cæcitas &c. sunt in se ipsis formaliter peccatum, vel non excusant actionem, quæ sub illis fit, non sunt pura, & omnimoda cæcitas, sed admixta cum aliqua sufficiente advertentia ad explorandum saltem veritatem, temperandumque interea manum ab ea actione; sed prævalet passio. Et sic Propheta ille 3. Reg. 13. peremptus à leone ob inobedientiam, non habuit puram, & omnimodam ignorantiam, idest, simplicitatem illam qua operabatur Abimelech; sed non obstante falsâ persuasionem illius alterius Prophetæ, conservabat remorsum aliquem circa prohibitionem sibi à Deo indictam: & conlat à posteriori ex supplicio inflicto per Deum, & ex reprehensione qua ille alter nomine Dei perstinxit eum quod nuppiam legitur expertus Abimelech propter illum raptum Saræ. Similiter illi Hebræi qui seducti à suis falsis Prophetis peccabant juxta illud: Propheta sui Thren. 2. viderunt tibi falsa &c. quia semper habebant stimulum illum conscientie, quo Deus internè alloquens ad cor, arcebat falsas illas persuasiones, quas audiebant à suis Doctoribus; Deus namque illuminat omnem hominem venientem in hunc mundum. Profecto si illi passi

fuit.

fuisſent puram eam ignorantiam quam habuit Paulus de Summo Pontificatu Ananiz quando ei maledixit, immunes fuiſſent à culpa, & poena ſicut immunis fuit Paulus. Fateor ſapiſſimè ſubreperè peccatum, quandò homo operatur frequenter cum ignorantia pura in rebus gravibus. Non quia illa, ut talis ſit peccatum, vel cauſa peccati formalis; ſed quia multoties latenter adelt pravus ille affectus, quo conſtitui ſolet ignorantia comitans, ſcilicet: *idem facerem ſi prohibitum foret*: maxime autem quando homo eſt valdè proclivis in eam materiam, cujus prohibitionem prorsus non advertit abſolutè: Vel etiam quia quando eſt ſui compos, non petit, ut debet, lucem ad cognoscendum obligationes ſuas, inquit ex toto corde cum Davide: *Da mihi intellectum, ut diſcam mandata tua*. Ob cujus orationis defectum merito corripit Auguſtinus Pelagium: Promptus namque eſt ad annuendum ille, qui dixit. *Intellectum tibi dabo, & inſtruam te in via hac qua gradieris*. Vel quia homo non purificat, ſaltem aliquoties, ſuam intencionem, arcendo omnem affectum carnis, & ſanguinis, ratificandoque voluntatem ſuperſedendi adione, ubi primùm noverit eſſe contra legem. Vel demum propter culpam, aut culpas priores juxta illud: *Dorsum, & non faciem offendam eis*. Et illud. *Fercutiſti te Dominus amentia, & cecitate*.

62 Respondent Bajani verum eſſe quod ignorantia facti, nec non juris poſitivi divini, & humani, excuſat à peccato ſecus ignorantia juris naturalis. Hoc reſutatum invenies ex profeſſo apud P. Ripalda tam plenè ut nihil occurrat addendum, tam nervosè, ut nihil ſit detrahendum. Breviter tamen dico: Rationes datas eodem prorsus modo probare de una, & de alterà ignorantia: quia enim prorsus ignorat mendacium eſſe malum non operatur contra conſcientiam reclamantem quando vult mentiri, & habet legitimam illam excuſationem ſupra datam, ſi corripatur. Imò cum in aliis rebus magis perſpicuis (malitia enim mendacii purè officioſi latuit multos per multum tempus, ut conſtat ex diſputatione acri Hieronymi cum Auguſtino hac ſuper re) ſoleamus habere poſitivos errores: mirum non eſſet quod homo aliàs timoratus, & ſimplex, omnino putaret ſe teneri in conſcientia ad proferendum mendacium, ut ſalvaret vitam temporalem, vel ſpiritualem ſui proximi in quo caſu eſſet prorsus antecedenter neceſſitatus ad peccandum (quod eſt implicatio in terminis, cum de ratione eſſentiali demeriti proprii perſonalis, ſit libertas in differentia) eſſet namque neceſſitatus ad mentiendum, vel non mentiendum. Si primum, peccaret per te qui ais ignorantiam juris naturalis non excuſare. Si ſecundum, etiam peccaret contra conſcientiam, qua omninò judicat, ſe teneri ad proferendum mendacium.

63 Argumentum, cui magis ſidunt Adverſarii eſt. Patres Concilii Paleſtini inter alios errores Pelagii damnaviſſe hunc, quod *oblivio, & ignorantia non ſubiacent peccato*: quoniam non eveniunt ſecundum voluntatem; ſed ſecundum neceſſitatem, ut reſert Auguſtinus. Sed cum iſte error non diſtinguat inter ignorantiam juris naturalis, &

poſi.

Pſal. 118.

Lib. de nat.

& gr. c. 17.

Pſ. 31.

Ierem. 18.

Deutb. 28.

Ripalda s.

3. de ente

ſupernatu-

rali lib. 1.

diſp. 10. a

ſect. 3.

S. Aug. lib.

de geſſis Pe-

lagii c. ult.

positivi, etiam percelluntur hac dominatione Adversarii agentes ignorantiam juris positivi excusari. Germanus istius damnationis sensus eruendus est ex contextu adiunctorum errorum, quos illi PP. damnarunt, & postea Augustinus Theologicè refutavit. Dogmatizabat Pelagius peccatum Adæ hunc solum lævisse, non posteros; infantes nuper natos, in illo statu esse in quo fuit Adam ante prevaricationem. Negabat igitur peccatum originale, & ignorantias ad quas passim offendimus esse pœnam illius. Consequenter dicebat quod obliquo, & ignorantia non subjacent peccato scilicet *originali*, idest, non sunt effectus, & pœna illius. Hoc est quod damnarunt PP. illi Palestini, & cujus contradictorium frequens est in disputationibus Augustini. Sed hinc quid ad nos?

64 Denique longus Catalogus textuum, quos ex operibus S. Augustini depromunt, probaturi ignorantiam hanc non excusare à peccato, explicandus est: & concedendum, multas ignorantias non excusare ut Crassam, affectatam, moraliter vincibilem, & comitantem sapissimè; item quia lucem à Deo non petimus, ut petere debebamus ne contingat nobis quod Hebræis seductis per Gabaonitas, quia *ei Domini non interrogaverunt*. Et per Isaiam exprobrat addentibus peccatum super peccatum. *Oi meum non interrogastis*. Illud verò quod ex eodem Propheta citat Paulus ad Roman. *palam apparui iis, qui me non interrogabant* ad specialissimam spectat providentiam: Ordinaria autem jubet, Dominum adire, ut dubia, & ignorantias dispellat, à quibus nequimus nos explicare. Negandum autem quod uspiam S. Doctor scripserit ignorantiam *puram*, & *omnimodam* juris positivi, aut naturalis, de qua sola in præsentiarum, non excusare.

Isai. 9.

Isai. 30.

Ibid. 55.

Roman. 10

65 Dicit alius. Totam hanc difficultatem esse de subiecto non opponente, quoniam impossibilis est ignorantia juris naturalis, ut multi opinati sunt. Distinguo juris naturalis quoad conclusiones, & veritates, non ita pervias nego; possibilis namque est ignorantia legis naturalis prohibentis Polygamiam, dissolutionem matrimonii consummati, morosam, & purè internam delectationem de re impura &c. Juris naturalis quoad primas illas, & patentes veritates Decalogi, subdistinguo, impossibilis est earum ignorantia per totam vitam concedo. Est enim tam apertum, Deum esse colendum, Parentes honorandos, ut impossibile appareat, hominem sui compotem non habere aliquoties assensum, vel saltem dubium harum rerum. Impossibilis est in ullo statu vitæ nego; quia non semper occurrunt omnia quæ evidentissima sunt. Er sic explicandi sunt S. Thomas, & Aristoteles qui videntur docuisse impossibilem esse ignorantiam juris naturalis. *Leges* P. Valquez 1. 2. disp. 122.

§. IV.

66 **E**X huc usque dictis colligitur quid dicendum sit de illa famosa questione. Liceat nec ne sequi opinionem minus probabilem. Res longa, & utrimque satis probabilis. Sed quam directè, ac ex professo pendere non est hujus loci. Dicam tamen quod neutri negare possunt, quodque ad praxim attinet, quidquid sit de speculativa directaque resolutione. Certum est 1. Non quamvis probabilitatem licet tenuem sufficere ad prudenter operandum: Est enim tertia propositio damnata per Innocentium XI. Item ad probabilitatem non sufficere, quod opinio sit alicujus moderni, & non constet esse rejectam à Sede Apostolica, quia est vigesima septima damnata per Alex. VII. Item, esse illicitum sequi inter administrandum Sacramenta opinionem minus probabilem tutiore relicta, quia est prima damnata ab Innocentio. Item non esse licitum Judici judicare juxta opinionem minus probabilem tutiore relicta, quia est secunda damnata ab eodem. Item infidelem non excusari, non credentem ob opinionem minus probabilem, quia est quarta.

67 Certum est 2. non esse licitum operari juxta opinionem minus probabilem, si illam putes absolutè falsam, & fixus es in hoc judicio, ut sæpè contingit, quia falsas putamus omnes illas opiniones quas impugnamus, & tamen simul judicamus multas esse valdè probabiles. (Aliud enim est veritas aliud probabilitas; Veritas namque consistit in eo quod res sit, vel non sit. Probabilitas autem in eo quod sint rationes prudentes ad alterutrum judicandum. Potest autem contingere quod ego omninò judicem rem v. g. non esse, & tamen, si non sim superbus contemptor proximi, simul judicem eum habere rationes sensatas, & prudentes ad judicandum oppositum; nam reflexè judico meum intellectum non esse veritatis Regulam. Si enim perseverante eo judicio operatur juxta eam opinionem, quam simul judico probabilem, operatur contra meam conscientiam, nam illa operatio proximè, & immediatè procederet ex hoc meo judicio directo, & practico circa veritatem rei, non autem ex illo reflexo, & speculativo supra probabilitatem illius opinionis, nam hoc solum contingeret quando ego deponerem meum judicium, ut multoties possum facere propter prudens judicium reflexum jam insinuatum.

68 Certum est tertio multoties esse licitum operari juxta opinionem minus probabilem, quia hæc multoties est magistra, ut supra notavi. Fieri namque potest, quod opinio negans talem, aut talem obligationem majori pondere rationis, & auctoritatis fulciatur. Sic magistrum cū penitere immediatè post lethale; Dicere officium non eodem tempore quo ex obligatione teneris audire sacrum; Numquam con-

ten-

centum esse solo consensu tacito, & interpretativo tui Superioris, sed petere semper expressum, & formalem &c. & rationem contradictoriæ sunt magis probabiles; undè istæ sunt magis tutæ, sed minus probabiles. Certum est 4. Theologos (& multò minus populum) non habere practicam, certam, & stabilem mensuram, ut possint dicere: *talis opinio habet duos gradus probabilitatis, talis habet tres &c.* non enim, percipiuntur ista intuitivè; & licet in genere possimus dicere: *hæc est magis probabilis, quàm illa*: nempe quando promptas habemus species rationum, & autoritatum utriusque; at verò cum non semper, & pro singulis casibus passim occurrentibus, habeamus illicò præsentem has species; quia neque omnibus casibus, & circumstantiarum combinationibus studuimus ex professo, & licet studuerimus, non semper utrarumque rationum clarè meminimus, inde fit quod non semper, & pro omnibus casibus frequenter occurrentibus possumus omnino resolutè instar Concilij dicere. *Hoc est magis probabile, quàm illud.* His positis.

69. Dico. Sicut in alijs quæstionibus directis in quibus disputatur, liceat nec ne actio A. tota bonitas, aut malitia formalis (quidquid sit de objectiva, & materiali, in qua sola non stat meritum, aut demeritum) taxanda est per illud ultimum, & prudens dictamen conscientie, quo tandem operamur, quia illud est regula proxima, & formalis moralitatis. Ita in hac reflexa quæstione liceat nec ne sequi opinionem minus probabilem in casibus, qui non sint ex nuper citatis, tota bonitas, ac malitia formalis, in qua stat jus ad præmium, vel reatus ad poenam, (quidquid sit de bonitate, aut malitia objectiva directa, & materiali, quam modo non disputo, & in qua sola non stat meritum, aut demeritum formale) taxanda est per illud practicum, prudens, & ultimum dictamen quo amplecteris opinionem minus probabilem. Quocirca si omnibus pensatis hic, & nunc prudenter judices, ut potes propter rationes suadentes sententiam magis rigidam, non licere sequi talem, aut talem opinionem minus probabilem, ibis contra conscientiam si illam sequeris. Sin verò omnibus pensatis prout occurrentes circumstantiæ permittunt, & corde sincero invocata luce divina firmoque renovato proposito nihil audendi contra legem, prudenter judices (ut etiam potes ob gravia fundamenta, & praxim ferè generalem benignioris sententiae) hic, & nunc licere sequi opinionem minus probabilem exceptis casibus dictis, & coercendo proprii iudicii tenacitatem, sine peccato ullo, ac sine scrupulo potest illam sequi. Quia sic operans, operatur bona fide, & juxta ultimum prudens dictamen conscientie, ergo juxta regulam proximam formalem, & immediatam moralitatis, ergo bene, bonitate formali, in qua stat imputabilitas quidquid sit de peccato materiali & forè illa res est prohibita.

79. Porro hæc doctrina contra neutros istius controversiæ auctores est; quia illi disputant unum, & hoc quod nunc dico, est aliud. Illi procedunt directè; ego reflexè. Illi disputant, liceat necne sequi opinionem minus probabilem; ego à re longissima manuum tempo-

rans, solum recurro ad regulam proximam, & immediatam moralitatis, ex qua provenit bonitas aut malicia formalis, meritum aut demeritum coram Deo nimirum recurro ad illud ultimum practicum, & prudens iudicium, quod omnibus directis, & reflexis pensatis formari potest. Eaque res neque sit metaphysicè evidens neque certa de fide, neque communi omnium Theologorum calculo stabilita, datur locus ut prudenter possit formari dictamen de eo, quod non licet sequi talem opinionem, & etiam de eo quod licet sequi. Prudentia enim humana non est convertibilis cum veritate, objectiva. Et sufficiat pro Philosophia Morali, quoad perationes has, doctrina data in his duobus capitibus uberiora quære à Theologis: & interea scrutabor ego cæteras operationes in intellectu.

CAPUT QUINTUM.

De Apprehensione.

70.



Apprehensio (cujus magna semper habenda est cura; quia cum ipsa plerumque ducat choream toram iudiciorum, discursuum, & actuum voluntatis, qui hos subsequuntur: si apprehensio defleat à via regia, processio tota utrorumque horum actuum in præceps ibit), est duplex. Una materialis spectans ad phantasiam, & est quæ vulgò dicitur simplex imaginatio. Et definitur. *Corporea sive materialis expressio objecti nil affirmans aut negans de illo* estque valdè familiaris mente captis, & eis qui vehementer aliqua corripuntur passione, & eis qui sibi somnia fingunt. Altera Spiritualis spectans ad intellectum, definiturque *Spiritualis representatio seu expressio objecti, nil affirmans aut negans de illo*. Ambæ levissimo contentæ sunt sandamanto, & plerumque quod se habet ex parte solius subjecti apprehendens. Unde trahit originem vulgaris illa exprobratio. *Sic est imaginatio tua. Est apprehensio tua*. Quando sermo est de re non merè speculativa sed practica. Prima igitur operatio intellectus immediate subsequens in sensu dicto disp. 1. imaginationem materialem seu actum phantasie, est apprehensio intellectualis, ita vocata quia per illam quasi manum mittit intellectus in objectum, prenditque, & quasi possidere incipit illud. Non est capax veritatis aut falsitatis, quia nil affirmat aut negat; est tamen capax consonantiarum simplicis, ac simplicis dissonantiarum cum suo objecto quatenus sine affirmatione, ac negatione potest illud simpliciter, & incompleto modo exprimere prout est, vel prout non est: sicut visio corporea sine affirmatione, ac negatione interdum repræsentat objecta prout sunt: interdum inversa, interdum transversa, geminata, distorta, ut ex temulentis, & capite læsis constat. Hæc apprehensio est multiplex. Nam 1. una est simplex alia complexa sive composita.

ta. Simplex est illa, quæ una voce seu uno solo termino explicatur, ut hæc apprehensio sola. *Homō*. Composita dicitur illa, quæ vel entitativè in se ipsa resultat ex duabus, aut pluribus apprehensionibus, ut complexum ex his duabus. *Animal. Rationale*. Vel licet entitativè in se ipsa sit unicus simplex actus intellectus, duobus aut pluribus terminis manifestatur exterius, ut potest evenire simplici actui intellectus sic rudenti uno quasi impetu. *Animal rationale*. 2. Apprehensio composita alia vocatur simplex comparatio. Alia non est comparatio ullatenus.

71. Simplex comparatio contingit, quando intellectus tacitus apud se combinat A. cum B. meditans, expendens, seu examinans, conveniant nec ne aut repugnent inter se quin adhuc proferat sententiam affirmativam aut negativam, ut Susanna combinabat pravam suggestionem illorum seu cum superventuro effectu. *Si enim hoc egero &c. si autem non egero &c.* Differt à dubio, quia hoc descendit à iudicio, vel dictante æquale esse fundamentum pro utroque extremo, vel pro neutro esse fundamentum, ut supra dixi: simplex autem comparatio est apprehensio utriusque extremi, quæ in intellectus adiutus in convenientiam, ut repugnantiam illorum, non tamen negabo in rerum coire in unum hæc duo. Hæc est simplex illa comparatio, per quam dicitur constitui naturam logicè universalem. Et vocatur simplex, quia per illam non affirmatur aut negatur convenientia aut repugnantia extremorum: nam, quando affirmatur jam vocatur comparatio *composita* sive actualis prædicatio. Contingit intellectui apud se quod fabro in opere externo: quia ut experimur; hic antequam conjungat aut disiungat osium v. g. aut fenestram cum vacuitate parietis, confert, & combinat unum cum altero: & sic vel conjungit, vel disiungit suum arte factum ab illo subiecto. Sic intellectus prudens, ante affirmationem aut negationem expendit, ac meditatatur (quando alias res non est evidens) ac confert unum cum altero. Hæc collatio præcedens iudicio, seu hoc examen est quod vocatur simplex comparatio. Apprehensio, quæ non est comparatio, est illa quæ intellectus non combinat neque confert unum cum altero 3. Apprehensio alia est evidens, illa nimirum, quæ tanta claritate exprimit existentiam, aut effectum, aut naturam, aut quidditatem sui objecti, ut omnino, vel saltem magna ex parte abigat obscuritatem, & tenebras intellectuales idest ignorantiam illius. Et tales solent esse definitiones rerum, non quidem quando illas affirmamus de definitis, quia tunc jam sunt iudicia, & non apprehensiones; sed quando ante affirmationem, apprehendimus prædicata illa ubi primum audimus, vel alio sensu percipimus definitum; & hinc pergimus ad affirmationem, atque idcirco quidditas, & essentia metaphysica rerum stat in eis prædicatis, quæ primo apprehendimus in eis rebus, quæque sunt quasi prima radix proprietatum metaphysicarum, tum specificarum tum genericarum, quatenus hæc probamus per illa: sicut per animal rationale probamus utrasque proprietates metaphysicas hominis. Alia est apprehensio inevidens: illa nimirum, quæ non tanta claritate proponit suum objectum; quinimò in sensu composito illius adhuc laboramus ignorantia circa illud;

Joan. 1ap.
20. v. 1.
Marcus.
16. v. 2.

sicut in sensu compositio lucis nocturnæ, & etiam antelucanæ, adhuc sunt tenebræ per aerem, id est non datur magna lux : maximè si tempus nubilum sit, ut constat ex diversitate, qua loquuntur aliquândo Joannes, & Marcus.

72. Denique apprehensio alia est suavis: ea nimirum, quæ vivacitate suâ, vel arcano alio modo, instigat, & movet intellectum in judicium, sive affirmativum sive negativum. Alia est non suavis: nempe illa quæ relinquit rem sicut erat prius, neque movens neque retrahens ab assensu. Apprehensiones suaves, sicut etiam dissuasivas, multoties experimur. Quia multoties sine ulla alia extrinseca ratione experimur in nobis magnam aliquam inclinationem ad assentiendum, interdum ad dissentiendum, eo quia vehementer apprehendimus rem aliquam, & per hanc apprehensionem fugantem tenebras, illustrata veritas transcendentalis objecti ea movet, & sollicitat intellectum ad sui assensum, sicut patefacta bonitas sollicitat, & movet ad sui amorem. Et sicut illustrata objecta, quæ sunt in habitaculo per simplicem lucem illapsam per fenestram, movent sine ulla alia extrinseca ratione sua siva, oculos, imaginationem, atque intellectum, unumquodque respectivè ad sui ipsorum perceptionem. Non enim minus movet transcendentalis veritas objecti patefacta intellectui ad sui assensum, quam strepitus, & agglomeratione extrinsecarum rationum. Et tunc apprehensio dicitur *suavis* nempe ut quo, quatenus est medium illud, quo transcendentalis veritas blandè invitatur ad sui assensum, & non energiâ illâ, qua movere, aut rapere etiam solet, quando cognoscitur per judicium firmum de re aliqua intimè connexa cum eo objecto. Hæc apprehensio suavis quando est superne infusa (jam enim dixi supra à num. 16. neutrâ Angelis esse permissum penetrare usque ad sacrarium hoc mentis, & rationis: & dumtaxat posse excitare apprehensiones exteriores, quæ sunt in potentia imaginativa seu in phantasia) & infunditur ex divina intentione, ut homo talem aut talem judicet rem: tunc est locutio illa divina ad cor hominis, de qua in eo num. 16. philosophabar, quamque innuunt scripturæ ibi productæ, nec non aliæ passim. *Sto ad ostium, & pulso.* Item: *aperi mibi soror mea.* Item. *Hodie si vocem ejus audieritis nolite obdurare, corda vestra, & alibi passim.*

Apocal. 3.
Cantic. 5.
Psal. 94.

73. Hanc apprehensionem suavisam dixi suo loco esse ultimum resolutionivum fidei. Non sane *objectivum* quia hoc stat in sola ipsa antiqua, & generali revelatione divina, & quia necesse non est quod ea suavis apprehensio divinitus infusa, reflexè cognoscatur sicut res aliæ externæ cognoscuntur; sed *subjectivum*. Non item *clarum* ita ut obturet os conversationibus, & cavillationibus contrariis, sed *obscurum* quale requiritur ad meritum fidei, quod suapte natura reiicit evidencias, sicut conclusio probabilis reiicit antecedens omninò certum; & conclusio obscura reiicit antecedens omninò evidens, & actus omninò liber reiicit rationem strictè à priori: & quale sufficit intellectui nec timido nec pervicaci, sed fruanti medietate illa, de qua Christus *Scriptum est in Prophetis, Et erunt omnes docibiles Dei.* Notà enim intellectui

Joan. 6.

per

per extrinsecum ministerium Ecclesiastica Doctrinæ antiquæ , & generali eâ revelatione v. g. *Verbum caro factum est* ; & sic jam quasi plantato semine , & irrigatâ terrâ , contingit , in primis diversitas illa , quàm Christus D. docuit parabolâ exeuntis seminâre semen suum , quæ diversitas nascitur ex principiis , quæ ibidem exponit . Præterea dat Deus intrinsecus incrementum , aperiendo scilicet cor , & mentem hominis , quatenus infundit illi suâsvam apprehensionem de existentia prædictæ revelationis (non quia solus Deus faciat apprehensionem , & postea infigat illam homini , debet namque produci ab hoc etiam , quia est actus suus vitalis ; sed quia ipsum determinat hominem ad concipiendum , & producendum in se cum speciali elevatione divina dictam apprehensionem) Ea suâsva apprehensio interdum est efficax , ut fuit in illâ Sanctâ Purpurariâ *cujus Dominus aperuit cor ut sentiret his quæ dicebantur à Paulo* , & in multis aliis . Interdum inefficax , sicut sunt divina auxilia in multis aliis materiis : & sicut contingit in eis hominibus , qui *videntes vident , & non vident* ; & olim contigerat in scelerato illo Propheta ajente de se ipso *qui cadens , apertos habet oculos* .

Matth. 13.

Act. 16.

Marc. 4.

Num. 24.

74. Hæc apprehensio est, quæ vocatur lumen suâsvum fidei. Quoniam per illâ supernè illapsam anima docilis, & neque audax, neque cõtumax, neque plus justo timida (tria hæc docilitati requisitæ adversantur) videt luce subobscurâ , sed oculis attentis sufficiente , transcendentalem veritatem præscæ illius , & universalis revelationis . Sicut per apertam fenestram ingrediente antelucanâ luce sufficienter videt oculus corporeus attentus , & purgatus , quæ sunt in cubili . Videri inquam sine strepitu argumentationum , quia hæc jam præsupponuntur instar dispositionis , ac præparationis intellectus nostri . Non enim in strepitu , vento , commotione , seu vorace igne , est Dominus ; Sed *in sibilu auræ tenuis* , cui illa præcesserunt . Hunc sibilum auræ tenuis , cui strepitus ille præcessit , intelligo dictam tenuem apprehensionem suâsvam divinitus infusam intellectu post præcedentem strepitum , & commotionem argumentorum , quibus Ecclesiastes suadet Deum edidisse publicam illam revelationem . lege lib. 3. Reg. cap. 19. à vers. 11. ubi in eis , quæ dicuntur Eliæ , audies non impropiam Hjeroglyphicum doctrinæ , quam insinuo hic , & juo loco probò . Denique in simili apprehensione divinitus infusâ suâsva Judicii de eo , quod hic , & nunc concurrunt circumstantiæ , quibus Christus pollicitus est Miracula , seu potius in hoc eodem Judicio , ex illa apprehensione oriundo , stat Fides Miraculorum de qua dicitur *habueritis fidem sicut granum Synapis &c.* Et hæcenus de Apprehensionibus . Aggrediamur jam Judicia .



CAPUT SEXTUM.

De Judiciis.

75. **I**udicium est *Spiritalis representatio objecti, aliquid affirmans aut negans de illo*. Hæc definitio combinata cum ea quam paulò ante dedi apprehensionis, impedit sane quod idem actus intellectus sit apprehensio, & iudicium respectu ejusdem omnino objecti, sed non quod sit respectu diversorum. Hic enim actus intellectus *Creatura Dei, est defectibilis respectu creaturæ* est iudicium; respectu Dei est simplex apprehensio, nam licet possit dici esse quoque iudicium implicite, ac virtualiter respectu Dei, quatenus inducit hunc actum *Deus est ille, cujus creatura est*; est formaliter in se ipso non est iudicium respectu Dei, quia formaliter in se ipso nil de Deo enunciat formaliter. Cum omne iudicium sit enunciatio, tot sunt iudiciorum species quot enunciationum dedi disp. 1. Dialecticæ per totum cap. 6. Præter illas omnes, sex in præfati species iudiciorum exponam 1. Iudicium temerarium, sive imprudens, sive improbabile. 1. Iudicium prudens, sed pure opinativum, & probabile. 3. Iudicium probabile, & insuper verum. 4. Iudicium certum. 5. Iudicium fidei 6. Iudicium certum, & insuper evidens. Et unumquodque ex his potest esse affirmativum seu assensus, objecti, quia illo accedit anima intentionaliter objecto, adstruitque huius existentiam. Et potest esse negativum, sive dissensus objecti: quia illo descendit quasi anima ab objecto intentionaliterque destruit illud (cave tamen ne his metaphoris decipiaris). Utrovis namque modo exercet se intellectus noster. Et non adeò incumbere debemus in assensus, seu iudicia affirmativa, ut obliviscamur dissensus sive iudicia negativa. Iudicium temerarium, & improbabile non est illud quod omni prorsus caret fundamento, tum objectivo tum subjectivo (nam quantumcumque velis non potes modo iudicare determinatæ arenas maris esse pares: quia ad hoc neque ex parte objecti, neque ex parte tua habes ullum adhuc levissimum fundamentum) sed illud, quod levissimo innititur fundamento; conjunctum autem leve hoc fundamentum cum levitate iudicantis, cum consuetudine, vel cum alia prava affectione ipsius, supplet defectum majoris requisiti fundamenti; & sic præcipitur intellectus in iudicio illud: aliquid autem licet levissimum, & apparens fundamentum requiritur semper ad iudicandum positivè rem aliquam. Hinc iudicium negativè temerarium, imprudens, & improbabile potest interdum esse simpliciter verum coram Deo: quia cum non omniaque sunt, proponantur nobis per fundamentum prudenter suavisum: fieri potest, quod iudices illud, quod revera est; sed iudices absque fundamento sufficiente, sive pru-

prudenter suavis: ergo habebis *judicium temerarium sed verum.*

76. Explicatur. Esto unum levem hominem *judicare absolute a rebus maris esse pares*, & alium a què levem *judicare absolute non esse pares*. Ambo *judicia*, licet *contradictoria*, sunt *temeraria*, *imprudencia*, *improbabilia*, quia nullum prorsus habemus fundamentum, prudenter suadens paritatem. Et tamen unum ex illis, ut pote *contradictorius*, est coram Deo *verum*, & aliud *falsum*. Idem dico de *vacillantibus contradictoria* sine ullo sufficiente fundamento. Necessè est quod una ex illis duabus *contradictoriis* sit *vera*, & altera *falsa*; & tamen utraque est *imprudens*, & *temeraria*, ut pote *temerè*, ac sine fundamento *conceptra* ergo. Hinc quando Ecclesia inurit *propositioni* alicui *notam temeritatis*, hæc nota præcisè ut *talis*, non est *censura veritatis aut facilitatis propositionis illius*; sed *prudentiæ atque imprudentiæ hominis proferentis illam*. Et cum in rebus præsertim *speciantibus ad fidem*, ac *mores*, *prudencia doctrinæ maximi habenda sit*: idcirco *justè taxatur propositio aliqua eo solo titulo*, quod in ejusmodi rebus *temeraria imprudens*, atque *improbabilis* sit, quidquid sit de sua *veritate realiter coram Deo*. Nec fuisset *injusta aut falsa censura*, si postea Deus *revelaret*, vel alio modo *detegetet*, illius *propositionis veritatem*: quoniam *subsistebat*, illam *temerè olim sine fundamento prudenter conceptam*, & *prolatam fuisse*, quando *proscripta fuit*.

77. *Judicium prudens*, sed *merè opinativum*, & *probabile est illud*, quod ex *rationali*, *sufficientique fundamento*, sed *fallibili simpliciter*, concipitur *sive sit affirmativum*, *sive negativum*. Unde licet sit *compossibile cum scrupulo*, *suspicionem*, ac *formidine suæ veritatis* (idest cum *apprehensionibus nunc minore*, nunc *maiusculo fundamento conceptis circa falsitatem*) *simpliciter quidem spreis*, sed non ita *strenuè rejectis*, sicut *similes apprehensiones falsitatis rei fidei reiciuntur à Catholico*; item licet sit *compossibile cum judicio reflexo formidoloso*, scilicet *possibile est simpliciter quod fallat in hoc: siquidem nullo principio metaphysico, aut fidei firmor*. Verumtamen non est *compossibile cum dubio*: quia hoc *essentialiter dicit carentiam judicii circa illud*, de quo est *dubium*: ergo *judicium probabile de re* *opponitur essentialiter cum dubio de ipsa*, tum *positivo*, tum *negativo*. Hinc cum sint *multi gradus sufficientiæ*, *prudentiæ*, ac *rationalitatis*: ideo ex *judiciis probabilibus una sunt magis probabilia*, quàm *alia*. Rursus cum *prudencia humana*, imò & *Angelica*, non sit *regula veritatis*, fieri potest quod *humanum*, & *Angelicum aliquod judicium sit prudens*, valdeque *probabile*; & *nihilominus sit falsum coram Deo*. Sic *Archangelus ille Persarum*, de quo dixisse videtur *Gabriel*: *Princeps autem Regni Persarum vestitis mihi viginti & uno diebus*, prudenter quidem, ut *Angelus Sanctus*, sed *falsò*, ut *creatura*, *judicabat oportere quod amplius duraret captivitas Hebræorum apud Persas*, propter *utilitatem*, quæ in hos *redundabat ex commercio cum illis*. Sicut ergo non est *idem judicium esse imprudens*, seu *temerarium*, & *esse falsum*: ita non est *idem esse prudens*, ac *rationalis*, & *eo ipso esse*

Daniel. 10.

verum. Hoc iudicium est quod passim vocatur *opinio* quæ definitur *iudicium prudens, & rationale de objecto capax ex se ut coniungatur cum formidine de illo*. Non autem est necessarium quod concipiatur cum illa formidine actuali; quoniam potest intellectus esse certus de illo objecto ex aliis principiis: 2. cum rationale fundamentum iudicandi, quandoque sit ratio eruta ex natura ipsa rei quæ iudicatur, vel ex aliis concernentibus illam: quandoque autem gravis, & sufficiens autoritas sola aliorum (siquidem non in omnibus, & singulis dubiis per totum vitæ tempus occurrentibus habemus tempus, & commoditatem explorandi res omnes, atque circumstantias omnes occurrentes: undè cogimur non rarò formare nostra iudicia ex sola autoritate aliorum. Et humana tribunalia dant exemplum, siquidem sæpissimè proferuntur sententiæ juxta testium testimonium) idcirco opinio, seu iudicium probabile est triplex. Unum probabilitate solum intrinsicâ, quale est illud primum, quando concipitur quin ullus adhuc gravis Author annuat, vel renuat. Alterum probabilitate purè extrinsecâ, quale est hoc secundum. Aliud probabilitate utraque: 3. Cum eidem objecto possit intellectus assentire saltem per duo iudicia distincta, concepta ex diversis motivis, ut Discipulus docilis assentire solet principio alicui: tum propter evidentiam rei, tum propter auctoritatem Magistri, cui Discipulus vult præstare intentionale hoc obsequium, quæ non est res superflua, sed rationalis: hac etiam de causa opinio circa rem A, quæ sit opinio secundum positivum, sed non secundum negativum, potest coexistere in eodem intellectu, ut postea fusius explicabo, cum certitudine infallibilitatis, & indubitabilitatis, imò & cum metaphysica evidentia ejusdem rei A. Minor enim secundum solum positivum non semper opponitur cum majore: v.g. quatuor cum octo non opponuntur essentialiter quoad existentiam.

78. Hinc 4. Cum de essentia opinionis, ut purè talis, sit non oriri ex motivo, seu ratione certa, & certò insuper connexa cum objecto opinionis, quia alias esset certitudo, & non mera opinio; sed sit oriri ex ratione sensata quidem, sed fallibili, vel fallibiliter connexa cum eo objecto: quorum unumquodque sufficit ad rescindendum absolutam, certitudinem conclusionis illarum, ad relinquendumque illam intra terminos merè probabilitatis; hac etiam de causa res est plus justo frigida, querere, insistere, cavillari, vociferari in rebus merè probabilibus, & opinativis donec proferatur ratio aliqua prorsus certa, & certò connexa infallibiliter cum re, quæ tunc disputatur. Sicut esset res frivola querere rationem strictè à priori actus singularis immediatè liberi libertate indifferentiæ id est rationem prorsus connexam, & antecedentem respectu illius (quia illa sola quæ habuerit hæc duo, est ratio strictè à priori, ut distincta à rationibus pure motivis, & prudentibus, & quæ alterutro caruerit, vel non est ratio infallibilis rei illius; vel non est strictè à priori, & sicut etiam esset labor inanis querere rationem claram conclusionis obscuræ: & velle necessitate antecedenter determinatè ad operandum liberè. Ista omnia videntur

tur implicatio in terminis, & conatus contra naturam, & quidditatem rerum ipsarum. Eo namque ipso quod iudicium inaiteretur rationi certæ, certoque connexæ jam non foret merè opinativum, & probabile. Eo ipso quod operatio haberet rationem strictè à priori, idèi omnino antecedentem, & metaphysicè connexam cum ipsa operatione, hæc non esset immediatè libera. Eo ipso quod ratio inferens conclusionem, & hujus illatio forent claræ, atque evidentes, conclusio non foret obscura quoad illud. Isti ergo conatus, sicut conatus fugendi lac, & mel ex saxo durissimo; imò peiores quia sunt, ut dixi, contra naturam istarum rerum.

Hinc 5. cum probabilitas, & veritas iudicii sint res distinctæ, atque connexæ mutuo: quoniam probabilitas hæc physicè ex parte rerum in rationibus suadentibus prudenter, sed fallibiliter veritatem illius; veritas autem in eo quod sit illud, quod iudicium enunciat esse, aut non sit illud, quod iudicium enunciat non esse: hæc etiam de causa potest iudicium esse certò, imò evidenter probabile, quin sit evidens, aut certa veritas, imò quin sit in rebus talis veritas, quoniam prudentia humanarum cogitationum non est sicut divina, quæ metaphysicè connectitur cum earundem veritate. Et nostrarum rationum pure humanarum pondus tandem est fallibile, & non connectitur metaphysicè cum veritate. Et hoc frequenter experimur: siquidem frequenter sibi occurrunt dux sententiæ contradictoriæ, quarum unaquæque certò, atque evidenter habet pro se magnos autores, & magnas rationes intrinsecas: atque ideo unaquæque certò, & evidenter est probabilis; & tamen non unaquæque est certa, imò neque simpliciter vera, quoniam una ex illis necessariò est falsa.

79. Hinc 6. Cum probabilitas, & prudentia iudicii, & obiecti ipsius (ad quod per figuratam loquutionem transferri solet probabilitas iudicii) sit physicè ex parte rerum in rationibus prudenter suavis immediate veritatis iudicii illius, & mediatè existentis obiecti: hæc de causa omnis propositio enuncians affirmativè, aut negativè probabilitatem alicujus iudicii, sive opinionis. sive rei est propositio reflexa, habens hunc sensum. *Est ratio sufficiens, atque prudens ad concipiendum tale hoc iudicium. Non est ratio sufficiens, atque prudens ad tale iudicium, vel sententiam.* Et juxta hunc sensum explicandæ sunt propositiones, necnon fallaces aliqui syllogismi, quibus aliqui uti solent in his reflexis disputationibus. Multoties præter hunc sensum reflexum, habent sensum directum illæ propositiones, quia affirmantes rem esse probabilem, solemus affirmare indirectè, ac quasi ex obliquo, rem esse veram. Sed non semper contingit hoc. Unde quamvis propositio videatur procedere immediatè, ac directè de ipso obiecto, sicut videntur procedere illæ quæ enunciant identitatem, aut distinctionem per rationem; verumtamen sicut hæc non procedunt immediate, ac directè de obiectis, quia identitas, & distinctio rationis non stat physicè in eis, sed in cognitionibus ut explicavi Disp. 1. Logicæ maioris. Itæ propositiones enunciantes probabilitatem, aut improbabilitatem rei A non procedunt

H h

im;

immediatè, ac directè de ipsa re A. sed de ratione, aut fundamento ad iudicium opinionem; circa illam: quia tota probabilitas stat physicè ex parte rerum in ratione prudente, sed fallibili, moventè ad illud iudicium; improbabilitas autem in defectu hujus rationis. Ergo enunciare probabiliter rei A. est enunciare existentiam illius rationis, & enunciare improbabilitatem est enunciare defectum illius rationis. Ergo omnes istæ propositiones sunt reflexæ 7. Cum cerebra humana sint adeò disparia, tum propter physicam œconomiam partium illarum capitis, ubi sunt intellectiones; tum propter diversam combinationem humorum & qualitatum quas habent: tum propter disparitatem specierum, atque habituum, quibus tinctæ; aut etiam refectæ sunt mentes humana; tum propter eterogenas combinationes rerum aliarum, quibus illæ sunt obnoxie; inde est quod multoties contingit, esse unis probabile idipsum, quod alijs improbabile omnino est; quoniam sicut veritas, falsitas, evidentia, obscuritas iudiciorum, quas frequenter disputamus sunt respectivæ, ita probabilitas, & improbabilitas. Ut etiam dicebam de identitate, ac distinctione per rationem Disp. illa Logica.

80. Hinc. 8. ob dictam distinctionem inter probabilitatem alicujus iudicii, atque ejusdem veritatem, potest ille cui est evidens, aut saltem omnino certa falsitas illius, reflexè judicare veritatem illius esse alij intellectui probabilem, quia potest reflexè judicare illum alium intellectum habere fundamentum, ac rationem sufficientem ad prudenter judicandum rem, & ex alia parte carere noticia, quam habet ipse judicans, quæque enervat illud fundamentum, ac rationem. Et sic non rarò contingit, quod faciens actionem A. sine ulla intentione offendendi Petrum, reflectens postea supra illam, supraque circumstantias illius, dicas tacitus apud te. *Verè iste prudenter judicabit, me ex pravo animo fecisse rem banc*, quia ex una parte indicia sunt gravia, & ille non est expertus meam intentionem. Ceterum qui evidenter, aut saltem certò judicat falsitatem iudicii alicujus, nequit reflexè judicare tale iudicium esse sibi, aut esse absolute probabile; quoniam licet aliàs possit esse motivum prudens ad illud; ratio tamen, ob quam ipse evidenter, aut certò judicat illud esse falsum, enervat illud motivum, & facit quod æstimeretur purè apparens. Unde Catholicus potest reflexè judicare iudicium hæreticum esse probabile, esse verum, esse certum, imò evidens *hæretico illi* ob ejus ignorantiam, vel positivum errorem; quoniam *dato uno absurdo cætera accidunt* attamen nullus Catholicus potest judicare, iudicium hæreticum esse absolute, aut esse sibi probabile: quoniam immobile fundamentum, cui Catholicus innititur, rescindit, evacuat, hebetat rationes illas hæretici, & facit, ut sint merè apparentes; ut enim essent absolute, ac simpliciter prudentes, opus erat quod non esset Verbum Dei in contrarium; Atqui hic Catholicus certus est de Verbo Dei in contrarium, quid ergo mirum, quod judicet illas non esse absolute prudentes, & consequenter judicet, impares esse fundando iudicium probabile.

81. Ceterum quando sententiæ sunt utrimque probabiles, eo quod pro neutra parte contradictionis sit fundamentum omnino evidens, aut omni-

omnino certum, tum cum reflexe ad veras rationes tuas non excedere terminum probabilitatis, inde est quod licet absolute judices tuam sententiam esse absolute veram, & contradictoriam absolute falsam, & rationes quibus hæc fulciri videtur, esse inefficaces, & illas solvas, & nulum actu habeas dubium, formidinem, suspicionem, aut scrupulum de veritate sententiæ tuæ; verum tamen existimare debes, sententiam contrariam esse prudentem, atque probabilem; quia judicium, aut judicia ista ut pote more probabilia, sunt languida, & tepida (exceptis illis hominibus qui non minorem habent fidem in his, quæ opinantur, quam alii aliis quæ sciunt, ut notavit Aristoteles) ergo sicut calor tepidus, & medicus, est ex se conjungibilis, tamen non semper actu conjungatur, cum frigore; sic judicia ista, & affectio circa tuam opinionem quamvis non semper actu conjungatur, est conjungibilis est ex se cum hoc judicio reflexo super contradictoriam. *Rationes, quæ probant hanc sententiam licet solvantur à me: nihilominus habent suum robur positivum* (non enim est idem te vincere hostem, & hunc imbellem penitus esse) & non habent contra se certis, & indubitanter rem ullam metaphysicè evidentem, aut aliunde infallibilem: neque solutio quæ illas excipio est prorsus evidens, aut infallibilis. *At non raro videbatur mihi prorsus falsum, quod postea deprehendi verum: ac vice versa.* Sed hoc ipso quod has, aut æquivalentes habeas cogitationes, judicas signare, vel exercite, sententiam illam contrariam esse prudentem, seu probabilem. Ergo licet absolute judices tuam sententiam esse absolute veram, & contradictoriam &c. quod si adeo tenax fueris non solum externè; sed etiam interne opinionum tuarum, ut numerum augeas eorum, quos nuper sugillabat Aristoteles, similis eris mercatori vitra vendenti pro adamantibus.

82. Denique quando agitur de probabilitate conclusionis eo quod inferatur ex præmissis probabilibus oportet distinguere inter similitudinem probabilitatis præmissarum, & probabilitatem similitudinis earundem, quoad veritatem. Ut conclusio sit probabilis titulo nascendi ex præmissis, non sufficit quod hæc sint probabiles simul, seu non sufficit similitudo probabilitatis illarum; alias probabilis foret hæc Conclusio: *Non datur libertas indifferentiæ*; quandoquidem legitime inferitur ex his duabus præmissis, sive opinionibus, quæ ambæ probabiles sunt simul. *Si datur physica prædeterminatio ad actus omnes humanos non datur in hominibus libertas indifferentiæ*: *Datur physica prædeterminatio ad actus omnes humanos.* Item cum passim sententiæ contradictoriæ sint simul probabiles, eo quia unaquæque habet pro se grave pondus autoritatis, & rationis, licet neutra tuleretur ratione penitus evidente, aut alias infallibili: sequeretur, probabile esse passim consortium duorum contradictoriorum. Desideratur ergo, ut conclusio sit probabilis titulo illo, quod sit probabile *ambas præmissas esse simul veras*: hoc est; quod sit probabilis similitudo veritatis præmissarum illarum; quoniam sicut hæc sola similitudo veritatis est, quæ fundat veritatem conclusionis ut illatæ ex illis præmissis: ita sola probabilitas hujus similitudinis fundat probabilitatem veritatis conclusionis. Ergo sicut deficiente illa similitudine veritatis præmissarum deficiet veritas conclusionis,

ut illata ex præmissis; ita deficiente probabilitate similitudinis veritatis illius deficit probabilitas veritatis conclusionis. At fieri potest, & passim fit, ut constet ex nuperis exemplis, quod præmissæ simul sint probabiles, quatenus in eodem tempore, in quo una est probabilis, altera quoque probabilis sit; & tamen non sit probabile, quod simul sint veræ, siquidem simultas veritatis est quid distinctum ab unaquaque præmissa sicut partes collectivæ sumptæ distinguuntur ab omnibus partibus sumptis distributivè. Ergo fieri potest, quod præmissæ sint probabiles simul, & tamen sit improbabilis conclusio illata ex illis.

S. II.

83 **J**udicium verum, quod ut supra dixi potest esse temerarium, imprudens, & improbabile quoad nos utpote non habentes rationem prudenter suaviam omnium veritatum, quæ tales sunt coram Deo. Item quod ut dixi de iudicio probabili est compossibile cum scrupulo, suspitione, formidine circa suam veritatem; sed non cum dubio, aut positivo, aut negativo: siquidem nil est compossibile cum sui suspensione; & utrumque illud dubium importat suspensionem omnis iudicii determinati circa illud de quo est dubium. Iudicium inquam verum definitur. *Spiritualis affirmatio, aut negatio rei, ipsi penitus conformis*. Dico, affirmatio, aut negatio, quia non sola iudicia affirmativa sunt vera; sed etiam multa negativa, quamvis ut mox dicam utrorumque veritas explicari debeat modo valde diverso. Dico item *penitus conformis*; quoniam iudicium copulativum uni soli parti, sui obiecti conforme, non est verum v.g. *Deus existit & homo est irrationalis*. Debet ergo iudicium, ut sit verum, conformari penitus cum suo obiecto, quia hic etiam valet proloquium illud *Bonum ex integra causa* quod in Prodro mo explicui disp. 1. num. 81. Hæc conformitas actualis nil aliud est ex parte rerum quam hæc distinctim copulativa realitas, nempe. Iudicium enunciare fuisse A., & A. fuisse. Aut enunciare non fuisse A., & A. non fuisse. Aut enunciare A. esse, & A. esse. Aut enunciare A. non esse, & A. non esse. Aut enunciare A. futurum esse, & A. futurum esse. Aut enunciare A. futurum non esse, & A. futurum non esse. Aut enunciare A. futurum fore sub quadam hypothesi, & A. futurum esse sub hypothesi illa. Aut enunciare A. posse esse, & A. posse esse. Aut enunciare A. non posse esse, & A. non posse esse. Et quod de tempore idem de quocumque alio v.g. iudicium enunciare hanc cartam esse albam, & hanc cartam esse albam. In hoc solo stat physicè ex parte rerum veritas actualis conformitas, similitudoque intensionalis iudicii veri: seu in hoc stat quod sit legitima imago sui obiecti, & si quæ aliz sunt loquutiones scholasticæ, vel metaphoricæ hac super re hoc, & nil aliud significant, si veræ sunt. Unde quando reflexè dicimus. *Hæc propositio est vera*, vocula illa est, quæ

quæ tantum strepitum movet aliquando, & tam altè insedit aliquibus, ut quiescere non possent, donec invenirent aliquid physicè actû de præsentî existens sicut existit hæc carra, quo satisfacerent vocatæ illi. Per illam inquam nil prorsus aliud affirmamus, quàm propositionem illam dari de præsentî, & suum obiectum *fuisse* si propositio sit de præterito. Aut: *futurum esse* si propositio sit de futuro. Et similiter de aliis. Enunciantes ergo illam propositionem esse nunc de præsentî, actû physicè, absolute veram nil aliud facimus ultra enunciationem reflexam existentie propositionis illius, quam repetere alijs terminis, id idem quod illa propositio enunciat. E converso falsitas actualis, disconformitas dissonantia, dissimilitudo judicii stat physicè in hoc solo: quod judicium enunciet rem fuisse; & res non fuerit. Aut enunciet rem non fuisse: & res fuerit. Similiterque de alijs. Unde quando reflexè dicimus talem propositionem esse falsam actû, absolute, de præsentî, nil aliud facimus, quàm enunciare illam esse actû de præsentî: & enunciare simul contradictorium illius, v. g. falsa est hæc propositio *Adamus non peccavit*. Vertitur in hunc sensum. Ex-istit hæc propositio, & *Adamus peccavit*.

84. Hinc I. cum *judicium enunciare* identificetur adæquatè cum ipso judicio juxta communioem philosophiam (licet oppositum non sit improbabile, ut dixi disp. 1. Dialecticæ à num. 37.) vel saltem inadæquatè, & cum *rem esse* identificetur adæquatè cum ipso *rem esse*: inde est quod veritas actualis formalis (quidquid sit de radicali, & remota) conformitas, similitudoque intentionalis judicii identificatur adæquatè cum significatione, quam habet judicium, & obiecto; inadæquateque cum unoquoque. Vide quæ disp. 4. logicæ majoris dixi in genere de relationibus prædicamentalibus: quarum una est veritas actualis formalis judiciorum. Similiter cum falsitas, quæ talis sit in sensu positivo, consistat adæquatè in eo, quòd judicium neget v. g. *rem esse*: res autem sit; & illud primum identificetur cum significatione, quam judicium habet: & hoc secundum identificetur cum ipso *rem esse*: inde fit quod falsitas actualis formalis, quidquid sit de remota, & radicali, quæ sit falsitas in sensu positivo (nam de veritate, ac falsitate, quæ tales sint in sensu merè negativo aliter philosophandum juxta disp. 7. Prodromi à num. 52.) adæquatè identificatur cum utroque, & inadæquatè cum unoquoque. Hinc 2. cum non minus sit actus intellectus *dissonare* quàm *assentire*: *negare* quàm *affirmare*. Et cum ratio proxima formalis, & immediata dissentiendi, ac negandi, sit falsitas; sicut ratio proxima formalis, & immediata assentiendi, est veritas; hæc de causa non minus falsitas, quàm veritas est obiectum formale intellectus, quamvis respectu actuum diversorum (& idem dico de bonitate, ac malitia respectu voluntatis) vulgò tamen dicitur sola veritas, quia vulgò actus affirmativi soli attenduntur. Sed oportet non oblivisci aliteros. 3. Non solum ab eo quòd res est, aut non est, propositio dicitur vera, vel falsa; sed etiam ab eo quòd ipsa dicit, aut negat; quid enim refert Solem lucere, aut non lucere, si propositio, seu judicium de hoc nihil dicit? Oportet ergo inspicere non solum obiectum judicii, sed etiam judi-

judicium ipsum intelligendo quid enunciet, aut non enunciet, ad hoc ut dicamus, illud esse verum, aut illud esse falsum. Et hæc una est ex rationibus, ob quas dicimus propositiones de futuro contingente conditionato v. g. *Si Tyrus vidisset miracula Christi penitentiam egissent* esse de presenti veras, quamvis de presenti nil detur distinctum ab ipsa propositione, quod sit per se connexum metaphysicè cum ea poenitentia, quæ conditionatè enunciat. Quia cum ea propositio, neque enunciet tale connexum existere de presenti (alias non foret propositio de futuro conditionato contingente præcisè, sed insuper esset propositio de presenti; unde essemus extra casum quæstionis) neque poenitentia illa quam purè, & merè conditionatè enunciat, connectatur per se essentialiter cum tali de presenti existente, quoniam id non constat: cum inquam hæc duo ita sint, ut quid indiget illa propositio ad suam veritatem isto connexo de presenti existente? Sed de hoc postea.

§5 Hinc 4. quando sermo reflexus incidat de veritate, falsitate, verificativo, falsificativo alicujus judicii (qui sermo est utique reflexus, cum habeat pro obiecto judicium ipsum) oportet distinguere octo hæc, juxta doctrinam quam disp. 7. Prodromi num. 52. dedi super quæstione de carentiis. Veritas in sensu positivo. Veritas in sensu merè negativo. Falsitas in sensu positivo: falsitas in sensu merè negativo. Verificativum in sensu positivo: verificativum in sensu merè negativo. Falsificativum in sensu positivo: falsificativum in sensu merè negativo. Et loquamur de propositione, seu judicio de presenti, philosophaturi eodem penitus respectivè modo de illis, quæ sunt de præterito, de futuro absolute, de futuro conditionatè, & de purè possibili. Veritas in sensu positivo stat physicè in eo, quod judicium enunciet *rem esse*, & *res sit*. Et falsitas in sensu positivo stat physicè in eo, quod propositio enunciet, *rem non esse*, res tamen sit. Omnia namque, ac singula hæc quatuor sunt quid physicum verum, & reale, & positivum. Veritas in sensu merè negativo stat in eo, quod propositio enunciaret, *rem non esse*, & *res non sit*. Similiter falsitas in sensu negativo stat in eo, quod propositio enunciet, *rem esse*, res autem non sit. Cæterum cum non sit cognoscibile ab intellectu obiectum ullum, quod subiectivè in se ipso sit *rem non esse* ut dixi disput. illa nuper citata, sicut non est cognoscibile obiectum ullum, quod in se sit distinctivum, aut conditionatum, aut distributivum. eo quia obiectum omnis cognitionis est quid positivum physicum, reale, absolutum, ac determinatum; clarum tamen jam his jam illis terminis, qui per loquutionem impropriad transferuntur ad obiecta, ut ibi fusè explicui: hæc de causa neque est cognoscibile obiectum quod in se ipso sit adæquatè *Veritas*, aut *falsitas in sensu negativo*, quia non est cognoscibile obiectum, quod in se ipso sit *rem non esse*. Obiectum quippe hujus ejusdem loquutionis *Veritas in sensu negativo* est propositio negans rei existentiam, & ipsa existentia, quæ negatur; sed quia hæc existentia negatur per propositionem negativam: idcirco hæc existentia darà, propositio illa non est vera. Similiter obiectum hujus loquutionis *falsitas in sensu negativo* est propositio enuncians rei
exi-

existentiam, & existentia ipsa; sed quia hac affirmatur per propositionem affirmativam; idcirco hac existentia datâ propositio affirmativa non est falsa, sed vera intelligentia, & veritas hujus doctrinæ pendet maxime ex duobus principiis jactis in ea disput. unum est. Oportere distinguere inter communem modum loquendi, laxum sanè, & vulgari apprehensioni indulgentem; atque inter scholasticum rigorem, proprietatemque, attendentem non quidem apprehensioni, sed rationi. Alterum est: propositionem affirmativam, & negativam non esse regulandas, quoad veritatem, aut falsitatem, per eadem principia cum modi enunciandi quos habent sint adeo diversi, imò & contradictorii.

86 Rursus verificativum in sensu positivo cujuslibet judicii est obiectum illud, quod exprimitur per judicium ipsum, & tale est ut quando ipsum existit, iudicium sit verum: & quando ipsum non existit iudicium sit falsum. Similiter falsificativum in sensu positivo est illud quod exprimitur per judicium ipsum, taleque est, ut ipso existente iudicium sit falsum, & quando ipsum non existit iudicium sit verum. Sic existentia Petri est verificativum in sensu positivo hujus judicii *Petrus existit: & est falsificativum in sensu positivo hujus. Petrus non existit* quoniam existentia illa exprimitur per utrumque, & illâ datâ primum iudicium est verum, & secundum est falsum; quando verò non datur illa, primum esset falsum, & secundum esset verum. Verificativum in sensu negativo est illud, quod exprimitur per propositionem: & tale est ut ipso existente propositio sit falsa, & quando ipsum non existit, propositio sit vera. Falsificativum similiter in sensu merè negativo est illud, quod exprimitur per propositionem, & ipso existente propositio est vera; ipso autem non existente propositio est falsa. Sic existentia Petri est verificativum in sensu negativo hujus judicii *Petrus non existit*: quia exprimitur per hoc iudicium, & datâ illâ existentia, iudicium hoc est falsum: & est falsificativum in sensu negativo hujus *Petrus existit*, quia existentia ea exprimitur per hoc iudicium, & eâ datâ iudicium hoc est verum; quando verò non datur, iudicium hoc est falsum. Unde fit quod sola judicia affirmativa sint capacia veritatis, & verificativi in sensu positivo: falsitatis autem, & falsificativi in sensu negativo. E converso judicia sola negativa sunt capacia veritatis, & verificativi in sensu merè negativo; falsitatis autem, & falsificativi in sensu positivo. Nasciturque hac diversitas ex diverso, imò & opposito modo tendendi, quem habent. Et quia multi volunt ipsorum veritatem, ac falsitatem regulare principio eodem, hac de causa frequentes esse solent æquivocationes in hac re. Sicut etiam, quia univocant hos terminos. *Existentia non existens*, *existentia qua non existit*. Tametsi idem significant grammaticè, alii non philosophicè: quia primus innuit aliquid, quod in seipso sit, *Existentia non existens*, de quo aliquid enuntietur; hoc autem est falsum, quippe ut dixi non est cognoscibile objectum, quod in se ipso sit *non existentia*, sive *carentia*. Secundus terminus non laborat hac falsa suppositione, sed sine ulla affirmatione purè, & simpliciter negat existentiam. Hoc dicendum, quando argumentum contrarium

rium innuitur abufui illius grammaticæ ; quando fecus autem, loquendum cum omnibus .

87 Hinc 5. verificativum , quod etiam vocari solet *determinativum* scientiæ , five iudicii veri , est multiplex . Aliud namque est verificativum , obiectivum , formale , & immediatum . Et est quod nuper dicebam : nimirum quod exprimitur per ipsum iudicium , & est tale , ut ipso existente (si sit verificativum *in sensu positivo*) iudicium sit verum , ipso autem non existente iudicium sit falsum . Aut quod exprimitur per iudicium , & est tale , ut ipso existente (si sermo sit de verificativo , obiectivo , formali , immediato in sensu merè negativo) iudicium sit falsum ; ipso autem non existente iudicium sit verum . Aliud verificativum obiectivum ; non autem proximum , formale , atque immediatum ; sed remotum , & radicale . Et est obiectum illud distinctum à iudicio ipso , quod cum non exprimitur per hoc , connectitur tamen cum obiecto per hoc enunciato , aut illius terminat connexionem , & consequenter est necessarium ad illud : aut habet utrumque . Sic decretum divinum , de eo quod luceat Sol , est verificativum obiectivum ; sed remotum , & radicale huius iudicii *Sol luceat* : quia cum tale decretum non exprimitur per hoc iudicium , neque sit iudicium ipsum , est simpliciter necessarium ut Sol luceat , & est connexum metaphysicè cum eo quod Sol luceat . Aliud demum est verificativum , seu determinativum *subiectivum* . Et est illud , quod se habet ex parte subiecti cognoscentis , estque intime connexum cum veritate ipsius cognitionis , five iudicii . Sic omne iudicium , omnis scientia , omnis notitia intime connexa cum sua veritate est suum determinativum , seu suum verificativum subiectivum . Ob hanc Philosophiam loquentes de determinativo Scientiæ medix v. g. huius . *Si in instanti A existat tota hac individua libertas A ; hæc eadem eliciet tunc consensum A* : dicam mox determinativum *objectivum* five verificativum formale , atque immediatum illius , esse actionem , qua individuum ille consensus oriretur in instanti A ab ea individua , & tota libertate A quia illam actionem , & nil aliud enunciat scientia illa ut purè conditionalis : Determinativum autem subiectivum , non quidem omnino absolutum , sed conditionatum , esse intellectum ipsum divinum per se essentialiter determinatum ad sciendum omne scibile eo ipso quod scibile sit : item actum ipsum scientiæ medix , qui utpote infallibilis , & divinus , per se essentialiter connectitur cum sua veritate , seu cum eo quod individua illa actio oriretur ab individua illa libertate casu quo hæc existeret in instanti A . Determinativum autem obiectivum radicale , & remotum illius scientiæ nullum esse , quoniam nullum admittitur decretum divinum per se essentialiter connexum cum ea veritate propter trinam illam rationem toties inculcatam . Scilicet superfluitatis : ruinæ libertatis indifferentiæ : atque causalitatis peccati . Sicur divisi verificativum , ita dividere potes falsificativum . Et sicut loquutus sum de iudicio affirmativo , ita loqui potes de negativo . Sed ambo debent esse consentanea doctrinæ paulò ante datæ .

CAPUT SEPTIMUM.

De *Judicio certo.*

88



Udicium certum addit multoties supra simpliciter verum, connexionem quamdam ipsius cum sua veritate objectiva, sive adhesionem, intellectus respectu illius objecti. Hæc adhesio sive connexio potest esse intrinseca, vel extrinseca. Illa potest consistere vel in eo, quod judicium sit per se essentialiter impotens existere sine sua veritate, quamvis aliàs sit abstractivum, & obscurum v. g. hoc judicium. *Anima mea est Creatura Dei*: vel in claritate, qua proponit suum objectum, tametsi aliàs non connectatur metaphysicè cum illo v. g. hoc judicium. *Nunc est alba ista carta*: ambo hæc sunt judicia, non tantum vero, sed etiam certa. Connexio extrinseca, sive adhesio intellectus ad objectum illud, potest stare aut in imperio voluntatis abigente prudenter omnem formidinem, atque suspensionem de veritate illius judicii, ut facit Catholicus in judiciis Fidei. Aut in pondere, energiaeque rationum suadentium illam veritatem, quæ rationes fugant suspensionem, ac formidinem de illo objecto: quod si distinguere velis inter connexionem, ac adhesionem inquires, connexionem judicii cum sua veritate semper esse illi intrinsecam; adhesionem verò intellectus stare in eo, quod ita judicet rem illam, ut arceat omnem formidinem, atque suspensionem, quæ exclusio est extrinseca illi judicio: & consequenter inquires, adhesionem intellectus esse extrinsecam judicio certo. Si inquam id dicas. Annuam quando adhesio consistat in sola ista exclusionis omnis formidinis, ac suspensionis. Renuam verò quando adhesio consistat in claritate, sive evidentia naturali, aut supernaturali ex illis arcanis, quas Deus infundere solet homini: quoniam ista evidentia est intrinseca judicio ipsi.

89. Igitur certitudo judicii est duplex (& consequenter dupliciter potest judicium esse certum.) Una certitudo *indubitabilitatis*, seu adhesionis intellectus ad objectum illud: & est quam nuper dicebam, nimirum quando intellectus adeò firmus, & constans est in eo judicio, ut tunc non habeat non dico dubium ullum de illa re (quia hujus exclusionis communis est omni judicio absoluto, & determinato rei, quoniam ut sæpe dixi, dubium constituitur intrinsecè per suspensionem judicii circa utramque partem contradictionis) sed neque habeat suspensionem, aut timorem, aut formidinem (saltem practicam de re illa, quidquid sit de speculativa, idest de metaphysica possibilitate contradictorii). Unde certitudo hæc indubitabilitatis in actu secundo non identificatur adquatè cum judicio ipso certo; sed est complexum resultans ex ipso, &

ex carentia dictorum actuum. Altera certitudo *insolubilitatis*. Et hæc certitudo consistit in eo, quod iudicium ipsum sit connexum cum sua veritate, ut est connexum hoc iudicium. *Causa prima existit*. Ambas certitudines habet iudicium supernaturale Fidei v. g. *Verbum caro factum est*, quia per se connectitur cum incarnatione, tum ob connexionem, quam habet cum objecto formali Fidei, scilicet cum autoritate Dei docentis illam veritatem, quæ autoritas, ut illum docens, metaphysicè connectitur cum illa. (Actus enim, qui vere, formaliter sit Fidei, & non solum æquivalenter quoad meritum, nequit moveri ex revelatione purè existimata. Sicut neque actus formaliter certus ex certitudine solum existimata: neque verè scientificus ex tantum existimata evidentiâ.) Tum etiam ob connexionem, quam habet cum principio supernaturali nequeunte influere in actum falsum, & eo ipso connexo cum veritate illius iudicii. Deinde iudicium illud habet quoque certitudinem indubitabilitatis, quia ob reverentiam debitam divinæ auctoritati docenti sub evidentiâ morali Incarnationem, homo catholicus abigit procul omnem suspensionem, atque formidinem de illa: tum signatè ratione imperii voluntatis, quia nec minimum suspicari vult de illo, quod evidentiâ morali prænotat esse revelatum per Deum: tum exercitè ratione iudicii ipse, quatenus prorumpit intellectus in iudicium, adeo robustum, validum, & tenax; licet obscurum, ut iudicium hoc per se ipsum arceat timorem, atque suspensionem contrariam. Unde habes, quod licet certitudo, & evidentiâ moralis parum, aut nil differant invicem. Item quod licet certitudo, & evidentiâ physica, & metaphysica soleant non differre apud vulgus, quod unam cum altera solet confundere; verumtamen differunt valde: quoniam iudicia Fidei divinæ sunt metaphysicè certa, & non sunt metaphysicè evidentiâ. Nempe quia ad has certitudines sufficit connexio metaphysica cum veritate; evidentiâ verò poscit insuper claritatem: & fieri potest quod iudicium sit connexum cum sua veritate, & simul sit obscurum, & obscurissimum, ut exprimitur in iudiciis Fidei divinæ.

4. Reg. 19.

90. Rursus certitudo indubitabilitatis est etiam duplex. Una imprudens: quando scilicet tenacitas illa adhærendi objecto, & exclusio suspensionis, atque formidinis de falsitate, non debetur motivo, se habenti ex parte rerum; sed levitati, pervicaciæ, aut alii pravæ affectioni iudicantis: tale fuit rotundum illud iudicium, quod prorulerunt de quodam Propheta commilitones Jehu, cui de illo dicebant: *quid venit insanus iste ad te?* Et postea. *Falsum est: sed magis narra nobis*. Et sic multi solent esse certi, & securi de suo errore, quatenus nullam contra illum habeant suspensionem, aut formidinem; sed certitudo ea est imprudens: quia motivis, quæ habent, non debetur absolute, pensatisque omnibus tanta intellectualis adhæsiō. Unde habes iudicium certum certitudine hac indubitabilitatis posse non solum esse falsum; sed improbabile loquendo in genere, quamvis ut tale non possit coexistere in eodem intellectu dubio, suspensioni, aut timori. Et posse quoque esse verum: quia imprudentia illius adhæsiōis superlativè non

opæ.

opponitur per se essentialiter cum eo, quod verè sit coram Deo illud, quod *judicium* enunciat. Et posse esse verè in se ipso certum certitudinis infallibilitatis: quia fundamentum non satis solido potest intellectus humanus prorumpere in *judicium*, quod verè sit metaphysicè connexum cum sua veritate. Altera est certitudo indubitabilitatis prudens, ac rationalis. Nempe quando adeò robustum est motivum judicandi rem A, ut quamvis aliàs hæc possit simpliciter esse falsa (quia ut sæpè dixi prudentia humana non est regula firma, & universalis veritatis) verum tamen nullum apparet motivum suspicandi, aut formidandi practicè. Item: quando licet motivum illud sit aliàs infirmum, atque debile: nihilominus minus ob qualitatem rei, ob circumstantias, ob constitutionem naturæ, non nisi imprudenter possumus suspicari, aut timere contra illius veritatem. Talis est legitimitas filiorum, quæ cum infirmo valde innitatur fundamento, nempe unius tantum personæ, & feminæ, & matris, & in causa honoris proprii testimonio; nemum tamen sine dubio, formidine, aut suspicione, nisi aliunde specialis insurgat ratio, admittitur à populis, ut filius legitimus Domini, ille quem dat sua uxor.

91. Hæc certitudo indubitabilitatis prudens vocari etiam solet certitudo, seu evidentia moralis: videlicet quando tales concurrunt circumstantiæ, ut omnibus sine præjudicio perpensis, non nisi temerè possit dari formido, aut suspicio contra illam rem; tametsi aliàs possibile sit, non tantum metaphysicè, sed etiam physicè, quod res illa sit falsa: quoniam alterutra sola possibilitas non est rationale fundamentum ad prudenter timendum, aut suspicandum; aliàs nullus prorsus esset honor securus à nebulis suspicionum, ac formidinum contrarium, nullaque suspicio esset vana: nullum *judicium* esset temerarium. *Judicium* certum hac specie certitudinis potest quidem esse simpliciter falsum; sed non improbabile, aut temerarium: quoniam ratio ipsa, quæ prudentem cogit intellectum ad abigendum omnem suspensionem, ac formidinem, firmat sufficienter *judicium* ipsum, facitque illud probabile: quapropter hæc dux certitudines indubitabilitatis convenient in eo, quod ambæ excludunt formidinem, atque suspensionem: item in eo, quod ambæ possunt comitari *judicium* simpliciter falsum: item in eo, quod ambæ possunt comitari *judicium* simpliciter verum (temeritas namque, imprudentia, & improbabilitas primæ illius certitudinis non opponitur, ut supra dixi, cum veritate, siquidem *judicium* temerarium potest esse simpliciter verum: sicut etiam *judicium* prudenter conceptum potest esse simpliciter falsum. Rationes namque humanæ, & rationum carentia distinguuntur à veritate, ac falsitate *judicii*, pro quo aut contra quod sunt) differunt autem eo quod illa prima semper est improbabilis; hæc secunda numquam.

92. Certitudo infallibilitatis cum stet physicè ex parte rerum in connexionem *judicii* cum sua veritate in tot species dividitur quot connexionum species dedi in Prodomo disp. 5. ab initio v. g. certitudo infallibilitatis moralis, physicæ, metaphysicæ, logicæ, absolutæ, conditionatæ, determinatæ, disjunctivæ &c. vide illa si vacat, ubi

etiam invenies quæ species infallibilitatis, sive connexionis sint majores, quæ minores, quæ admittant magis, & minus, quæ non admittant, quæ sint frustrabiles, & consequenter fallibiles absolutè, quæ infustrabiles, & consequenter infallibiles omnino: v.g. certitudo purè moralis, ac purè physica possunt absolutè fallere, & judicium eis solis innixum, potest esse falsum, & reflexè cognosci ut falsum, ut improbable, ut temerarium, ut erroneum &c. (secus judicium innixum certitudini metaphysicæ) Et tale est, atque cognoscitur à Catholico judicium de perseverantia substantiæ panis, aut vini post consecrationem, tamen si judicium illud innitatur fundamento, nimirum physicæ perseverantiæ accidentium illorum, physicè connexo cum eis substantiis, & fundanti ex se physicam certitudinem illarum. Rursus judicium certum certitudine infallibilitatis metaphysicæ non potest utique non esse verum, ut iam vides. Verumtamen potest esse hic, & nunc improbable, atque temerarium in tali, aut tali intellectu ob sapè notatam distinctionem inter præsentiam, aut carentiam rationum suadentium aliquod judicium, & veritatem, aut falsitatem hujus coram Deo. Arguo. Omne judicium absolutum, ac determinatum conceptum levi, aut fere nullo fundamento, est improbable hic, & nunc imprudens, & temerarium in illo intellectu à quo sic concipitur. At judicium, quod verè coram Deo est certum certitudine infallibilitatis metaphysicæ eo quòd metaphysicè connectatur cum sua veritate, potest hic, & nunc concipi ab intellectu A, levi aut fere nullo fundamento: siquidem intellectus humanus non est necessitatus ad præhabendum fundamentum, & motivum, quod revera datur ad concipiendum, omne judicium, quod concipit, neque ad comprehendendum omne suum judicium, ut satis constat: ergo judicium, quod verè coram Deo est certum illa certitudine, potest hic, & nunc esse improbable, imprudens, & temerarium in intellectu A: quamvis absolutè coram Deo judicium illud quoad speciem possit esse prudens, & rationale, eo quia noverit Deus grave fundamentum, ex quo poterat concipi illud judicium.

93. Etenim prudentia, & rationalitas nostrarum cogitationum non stat in eo, quod sint ex parte rerum rationes ad concipiendum illas: sed in eo, quod nos concipiamus illas *ex eis rationibus*, atque adductis *illis*: multoties namque est verum illud, quod judicamus, sed temerè, id est abque sufficiente fundamento, judicamus illud. Potest similiter judicium certum hac specie certitudinis esse merè probabile hic & nunc, quia potest concipi ex motivis merè probabilibus. Potest item non esse certum certitudine indubitabilitatis. Non quia possit coexistere cum dubio sui objecti ob sapè datam rationem (scilicet quod dubium de re A importet essentialiter carentiam judicii de A, & de suo contradictorio) sed quia potest coexistere scrupulo, suspicioni, formidini contra suam veritatem. Ratio autem omnium conjugibilitatum, & inconjugibilitatum, quas hæcenus dixi fundatur in duobus principiis. Unum est: Intellectus creatus non est necessitatus ad com-

pre-

prehendendum omnia suum judicium: ergo potest ignorare aliquod, vel aliqua attributa judicii, quod hic, & nunc habet. Alterum est. Diversa quidditas, nec non diversa constitutiva veritatis, falsitatis, probabilitaris, improbabilitatis, prudentiz; imprudentiz, & similia: ex quibus inter se combinatis elicitur conjungibilia esse, quæ conjungibilia dixi; & inconjungibilia, quæ dixi esse inconjungibilia. Sicut etiam elicitur posse esse penitus improbabile, ac temerarium apud unum intellectum, illud idem judicium, quod apud alium est certum, utraque certitudine dicta: & viceversa: adeo enim sunt diversa, ut iam memini humana cerebra: adeo diversæ species, atque notitiæ, quibus tincta, seu jam referta sunt, nec non adeo diversæ sunt combinationes, quæ resultant specierum illarum.

94 Sed obijciat: si judicium certum utraque dicta certitudine potest esse hic, & nunc improbabile, temerariumque: & insuper judicium certum certitudine indubitabilitatis potest esse falsum: & certum certitudine infallibilitatis potest conjungi cum formidine, ac suspitione de opposito, sequitur duo. Primum: *Judicia Fidei*, quæ certa sunt utraque illâ certitudine, posse subire has easdem denominationes, & conjungi cum formidine, suspitione &c. nego hoc: quia sicut sunt res valde diversæ. Animal in genere posse esse rationale. Et omne animal posse esse rationale. Primumque est verum, & secundum falsum. Ita res sunt valde diversæ. Judicium certum utraque, vel alterâ illâ certitudine posse loquendo in genere subire istas denominationes, ac conjungibilitates. Et omne judicium certum alterutrâ illâ certitudine posse subire istas denominationes, atque conjungibilitates. Primum dixi esse verum. Secundum non dixi, quia manifestè est falsum propter istam determinatam speciem judicii certi, quod sit judicii Fidei divini: quoniam omni tali judicio repugnant ista propter rationem, quam insinuai num. 89., & ex professo dedi in tractatu de Fide: sumptam scilicet partim ex auctoritate Dei, cui innititur judicium Fidei docentis sub evidentia morali incarnationem v. g. partim ex principio à quo nascitur hoc judicium, partim ex suo intrinseco robore, quo proster nit formidinem omnem, ac suspitionem contrariam partim ex impetio voluntaris nolentis, nec minimum suspicari contra id, quod sub evidentia morali proponitur, ut asseveratum à Deo, partim demum ob anteriorem vocem Christi, quam suæ oves audimus.

95 Alterum quod sequi videtur, est. Unde scimus, dicta *judicia Fidei* non esse temeraria v. g., & improbabilia, si semel datur, judicium certum alterutrâ illâ certitudine posse esse hic, & nunc improbabile, ac temerarium? Præter nuper insinuatæ rationes respondeo. Vel quæris unde hoc sciamus *evidentia* physica, aut metaphysica obtruncare os cunctis argumentis, cavillationibus, tergiversationibus, formulisque aliis scolasticis. Et sic nego suppositum quæriti: quia ut sæpè monui, judicium Fidei, quod obscurum, atque meritorium sit, est omnino incapax ultimi resolutivi evidentis alterutrâ istâ evidentia, nam aliàs non esset obscurum. Sicut quodlibet aliud judicium obscu-

rum,

rum, quæ tale incapax est principii adæquatè evidentis. Et sicut conclusio merè probabilis, quæ talis, incapax est principii adæquatè certi. Et sicut actus immediatè liber, incapax est rationis, non dico prudenter motivæ; sed quæ sit strictè à priori idest omninò connexa cum illo, & insuper omninò antecedens. Nego igitur istud Unde, idest ultimum resolutivum Fidei, quod sit evidens, quodque dandum, explicandum, probandum, atque defendendum sit more scholastico oppilante os argumentis, & instantiis. Vel quæris unde hoc sciamus evidentiā morali? & respondeo ex argumento compacto ex signis illis credibilitatis, quæ congerunt Theologi, scire nos evidentiā morali iudicia Fidei, quæ certa sunt utrâque illā certitudine, non esse temeraria, improbabilia &c. Vel quæris unde scimus hoc, non quidem evidentiā morali, quæ sit extrinsecum ministerium plantandi, atque rigandi semen Fidei in nostro intellectu; sed certitudinē obscurā, internā sufficientē tamen ei, qui habet aures audiendi, quique docibilis est Deo, quique non corripitur pertinaciā, aut nimio timore? Er respondeo, nos scire iudicia nostra circa fidem non esse imprudentia, & lumine ipso Fidei: seu ex interiore voce Dei consistente in ea apprehensione suavis divinitus infusa, de qua egi supra à num. 16.

96 Denique certitudo alia solet dici formalis, aut subjectiva (& est quam hæc usque explicui, & quæ sola propriè, atque simpliciter est certitudo) Alia objectiva, & fundamentalis. Nempe objectum illud, quod certitudinem fundat actus intellectus: cumque hanc certitudinem fundare solet pondus, sive connexio rationis adductæ ad extorquendum iudicium super re A: hac de causa huiusmodi ratio dici solet favere certam rem A: v.g. divina revelatio de incarnatione Verbi facit certam illam. Sicut enim antiquum est tribuere per figuratam loquutionem, actibus nostris nomina suorum objectorum, aut suorum principiorum, & sic dicimus *Fidem divinam* eam cuius objectum formale est divina auctoritas. Et *actum necessarium* eum cuius objectum est necessarium: & *actum prudentem*, vel *imprudentem* eum, cuius principium prudenter, aut imprudenter operatur. Sic solemne est tribuere per figuratam quoque loquutionē objectis nomina actuum intellectus. Et sic dicimus *essentialiam*, aut *existentiam conditionatam*: illam, quæ objectum est cognitionis conditionatæ. Et dicimus *possibilitatem* huius cartæ v.g. *esse necessariam*, quia objectum est cognitionis, æternam atque necessariam habentis veritatem, scilicet. *Non est dubilis contradiçtio inter prædicata huius cartæ*. Et dicimus, rem esse obscuram, esse evidentem, esse probabilem, esse improbabilem, esse veram, esse falsam, & esse certam, aut incertam, quando est objectum cognitionis obscuræ, aut evidentis, aut probabilis, aut improbabilis &c. Cæterum hæc omnia prædicata solis cognitionibus insunt propriè, ac formaliter (unde propositiones omnes, quæ illa enunciant, sunt reflexæ, alluduntque jam ad unam, jam ad alias cognitiones, sicut disp. 1. logicæ dicebam de propositionibus enunciantibus identitatem, aut distinctionem rationis) non verò objectis ipsis.

97 Quoniam non est objectum, quod non possit enunciari per cognitionem.

gnitionem evidentem, & etiam per obscuram prout fuerint termini, quibus illud explicatur, & prout fuerint aliz species, sive notitiz in intellectu habente cognitionem illius. Non est objectum, quod non possit enunciari per cognitionem probabilem, & etiam per improbabilem, prout fuerint motiva ad enunciandum illud v. g. *Rex venit Madritum quia tota aula testatur hoc.* Est cognitio probabilis de adventu Regis. *Rex venit Madritum quia quidam puer semisopitus hoc dixit.* Est cognitio improbabilis de adventu Regis. Non est objectum quod non possit enunciari per cognitionem veram, & etiam per cognitionem falsam, prout fuerit modus tendendi quem habuerit cognitio v. g. *Deus existit, Deus non existit.* Eadem divina existentia enunciat per primam cognitionem, quæ vera est, & per secundam, quæ est falsa: ergo objecta omnia sunt ex se indifferentia ad omnes has denominationes: ergo harum formarum scilicet evidentia, obscuritas, probabilitas, improbabilitasque non insunt propriè, ac formaliter ipsis objectis, sed solis cognitionibus licet veritas, & falsitas formalis consistant partim in cognitionibus, & partim in objectis. Ratio autem à priori illorum necnon disparitatis ad hæc duo stat in natura, quidditate, & constitutivis jam datis harum omnium denominationum. Fateor locutiones has antiquas esse, & passim usurpatis. Hæc res est evidens. Hæc res est obscura. Hæc res est certa. Hæc res est probabilis &c.: ubi immediatè, ac directè enunciari videtur prædicatum de hæc re, & non de cognitione. Hoc probat non reiiciendum esse communem istum loquendi modum; alitè intelligendus est juxta quidditatem, & realitatem istorum prædicatorum. Alioquin propositiones reflexas accipies pro directis, & errabis inter cognitiones, atque objecta, tribuendo strictè, ac formaliter unis, quod proprium est aliorum: & à Syllogismis fallacibus, qui evidentes videntur, ægrè te explicabis: v. g. *probabilis, imò certa, imò evidens est possibilitas alius mundi. Sed existentia illius est possibilitas illius: ergo probabilis, imò certa, imò evidens est existentia alius mundi.*

98 Idem dico de similibus fallaciis, in quibus videtur sensus esse directus, atque de objectis ipsis; cum tamen sit reflexus, & allusivus, jam ad has, jam ad illas cognitiones, quæ invicem distinguuntur realiter, tamen se objecta illarum non distinguuntur inter se. Idem dico de *esse de Fide*: v. g. casu quo Deus revelavisset, se esse Omnipotentem; non autem revelavisset, se esse immensum: formarer aliquis hunc Syllogismum probaturus immensitatem, tunc etiam fore de Fide. Videlicet: de Fide *esse* omnipotentia. Sed immensitas *esse* realiter, & virtualiter omnipotentia: ergo de Fide *esse* immensitas. Nego hoc: quia illa propositio de *fide est* quamvis videatur directa, procedereque immediatè de objecto, est simpliciter reflexa supra divinam revelationem, enunciarque talem specialem revelationem divinam scilicet *sum Omnipotens*. Et illa altera: *non est de fide* non negat existentiam rei; sed existentiam talis determinatæ divinæ revelationis. Scilicet: *sum immensus*. Et quamquam objecta sint idem, revelationes sunt distinctæ. Idem notavi in ea disp. 1. logicæ. Hic enim etiam videtur directus, & legitimus Syl-

Syllogismus. *Animal est formaliter principium sentiendi, & præscindit formaliter à rationali. Sed rationale est animal: ergo rationale est formaliter principium sentiendi, & præscindit formaliter à rationali.* Quemadmodum ergo totus hic Syllogismus quamvis videatur procedere immediate, ac directè de ipsius objectis, verè tamen est reflexus: & omnes quibus constat propositiones sunt reflexæ, alluduntque jam ad hanc, jam ad illam cognitionem distinctam, licet animal, & rationale non distinguantur. Ita ille, & quicumque alius in quo fit sermo de certitudine, de incertitudine, de evidentia, de obscuritate, de probabilitate &c. objectorum. Et ratio est quam toties dedi. Nimirum hæc omnia formaliter sumpta stare physicè, realiter in ipsis cognitionibus. Ergo enuntiare hæc, est enuntiare cognitiones. Ergo enuntiare hæc est actus reflexus.

99 Neque propterea plus justo vergo in reflexiones, aut plus justo attendo cognitionibus, declinans à realitatibus objectivis. Sed quidditati consulo, naturæ, ac constitutivis certitudinis, incertitudinis, evidentiz, obscuritatis, probabilitatis, & improbabilitatis judiciorum nostrorum. Et sicut esset improprietas querere in cognitionibus illa, quæ ex sua quidditate sunt in objectis: ita non est proprietas, sed figuratus modus insigere objectis illa, quæ ex sua quidditate insunt propriæ, ac formaliter solis cognitionibus. Neque rursus facio in pravo sensu opus intellectus nostri certitudinem existentiz Dei, aut quod hæc pendeat à nostris cognitionibus. Aliud namque est *Deum existere*. Aliud autem *certum esse, evidens esse, probabile esse, verum esse Deum existere*. Illud primum est prorsus independens à nostris cognitionibus. Hæc alia sunt opus rationis, non utique fingentis, sed physicè, & rationabiliter operantis, pendentque à nostris cognitionibus, non quatenus ab ipsis pendeat objectum enunciatum; sed quatenus hæc qualitates de objecto enunciatæ, consistunt actu formaliter jam in his, jam in illis nostris cognitionibus. Profecto quamvis nullus esset intellectus creatus existeret Deus; attamen si nullus esset creatus intellectus, non esset verum formaliter veritate cognitionis creatæ Deum existere. Stet ergo firmitas, & formalem certitudinem, incertitudinem, evidentiam, obscuritatem, probabilitatem, improbabilitatem, veritatem, ac falsitatem, quæ solent enuntiari de rebus ipsis non stare saltem adæquatè (quod addo propter veritatem, & falsitatem) in ipsis rebus; sed has duas ultimas stare in illis tantum in adæquatè; omnes verò priores illas stare adæquatè jam in his, jam in illis cognitionibus, quibus res ipsas cognoscimus, & quas tacitè innunt verba quibus utimur: v. g. *probabile, certum, evidens est existere A*: non innuit, seu non alludit ad quamlibet cognitionem rei A: sed ad hanc determinatam *res A existit*. Item: *probabile, certum, evidens est rem A futuram fore si sit res B*: non innuit, seu non alludit ad quamlibet cognitionem rei A; sed ad hanc solam, *erit A si sit B*. Denique judicium Fidei est illud quo assentimur, ac dissentimur proximè immediate *propter auctoritatem loquentis*: In hoc *propter* stat tota differentia propriissima hujus speciei judiciorum: & illa

pre.

propter regulandæ sunt omnes difficultates, ac quæstiones super hoc judicio. Si loquens sit Deus fides dicitur divina. Si Angelus dicitur si des Angelica. Si homo dicitur humana, sumpta denominatione ab objecto formali. De hoc judicio longus erit sermo disp. 3.

CAPUT OCTAVUM.

De Judicio evidente, intuitivo, & comprehensivo.

100



Judicium evidens idem est, atque *specialiter* clarum, & perspicuum v. g. clarum ut quatuor, ut sex, ut octo. Hæc claritatis intensio, seu evidentia non stat in multiplicitate graduum, quorum quilibet sit expressio illius ejusdem objecti v. g. *carra, carra, carra.*

Ut quid hoc? Sed in cognitione simplici, aut composita exprimentem plura, & plura quoad nos attributa illius rei: vel in eo quod cognitio nascatur à vividiore specie impressa illius: vel in eo quod conjungatur cum aliis notitiis, & speciebus facientibus magis perspicuam rem illam. Sed quia hæc explicatio secundum positivum, in quo stat propriè evidentia, non ita clarè explicat reflexè evidentiam directam: idcirco hæc plerumque explicatur per negativum, perque exclusionem sui contrarii. Igitur judicium evidens est illud, quod ita clarè, vivide, atq; perspicue proponit suum objectum, ut quoad illud, in ordine ad quod evidens fuerit, non relinquat locum scrupulo, suspicioni, aut formidini, non quidem ob alium titulum, sed determinatè ob perspicuitatem, qua exprimit illud. Explicatur. Illorum exclusio non semper nascitur ex evidentia quoniam Catholicus abiicit à se debilitates illas intellectus circa res fidei, circa quas evidentiam non habet: quomobrem illa exclusio interdum venit ex imperio voluntatis, ut in nupero exemplo, & tunc non inferri dari evidentiam. Interdum ex soliditate, atque immobilitate ipsius iudicii, quamvis obscurum sit, ut etiam contingit in verè Catholico: nam concipit iudicium fidei adeò firmum, & robustum ut reclamantibus multis difficultatibus, nihilominus per se repellat debilitates illas intellectus: & neque tunc exclusio illa probat dari evidentiam. Interdum ex vivacitate, acrimonia, energia, & perspicuitate ipsius iudicii v. g. ex eo quod sit clarum ut sex, & tunc inferri a posteriori dari evidentiam. Unde non semper, ac firmiter judicamus rem absque ulla formidine, aut suspicionem, aut scrupulo habemus evidentiam rei illius: quandoquidem id aliquando venit ex iusto imperio voluntatis, aut ex imprudente, atque obstinato.

101 Evidentia est triplex. Una vera, & realis, sed non apparet, ut multæ sunt propositiones Geometricæ, Algebraicæ, Arithmeticæ, & similes hæcenus ignoræ. Altera apparet, sed non vera, ut est evi-

K k

den-

dentia quam prae se ferre solent sophismata. Et hæc simpliciter est evidētia falsa, non quia falsum sit sophisticam propositionem esse claram, sed quia falsum est illud, quod magna claritate enunciat. Et hæc evidētia non est adæquatè positiva, sed inadæquatè negativa: quippe quæ constituitur per ignorantiam, hoc est per carentiam aliarum notitiarum ostendentium falsitatem illius propositionis, quæ videtur evidens. Alia demum, quæ est vera, & simul apparet v. g. *quodlibet est, vel non est*; quæ propositio evidens est omnibus, illorum terminorum significationem intelligentibus, uno, vel altero Cartesio excepto. Rursus. Una est absoluta, ut nuper dicta. Altera est respectiva, & particularis v. g. propositio, quæ uni, vel unis tantum ob specialem, quæ premungit ignorantiam, vel speciales alias, quas habent notitias, seu species, est evidens. Et hæc interdum est falsa, illuſioque humana, vel diabolica. Interdum est vera, ut si hominem ab hominibus aliis existimatum probum, tu ipse vidisti clam ebrium: tibi namque soli erit evidens illud crimen, & reliquis erit falsum, improbable, ac temerarium. Cumque toties accidat hæc rerum combinatio, nimirum quod Petrus ignorantiam quadam laboret, quæ non laborant alii: aut specialibus instructus sit speciebus, & notitiis, quibus alii non sunt instructi: hæc de causa mirandum non est, quod toties sit unis hominibus evidens id ipsum, quod omnibus aliis vix probabile, & forsan nec probabile est, sed falsum, atque temerarium. Sic David inquit. *Incerta, & occulta sapientia tua manifestasti mihi*, vocat *incerta*, namque respectu hominum obscura, dubia, & vix probabilia propter eorumdem ignorantiam, illaque Divinæ Sapientię sunt infallibilia, & evidētia.

P. 50.

102. Ambæ hæc evidētię possunt esse aut morales, aut physice, aut metaphysice, aut in alia ex his combinationibus, quæ fieri possunt ex his tribus invicem collatis. Evidētia purè moralis (quæ utique potest esse falsa simpliciter; non tamen temeraria, vel improbabilis) tunc datur quando licet physice, ac metaphysicè possit res aliter contingere; attamen vel nullum datur indicium ad prudenter dubitandum, aut formidandum, licet fundamentum positivum aliis non sit magnum, (& in hoc sensu sunt moraliter evidentes prolium legitimitates, Principum, Episcoporum, Maritorum, Uxorum, Consanguinitatum, & ferè totum regimen humanum, civile, ac Hierarchicum) vel insuper illud rationis sive extrinsecę, sive intrinsecę pondus datur, ut non nisi temerè possimus de illa ambigere, aut formidare. Prima est evidētia moralis negativa. Secunda positiva. Et propter hanc distinctionem dixi alibi quod licet non sit de fide individuam hostiam A: quæ populo exponitur esse consecratam; est tamen de fide Papam pacificè gubernantem esse Vicarium Christi, & legitimum hic, & nunc Pontificem. Hæc evidētia moralis positiva datur de veritate nostrę Religionis, & non de sola credibilitate, credentitate, obligatione credendi: quoniam tales concurrunt rationes in favorem illius, ut non nisi temerè possimus dubitare, aut formidare non solum de obligatione credendi, sed etiam neque de veritate ipsa Incarnationis v. g. aliis pos-

possemus prudenter dubitare, aut formidare in sensu composito illarum licet nec ne verum illud: *Verbum caro factum est.* Cœterum quia evidentia purè moralis etiam positiva impar est per se præcisè firmando intellectum prout oportet in assensu fidei (quandoquidem potest in genere esse falsa, & contra unas evidencias morales sæpè insurgunt alix) sicut plantare, & rigare impar est per se præcisè fructificando; hac de causa sicut supposito extrinseco ministerio plantandi, atque rigandi Deus dat intrinsecus incrementum: ita supposità illà evidentiā morali proportionatà unicuique, Deus dat intrinsecus incrementum roboris, & immobilis firmitatis per lumen fidei, seu per illam quam infundit apprehensionem suavisimā, qua loquitur ad cor hominis, de qua supra, & cui obedit homo, qui est docibilis Deo, & quam cognoscunt oves Christi Domini, & quam audiunt qui habent aures audiendi, & quam spernunt illi, quibus dicitur: *vocavi, & renuistis.* Demum hæc evidentia purè moralis conjungibilis est etiam prudenter cum hoc reflexo judicio. *Sine contradictione, ac miraculo stricte soli potest res non ita esse absolute, quamvis ita de facto sit.* In quo etiam differt hæc evidentia a duabus subsequentibus. Item conjungibilis est, si sumatur specificativè cum evidentia physica contrariā; sed tunc jam non erit absolute evidentia moralis, quia hæc constituitur in esse absolute talis per carentiam majoris evidentiæ contrariæ.

Prov. 1.

103 Evidentia physica datur quando sensu aliquo externo v.g. oculis, auribus &c. percipitur res. Est vera evidentia quando verè percipitur. Est evidentia niere apparens quando videmur nobis percipere sensu id, quod verè sensu tunc non percipimus, ut quando per vitrum triangulare videmur nobis videre illam varietatem colorum. Idem dico de Irde. Idem dico de collo columbarum &c. Idem de laborantibus cerebro, qui videntur sibi audire strepitus, quos verè non audiunt, videre phantasmata, quæ verè non vident. Ad habendum hanc evidentiam physicam rei A, non semper sufficit habere evidentiam physicam rei connexæ cum A: hoc est: sensu verè percipere rem connexam cum A. Nam sensu percipimus multa connexa intimè cum Deo; & tamen sensu non percipimus Deum immediatè, aut mediatè, & consequenter non habemus evidentiam physicam materialem illius. Imò nullius substantiæ, quia omnis illa distinguitur realiter à luce, colore, odore, sono, & similibus accidentibus, quæ sola sunt sensu perceptibilia. Habemus tamen plerumque certitudinem physicam illarum, quia hæc non possit quod sensu percipiantur; sed contenta est eo quòd percipiatur sensu aliquid physicè connexum cum illis (in connexionem quippe stat certitudinis fundamentum) atque sensu percipimus multa accidentia physicè connexa cum quibusdam substantiis, v.g. sensu percipimus saporem, odoremque panis, & vini, quæ accidentia physicè connectuntur cum his substantiis: ergo habemus certitudinem physicam, quamvis non evidentiam physicam multarum substantiarum. Hæc tamen certitudo purè physica potest conjungi cum fallibilitate si sit in objecto: & cum salutate si loquamur de judicio, habente illam solam certitudinem,

anem, ut adverti num. 92. potest namque Deus violatè connexionem purè physicam, unde iudicium ei soli iustificans potest esse falsum absolute. Igitur oportet non confundere certitudinem physicam, aut metaphysicam cum evidentia, ut jam notavi supra num. 89. hæc enim efflagitat claritatem fugantem obscuritates; illa verò dumtaxat petit connexionem cum veritate: & potest dari connexio hæc cum magna simul obscuritate, ut exprimitur in plerisque actibus fidei. Sed quia vulgò confunduntur hæc duæ proprietates actuum intellectus, ideo tunc vulgò dicitur homo habere evidentiam physicam talis, aut talis rei, quando solum habet physicam certitudinem: eo quia sensu aliquo percepit non quidem illam rem v. g. hominem quoad substantiam, sive aliam quamlibet substantiam; sed aliud quid physicè connexum cum illo homine, sive cum illa alia substantia, ut tunc præsentè. Sed vulgi vocabularium cautè audiendum est inter philosophandum. Demum hæc evidentia est coniungibilis etiam prudenter cum hoc iudicio: *quavis hæc res ita sit de facto; attamen sine contradictione licet non sit miraculo fieri potest quod non sit*: quo etiam differt hæc evidentia à purè morali, & à metaphysica. Item est coniungibilis specificativè sumpta cum evidentia metaphysica contraria. Et tunc non erit absolute evidentia physica; quia hæc constituitur in esse absolute talis per carentiam potentioris evidentie contrarie.

104. Evidentia metaphysica tunc datur quando ita clarè, & perspicuè proponitur objectum, ut appareat intellectui, nec divinitus posse aliter esse, eo quod sic esset cum contradictione. Talia sunt principia metaphysica, arithmetica, geometrica, & tales sunt conclusiones evidenter illatz ex illis, quæ conclusiones ideo vocantur *Scientia*: quo circa hæc tres evidentie conveniunt in eo, quod excludant dubium, timorem, suspensionem, scrupulumque prudentem, mera namque speculative possibilitas metaphysica, physica, aut moralis non sufficiunt ad practicè prudenter suspicandum; unde qui in sensu composito alicujus ex his tribus evidentis non retusè per ullam rationem contrariam suspicatur, vel formidaret, annumerandus esset Cathalogo eorum, *qui ibi trepidaverunt timore, ubi non erat timor*. Differunt tamen, ultra disparitatem perspicuitatis, in eo quod evidentia moralis potest haberi per aliam contrariam evidentiam moralem (& tunc intellectus hætebit perplexus, & suspensus sicut corpus oppositis validis rudentibus in partes oppositas tractum) & potest conjungi eum evidentia physica contraria, ut quando videmus rem quam nunquam credidissimus: & tunc non hebetatur utcumque, sed penitus rescinditur evidentia moralis æquarè, ac completè inspecta: & potest tandem conjungi eum prudente iudicio dato num. 102. Evidentia physica potest conjungi cum iudicio num. antecedente dato: & potest conjungi cum evidentia potentiori, nempe metaphysica opposita, & tunc hebetatur, & rescinditur similiter. Evidentia verò metaphysica neque potest conjungi cum robustiore evidentia contraria, neque potest conjungi cum hoc iudicio: *Neque sine contradictione potest esse falsum*: v. g. non potest conjungi hæc

Philos. 13.

me-

metaphysica evidētia *quodlibet est, vel non est* cum hoc iudicio. Sine contradictione, ac divinitus fieri potest, quod falsum sit, *quodlibet esse, aut non esse.*

105 Hæc evidētia est duplex. Una objectiva, quæ improprie, ac solum per loquutionem metaphoricam est evidētia: nimirum objectum ipsum evidēte cognitione notum. Altera formalis, & se habens ex parte subjecti cognoscentis: nimirum cognitio ipsa evidens. Et hæc est, quæ proprie est evidētia. Vide, quæ de certitudine dixi supra num. 96. & 97. Evidētia formalis est item duplex. Una vera, & realis nempe in qua intellectus non fallitur. Et hæc neque potest esse temeraria, neque improbabilis, neque falsa, neque incerta. Altera purè apparens. Quoties enim ob carentiam aliarum specierum, ac noticiarum, vel ob pravam combinationem illarum, quas habemus, iudicamus non posse sine contradictione esse tale, aut tale objectum; & tamen postea melius instructi deprehendimus posse esse. Hæc species evidētiæ metaphysicæ, si tali nomine digna est, potest esse temeraria, aut prudens, probabilis, aut improbabilis, certa, aut incerta prout fuerit motivum ex quo concipitur. Potest namque esse leve, & potest esse grave, sed fallibile utpote humanum: & hoc quamvis alias physicè connexum cum re, quam iudicamus. Evidētia illa hoc nomine digna est triplex. Una dicitur immediata per se, atque ex solis suis terminis. Alia mediata, & per aliud. Alia immediata simul, & mediata, per se, ac per aliud. Id dicitur evidens per se immediate ex terminis, seu id dicitur *per se notum*, quod cognitione adeò clara proponitur, ut hæc non indigeat ulla alia probatione, seu ratione suasiua; sed sicut sufficit, quod lux materialis offundatur objecto visibili, ad hoc ut oculus capax, & attentus videat illud: ita sufficiens sit, quod ea cognitio proponatur intellectui capaci, & attento ad hoc, ut proinus sine indigentia ullius rationis suasiivæ assentiatur, si cognitio sit affirmativa v.g. *bis tria sunt sex*: vel dissentiat si cognitio sit negativa v.g. *bis tria non sunt decem*. Non enim veritates solæ, sed falsitates etiam solent esse per se notæ, atque ex terminis evidentes: hoc est non solæ cognitiones affirmativæ, sed etiam negativæ; quod addiderim propter nonnullos, qui immemores actuum negativorum in intellectu, & averisvorum in voluntate, regulant has duas potentias, & earum objecta formalia per solos actus affirmativos, ac prosequutivos, quasi illi alteri non æquè essent actus, atque exercitia earum potentiarum.

106 Evidens, sive notum per aliud (jam monui hæc attributa evidētiæ probabilis &c. solis cognitionibus competere proprie, ac formaliter: & per solam figuratam loquutionem convenire objectis: & omnes propositiones, quæ enunciant evidētiā, probabilitatem, & similia esse propositiones reflexas; vide num. 97.) est illud, quod cognoscitur evidēte quidem cognitione, sed quæ indiget aliqua ratione suasiua proprio, vel quæ licet ex se non indigeat, attamen hic & nunc ratione suasiua fulcitur. Huiusmodi sunt conclusiones scienti-

ficæ,

sic; quoniam scientia dicitur vulgò *Notitia evidens per demonstrationem acquisita*. Unde sicut in negotio credendi ea datur diversitas inter judicium mysterii (quod judicium vocatur assensus per modum conclusionis) & judicium existentie revelationis divinæ (quod judicium vocatur assensus per modum principii) ut illud primum habeatur propter hoc secundum; hoc verò non habeatur propter aliam reflexam revelationem, quia abibimus in infinitum; sed immediatè habeatur propter solam ipsam existentiam revelationis extrinsecus patefactam per argumentum credibilitatis, & intrinsecus per apprehensionem suavisimam divinitus infusam ab eo, qui illuminat omnem hominem venientem in hunc Mundum. Ita in discursu philosophico evidente datur conclusio scientifica, & dantur principia, sive dignitates, ut ajunt: Utrumque est evidens, atque notum; sed conclusio est nota, & evidens per aliud, nempe per principium illud, ex quo probatur. Principium ipsum, sive dignitas v. g. *quodlibet est, vel non est*, est per se notum, atque evidens. Demum. Notum per se, ac per aliud est illud, quod licet ob suam perspicuitatem, probatione non egeat; verumtamen hic, & nunc probatur etiam evidenter, sive à priori (sic autem non erit primum principium; tamen aliàs sic per se notum) sive saltem à posteriori. Et sic dignitatem retinere potest primi principii in genere discursus. Profectò sicut effectus potest nasci mediatè, ac immediatè simul ab eadem causa v. g. ignis B. nascitur immediatè à Deo, sicut omnia alia effecta creata; & etiam mediatè, quia nascitur ab igne A, nascente quoque à Deo. Nempe quia hi duo termini *mediatè, immediatè* sumpti secundum solum positivum non opponuntur mutuo. Ita eadem cognitio potest esse evidens per se immediatè, quatenus probatione non indigeat; & simul mediatè, ac per aliud, quatenus ei adjungi potest probatio, qua non indiget. Et hac explicatione habes disparitatem ad res alias, in quibus illi duo termini opponuntur invicem v. g. esse à se; esse ab alio; seu per alium.

107 Evidens, sive notum per aliud, hoc est, per viam argumentationis potest tale esse modis illis ferè tercentis, quos notavi in Dialect. per totà disp. 2. nec non disp. 1. à num. 156. Evidens, sive notum per se, ultra divisiones, quas habere potest ratione materie v. g. veritas per se nota (in qua acceptione accipitur communiter hæc phrasis) falsitas per se nota, probabilitas per se nota, temeritas per se nota &c. item ultra divisiones, quas habere potest ratione subjecti v. g. per se notum Angelo, per se notum animæ separatæ, per se notum homini; item ultra divisiones ratione principii v. g. per se notum attento solo lumine naturali, per se notum attento speciali lumine supernaturali. Demum ultra divisionem ex parte sui. quoniam aliqua sunt *per se præcisè nota* eo quod sunt per se nota, & non suppetat ratio alia suavisiva illorum, ut solent esse prima principia scientiarum, maxime, quæ deducunt ad impossibile; alia verò sunt nota per se, & simul per aliud, quia nil prohibet dari rationem aliam suavisivam illius, quod per se patet. Ultra hæc inquam, per se notum, atque immediatè ex solis terminis
evi-

evidens, potest esse duplex. Unum ratione cognitionis intuitivæ, cujus essentia stat in eo, quod cum sit ita clara, ut non egeat alia suavis ratione, non nascatur, seu non determinatur à specie aliena suo objecto: nempe vel quia à nulla nascitur, ut sunt omnes intuitiones divinx, quas esse intuitivas respectu purè possibilium, hac ratione salvatur, quia scilicet cum sint infinitè claræ, non habentur per speciem alienam. Vel quia immediatè determinatur à suo ipsius objecto, ut cognitio qua Angelus se cognoscit. Vel quia determinatur à specie propria sui objecti, ut cognitio qua unus Angelus cognoscit alium. Sic Beatis est per se nota intuitivè existentia Unitatis, ac Trinitatis divinx: & nobis est per se notum hanc individuum carnem esse, aut non esse albam. Alterum ratione cognitionis abstractivæ, cujus essentia stat in eo, quod habeatur, seu determinetur à specie aliena suo objecto; & quo magis aliena, & impropria fuerit hæc species, eo cæteris paribus magis abstractiva, & obscura est cognitio (quo autem contingat modo negotium hoc cognoscendi abstractivè, ac per species alias jam exposui ad finem, disp. 1.) Sic nobis sunt per se immediatè, ac ex solis terminis nota prima principia aliquarum scientiarum v. g. quodlibet est, vel non est; quoniam ut *principia* evidentia sunt: ut *prima* sunt evidentia per se, quatenus non indigent priore aliqua suavis ratione, aliàs non essent prima principia; sed essent conclusiones derivatæ ex alio principio: & demum ut *universalia* non sunt à nobis intuitivè cognita, idest cognitione immediatè nascente ab omnibus suis objectis, vel ab eorum specie propria.

108 Unde cognitio abstractiva evidens immediata rei non reputatur. Sed æquivocationem cave illius termini. *Immediata*. Aliud est quod cognitio abstractiva sit interdum cognitio immediata, immediatione excludente rationem sui suavis. Et hoc solum dico. Nempe rem posse esse evidentem, ac notam per se immediatè immediatione excludente usum, aut necessitatem prioris rationis suavis. Et hoc quotidiano isto exemplo primorum principiorum metaphysicæ v. g. sufficienter suaderi videtur. Aliud longè diversum, quod notio, evidentia, sive cognitio abstractiva sit immediata immediatione excludente species alias, quarum adiutorio cognoscatur illud obiectum. Id non dico, quia est contradictio in terminis. Hac de causa dixi supra; licet sit impossibile omnino, quod Viatori sit per se immediatè nota, atque evidens ex terminis Beatissima Trinitas immediatione excludente species alias, quibus cognosceretur; non est impossibile metaphysicè, quod ei sit mysterium illud per se immediatè, atque ex terminis notum, & evidens immediatione, ac perfectate excludente necessitatem rationis suadentis illi viatori hoc mysterium; quoniam potest Deus illi infundere lumen supernaturale medium inter lumen Fidei, & lumen Gloriæ: quo elevatus cognoscat citra intuitionem mysterium illud, adeo clarè, perspicuè, ac evidenter, ut non egeat ulla ratione suavis illius, cujus intrinseca transcendentalis veritas divinitus illi panditur, licet citra gradum illum, quem poscit intuitio. Et declarari potest exemplo S.

Igna-

Ignatii, de quo legimus in suo officio. *Clarior adeo illustrationibus à Deo recreatus (cum adhuc esset viator) ut postea dicere solutus sit. Si sacra litera non extarent, se tamen pro fide mori paratum ex iis solum, quæ sibi Manresa patefecerat Dominus.*

Aug.
ep. 112.

109 Hinc obiter habes duo. Unum. Non est de ratione generica cognitionis intuitivæ, quod sit de objecto, ut physicè existente, ac physicè præsentè; quoniam licet hoc benè cadat in cognitiones intuitivas creatas (ad quas alludebat Augustinus, quando discernens visionem à comprehensione, existentiam, & præsentiam objecti requirebat pro cognitione intuitiva) sed non in divinas: siquidem Deus non minus clarè intuetur, atque discernit purè possibilia, quam res aliquando existentes: & tamen non cognoscit purè possibilia, ut physicè existentia, & physicè præsentia, aliàs falleretur. Srat itaque essentia cognitionis intuitivæ in genere, in eo, quod cum sit adeo clara, & perspicua, ut probatione non egeat, à specie aliena non pendeat, ut non penderet illa divina cognitio, eo quod Deus per solam suam infirmitatem perspicaciam sit determinatus ad sciendum omne scibile eo modo, quo scibile est. Cum verò nulla creatura quarumcumque perspicacissima, polleat hac perfectione, ideo nulla cognoscit intuitive ullum purè possibile, quia ubi deest illa summa intrinseca perfectio, non restat alius modus cognoscendi intuitivè nisi per cognitionem immediatè determinatam à suo objecto, sicut hæc visio, qua intueor hanc cartam, ab ea determinatur: vel à specie propria sui objecti. At nullius creaturæ cognitio potest esse immediata determinari ab objecto purè possibili, aut à specie propria illius, ut videtur planum; ergo nullius creaturæ cognitio potest esse intuitiva rei purè possibilis. Omnis ergo cognitio Angelica rei purè possibilis, licet entitativè naturalis, est abstractiva, idest habita, & determinata per speciem alienam; minus quidem alienam, quam est illa per quam determinatur cognitio humana; sed alienam simpliciter. Alterum est. Differentiam inter cognitiones, intuitivam, & abstractivam, non stare in claritate, ac obscuritate, utrumque solet namque cognitio intuitiva esse minus clara, & evidens, quam abstractiva, ne cognitio oriunda ex intuitione objecti valde distantis, aut modica luce perfusi comparata cum hac, *quodlibet est, vel non est.* Sed stare in eo, quod cum cognitio intuitiva ea sit, ut non indigeat probatione, sed sola capacitate, attentioneque subiecti, nec non propositione objecti *Non habeatur per speciem alienam respectu illius;* cognitio verò abstractiva semper sic habeatur. In illud negativum illius, & hoc positivum alterius redigendum est discrimen utriusque cognitionis.

§. II.

110 **T**Andem *per se notum*, sive immediatè, atque ex terminis *evidens* aliud est tale ratione cognitionis *quidditativa*, aliud tale ratione cognitionis *comprehensiva*, ubi molesta occurrit differentia harum cognitionum. Cognitiono quidditativa evidens est in genere illa, quæ exprimit illud, per quod respondemus interroganti *quid est hac res?* quoniam id, per quod respondemus solet esse quidditas rei. Cumque quidditatum rerum non detur ratio strictè à priori, nam quidditas ipsa est prior cæteris omnibus, quæ conveniunt eis rebus: hac de causa definitiones solent esse per se notæ, atque immediatè evidentes, & non probantur, sed prædenter supponuntur, quamvis egere soleant explanatione, ostensioneque suæ convenientiæ omni, & soli definito. Hæc cognitio quidditativa est duplex. Una secundum quid, & minus propria. Nempe illa, quæ exprimit in solo sensu Logicorum quidditatem rei videlicet genus infimum, & differentiam propriissimam. Et in hoc sensu omnis definitio rei satisfaciens solis regulis Logicæ, est cognitio quidditativa. Et in hoc etiam valde limitato sensu, quacunque pro hoc statu fuerit definitio Dei juxta regulas Logicæ, erit cognitio quidditativa Dei, hoc est, erit cognitio, qua utcumque pro hoc statu novimus quidditatem Dei, respondemusque interroganti *quid est Deus?* Altera est propriè, absolutèque quidditativa. Illa nimirum, qua non solum agnoscitur evidenter immediatè, ex terminis absque præviâ ratione suavisâ quidditas rei in sensu eo Logicorum, videlicet geminum illud prædicatum cum præcisione à cæteris; sed qua similiter agnoscuntur pleraque, aut etiam cætera omnia adæquatè identificata realiter, ac virtualiter cum illa re intimè penetrando essentiam illorum. Undè cognitio quidditativa secundū quid est illa, quæ duntaxat exprimit illud quod Logici, imò & Metaphysici vocare solent quidditatem, geminum scilicet prædicatum dictum; quidditativa verò absolutè, & simpliciter est illa, quæ quasi expandit totum id, quod Physici vocant essentiam rei, nempe omnia illa, quæ realiter, & virtualiter cum ea identificantur eo quòd sint proprietates genericæ, aut specificæ, aut individuales illius.

111 In hoc sensu nulla creatura cognoscit Deum quidditativè quia nulla scit immediatè sine præviâ aliqua ratione suavisâ, aut motivâ omnia, & singula, quæ realiter, ac virtualiter identificantur cum Deo, v. g. virtutem productivam possibilis A, & productivam possibilis B; & cognoscitivam possibilis A, & conceptivam decreti A, & decreti B &c. Imò neque Angeli ipsi agnoscunt scientiâ merè naturali quidditativè in hoc sensu hominem v. g. quia licet suâ naturali perspicaciâ immediatè sine præviâ ratione suavisâ noscant omnia attributa, quæ omnino iden-

tificatur cum homine, & non dicunt specialem relationem ad terminum supernaturalem, qualem dicunt potentia omnes obedientiales ad agendum, & suspiciendum terminos supernaturales; verumtamen attributa hæc, sive potentias obedientiales non agnoscunt in homine per scientiam merè naturalem; quomobrem cognoscunt quidditivè, ac etiam comprehensivè hominem, non absolute, sed restrictè in ordine ad res merè naturales. Hinc in cognitione quidditativa hos quinque gradus distinguere oportet, seu potius has quinque species in genere cognitionis quidditivæ; 1. cognoscere immediatè ex terminis duplex illud prædicatum, quod Logici vocant quidditatem, & consequenter differentiam illam propriissimam, in qua juxta Metaphysicos stat quidditas rei; 2. præter illa duo cognoscere clarè, evidenter, immediatè in sensu tories dicto multa alia prædicata realiter identificata cum objecto; 3. cognoscere similiter totam prorsus essentiam physicam objecti: idest omnia prædicata, quæ cum illo identificantur; sed intra quamdam solam sphaeram determinatam v.g. omnia prorsus prædicata, quæ non dicunt specialem ordinem ad rem supernaturalem; 4. cognoscere similiter omnia absolute quemcumque dicant ordinem ad quamcumque rem sive naturalem, sive supernaturalem, sive intrinsecam, sive extrinsecam, sive congruam, sive repugnantem ei objecto; 5. cognoscere hæc omnia non utcumque evidenter, immediatè ex terminis sine prævia ratione suavis, vel motiva; sed insuper tanta claritate, ut non sit possibilis major; quæ claritas, ut jam dixi num. 100. non consistit in conglobatione multorum graduum, seu particularum cognitionis, quarum singulæ sint ejusdem attributi cognitio repetita; sed vel in aliquo eorum, quæ ibi notavi; vel in simplici cognitione qualis est divina, quæ per se solam habeat formaliter claritatem, quam inducere poterant multæ cognitiones, eo quasi modo, quo unus supremus Angelus cum sit substantia non composita ex materia & forma, potest physicè causare effectum, quem multi homines simul.

112. Ex his quinque speciebus prima, & secunda sunt cognitiones quidditivæ secundum quid. Tertia est simpliciter quidditativa, & illâ fruuntur Angeli etiam infimi respectu rerum materialium, & respectu animarum, & Angeli supremi respectu inferiorum, sed non hi respectu illorum; quia est species quædam, & non vulgaris, comprehendendi. Quarta jam assurgit ad comprehensionem objecti, quandoquidem æquat hujus cognoscibilitatem, & ex vi illius nil objecti laret cognoscentem. Et quanquam non constet concessam esse ulli puræ creaturæ de facto existenti respectu aliæ creaturæ, quoniam nec ipsa Cherubim, quæ jure vocantur plenitudo scientiæ cognoscunt quidditivè, aut comprehensivè quartâ illâ specie cognitionis rem ullam naturalem (aliàs perspicaciâ suâ naturali deprehenderent evidenter in homine capacitatem ad unionem hypostaticam v.g. quod repugnat intellectui entitativè naturali, qualis est intellectus ipsorum Cherubimorum) verumtamen non videtur repugnare creaturæ, quæ cognoscat aliam quartâ illâ specie cognitionis: quoniam adhuc distaret infinitè a cognitione divina, non ratione obje-

objecti illius determinari, sed ratione aliorum infinitorum, & ratione subordinationis ad voluntatem Dei, & ratione claritatis: siquidem hæc divina cognitio non solum est comprehensio natus, vel uarum, sed omnium penitus objectorum cognoscibilem; & non pendet ab alieno arbitrio, & est adeo clara, ut non sit possibilis alia magis, neque æquæ clara. Quinta est quæ absolute sine ulla restrictione est comprehensio, quia undequaque adæquat cognoscibilitatem objecti, nempe subjective atque objective. Et ea est cognitio characteristica Dei nulli omnino creature communicabilis. Unde habes cognitionem quidditativam sic esse dividendam. Alia est purè quidditativa nempe illa prima, & secunda. Alia quidditativa, & simul comprehensiva, nempe à tertia usque ad ultimam.

113. Cognitio comprehensiva prout in præsentiarum, non est illa, de qua Paulus. *Ut possitis comprehendere cum omnibus Sanctis, quæ sit latitudo, & longitudo, & sublimitas, & profundum &c.*; quoniam non proponit Ephæliis finem impossibilem; comprehensio autem divinarum rerum prout in præsentia est creaturis impossibilis; loquitur itaque hic de vivace sola cognitione. Nequè illa de qua alibi. *Sic currite, ut comprehendatis.* Et rursus. *Sequor autem siquomodo comprehendam &c.* Utrobique enim significatur assequutio, adeoque nostri ultimi finis: & eâ fruuntur de facto Beati, unde omnes illi vocantur in hoc sensu *Comprehensores*. Est ergo in præsentia sermò de comprehensione illa, quam meminit Augustinus inquiring: *Illud comprehendere, quod videtur cognitione finitur.* Et alibi. *Totum autem comprehenditur videndo, quod ita videtur, ut nil illius lateat videntem, aut casus fines circumspici possunt.* Igitur comprehensio in phrasi philosophica datur; quando intellectus unica, vel multiplici cognitione noscit clarè, distinctè, ac non sub conceptu aliquo universali, omnia, quæ possunt tunc verè affirmari, ac verè negari de objecto, quin eum lateat ullum ex alterutris. In hoc statu rea itas circumspiciendi fines objecti in hoc stat, quod objectum videntis cognitione finiatur; & demum in hoc stat, quod cognitio æquet cognoscibilitatem objecti: nempe quod clarè, distinctè sine involucris sciat intellectus omnia omnino, quæ conveniunt, & omnia, quæ non conveniunt objecto illi.

114. Comprehensio tripliciter potest considerari, juxta nuper dicta de cognitione quidditativa; 1. ex parte sui: cognitio scilicet, quæ tanta claritate exprimit objectum; ut non sit possibilis alia magis clara; 2. ex parte objecti: nimirum illa, quæ exprimit cuncta penitus intrinseca, & extrinseca sine ulla exceptione, & in quocunque ordine, seu sphæra, quæ de objecto illo possunt affirmari verè, veritate necessaria, & verè quoque veritate contingente: & cuncta penitus sine ulla exceptione, & in quacunque sphæra, quæ de objecto illo possunt verè negari utraque illa veritate; 3. ex parte sui, & ex parte objecti. Nempe quæ habuerit duo dicta attributa. Hac comprehensione, quæ talis sit in triplici hoc sensu, solus Deus gaudere potest. Et hæc comprehensio est insuper *supercomprehensio*, quando habetur ab intellectu, qui perfectio-

Ephes. 3.

Corins. 9.
Philip. 3.August.
quest. 14.
& 83.
Idem
epist. 112.

ne, superat perfectionem objecti cogniti. Cumque intellectus divinus perfectione superet perfectionem omnium Creaturarum, secus Dei ipsius: idcirco intellectus divinus supercomprehendit creaturas, sed non Deum. Unde certò inferitur, nullam creaturam posse in hoc sensu comprehendere, & multò minus supercomprehendere ullam aliam creaturam, & multò minus Deum. Imò inferitur, quòd licet creatura cognosceret omnia possibilia in Omnipotentia, quatenus cognosceret omnia, quæ potest Deus physice facere, non eo ipso comprehenderet Omnipotentiam comprehensione hac absoluta; sed ad summum comprehenderet comprehensione restricta ad terminos extrinsecos Omnipotentie. Comprehensio autem magis limitata, & quasi secundum quid, est quadruplex. Nempe illa, quæ licet exprimat clarè, distinctèque omnia, quæ de objecto possunt *essentialiter* affirmari, aut negari; non tamen omnia, quæ hic, & nunc possunt de illo *contingenter* affirmari, aut negari, eò quòd exprimat omnia essentialia, & repugnantia; sed non omnia, quibus hic, & nunc contingenter gaudet, aut caret objectum. Et ex hoc etiam capite non esset comprehensio Omnipotentie dicta cognitio omnium possibilium: quoniam sciens omnia, quæ Deus potest facere ignorare poterat, quæ hic, & nunc faciebat, aut non faciebat. Item 2. illa, quæ exprimit omnia, quibus hic, & nunc contingenter gaudet, aut caret; sed non omnia essentialia, aut repugnantia illi objecto. Item 3. illa, quæ utraque exprimit clarè, distinctèque; sed non ita, ut non sit possibilis major claritas: jam enim dixi claritatem cognitionis non consistere in novis, & novis partiunculis cognitionum experimentium idem objectum, siquidem ex cognitionibus indivisibilibus experimentibus idem numero objectum realiter, & virtualiter indivisibile, una potest esse clarior, quàm altera; sed in vivacitate, energiaque cognitionis, quæ vivacitas potest esse inæqualis, tamen idem sit numerus attributorum, quæ exprimuntur in objecto, ut constat ex cognitione divina, & humana reciproce comparatis. Ex hoc etiam capite poterat non esse simpliciter comprehensio Omnipotentie cognitio clara, & distincta omnium omnino, quæ Deus facit nunc; quia potest esse cum ignorantia eorum, quæ facere potest; imò neque cognitio omnium, quæ potest facere; (esto possibilem esse creaturæ) quia illa cognitio non esset adeò clara, ut non esset possibilis alia magis clara, nam divina cognitio magis clara esset: unde licet æquare Omnipotentie cognoscibilitatem in genere objectivo; at non in genere subjectivo, quia non esset in se ipsa clara simpliciter infinite, cum tamen Omnipotentia in se ipsa sit infinita simpliciter. Denique 4. illa, quæ exprimit omnia intrinseca, & extrinseca, quæ de objecto possunt verè affirmari, ac negari; sed intra sphaeram aliquam particularem; & talis est comprehensio, qua Angeli superiores comprehendunt inferiores, & hi comprehendunt agentia hæc, quæ præ manibus habemus: quia ambæ comprehensiones sunt quoad terminos entitativè naturales; & quidem non quoad omnes, quoniam nempe Angeli superiores perspicaciâ suâ comprehendunt secreta cordis inferiorum Angelorum, neque hi

nostra. Quoniam Deo dixit Salomon: Tu enim solus nosti corda
filiorum hominum.

2. Paralip.

6.

S. III.

116 **H**inc *inferitur* 1. ut jam notavi, nullam puram creaturam, siue suâ naturali perspicaciâ, siue divinitus elevatam, posse comprehendere Deum tertîâ comprehensione illâ absolutè, & simpliciter tali, quæ habeat attributa initio num. 114. exposita; quia nulla elevatione fieri potest, ut cognitio creata adæquet cognoscibilitatem Dei, hoc est, sit in se simpliciter infinita, sicut est Deus simpliciter infinitus: aut sit aded clara, ut non sit possibilis alia magis clara. Et in hoc sensu neque ullam aliam creaturam comprehendere potest creatura ulla siue sibi soli relicta, siue divinitus elevata; quoniam licet inter unam creaturam, & aliam non detur distantia simpliciter infinita, sicut datur inter Deum, & creaturam, & consequenter licet non subsistat ea ratio nequeundi æquare cognoscibilitatem alius creaturæ in genere objectivo; subsistit altera, nimirum nequeundi æquare cognoscibilitatem in genere subjectivo: siquidem quævis creatura est capax, ut cognoscatur aliqua cognitione (qualis est divina) ultra quam non sit possibilis alia magis clara, & comprehensiva; cum tamen nulla creatura adhuc elevata possit hujusmodi cognitionem elicere respectu alius creaturæ. *Inferitur* 2. quod adhuc præscindendo ab impotentia eliciendi hujusmodi cognitionem nulla pura creatura quomodocumque elevata potest comprehendere Deum ex parte objecti, quatenus clarè, ac distinctè noscat omnia, tum contingentia, tum necessaria, omnia inquam in quocumque ordine nullo excepto, quæ possunt verè affirmari, ac verè negari de Deo; quia nulla creatura habet capacitatem adhuc obedientialem ad cognoscendum simul clarè, ac distinctè sine ulla confusione veritates simpliciter infinitas: quoniam ista simultas cognoscendi clarè, ac distinctè simpliciter infinita videtur flagitare perspicaciam simpliciter infinitam: & hæc repugnat creaturæ tum sibi relicte, tum divinitus elevatæ, siquidem elevatio præsupponit capacitatem radicalem: unde quia hæc creatura non habet capacitatem radicalem ad concionandum, ided nec divinitus elevata potest concionari ad populum. At res, quæ in singulari, ac in individuo verè possunt affirmari, & verè possunt negari de Deo, sunt simpliciter infinitæ, ut cõstat; ergo nulla creatura habet capacitatem adhuc obedientialem ad cognoscendum simul clarè, acque distinctè omnia prorsus, & in quocumque ordine, quæ de Deo possunt verè affirmari, & quæ possunt verè negari. Atqui idem propter eandem rationem contingit cuilibet creaturæ intellectivæ respectu cujuslibet alius, quia de qualibet alia possunt verè affirmari in individuo, & verè negari infi-

nitæ

nita res; ergo nulla creatura potest simpliciter absolute comprehendere adhuc elevata aliam ex parte hujus, quatenus clarè, ac distinctè cognoscat simul omnia prorsus, tam necessaria, quam contingentia, & in quocumque ordine, quæ de illa alia possunt verè enunciari; atquæ nec successivè, seu in diversis instantibus potest ulla creatura cognoscere illa omnia, quia infinitum non potest successivè pertransiri: ergo

117 *Inferitur* 3. nullam puram creaturam posse aut simul, aut successivè cognoscere clarè, evidenter, ac distinctè omnia possibilia in Omnipotentia; hoc est: nullam posse ita cognoscere Omnipotentiam, ut ex vi hujus cognitionis discernat clarè, evidenter cuncta in individuo, quæ Deus potest facere. Et hoc, non tam quia sequeretur creaturam illam comprehendere Omnipotentiam, quippe hanc sequelam bifariam recidi nuper; sed quia nulla creatura possibilis habet capacitatem adhuc obediencialem ad cognoscendum simul, aut successivè res simpliciter infinitas, clarè, ac distinctè, ac in singulari: quoniam cognoscere simul hæc omnia sine ulla confusione poscit perspicaciam simpliciter infinitam, siquidem virtus cognoscitiva creata cognitione quasi atteritur, & tandem exhauritur si finita est, quia finita non esset, si non haberet terminum, quem non posset transilire in via cognoscendi; cognoscere verò successivè res simpliciter infinitas repugnat conceptui infinitudinis. Et confirmatur exemplo physice causalitatis, quia nulla creatura habet capacitatem adhuc obediencialem ad physice producendum simul, aut successivè effectus simpliciter infinitos, siquidem producendo, & producendo, & producendo effectus atteritur, & consumitur virtus creata physice productiva. At cognoscendo, & cognoscendo, & cognoscendo atteritur etiam virtus creata cognoscitiva radicalis, seu obediencialem: atteritur inquam, non sicut vestis, sed sicut res, quæ non potest plus, eo quia finita est, & pervenit ad suum finem: quæ autem Deus potest facere sunt simpliciter infinita; ergo nulla creatura possibilis habet capacitatem adhuc obediencialem ad cognoscendum eo modo omnia penitus, quæ Deus facere potest. Quæ autem de facto fecit, ac facit, cum sint finita simpliciter, possunt simul, aut saltem successivè cognosci clarè, ac distinctè à creatura specialissimè elevata. *Inferitur* 4. sensus distinctionis; qua utuntur passim Theologi hac super re. Concors, & vera est omnium vox, nullam puram creaturam posse comprehendere Deum. Concors item Angelos saltem superiores comprehendere inferiores, & utrosque comprehendere vulgares has nostras causas naturales. Juxta Philosophiam autem datam videtur, quod tam non possent comprehendere Angeli superiores Angelos inferiores, aut causas dictas naturales, quam non possunt comprehendere Deum.

118 Id nego. Tum quia cum innata virtus Angeli, inferioris sic simpliciter finita, & effectus, quos innata suà virtute potest facere, sint finiti, potest Cherubinus v. g. clarè, ac distinctè cognoscere aut simul, aut successivè omnia prorsus effecta naturalia, quæ Angelus inferior innata suà virtute naturali facere potest; attamen effecta, quæ propria

suâ virtute potest Deus facere etiam naturalia, sunt simpliciter infinita; ergo neque simul, neque successivè potest ulla creatura, sive non elevata, sive elevata cognoscere evidenter, ac distinctè omnia penitus effecta naturalia, quæ Deus propriâ suâ virtute potest facere; ergo est disparitas. Tum quia cum Angelus inferior sit simpliciter finitus, imò sit minor, quàm Cherubinus, cognitio ab hoc elicita potest assequi, imò, & superare cognoscibilitatem illius. Deus autem est in se ipso simpliciter infinitus; ergo nulla cognitio elicita per puram creaturam potest assequi Dei cognoscibilitatem, quandoquidem omnis illa cognitio est in se ipsa simpliciter finita; quomobrem si loquamur de terciâ illa comprehensione absolutè, & simpliciter tali, qua exorsus sumus num. 114. tam impotens est quævis pura creatura comprehendere aliam, quàm comprehendere Deum. Sin loquamur de quatuor illis speciebus comprehensionis limitatæ, ac secundum quid, quas ibidem subjunxi, una creatura potest clarè, ac distinctè cognoscere simul, aut successivè omnia, quæ alteri positivè conveniunt in ordine naturali; secus quæ conveniunt Deo: & consequenter potest illam comprehendere in ordine naturali, secus Deum. Item potest habere cognitionem illius, adæquatam illius entitativæ cognoscibilitati; secus adæquatam entitativæ cognoscibilitati Dei: & in hoc etiam sensu comprehendere illam, secus Deum.

119 *Inferitur* 5. Id, quod iam supra insinuavi nempe sensus, quo sunt nobis infallibilia, evidentia, aut etiam per se nota illa, quæ talia censentur; seu potius cognitiones, quæ tales censentur, tamen hæc omnes pendeant à sensibus, quos testes fallaces esse, torres deprehendimus. & quo etiam sensu nequimus prudenter dubitare, timere, suspicari contra veritatem earum cognitionum non obstante illa dependentia à sensibus. Nam quomodo credent ei, quem non audierunt; & rursus; ergo *fides ex auditu*; ergo si propter dependentiam nostrarum omnium cognitionum à sensibus fallacibus, desinunt esse infallibiles metaphysicè, sequetur judicia fidei non esse metaphysicè certa, & infallibilia, sed metaphysicè, imò & physicè fallibilia: quandoquidem sensus physicè sunt fallibiles. Rursus. Illud, quod tota passim Philosophia vocat *scientiam*, aut conclusionem scientificam; illud, quod vocat *principia æterna, necessaria, & infallibilia*; id, quod vocat *demonstrationem*. Hæc inquam essent phantasma quoddam his terminis velatum, & apud homines nulla prorsus esset scientia, demonstratio, nullumque esset principium metaphysicè infallibile. atque de his omnibus possemus semper dubitare, aut formidare, aut suspicari, ne non essent falsa, v. g. ne non in aliquo angulo Americæ sit aliquid, quod *simul sit, & non sit*. ne non in aliqua regione Africæ sit aliquid, quod neque sit, neque non sit &c. Omnes quippe has cognitiones habemus dependentem à sensu fallace ex se. Ergo dependentia ab eo non opponitur cum metaphysica evidentia, & certitudine.

120 Et ratio est. Aliud est has conditiones pendere à sensibus, quod suam entitatem, & physicam existentiam sicut pendent etiam à specie-

Ad Roman.
10.

ciabus, & à Grammatica, seu ab intelligentia significationis, quam habent voces, quas audimus: & sicut pendente ab intellectu huiusque non distractione, & ab actione, qua sunt; & à decreto divino applicativo Omnipotentia, nec non determinativo quoad individuum. Et hoc est verum, probatque nullum nostrum iudicium esse per se notum, & evidens perfectate excludente hoc, & illud, & illa multa, quæ simpliciter sunt necessaria, ut existat in rebus quodlibet nostrum iudicium, item probat omne nostrum iudicium esse entitativè contingens quoad existentiam. Aliud autem longè diversum, eas cognitiones, sive iudicia pendere à sensibus *quoad suam veritatem*, aut quoad suam intimam connexionem cum sua veritate, aut semper quoad suam perspicuitatem. Et hoc est falsum. Nam supposito, quod semel habitum sit, physicèq; existat dependenter ab auditu hoc iudicium fidei divinæ *Verbum caro factum est*; ipsum per se ob intimam connexionem cum suo objecto formalis est connexum metaphysicè cum sua veritate, & non propter eternam auditus sensationem. Et supposito, quod semel existat, dependenter utique à sensibus, hoc iudicium *quodlibet est, vel non est*, ipsum per se, & non per testimonium sensus est evidens, abigitque omnem scrupulum, suspensionem, ac formidinem contra suam veritatem; quamobrem dicta dependentia tacit, quod nostra omnia iudicia sint contingentia quoad existentiam; sed non quoad veritatem, infallibilitatem, certitudinem, evidentiamque. Facit item quod non sint per se nota perfectate excludente sua prærequisita ad existendum; sed non tollit, quod sint per se nota perfectate excludente indigentiam rationis alius suavis. En explicatas primarias illas iudiciorum qualitates, quas memini supra num. 75. Inspecimus jam reflexione alia apprehensiones, atque iudicia.

CAPUT NONUM.

Quæstiuncula super Apprehensione, ac Iudicio.

121



Ogas 1. Utrum Deus, & Angeli habeant simpliciter apprehensiones? Respondeo negativè de Deo; affirmativè autem de Angelis. Ratio primi est. Quamvis cognitio imperfecta exulat à Deo. Sed omnis cognitio purè apprehensiva est cognitio imperfecta: quoniam minus

repræsentat de objecto quàm repræsentabile est, nam neque affirmat, neque negat existentiam, aut possibilitatem objecti cum in omni signo, in quo obiectum cognoscibile fuerit, possit affirmari, aut negari status ipsius; ergo. Sed de hoc latius Theologi in tractatu de Scientia Dei. Ratio secundi est. Angeli possunt cognoscere purè apprehensivè illa, quæ non iudicaverint evidenter. Sed multa objecta, scilicet superna-

tu-

turalia, non judicant evidenter, absque divina revelatione; ergo multa objecta possunt cognoscere purè apprehensivè. Idem dico de modo, quo cognoscunt secreta cordis humani: nimirum purè apprehensivè: cetera quippe cognitio soli Deo est reservata juxta Salomonem palam dicentem Deo. *Tu nosti solus cor omnium filiorum hominum.* Rogas 2. Utrum ad omne judicium debeat præcedere apprehensio objecti judicandi? Dico 1. Quando judicium, seu assensus objecti non est ex terminis evidens, præcedere debet apprehensio objecti judicandi. Probat; quod quies pro priori ad judicium datur imperium voluntatis injungens intellectui tale judicium, pro priori ad judicium debet dari apprehensio objecti judicandi: imprudenter enim, ac cæco modo imperaret voluntas assensum, quin aliquomodo præcognosceret objectum, cui assensurus est intellectus. Sed quod assensus non est ex terminis evidens, pro priori ad talem assensum debet dari imperium voluntatis: nam quod assensus hoc evenit intellectus à nullo alio potest determinari, ut objecto assentiatur nisi ab imperio voluntatis; ergo

3. Reg.
cap. 8.
& ubi sup.

121 Dico 2. Eriam quando judicium, seu assensus est ex terminis evidens præcedere debet *per se loquendo* apprehensio objecti judicandi. Non enim dicitur ex terminis evidens, quod præviam excludat apprehensionem; sed quod ratione, seu discursu prævio suasio non egeat, ut non eget hic assensus. *Quodlibet est, vel non est.* Probat; conclusio. Quod assensus prudenter fert sententiam de objecto, debet ipsum præcognoscere aliquo modo (tum quia obiceretur quatenus est ex se periculo sententiam imprudentem proferendi. Tum quia Judex ni pro priori ad sententiam, cui ream subiicit, licet evidenter noxium, delicta aliquando præcognoscat, stultè se geret. Tum quia ideò voluntas divina pro priori ad electionem mediorum debet evidenter judicare efficaciam mediorum; quia aliàs periculo non assequendi finem obnoxia erit) sed etiam quando judicium est evidens ex terminis, intellectus fert sententiam prudenter de objecto. Ergo etiam in hoc casu præcedere debet apprehensio objecti judicandi: addè, quod cum intellectus sit velox ad apprehendendum, tardusque ad judicandum eo, quod apprehensio vicinior sit, quàm judicium actui phantasie, minorque pretio ster intellectui apprehensio simplex, quàm judicium, evenit, quod per se loquendo semper apprehensio præveniat judicium.

122 Dices cum recentioribus. Ut intellectus assentiatur objecto evidenter *propositio* non requiritur apprehensio ejusdem objecti. Implicat in terminis: quippe in hoc, quod est *Objectum evidenter propositum* clauditur apprehensio objecti: nam clauditur propositio objecti, quæ ad minimum debet esse apprehensio. Dices 2. intellectum non regi imperio voluntatis, quando objectum ex terminis apparer evidens. Sit ita; at non argui ex necessitate hujus imperii, sed ex prudentia, & realitate sententiae, quam edit intellectus etiam dum habet assensum ex terminis evidentem. Dices 3. etiam Deus prudenter judicat objecta, quæ judicat, & tamen non præhabet apprehensionem illorum objectorum. Ita sanè. Sed ideò est quia prudentia sententiarum, quas fert intelle-

Actus divinus, non constituitur per quidquam indecorum Deo; qualis est simplex apprehensio, si hanc censueris Deo indignam. Creaturis autem non est impossibilis simplex apprehensio. Unde prudentia sententiz, quam per suos actus pronunciat intellectus humanus, atque Angelicus, per causæ præcognitionem constituitur. Quapropter sicut non licet inferre, intellectum creatum non egere specie objecti ad cognoscendum, ex eo, quod Deus tali specie non egeat, ita in præsentiarum ex eo, quod Deus ad prudenter judicandum non egeat apprehensione prævia, non sequitur idem de creaturis.

123 Er disparitas à priori est. Mens divina ob suam infinitam perspicaciam est ab intrinseco determinata, ut cognoscat objectum, quamprimum cognoscibile fuerit, & eo modo, quo cognoscibile fuerit. Sed in quovis signo, in quo objectum cognoscibile fuerit, est cognoscibile aliquid affirmando, aut negando de ipso; ergo est ab intrinseco determinata ad non cognoscendum, nisi per affirmationem, aut negationem; ergo locus non manet simplici apprehensioni; ergo datur ratio ne prudentia divinorum iudiciorum; per præviam apprehensionem constituat. Hæc autem ratio non urget pro prudentia iudiciorum creatorum. Hinc constat apprehensionem, atque iudicium habere idem objectum: nam juxta discursum proxime factum intellectus debet aliquo modo præcognoscere illud idem objectum, quod iudicaturus est. Et quamquam ad assensum præcedat quoque apprehensio identitatis extremorum, non inde sequitur iudicium præcedere ad iudicium, quod sit assensus. Sed de hoc postea.

124 Rogas 3. circa iudicium. An sit actus simplex, an compositus ex apprehensionibus? Iudicium aliquando est evidens, aut probabile per se ex terminis, sive ex sola terminorum apprehensione, quod tunc contingit quando hac solâ darâ apprehensione intellectus prorumpit in iudicium modò evidens, modò probabile: aliquando non est id generis, quod tunc contingit quando adhuc posita specie, vel apprehensione objecti, dubius hæret intellectus, indigensque nova ratione ad alterum assensum producendum. Dico ergo, iudicium potest esse tum qualitas simplex, quia in hoc nulla est implicatio, neque specialis difficultas: nec non potest esse qualitas composita ex tribus apprehensionibus; sicut iudicium verbale de facto est compositum ex verbis, quorum nullum est vox affirmativa. Arguo sic, complexum ex his tribus apprehensionibus. *Petrus est homo* simul existentibus, ut potest fieri, & non existentibus successivè dumtaxat est iudicium de identitate Petri cum homine, quando datur carentia iudicii de non identitate. Sed hoc complexum est qualitas composita; ergo iudicium esse potest qualitas composita. Probatum maior; quidquid fuerit cognitio, & non fuerit cognitio purè apprehensiva est cognitio iudicativa. Sed complexum ex tribus dictis apprehensionibus in primis est cognitio, ut patet: deinde non est cognitio purè apprehensiva, quamvis partes singulæ sint purè apprehensivæ, siquidem fert sententiam de objecto: cum videatur certum hoc complexum intentionale *Petrus est homo* conjunctum cum

carentia judicii de opposito affirmare de Petro, esse hominem. Ergo dices complexum ex his tribus apprehensionibus *afra sunt paria*; non esse judicium; ergo nullum aliud complexum ex apprehensionibus est judicium. Probarur antecedens: quia aliàs cum prædictum complexum præcedat judicio, sequeretur judicium præcedere sibi ipsi; 2. quia modo habeo prædictum complexum, & tamen non judico *afra* esse paria; sed potius dubito sint ne paria, aut imparia, & aliàs quando audio, vel lego hanc erroneam propositionem: *Deus est mendax*, aut aliam similem, judicarem Deum esse mendacem: siquidem tunc habeo apprehensionem Dei, mendacitatis, nec non identitatis inter utrumque 3. modus tendendi judicii proprius est longè perfectior modo tendendi apprehensionum; ergo si prædictæ apprehensiones, eo quod per accidens conjungerentur in intellectu, inducerent modum tendendi judicativum, inducerent modum tendendi longè perfectiorem suo proprio, & consequenter eo, quod per accidens conjungerentur, mutarentur, intrinsecè: sic arguunt docti recentiores.

125 Distinguo antecedens. Non est judicium *formale*, seu non est judicium *strictè tale*, seu non est judicium, quod sit *assensus* (quæ omnia idem significant) concedo antecedens: non est judicium materiale, seu laxè tale nego antecedens, & distinguo similiter consequens. Est judicium materiale, seu laxè tale, & est judicium formale, seu strictè tale. Illud unicè consistit in tendentia intentionali aliquid affirmante, aut negante, sed purè materialiter, citra omnem adhesionem intellectus, quæ adhesionem carentia provenire potest, vel ex eo, quod nulla pulset intellectum ratio suavisiva objecti enunciati per eam tendentiam, ut in præsentì contingit: siquidem nulla obiicitur intellectui ratio suadens *afra* esse paria, vel ex eo, quod intellectus absolute existimet partem contrariam esse veram; & consequenter exercitè, aut signatè existimet esse falsum illud alterum judicium, quod concipit per modum exempli judiciorum falforum, vel ex alio fine. Judicium verò formale seu strictè tale idem est, quod assensus, additque (ultra prædictam tendentiam intentionalem ferentem sententiam de objecto) carentiam dubii, suspicionis, ac formidinis de objecto, si fuerit assensus evidens, vel saltem certus: aut carentiam æqualis judicii de contradictorio, si assensus fuerit merè probabilis, & qualis frequenter esse solet. Imperceptibile namque videtur intellectum assentire, seu adherere strictè loquendo objecto alicui, dum æquè accedit, seu adheret intentionaliter contradictorio illius objecti; tunc enim æquè accedit, & recedit ab illo objecto, qui autem æquè accedit, & recedit intentionaliter ab objecto non accedit præse loquendo: ergo *assentire objecto* deficit quoties deficiat carentia dissensus; ergo quoties hæc deficiat, deficit ali-quod intimum constitutivum hujus, quod est *assentire*. Sed non apparet aliud, quàm ipsa carentia dissensus; ergo carentia dissensus est intimum constitutivum assensus strictè talis: & è converso: sicut carentia peccati gravis est constitutivum hujus, quod est *esse absolute sanctum*. Et carentia frigoris magni est constitutivum hujus, quod est *esse absolute calidum*.

126 Dico ergo. Complexum ex tribus eis apprehensionibus, *Astra sunt, paria*; & similiter de quibusvis aliis apprehensionibus his similibus, esse per se præcisè iudicium purè materiale, seu laxè tale, seu esse iudicium secundum positivum ob rationem nostræ conclusionis; non tamen esse per se præcisè iudicium formale, seu iudicium, quod sit assensus, seu iudicium strictè tale, quippe hæc denominatio addit illi complexo carentiam, quam nuper memini; sicut denominatio *Sancti*, filique adoptivi Dei ultra gratiam sanctificantem addit carentiam omnis mortalis. Hinc prima solvitur probatio contraria. Prædicatum complexum non præcedit iudicio purè materiali, & laxè tali, sed iudicio formali, & strictè tali, & quod sit *assensus*, cumque prædictum complexum non sit per se præcisè iudicium formale, seu iudicium, quod sit assensus, siquidem in sensu composito illius possumus habere iudicium reflexum de eo, quod illud complexum facit iudicium falsum, ut contingit quando apponimus exemplum iudiciorum falsorum, ideò non probatur iudicium, quod sit assensus anteire seipsum. Hinc quoque solvitur secunda probatio. Fateor me habere modò complexum ex tribus dictis apprehensionibus, nec non ex his tribus *Deus est mendax* quando audio, vel lego hanc erroneam propositionem. *Deus est mendax*; ex hoc autem tantummodo sequitur me iudicare purè materialiter, laxèque loquendo, & circa omnem assensum, adhesionemque *Astra esse paria*. *Deum mendacem esse*, non tamen concluditur me iudicare iudicio formali, seu iudicio, quod sit assensus *Astra esse paria*: quandoquidem non cenfeo præfata complexa esse per se præcisè iudicia formalia, seu iudicia, quæ sint assensus. Sic qui sanctitatem haberet simul cum lethali non esset absolutè, ac simpliciter Sanctus; sed tantum esset Sanctus materialiter, ac secundum positivum, quod importat esse *Sanctum*.

127. Tertia ratio contraria facillimè regeitur in adversarios. Totum substantiale est entitativè in se ipso multò perfectius suis partibus distributivè sumptis; ergo si hæc propterea, quod per accidens copulantur, sunt totum substantiale (ut re ipsa evenit quandoquidem putant ipsi Adversarii, partes copulativè sumptas esse ipsum totum substantiale) propterea quod accidentaliter conjungantur mutabuntur intrinsecè; quod est falsum; quamobrem sicut aliud sunt partes compositi v.g. homo distributivè acceptæ, aliud copulativè sumptæ: illo modo acceptæ nunquam sunt *animal rationale*, five actû constituant, five secus compositum: hoc autem modo sumptæ, semper sunt animal rationale, subindeque nullam patiuntur mutationem intrinsecam. Ita illæ tres apprehensiones memoratæ, si distributivè sumantur semper retinent suum intrinsecum modum tendendi purè apprehensivum, & modum tendendi iudicativum non induunt, component, vel non component iudicium; sin verò copulativè accipiantur, semper habent modum tendendi iudicativum, & sic sumptæ nunquam habuerunt modum tendendi purè apprehensivum. Nulla ergo intrinseca mutatio: quoniam modus tendendi iudicativus adscribitur eis apprehensionibus copulativè sumptis: modus autem tendendi purè apprehensivus tribuitur illis distributivè, ac

seorsim acceptis; illæ verò copulativè sumptæ non sunt illæ distributivè acceptæ; sed ab illis sic acceptis distinguuntur realiter inadæquatè juxta doctrinam generalem alibi datam; juxta quam *singula non sunt omnia*.

128 Dices 2. cum eisdem. Per replicationem tendentiæ intentionalis imperfectioris non potest intellectus pervenire ad tendentiam perfectiorem. Sed apprehensio est tendentia intentionalis imperfectior; judicium verò est tendentia intentionalis perfectior; ergo per replicationem apprehensionum non poterit intellectus pervenire ad judicium. Probatur major; quia amor inefficax habet modum tendendi imperfectiorem illo, quem habet amor efficax, idèò quantumcumque multiplicentur amores inefficaces non constituunt ullum amorem efficacem. Item quia peccata venialia sunt ex genere suo minora, quàm mortalia, quantumcumque multiplicentur peccata venialia non constituunt unum mortale; ergo &c. probatur 2. eadem major. Etiam si apprehensiones multiplicentur non continent unum discursum, ni producat alius specialis actus, qui ex præmissis moveatur; ergo quantumcumque multiplicentur apprehensiones nequibunt constituere unum judicium, ni specialis alius actus producat simplex, atque indivisibilis, qui sit sententia intentionalis de objecto, 3. tamen si physicè uniantur hæc duo judicia, *Petrus est homo, Paulus non est equus* non habent modum tendendi perfectiorem; ergo tamen si physicè uniantur hæc apprehensiones *afra sunt paria*, non habebunt modum tendendi perfectiorem, ergo non habebunt modum tendendi judicativum; 4. Judicium disjunctivum, conditionale, & cætera Hypothesica non constituunt in sola còdèxistentia judiciorum, categoricorum, sed in alio speciali actu simplici habente modum tendendi disjunctivum &c. Ergo judicium categoricum non consistit in sola còdèxistentia apprehensionum.

129 Retorquetur similiter argumentum. Si per replicationem tendentiæ intentionalis imperfectioris non assurgit intellectus in tendentiam perfectiorem; ergo neque per physicam replicationem partium, quæ imperfectiores sunt toto, constituitur ipsum totum substantiale, quod perfectius est, neque per physicam replicationem unitatum constituitur numerus millenarius v. g. qui major est, ac perfectior in ratione numeri, quàm binarius. Igitur distinguo majorem. Non potest intellectus *semper* pervenire concedo: non potest *unquam* nego majorem, & concessa minori distinguo consequens: per replicationem apprehensionum impertinentium non potest intellectus &c. concedo consequentiam: apprehensionum, quarum una sit subjecti, & altera copulæ, & altera prædicati nego consequentiam. Quemadmodum non dicitis quamlibet multiplicationem partium efficere unum compositum substantiale; sed solum multiplicationem partium, quarum una sit materia, altera forma, altera unio. Ita non dicimus nos, quamvis multiplicationem apprehensionum efficere judicium; sed illarum dumtaxat, quarum una sit apprehensio subjecti, altera copulæ, altera prædicati.

130 Ad primam probationem nego causalitatem utriusque exempli. Intentio qualitarum intentionalium, & quarum numero est amor, non fit

fit per additionem gradus ad gradum quod si putaveris hoc modo fieri, dicam multos amores inefficaces ejusdem objecti, & in eadem voluntate simul existentes constituere unum amorem efficacem; atque idcirco amores inefficaces multiplicati non constituunt unum amorem efficacem. Præterea in complexo ex multis peccatis venialibus non reperitur conceptus quidditarius criminis lethalis, nimirum esse contra conscientiam *gravis retrahentem*. Cæterum in complexo ex tribus dictis apprehensionibus detegimus quidditatem iudicii, scilicet ferre sententiam de objecto. Ad 2. nego antecedens; quoniam discursus mentalis resolvitur in iudicia tamquam in partes, & iudicia in apprehensiones, quapropter apprehensiones debito modo multiplicatae possunt constituere iudicia complexa ex tribus apprehensionibus, quæ præmissas formales componunt, atque discursum ex his iudiciis compositum, nec non ex illo, quod vocatur conclusio formalis. 3. probatio instatur in partibus componentibus totum substantiale. Dato itaque antecedenti nego consequentiam. Disparitas est. Illa duo iudicia proportionem non habent, ut tendentiam perfectiorem intensivè constituent, dum physicè uniuntur; attrahunt apprehensiones subiecti, copulæ, & prædicati proportionatæ sunt ad hoc, ut constituent tendentiam, ferentem sententiam de objecto, perfectioremque proinde quavis ex illis seorsum.

131. Ad 4. distinguendum est inter iudicia hypothetica; causale, & rationale, copulativum, & rationale possunt consistere in cō-existentia iudiciorum categoricorum, & apprehensione copulæ objectivæ v. g. hoc iudicium causale; *quia ignis est applicatus comburitis*, potest consistere in complexo ex apprehensione causalitatis objectivæ, quam excersit applicatio in combustionem, & ex his duobus iudiciis. *Ignis est applicatus, ignis comburitis*. Iudicium autem disjunctivum non potest componi ex categoricis, & apprehensione disjunctionis, seu vaguitatis objectivæ: quippe cognoscibile non est ab intellectu objectum, quod in se ipso sit objectiva vaguitas, aut disjunctio. Stat ergo iudicium disjunctivum in simplici qualitate habente hunc modum rendendi, seu sic explicabile. *Petrus existit, vel non existit*. Hac autem eadem natura iudicii disjunctivi est disparitas ad iudicium categoricum: quia licet apprehendibile non sit objectum ullum, quod in se formaliter sit vagum eo quod objectum omnis prorsus cognitionis sit in se ipso res determinata; apprehendibilis nihilominus est identitas objectiva inter subiectum, & prædicatum; ergo licet iudicium disjunctivum componi nequeat ex apprehensione copulæ objectivæ; potest tamen iudicium categoricum; quod si malueris dicere consentaneè ad doctrinam de ente rationis, & carentis, quam suo loco dedimus, iudicium disjunctivum componi quoque ex categoricis, & apprehensione sic explicabili vel cuius apprehensionis objectum non sit vaguitas aliqua, seu objectiva disjunctio, sed entitates ipsæ determinatæ. Recognosce ibi dicta. Denique omnia ista argumenta retorquentur in iudicio vocali, & scripto, quæ in sua qualicunque sphaera sunt propriè iudicia; & tamen componuntur ex vocibus, & scriptis, quæ in illa eadem sphaera non

non sunt iudicia, sed correspondent simplicibus apprehensionibus. Quid hic dixeris, dicam illic.

132. Rogas 4. An omne iudicium sit æquivalenter iudicium sui ipsius? Respondeo. Omne iudicium est iudicium sui ipsius exercitè; non autem signatè. Ratio primi est. Omne iudicium esse exercitè iudicium sui ipsius stat in eo, quod in genere causæ formalis, hoc est, per sui unionem cum intellectu hunc reddat certiore de existentia sui ipsius. Sed hoc ita contingit: siquidem nil certius intellectui, dum iudicat, quàm se iudicare. Ergo. Et licet hæc quasi reflexa certitudo fundari possit in alio iudicio reflexo excitato per iudicium directum, nihilominus cum hæc fieri quoque possit per ipsum iudicium directum, opus non est multiplicare entitates. Nam etiam ut intellectus maneret certus de iudicio illo reflexo, opus esset comminisci aliud iudicium secundò reflexum, & pro hoc aliud, & sic abiremus in infinitum. Ratio secundi est; quod hoc iudicium v. g. *Petrus existit*; non sit signatè iudicium sui ipsius stat in eo, quod possit habere hanc tendentiam *Petrus existit* quin ulterius habeat hanc. *Et ego existo*. Sed hoc ita evenit. Ergo. Unde sicut *magis* causæ morales causant ut cognitz, quia non movent potentiam nisi detur cognitio exprimens illas; aliæ verò movent non ut cognitz, sed immediatè, exercitè, ac per se, sine reflexa sui cognitione: ut movent cognitiones ipsæ, intentio finis, habitus acquisiti &c. Ita unæ res sunt certæ præcise ut cognitz, quia nisi detur cognitio repræsentans illas, illæ non sunt nobis certæ actu formaliter. Aliæ sunt certæ non ut reflexè cognitz, sed per se formaliter immediatè, ac exercitè. Et talis est existentia ipsius cognitionis.

133. Rogas 5. An iudicium possit se ipsum iudicare, seu habere se ipsum pro objecto? Respondeo: licet impliciter cognitio, quæ se solam repræsentat, tum quia hæc cognitio erit prorsus inexplicabilis: tum, quia de conceptu cognitionis est esse *alicujus* cognitionem, sicut est de conceptu actionis esse productivam *alicujus*. & de conceptu unionis esse aliquorum unionem; attamen non repugnat iudicium, quod se ipsum simul cum aliis iudicet. Probatur in hoc universali. *Omnis cognitio est representatio sui objecti*, quod cum habeat pro objecto, de quo iudicat, omnem cognitionem, & ipsum iudicium sit aliqua cognitio habet se ipsum pro objecto de quo iudicat esse repræsentationem. Neque dicas omnem cognitionem necessariò oriundam esse à suo objecto; tum quia hoc solum valet, quando cognitio est intuitiva, & objectum non est intimè præsens intellectui; quando autem cognitio est abstractiva qualis est nuper dicta, non nascitur à suo objecto; sed à specie aliena valde à suo objecto; tum quia licet cognitio oriatur ab aliquo suo objecto, non tamen necessum est, quod ab omni suo objecto nascatur. Sic licet actio distinguatur ab aliquo suo termino, non tamen ab omni, siquidem ipsa est aliquo modo terminus sui ipsius, siquidem ipsa per se ipsam, oritur ab agente. Similiter de unionem.

CAPUT DECIMUM.

Quæstiuncula cætera circa Judicia.

134



Ogas 6. In quonam differant judicia de præfenti, de præterito, & futuro? Respondeo hæc tria judicia differre eo quod judicium de præfenti significet suum objectum existere (vel non existere si judicium sit negativum) in instante seu duratione, quæ per accidens est *prima du-*

ratio ipsius judicii, sine reflexione signata hujus supra illius instantiis, sive durationis primatum; aliàs judicium signatè reflecteret supra se ipsam. Unde si tunc non existat illud objectum, judicium erit falsum. Judicium de præterito significat objectum existere ante primum instans, seu primam judicii durationem in sensu dicto. Judicium de futuro significat objectum existere post primam judicii durationem: quocirca regula ad dignoscendum inter tria hæc judicia, & primum instans, in quo incipiunt, seu prima ipsorum judiciorum duratio. Cumque in actibus scientiæ divinæ non detur prima duratio, quippe sunt æterni, idèò respectu actuum scientiæ divinæ nullum est objectum, aut præteritum, aut futurum strictè loquendo, nullusque actus scientiæ divinæ est de præterito, aut de futuro absolute in se ipso; etiam si vocibus de præterito, aut de futuro quoad nos explicetur: nempe quia *Scriptura Sacra hominum in loquendo consuetudinem sequitur*, ut notat P. Gaspar Sanchez in Jerem., Sanchez in Jeremiam, rationemque adducit. *Ne, quæ cognosci nequeunt, nisi magis accurato explicentur sermone, ignorata à vulgo minus habeant in eorum animis momenti.* Et alibi super Isaiam, & Esdræ. *Scriptura Sacra sæpè non tam ad veritatem ipsam, quam ad hominum opinionem sermonem accomodat.* Et rationem producit. *Id Scriptura significat, quia de Deo cum hominibus, humano loquitur more.* Camque mos hominum sit explicare per terminos de præterito objecta, quæ respectu nostri præterita sunt, nec non per terminos de futuro objecta, quæ respectu nostri futura sunt. Idcirco indulgens Deus huic hominum consuetudini per eosdem terminos explicare solet in scriptura actus suæ scientiæ.

135 Hinc vel putas, omne judicium habere ex sola sua essentia significare tempus, quod semel significat, sicut subjectum, copulam, & prædicatum, quæ semel significat. Vel putas judicia hæc naturalia, quæ vulgo habemus, significare ad placitum hominum, indirectè utique: quatenus respondent propositionibus vocalibus, quæ ad placitum hominum significant: & judicia significant idem, quod hæc, ne lingua dicat unum, & intellectus aliud juxta ea, quæ insinuaui disp. 1. Diæceticæ cap. 2. Si primum judicium, quod semel est de præfenti, semper est de præfenti in se ipso, licet non semper quoad nos v. g. hoc. *Petrus* le-

P. Gaspar
Sanchez in
2. Jerem.,
& in 1. e-
jusdem, &
super Isai.
23. n. 11.,
& sup. cap.
1. lib. 2.
Esdræ n. 7.
& in 1. Is.

regis, heri conceptum, & hodie adhuc durans, est hodie de presenti in se ipso: secus quoad nos, quia hac voce de *presenti* prolatae hodie, intelligimus diem hodiernum, non verò hesternum: & en radicem, æquivocationum ebullientium quando hæc res disputatur reflexè, quia voce, quæ significat rem hodiernam explicamus aliam penitus similem, nempe *nunc de presenti* substituram pro iudicio significante rem, quæ quoad nos non est jam *hodierna*, sed *hesterna*. Si secundum? iudicium, quod aliquando est de presenti, si duxerit aliquod tempus mutabitur in iudicium de præterito: quia iudicium, quod heri significabat rem, quæ heri præsens erat, hodie significat rem, quæ jam non est hodierna; sed hesterna. Sicut verba illa materialia *nunc*, de *presenti* heri significabant diem hesternum, & hodie significant diem hodiernum. Cumque Inter disputandum utamur eadem voce ad significandum propositionem vocalem, & propositionem mentalem, ecce jam occasionem, ut copiosa quantitas æquivocationum se se immisceat disputationi.

136 Rogas 7. An actus, seu iudicium naturale circa objectum necessarium connectatur metaphysicè cum sui objecti possibilitate præscindendo à ratione generali suadente reciprocam possibilitum connexionem? Respondetur: posito, quod nullus penitus actus naturalis nostri intellectus significet adhuc mediare, ac indirectè ex placito hominum ob consonantiam cum verbis, quibus respondent actus intellectus, quæ verba significant ad placitum. Posita inquam hac communi Philosophia: omnis actus naturalis circa objectum necessarium v. g. *Petrus est possibilis* titulo representationis sui objecti connectitur *in sensu reali*, & quam mediare cum possibilitate sui objecti, non verò *in sensu formali*, & quasi immediate. Probatur prima pars. Præfatum actum titulo representationis connecti in sensu reali, & quasi mediare cum sui objecti possibilitate in eo stat, quod titulo representationis sit connexus cum aliquo logicè, aut metaphysicè connexo cum possibilitate sui objecti. Sed hoc ita accidit quoniam titulo representationis est metaphysicè connexus cum eo, quod suum objectum sit Petrus (ob istam suppositionem de eo, quod omnis actus intellectus habet per suam essentiam enunciare quod enunciat) & suum objectum esse Petrum, est summè connexus cum possibilitate sui objecti: siquidem suum objectum esse Petrum est identitas Petri secum ipso, quæ identitas est formalis possibilitas Petri. Ergo. Probatur secunda pars. Prædictum actum titulo representationis sui objecti esse connexum in sensu formali cum possibilitate sui objecti, in eo staret quod ex hoc antecedenti. Hic actus habet per suam essentiam representatione sui objecti possibilitatem, possemus rectè deducere hoc consequens, ergo *connectitur cum possibilitate sui objecti*. Sed ex illo solo antecedenti non possumus adducere hoc consequens. Nam & hic assensus *Chymara est possibilis* repræsentat falsò, ac stolidè, juxta communem modum loquendi, multorumque opinionem, sui objecti possibilitatem, & nihilominus non connectitur cum sui objecti possibilitate; ergo prædictus actus titulo representationis sui objecti &c. quod si censeas actus istos naturales significare ad placitum

indieectè quatenus significant idem, quod verba: & hæc ad placitum significant: tunc respondendum est quæstioni per viam oppositam.

137 Rogas demum. Utrum propositio vera possit in falsam transire, vel è contrariè, falsa in veram? Juxta duas philosophias. nuper insinuaras dupliciter potest disputari hæc difficultas. Primò juxta illam, quæ dicit judicia ista ordinaria ordinariis verbis respondentia significare, quod significant, non quidem ex sola sua essentia, sed ex hominum placito, ex quo significationem habent ipsa verba externa, quibus respondent verba interna mentis. Et juxta hanc respondi affirmativè huic quæstioni disp. Dialecticæ num. 50. Secundò juxta longè communiorè philosophiam, docentem omnem actum intellectus habere ex sola sua essentia significare id, quod significat. Sed quia multi ex illis, qui hoc defendunt, redeunt ad primum illud, ut præsentì quæstioni respondeant affirmativè. distinguentes inter objectum, & tempus, seu ut illi dicunt inter objectum *signatum*, & objectum *exercitum*. Et insuper quia ea secunda philosophia est longe communior, idèò juxta illam disputo rem præsentem. Tuum autem erit judicium ferre de prima illa philosophia ex qua pendet rei præsentis absolutum judicium. Juxta secundam verò magis communem.

138 Dico 1. Nulla propositio mentalis potest decursu temporum variare, seu amittere significationem, aut obiecti *signati*, aut obiecti *exercitii*, quod sic probatur. Omnis cognitio mentalis habet per solam suam essentiam significare objectum, quod semel significat, & significare tempus, pro quo tale objectum significat. Sed objectum, quod significat vocatur objectum *signatum*, & tempus, pro quo illud significat vocatur objectum *exercitum*: ergo. Probatur major. Hæc propositio v. g. *Petrus existit in instanti A.* habet per solam suam essentiam, & significare Petrum, & significare illum pro instanti A. ergo idem dicendum est de cæteris respectivè ad sua objecta. Probatur antecedens; Omne quod fuerit formale, actuale, absolutumque exercitium significandi intentionaliter Petrum pro instanti A, habet per solam suam essentiam significare intentionaliter Petrum pro instanti A. Sic actuale exercitium, formaleque, & absolutum uniendo duo, per solam suam essentiam habet unire illa duo. Sic exercitium actuale, formale, absolutumque, producendi Petrum, per solam suam essentiam habet esse productionem Petri &c. Sed hæc propositio est exercitium actuale, formale, absolutumque significandi intentionaliter Petrum pro instanti A. Probatur; quemadmodum intellectus est ex se indifferens ad significandum, vel non significandum cognitione Petrum: ita est ex se indifferens ad significandum, vel non significandum illam pro instanti A; ergo, quemadmodum datur aliquod exercitium actuale, formale, absolutumque per quod intellectus determinetur potius ad significandum cognitione Petrum, quàm aliud objectum: ita debet dari aliquod exercitium actuale, formale, absolutumque per quod determinetur intellectus ad significandum Petrum pro instanti A. Sed hoc exercitium non potest esse aliud, distinctum ab hac cognitione. Probatur. Si esset aliud,

maximè complexum ex hac cognitione, & ipso instanti A. Hoc est, quod dicunt illi, cum quibus disputo modo. Sed non est hoc complexum.

139 Probatur 1. quia similiter poteramus dicere, exercitium actuale, formale, absolutumque significandi intencionaliter Petrum stare, non in sola cognitione, sed in complexo ex cognitione, & Petro: quod etiam adversarii negare solent; ergo sicut exercitium actuale, formale, absolutumque significandi intencionaliter Petrum, stat in sola cognitione, non autem in complexo ex cognitione, & Petro: ita exercitium actuale, formale, absolutumque significandi intencionaliter Petrum *pro instanti A* debet stare in sola cognitione; non autem in complexo ex cognitione, & ipso instanti A. 2. Quia si exercitium actuale, formale, & immediatum representandi Petrum *pro instanti A* identificatur cum complexo ex cognitione, & ipso instanti A, deficiente hoc complexo deficeret tale exercitium. Sed hoc est falsum. Probatur. Deficiente instanti A deficit tale complexum. Sed deficiente instanti A potest perseverare exercitium actuale, & immediatum representandi Petrum *pro instanti A* nam deficiente instanti A potest intellectus habere hanc cognitionem falsam, aut veram *Petrus existit in instanti A*. Sicut deficiente Adamo potest habere hanc falsam cognitionem. *Adamus existit de presenti*. Ergo

140 Dices ergo similiter loquutio externa circa Petrum habet per suam essentiam esse loquutionem Petri. Nam similiter est exercitium, formale, actuale, & immediatum, atque absolutum significandi verbaliter Petrum. Nego consequentiam, & probationem. Nam cum voces significant ad placitum, vox significativa Petri intrinsecè constituitur in esse exercitii formalis, & immediati significandi verbaliter Petrum per placitum hominum, quia indifferentia vocis Petrus ad significandum, vel non significandum verbaliter Petrum, aufertur per complexum ex dicta voce, & placito hominum. Hoc tamen in suppositione juxta quam disputo modo, non contingit actibus intellectus: quandoquidem juxta hanc suppositionem non ex placito hominum, sed ex suam natura habent significare illud, quod significant.

141 Neque dicas 1. Propositionem esse sicut legem promulgatam Madriti, quæ jam obligat hos incolas, jam illos, prout hi, vel illi degerint Madriti. Id ne dicas: quoniam obligatio absoluta legis non identificatur cum illa sola; sed cum illa, & vita, præsentiaque Madritana hujus hominis (nam hac solâ deficiente, deficit obligatio absoluta legis respectu hujus hominis) At verò significatio absoluta propositionis, cum illa sola identificatur, ut supponitur, & non cum objecto; aliàs hoc deficiente nequireret subsistere absoluta expressio intencionalis illius; quod planè est falsum. Nec dicas 2.: propositionem posse variare verificativum, ut constat in hac propositione. *Aliquis homo peccat*, quæ jam verificatur per Petrum, jam per Joannem. Undè inferes posse quoque variare objectum. Istud namque probat posse variare verificativum, absolutum, & in actu secundo: quod mirum non

est cum actualis veritas propositionis non identificetur cum illa sola ; sed etiam cum objecto . Coeterum non probat posse variare verificativum in actu primo remoto : quoniam ista propositio semper verificatur ab omnibus , & singulis hominibus *disjunctivè* : & hoc modo sunt objectum illius . Neque dicas 3. imaginem intentionalem posse esse imaginem hujus jam illius objecti , sicut imago physica potest jam representare hunc hominem jam illum : quippe de conceptu imaginis physicae est habere aliquam similitudinem cum objecto (aliàs hzc papyrus esset imago physica Caesaris) ergo non habet per se præcisè esse imaginem . Actus verò intellectus , ut præscindens à vero , & falso , non habet per se esse imaginem similem suo objecto , sed tantum esse expressionem veram , vel falsam illius . Hoc autem cum eo solo identificatur , ut modò supponimus .

132 Dico 2. Propositionem mentalem , & non transeuntem , sed durantem per aliquod tempus si semel sit vera non posse transire in falsam . Dixi *mentalem* , quia cum vocalis certò significet ad placitum , & una eademque voces mutare possint significationem propriam propter omnes illas circumstantias , quas notavi disp. 1. Dialecticæ à num. 21. hac de causa illa eadem propositio vocalis , seu scripta , quæ heri fuit vera , si duret hodie , potest esse falsa hodie , & vice versa . Dixi etiam *non transeuntem* , quia certè non potest esse falsa hodie propositio mentalis hesternæ , si jam non est hodie , ut verè non est naturaliter loquendo . Et in hoc sensu assentior P. Izquierdo docenti , propositionem mentalem non posse transire de vera in falsam , eo quia durare nequeat ultra primum suum instans . Probo igitur conclusionem . Ex hypothesi quod semel fuerit vera hæc propositio . *Petrus currit in instanti A* , est impossibilis omnis modus , quo reddatur falsa . Probatur . Omnis modus excogitabilis , quo hæc propositio potest esse falsa , est vel quia Petrus non currit in instanti A , vel quia hæc propositio aliud enunciet ab hoc quod est , Petrum currere in instanti A . Si enim semper subsistit , & Petrum currere in instanti A , & nil aliud hanc propositionem affirmare , semper subsistit hanc propositionem esse veram . Sed ex hypothesi quod semel fuerit vera , est impossibile quod Petrus non currat in instanti A : & quod aliud enunciet ab hoc quod est , Petrum currere in instanti A . Probatur prima pars . Hypothesis de eo quod semel fuerit hæc propositio intrinsecè claudit hoc , quod est Petrum currere in A , in hoc enim stat sua veritas objectiva ; sed ex hypothesi quod petrus currat in A ; impossibile est Petrum non currere in A ; quia quodvis dum est , necesse est esse . ergo . Probo secundam partem . Hypothesis de eo , quod semel fuerit vera dicta propositio intrinsecè claudit , quod semel enuncia verit Petrum currere in instanti A , quoniam veritas propositionis affirmativæ stat formaliter , & immediatè in modo enunciandi , & in objecto adæquato enunciato . Sed ex hypothesi , quod semel enuncia verit Petrum currere in A , est prorsus impossibile (in suppositione facta) quod aliud distinctum ab hoc enunciet postea : ergo &c.

P. Izquierdo
disp. 3.
pari nu.
95.

143 Hæc dixerim loquendo de propositionibus, quæ clarè, aut expressè singularizant tempus, ut hæc *Petrus currit in instanti A*. Quod si Adversarii urantur propositione præscindente à tempore determinato, qualis est hæc *Petrus currit*, sic argumentor. Cum hæc propositio, sicut cœteræ omnes, constet verbo, & verbum ex sua definitione consignificet tempus, hæc propositio indispensabiliter debet significare tempus. Tunc sic. Vel significat Petrum currere in *omni tempore*, & sic à principio fuit falsa: siquidem Petrus à principio non cucurrit omni tempore: quocirca non transibit à vera in falsam. Vel significat Petrum currere in *aliquo tempore* (quod similis est vero, eo quod talis propositio significet indefinitè tempus, & sit in materia contingenti) & sic numquam erit falsa. Nam licet Petrus non currat in B; semper tamen subsistit eum currere in *aliquo tempore*, scilicet in A. Vel significat Petrum currere in hoc determinato tempore, nempe in tempore A; & sic refurgit superius argumentum. Atque disiciatur fundamentum, quo gravis Author P. Izquierdo docet propositionem semel veram v. g. *Petrus nunc de presenti currit*, si duret hodie non tantum posse, sed necessariò mutari in falsam. Scilicet quia semper debet significare idem objectum, & idem tempus; ergo si semel significavit tempus præsens semper debet significare illud; ergo hodie debet significare tempus hodiernum, sed in tempore hodierno ille non currit; ergo. Explicatur. Illa propositio significabat duo: nempe cursum Petri in instanti A; & hujus præsentiam, sed hoc secundum necessariò est falsum in instanti B; quia in hoc existere nequit instans A, eo quia instantia sunt essentialiter successiva; ergo. Solvuntur inquam ambo. Cum enim sint multa *nunc de presenti*. Sciscitor. Illa propositio significabat ab initio omnia *nunc de presenti*: (& sic ab initio fuit falsa) vel aliquod tantum (& sic semper est vera) vel unum solum singulareque, & sic semper est vera. Unde semper est *de presenti* illa propositio, non respectu *omnis prorsus temporis* in quo existit; sed de presenti respectu *illius solius temporis* respectu cuius erat ab initio de presenti; idest respectu suæ primæ durationis. Et semper est de presenti directè, ac intrinsecè; non semper reflexè inspecta, atque extrinsecè respectu temporis, in quo per accidens durat. Ad explanationem distinguo secundam partem. Hujus præsentiam in *omni tempore* nego: quia ab initio fuisset falsa. Hujus præsentiam dumtaxat *tunc*, & pro tunc, quando primò fuit propositio concepta, permitto. Et hoc semper est verum.

144 Hinc nota 1. Tribus plurimum dissimilibus propositionibus possessuti Adversarios. Prima est. *Hoc iudicium perseverans in B. significat, seu enunciat Petrum currere*. Et hæc est vera; quippe dictum iudicium in B; enunciat idem, quod in A, & in A enunciat Petrum currere. Cœterum hinc non arguitur falsitatis in B: quia in B solum enunciat, Petrum currere in A; non verò Petrum currere in B. Secunda. *Idem iudicium enunciat, Petrum currere in B*. Et hæc est absolute falsa: quia cum ab initio non asseruerit Petrum currere in B;

Secd

Izquierd.
l. c. n. 96.

Sed Petrum currere in *A*, numquam potest asserere Petrum currere in *B*. Tertia est. *Disum* iudicium enunciat in *B*, *Petrum currere*. Et hac, utpote æquivoca, distinguenda est sic. Illo in *B* appellante supra enunciat concedo: appellante supra currere, nego ob sæpè dicta. Nota 2. hos terminos: *nunc*, *de præsentī*, *in hoc instantī*, *hodie*, & alios similes, quibus utuntur Adversarii, quantumcumque singularizati videantur æquivocos esse. Nam illis utimur ad significandum diem Dominicam quando sumus in tali die. Et ad significandum diem Lunæ, quando in hoc die sumus; quapropter non sunt admittendi sine examine, sed distinguendi. Concedo illos si appellant supra idem tempus, quod ab initio significabant: & illos nego, si diversum tempus significant: quandoquidem ob suppositionem, cui modo inhaeremus, non valent mutare significationem, quam semel habuerunt: unde inferret absurdum non esse dicere præfatos terminos mentales, existentes in die Lunæ v.g. non significare hunc diem tunc præsentem, sed diem Dominicam tunc præteritam.

145 Ratio est. Hi termini quotiescumque existant, debent idem significare, quod semel significarunt ut supponitur; ergo si semel significare diem Dominicam, & non diem Lunæ, eo quod in die Dominica primò concepti sunt, etiam in die Lunæ debent significare diem Dominicam, & non diem Lunæ. Unde quamvis possit utraque dies significari per aliquam ex dictis vocibus; atramen terminus mentalis respondens voci significanti unam diem, est numericè diversus à termino mentali respondente voci, quæ significat aliam diem: quia possibiles sunt, & de facto dantur multi termini mentales solo numero diversi, habentes hunc modum tendendi. *Nunc*, *de præsentī*, *hodie*, *in hac die*, *in hoc instantī*, & alii alium solo numero diversum. Nota 3. inconveniens esse dicere, posse conjungi hæc tria iudicia. *Nunc est dies Dominica*. *Nunc tencor audire Sacrum*. *Nunc non tencor audire Sacrum*. Si utraque *nunc* significarent idem tempus. Nam sic essent iudicia contradictoria; possunt verò conjungi si illi termini *nunc* non significant idem tempus, namque sic non erunt contradictorii. Dico igitur casu quo primum iudicium conceptum in die Dominica perseveret ad diem usque Lunæ, illa *nunc* significarent diversum tempus. Nam una significarent diem Dominicam, quam ab initio significabant, & altera diem Lunæ. Nota 4. Hæc propositio *Petrus non peccat* primo incepra in *A*, & perseverans in *B*; adhuc in *B* est de præsentī, non quidem respectu instantis *B*, sed respectu instantis *A*; quippe propositionem esse de præsentī non est regulandum penes id, quod enunciet suum obiectum pro omni instanti in quo ipsa existit, sed pro primo instanti in quo ipsa est. Explicatis primis duabus operationibus intellectus, nimirum apprehensione, atque iudicio, tempus jam est progredi ad tertiam.

CAPUT UNDECIMUM.

De Discursu.

146



Discursus est: *Motus, seu progressio intellectus ab aliquo, seu ab aliquibus judiciis moventibus ad aliud*. Est vox metaphorica; metaphora autem fundatur in eo, quod sicut motu locali veloce transit subiectum de uno loco in alium: ita veloce, ac vitali moto currit, seu transit intellectus ex iudicando uno ad iudicandum aliud. Unde discursus sumptus quasi in abstracto pro dicta motione in actu secundo, ut distincta ab in actu primo (quæ identificatur cum ipsis judiciis) non subsequitur immediatè apprehensiones simplices, sed iudicia, modo simplicia, modo composita ex apprehensionibus; & quidem iudicia, quæ naturâ suâ inclinent intellectum ad conclusionem formalem, quamobrem hic non est discursus. *Petrus currit: ergo est albus*: nam primum iudicium non movet ad secundum. Hoc autem enthimema. *Omnis homo est animal: ergo Petrus est animal*. erit discursus si simpliciter iudicetur in consequenti *Petrum esse hominem*, secus si non iudicetur: quippe si hoc nec impliciter iudicatur, nullum iudicium dabitur inclinans intellectum ad iudicandum *Petrum esse animal*: quamobrem quod proprius participat rationem discursus, quando sermo est de identitate, vel distinctione extremorum in se, est Syllogismus, quia in hoc præmissæ inducunt intellectum ad assensum conclusionis; quando autem sermo est de connexionione, aut oppositione extremorum, enthimema quoque, & omnes illi arguendi modi, quos dedi in Dialectica disp. 2. per rotam, sunt legirimi, ac certi discursus: unde hic partim ratione materiæ, partim ratione formæ, tercenta ferè membra. dividenda continet ibi notata.

147 Discursus alius est obiectivus: nimirum obiecta illa, de quibus affirmatur, aut negatur per præmissas, aut conclusionem; alius est formalis nempe actus ipse intellectus. Præmissæ aliz dicuntur obiectivæ, nempe obiecta præmissarum, aliz formales nempe actus ipsi intellectus. Eodem modo dividitur conclusio. Septem reflexa occurrunt quæstiones super discursu. Quæres. 1. an discursus possit stare in iudicio simplici? Respondeo affirmativè de discursu virtuali; nego. verò de formali. Ratio primi est. Nulla ostenditur implicatio in actu simplici sic tendente. *Petrus est animal, quia omnis homo est animal, & Petrus est homo*. Sed hic actus est virtualiter, seu æquivalenter discursus: nam explicitè, & formaliter iudicat unum propter aliud, ergo ratio secundæ est. Discursus formalis, est formalis, & non tantum æquivalens *transitus* nostri intellectus ab uno iudicio in aliud: ergo ubi non detur hic.

hic transitus formalis, non dabitur discursus formalis. Sed in actu entitativè indivisibili, & simplici non datur hic transitus formalis: siquidem in illo non datur unum, & aliud iudicium. Ergo.

148. Quæres 2. In quonam ex actibus, quos includit Syllogismus, & Enthimema iter formaliter discursus? Respondeo cum distinctione. Discursus (utique formalis, sive mentalis: quoniam objectivus stat in objecto representato per actus intellectus: undè illarum objectiva, sive objectum ergo est connexio objecti præmissarum cum objecto consequentis) sumptus in concreto intrinsecè claudit præmissas, & conclusionem. Nam sic sumptus est transitus à *præmissis* ad *conclusionem*. Sed hic transitus utralis, atque adæquatè sumptus claudit præmissas, & conclusionem, quoniam intrinsecè claudit terminum à quo, & terminum ad quem sicut de eute naturali fieri per generationem, quæ sit mutatio, communiter statuitur: ergo. Rursus discursus in abstracto: vel sumitur in actu primo, vel in actu secundo. Si in actu primo, consistit in vi movendi intellectum, ut à præmissis descendat ad conclusionem. Sed hæc vis adæquatè identificatur cum solis præmissis: nam illæ per se solas habent vim, nunc maiorem, nunc minorem impellendi intellectum ad conclusionem: ergo discursus in abstracto, si sumatur in actu primo consistit in solis præmissis. Sin verò discursus in abstracto sumatur in actu secundo, consistit in actione productiva consequentis formalis alligata præmissis formalibus. Nam sumptus in actu secundo consistit in actuali motione, qua præmissæ actu inducunt intellectum in conclusionem. Sed hæc actualis motio est actio productiva consequentis alligata ipsæ præmissis formalibus juxta doctrinam generalem de motione actionis, sive intellectus, sive voluntatis, de quo fusè egi in physica speculativa disputans causalitates morales: ergo quamobrem licet discursus in abstracto soleat explicari voce illa: *ergo, igitur*, aut simili; & hæc significet iudicium de connexionione antecedentis cum consequente: id probat discursum in abstracto stare in isto iudicio si loquamur reflexè de discursu; at si loquamur directè, stat in actione dicta.

149. Quæres 3. Utrum præmissæ influant physicè, aut moraliter in conclusionem? Respondeo influere solùm moraliter. Nam illud, quod tantum influit proponendo motivum conclusionis, influit moraliter. Sic cognitio, quæ dumtaxat proponit voluntati motivum amoris, dumtaxat influit moraliter in amorem, seu per modum intentionalis applicationis (& ratio est quia nullum urget fundamentum pro influxu physico.) Sed præmissæ tantum influunt proponendo motivum conclusionis; ergo. Quæres 4. An conclusio sit essentialiter talis, seu essentialiter pendeat à præmissis? Nego de conclusione sumptæ passivè, seu sumptæ pro ipsa specie expressa: quia hæc est qualitas absoluta, indifferensque ut ex his, vel ex illis causis procedat. Affirmo autem de conclusione activè sumptæ, idest sumptæ pro actione productiva speciei expressæ, (ut hanc capias distinctionem lege, quæ scripsi in Prodro-mo disp. 4. num. 22. circa constitutum intellectus) Probatur. Omnis actio essentialiter pendet à suis causis tum physicis, tum mora-
libus.

libus. Sed præmissæ sunt causæ morales prædictæ actionis juxta nuper dicta: ergo prædicta actio essentialiter pendet à præmissis.

150 Majorem quoad causas physicas suppono certam, eo quod actio sit actualis, absolutus, influxus, & emanatio à suis causis physicis, proindeque est motus essentialiter alligatus illis; & aliàs fingere renemur alligationem reflexam, per quam auferretur indifferentia actionis directæ. Probo quoad dependentiam à causis moralibus, juxta doctrinam, quam optimè expendit P. Ribadeneyra. Vel actio, quæ hic & nunc dependet à causis moralibus est indifferens, ut ab eis moraliter procedat: vel secus. Si hoc? ergo ab intrinseco determinata est, ut ab eis procedat, proindeque est essentialiter alligata illis. Si primum? ergo per aliud exercitium, actionemque quasi reflexam, determinanda est indifferentia, ut hæc actio procedat ab his causis moralibus. Vel ergo hæc actio reflexa est essentialiter alligata his causis moralibus, vel non? Si illud; cur actio directæ non est essentialiter alligata, & sic expungeretur actio reflexa, de superfluitate jure postulanda. Si secundum: ergo fingenda est alia tertia auferens indifferentiam, & sic abibimus in infinitum. Quemadmodum ergo ignem A producere in actu secundo ignem B, stat in actione productiva ignis B essentialiter alligata virtuti productivæ physicæ, quam habet ignis A: ita hoc motivum, seu hanc causam moralem influere in hunc effectum, in nullo commodius stare potest, quàm in actione productiva hujus effectus, essentialiter alligata virtuti inclinativæ hujus causæ moralis.

151 *Quæres 5.* An ad discursum formalem requiratur cognitio reflexa de bonitate illationis? Respondeo requiri cognitionem de bonitate illationis *objectivæ*: tum etiam cognitionem reflexam de bonitate illationis formalis, si conclusio consideretur tamquam finis, cujus gratiâ præmissæ assumuntur; si autem consideretur conclusio præcisè ut conclusio non requiritur cognitio reflexa de bonitate illationis formalis. Probo primam partem. Illatio objectiva est connexio objecti antecedentis cum objecto consequentis formalis. Sed ad discursum formalem requiritur cognitio hujus connexionis: ergo requiritur cognitio de bonitate illationis objectivæ. Probatur minor. Ad discursum formalem requiritur cognitio illius, quod unice movet intellectum, ut gradiatur, seu potius currat ab assensu præmissarum ad assensum conclusionis: nam cum discursus formalis consistat in hac progressionem, stolidè progreditur intellectus, nisi habeat cognitionem illius, quod unice movet ad hunc progressum. Sed illud, quod unice movet intellectum ad hunc progressum à præmissis ad consequens, est connexio objecti antecedentis cum objecto consequentis: si enim intellectus hanc connexionem non non detegeret, minimè moveretur à præmissis ad consequens: ergo.

152 Probo secundam partem. Cognitio de bonitate illationis, nil aliud est, quàm cognitio de utilitate harum v. g. præmissarum *Omnia homo est animal. Petrus est homo* ad inferendum hoc consequens *Petrus est animal*. At, si conclusio consideretur tamquam finis intentus, & obtinendus per præmissas, ante ipsas præmissas debet habere intellectus

P. Ribadeneyra de actib. hum. disp. 11. cap. 4.

prædictam cognitionem. Probatur: quisquis prudenter, & rationali modo se gerit, pro priori ad positionem mediorum debet cognoscere ipsorum utilitatem ad finem obtinendum: ergo si conclusio consideretur tamquam finis, & præmissæ tamquam medium, pro priori ad ipsas præmissas debet intellectus agnoscere, si prudenter se gerit, utilitatem harum ad conclusionem. Probo tertiam partem. Requiritur ad discursum, seu conclusionem formalem præcisè ut talem, cognitionem reflexam de bonitate illationis formalis, in eo stare, quod positis his præmissis esset necessaria cognitio sic tendens: Hæc præmissæ sunt idoneæ inferendo hanc conclusionem. Sed talis cognitio non est necessaria.

153 Probatur eo præcisè quod actio productiva consequentis, id est rei illius, siue qualitatis intentionalis, quæ vocatur species expressa, verbumque mentis repræsentativum consequentis objectivi, sit essentialiter alligata præmissis, ab illisque moveatur dabitur discursus, seu conclusio formalis: nam eo præcisè progreditur intellectus ab assensu præmissarum ad assensum conclusionis, in quo progressu itat quidditas discursus formalis. Sed fieri potest, quod actio productiva consequentis formalis sit essentialiter alligata præmissis, quamvis non detur prædicta cognitio reflexa, cum non probes hanc alligationem esse logicè, aut metaphysicè connexam cum illa cognitione reflexa: ergo. Neque dicas pari forma ostendi posse non esse requisitam cognitionem bonitatis illationis objectivæ contra primam partem. Etenim ut discursus sit discursus formalis, conclusioque sit conclusio formalis, opus est actionem productivam consequentis esse alligatam præmissis, ut *moventibus* intellectum ad conclusionem; non autem movebunt ad conclusionem nisi illæ per se, aut per aliam cognitionem proposuerint bonitatem illationis objectivæ, hoc est, connexionem objecti antecedentis cum objecto consequentis.

154 Hinc 1. Vox illa *ergo* qua inter disputandum urimur non significat cognitionem reflexam de bonitate illationis formalis; sed cognitionem de bonitate illationis objectivæ, hoc est significat connexionem objecti antecedentis cum objecto consequentis, vel motionem præmissarum respectu consequentis, quæ motio juxta dicta, nil aliud est, quam actio productiva consequentis essentialiter alligata præmissis, & earum virtuti motiva. 2. quod unus intellectus neget, alter concedat consequentiam legitimè illatam, non inde provenit, quod alter habeat cognitionem reflexam de bonitate illationis formalis, alter non; sed inde quod unus cognoscat bonitatem illationis objectivæ, id est connexionem objecti antecedentis cum objecto consequentis, secus alter. 3. quando dicimus intellectum assentiri præmissis, ut assentiatur conclusioni: illud *ut*, vel significat in conclusione denominationem finis, & in præmissis denominationem mediorum, vel non? Si primum? diximus in eo casu necessariam esse cognitionem reflexam de bonitate illationis formalis. Si secundum? talis cognitio non requiritur ob rationem inter conclusionis; 4. quod positis præmissis possit intellectus suspendere interdum, aut variare assensum conclusionis, non provenit ex eo quod

quod deficiat cognitio ista reflexa; sed ex aliquo illorum sex capitum, quæ noravi in Dialectica disp. 1. num. 171. & seqq.

155 Quæres 6. An conclusio formalis attingat formaliter, atque intrinsecè objectum præmissarum: seu reflectat supra præmissas, seu habeat hunc modum tendendi v. g: *Omnis homo est vivens quia omne animal est vivens, & omnis homo est animal.* Objectum formale conclusionis est illud, quod ut cognitum movet intellectum ut assentiatur conclusioni objectivæ: cumque objectum præmissarum (sive fuerit identitas extremorum cum eodem tertio, ut contingit Syllogismis nitentibus identitati, sive fuerit connexio antecedentis cum consequenti, ut contingit aliis Syllogismis) sit ratio illa, quæ intellectum movet, ut assentiatur objectivæ conclusioni, idcirco objectum præmissarum est objectum formale conclusionis. Præterea objectum formale est duplex aliud dicitur extrinsecum, seu purè motivum: illud nimirum, quod movet ad assensum, qui non exprimit, seu repræsentat illud. Sic divina revelatio est objectum formale extrinsecum assensus fidei hoc solo modo tendentis. *Verbum incarnavit* quia moti divina revelatione, hunc assensum habemus, ipse tamen assensus non repræsentat revelationem, sed ab ea præscindit non subjectivè, aut exercitè nam producit actione conclusionis annexa notitiæ revelationis; sed objectivè. Aliud demum vocatur objectum formale intrinsecum, illud scilicet quod movet ad assensum, & per illum assensum expressè repræsentatur: sic divina revelatio est objectum formale intrinsecum, atque terminativum adus fidei sic tendentis. *Credo Verbum incarnasse, quia Deus hoc revelavit.*

156 Jam propositæ quæstioni respondeo 1. Conclusio formalis potest attingere formaliter, atque intrinsecè objectum præmissarum, seu reflectere supra præmissas, seu potest fieri ut objectum præmissarum sit objectum formale intrinsecum conclusionis, quæ omnia in idem recidunt. Probatur. Conclusionem attingere formaliter, atque intrinsecè objectum præmissarum in eo stat, quod conclusio deducta ex his præmissis. *Omne animal est vivens. Omnis homo est animal;* habeat hunc expressum modum tendendi. *Omnis homo est vivens, quia omne animal est vivens, & omnis homo est animal:* nam hoc, & non aliud intelligimus per eos terminos. Sed nullum est inconveniens in eo, quod ex prædictis præmissis deducatur conclusio habens prædictum modum tendendi. Imò sæpè contingere hanc repetitionem, & reflexionem, experientia docet. Ergo

157 Obii. 1. Si hoc ita esset, sequerentur quinque absurda. 1. est: posse conclusionem existere sine præmissis: quandoquidem conclusio sola repræsentat quidquid ambæ repræsentant; quo circa hæ supervacaneæ essent. 2. Conclusionem non esse discursum, quia visio attingens simul lucem, colorem, discursus non est quia utrumque simul repræsentat; ergo si conclusio repræsentaret simul objectum præmissarum, & objectum conclusionis, conclusio non esset discursus. 3. Objectum præmissarum, ut propositum per illas, non esset objectum formale conclusionis. 4. Sequeretur speciem relictam ex conclusione sic reflectente

dicente fore speciem identitatis extremorum inter se, & cum medio; ergo si repeteretur ea conclusio, generabitur habitus cognoscendi utramque identitatem, quod est falsum: siquidem non numquam recordamur identitatem extremorum inter se, & non identitatis extremorum cum medio. 5. Si conclusio hujus Syllogismi. *Omne animal est vivens. Omnis planta est animal. Ergo omnis planta est vivens* reflecteret supra præmissas, hæc conclusio semper esset falsa quia haberet hunc modum tendendi. *Omnis planta est vivens, quia omne animal est vivens, et omnis planta est animal.* Sed dicere hanc conclusionem semper fore falsam est contra regulas dialecticas, juxta quas ex falso aliquando sequitur verum, aliquando falsum. Ergo

158 Nego primum absurdum, quia licet conclusio repræsentet quidquid præmissæ repræsentant; hoc nihilominus est post præmissas ipsas: item quamvis superfluitatis arguerentur attento præcisè munere notificandi intellectui suum objectum, sunt aptæ ut intellectus discursus habeat, quia non daretur discursus nisi daretur progressio intellectus à præmissis ad consequens, & talis progressio non daretur, nisi darentur præmissæ. Nego etiam secundum absurdum, & adjunctam rationem: ratio enim ob quam visio materialis, & colorem, & lucem repræsentans, non est discursus, est, quia visio non est actus intellectus prout debet esse omnis discursus juxta suam definitionem; hæc autem ratio male applicabitur conclusioni etiam reflectat supra præmissas. Ad 3. distinguo illud: non esset objectum formale extrinsecum, & purè motivum concedo: intrinsecum, atque terminativum nego. Ad 4. concesso entimemare nego illud esse falsum: nam quod aliquando meminimus solius identitatis extremorum inter se, non verò cum medio, probat non semper reflectere conclusionem supra præmissas. Ad 5. concessa majore nego minorem: etenim regulæ Dialecticæ solum docent ex falso aliquando sequi verum, non verò semper: sequeretur autem verum si conclusio non reflectat supra præmissas, ut posse contingere, mox dicam.

§. II.

259 **R**espondeo 2. ut conclusio sit formalis, formalitate subiectiva, non est necessarium quod reflectat supra objectum præmissarum; est tamen necessaria hæc reflectio ut conclusio sit formalis formalitate obiectiva. Explicantur termini. Trifariam potest quis proferre mendacium; vel absque ulla advertentia malitiæ (& sic mendacium erit peccatum purè materiale, non verò formale.) Secundò, si cognoscendo mendacium esse malum habet nihilominus hunc actum. *Volo mentiri.* Et sic peccatum erit, & malum formale formalitate subiectiva, quia subiectivè in se ipso præsupponeret sufficientem advertentiam.

tentiam malitiz. Terrio potest sic tendere voluntas actu profecutivo. *Volo mendacium, quia malum; seu actu adversario. Volo mendacium, licet malum.* Quamvis enim malum quatenus malum non possit esse obiectum formale adzquatatum voluntatis quoad actus profecutionis rationales, in quo sensu loquuntur Doctores; potest tamen voluntas esse adeò viciata, barbara, & execrabilis, ut velit malum proprium, vel alienum formaliter, & expresse, quia sibi, vel alteri est malum, ut solet contingere in peccatis puræ invidiæ sine mixtura amoris proprii, & in barbarie mordendi, & discerpendi membra propria præ furore: & perversa Subditus, qui rem A nolebat, potest impiè velle jam illam formaliter, & expresse, *quia prohibita est a tali Superiore.* Nempe intervenit exercitiè aliqua dulcedo in pessimis eis actibus, quæ tamen non tollit, quod prava illa voluntas moveatur signatè, ac obiectivè ex illis malitiis. Jam si volitio mentiendi sit illo tercio modo, mendacium erit peccatum formale formalitate obiectiva, quia volitio mentiendi habebit pro obiecto, in quod tendit, expressam malitiam. Hoc statui- mus in præfenti. Si conclusio neutiquam præsupponat præmissas, erit conclusio purè materialis, si præsupponat præmissas, ita ut actio productiva conclusionis sit essentialiter alligata illis, erit conclusio non materialis, sed formalis formalitate subiectiva; si autem non modò præsupponat præmissas, verùm etiam super illas reflectat, erit conclusio formalis formalitate obiectiva.

160 Undè sic arguo pro prima parte conclusionis. Eo ipso, quod conclusio, vel actio productiva illius essentialiter præsupponat præmissas tamquam causas inducentes intellectum ad conclusionem ipsam, conclusio erit conclusio formalis formalitate subiectiva, sicut eo ipso, quod volitio mentiendi præsupponat advertentiam malitiz, erit peccatum formale formalitate subiectiva. Sed ad hoc ut conclusio præsupponat essentialiter præmissas, necessarium non est, quod supra ipsas reflectat, seu in ipsarum obiectum tendat explicitè per tendentiam supra expositam num. 145. Ergo ut conclusio sit formalis formalitate subiectiva, non est necessaria prædicta reflexio. Ostenditur similiter secunda pars. Conclusionem esse conclusionem formalem formalitate obiectiva stat in eo, quod intrinsecè feratur in suum motivum: quemadmodum peccatum esse formale formalitate obiectiva, stat in eo, quod actus feratur in malitiam ipsam causaliter, ut *volo mentiri, quia malum est.* Sed motivum conclusionis est obiectum præmissarum, ut per has propositum: ergo ut conclusio sit formalis formalitate obiectiva, opus est, quod intrinsecè tendat in obiectum præmissarum, ut per ipsas propositum: atqui hoc est reflectere supra obiectum præmissarum; ergo.

161 Obiit: 1. contra hanc partem. Intellectus nequit assentiri obiecto conclusionis, nisi prævia cognitione obiecti præmissarum ergo idè est, quia obiectum conclusionis reflectit semper super obiectum præmissarum. Confirmatur. Dum intellectus transit à præmissis ad consequens, ei proponunt præmissæ suum obiectum; ergo potest tunc intellectus reflectere super tale obiectum; ergo necessariò reflectit: nam po-

ter-

rentia necessaria, qualis est intellectus, operatur quantum potest. Ad objectionem nego consequentiam, nam etiam assensus extremorum ortus ex assensu unionis existere non potest absque hoc, & tamen assensus extremorum non terminatur ad unionem. Ratio est. Nil quod ut tale contentum est præcisè cum eo, quod assensus conclusionis sit essentialiter connexus cum cognitione objecti præmissarum, concludit præcisè, ut tale assensum conclusionis terminari ad objectum præmissarum. Sed quod intellectus nequeat assentiri objecto conclusionis, nisi prævia cognitione objecti præmissarum, est præcisè ut tale contentum cum eo quod assensus conclusionis sit essentialiter connexus cum cognitione objecti præmissarum, ut per se patet; ergo. Ad confirmationem distinguo primum consequens; si adsit imperium voluntatis concedo consequentiam; si secus nego consequentiam. Nam cum intellectus jam assentitus sit per præmissas objecto harum, ut reperat hunc assensum, reflectendo supra objectum præmissarum, non est ab intrinseco determinatus. Unde solum potest constringi per imperium voluntatis. Et eisdem terminis distinguo secundum consequens.

162 Obiit 2. Conclusio debet terminari ad suum objectum formale. Sed objectum præmissarum est objectum formale conclusionis; ergo. Major probatur exemplis 1. ideò assensus fidei debet terminari ad divinam revelationem, quia hæc est objectum formale illius. 2. ideò visio materialis terminatur ad lucem, & colorem, quia lux est ratio formalis videndi colorem. 3. Ideò voluntas nequit eligere medium electione non terminata ad finem, quia finis est motivum, seu ratio formalis eligendi medium. 4. ideò actus eleemosynæ ortus ex actu charitatis erga solum proximum non est actus charitatis theologicæ, sed misericordiæ, quia non terminatur intrinsecè ad divinam bonitatem, quæ est objectum formale virtutis charitatis. Ergo actus tum intellectus, tum voluntatis terminari debet ad sua objecta formalia. Ad objectionem distinguo majorem. Conclusio objectivè formalis debet terminari ad suum objectum formale, concedo majorem: conclusio subjektivè formalis, nego majorem. Constat utriusque ratio ex utriusque termini explicatione supra data.

163 Et similiter respondeo ad exempla. Ad 1. assensus fidei objectivè formalis debet terminari ad divinam revelationem: Omnis quippe assensus, qui habet hunc modum tendendi. *Credo incarnationem v. g. quia Deus illam revelavit* debet terminari ad divinam revelationem. Sed omnis assensus fidei divinæ objectivè formalis debet habere prædictum modum tendendi: nam in hoc differt assensus fidei *obiectivè* formalis à *subiectivè* formali, quod hic solum supponat intrinsecè nostram divinæ revelationis, quatenus producatnr actione essentialiter alligata ei notitiæ, & non repellatur per actum aliquem contrarium v's motiva, quæ pollet illa notitia, ille autem præter hanc suppositionem intrinsecè causaliter tendat in illam: ergo. Assensus igitur subjektivè formalis non reflectit supra revelationem, sed eam supponit. Idem dicere de conclusione. Ad 2. nego causalitatem. Visio quidem materialis termina-

minatur ad lucem , & colorem , non ob istam rationem , sed quia color videri non potest , quin adsit lux : & lux adesse non potest , quin à potentia visiva expediri videatur . Attamen cum intellectus jam assensum tribuerit objecto præmissarum per has easdem potest non repetere hunc in conclusione . Ad 3. & est electio mediorum *subiectivè* formalis , & *obiectivè* formalis . Hæc debet intrinsecò terminari ad finem . scilicet illa , quæ contenta est supponendo hujus finis notitiam non enervatam per actum contrarium : quomobrem , si sermo fuerit de illa , negandum est suppositum . Ad 4. Eleemosyna orta ex actu charitatis , & non rediens supra divinam bonitatem est actus charitatis *subiectivè* formalis , non verò *obiectivè* ob sæpè dicta , quibus terminis explicanda est illa propositio . Ex quibus deduces hoc , quod est , esse objectum formale , neque connecti , neque opponi cum reflexione actus tendentis in objectum materiale : sed aliquando hunc actum reflectere supra objectum formale , aliquando non .

164. Obiit 3. Judicium immediatè subsequens apprehensionem non est discursus , quia non reflectit supra objectum apprehensionis , ut tale . Ergo nunc judicium immediatè subsequens aliud non erit discursus , si non reflectat supra objectum alterius . Confirmatur 1. Objectum præmissarum est specificativum conclusionis . Ergo debet attingi per hanc . 2. objectum præmissarum identificatur cum objecto conclusionis . Sed objectum conclusionis attingitur per conclusionem : ergo & objectum præmissarum . 3. si conclusio non reflectit supra objectum præmissarum , cur tertius actus potius quàm primus , & secundus dicitur conclusio ? Item cur inter conclusiones una dicitur *Scientia* , altera *Fides* , altera *Opinio* &c. Ad objectionem nego illam causalitatem . Non est sanè discursus judicium immediatè subsequens simplicem apprehensionem ; non tamen ob istam rationem , sed quoniam discursus ex suo conceptu est progressio intellectualis ab uno , vel duobus judiciis ad aliud ; qui conceptus cadere non potest in judicium immediatè subsequens nudam apprehensionem , potest tamen cadere in judicium immediatè ortum ex alio etiam si in illud non reflectens . Et hoc , quamvis apprehensio sit suasi-va : quia non dicitur talis , quatenus enunciet aliquid movens ad assensum objecti conclusionis (aliàs jam non esset mera apprehensio) sed quatenus vivacius exprimat veritatem transcendentem objecti illius .

165. Ad primam confirmationem distingo antecedens . Est specificativum extrinsecum conclusionis , permitto antecedens : intrinsecum subdividuo : intrinsecum per essentialem alligationem conclusionis ad præmissas concedo antecedens : intrinsecum per tendentiam conclusionis in objectum præmissarum , ut tale nego antecedens . Nam de hoc est quaestio . Ad 2. distingo minorem , objectum conclusionis attingitur per conclusionem sub terminis conclusionis formalis concedo minorem : sub terminis præmissarum nego minorem , & similiter concedo , negoq ; consequentiam . Non negamus conclusionem formalem attingere objectum saltem inadæquatam præmissarum : quandoquidem identitas Perri-um animali , quæ est objectum conclusionis est à parte rei identitas

Pe:

Petri cum homine, quod est obiectum minoris; sed solum negamus conclusionem attingere necessario obiectum præmissarum *sub terminis* ipsarum, idest his terminis. *Ergo Petrus est animal, quia omnis homo est animal, & Petrus est homo.* Ad 3. Ideò tertius actus potius quàm alii dicitur conclusio, quia tertius potius quàm alii producit per actionem alligatam virtuti inclinativæ aliorum: quapropter tertius potius quàm alii est intellectualis progressio ab uno ad aliud, iudicium. Rursus ideò inter conclusiones alia est *Scientia*, alia *Fides*, alia *Opinio*, quia alia acquiritur per demonstrationem, alia nititur autoritate divina, alia autoritate humana.

Quæres demum. An assensus præmissarum necessitet ad assensum conclusionis. Sed quæstioni huic jam satisfeci disp. 1. Dialecticæ à num. 171.

FINIS PRIMÆ PARTIS.

P A R S
S E C U N D A

**TERTIAM , ET QUARTAM DISPUTATIONEM
COMPLECTENS.**

321A9
AMUSE

NEW YORK CITY NATIONAL BUREAU OF
CRIMINAL INVESTIGATION

DISPUTATIO III.

DE PROPRIETATIBUS ALIIS ACTUUM

INTELLECTUS.



Ost actuum illorum proprietates, disp. antecedente explicatas, hæ disputandæ restant. Et novem occurrunt quæstiones. 1. quodnam sit verificativum, aut falsificativum propositionis, sive actus negativi? Sed huic parco, quia disp. 7. Prodromi à num. 52. satisfeci illi. 2. An propositiones de futuro contingente, tum absoluto, tum conditionato, sint nunc de præsentì veræ, aut nunc de præsentì falsæ? 3. An tales sint independenter constitutivæ, aut saltem connexivæ, aut utrovis modo, ab omni de præsentì existente, per se absolute, ac determinatè, connexo metaphysicè cum illa re futura, quam enunciant? 4. Quodnam sit determinativum: hoc est: verificativum, objectivum, formale, ac immediatum dictarum propositionum? quod idem est, ac inquirere: quodnam sit determinativum, objectivum, formale, immediatumque scientiæ mediæ v. g. huius diviniæ præscientiæ. *Si hic homo habeat in instanti A; integram indifferentiæ libertatem A; individuan, & singulariæ ad canendum, vel non canendum hoc individuo cantu A; canet hoc individuo cantu A* quibus singularizantibus terminis propono quemlibet alium actum scientiæ mediæ respectivè, & non terminis abstractis, ac generalibus, ex quibus passim æquivocationes nascuntur. Et loquor de operatione merè naturali, & libertate indifferentiæ merè naturali vitandi ergo controversiam de Auxiliis. Et loquor etiam de individua operatione A, quia licet determinatio quoad individuum non pendeat à nobis; est intra libertatem indifferentiæ integræ, & completæ clauditur. Decretum Divinum determinans quoad individuum, quod exposui in Physica speculativa agens de

concurſu cauſæ primæ . Rurſus in hac quarta quæſtione imbibitur difficultas illa famoſa ſuper verificativo propoſitionum enunciantium rem eſſe poſſibilem , de qua difficultate ſcripſi in Prodroſo diſp. 6. à num. 16. nempe ſuper verificativo hujus propoſitionis . *Si Petrus exiſtat , non exiſtent duo contradicторia* . 5. An aſſenſus , & diſſenſus poſſint exiſtere in eodem intellectu , & in eodem iſtanti , & reſpectu ejuſdem objecti , & ſub eodem termino propoſiti ? 6. An , iudicium fidei , præſertim divinæ , poſſit conjungi cum opinione ejuſdem objecti . 7. An poſſit conjungi cum evidentia objecti illius ? 8. An iudicium idem poſſit eſſe evidens cum evidentia , & ex evidentia in atteſtante ; ita ut idem indiviſibilis actus intellectus ſit actus fidei , & actus ſcientiæ ? 9. An , & qua ratione fides poſſit eſſe diſcurſiva ? hoc eſt . An , & qua ratione iudicium fidei poſſit haberi per diſcurſum .

CAPUT I. *An ; & quo ſenſu propoſitiones de futuro contingente , tum abſoluto , tum conditionato , ſint determinatè veræ , aut determinatè falſæ ? num. 1.*

CAPUT II. *Determinativum Scientiæ conditionatæ . num. 15.*

CAPUT III. *De conjungibilitate aſſenſus , & diſſenſus ; fidei , & opinionis . num. 33.*

CAPUT IV. *An , & quomodo iudicium Fidei poſſit eſſe evidens ? ubi de evidentia in atteſtante . num. 39.*

CAPUT V. *An fides ſit diſcurſiva ? Sive . An iudicium fidei poſſit haberi per diſcurſum formalem . num. 61.*

CAPUT PRIMUM.

An, & quo sensu propositiones de futuro contingente, tum absoluto, tum conditionato sint determinatè veræ, aut determinatè falsæ?

I



Ixi disputatione 2. à num. 83. constitutiva physica veritatis formalis actualis, actualisq; falsitatis: & consequenter, quid sint, & in quonam stent physice ex parte rerum conformitas, & disformitas actualis actuum intellectus cum suo objecto. Dixi item actualem formalem veritatem, & actualem formalem falsitatem, non identificari cum solo actu intellectus: neque cum solo objecto, sed cum complexo utriusque juxta principium generale, quod dedi in Logica majore disp. 4. cap. de relatione circa omnes relationes prædicamentales (ubi satisfeci rationibus solitis produci, suadendi ergo veritatem formalem actuum divinorum non constitui per ipsos, & ipsorum objecta) & consequenter circa relationem veritatis, aut falsitatis actualis, quæ ex numero est relationum prædicamentalium: Et hoc tamen actus sit essentialiter verus, aut essentialiter falsus. quoniam judicium esse alterum ex his duobus probat illud identificari adæquatè cum sua veritate, aut falsitate radicali, remota, illativa, in actu primo, sive ut ajunt *determinationis*: & consequenter probat non esse prædicamentalem, sed transcendentalem relationem veritatis radicalis, seu determinationis. At non probat, judicium identificari adæquatè cum veritate, aut falsitate actuali formali, & in actu secundo. v. g. *Causa prima existit. Causa prima non existit*; quod primum judicium sit essentialiter verum probat illud identificari adæquatè cum sua veritate determinationis, hoc est, cum determinatione ut sit verum, quia probat identificari adæquatè cum sua connexionione ut sit verum; sed non cum actuali formali veritate.

2. Hæc namque consistit physice in eo, quod 1. judicium illud enunciet existentiam causæ primæ: & quod existat causa prima. At quamvis illud judicium identificetur adæquatè cum ea enunciatione, ut communiter censetur: item quamvis intimè connectatur cum existentia causæ primæ; at cum hac existentia non identificatur: siquidem connexionio non est identitas. Ergo similiter philosophandum de falsitate actuali illius judicii secundi: quoniam licet individua determinatio, & connexio cum illa identificetur adæquatè cum eo judicio; verumtamen actualis falsitas stat physice in eo, quod judicium enunciet, *non existere causam primam*; hæc tamen existat. Sed quamvis judicium illud iden-

identificetur cum *connexione*, ut exiit causa prima: non tamen cum ipsa *existentia*. Ergo quamvis identificetur cum sua falsitate radicali, & determinationis, non tamen cum actuali formali falsitate. Dixi deum veritatem *actualem*, & *formalem*: quia veritas determinationis, seu illativa stat in eo, quod est intimè connexum cum eo, quod iudicium sit actu verum, casu quo existat. Cumque iudicium ipsum, & multa alia, possint sic connecti, hac de causa una veritas illativa, & determinationis, quæ utique convertibilis est cum certitudine infallibilitatis, identificari potest adequatè cum iudicio ipso, & alia cum realia. Rursus veritas transcendentalis, idest, passiva capacitas rei, ut cognoscatur per cognitionem veram, identificatur adequatè cum ipsa re: sicut capacitas activa ad cognoscendum rem per cognitionem veram identificatur adequatè cum intellectu: & sicut falsitas transcendentalis sumpta pro capacitate rei, ut cognoscatur ab intellectu creato per cognitionem falsam. Et sicut transcendentalis veritas est objectum formale intellectus quoad actus illos, qui sunt assensus: quia idèò proximè adequatè intellectus assentitur, quia sibi apparet veritas illius rei. Ita falsitas est objectum formale intellectus quoad illos actus, qui sunt dissensus iuxta ea, quæ dixi disp. 2. num. 84. Idèò namque proximè adequatè intellectus dissentitur huic asserto. *Homo est equus*: & dicitur *non est ita*, quia res sibi apparet falsa. Communiter tamen attendimus solis actibus affirmativis, & idèò communiter dicimus solam veritatem esse objectum formale intellectus; sed oportet meminisse intellectum non esse mancum, aut monoculum, ita ut solâ unâ speciem quum fruatur; sed æquè exerceri per assensus, atque dissensus.

3. Rursus quemadmodum est veritas, ac falsitas *transcendentalis*. Veritasque, ac falsitas *formalis*, sed illativa tantum radicalis, in actu primo, atque *determinationis*. Veritasque, ac falsitas *formalis actualis*, & in actu secundo. Ita est verificativum, ac falsificativum objectivum *illativum*, radicale, in actu primo, & solius determinationis. Verificativum denique, ac falsificativum, objectivum, actuale, formale, immediatum. Et rursus unumquodque ex his potest esse tale in sensu positivo, aut esse tale in sensu negativo iuxta ea, quæ ex disp. 7. Prodrumi num. 52., & seqq., dixi supra disp. 2. num. 85., & seqq. Hæc omnia evolvere oportet, quia ex quolibet angulorum horum erumpere potest æquivocationum manipulus.

4. Igitur in præsentem non est quæstio de futuro *necessaria*, sive necessitate metaphysica, qua necessarium est, quod cras existant nostræ animæ, supposito efficaci decreto divino conservandi illas in æternum: sive necessitate physica, qua iuxta præsentem combinationem causarum secundarum est necessarium, quod cras luceat Sol: sive necessitate morali, qua necessarium est, quod cras aliquis homo in toto Orbe terrarum proferat verbum aliquod otiosum. Tres namque hæc classes propositionum jure censentur de præsentem veræ, & oppositæ censentur de præsentem falsæ. Solum igitur est quæstio de propositionibus circa futurum *contingens* tam absolutum, quam conditionarum. v. g. Sic nec

ne determinatè vera, aut determinatè falsa hæc propositio. *Petrus peccabis cras*: aut hæc. *Petrus, si cras habeat occasionem furandi, furabitur*. Cumque omne entitativè contingens sit conditionatè necessarium sub aliqua conditione possibili, v.g. sub conditione, quod Deus efficaciter illud velit, aut efficaciter permittat (sicut etiam est conditionatè impossibile sub alia conditione) idcirco non est quæstio de contingente, sub quacumque conditione; sed de re, quæ in sensu, in quo solo enunciatur, est contingens. Nec 2. est quæstio de his propositionibus circa futura contingentia, sint nec ne determinatè veræ quoad nos: ita ut de illis in particulari possimus sine speciali superno instinctu determinatè sic judicare *est verum*. Aut sic, *est falsum*. Notitia namque hujusmodi futurorum ei soli est reservata, qui dixit. *Prædixi tibi ex tunc. Antequam venirent, indicavi tibi, ne forte diceret: Idola mea fecerunt hæc*. Undè ad scientiam hanc futurorum provocat idem Prophetæ fallaces Deos. *Annunciate, quæ ventura sunt in futurum, & sciemus quia Dii estis vos*. Solum igitur est quæstio. Sint nec ne veræ coram Deo, seu in sensu materiali: ita ut temerè, aut cum aliis sufficiente fundamento, sed fallibili conceptæ per intellectum humanum, ut passim aliæ concipiuntur, sint determinatè veræ, aut sint determinatè falsæ.

Isai. 48.

Ibid. 41.

5 Sit conclusio. Utræque istæ propositiones sunt de præsentī determinatè veræ, aut determinatè falsæ independentè *consequitivè* ab omni de præsentī existente (distincto utriusque ab ipsis propositionibus, seu scientiis, seu judiciis) connexo per se, absolutè, ac metaphysicè cum eventu illo futuro. Imò independentè *consequitivè* quoque, si sermo sit de propositionibus de futuro contingente purè conditionato, idest de propositionibus habentibus modum tendendi purè conditionatum, exiturum nec ne sit absolute suum obiectum, cui per loquutionem figuratam adscribitur ille terminus *purè conditionatum*, cum proprius sit solius propositionis, eo quod res, neque sint *absolutæ* in se ipsis, neque *conditionatæ*, sicut nec *disjunctivæ*, nec *copulativæ*, nec *distributivæ*; sed hæc omnes sint denominationes convenientes propriè, ac formaliter solis cognitionibus, & ex his per loquutionem figuratam resiliens in objecta, quod quia aliqui advertere nolunt in barathra æquivocationum cadunt. Quod si sermo fuerit de propositionibus circa futurum contingens absolutum, idest de propositionibus absolutè enunciantibus rem aliquam contingentem futuram, illæ non sunt veræ independentè *consequitivè* ab omni de præsentī existente connexo per se, metaphysicè, absolutè, ac determinatè cum re illa futura. In hac conclusione imbibitur doctrina tota super scientia media, superque libertate indifferentiæ. Et rem hanc disputo quoad actus merè naturales, de quibus etiam habet Deus scientiam mediam, & circa quos solemus habere libertatem indifferentiæ, & qui non indigent speciali eo auxilio Dei, quo actus supernaturales, sed concursu generali contenti sunt, eaque causarum naturalium combinatione, quam Deus ab æterno decrevit, atque præscivit. Idcirco Theologica relinquens Theologis, sola

sola exponam, quæ Philosophus Animasticus desiderat.

6 Probo itaque primam conclusionis, videlicet. Has propositiones esse determinatè veras physice, ac materialiter si concipiuntur ab intellectu creato, sive temerè, sive sub prudenti, fallibili tamen fundamento: aut esse determinatè falsas. Quemadmodum, *quodlibet est, vel non est*: atque ideò impossibile est rem simul esse, & non esse in sensu, quem explicui disp. 1. Prodromi cap. 1. Ita *quodlibet erit, aut non erit*. Rursus *quodlibet esset, aut non esset* sub hypothese, sive conditione A. Ergo omninò repugnat, quod neque loquutus, neque non loquutus sit Petrus cras. Item impossibile est, quod sub hypothese A, nec loqueretur, nec non loqueretur. Sed eo ipso, quod loquutus sit, est hodie vera hæc propositio (si concipiatur ab intellectu creato temerè, aut prudenter) Petrus loquetur: & eo ipso quod non loquutus sit, est hodie falsa, si hodie concipiatur. Ergo, si hæc propositio hodie concipiatur temerè, aut prudenter, hodie est determinatè vera in se, & coram Deo: aut est determinatè falsa in se, & coram Deo, tametsi nequeamus nos sine speciali lumine dignoscere certò, ac indubitanter, utrum sit determinatè vera, an determinatè falsa. Frivolum quippè est confundere id, quod propositio est, aut non est, cum eo, quod nos possumus, aut non possumus enunciare de illa. Cumque idem discurtus formari possit super propositionibus de futuro contingente conditionato, conficitur utraque has propositiones esse determinatè veras, aut determinatè falsas in se, coram Deo, quidquid sit de re quoad nos. Ubi adverte sermonem esse de propositionibus formaliter contradictoriis, & consequenter quæ non laborent eadem falsâ suppositione ex parte subiecti. v. g. *universale à parte rei curret cras*. *Universale à parte rei non curret cras*; quia ambe sunt falsæ, & neutra est de futuro contingente. Explicatur conclusio: quemadmodum sine speciali lumine nescimus futura contingentia, quæque tempore distant à nobis, unde non nisi temerè, aut saltem modo fallibili quamvis aliàs prudente, possumus dicere absolutè. *Petrus loquetur cras*. *Petrus non loquetur cras*. *Petrus loquetur in tali casu*. *Petrus non loquetur in tali casu*. Ita sine speciali lumine nescimus quomodo fiant in loco valdè distante à nostro v. g. quomodo fiant *Manila*. Unde non nisi temerè, aut modò valdè fallibili, possumus dicere. *Deambulabat modò Governator Philippinarum*. Aut. *Non deambulabat modò Governator Philippinarum*. Et tamen una ex his duabus est nunc de præsentis vera simpliciter coram Deo, & altera est nunc de præsentis falsa simpliciter coram Deo, quamvis utra sit illa nequeamus reflexè deprehendere. Idem ergo dicendum de utrisque illis propositionibus.

7 Confirmatur. Esto Deum revelare futurum aliquod absolutum, aut conditionatum. Esto quod Creatura casu, vel sub levi fundamento, vel sub gravi, sed fallibili, vel propter solam humanam auctoritatem, conciperet iudicium enuncians illud prorsus idem, quod enunciat divina revelatio. Cur humanum illud iudicium non esset etiam verum physice, ac materialiter, quandoquidem idem, & nil aliud enun-

enunciabat quàm divina illa infallibilis revelatio v. g. tempore Ro-
boam, qui saltem fuit decimus ante Josiam, & consequenter multis
annis ante hujus nativitatē, varicinus est Propheta anonymus con-
tra altare Jeroboam. *Ecce filius nascetur domui David Iosus nomine, &* 3. Reg. 13.
immolabis super se Sacerdotes excelsorum &c. & ita evenit, quoniam Jo-
sias ille tot annis posterior, tulit ossa de sepulchris, & combussit ea super
altare, & polluit illud juxta Verbum Domini, quod loquutus est Vir Dei, 4. Reg. 23.
qui prädixerat verba hac. Si tunc aliquis è circumstantibus propter so-
lam humanam auctoritatē illius viri, vel temerè sine speciali funda-
mento ipsum movente, concepisset judicium enuncians illud idem,
cur judicium illud non foret determinatè verum? Et tamen esset tunc
de futuro contingente. Similiter quando nequam ille Propheta, spi-
ritu tamen divino illustratus, dixit tot sæculis ante fundationem Ro-
mæ, Romani Imperii exaltationem, & ruinam, inquit. *Venient* Num. 24.
in trirēibz de Italia, superabunt Assyrios, vastabuntque Hebræos, & ad
extremum etiam ipsi peribunt: si tunc aliquis ex morivo purè humano,
(puta auctoritatē purè humanam vatis illius) concepisset judicium
enuncians illud penitus idem, habuisset cognitionem de futuro, quod
secundum se esset contingens: & cognitio illa foret determinatè vera.
Similiter quando Samuel sigillatim prädixit Sauli, quæ in itinere fu-
tura ei erant obvia, v. g. quod ad quercum Thabor occursuri erant
ipsi tres viri, quod unus portaturus erat tres hædos, alius tres tortas
panis &c. Si aliquis propter solam humanam auctoritatē Samuelis
haberet cognitionem hæc ipsa sola enunciantem, haberet profectò co-
gnitionem de re, quæ specificativè, ac secundum se erat futura, &
contingens. Et sanè cognitio illa esset determinatè vera. Idem dico
de cunctis prophetiis tam habentibus modum tendendi absolutum,
quàm habentibus modum tendendi conditionatum. Videtur ergo inne-
gabiles multas, imò omnes propositiones, cognitiones, seu judicia
de futuro contingente, tam absoluto, quàm conditionato, esse de-
terminatè veras, aut esse determinatè falsas, in se utique, ac coram
Deo, quamvis innumeræ, nec sint determinatè veræ, nec sint de-
terminatè falsæ quoad nos, eo quia *nescia mens hominum futuri, fortisque*
furura nequeamus definire absolutè, ac determinatè illas esse veras, & 1. Reg. 42.
similiter nequeamus definire absolutè illas esse falsas. Arduam diffi-
cultatem, quæ hic se attollit contra libertatem indifferentiæ, otium-
dam ex æterna infallibili præscientia divina disjeci disp. 4. Prodro-
mi, num. 165. inter explicandum axioma illud. *ad præteritum non datum*
potentia. Sophismata verò non nihil implexa, quæ solent formari con-
tra veritatē propositionum conditionalium assumendo pro præmissa
unam illarum, & inferendo aliquid omninò repugnans: & ostendendo
hoc modo conditionalem illam præmissam non posse esse veram. Has
inquam tricas exposui, arque expedi tum in Dialectica disp. 2. cap. 8.
per totum: nec non in Prodro-mo disp. 5. num. 215., & seqq. Ecce
satisfactum secundæ quæstioni in Prologo propositæ.

§ Secunda pars conclusionis, scilicet dictas propositiones esse ve-

ras independenter *constitutivè* ab illo de præfenti existente, est corollarium ex dictis circa constitutiva physica veritatis formalis actualis. Prædictas propositiones, sive judicia esse vera independenter *constitutivè* ab eo de præfenti existente, v. g. à decreto divino efficace circa rem illam futuram, stat physice in eo, quod illarum veritas non constituitur intrinsece per illud decretum. quidquid modò sit de connectione, aut non connexione essentiali cum illo: sicut hæc papyrus non constituitur intrinsece per Deum, tametsi cum eo essentialiter connectatur. At veritas eorum judiciorum non constituitur intrinsece per illud decretum. Probatur. Veritas actualis, & formalis judicii stat physice ex parte rerum in his solis duobus, ut dixi disp. 2. num. 83., quod judicium enunciat absolutè, aut conditionatè rem A. Et quod futura sit absolutè, aut pro tali conditione res A. Nam licet hæc duo postulare soleant multa alia; at physice ex parte rerum hæc sola duo sunt physica, & formalia constitutiva conformitatis judicii cum suo objecto, & consequenter veritatis: quemadmodum, licet materia, & forma, & unio cum multis aliis intimè connectantur; at essentia physica entis naturalis in his solis tribus stat. Ergo omne distinctum ab illis duobus est distinctum ab omni constitutivo physico, & formali veritatis ergo nullum distinctum ab eis duobus est constitutivum, physicum, & formale veritatis. Sed istud decretum, & omne aliud de præfenti existens (distinctum utique ab ipso judicio) per se metaphysice connexum cum re illa futura, est distinctum ab eis duobus; siquidem neque cognitio enuncians absolutè, aut conditionatè rem A; est istud decretum (præsertim si loquamur de cognitione creata; quod si de divina loquamur, illa distinguitur virtualiter ab illo decreto, etiam admissò, quod illud existat in rebus) Neque res A futura, est istud decretum. Ergo istud non est intrinsecum. & formale constitutivum veritatis, cognitionis, seu judicii, seu propositionis enunciantis absolutè, aut conditionatè rem A. Ergo hæc propositio si est vera de præfenti, est vera independenter *constitutivè* ab omni de præfenti existente &c. Neque DD. nequeantes apprehendere quomodo possit esse nunc absolutè de præfenti vera propositio ulla quin nunc de præfenti absolutè detur suum verificativum, seu detur quippiam aliud ab ipsa propositione distinctum, sunt mihi contrarii in hac parte conclusionis; quoniam ut monui aliud est esse prorsus necessarium ad veritatem illarum propositionum. Aliud esse intrinsecum constitutivum veritatis illarum. Modò non nego primum; sed solum secundum.

§. I I.

9 SED quia illud primum est æquivocum, ideò subjungo tertiam partem conclusionis. Videlicet, si sermo sit de propositionibus circa futurum contingens conditionatum, hoc est, de propositionibus habentibus modum tendendi conditionatum [& propter hanc solam rationem, non propter aliam, aspergentibus hoc vocabulo *conditionalitatis*, quod toties decipit, objecta ipsa] illæ sunt veræ independentes etiam *connexivè* ab omni de præsentī existente, distincto, ut sæpè dixi ab ipsis propositionibus, atque per se metaphysicè, absolute, ac determinatè connexo cum re illa conditionatè enunciata. Memineris tamen 1. hunc esse totum cardinem, non solùm controversiæ super possibilitate rerum sit nec ne distincta ab earundem existentia: & super carentiis contingentibus, verificativoque actus negativi: ubi semper queritur ab unis, & repellitur ab aliis aliquid de præsentī existens, quod verificet propositiones; sed insuper esse cardinem scientiæ mediæ: & in hac tercia parte stare totam, vel saltem maximam, difficultatem, tum scientiæ dictæ, tum physiciæ prædeterminationis. Nimirum. Ut divina præscientia conditionata existat de præsentī, & consequenter sit infallibilis, opus non esse, quod de præsentī existat decretum, v. g. divinum efficax, atque irresistibile per se metaphysicè connexum cum re enunciata per illam præscientiam, v. g. cum eo, quod homo eliciat actum A, puta naturalem, casu quo integram habeat individuum libertatem A indifferentiæ naturalem ad actum illum; imò eiusmodi decretum esse impossibile obrationes mox insinuandas; cum tamen DD. contrarii existiment non solum non esse impossibile, verum insuper esse potius necessarium ejusmodi decretum, quod vocant subjectivè absolutum, idest de præsentī existens: & terminativè conditionatum, quatenus hunc, aut similem habet modum tendendi. *Volo hominem hunc elicare actum A, casu quo habeas libertatem A indifferentiæ ad illum.* Apex igitur illarum difficultatum reducitur ad hoc punctum. Vel enim admittitur, vel reicitur illud decretum. Si admittitur? Præscientia divina conditionata est libera Deo, utpote præsupponens illud decretum, quod sanè liberum esset Deo: & consequenter non est scientia *media* inter *necessariam*, & *liberam*. Si reicitur? scientia illa non est libera Deo, utpote independents ab omni actu divinæ voluntatis. Ex alia parte non est entitivè necessaria, siquidem absolute, & simpliciter potest fieri, & passim sit, quod homo habens libertatem indifferentiæ ad actionem A, ipsam non ponat. Ergo scientia illa erit media inter ambas illas diciās. Memineris 2. me non excludere omne, utcumque connexum cum re conditionatè enunciata; sed illud solum, quod habuerit hæc attributa. Esse actu absolute de

præfenti existens. Eſſeque connexum cum re illa *per ſe metaphyſicè*, determinatè, atque abſolutè abſolutione excludente, non quidem illam hypotheſim, quam aſſumit præſcincia conditionata, ſed aliam omnem extraneam; ſi enim tali connexo adimas, vel unum ſolum ex his, jam non eſt illud, quod in præſenti diſputatur, ut fuſius explicui in Prodomo diſp. 5. à cap. 14., ubi multa propoſui, quæ componi poſſunt cum libertate indiſſerentiæ, eo quod careant aliquo ex his attributis.

1. Reg. 23.

10. Tertiã ergo illam partem concluſionis tribus antiquis, & cardinalibus rationibus probat Schola Jeſuitarum. Una Philoſophica, & duabus Theologicis. Philoſophica eſt: quãdo Deus Davidi conſulenti ſuper fide Ceilitarum, reſpondit, fore ut ſi apud Cives illos perfeveraret, *traderent* eum in manus Saul (& idem argumentum ſit de quacumque alia divina præſcincia conditionata, quæ non ſit de re ſimpliciter neceſſaria) ad nil: fuit neceſſarium divinum decretum modis dictis, connexum cum ea proditione: quia non 1. ut illa ſcincia eſſet abſolutè, ac ſimpliciter de præſenti vera, ut exemplis, & rationibus explicui in Prodomo diſp. 6. à num. 17., & ſeq. & num. 45., & ſeq. Brevis ratio eſt: quamvis effectus, qui enunciatur purè conditionatè, interdum prærequirat decretum divinum jam nunc de præſenti exiſtens: eo quia ille effectus phyſicè, ac realiter ſit aliundè exiſtiturus abſolutè, (ſiquidem non ſolum poteſt cognosci per aliquam ſcinciã purè conditionatam res, quæ numquam erit, ſed dumtaxat eſſet, verùm etiam res, quæ eſſet, atque erit: non enim eſt neceſſarium, quod ſinguli actus divinz ſcinciæ ſint realiter, ac virtualiter omnis expreſſio vera illius rei; tamenſi neceſſarium ſit, quod Deus abſolutè loquendo, omnibusque penſatis fruatur omni ſcinciã, ſive expreſſione verã circa rem quamlibet). Verumtamen cum multi effectus enunciati purè conditionatè, quin umquam ſint exiſtituri abſolutè, ut contingit illi proditioni Ceilitarum: indè eſt, quod multi effectus enunciati conditionatè non connectuntur cum decreto jam nunc de præſenti exiſtente; quia per ſe immediatè, ac directè ſolum connectuntur cum decreto exiſtente pro illo eodem caſu, v. g. pro caſu, quo David perfeveraret apud Ceilitas: decretum autem exiſtere pro illo caſu non connectitur cum eo, quod modò de præſenti exiſtat. (ſicut decretum exiſtiturum poſt annum connectitur cum eo, quod modò de præſenti exiſtat ob æternitatem, quæ eſſentialis eſt omni actui divino ſemel exiſtenti). Quippe multa decreta non exiſtunt modò, quæ exiſterent in talibus, & talibus caſibus, v. g. decretum præmiandi Judam æternã beatitudine, decretum inſtigendi Petro poenas æternas &c. ergo prodictio illa Ceilitarum, quam Deus prævidit, & Davidi prædixit, neque identicè, neque connectivè erat decretum divinum. Ergo potuit enunciari conditionatè, atque verè, tamenſi non daretur iſtud decretum de præſenti. Ergo ut divina illa præſcincia foret abſolutè de præſenti vera, non erat neceſſarium, quod exiſteret de præſenti iſtud decretum. Si-
guon non erat neceſſarium, quod Ceilitæ, aut David ipſe eſſent coloris
albi,

albi, aut nigri: tam impertinenter quippe, quàm hi duo colores, se haberet decretum istud ad veritatem illius præscientiæ - Argumentum contraria conantia propositionem non posse esse de præsentì absolute veram absque objecto de præsentì existente dedi soluta disp. 6. Prothromum 43., & seq.

11 Non est 2. necessarium prædictum decretum ad salvandum alium, supremum dominium Dei super omnem creaturam, intimamque huius subordinationem respectu illius: rationemve primi liberi, aut rationem primi moventis &c. quoniam sicut ista omnia non poscunt, quod Deus possit facere hanc cartam esse animal rationale, quia non poscunt rem simpliciter essentialiter cartæ hujus: neque poscunt, Deum posse destruere hanc cartam destructione componenda cum volitione efficacie conservandi eam, quia non poscunt, Deum esse contrarium sibi ipsi. Ita Deum esse primum liberum, Deum alto, & nullis terminis circumscripto dominio fungi super Cœlitas, v. g. hosque fuisse illi essentialiter subordinatos, non poscebat, quod Deus haberet istud efficax, & inevitabile decretum respectu proditiōis illorum, quæ libera esset libertate indifferentiæ: quia cum hac essentialiter opponitur efficax irresistibilis determinatio in unam partem determinatè: neque poscebat, quod in sensu composito relinquendi eos in manu consilii eorum, nolendique uti supremo suo dominio ad flectendum, illos irresistibiliter, irresistibiliter flecteret illos per istud decretum: quia hoc esset adversari sibi ipsi: & simpliciter antecederet necessitate ad operandum liberè libertate indifferentiæ, quæ est diptongus satis difficilis. Ad hæc duo capita revocantur cardinales rationes speculativæ, quas DD. contrarii producant suadendi gratiâ propositiones, seu scientias de futuro contingente, habentes modum tendendi purè conditionatum inniti decreto divino subjectivè absoluto, ac terminativè conditionato, quod sit creaturæ inevitabile, atque irresistibile respectu actionis illius futuræ, quæ conditionatè enunciat. Pendunt omnia hæc cum omnibus suis appendicibus ex hoc puncto. Cohæreat nec ne cum libertate indifferentiæ inevitabilis, & simul irresistibilis determinatio ad unum. Rationes, quæ hanc cohærentiam impugnant, sunt, quæ hanc partem conclusionis stabiliunt, & consequenter scientiam mediam cum omnibus suis corollariis. Rationes, quæ hanc cohærentiam propugnant, sunt, quæ hanc partem subvertent, nec non scientiam mediam, firmabuntque physicam prædeterminationem cum suis corollariis.

12 Jam rationes Theologicæ sumuntur ex gemino satis noto titulo. Unus est: si daretur istud decretum subjectivè absolutum, & objectivè conditionatum respectu proditiōis faciendæ per Cœlitas, casu quo David perseverasset apud illos, idest, casu quo haberent plenam, expeditamque libertatem indifferentiæ ad faciendum illam, sequeretur 1. illos cum libertate indifferentiæ patruros illud crimen, ut supponitur: & simul absque libertate indifferentiæ; quoniam complexum ex isto decreto terminativè conditionato, & purificatione conditionis, nempe

nempe existentia libertatis indifferentiæ illorum ad patrandum, vel non patrandum illud scelus, esset metaphysicè, absolutè, per se, ac determinatè connexum cum illa prodicione. Esset insuper omninò inevitabilis ipsiſ Ceilicis. Sed omne constans gemino hoc prædicato, prout explicui utrumque in Prodro-mo disp. 5. à cap. 14. excludit libertatem indifferentiæ, ut ibidem exposueram cap. 10. à num. 174., atque ob hanc causam abſtineo modò. Ergo. Sequeretur 2. Deum fore autorem, atque causam per se illius perfidiæ Ceilitarum: quia profint illæ distinctiones quoad *materiale*, quoad *formale*. *Materiale* peccati materialiter sumptum, ac prout non dicit imperfectionem, ac secundum gradum entis, ac prout est objectum omnipotentis. *Formale* peccati formaliter sumptum, ac prout dicit imperfectionem, ac secundum gradum defectibilitatis &c.; quia de his distinctionibus satis disputavi in illa eadem disp. num. 298., & seqq. Hæ igitur duæ sequelæ Theologicæ cum illa ratione philosophica sunt, quæ satis firmare videntur tertiam dictam partem conclusionis. Videlicet. Propositionem de futuro contingente conditionato (libero utique creaturæ libertate indifferentiæ) esse de præſenti veram independentem etiam connexivè ab isto decreto. Et cum in hac independentia stet nervus totus scientiæ mediæ conditionatæ, qua Deus præſcivit, v. g. fore ut Ceilicæ proderent Davidem si ad hoc haberent libertatem indifferentiæ: his eisdem rationibus firmatur nervus, & quidditas scientiæ mediæ, quæ nil aliud est, quàm divina præſcientia conditionatè enuncians exercitium immediatè liberum sub hypothesi totius, & individuum libertatis, independentem ab omni decreto divino subjectivè absoluto, & terminativè conditionato inevitabili, & irresistibili per eam libertatem, quæ assumitur pro hypothesi.

13. Tertia pars conclusionis est. Propositiones *absolutè* enunciantes rem aliquam contingentem futuram, non esse nunc veras independentem connexivè ab omni de præſenti existente connexo cum illa futura. Probatur. Nil intimè connexum cum alio est independens connexivè ab illo. Sed omnis propositio *absolutè* enuncians futurum aliquo contingens, intimè connectitur quoad suam veritatem cum aliquo de præſenti existente per se, absolutè, determinatè, ac metaphysicè connexo cum futuro illo. Probatur. Connectitur, seu potius intimè constituitur per illud futurum (quia ut sæpè dixi veritas formalis iudicii constituitur per iudicium, & per hujus objectum proportionatum) sed illud futurum intimè connectitur cum aliquo de præſenti existente, & eis modis connexo cum ipso futuro. Probatur. Vel illud futurum determinandum est à solo Deo, v. g. productio erastina animæ rationalis A, vel est ex illis, quæ permittit Deus determinari à creatura, v. g. peccatum crastinum Petri, aut actus meritorius, cujus licet Deus sit Author, & causa per se; verumtamen uti non vult alto suo dominio *determinandi irresistibiliter* creaturam ad illud, quinimò vult relinquere illam in manu consilii sui, instructam, verò, præventam, & corroboratam prout oportet. Si primum. Im-

possibile omnino est, quod cras producat Deus animam illam, qua habeat cras volitionem, seu decretum efficax, absolutum, ac determinatum producendi illam, & consequenter quin habeat cras decretum eis modis connexum cum illa anima. Acqui est impossibile, quod illud decretum existat cras, quin existat hodie, atque ab æterno, & in æternum, eo quod actus divini intellectus, ac voluntatis secundum suam entitatem adæquatè divinam, neque incipiunt, neque desinunt in tempore: quandoquidem apud Deum *non est transmutatio, nec vicissitudinis obumbratio*: atque ut benè dixerat quidam, quamvis alias nequam Propheta. *Non est Deus quasi homo, ut mutetur: nec ut filius hominis, ut mueretur*. Ergo impossibile est, quod cras producat anima illa, quin existat hodie dictum decretum. Si secundum. Impossibile etiam est, quod cras eliciat homo libetè libertate indifferentiæ actum eum sive bonum, sive malum, quin cras sciat Deus fore ut si homo habeat illam libertatem eliciat actum illum, & insuper quin velit cras largiri ei libertatem illam. Ergo utervis ille actus intimè connectitur cum eo, quod existat cras complexum ex ea præscientiæ conditionata, & hoc decreto putificante, sive exequente conditionem. Sed hoc complexum, utpotè adæquatè divinum, non potest existere cras, quin existat nunc, & ab æterno, & in æternum, ut nuper dicebam, juxta sententiam ponentem hos actus, ut adæquatè intrinsecos Deo, quid quid sit de sententia connotatorum. Ergo utervis ille actus intimè connectitur cum eo, quod nunc de præfenti, atque ab æterno existat hoc complexum. Sed hoc complexum est per se metaphysicè, absolute, ac determinatè connexum cum eo actu: sicut quodvis aliud complexum ex veritate conditionata, & purificatione conditionis: Ergo en satisfactum tertiz quæstioni in Prologo propositæ.

14 En quoque rationem disparitatis insinuatæ num. 10. actum adæquatè divinum existere *cras* intimè connectitur cum eo, quod existat hodie, heri, & ab æterno. Actum verò adæquatè divinum existere in aliquo casu, sive hypothesis non connectitur cum eo, quod modo absolute & simpliciter existat, qua talis, & quoad talem denominationem. Nam certè, ut ibi dicebam, non existit modò, qua tale decretum divinum elevandi Judam ad Cælum, aut precipitandi Petrum ad infernum; & tamen illud existeret, qua tale, casu quo Judas decessisset in gratia; & hoc existeret, qua tale, casu quo Petrus decessisset in lethali, qui ambo casus sunt antecedenter possibiles. Radix autem disparitatis est. Tamen Deo repugnet omne, quod est simpliciter mutari intrinsecè; non eo ipso repugnat illud, quod non est intrinsecè mutari. Atquod in eadem rerum serie, persistenti, seu providentia, Deus haberet in uno tempore actum sibi adæquatè intrinsecum, quem in alio tempore persistenti, seu Providentiæ ejusdem non haberet [sicut nobis accidit] esset intrinsecè mutari, sicut nos intrinsecè muramur: ex hoc etiam titulo: Numquam tamen habere ab æterno, & in æternum in providentia A; actum, quem in alia providentia, seu rerum serie, haberet ab æterno, & in æternum, non est intrinsecè mutari: siquidem

dem non mutatur intrinsece ratione actus alicujus, subiectum, quod nunquam in rota utraque æternitate habet illum: vel *semper* in rota utraque æternitate habet illum. Ergo ramentis res nequeat esse futura absolute, quin de presenti detur decretum divinum; potest sine hoc de presenti existente esse futura conditionate dumtaxat. Id est: ramentis propositio absolute enuncians illud futurum nequeat esse de presenti vera sine eo decreto; sine eo potest esse de presenti vera propositio enuncians illud pure conditionate, sive illud alias existat, sive exiturum sit, sive secus: quia ut dixi non est necesse, quod singuli actus divinæ scientiæ enuncient omnia, quæ verè, sed contingenter enunciarì possunt de suo objecto. Et in præsentiarum loquimur de actu habente modum tendendi pure, & præcisè conditionatum. Unde licet objectum scientiæ pure conditionatæ soleat indigere decreto divino sibi proportionato, & actu nunc existente (nempe quando tale objectum aliunde supponitur absolute existens, aut exsisturum) sed non eget illo decreto, ratione solius scientiæ conditionatæ: quæ per identitatem tantum cum aliis actibus divinis est comprehensio illius objecti. Adde Authores arguentes ex decreto de presenti existente, pro re absolute futura ad decretum de presenti existens pro re, quæ pure, ac præcisè conditionate enunciat, sensim invehere in hanc arduam controversiam aliam longè magis arduam nimirum constitutionem actuum divinorum: ex qua resolvendum est, quid esset, & quid non esset mutari Deum per suos actus, qui dici solent contingentes. Id autem est tenebras tenebris agglomerare, quod non juvat ad indagandam veritatem.

CAPUT SECUNDUM

Determinativum Scientiæ Conditionatæ, sive Mediæ.

15



Uxistio quarta initio proposita est: *quodnam sit determinativum*, hoc est, *verificativum* propositionum de futuro contingente, conditionate duntaxat enunciato? quod idem est, ac quærere; quodnam sit determinativum scientiæ mediæ? Respondeo. Determinativum subiectivum

scientiæ mediæ, sive scientiæ conditionatæ contingentis est illud, quod mentem divinam determinat, ut agnoscat consensum v.g. potius quam dissensum processurum à libertate A si hæc existat, ubi primum hoc cognoscibile fuerit. Sed quod sic determinat est perspicacia ipsa infinita ipsius intellectus divini, qui per se ab intro est determinatus ad sciendum omne scibile, simul, ac scibile fuèrit, & per eum modum cogn-

gnosendi, per quem scibile est. Ergo hæc perspicacia est determinativum subjectivum scientiæ mediæ, sicut etiam scientiæ necessariæ, ac liberæ; hoc est, determinativum se habens ex parte Dei. Determinativum autem objectivum potest considerari duplex. Unum illativum, & radicale: illud scilicet, quod actu de præsentî existat, sitque metaphysicè connexum cum eo, quod ex libertate A, casu quo existat; potius procedat consensus si scientia mediæ fuerit affirmativa, vel potius carentia consensus si negativa fuerit. Hujusmodi determinativum esset decretum illud divinum, quod vocant adversarii subjectivè absolutum, & terminativè conditionatum, & quod ajunt esse futuritionem ipsam formalem nostræ operationis liberæ, vel saltem radicem illius propter illos transitus, quos comminiscuntur quidam ab unis statibus ad alios: Hoc inquit de præsentî existere, & illo velle Deum omnino resolvere, ac irresistibiliter, quod ex tali libertate creata, casu quo existat, prodeat talis potius operatio, quàm alia. Sed cum hoc decretum sic antecedens, nec non aliud comitans, quod ponunt aliqui Scotistæ, rejecturi sumus postea; idcirco determinativum objectivum scientiæ mediæ remotum, ac radicale nullum prorsus est: quocirca quoties de eo inciderit sermo affirmativus, negandum est suppositum.

16 Alterum est determinativum, objectivum, formale, & immediatum: & hoc dico esse, *individuum illam operationem*, quam poneret liberata A si existeret; *vel individuum illam carentiam operationis*; quam non poneret, si loquamur de scientia mediæ negativa. Cumque nunc de præsentî existant absolute in Orbe terrarum innumera exercitia libera, quæ Deus ab æterno prævidit per scientiam mediæ. Item nunc de præsentî non existant innumera alia exercitia libera, quæ ab æterno Deus prævidit purè conditionatè: idcirco ajo, determinativum objectivum unorum actuum scientiæ mediæ nunc de præsentî existere, aliorum verò nunc de præsentî non existere, seu nihil esse. Sed quid est operatio illa, quam conditionatè tantum prævidit per scientiam mediæ? Respondeo, nunc de præsentî nihil: quia nunc de præsentî non existit; sed *esset aliquid*, si poneretur ea libertas in rebus: sicut Adam de præsentî nihil est; sed verè fuit aliquid: Antichristus de præsentî nihil est; sed verè erit aliquid. Rursus: quid est operationem illam *aliquid fore*? Repono ego, quid est rem aliquid esse? Respondebis id consistere in eo, quod res non sit purum nihil, excludat suum contradictorium, sit extra suas causas, si causas habeat. Similiter respondeo tibi, operationem, id est consensum fore sub libertate A consistit formaliter immediatè in eo, quod in illo casu aliquid esset, non esset purum nihil, excluderet suum contradictorium, esset extra suas causas, distingueretur à purè possibili. Sicut enim non solum mente, sed etiam verbis agimus de his, quæ nunc de præsentî sunt, vel non sunt: ita de eis, quæ essent, aut non essent, fuerunt, aut non fuerunt, erunt, aut non erunt, possunt, aut non possunt esse. Ille igitur individuus, & singularis consensus, qui nunc nihil est, esset tamen aliquid, & existeret in rebus, si daretur libertas (in quo

R r

stat

hac futuricio formalis conditionata) est verificativum, seu determinativum, objectivum, formale, & immediatum hujus actus scientiæ mediæ: *scilicet existat libertas A eliciet consensum præventa, & excitata per gratiam Dei, cui resisti potest.* Sicut illa individua vita Adami, quæ modo nihil est, sed olim fuit (in quo stat præteritio formalis) est verificativum, seu determinativum, objectivum, formale, & immediatum hujus scientiæ *Adamus vixit.* Et illa individua præscientia, quam modo habet Turca Constantinopoli, & hic Romæ nihil est, verificat formaliter immediatè, seu determinat hanc scientiam veram Turca existit Constantinopoli.

17 Ratio horum omnium est. Verificativum, seu determinativum objectivum, formale, immediatum cujusvis propositionis est id solum, quod propositio ipsa enunciat directè; vel indirectè. At propositio hæc *scilicet existat libertas A constituta, & confortata per gratiam Dei dictam, eliciet consensum A, ut sic confortata, & præventa dumtaxat enunciat consensum A sub ea hypothesi.* Ergo solus ille individuus consensus existiturus sub ea hypothesi, ut sic præcisè existiturus, est verificativum, seu determinativum, objectivum, formale, ac immediatum illius propositionis, quæ est unus actus scientiæ mediæ, & sola omisso consensus determinanda per libertatem B est verificativum, immediatum, seu immediatum determinativum scientiæ mediæ negativæ, scilicet *scilicet existat libertas B non obstante gratia Dei, qua prævenitur, & adiuvatur non consentit.* Minor est certa: nam vel est possibilis, vel non est possibilis propositio, quæ illud dumtaxat enunciet. Si primum? en minorem nostram, nam de istius generis propositione loquimur, & ista est, quæ vocatur scientia mediæ. Si Secundum? cedo par contradictoriorum. Itaque vel putas defendi à nobis, ut scientiam mediam actum aliquem enunciantem illud, quod dixi: & insuper aliquid aliud contingens (& sic requireret sanè ad sui veritatem aliquid de præsentì existens. Sed falleris, quia actus iste non est scientia mediæ, quam docemus, sed quam tu comminisceris): vel putas esse scientiam mediam actum purè, ac præcisè enunciantem illud, & sic benè judicas; sed non requirit ad sui veritatem quidpiam contingens actu absolute de præsentì existens. Sicut neque hæc propositio *Petrus currit* eget ad sui veritatem, quod ille sit rufus, siquidem neque enunciat, neque supponit directè, aut indirectè illum colorem.

18 Major quoque primì Syllogismi est vera. Tum quia determinativum, objectivum, formale, ac immediatum est ratio immediata à priori, cur sit vera propositio, quæ vera est. At ratio objectiva immediata à priori est illud ipsum, quod propositio enunciat, vel supponit. e.g. cur immediatè à priori est verum dicere *Sol lucet?* quia re ipsa lucet; cur immediatè objectivè à priori est verum dicere *Turca non est Romæ?* quia re ipsa Romæ non est. Cum ergo ideo immediatè à priori sit verum dicere. *Si daretur libertas A, ipsa ut præventa, & excitata per gratiam Dei consentiret;* quia revera consentiret, ut supponimus, & ideo immediatè à priori sit verum dicere, *non consentiret,* quia revera.

vera non confenseret, ut supponere possumus: palam sit, quod consensus ille, qui daretur sit determinativum objectivum immediatum, scientiæ mediæ affirmativæ; & omissio illa consensus sit determinativum objectivum immediatum scientiæ mediæ negativæ. Tum quia ab eo, quod res est, vel non est, distributione accomoda, & servatis servandis, propositio dicitur vera, vel falsa, id est eo præcisè, quod res fuerit, licet modò non sit, est verum dicere *fuisse*; & eo præcisè, quod non fuerit, licet modò sit, est verum dicere *non fuisse*, & similiter discutendo per omnes differentias temporis, & loci. Hoc in præsentiarum. Eo præcisè, quod consensus *futurus esset* sub libertate A præventa, & excitata per gratiam Dei, id est intrinsecè constituta per hanc, est verum dicere *esset sub illa libertate*, & eo præcisè, quod *non futurus sit* sub ea libertate, existat nec ne de præsentì, est verum dicere, quod *non esset sub ea libertate*. At licet nunc de præsentì non existat, seu nihil prorsus sit exercitium illud; est tamen verum, ut supponimus, futurum fore sub libertate A: quod si supponere noluisset, supponemus contradictorium (sub illa quippe libertate alterom ex duobus debet existere, nisi putes, quod posita libertate A, neque dabitur consensus, neque non dabitur) & sic habebis actum scientiæ mediæ, qui sit contradictorius affirmativo. Ergo licet exercitium illud nunc de præsentì nihil sit; nihilominus nunc de præsentì est verificativum, seu determinativum objectivum prædictæ scientiæ mediæ, id est nunc de præsentì existit, & est vera scientia mediæ, quæ purè conditionatè enunciat illud.

¹⁹ Er ratio est. Quando scientia directè, vel indirectè enunciat suum objectum esse aliquid, seu existere de præsentì, est quidem necessarium, quod sit aliquid existens de præsentì; secus quando id neque directè, neque indirectè enunciat; sicut quando enunciat objectum esse in hoc loco, requiritur ad suam veritatem, quod sit in hoc loco; secus quando non enunciat esse Romæ, sed esse Constantinopoli. Et sic solvitur solemnis ille Paralogismus, scilicet. Si determinativum scientiæ veritatis esset exercitium illud libertatis, quod procederet à libertate A, casu quo hæc existeret, sequeretur nihil esse determinativum scientiæ mediæ, quandoquidem exercitium illud neque est, neque fuit, sed solum esset. In primis sequela ista, si sit universalis, falsa est. Cum enim per scientiam mediam non solum agnoscat Deus conditionatè exercitia libera, quæ numquam erunt, sed etiam omnia, quæ actu sunt in Mundo, fuerunt, & erunt: sicut per scientiam necessariam non solum agnoscit esse possibile id, quod numquam erit, sed esse quoque possible illa omnia, quæ actu sunt; sequitur determinativum objectivum multorum actuum scientiæ mediæ non esse purum nihil; sed aliquid actu absolute existens in rebus, ut paulò antè dicebam. Deinde distinguo sequelam: nihil esset nihilitate opposita præsentì, actuali, & physica existentia, pectum mitto. (Sed cum scientia mediæ non enunciet aliquid esse nunc de præsentì, ipsius veritari non officit hæc species nihilitatis.) Nihil esset nihilitate opposita existentia veræ, & reali sub hypothesis, quod

existeret libertas A; nego, quia in ea hypothesi verè, & realiter existeret libertas A ut supponimus; & consequenter falsum est, quod tunc nihil esset, cumque hæc sola species nihilitatis officeret veritati illius actus conditionalis scientiæ mediæ; idcirco non habes nihilitatem determinativi scientiæ mediæ, quæ huic officeret. Hoc totum explicat exemplo existentiz localis; nam etiam in hoc loco non est, seu nihil est Turca, & tamen in hoc loco est vera propositio enuncians ipsius distantiam ab hoc loco.

20 Quod si terminis istis *determinare*, *verificare* intelligas quid crasum, & physicum de præsentī existens, ut est currere loqui, ambulare &c. omnino tibi dabo, quod in hoc sensu non determinat, non verificat scientiam mediam, exercitium illud libertatis, quod foret. Sed extra chorum saltas; nam verificare, seu determinare scientiam est aliquid physicum, ac de præsentī existens, quando scientia enunciat, vel supponit hoc; secus quando nec enunciat, nec supponit; sed tantum est *futurum fore sub hypothesi libertatis A*; quando scientia purè, & præcisè enunciat hoc; seu *olim existisse* quando hoc præcisè enunciat; seu *cras existiturum* quando hoc, & non aliud enunciat. Sicut Turcam verificare, aut determinare scientiam in hoc loco, est Turcam existere in hoc loco, quando sermo est de scientia enunciante, vel supponente illum esse in hoc loco; secus quando sermo sit de scientia præcisè enunciante eum esse alibi. At scientia media non enunciat, aut supponit exercitium liberum existisse, existere, aut exititurum esse; sed solum enunciat illud *existiturum fore casu, quo datur libertas A*; v.g. ut discretionē earum conditionalium paulò ante scriptarum ostendi. Ergo illa species determinationis, aut verificationis actu absolutè de præsentī, quæ sit aliquid physicum de præsentī existens, non venit ad rem præsentem de scientia media.

21 Exercitium igitur liberum actu de præsentī non existens, actu de præsentī, atque ab æterno *determinat*, seu *verificat* scientiam mediam, scilicet modo huic proportionato, quæ tendit purè conditionatè. Nam licet illud exercitium non existat actu physicè de præsentī, tamen existeret, si daretur libertas A, ut supponimus. Et hoc sufficit ut actu de præsentī, atque ab æterno determinet objectivè actum scientiæ mediæ, id est ut hic actus nunc de præsentī, & ab æterno sit verus, sicut *Turcam existere Constantinopoli* sufficit ut in hoc loco sit vera propositio solum enuncians Turcam existere ibi. Doctrina hæc subsistit tametsi necessarium foret decretum illud divinum absolutè, & terminativè conditionalium, quod ponunt prædeterminantes. Aliud namque esset, quod istud decretum prærequiratur ad hoc, ut operatio libera. Creatura sit futura conditionatè. Aliud autem, quod in ipso sit formaliter immediatè futuritio ipsa formalis; licet primum esset verum, secundum foret falsum. Sicut indispensabiliter requiritur decretum divinum, ut Sol luceat, ut papyrus sit alba, ut homo sit sanctus; & tamen neque lux ipsa, neque albedo formalis, neque Sanctitas nostra formalis consistunt formaliter immediatè in decreto divino. Non ergo de-

debent confundi hæc duo. *Esse simpliciter necessarium ad aliquid. Et esse formaliter illud aliquid.*

22 Jam ratio à priori totius hujus doctrinæ facilis est. Sunt aliquæ denominationes, quæ ut actû de præsentî verificentur, possunt subiectum, & formam actû de præsentî existere, ut *esse album, esse calidum* &c. Aliæ possunt subiectum actû existens, non verò formam, ut hominem *esse coniugem, esse religiosum*: nam forma matrimonii est reciprocos conjugum consensus manifestatus; forma Religiositatis est emissio ipsa votorum acceptata. Et modò ambo fuerint homo nunc vivens est nunc de præsentî conjux, altero quoque vivente; vel Religiosus, licet neutrum ex eis duobus nunc de præsentî physicè existat. Aliæ possunt formam actû de præsentî existentem, non autem subiectum, ut denominatio *cogniti, concupiti* &c. Nam ut res actû de præsentî sit cognita, sive concupita, necesse est, quod actû de præsentî detur cognitio, detur cupiditas, sed non semper est necesse, quod detur res ipsa. Aliæ denum sunt denominationes, quæ neque subiectum, neque formam possunt actû physicè de præsentî existentia, ut *rem esse possibilem, esse futuram*: nam prima stat formaliter immediatè in eo, quod prædicata rei non opponantur invicem; hæc non oppositio est ex partè rerum ipsissima eorum reciproca identitas pro casu quo existant; hæc autem identitas non est quidpiam modò de præsentî existens, sed existurum quando res ipsa possibilis existat. Secunda stat formaliter immediatè in eo, quod sub tali, vel tali hypothesi detur consensus v.g. ut autem detur sub ea hypothesi non est necessarium, quod actû de præsentî detur consensus, aut ipsius futuritio, idest non est necessarium, quod actû de præsentî detur in rebus aliquid, quod in se ipso sit *dandum fore consensum sub illa hypothesi*. Sicut datur aliquid, quod in se ipso est illum parietem esse album.

23 Et horum omnium ratio à priori est quidditas sola, seu naturæ rerum ipsarum de quibus est sermo, & quæ cum dispares sint non possunt eadem mensurâ regulari. Dicimus itaque denominationem *veræ* in scientia, seu cognitione poscere, quod actû de præsentî existat ea cognitio, sed non semper suum determinativum objectivum. Sed solum poscit, quod hoc actû *de præsentî existat* quando ipsa scientia enunciat, vel supponit illud existere de præsentî; & solum poscit, quod objectum fuerit quando ipsa scientia solum enunciat objectum fuisse; & solum poscit, quod *futurum sit*, quando enunciat futurum esse. Ac scientia mediæ solum enunciat suum determinativum, suum verificativum, formale, ac immediatum, idest operationem liberam creaturæ *futuram fore sub libertate A*. Ergo ut scientia mediæ sit vera, & consequenter actû de præsentî existens in Deo, necesse non est, quod suum determinativum objectivum actû de præsentî existat, sicut necesse non est, quod sit album, vel nigrum; & sicut necesse non est, quod in hoc loco existat determinativum objectivum propositionis enunciantis Turcam existere alibi.

§. II.

24 **H**inc satisfactum habes primæ classi objectionum, quas in-
struunt prædeterminantes Doctores contra hoc determi-
nativum scientiæ mediæ. Omnes, his, vel illis terminis, tendunt in
hoc centrum: *quomodo fieri potest, ut nunc absolute de præsentī sit vera scien-
tia, vel propositio, si nunc de præsentī neque datur suum verificativum, ne-
que quidpiam connexum cum eo, quinimò omnia, quæ nunc de præsentī dan-
tur penitus sunt indifferentia, ut detur, vel non detur adhuc suo tempore tale
verificativum scientiæ mediæ.* Respondetur: quomodo fieri potest, ut nunc
in hoc loco sit absolute vera hæc propositio: *Turca vivit Constantinopoli*;
si nunc in hoc loco neque datur vita Constantinopolitana Turcæ, neque
quidquam connexum cum illa, quinimò omnia, quæ sunt in hoc loco
sunt indifferentia ut ille vivat, vel non vivat ibi? Respondetis quia
ea propositio nihil prorsus enunciat de his; sed purè, & præcisè de
vita Turcæ ibi in eo solo loco, & potest dari vita Turcæ in eo loco,
tamen si Romæ neque detur illa, neque quidquam connexum cum illa
(immemistras quippe decretorum divinorum se habet de materiali.)
Idem tibi respondeo. Scientia mediæ nihil prorsus contingens enun-
ciat ut existens nunc de præsentī; sed purè, & præcisè interdum existi-
tutum, interdum non existitutum exercitium liberum sub hypothesi li-
bertatis, potest autem existere, aut non existere sub ea hypothesi;
licet nec existat modò, neque quidquam connexum cum eo. Undè
quamvis vera sunt omnia ista, quæ conglobantur, subsistit quod suffi-
cit veritati scientiæ dictæ: nimirum, *existitutam fore illam operationem.*

25 Itaque si rogeris cur immediatè à priori sit nunc de præsentī ve-
rus hic actus scientiæ mediæ v. g. *si existat libertas A in Iuda, ipse confor-*
tatus per gratiam Dei salutariter consentiet. Respondes quia purè, & præ-
cisè enunciat, quod consensus daretur sub illa libertate, & ex alia
parte supponimus dandum fore sub illa. Sicut idè à priori formaliter
immediatè est verum dicere *Sol lucet* quia re ipsa Sol lucet, & nihil
aliud enunciat hæc propositio. Et idè à priori formaliter immediatè
est verum dicere *Roma, Turca est Constantinopoli*, quia ille revera degit
ibi, & ea propositio nihil aliud enunciat, vel supponit. Rursus cur
scientia mediæ illud præcisè enunciat? Respondeo: quia hanc, & non
aliā vocamus, & defendimus scientiam mediā, quod si tu aliā
rearis, impugna teipsum. Rursus cur potius daretur consensus, quam
carentia consensus per libertatem A? Respondeo quia vellet ipsa li-
bertas A; & hic sistitur in linea rationis determinativæ, quando sermo
est de actu libero, ut jam monui sæpè. Quod si morosus aliquis po-
poscerit, cur libertas vellet talem operationem? iam responsum est su-
pra, scilicet rationem motivā, impulsivāve volendi posse esse mul-
tipli-

tiplicem. Rationem verò strictè à priori, idest infallibiliter connexam, & omnino antecedentem nullam esse, aut posse esse pro actu immediatè libero, quâ tali. Sicut nulla potest esse ratio omnino certa pro conclusione merè probabili. Nulla omnino evidens pro conclusione merè obscura. Nulla antecedens necessitas pro actu libero libertate indifferentiæ; quia hæc omnia respectivè sibi opponuntur. Respondendumque est per *implicat in terminis* quærenti ista. Sed instabis ergo etiam quando divina scientia enunciat absolūtè rem existuram cras, sufficit quod cras existat decretum divinum permissivum, aut causativum per se illius rei, & non requiretur, quod existat hodie. Nego consequentiam: quia æternitas essentialis omnibus actibus divinis postulat, quod si actus aliquis existat in aliquo instanti, ex eis, quæ æternitas complectitur, existat eo ipso in omnibus, quia Deus non incipit in tempore velle, scire, aut nolle. Et sicut de ratione immensitatis est, quod si Deus existat in aliquo loco existat in omnibus, quæ sunt ex parte rerum. Ergo si decretum divinum existit cras absolūtè, & simpliciter, debet existere hodie, & semper. Ceterum nihil est, quod poscat, quod si decretum divinum *existeret* pro aliquo casu, v. g. pro casu, quo existat libertas A, debeat semper, ac pro omni casu existere. Alias nunc existeret decretum absolūtè glorificandi Judam, & absolūtè damnandi S. Petrum; quandoquidem certum est, quod illud existeret casu quo Iudas penitens, & Petrus impœnitens, decessisset. Et ratio est. Habere in uno tempore actum, qui non habetur in alio tempore, est mutari. At verò ab æterno, & in æternum habere actum, quem in alia rerum peristasi, ab æterno, & in æternum non haberet Deus, non est mutari aut absolūtè, aut conditionatè, ut constat exemplo nuper dato. Primum ergo, non autem secundum dedecet Deum.

26 Secunda Classis objectionum est illarum, quæ abutuntur indistinctè consensu absoluto, ac conditionato, vel intendunt probare, unum distinguui ab altero, v. g. *Consensus absolutus non est determinativum scientiæ mediæ.* Ergo neque conditionatus, utpote indistinctus ab illo. Vel aliter. *Consensus conditionatus est determinativum scientiæ mediæ, ergo absolutus.* Sed hic supponit decretum actuale divinum, ut est certum. Ergo determinativum scientiæ mediæ supponit decretum actuale. Has tricas, ut expeditas adverte. Sicut ex parte rerum non datur quidpiam, quod in se ipso sit formaliter affirmatum, formaliter negatum, formaliter disjunctivum, formaliter distributivum, formaliter universale. Sed solum contingit, quod ex parte rerum dentur, vel non dentur res ipsæ singulares, quæ modò unam, modò aliam ex his denominationibus accipiunt ab intellectu, cujus actus est unica forma appingens has denominationes objectis illis. Ita non dantur ex parte rerum consensus ulli, qui in seipsis sint *formaliter absoluti, vel formaliter conditionati*. (Unde propositiones directè, vel indirectè id innuentes, laborant falsâ suppositione, & rejiciendæ sunt illicò, tamquam multarum matricæ æquivocationum.) Solum ergo datur ex parte rerum, vel dare,

tur exercitium ipsum libertatis positivum, vel negativum, individuum prorsus, & singulare. Dicitur verò *consensus absolutus* quando est objectum scientiæ absolutæ, id est quando incidit sermo de propositione enunciante rotundè, & absolute illius existentiam. Dicitur item *consensus conditionatus* quando est objectum scientiæ, quæ hypotheticè tantum, suspensivè, ac conditionatè enunciat illud, qualis est scientia media. Nimirum loquutione figuratâ, aptâque ad incautos decipiendos transfertur ad objectum qualitas, & proprietas ipsarum propositionum, seu scientiarum.

27 Unde 1. Sicut centrum est prorsus idem indivisibile, tametsi lineæ in illud tendentes, sint valde diversæ, ac oppositæ. Ita objectum scientiæ affirmativæ, ac negativæ, item determinatæ, ac disjunctivæ, item absolutæ, ac conditionatæ, est prorsus idem, licet scientiæ hæc respicientes illud idem objectum invicem sint dispares. Unde 2. quando tibi obijciatur consensus *conditionatus* distingui, aut non distingui à consensu *absoluto*: item esse, aut non esse determinativum scientiæ mediæ, nega irresistibiliter suppositum, neque indulgeas donec adversarius veniat ad terminos veros, & minus ambiguos; quia ex parte rerum neque datur ita conditionalitas formalis, neque ista absolutio, neque ista vaguitas. Quod si adversarius ad terminos redeat veros, & castigatos: scilicet objectum scientiæ conditionatæ distinguitur, aut non distinguitur ab objecto scientiæ absolutæ, tunc respondere debes. Consensum, qui est objectum scientiæ conditionatæ, aliquando identificari, aliquando non cum consensu, qui sit objectum scientiæ absolutæ, & consequenter ab eo distingui negativè solum. Etenim *vel* sermo est de præscientia divina conditionatè enunciante consensum, v.g. qui aliquando est in rebus, vel de enunciante illum consensum, qui numquam est existurus. Præscientia enim divina conditionata, id est scientiâ mediâ, non est solum de bono, aut malo usu libertatis numquam existurus absolute, quia licet ipsa, ut talis numquam enunciet absolute talem usum, sicut nec scientia naturalis; multoties ille absolute existit, eo quod scientia illa moveat Deum, ut largiatur homini eam libertatem, & consequenter existit in rebus ille usus, seu exercitium, quod Deus infallibiliter prænoverat existiturum ab ea libertate, si ea poneretur in rebus. Imò quotquot exercitia libertatis creatæ unquam fuerunt, sunt, aut erunt, prænoscentur à Deo conditionatè per scientiam mediâ, sicut prænoscentur per scientiam naturalem, solum enunciante illa esse possibile. Inutilis profectò esset scientia mediâ, si solum inserviret concordia divini domini cum libertatibus numquam existuris, & non cum omnibus libertatibus angelicis, & humanis, quæ sunt, fuerunt, & erunt. Igitur si dicatur primum membrum dilemmatis; objectum præscientiæ conditionatæ, hoc est, scientiæ mediæ est prorsus idem cum objecto scientiæ absolutæ: quia ambarum objectum, & determinativum formale immediatum, est ipsum exercitium liberum creaturæ, quod per unam scientiam enunciatur absolute per alteram verò suspensivè tantum, & hypotheticè. Sicut illius ejusdem

dem exercitii absoluta existentia enunciatur sic per scientiam necessariam . *Hac existentia non involvit contradictoria* ; quapropter negandum est assumptum gemini enthymematis, nam illud idem exercitium, quod Deus absolute videt per scientiam absolutam, est objectum scientiæ conditionatæ, seu est, de quo Deus præsciebat per scientiam medianam fore, ut existeret si daretur talis libertas creata, sicut illud idem est, de quo Deus sciebat per scientiam necessariam non constare gemino contradictorio .

28 Nec interest, quod hujusmodi exercitium præsupponat decretum divinum, tum quia hoc decretum, quod juxta nos præsupponitur, non est irresistibile, quale ponitur ab adversariis, sed indifferenter applicatur Omnipotentiz. Tum maxime quia licet indigeat decreto divino, ut à Deo agnoscatur *per scientiam liberam visionis*, non tamen, ut agnoscatur per scientiam *purè conditionatam*, sicut neque ut agnoscatur per necessariam, unde solum concluditur distinctio virtualis inter has tres scientias ; ergo semper subsistit, quod hujusmodi exercitium non præsupponit decretum divinum actu existens, & irresistibile in ordine ad scientiam *purè conditionatam* ; ergo subsistit, quod hæc scientia sit independens ab eo decreto . Ergo quod non sit libera Deo : ergo quod sit scientia mediæ, cum ex alia parte sit certum, quod non est scientia necessaria . Itaque quando audies : consensus absolutus, si aliquando fuerit determinativum scientiæ mediæ, sequetur quod hujus determinativum aliquando præsupponet divinum decretum ; distinguet in ordine ad scientiam *mediam* nego, sicut nec in ordine ad scientiam necessariam, in ordine ad scientiam *liberam visionis* subdistingue ; decretum inevitabile, ac irresistibile nego . Decretum alterutrâ carens qualitate concedo .

29 Sin verò eligatur secundum membrum dilemmatis in num. 27. dico objectum scientiæ conditionatæ non esse objectum scientiæ absolutæ, sed ab eo distingui negativè, non quia datur ex parte rerum, objectum illius, & obiectum hujus, & in hac suppositione unum non sit alterum (absit prava intelligentia) sed quia neque datur unum, neque alterum absolute, & simpliciter in rebus, & sic non datur absolute, & simpliciter utriusque identitas, & consequenter in hoc solo sensu unum non est alterum, & hoc est distingui negativè ab illo : eo modo quo juxta veram philosophiam possibilitas formalis, immediataque rerum, idest, non oppositio, sed summa convenientia, sive identitas prædicatorum ipsorum, distinguitur negativè ab existentia absoluta, quando res non existunt absolute, & simpliciter, non qui a sint dux ex parte rerum, & positivâ aliqua dividantur distinctione ; sed quia identitas rerum nihil aliud est, quàm res ipsæ ; Ergo his deficientibus, deficit quoque absolute, & simpliciter ipsarum identitas secum ipsis, ergo tunc res non est actu, & simpliciter ipsa res ; ergo distinguitur negativè à seipsa, idest, non identificatur actu absolute secum ipsa . Id in præsentiarum . Si loquamur de scientia conditionata, cujus hypothesi objectiva numquam purificabitur, & consequenter

cujus objectivum conditionatum non existit in rebus v. g. Si *judas haberet libertatem A*, converteretur. Si *S. Petrus haberet libertatem B*, obfignaretur: tale exercitium liberum, ut oriundum ab ea libertate, nusquam existit in rebus, ergo neque identitas actualis absoluta secum ipso. At ipsum foret objectum scientiz divinze enunciantis ipsum absolute, si talis scientia existeret; ergo tunc non existeret identitas actualis inter objectum scientiz conditionatz, & objectum scientiz absolute, scilicet quia tunc neque existeret hæc scientia, neque suum objectum, ergo objectum scientiz conditionatz non esset actu absolute objectum scientiz absolute; ergo ab hoc distingueretur negativè. Quod totum reducitur ad hanc veritatem: *Idem penitus exercitium liberum enunciat diverfmodè per scientiam median, & per scientiam absolutam liberam Deo; sed illud exercitium non identificatur secum actu absolute, & simpliciter quando non existit in rebus.*

30 Obii: Duo distingui realiter simpliciter nihil aliud est, quàm unum non esse aliud. Distinguo quando hoc contingit purè, & præcisè, quia neutrum existit in rebus nego (aliàs Antichristus nunc realiter simpliciter distingueretur à suis prædicatis, nam cum modo non existat in rebus, neque sua prædicata; palam fit, quod non existit identitas illius cum suis prædicatis, & consequenter, quod ille non est actu absolute animal rationale. Illz autem phrasæ de æternitate, necessitate, ac indefectibilitate essentialium rerum venuste sunt; revocatz autem ad scholasticam trutinam, quia alludunt ad solam veritatem propositionum enunciantium essentias, non ad essentias ipsas, quz tam possunt non esse in rebus, quàm res ipse contingentes; propositiones autem illz cum non affirmant absolute, & simpliciter essentias illas exerceri in rebus, possunt esse veræ, licèt tales essentiz non sint in rebus.) Quando unum non esse alterum contingat alterutro existente in rebus concedo. Cæterum existente in rebus objecto scientiz conditionatz non verificatur non esse, sed potius esse objectum divine scientiz absolute, nam cum objectum hoc sit identitas secum ipso, planum est dari in rebus hanc identitatem, quando datur hoc objectum. Instabis 1. Identitates rerum, sicut etiam distinctiones sunt prorsus necessariz, ac invariabiles; ergo est impossibile, quod objectum scientiz conditionatz aliquando identificetur, aliquando non cum objecto scientiz absolute. Distinguo antecedens: sunt necessariz positivè quatenus semper debeant exerceri in rebus nego. (Tum quia hujusmodi identitas soli Deo competit, tum quia ex parte rerum nihil aliud sunt, quàm res ipse; cumque hæc possint non existere, utpote contingentes, eidem non existentiz subjacent identitates, distinctiones, cæteraque prædicata essentialia.) Sunt necessariz negativè quatenus nunquam dari potest distinctio realis positiva inter rem, & ea cum quibus identificatur, item neque identitas realis immediata inter rem, & ea à quibus realiter distinguitur, concedo, & distinguo consequens. Impossibile est, quod objectum scientiz conditionatz aliquando non identificetur, & aliquando identificetur *dum existit &c.* concedo; aliquando

quando identificetur, & aliquando non ex eo præcisè, quod aliquando existat in rebus, & aliquando non existat nego.

31 Instabis 2. quæ semel identificantur semper identificantur, & quæ semel non, numquam. Resp. distinguo semper, ac existunt in rebus identificantur concedo; etiam si in rebus non existant nego: quia non identificantur actu absolute quando non datur actualis absoluta illorum identitas, & hæc utpote indistincta à rebus ipsis, non datur actu absolute quando res ipsæ actu absolute non sunt in rerum natura; aliàs homo jam mortuus, vel non dum conceptus identificaretur actu absolute cum animali rationali. Similiter quæ semel non identificantur, dum in rebus existunt, nunquam identificantur: quia identitas non est de genere accidentis, quod abest, & adest circa subjecti corruptionem. Objectum autem scientiæ mediæ, si existat in rebus, identificatur omnino cum consensu absoluto, idest cum objecto scientiæ absolute visionis, & solum non identificatur actu cum illo, quando utrumvis non existit actu in rebus. Equivocatio stat in eo, quod consensum absolutum, & conditionatum ratione harum vocum apprehendimus, ut duo, cum tamen verè ex parte rerum sit unus, & idem consensus, qui jam vocatur absolutus, quando exprimitur per scientiam liberam Dei; jam conditionatus, quando per scientiam mediæ, quæ conditionata est, appingendo scilicet objecto qualitates, sive nomina scientiarum distinctarum.

32 Instabis 3. Ergo omnia, quæ non existunt, non distinguuntur actu positivè, nam etiam eorumdem distinctio utpote illis essentialis, non existit actu in rebus: ergo homo, & equus jam mortui neque identificantur, neque distinguuntur actu positivè: item omnia, quæ actu non existunt in rebus identificarentur, si existerent, nam ideò præcisè deficit ipsorum identitas, quia ipsa deficient. Resp. concedo illas primas sequelas. Actualis namque identitas, & actualis distinctio non sunt contradictoriæ; sed contrariæ, medium admittentes, siquidem fieri potest, quod neutra actu absolute existat in rebus. Contradictorium ergo identitatis est *non-identitas*, quæ non est convertibilis cum actuali positiva distinctione, & contradictorium distinctionis actualis positivæ est *non distinctio*, quæ similiter non est convertibilis cum actuali absoluta identitate. Si enim duo non distingui actu positivè nascatur solum ex eo, quod non existat actu in rebus illorum distinctio, & hoc rursus nascatur ex eo solum, quod neutrum existat in rebus, tunc ex eo, quod non distinguatur actu positivè perperam argues illa identificari actu positivè. Hinc nego ultimam sequelam quia objecta ista purè possibilia, & infinita alia non identificarentur invicem, tamen si actu positivè existerent, ergo non ideò præcisè identificantur actu, quia actu non existunt.

CAPUT TERTIUM

De Conjungibilitate Assensus, & Dissensus Fidei,
ac Opinionis.

33



Uzstio propoſita quinto loco poſt explicatam
veritatem propoſitionum de utroque futuro
contingente, erat ſuper oppoſitione,
conjūgibilitateve quorundam actuum intelle-
ctus. Quæſtigetur 5. An poſſint conjungi in
eodem intellectu judicium affirmativum, &

negativum reſpectu ejuſdem objecti? Aliis terminis. An poſſint con-
jungi aſſenſus, & diſſenſus? Certum eſt 1. aſſenſum, & diſſenſum non
poſſe conjungi quoad ſimultaneam veritatem, aut falſitatem in eodem
iſtanti, & reſpectu ejuſdem penitus objecti (ſecus ſi hoc diſtinctionis
virtualis, aut alius capax ſit) & in eodem, aut diverſis intellectibus.
Nam eo ipſo, quod objectum ſit, erit verus aſſenſus, ſi hic eliciatur
ab intellectu, eritque falſus diſſenſus, ſeu iudicium negativum: & eo
præciſe, quod objectum non ſit, erit verus diſſenſus, ſi hic exiſterit,
& falſus aſſenſus. Sed eſt prorſus neceſſarium, quod objectum ſit, aut
non ſit. Ergo eſt prorſus neceſſarium, quod alter ex his duobus acti-
bus ſit verus, & alter falſus, ſi exiſtant. Ergo eſt impoſſibile, quod
ambo ſint veri, aut falſi. Certum eſt 2. poſſe conjungi aſſenſum, &
diſſenſum reſpectu ejuſdem objecti, ſi hoc proponatur diverſis termi-
nis, ideſt ſi intellectus iudicat non eſſe unum, ſed duo objecta. In hoc
enim nulla cernitur difficultas. Sic quando video hominem valde di-
ſtinctum, & deceptus puto eſſe brutum, hæc duo iudicia habeo. *Illa
entitas eſt animal. Illa entitas non eſt rationalis*: ergo habeo aſſenſum, &
diſſenſum reſpectu animalis, quod ex parte objecti eſt unum cum ratio-
nali, proindeque idem objectum.

34. Reſpondeo ergo cum diſtinctione quintæ illi quæſtioni. Si ſermo
ſit de aſſenſu, & diſſenſu ſtriçtè, & formaliter talibus, ſumptis nimi-
rum ſecundum poſitivum, & negativum, nec de potentia abſoluta poſ-
ſunt conjungi in eodem intellectu reſpectu ejuſdem objecti, & ſub eiſ-
dem terminis: quod ſi ſermo fuerit de aſſenſu, & diſſenſu latè, & purè
materialiter ſumptis, ſeu ſumptis præciſe quoad poſitivum, adhuc na-
turaliter conjungi poſſunt in eodem intellectu &c. Probatür primà pars.
Nil quod ex ſuo conceptu importat, vel connotat carentiam alterius
poſteſt adhuc de potentia Dei conjungi cum illo altero. Sed aſſenſus
exiſtentia Petri, v.g. ſtriçtè, & formaliter ſumptus ex ſuo conceptu
importat, vel connotat carentiam diſſenſus Petri. Probatür. Omne
quod ex ſuo conceptu eſt adhuc intellectus ad exiſtentiam Petri ex ſuo

con-

Conjungibilitas assensus, & dissensus. 325

conceptu importat, vel connotat carentiam dissensus circa eandem existentiam. Sed assensus existentie Petri strictè, & formaliter sumptus, est intentionalis adhesio intellectus ad existentiam Petri. Ergo Probatur major. Omne quod ex suo conceptu est intentionalis adhesio ad existentiam Petri ex suo conceptu (si strictè, & formaliter sumatur) importat, vel connotat carentiam æqualis iudicii de non existentia, seu æqualis adhesionis ad non existentiam. Nam si intellectus æquè iudicaret Petrum existere, & non existere, non adheret præse loquendo existentie Petri, quippe non adheret præse, strictèque loquendo ille, qui æquè accedit, atque recedit ab objecto. Ergo omnis stricta adhesio intentionalis ad objectum, importat, vel connotat carentiam æqualis adhesionis ad contradictorium, seu ad non existentiam objecti. Sed dissensus strictè sumptus esset æqualis adhesio ad contradictorium objecti, ergo. Repete hic doctrinam, quam dedi disp. 2. num. 124., & seqq. inter disputandum sit nec ne iudicium qualitas composita.

35 Hinc 1. confutata manet doctrina agentium Deum posse intellectum determinare, ut dissentiat objecto, quando ipsi assentitur. Non enim potest Deus determinare intellectum, quando hic assentitur ad illud cum cuius carentia connectitur logicè, aut metaphysicè assensus. Hinc 2. patet discrimen inter assensum evidentem, certum, & probabilem. Omnes conveniunt in hoc, quod est excludere æqualem adhesionem ad contradictorium; differunt verò in eo, quod primus per claritatem sibi adæquatè intrinsecam, exterminat non modo æquale iudicium, seu æqualem adhesionem ad contradictorium; verum etiam dubium, scrupulum, suspensionem, atque formidinem de suo objecto profligat. Secundus est ex suis intrinsecis connexus cum suo objecto, nec non excludit æqualem adhesionem ad contradictorium; ceterum non ex solis suis intrinsecis, sed ob imperium etiam voluntatis, dispositicum, & resolutum, formidinem abigit, ut in actibus fidei supernaturalis contingit: qui cum spectet ad duas potentias, nimirum intellectivam, & volitivam, arcet ab anima dubium, formidinem, & suspensionem, ratione saltem exercitii potentie volitive. Tertius autem compatibilis est cum formidine tum ab intrinseco, tum ab extrinseco: quia conjunctum cum iudicio merè probabili potest quis supra humanam fallibilitatem reflectens dicere. *Fortè fallor sicut toties aliàs.*

36 Probatur secunda pars: assensus laxè, & materialiter sumptus est nuda entitas huius actus *Petrus existit*. Item dissensus laxè sumptus est nuda entitas huius actus *Petrus non existit*. Sed hæc duæ entitates possunt ex natura rei conjungi in eodem intellectu. Probatur. Eo ipso, quod intellectus non attendit illi principio: *quodlibet est, vel non est*: aut erroneè iudicat esse falsum, possunt conjungi in eodem intellectu præfatæ duæ entitates. Sed ex natura rei, idest citra omne miraculum, fieri potest illud: tum quia in hoc nullum probatur intervenire miraculum, tum quia fieri potest, ut intellectus sit valde distractus, tum quia alia sunt principia, v. g. mathematica æquè evidentia, quibus

non

non semper attendimus Probo jam majorem. Unicum impedimentum prædictæ conjunctionis esset, vel quia obiectum proponeretur intellectui evidenter falsum (& hoc non accideret si intellectus per errorem judicaret prædictum principium esse falsum) vel quia entitas physica, & positiva alterius ex eis duobus actibus specificativè sumpta, & non ut *assensur*, vel ut *diffensur* diceret constitutivè, aut connexivè carentiam alterius, & hoc ex nullo capere suaderetur. ergo eo ipso &c.

37 Dices: hic actus *Petrus existis* per solam suam entitatem unitam intellectui reddit hunc in genere causæ formalis *assentientem*: quemadmodum albedo per solam suam entitatem unitam subjecto capaci reddit hoc album. Ergo falsa est superior doctrina. Nego antecedens propter istud idem exemplum: nam pone subjectum tot habere gradus nigredinis, quot albedinis: certè non erit absolute album, sed fuscum: pono illud habere octo gradus nigredinis, & unum albedinis: erit nigrum. Si mavis distinguo illud: per solam suam entitatem unitam intellectui, & conjunctam cum carentia æqualis adhesionis ad contradictorium, concedo antecedens: præsciendū ab hac carentia, nego antecedens. Igitur quemadmodum gratia justificans non per solam sui unionem cum anima; sed ulterius per carentiam omnis noxæ gravis, reddit animam sanctam, filiam adoptivam Dei, gloriæque hæredem, adeo ut eo præcisè, quod non intelligatur ea carentia, seu eo præcisè, quod intelligatur peccatum lethale, non intelligatur ille effectus formalis *Anima sancta, amica Dei &c.* ita hic actus *Petrus existis* per suam entitatem unitam intellectui carentiamque æqualis adhesionis ad contradictorium existentie, denominatur intellectum assentientem, adeo ut eo solum, quod non intelligatur præfata carentia, seu intelligatur æqualis adhæsiō ad non existentiam Petri, non intelligatur is effectus formalis *intellectus assentientis existentia*. Impereceptibile namque est, intellectum strictè, & propriè adhærere intencionaliter obiecto, quando æquè recedit, & accedit ad illud.

38 Quæstio 6. An iudicium fidei possit conjungi cum opinione ejusdem obiecti? Respondeo. Iudicium fidei (idem dico respectivè de iudicio evidente) potest coexistere cum opinione circa idem mysterium, idest physicè, ac moraliter sine ullo peccato evenire potest, quod aliquis intellectus habeat fidem Theologicam, & divinam incarnationis, & quod simul habeat fidem humanam, sive opinionem. Explicatur, & probatur. Aliud est, quod opinio possit trahere secum, & plerumque trahit; aliud autem, quod est de ratione, & quidditate opinionis. Verum est, quod opinio utpote innixa soli auctoritati humanæ, vel solis rationibus prudentibus, est *capax*, ut debilitetur iudicio formidoloso, aut suspicaci circa veritatem illius rei; & plerumque sic debilitatur in hominibus cordatis, qui proprii iudicii non sunt plus iusto tenaces. Cæterum licet de essentia opinionis sit hæc *capacitas* radicalis non tamen est, quod *actu* conjungatur cum ea formidine, vel suspitione. Imò neque capacitas proxima, ut conjungatur. Sicut licet de ratione Hominis, & Angeli sit capacitas radicalis peccandi, quia utervis est

ab

Coniungibilitas assensus, & dissensus. 327.

ab intrinseco defectibilis physicè, ac moraliter; non tamen est de essentia illorum actu peccare; aut proxima capacitas peccandi quandoquidem Beati, & Infantes, & ebrii, & dormientes neque actu peccant, neque proximam habent facultatem peccandi. Stat ergo quidditas opinionis præcisè in hoc esse iudicium de obiecto propter motiva, prudentia quidem, sed ex sua natura fallibilia, quæ motiva si summopere crescant, gignunt evidentiam moralem, & non metam opinionem: atqui in sensu composito iudicandi firmissimè propter solam auctoritatem Dei loquentis Incarnationem v. g. (solam inquam respectu illius iudicii) potest homo sine ulla irreverentia contra Deum credere per alium actum distinctum incarnationem eandem ob auctoritatem tot virorum sapientium, & Sanctorum, Incarnationem docentium, & insuper propter varias rationes, & congruentias illam probantes; siquidem hac etiam motiva digna sunt, ut propter illa assentiamur illi mysterio; neque in hoc derogatur auctoritati divinæ, quia per iudicium, quod est fidei & theologicæ præsupponitur jam, & admittitur auctoritas illa, ut per se solum sufficiens ad assensum firmissimum illius mysterii, sine adminiculo humanarum rationum, ut proximè moventium ad illum assensum. Ergo fides Theologica physicè, ac moraliter potest coexistere opinioni. Hinc aliud est habere opinionem circa res fidei; aliud habere *meram, & solam opinionem*. Hoc secundum est peccatum, supposita evidenti credibilitate de eo, quod Deus ipse illas docuerit. Illud primum est, quod dico. Nam illud stare potest cum firmissimo assensu, qui moveatur purè, & adæquatè ex sola infinita Dei auctoritate, quo assensu satisfacimus præcepto fidei, & reverentiæ Deo debitæ. Hac explicatione solvuntur argumenta contraria offendentia semper ad intelligentiam quæstionis. Alia verò generalia, quæ etiam impugnant coexistentiam fidei, & evidentiæ solvantur ad finem capitis sequentis. Interea adverte fidem, seu scientiam ex una parte, & opinionem ex alia non dare effectus formales oppositos quales essent: *esse absolutè certum intellectum: esse absolutè incertum*. Sed solum dare hos: *esse absolutè certum per unum suum actum*. Et *non esse absolutè certum per alium, actum distinctum*, nempe per opinativum. Hi autem non sunt effectus oppositi, ut patet. Unde opinio, & fides, sive etiam scientia, quamvis opponantur relativè, quatenus idem actus non potest esse simul absolutè opinio, & scientia quoad idem; aut non opponuntur quoad simultaneam existentiam in eodem intellectu.

CAPUT QUARTUM.

*An Judicium Fidei possit conjungi cum evidentia;
& esse evidens in attestante.*

39



Æ fuerunt septima, & octava quæstiones propositæ initio hujus disputationis. Et cum magis arduum sit judicium fidei divinæ esse realiter simpliciter evidens circa suum objectum materiale, & formale (cujus evidentia est, quæ vocatur *evidentia in attestante*) quam coexistere cum actu distincto, in hoc sensu evidente: si idem judicium potest esse realiter simpliciter fidei, & simul evidens circa utrumque illud objectum, ita ut sit simul in sensu reali fidei, acque scientiæ à fortiori poterit conjungi cum actu alio realiter distincto, qui sit evidens, & scientificus. Incumbam ergo in illud primum, unde pronus est descensus ad hoc secundum. Et memineris disputationem procedere in sensu reali, physico, & entitativo, quidquid sit de frigidis nostris præcisionibus mentalibus, reflexionibus, formalitatibus, abstractionibus, & simili plebejâ turbâ importunè sese ingerere solitâ controversiis scholasticis de rebus ipsis. Non est dubium, quod fides ex solo conceptu fidei, secundum rationem solam, ac formalitatem fidei, in quantum fides, qua fides, non est scientia: quemadmodum homo in quantum animal, ac secundum formalitatem solam animalis non est rationalis. Ac quemadmodum hoc non tollit, quod homo verè, simpliciter, realiter, physice, entitativè, ac eoram Deo sit rationalis. Ita præcisiones illæ, reflexiones, aut formalitates non tollunt, quod judicium fidei possit esse simul evidens, & scientificum.

40 Igitur evidentia in attestante importat triplicem evidentiam, seu unam evidentiam trium rerum, scilicet infallibilis autoritatis Dei, item existentie revelationis divinæ, & demum sensus, quem habet hæc revelatio. Nam quid refert te scire evidenter Deum loqui, & insuper sensum, quem habet sua loquutio, si non est tibi evidens Deum polere infinitâ autoritate in suis verbis? quid item refert te hoc scire evidenter, si non agnoscis evidenter Deum loqui, vel loquutum esse? & demum, quid refert te ambo hæc scire evidenter, si obscurus est tibi sensus, quem habet revelatio? Igitur ut res, quam Deus revelavit, sit evidens evidentiam in attestante, tria hæc esse debent evidentia. Nam uno solo obscuro, vel dubio, res non erit evidens ex hoc titulo evidentie attestationis divinæ. Porro ut sit metaphysicè evidens alicui Deum loqui non est necessarium illum hominem intueri Deum, ut putat Magister Bannez, ut hinc inferat dari non posse assensum fidei sub eviden-

dentia in attestante; quoniam non omnis evidentia est intuitiva, sed multæ sunt abstractivæ. Prima enim principia, ut prima, atque universalis, non sunt evidentia intuitivè, sed solum abstractivè, ac per species alienas (& quidem sunt evidentia immediatè in se ipsis sine alia ratione suavisiva, aliàs non forent prima principia) siquidem intuitio non est universalium, sed singularium; item citra intuitionem eorum est nobis evidens metaphysicè quatuor gradus gratiæ esse plures, quàm duos, & Angelum Michaellem existere, vel non existere in rebus. Potest ergo dari evidentia metaphysica, & quidem immediata, idest non indigens alia probatione sine intuitionem rei: ergo potest Deus infundere homini evidentiam metaphysicam suæ loquutionis absque ipsius Dei, & loquutionis intuitionem. Præterea sicut habemus ex creaturis, & conceptu definitivo ipsius Dei evidentiam metaphysicam de eo quod est omnipotens, omniscius &c. absque intuitionem Dei, vel horum, attributorum; cur absque eadem intuitionem non possumus habere evidentiam metaphysicam de eo, quod ipse loquitur, consistentem vel in specie, vel in apprehensione, vel in iudicio metaphysicè evidente infusus per Deum. Nullum ergo par contradictorium sequitur ex evidentia divini attestantis, seu revelationis sine intuitionem Dei.

41. Quæritur ergo utrum obscuritas tam essentialis sit iudicio fidei, ut repugnet hoc nasci ex evidentia in attestante, idest ut repugnet hominem credere fidei divina mysterium assensu nascente (non tamquam ex objecto formali, sed tamquam ex illius applicatione) ex evidentia divini revelationis? Si hoc non repugnat quinimò possibile sit, resolvuntur facile multæ quæstiones, quas hic excitant Doctores. Prima an fides, & scientia possint coexistere in eodem intellectu circa idem objectum. Secunda an idem actus possit esse scientiæ, & fidei, quatenus simul, ac indivisibiliter procedat ex gemino motivo, uno claro, & altero obscuro. Tertia an fides possit coexistere per accidens cum evidentia in attestante, ita ut non nascatur ex trina illa evidentia dicta, sed aliundè. Quarta an fides possit coexistere intuitionem sui objecti, & consequenter an repugnet statui beatifico fides circa mysteria, quæ obscurè credebantur hic? Omnia hæc poterunt contingere de potentia absoluta, si fuerit verum, assensum quo homo assentitur mysterio propter divinam auctoritatem, & revelationem sibi evidentes quoad existentiam, & huius insuper sensum, verè, & simpliciter esse fidei Theologicæ. Nam in hoc solo, est major difficultas, quàm in singulis illorum. Probo ergo hoc esse possibile. Primò negativè solvendo argumenta contraria. Ideò hoc esset impossibile, quia Apostolus ab hac definitione exorditur cap. 11. ad Hebræos. *Est autem fides sperandarum substantiarum argumentum non apparentium*. Ad quem textum, revoco omnes alios agglomerari solitos v. g. *quid est fides? est credere, quod non vides*, ut dicit Augustinus. Item: *liquet quia fides illarum rerum argumentum est, quæ apparere non possunt; quæ enim apparent jam fidem non habent, sed agnitionem*: ut ex verbis Apostoli argumentatur Gregorius. En asylum, quo plerique confugiunt. Sed hæc nihil probant contra nos.

Hebr. 11.

Greg. hom. 26. in Ev.

T t

42 Pro;

42 Probatur. Vel censes Apostolum, & PP. dedisse definitionem metaphysicam rigorosam adamussim Dialecticè factam sicut est hæc: *Homo est animal rationale*. Vel non? Si hoc: ergo ex his verbis non colligitur esse metaphysicè impossibile assensum fidei evidentem: circa suum objectum materiale ob evidentiam divinæ attestationis. Si primum ut credit P. Esparza, est falsum. 1. quia nec Scripturæ nec PP. solent curare res metaphysicas, & purè Scolasticas, sed tantum doceant, quæ ad nostram disciplinam, & mores spectant. Sed solæ res, quæ de facto sunt, fuerunt, vel erunt sic spectant, non autem veritates merè speculativæ, & metaphysicæ: ergo dicendum, quod Apostolus, & PP. non loquuntur de fide purè possibili, sed de illa, quæ de facto datur, quæ sanè obscura est, ac meritoria, ut constat exemplis, quæ ibi congerit Apostolus, quæ omnia sunt res de facto. 2. illa definitio non convenit omni, & soli fidei divinæ, nec hujus specificum, aut characteristicum prædicatum aperit; ergo non est metaphysica definitio. Neque hunc animum habuit Apostolus. Probo antecedens. Non convenit *omni* quia fides rerum timendarum v.g. ignis æterni iudicii finalis &c., & rerum entitativè necessariorum, & consequenter nec timendarum, nec sperandarum, v.g. unicitalis, ac Trinitatis divinæ, est etiam fides Theologica; & tamen non est *sperandarum rerum*. Similiter fides rerum præteritarum, ut Incarnationis Verbi, creationis Angelorum, descendentiæ nostræ ex Adamo, & Noe, Christi Domini ex Davide, etiam est Fides Theologica; & tamen non est sperandarum, aut timendarum rerum, quippè quæ jam præsupponuntur factæ ergo istud attributum non convenit omni fidei. Neque *soli*, quia etiam assensus, moraliter tantum certus, & ille, qui innititur testimonio purè humano, vel Angelico potest esse circa rem sperandam, & non apparentem, & tamen non est fidei divinæ.

43 Rursus quia specificum prædicatum fidei divinæ, ut distinctæ à purè humana, & Angelica, est quod proximè, adæquatèque moveatur ex autoritate Dei loquentis. At in istis verbis non sonat hæc motio vox enim *argumentum* est valde generica, quam si tu contrahas ad significandum præcisè prædictam motionem, habebimus definitionem à te factam, sed non ab Apostolo traditam: ergo illa verba Apostoli non aperiunt characteristicum prædicatum fidei divinæ. Rursus neque certitudinem infallibilitatis, & indubitabilitatis, quæ sunt etiam de essentia fidei divinæ. 3. licet ista verba essent rigorosa definitio, verificarentur de fide concepta *sub*, atque ex evidentia divinæ attestationis; quia non omne metaphysicè evidens est nobis *apparent*; siquidem essentia, existentia, & multa Dei attributa sunt nobis metaphysicè evidentiæ saltem à posteriori, & tamen cum omnis cognitio quam circa Deum habemus, sit obscura, & ænigmatica, dici non potest, quod illa attributa Dei sint apparentia nobis, siquidem abstractivè tantum, atque per species alienas sunt nobis evidentiæ: ergo ex istis verbis ad summum probaretur fidem non posse esse intuitivam; secus non posset esse evidentem circa *objectum formale*, & *materiale* evidentiæ purè

Conjungibilitas fidei cum evidentia. 331

abstractiva sicut est nobis evidens Angelos existere, vel non existere, quorum neutrum intuemur.

44 Respondebis 2. cum P. Esparsa obscuritatem esse saltem de essentia fidei, sicut est risibilitas de essentia hominis, quod patere dicit ex inductione ibi facta per Apostolum, & maxime ex versu: 7. *Fide Noe, responso accepto de his, quæ adluc non videbantur, meruent aptavis arcam.* Sed contra quia tota illa inductio est de actibus fidei meritoriis, & qui de facto dantur: ergo non venit ad rem præsentem, ubi non disputamus fidem meritoriam, sed fidem in genere, ut præscindentem à meritoria, & non meritoria, & fidem de possibili; In istis autem, eisdem verbis aperit Apostolus *non apparentiam*, quam prædixerat scilicet *non visum*. Risibile autem est de essentia hominis, quia necessario sequitur ex quidditate hominis in genere prout abstractantis ab homine de facto, & de possibili.

Hebr. 11.
v. 7.

45 Respondebis 3. cum Theologis Complutensibus fidem ex se esse compossibilem cum formidine, & consequenter ex se excludere evidentiam; sicut opinio; quia ex se est compossibilis cum formidine est incompossibilis cum evidentia. Contra. Perinde est, ac si diceret Animal ex se est compossibile cum irrationali: ergo ex se excludit rationale. Igitur fides ex suo conceptu est compossibilis cum formidine non quidem *positive* quatenus illa compossibilitas sit essentialis omni actui possibili fidei, quia hoc tibi probandum; sed *negative* solum, quatenus ex suo conceptu non trahit claritatem. At qui hoc ipso potest stare cum eo, quod una species trahat *positive* hanc claritatem, sicut quod Animal ex suo conceptu non importet rationalitatem, & album ex suo conceptu non importet dulcedinem, stare potest cum eo, quod una species animatis sit rationalis, & una species albi sit dulcis: ergo illud de opinione est falsum, tum quia capite antecedente explicui opinionem circa mysteria Fidei stare posse cum assensu firmissimo fidei Theologicæ, & consequenter excludente omnem formidinem. Tum quia nil impedit discipulum docilem assentiri veritati alicui propter propriam evidentiam, & insuper propter autoritatem sui Magistri illam docentis, & propter varias rationes, & congruentias illam veritatem magis, & magis patefacientes, ut dicemus inter respondendum primæ objectioni.

46 Respondebis 3. Fides ex suo conceptu aliquid dicit diversum à conceptu scientiæ: ergo actus, qui præcisè fuerit scientiæ non est actus fidei, sed actus evidens circa objectum materiale ob evidentiam divinæ revelationis præcisè est actus scientiæ: quippe infertur evidenrer ex evidente præmissa, & propter hoc nihil aliud habet. ergo. Contra. Vel loqueris de fide genericè, vel specificè; si primum; illa importat quod moveatur ex autoritate Dei loquentis, præscindendo ab eo, quod hæc loquutio quoad existentiam, & sensum, sit, vel non sit evidens: qua præcisione differt à conceptu scientiæ, nam hæc determinate poscit, quod suum motivum sit metaphysicè evidens. Si de fide hac specifica, quam modò defendimus, importat, quod moveatur ex evi-

T t 2

dencia

dentia talis determinatè motivi nempe loquutionis Dei, non verò aliùs: & hoc differt à scientia in genere, quæ cujuscvis motivi evidentiâ contenta est; quod autem hæc species fidei sit una species evidentiæ nihil refert, nam de hoc est quæstio. Fides autem in genere, & scientia in genere non sunt duo genera *positivè* opposita sicut opponuntur substantia, & accidens, sed *præcisivè* tantum opposita, quatenus unum non convertitur cum altero, sicut non convertuntur mutuo *album*, & *dulce*. Unde sicut una species albi potest esse una species dulcis, ita una species fidei potest esse una species scientiæ; & sicut est falsum, saccarum præcisè esse album, aut præcisè esse dulce: ita falsum est, assensum evidentem circa divinam revelationem præcisè esse actum scientiæ; quoniam esse præcisè actum scientiæ, præcisè est habere motivum evidens, quodcumque illud fuerit. At actus ille non præcisè habet motivum evidens *quodcumque illud sit*, sed tale specificum, ac determinatum motivum evidens, scilicet authoritatem Dei evidenter loquentis: ergo non est præcisè actus scientiæ, sed actus talis scientiæ, nempe quæ simul est fides. Radix difficultatis, quæ contrarios urget, est cum extra præsentem quæstionem semper loquamur de fide obscura, & hac proprietate fidei, quam de facto habemus, imbuti simus à teneris unguiculis, mens semel tincta hac apprehensione ex quotidiano usu resulante, ægrè apprehendit oppositum scilicet fidem metaphysicè evidentem.

47 Sed urget Arriaga. Apprehensio, & judicium habent idem objectum materiale, ac formale, & tamen quia diversimodè tangunt illa, cum apprehensio nihil affirmet, aut neget; judicium verò alterutrum faciat, idcirco apprehensio non est judicium: ergo licet assensus evidens, ob evidentiam revelationis, habeat idem objectum materiale, ac formale, quod assensus obscurus ob revelationem obscurè cognitam, verumtamen ob diversitatem, qua illud exprimit, non est vocandus fides, sed evidentiæ. Confirmatur. Etiam Deus cognoscit evidenter objectum, quod revelat, & suam authoritatem, & revelationem, nec non connexionem horum cum illo objecto; ergo etiam cognoscit objectum illud ob suam authoritatem revelantem, & tamen non habet assensum fidei: ergo ad assensum fidei non sufficit scire evidenter objectum ob evidentiam, qua scitur divina revelatio: ergo requiritur aliud, scilicet quod revelatio non cognoscatur evidenter. Distinguo consequens objectionis non est vocandus fides in genere, nego, in tali specie determinata nempe fides obscura, & obsequiosa permitto. Sicut enim licet apprehensio, & judicium differant specie conveniunt tamen genericè sub hoc conceptu *cognitio*: unde licet neutrum vocetur nomine specifico alterius, invicem tamen vocantur eodem nomine generico scilicet *cognitio*. Ita licet assensus ob evidentiam divinæ revelationis, & assensus aliùs ob cognitionem obscuram ejusdem, differat specie; hoc probat, quod neutrum sit vocandum nomine specifico alterius, secus generico; quia ambo conveniunt sub hoc generico conceptu *Fides Theologica*, qui dividitur in fidem obscuram, quam

quam de facto habemus, & fidem evidentem de qua est præsens controversia. Sicut hic conceptus genericus *Charitas Theologica* dividitur in charitatem obscuram, & meritariam, quam habemus in hac vita, & evidentem, ac non meritariam, id est oriundam ex intuitione Dei, quam speramus in altera. Ad confirmationem permittis alijs nego in ultima illud scilicet. Requiritur sanè aliud scilicet distinctio realis inter entitatem personæ loquentis, & entitatem personæ credentis, quia de ratione fidei est esse ad aliam personam; nemo enim credit rem sibi ipsi & ob proprium testimonium; & hac de causa neque Deus potest præstare suis testimonijs assensum fidei Theologicæ neque una persona Divina quoad naturam Divinam potest credere alteri; entitas enim personarum, & intellectus Divini, & revelationis est eadem respectivè in omnibus, & singulis divinis personis, & licet Pater dixerit Filio *Filius meus est tu, ego hodie genui te*; hoc quo ad nos fuit revelatio, sed non respectu ipsius Filij, quia hæc distinctio fuit productio Verbi & hac de causa scripsi in Tractatu de Deo solum Patrem loqui in divinis ad intra, quia solus Pater producit Verbum.

§. II.

48. **U**T rationem à priori exponam adverte duo. Primum. Aliud est quod fides habeatur ex evidentia in attestant, tamquam *ex objecto formali*. Et hoc non dico quia cum evidentia illa non sit divina autoritas, & revelatio, sed ambarum notitia evidens, assensus qui illam evidentiam haberet pro objecto formali, haberet objectum formale distinctum ab objecto formali fidei. Unde non loquor de assensu sic exponibili. Credo verbum incarnasse, *quia est mihi evidens*, Deum id revelasse. Aliud quod habeatur ex evidentia illa, tamquam *ex principio subjectivo*, sive tamquam ex applicatione objecti formalis. Et hoc solum est quod disputatur, & quod solum dico. Alterum est. Aliud est quod animal rationale non sit irrationale; aliud quod non sit verè, & simpliciter animal; illud est verum; hoc est falsum; quia homo verè, & simpliciter est vivens *sensibile* in quibus duobus prædicatis stat quidditas tota animalis, & quibus immerito addetur aliud tertium socium constitutivum quidditatis animalis; quorum ratio est; quia animal non est species infima, sed genus complotens varias species, & ex negatione unius speciei male arguitur ad negationem generis, ut advertit Dialectica: *à restricto ad non restrictum valet bene affirmativè; sed non negativè*. Similiter aliud est quod Charitas, quam Beati prosequuntur Deum, non sit charitas obscura, libera, laboriosa, &c. Aliud quod non sit verè charitas Theologica. Illud est verum hoc falsum, quia verè est *supernaturalis dilectio Dei super omnia proximè ædæquari ob ipsius intrinsicam bonitatem*, in quibus solis prædicatis stat quid:

quidditas tota charitatis Theologicæ, & quibus immerito addetur aliud tertium constitutum illius. Et ratio est eadem, quia charitas Theologica non est species infima, sed genus complexens varias species, ut sunt charitas libera meritoriaque, & charitas concepta absque libertate indifferentiæ. Item charitas, quæ simul est detestatio antea acti peccati, & charitas quæ nullius antea acti peccati est detestatio v. g. Charitas quæ Christus Dominus, & Beata Mater amabant Deum.

49. Similiter ratiocinamur in præsentī. Aliud est quod assensus evidens circa rem A. conceptus ex evidentia in attestante non sit fides obscura, & talis qualis est fides, cui sumus assueti, & de qua loquimur semper extra præsentem quæstionem. Aliud longè diversum, quod non sit verè, & simpliciter fides divina, & Theologica. Illud est verum, & insuper do tibi rem falsam si volueris illam, scilicet quod ille assensus sit impotens nasci ex habitu, seu virtute fidei existente in hac providentia, eò quod habitus hic per se sit determinatus ad influendum in solos actus obscuros: verumtamen secundum est falsum, quia fides Theologica non est species infima; sed conceptus genericus complexens varias species: nempe fidem obscuram, & fidem claram: fidem meritoriam, & non meritoriam. Cujus ratio est. Tota quidditas assensus fidei Theologicæ in genere, & prout præscindentis ab omnibus suis speciebus stat juxta ea quæ diximus alibi in eo quod iudicium de objecto sit *immediatè, & adequatè propter auctoritatem Dei, illud afferentis, vel negantis*. Si aliud tertium addideris prædicatum in conceptu generico fidei, ut præscindentis à fide ea, quæ de facto existit, & ab ea quæ possibilis est, debes illud probare. Ita tamen ut non probes simul charitatem ex intuitione Dei ortam, & consequenter neque liberam, neque meritoriam, non esse verè, ac simpliciter charitatem; ergo omnis assensus id generis est fidei Theologicæ. Sed omnis assensus evidens circa rem A. conceptus ex evidentia in supradicto paulo antè num. 48. divinæ attestationis est id generis, quia est assensus quo intellectus evidenter iudicat rem esse, quia evidenter cognoscit Deum nequeuntem se, aut nos fallere, testificari illam; ergo omnis assensus conceptus ex evidentia divinæ attestationis est verè, ac simpliciter fidei Theologicæ in genere, licet non huius fidei præsentis providentiæ, ergo assensus sic evidens potest esse fidei Theologicæ.

50. Si dixeris primò hunc assensum non esse fidei quia est evidens, & ad rationem fidei in genere requiri carentiam evidentiz: perinde est ac si dicas hominem non participare rationem animalis, quia est rationalis, & de ratione generica animalis esse quod non sit rationale; quemadmodum igitur animal, & rationale non sunt invicem opposita sed constituunt unam eandemque speciem, ita fides in genere, & evidentia non debes supponere quod sint invicem opposita, nam de hoc est quæstio, & nos dicimus quod possunt constituere unam speciem fidei: sicut charitas in genere, & carentia libertatis constituunt unam speciem charitatis Theologicæ, scilicet quæ datur in Patria. Si dixeris 2. hunc assensum non esse propter divinam auctoritatem; sed propter eviden-

tiam

etiam divinæ autoritatis, & revelationis: distinguam: in genere applicationis concedo: in genere objecti formalis nego. Alibi dictum fuit, multas causas generis diversi concurrere ad assensum fidei. In genere objecti formalis motivi, & specificativi sola autoritas Dei loquentis concurreret ad eum assensum sicut sola divina bonitas concurreret in hoc genere ad charitatem, quæ regnat in Patria. In genere autem applicativo istius objecti formalis sola evidentia ista concurreret, unde assensus ille conciperetur propter solam autoritatem Dei: & propter solam evidentiam; sed in generibus diversis: sicut lignum comburitur, & propter solam activitatem ignis, & propter solam approximationem localem ad passum, sed in diverso genere; & idem generatim poterat dicere de alijs rebus. v. g. Beatos non amare Deum propter solam hujus bonitatem, sed propter intuitivam evidentiam; quam habent illius. Istæ reflexiones solent tenebras offundere rebus.

51. Si dixeris 3. cum Theologis Complutensibus solum objectum formale proxime motivum, ut distinctum ab applicatione, non esse specificativum sufficiens, quoniam assensus clarus, & obscurus habent idem objectum formale, scilicet divinam autoritatem, & tamen distinguuntur specie ob specificam diversitatem applicationis. Item charitas infusa, acquisita, & naturalis sunt simpliciter habentes idem objectum formale proximum nempe divinam bonitatem in se, & tamen distinguuntur specie, Ergo ex eo quod assensus conceptus ex evidentia in attestante habeat pro objecto formali proximo divinam autoritatem, quæ etiam est objectum formale fidei Theologicæ non sequitur assensum illum esse fidei Theologicæ. Si inquam id dixeris jam est pre-occupatum; sicut sensibile non est specificativum infimum, quia sub illo continentur species valde diversæ, ut homo, equus &c. est tamen specificativum subalternum, quia omne sensibile verè, ac simpliciter participat rationem genericam animalis, quæ ratio vocatur species subalterna. Ita objectum formale proximum adæquatum, sive actus intellectus, sive actus voluntatis, non est specificativum infimum, quia ut ista exempla bene probant, sub eodem objecto formali proximo adæquato possunt esse actus specie diversi: & hinc solum habebis quod non negamus, videlicet assensum habitum ex evidentia divinæ revelationis distingui specie ab assensu habito ex eadem revelatione obscure cognita. Cæterum est specificativum subalternum, quia omnes actus habentes tale objectum proximum adæquatum verè, ac simpliciter participant rationem genericam illius virtutis, sicut charitas in via, & charitas in Patria licet specie differant physicè eo quod una concipiat ex intuitione, & altera ex cognitione abstractiva Dei; verè tamen & simpliciter conveniunt in ratione generica charitatis Theologicæ, quia utraque verè & simpliciter est dilectio Dei purè ob suam absolutam bonitatem. Hoc dicimus de fide obscura nunc existente, & de clara quæ possibilis est; scilicet illas specie physicè differre; ambas tamen absolute verè ac simpliciter convenire in ratione fidei Theologicæ hæc hoc etiam contingit in istis exemplis, nam licet virtus infusa, vir-

tus

rus acquisita, virtus naturalis differunt specie: verè tamen, & simpliciter conveniunt in conceptu generico illius virtutis v. g. charitas infusa, charitas acquisita, & charitas naturalis verè, & simpliciter sunt *charitas* licet modo valdè dispari. Omnes isti authores adversantur nobis, quia distinguere nolunt inter genus, & speciem, & ex eo quod fides habita ex evidentia in attestante non sit fides obscura, & meritoria arguunt, non esse fidem Theologicam, quod perinde est ac arguere equum non esse animal ex eo quod non sit animal rationale.

52. Obijcitur. Nullius autoritate potest quis moveri ad assentiendum suæ propriæ vitæ, & existentia. Item ad assentiendum conclusioni quam mathematica possidet demonstratione; cuius rationem dat de Lugo: scilicet eam esse naturam intellectus, ut non possit uti medio ullo ad assequendam veritatem, quam plenè, ac securissimè possidet. Sicut neque voluntas ad obtinendum sanitatem, dignitatem, & quemvis alium finem, quem jam possidet. Ergo quia fides ex se repugnat evidentia. Confirmatur 1. Planè ineptiret, qui suâ interpositâ autoritate doceret rem, quam alter videt, aut evidenter cognoscit; quoniam ridiculus esset qui diceret *Crede mihi: bis tria non sunt quatuor sed sex*, & irrideret ei qui responderet *volo submittere intellectum auctoritatis tuæ, & irrideret illam credere bis tria non esse quatuor, sed sex*. Ergo quando res est per se evidens intuitivè, aut abstractivè non est capax feræ revelationis, aut feræ fidei. 2. tendere in objectum per modum bellantis, & cæci, & captivi, qui alienis viribus trahitur, & tendere in objectum idem per modum possidentis, & dominantis, & videntis, & spontè sua tracti sunt tendentiæ tam oppositæ invicem, quam assensus, & dissensus de eodem in idem. Sed credere est tendere primo modo, scire est tendere secundo modo. Ergo. 3. Apostolus contraponit ænigmati cognitionem facialem, & infert evacuationem illius, quando oborta fuerit hæc. Sed oppositio non se tenet ex parte objectorum: quoniam unum & idem est nempe Deus; ergo ex parte cognitionis. Sed cognitio quæ est actus fidei est ænigmatica, & quæ est intuitiva est facialis ergo hæc duæ cognitiones non possunt conjungi. 4. quoties subiectum est actuatum formâ, quæ continet totam perfectionem alterius hæc non habet locum. At evidentia continet totam perfectionem fidei. Ergo ubi datur illa, abesse debet hæc. 5. sicut parva candela vim non habet illuminandi præsentè Sole, ita fidei objectum formale non habet vim movendi intellectum præsentè evidentia.

53. Resp. objectio cum suis confirmationibus non impugnât fidem, quæ per se formaliter sit evidens eo quod nascatur ex evidentia divinæ attestationis ita ut simul, & indivisibiliter sit evidentia, & fides. Sed ad summum impugnât fidem obscuram, quæ superveniat alii cognitioni evidenti circa idem objectum; ita ut in eodem intellectu, & tempore, & circa idem coeant duæ cognitiones distinctæ, una evidens, & altera ænigmatica. Sed neque hoc impugnât. Multæ sunt actiones humanæ, quæ licet in ordine ad finem plerumque intentum per eam speciem

speciem actionis sunt superflui, & hac de causa superflui omnino, & vidiuiz videntur eis, qui sistant in cortice, & non penetrant ad nucleum; absolute tamen superflui non sunt, sed utiles, atque laudabiles, eo quia ad prudenter optabilem finem alium necessarii sunt. Sic labor illius Monachi, qui iussu à suo Abbate, rigavit per annum integrum palum sicum, superflui & ridiculus videbatur insipienti corticem actionis illius plerumque destinatz ad alendum vitam vegetativam plantarum, sed absolute, & simpliciter erat laudabilis, & necessaria ad finem alium sapienter optabilem; nempe obedientiam sui Przlati, & torturam proprii iudicii. Sic praeceptum illud supernè impositum Ezechiel, ut comederet panem coopertum stercore, quod egreditur de homine: quod praeceptum propter clamores Prophetæ fuit commutatum. *Ecce dedi tibi finem bonum pro stercorebus humanis, ut facies panem tuum in eo: videretur ridiculum, & indecorum si attendas corticem actionis; secus si mysterium inspicias, quod Deus significare volebat.* Huiusmodi exempla actionum absolute, & simpliciter necessaria, licet superflui sint ad fines intendi solitos, multa invenies. Hoc in præsentiarum.

Ezechiel.
c. 4.

54 Revelatio divina, loquutio, asseveratioque ex una parte: fides, assensus, submissio intellectualis ex parte altera plerumque diriguntur, ut homo omnino assentiatur objecto revelato, & illud putet esse verum. Sed non est hic solus finis. Alius prudenter optabilis intervenit, & quidem primario in hoc negotio fidei, nempe revereri auctoritatem loquentis, & obsequium hoc intellectuale ei præstare: scilicet propter ipsam, & propter ipsius ineluctabile pondus assentire objecto revelato. Hic autem finis nequit obtineri per solum, & purum actum scientiæ, aut evidentiz, utpotè præscindentem ex se à tali motivo in particulari quod sit auctoritas loquentis, & contentum quolibet motivo evidente: ergo absolute loquendo, & omnibus pensatis, & maxime quidditate ipsa, & natura fidei, neque est superflua revelatio, neque assensus conceptus ex revelatione evidente. Hinc ad objectionem. In primis illa supponit rem pro priori ad revelationem, & fidem esse evidenter notam, & conclusio nostra procedit, quando non præcognoscitur evidenter, sed solum cognoscitur evidenter ex vi ipsius revelationis evidētis, vel ex vi alijs motivi concomitantis, aut posterioris ad revelationem, in quo est vultum discrimen, sicut in eo, quod advertentia prohibitionis existat pro priori ad actum, vel existat pro posteriori, aut comitante: quocirca permissio antecedente cum sua probatione, distinguendum est consequens, & permittendam de repugnantia fidei cum evidentia, quæ dicatur existere pro priori ad ipsam, negandum verò de repugnantia fidei cum evidentia existente concomitante, vel subsequenter ad ipsam, sicut honestas actionis repugnat cum advertentia prohibitionis existente pro priori ad ipsum actum, sed non cum advertentia existente comitante, aut subsequenter; & eodem modo, omnes illæ confirmationes, quæ adoriuntur consortium fidei, & scientiæ, seu evidentiz præsupponendo hæc præluere illi (sicut bene im-

pugnaret consortium actionis humanæ, honestæ, & adventitiæ prohibitionis, si hæc adventitia præluceret illi actioni (cum ræmæ nostræ conclusio non statuat hoc, sed simultatem fidei, & evidentiam, quatenus illa per se formaliter sit evidens, ob evidentiam ipsius divinæ attestacionis, vel quatenus fide aliunde existente illucesceret evidentiæ in signo conitante, vel subsequente, ita ut non arguat imprudentiæ volitionem credendi, sicut non argueret malitiæ moralis actum adventitiæ illa prohibitionis, quæ non præcedit, sed subsequitur, vel comitatur illum.

55 Sed hæc, quæ alicui videbantur angustia, prætergrediens distinguo antecedens obiectionis: nullius autoritate potest quis moveri ad assensum propriæ existentia, ac vix quando nil aliud intenditur, quam assensus, seu intellectualis possessio huius veritatis, permitto; quando multo magis, & primario intenditur aliud prudenter optabile scilicet intellectualis reverentia, & obsequium autoritatis personæ loquentis nego: quia ad hoc est simpliciter necessarium moveri ex illa autoritate; & distinguo similiter, adjunctam rationem: quando non intenditur aliud, quam possessio illius veritatis, illius finis, illius dignitatis &c. concedo; quando prudenter intenditur aliud nego. Et repete exemplum illius Monachi, & multa alia ex scriptura, ut *lavare septies in Iordane &c. si percussisses quinquies, aut septies &c. si videris me, quando tollar a te &c.*, quæ videntur actiones superflua, ac ridicula, verè tamen, ac simpliciter utiles ad talem, vel talem finem, quem Deus, vel ministri sui intendebant. Porro prædictum assensum non definire esse obsequium, ac reverentiam autoritatis Dei loquentis ex eo quod fiat absque libertate constat tum ex amore, quo Beati prosequuntur Deum, qui non est liber libertate indifferentia; & tamen est cultus, obsequium, & reverentia divinæ bonitatis. Tum ex eo quod assentire propter illam autoritatem est exercitè testificatio de eo quod illa per se solam est sufficiens cuius intellectui ad credendum me vivere me existere, id est, sufficere ut quisvis alius à me propter illam solam firmiter credat me vivere. Sed hæc exercitè testificatio potest esse non ridicula, sed rationalis. Ergo.

56 Ad primam confirmationem respondeo idem. Unus irrideret, & alter esset dignus risu, siuterlibet ad nihil aliud aspiraret, nisi ad assensum illius clarissimæ veritatis; sed si aspiraret ad aliud, & quidem primario, nempe ad intellectualem reverentiam, & appretiationem autoritatis loquentis, quia ad hunc finem assequendum proprius est necessarius, quod unus loquatur, & alter non quidem captivando intellectum [quia hoc non est de ratione omnis fidei] sed simpliciter, & planè procedendo, assentiat propter illius autoritatem. Ad 2. dissimulatâ maiore, nego minorem: nam licet fides, quam habemus modò, habeatur per modum bellantis, sit obscura, & acclivis, hoc non est de conceptu omnis protus fidei. Sanè de hoc est questio. & non debes illud supponere. Ad 3. distinguo consequens: oppositio est ex parte cognitionis, quatenus fides de facto existens, & de qua loqui-

loquitur Apostolus, est sic opposita concedo: quatenus omnis prorsus fides possibilis nego; quia nostra conclusio est, possibilem esse fidem vere, & simpliciter talem, quæ per se formaliter sit evidens ob evidētiā divinæ revelationis, & non debes supponere oppositum. Ad 4. nego minorem, quia perfectio fidei non stat tota in eo, quod sit assensus utcumque objecti; sed talis specificus assensus, nimirum qui sit intellectualis reverentia, & appropriatio auctoritatis loquentis, hanc autem primariam perfectionem non præcontinet evidētia præcisè, ut talis. Ad 5. nego consequentiam, quia vis illuminativa non aspirat ad aliud nisi luce nobilitare aerem v. g. Cumque hoc longe melius fiat luce Solis, idè ad conspectum hujus candelæ non illuminat aerem, vel potius non sentitur illuminare illum. Fides autem in aliud tendit præter possessionem intellectualem objecti: nempe in appropriationem auctoritatis loquentis, quam appropriationem non imbibit evidētia, alia.

57 Obic. 2. Clarum, & obscurum circa idem, sub eadem ratione, in eodem instanti pugnant inter se; evidētia est clara, fides obscura: ergo. confirmatur: si idem actus posset esse fides, & evidētia, de eodem secundum idem: prædicata duarum specierum diversarum, quales sunt fides, & scientia, convenirent in unam tertiam speciem constituendam, & sic fierent possibles chimeræ multæ; nam esset possibilis species, quæ simul esset homo, & equus; & alia, quæ simul esset substantia, & accidens.

58 Respondeo: vel loqueris de evidētia, & fide distinctis, vel de evidētia, & fide indistinctis. Si hoc secundum! falsa est minor objectionis, nam cum illa fides sit evidens, eo quod sit assensus objecti propter evidentem auctoritatem Dei evidenter loquentis; inde est quod illa determinata fides non est obscura quidquid sit de fide alius speciei. Si illud primum? distinguo majorem: clarum, & obscurum positivè pugnant inter se concedo: clarum, & obscurum tantum negativè nego, quia sicut passim coeunt in eodem intellectu respectu ejusdem objecti apprehensio, & judicium, quorum illa nihil affirmat, vel negat; hoc autem affirmat, vel negat: ita possunt conjungi in eodem intellectu, & respectu ejusdem objecti, & secundum idem, duo alii actus, quorum unus sit per se clarus, & evidens, alter verò non sit per se clarus, & evidens, quod est esse obscurum negativè. Et dist. min. Fides est obscura positivè semper, & ex genere suo nego, quia homo non est prædicatum essentialē fidei, vel saltem de hoc est questio, & non debetis illud supponere: est obscura negativè quatenus non habet per se ex solo suo conceptu generico esse clarum, concedo minorem, & nego consequentiam.

59 Ad confirmationem distinguo assumptum: prædicata omnia specierum distinctarum possent coire in unam tertiam speciem, nego: aliqua permitto, & nego catenam subjunctam absurdorum. In eadem specie humana coeunt prædicata, quæ genericè sumpta conveniunt speciebus oppositis, quoniam prædicatum animalis convenit equo,

prædicatum rationalis Angelo; hic autem, illeque opponuntur specificè inò, & genericè non ergo absurdum, quod in hoc sensu constituant unam tertiam speciem prædicata specierum diversarum. Hoc in præsentì. Vel loqueris de scientia, & fide secundum solos suos conceptus genericos (& sic non sunt species oppositæ, nam idem actus potest esse scientia, & fides, sicut idem homo est animal, & rationale, scilicet quia non probatur, hæc duo prædicata ex suis intrinsicis invicem opponi) Vel de scientia, quæ præcisè sit scientia, & de fide quæ præcisè sit fides. Hoc modo sunt species oppositæ, & hoc modo non constituerent illam tertiam speciem, quæ simul esset scientia, & fides, nam perspicuum est, quod illa nec est scientia præcisè, nec fides præcisè. Et hæc est disparitas ad ista exempla. Homo ex sua definitione est rationalis; equus ex sua est irrationalis; substantia ex sua est per se; accidens ex sua est in alio; actus liber ex sua potest existere, & potest non existere datis omnibus prærequisitis ad ipsum; actus verò necessarius non potest non existere. Actus naturalis non superat per se vires, & existentiam totius naturæ; supernaturalis autem superat: ac qui hæc omnia respectivè sunt opposita mutuo, ut patet: ergo, attramen scientia ex suo conceptu solum habet esse *evidens iudicium ob evidentiam motivi prorsus connexi cum objecto materiali*. Fides ex suo conceptu esse *assensum, aut dissensum propter auctoritatem loquentis* (si addideris esse *positivè obscurum* petis principium, nam de hoc est questio) at qui hæc duo non opponuntur invicem positivè, ut satis apparet: ergo in re præsentì est disparitas eadem, quam omnes debemus dare pro consortio horum duorum prædicatorum *Animal rationale* in eadem specie humana.

60. Tota difficultas horum authorum hæret in eo quod immobiliter apprehendunt esse de ratione fidei positivam obscuritatem, cum tamen de hoc sit questio, & hoc sit meritò omnes possibiles species fidei per fidem, quam de facto habemus, ac experimur; & insuper est annexere conceptui generico fidei rem impertinentem, cum ille sufficienter ponatur in eo, quod sit *iudicium de objecto proxime, adequatè propter auctoritatem loquentis*; quod autem auctoritas, loquutio, & loquutionis sensus sint clara, vel obscura per accidens est, ac solum in præsentì providentia contingunt, ubi fides est valde ardua, & meritò: quod si adhuc elament pro obscuritate fidei, quam semel immobiliter apprehenderunt; dato illis obscuritatem quoad quidditatem, vel etiam quoad modum, quo contingit à parte rei illud, quod evidenter scitur esse ab evidentia in attestante. Potest namque dari evidentia divinæ auctoritatis, revelationis, ac sensus revelationis, quin deat evidentia, sed potius magna obscuritas circa quidditatem objecti revelati, & circa modum, quo est à parte rei tale objectum; sicut passim contingit in aliis rebus, quarum habemus evidentiam quoad existentiam, sed non quoad quidditatem, non quoad modum quo sunt; sic habemus evidentiam de existentia nostrarum animarum, cognitionum, amorum, recordationum &c., & tamen prorsus nescimus quid, & quo-

quomodo sint in individuo a parte rei . Denique longe facilius possunt conjungi in eodem intellectu scientia , & fides respectu ejusdem objecti materialis , si actus sint distincti : & tunc equivocationem arcebis doctrinâ eadem , qua ad finem capitis antecedentis arceatur alia similis difficultas contra conjungibilitatem opinionis , & scientiæ , sive etiam fidei .

CAPUT QUINTUM

An fides sit discursiva , seu an actus fidei possit esse discursus formalis .

61



Respondetur . Vel loqueris in sensu logico , & mentaliter præcisivo . Vel in sensu physico , & reali . Si primum neque actus fidei , ut talis , est discursus formalis , neque hic ut talis est actus fidei . Si secundum actus fidei ut talis potest haberi per discursum formalem , idest potest esse formalis discursus , & virtus ipsa fidei est discursiva quatenus physice insit in actum illum fidei , qui discursus est . Non semel monui duas difficultatum classes , & duos loquendi modos valde diversos audiri in Scholis , è quorum uno si transeas ad alterum , non veritatem invenies , sed hallucinationem . Interdum disputantur res ipsæ , & tunc debemus loqui in sensu directo , primo intentionali , physico , & reali , nam si ad solita confugas latibula reflexionum , & mentalium præcisionum perinde erit , ac miscere Græcas periodos cum Arabica oratione . Interdum disputamus , non quod res ipsa est , sed quod *apparet* esse per talem , aut talem expressionem , & tunc debemus loqui in sensu reflexo , & quem vocant secundo intentionalem , quoniam si tunc realitates ipsas reneas , perinde erit , ac Arabicas periodos interserere Latinis . Ex hoc frequente vitio transeundi ab uno sensu ad alterum , à directo ad reflexum , & è contra , frequenter nascuntur equivocationes . Igitur sicut cap . antec . non loquebamur de identitate fidei , atque evidentie in sensu formali , logico , & præcisivo , quandoquidem certum est , quod non sit de ratione fidei esse evidentem , nec de ratione evidentie esse fidem , sed in sensu directo , physico , & reali , quatenus ex eadem revelatione , ex qua actus habet esse fidem , habet esse scientiam ; quia illa eadem revelatio potest esse evidens homini quoad suam existentiam , & sensum . Ita in præsentiarum . Sed quia multi subito confugiunt ad illas latebras ut , *quatenus , quo , secundum rationem fidei &c .* hac de causa bipartitam dedi conclusionem .

62 . Probo primam partem . Fidem , qua talem , ut talem , secundum rationem fidei , esse discursivam sciet in eo quod ex vi præcis-

hujus

huius expressionis *actus fidei* possemus illicò asserere eum haberi per discursum formalem. Sed certum est quod hoc est falsum; nam non omnis actus fidei est discursus formalis cum sapissime sit unicus simplex actus, duobus, aut tribus verbis explicatus. & ad rationem discursus formalis requiratur actus distincti, eo quia formalis discursus sit transicus intellectualis ab assensu unius ad assensum alterius. Ergo si negotium hoc peragatur in sensu formali, logico, reflexo, mentaliter præcisiivo, & quem vocant secundo intentionalem, actus fidei non habetur per discursum formalem.

63. Probo secundam partem conclusionis de realitate ipsa in qua stat præsens difficultas, & declinans à via syllogismorum quam plerique carpunt. v. g. Omne quod Deus dixit, verum est. Sed Deus dixit incarnationem. Ergo hæc est verà; declinans, inquam, ab hæc via, quia objectum materiale harum præmissarum, quod eo ipso est objectum formale proximum adequatum conclusionis, ut realiter illatæ ex illis, est complexum ex veritate omnium quæ dixit Deus, & ex revelatione incarnationis. Sed hoc complexum non imbibit auctoritatem Dei, quæ præcelsè est objectum formale fidei adequatum, vel inadequatum. Ergo objectum formale istius conclusionis non imbibit objectum formale fidei. Ergo ista conclusio non est actus fidei, sed actus Theologicus. Utor igitur hoc solo entimemate, quod etiam est formalis discursus. *Deus impotens se, aut nos fallere, dixit Verbum carnem factum esse. Ergo Verbum caro factum est.* Hoc consequens mentale, ut realiter illatum ex eo antecedente, & quia illatum ex ipso, est assensus fidei Theologicæ, ergo assensus fidei Theologicæ potest in sensu reali haberi per discursum, quia non solus syllogismus, sed entimema etiam, & quævis alia argumentationis species, est discursus formalis: cum sit motus, progressio, seu transitus intellectus ab uno iudicio in aliud. Probo antecedens. Omnis actus, qui ut illatus, & qua illatus, in sensu tamen reali ex aliquo antecedente habet pro objecto formali proximo adequato auctoritatem Dei loquentis, ut illatus & qua illatus in sensu reali, est actus fidei Theologicæ: nempe hæc est definitio huius assensus. At consequens illud mentale, ut illatum in sensu reali ex eo antecedente, habet pro objecto formali proximo adequato auctoritatem Dei loquentis; quia omne consequens mentale habet pro huiusmodi objecto illud antecedens, ex quo infertur; antecedens autem ex quo infertur dictum consequens est auctoritas Dei loquentis, nam est illud, *Deus impotens se aut nos fallere, dixit Verbum incarnatum esse*; Ergo illud consequens, ut realiter illatum ex eo antecedente est actus fidei: ergo hic actus potest haberi per discursum formalem.

64. Hinc facile refellitur Magister Ferre iniquis connexionem duorum identificari adequate cum utroque. Ergo si illud consequens habet pro objecto formali connexionem illius antecedentis cum ipso consequente, habebat pro objecto formali saltem partiali consequens ipsum. Ergo non habet solam auctoritatem Dei loquentis. Sed contra: nam licet connexio sumpta in actu secundo pro actuali existentia duorum, identificetur adæquate cum utroque; Sumpta verò in actu primo, pro sola

sola scilicet vi, & efficacia inferendi terminum connexionis, ad-
quarè identificatur cum solo fundamento. Sic creatura per solam
suam essentiam infert metaphysicè existentiam Causæ Primæ. Sic
divina revelatio per solam suam essentiam infert veritatem rei re-
velatæ. Sed hæc connexio in actu primo, hæc vis, seu efficacia,
ut existat incarnatio, est objectum formale illius consequentis, ergo
hoc objectum formale adquarè identificatur cum eo complexo, quod
ponitur in antecedente.

65. Respondebis 1. consequens habere pro objecto formali illatio-
nem ex antecedente, seu quod idem est connexionem antecedentis ob-
jectivi cum ipso objectivo consequente. Annuo; sed subiungo: atqui
ista illatio, ista objectiva connexio nihil aliud est ex parte rerum, quam
prædictum complexum ex autoritate, & loquutione divina; quoniam
hoc complexum per se præcisè formaliter immediatè connectitur me-
taphysicè cum eo quod Verbum sit incarnatum. Ergo istud consequens
ut tale, in sensu tamen reali, habet pro objecto formali proximo ad-
quato complexum dictum, ergo in sensu reali est actus fidei. Quod si
dixeris hanc connexionem esse realitèr secus formaliter illud comple-
xum: & hoc sufficere ut fides & discursus sint res distinctæ sicut spes, &
charitas sunt distinctæ, quia licet ambæ habeant pro objecto formali
ipsum Deum, nihilominus objectum formale spei est Deus *ut bonus nobis*
seu ut noster ultimus finis; charitatis autem est *ut bonus absolute* in se
ipso quæ duo attributa invicem distinguuntur formaliter per rationem.
Contra est 1. quia explicatione ipsa conclusionis: præoccupatum est
hoc. Vel enim disputas rem præsentem in sensu formali mentaliter
præcisivo, & realitatibus sciendis importuno. Vel in sensu vero; phy-
sico, & reali &c. Repete illa omnia; & solum habebis quod neque
fides formaliter ut talis, præcisè est discursus neque hic formaliter ut
præcisè talis, est fides, quod verum est. Sed non habebis quod nullo
prorsus fides sit in sensu reali, & physico discursus ex illo eo-
dem titulo individuo, seu specifico ex quo est fides; quod isto eo-
dem exemplo firmatur. Nam distinctio rationis inter objectum for-
male spei, & charitatis probat non omnem actum spei esse eo ipso
actum charitatis, & è contra; Non autem probat esse impossibile
quod unus idemque actus voluntatis in sensu physico, & reali sit
simul spei, & charitatis, scilicet apprehendendo Deum super omnia
tum quia bonus est in se ipso, tum quia, ut noster ultimus finis,
est etiam bonus nobis. 2. aliud est *connexio* sic præcisè in genere, aliud
connexio determinata illius antecedentis cum illo consequente. Hæc,
non illa est objectum formale prædicti consequentis; atqui hæc, li-
cet non illa, est etiam formaliter ratione nostra illud antecedens,
nam connexio autoritatis, & loquutionis divinæ cum illo conse-
quente, formaliter ex proprijs terminis est ipsa autoritas, & loquu-
tio, sicut hoc specificum animal, quod est rationale, formaliter ex
proprijs terminis est homo; tamen animal, ut sic præcisè in gene-
re, non sit homo. Ergo objectum formale illius consequentis for-
maliter

maliter ex proprijs terminis est idem cum illo antecedente, nempe cum autoritate Dei loquentis. Ergo hoc consequens, ut tale est actus fidei.

66. Respondebis 2. prædictum consequens ut tale in sensu reali inniti connexioni antecedentis; assensum verò fidei ut talem debere non inniti connexioni, sed puro, & soli Verbo Dei, præscindenti ab omni connexionem: nam quod obsequium intellectuale est firmissimè credere Incarnationem v.g. propter fundamentum, & motivum, per se metaphysicè, absolute, ac determinatè, connexum cum illius existentia? Certè non est magna digous laude qui credit existere extrema, quando existit unio physica illorum, & sic de alijs connexionibus. Sed contra Fides non innititur Verbo Dei præscindenti ab eo quo sit Verbum Dei, vel aliùs: sed verbo Dei, ut Dei quod expressè notavit Paulus, inquiens. *Idco & vos gratias agimus Deo sine intermissione, quoniam cum accepissetis a nobis verbum auditus Dei, accepistis illud, non ut Verbum hominum. sed sicut est verè, verbum Dei.* Ergo fides innititur Verbo Dei determinatè ut verbo Dei. Ergo ut infallibili. Ergo ut connexo cum sua veritate. Hoc non obstante triplici ingenti merito restat locus. Primum & primarium assentire immobiliter existentiz ipsius Verbi, seu revelationis Dei, quæ tamen nec physice, nec metaphysicè est nobis evidens, sed aspersa non levi obscuritate, tum quoad existentiam, tum quoad sensum. Et in hoc stat captivitas intellectus quam meminit Paulus, & quam excutit hæretica pervicacia juxta Jeremiam. *Ipsenim cognoverunt jugum Domini, judicium Dei sui: & ecce magis hi simul confregerunt jugum, ruperunt vincula.* Et prius dixerat toti populo infideli. *Asaculo confregisti jugum meum, rupisti vincula mea, & dixisti non serviam.* Dedignantur hæretici formales hoc jugum, hæc vincula, hanc captivatem, quando nolunt credere Deum revelasse talem, vel talem rem, quam legitimi Pastores proponunt, ut per Deum revelatam; Sed manet eos confusio illa, quam ibidem edicit Propheta ille. Secundum meritum est, suscipere propter illam revelationem sic obscurè notam, & quasi luce tremula sussusam, multa mysteria, quæ prorsus non capiuntur, imò contra quæ vociferantur continuo variaculæ nostræ, quæ videntur metaphysicæ, quibus assueti sumus à teneris unguiculis. 3. ita adhærere illis mysterijs, ut promptus sit intellectus docilis, ad repudiandum quæcumque sibi apparentia evidentissima, si adversentur illis mysterijs juxta ea, quæ alibi dixi de excessu certitudinis fidei supra omnes alias naturales certitudines.

67. Respondent 3. Thomistæ. Prædictum eutimema non esse discursum propriè, quia non est transitus à causa ad effectum, vel ab effectu ad causam. Confirmatur 1. conclusio ut talis moveatur ex antecedente ut inferente illam. Sed hæc illativa energia stat in artificio quo disponitur antecedens. Ergo non moveatur ex pura autoritate Dei loquentis. 2. omnis discursus innititur alicui ex eis principijs *De omni, de nullo, Quæ sunt eadem uni tertio &c.* At prædictum en-

time.

timema in nullo ex ois ninitur. Ergo non est discursus. Sed contra solutionem est. Quoties intellectus ex assensu unius veritatis non includentis intra semetipsam aliam veritatem, movetur, & transit ad assensum huius alterius, verè, & simpliciter discurret intentionaliter: sicut verè, & simpliciter discurremus localiter, quoties ex uno loco adzquatè ab altero distincto, movemur ad hunc alterum (quod non contingit in assensu parvis ob assensum illius totius in quo imbibitur pars, nec in assensu veritatis singularis ob assensum veritatis universalis in qua includitur; nam tunc vere non transit intellectualiter ex uno ad aliud, sed aperitur hoc aliud quod latebat, & imbibebatur in illo uno) At licet revelatio, & mysterium non se habeant ut causa, & effectus; verumtamen ex assensu revelationis ut divinz, & infallibilis verè, ac simpliciter movetur, ac transit intellectus ad assensum mysterii, ut patet. Ergo licet non sint causa, & effectus &c. major probatur tum quia illa est definitio discursus ultra quam non progreditur, & alias fiet questio de voce. Tum quia cum apud Theologos non sit dubium de eo quod revelatio incarnationis, nec sic causa nec effectus huius, nulla esset questio, & difficultas præsens si de ratione discursus foret esse transitum à causa, vel effectui. Ad 1. confirmationem dist. minorem illam vim *energia logica* stat in artificio concedo. Sed non sum loquutus de hac: *physica*, & *objectiva* nego quia hæc stat in infallibilitate ipsa Verbi Dei: hæc infallibilitas stat in connexionne intima, & essentiali cum sua veritate, & moveri ex hac infallibilitate est character auditus fidei, nam sic suscipimus Verbum Dei, ut est verè Verbum Dei, & non ut Verbum hominum juxta Paulum jam citatum. Ad 2. concedo majorem de discursu syllogistico, Aristotelico, à quo abstinere me jam dixi; sed nego illam de discursu innixam merz, & purz connexioni metaphysicz antecedentis cum consequente, qualis est discursus de quomodo, quia in eo non desideratur aliud artificio nisi quod intellectui docili obijciatur testimonium, ut Dei, & consequenter ut infallibile, ad hoc ut ex assensu illius transeat ad assensum mysterij.

§. II.

68. **H**inc PP. frequenter negantes, fidem esse discursivam, ceretè non negant hanc determinatam speciem discursus: quia non negant iudicium fidei moveri ex assensu infallibili autoritatis Dei loquentis, sive totum hoc contingat unico simplici actu, ut volunt adversarii, qui actus erit discursus virtualis, sive gemino actu ut posse fieri nos contendimus, in quo casu datur discursus formalis. Solum ergo negant PP. speciem illam audacis, & temerarij discursus sapiendi plusquam oportet sapere, scrutandi Majesta-

rem divinam, & altiora nobis querendi. Rursus in hac specie discursus, non datur processus in infinitum, quia illud antecedens, nempe divinam revelationem non credimus propter aliam divinam revelationem reflexam, sed immediatè propter ipsius intinsecam transcendentelem veritatem nobis patefactam, *remore* quidem, & *ab extrinseco* per argumenta credibilitatis alibi data; *proximè* verò, & *ab intrinseco* per coelestem illam apprehensionem, seu interiorem vocem Dei de qua supra; licet enim existentia ipsa revelationis sit de fide; non est de fide instar conclusionis, seu instar mysteriorum, sed instar primi principij. Et quidem non est novum quod idem, *secundum* idem, sit objectum materiale, & formale ejusdem actus: actu enim charitatis amamus divinam bonitatem propter ipsam solam. Ergo ipsa est simul objectum formale, & materiale illius amoris; Sic actu spei aspiramus ad nostrum ultimum finem, quia noster ultimus finis; actu metaphysicè evidente assentimur objecto per se noto, propter ipsum, & sub illa ratione sub qua est per se notum. Denique non multiplicamus moraliter habitus ex eo quod uni actus sint essentialiter discursivi (ex solo tamen objecto formali fidei) & alij non sunt: quia hæc distinctio est purè philosophica: sicut quod uni actus fidei sint affirmativi, alij negativi, uni conditionales, alij absoluti. Et ratio est, quia omnes habent idem specificativum Theologicum, idest objectum formale proximum adæquatum.

69. Obijciat. Indivisibile iudicium debet esse assensus revelationis propter se, & mysteriorum propter revelationem: sicut indivisibilis visio lucis materialis, est intuitio lucis, & coloris, quibus aspergitur paries. Ergo assensus mysteriorum nunquam potest haberi per discursum; quia in hoc debent intervenire saltem duo actus distincti. Confirmatur. Omnis cognitio fundamenti, ut connexi cum termino, est simul & indivisibiliter cognitio termini ut alibi probavi, nempe quia vel tendit sic præcisè *existit hoc fundamentum vel sic existit, & est connexum cum*; vel sic, *existit, & est connexum cum A* hoc solo tertio modo exprimit fundamentum, ut connexum cum A non vero illis duobus prioribus: hoc autem tertio modo exprimit ipsum terminum A. Sed illud antecedens exprimit divinam revelationem ut infallibilem, & consequenter ut connexam cum Incarnatione v.g. ergo illud antecedens hanc exprimit, ergo non datur discursus, quia non datur alia secunda cognitio superflue repetens existentiam incarnationis. Respondeo hæc duo multum probant, quia impugnant omnem humanum discursum in omni materia, nam semper antecedens debet cognosci ut connexum cum consequente, ut intellectum movere in assensum hujus. Igitur nego antecedens, & exemplum, & nego pariter majorem confirmationis. Aliud est quod assensus mysteriorum, propter revelationem adæquarè sumptus sit unum iudicium: aliud quod sit necessariò unum indivisibile iudicium. Item aliud est quod visio lucis, & coloris adæquarè sumpta sit una visio, & aliud quod necessariò sit una, & indivisibilis visio: Item aliud est quod cognitio

gnitio fundamēti, ut connexi, vel oppositi cum A. sit una cognitio; aliud quod semper ac necessariò sit una indivisibilis cognitio. Priora sunt vera, quia cognitio revelationis ut infallibilis, atque ut connexa cum incarnatione, sumpta adæquatè exprimit revelationem, & connexionem ipsius, & incarnationem, & nisi hæc omnia exprimat non erit cognitio *revelationis ut connexa cum incarnatione*; quamobrem complexum ex antecedente, & consequente est adæquata cognitio revelationis, ut connexa cum incarnatione. Posteriora sunt falsa, quia ista eadem cognitio coalescere potest ex tribus cognitionibus, vel saltem duabus invicem distinctis, quarum una enunciet existentiam revelationis, altera infallibilitatem, & tertia existentiam incarnationis, quia non cognoscimus in momento omnia sicut Deus, qui ideo discurrere nequit. Sed hoc ipso quod partes istius adæquatæ cognitionis sint realiter distinctæ, potest dari transitus, seu discursus intellectualis ex una ad alteram; ergo non nego apprehensionem prælucentem consequenti formali, plerumque esse unam, & simplicem, sed solum nego, quod tota integra cognitio iudicativa *revelationis, ut connexa cum mysterio* sit necessariò unica indivisibilis; aliàs juxta rationes istas contrarias expungendus esset omnis humanus discursus formalis.

70 Obiic. 2. duo axiomata. *Propter quod unumquodque tale, & illud magis*, ut scribit Aristoteles. Sed assensus mysterii, ut illatus ex assensu revelationis, est certus propter divinam revelationem, si vera nostra sententia: ergo magis certa erit existentia divinæ revelationis. Sed hæc est de fide: ergo non omnes assensus fidei sunt æquè certi, sed uni magis, quàm alii. Confirmatur. Assentimur mysterio propter assensum divinæ autoritatis. Sed hic assensus est naturalis, quia evidens est metaphysicè Deum pollere autoritate infinita: ergo primò assensus naturalis est magis certus, quàm assensus mysterii, quod absit, cum fides superet certitudine assensus omnes naturales: ergo secundò, assensus mysterii est naturalis quandoquidem conclusio sequitur debiliorem partem juxta Aristotelem. Respondeo hæc omnia impugnant similiter assensum fidei, qui sit simplex, & sine discursu habitus: nam cum semper debeat inniti autoritati, & loquutioni divinæ, tanquam objecto formali motivo; aliàs non erit fidei Theologicæ, idcirco semper est assensus propter autoritatem, & loquutionem Dei, sive unus tantum intersit actus intellectus, sive duo; ergo omnes debent respondere argumentis istis. Abundè explicui alibi ista axiomata. Nunc verò breviter dico. Aliud est, quod unus assensus fidei sit magis certus, quàm alius fidei etiam certitudine infallibilitatis; aliud certitudine indubitabilitatis & ambo sunt falsa, quia omnes illi æquè insistant eidem infallibili motivo, & æquè repellunt omne dubium, & formidinem in illa materia in qua exercentur. Aliud certitudine claritatis, seu potius minoris obscuritatis, aliud certitudine majoris vehementiæ in actu volitionis repellente omne dubium, & formidinem. Hæc duo possunt esse vera, Tum quia unæ res fidei sunt magis clæræ,

1. poster.
cap. 2.

8. Topic.
cap. 4.
1. Prior.
cap. 8.

seu minus difficiles, & obicurræ, quàm aliæ. Tum quia sicut omnis perfecta contritio repellit omnem voluntatem peccandi graviter, & tamen non omnes contritiones sunt æquales ardore, & intentione. Ita licet omnes assensus fidei sint æquales certitudinibus aliis; possunt dispares esse in ardore, & intentione tum ipsius iudicii, tum actus voluntatis imperantis illud, & repellentis omne dubium. Hoc in præsentia: cum tota difficultas fidei stet plerumque in eo, quod Deus revera docuerit tale, aut tale mysterium (stabilito namque Deum docuisse Trinitatem v. g. aut aliud æquè acclive, non est jam tam difficile credere rem illam) idcirco totus conatus animæ docilis est in fide, & assensu de existentia talis revelationis. Argumenta etiam omnia credibilitatis eo tendunt, ut gignant evidentiā moralem existentie revelationis. Lumen denique interius suavisum existentiam illius immediatè, ac directè suadet, quia ut dixi semel superatā difficultate credendi, quod Deus talem, vel talem rem docuerit, levis, vel nullæ restat difficultas in assensu illius rei. In hoc sensu fides de existentia revelationis certior est, quàm fides mysterii, qui sensus sufficit ad salvandum veritatem illius axiomatis, habentis multas aliunde exceptiones.

71 Alterum axioma rimas etiam habet. Dico breviter assensus prævias de eo; quod Deus infinitè pollet autoritate, in primis non est semper assensus naturalis, sed interdum etiam est fidei Theologicæ, quia ut suo loco notavi, suppositā evidentiā naturali illius autoritatis (sicut suppositā vi ipsā discursivā intellectus, & multis aliis naturaliter prærequisitis) intellectus iterum assentitur eidem autoritati propter veracitatem, & sapientiam Dei testificantis de se hoc attributum, sicut testificatur alia, v. g. se esse vivum Deum, unicum, immortalem &c. Et licet hic secundus assensus sit superfluous in ordine ad intentionalem possessionem illius autoritatis, hoc est in ordine ad sciendum firmissimè Deum fungi eā autoritate; non tamen est superfluous, sed simpliciter necessarius in ordine ad rem prudenter oprabilem, scilicet intentionale obsequium exhibendum Deo, quia hoc obsequium non exhibetur per prævium illum assensum naturaliter evidentem. Præterea si prævius ille assensus est naturalis, fides non debet esse certior illo, quia solum est certior omni alio extraneo assensu naturali id est non prærequisito indispensabiliter ad ipsam. Atqui assensus de infinita Dei autoritate est indispensabiliter prærequisitus ad fidem: ergo si omnino insistas, quod ille assensus debeat esse naturalis, eo ipso fides illi innixa non debet esse certior illo in particulari. Ex his duobus elige, quod malueris, & habebis, quod in entimemate ab initio proposito non est pars debilior, quàm sequatur fides, quæ ponitur in consequente.

72 Hinc 1. quando dicimus fidem posse esse discursivam, id est haberi per discursum formalem, non loquimur de discursu, cuius antecedens sit veritas aliqua per Deum revelata, qua talis (consequens enim quod ex ea inferitur præcisè ut tale, non est iudicium fidei, sed actus.

actus Theologiz) sed loquimur de discursu cuius antecedens est obiectum ipsum formale fidei nimirum autoritas Dei loquentis, quæ licet etiam de fide sit, non est de fide ut conclusio, sed ut primum principium: non item ut obiectum purè materiale, sed insuper ut formale; imò nec loquimur de quovis discursu ex obiecto ipso formali fidei, quia non loquimur de Syllogismo, sed de solo entimemate jam dicto, quia in Syllogismo sunt speciales difficultates desumptæ ex artificio necessario ut concludat, quod artificium ad solam Logicam spectat. In entimemate autem dicto non est aliud artificium nisi obicere intellectui verbum Dei ut infallibile, nam illicò solà instructus Logica naturali, idest naturali vi cognoscitiva, deducet assensum fidei; quod si loquaris in casu, quo revelatio ipsa sit reflexè revelata, ut non rarò contingit in Scripturis *Hæc dicit Dominus &c.*, & in Conciliis Aëumenicis reflexè definitivis Deum revelasse talem, aut talem rem, tunc revelatio directà comparata cum reflexa est obiectum materiale fidei; comparata verò cum mysterio ipso est obiectum formale: ergo semper subsistit, quod assensus mysterii habitus per discursum ex revelatione directâ, habetur per discursum non ex veritate fidei utrunque, sed ex veritate fidei, quæ simul est obiectum formale fidei: ergo subsistit, quod non est actus Theologiz, sed fidei.

73 Hinc 2. licet conclusio ut illata in sensu reali ex duabus premis de fide hoc est per Deum signatè revelaris v. g. *Omnis homo descendit ex Adam: sed Christus est homo: ergo descendit ex Adam.* Vel ex duabus, quarum major universalis sit metaphysicè evidens, & minor singularis sit de fide v. g. *omnis homo est animal rationale: sed Christus est homo, ergo Christus est animal rationale.* Vel ex duabus, quarum major universalis sit de fide, & minor sit metaphysicè evidens v. g. *omnis homo habet animam immortalem: sed Petrus est homo: ergo Petrus habet animam immortalem;* licet inquam conclusio sic illata possit esse aliàs de fide, seu habere veritatem fidei theologicâ credibilem, ut patet in his eisdem tribus Syllogismis, quorum conclusiones utpote per Deum revelatæ habent veritatem credibilem fidei theologicâ, quapropter contradictoriæ illæ absolute loquendo essent hæreses formales, licet solum sine errore, si duntaxat considerentur ut oppositæ conclusioni evidenter illatæ ex veritate de fide juxta ea, quæ alibi diximus. Veruntamen nulla conclusio ut sic præcisè illata, idest attentò solo capite illationis ex obiectis purè materialibus fidei, est actus fidei, sed actus solius Theologiz; quia scilicet assensus fidei non est capax alius illationis, nisi ex solo obiecto formali fidei, quod etiam est obiectum materiale, cum etiam credamus fide divinâ Deum fungi autoritate infinitâ in suis revelationibus, & insuper eum revelasse incarnationem: fide inquam divinâ non instar conclusionis, sed instar primi principii.

74 Probo igitur nullam conclusionem, ut sic præcisè illatam esse assensum fidei. Nullus assensus, cujus obiectum formale proximum adæquatum est distinctum ab obiecto formali proximo adæquato fidei Theologiz, est assensus fidei Theologiz, quia nullus assensus hujus
fidei

fidei habet obiectum formale proximum adaequatum distinctum ab obiecto formali proximo adaequato fidei, aliàs esset, & simul non esset assensus fidei. At omnis conclusio illata ex dictis præmissis, ut sic præcisè illata, & attenda hac sola illatione, quidquid sit de aliis titulis, est assensus ejus obiectum formale proximum adaequatum distinguitur ab obiecto formali proximo adaequato fidei Theologicæ. Probatur. Obiectum formale proximum adaequatum hujus conclusionis, præcisè ut illatur ex eis præmissis, est veritas ipsa objectiva præmissarum, ut contingit in omni alia conclusione formali in quavis alia materia, sed quia illud, quod proximè adaequatè movet intellectum ad conclusionem ut talem, est veritas ipsa objectiva utriusque, vel saltem unius præmissarum prorsus connexa cum veritate consequentis, vel assigna aliud immediatum, adaequatum motivum, ut quid enim assumentur præmissæ, nisi ut proximè adaequatè moveant intellectum ad assensum, conclusionis? At veritas objectiva illarum distinguitur ab obiecto formali proximo adaequato fidei theologicæ: nam distinguitur ut per se patet à complexo ex autoritate, & revelatione divina, quod solum complexum est obiectum formale proximum adaequatum fidei theologicæ, ut nunc suppono. Ergo.

75 Neque dicas primò. Quando ambæ præmissæ sunt de fide, obiectum formale proximum illarum esse complexum ex autoritate, & revelatione: ergo si conclusio habet pro obiecto formali proximo eas præmissas, habet pro obiecto formali remoto, & ultimo illud complexum: ergo tandem conclusio resolvitur in obiectum formale fidei: ergo est assensus fidei. Hoc nego, quia solum probat ista ratio eam conclusionem esse actum Theologicæ, non autem fidei: nam certum videtur, dari distinctionem aliquam inter Theologiam, & fidem theologicam; sed multa alia est distinctio, nisi quod fides movetur proximè adaequatè ex eo complexo; Theologicæ verò solum remotè, nam habet præmunere characteristico deducere certò alias, & alias veritates ex eis, quas Deus revelavit, & consequenter ultimò resolvit suas conclusiones in autoritatem, & Verbum Dei: ergo. Præterquamquod alibi adverti actus humanos non semper specificari ab obiecto formali remoto, & resolutivo, sed à proximo; aliàs virtutes purè morales imperatæ per actum virtutis theologicæ evaderent theologicæ, & vice versa.

76 Sed quia adversarii insistere solent huic paritati finis ultimi, à quo specificari dicuntur media, proxima, & remota adverte duo. Primum, istud universim loquendo esse falsum: solet enim finis ultimus esse bonus moraliter, & medium assumptum esse peccaminosum. Item finis ultimus actuum humanorum debet esse gloria Dei, quæ spectat ad charitatem Theologicam: & consequentio nostri ultimi finis, quæ est obiectum spei Theologicæ; & tamen non omnes actus humani boni sunt verè, & formaliter charitatis, aut spei Theologicæ: ergo non semper medium, proximum, aut remotum est ejusdem speciei moralitatis, ad quam spectat finis ultimus, & ultimo resolutivus; quapropter

per actus intellectus, & voluntatis interdum specificantur ab ultimo suo resolutive, sive fine ultimo, ut multis exemplis ostendunt adversarii, interdum autem non, ut ego ostendi; scilicet quia ad rectè iudicandum, in qua specie sit talis, vel talis actus humanus, oportet circumspicere omnia, & non debet attendi unum solum, scilicet objectum formale ultimè resolutivum; ergo licet hoc sit unum, & idem possint præmissæ v. g. & conclusio non esse in eadem specie, eo quia cetera sint disparia. Hoc in præsentī. Præmissæ illæ moventur proximè adæquatè ex autoritate Dei loquentis illas res, quæ dicuntur de fide esse [in quo stat formaliter adæquatè, quod sint iudicia fidei Theologicæ] Conclusio autem proximè adæquatè ex veritate ipsa præmissarum, in quo stat, quod sit conclusio Theologica, idest deducta ex veritatibus fidei: quia autem Fides, & Theologia licet differant specie conveniunt in conceptu generico *doctrina sacre*, ideò dici potest prædictam conclusionem purè Theologicam specificari quoad speciem subalternam, secus quoad infimam, ab autoritate Dei loquentis; sicut homo, & equus specificantur quoad speciem subalternam à sensibilibitate. Differentiæ autem infimæ inter fidem, & Theologiam sunt, quod illa proximè, ac totaliter movetur ab ea autoritate; Theologia verò nec proximè, nec totaliter, sed insuper à veritate ipsa objectiva, quam Deus revelavit. Secundum est: quod si prædictam conclusionem dixeris esse de fide *mediatè*, non repugnabo: quia hoc nil est aliud, quàm inferri ex propositione de fide, quod verum est, sed ex hoc insurgit præsens difficultas, utrum scilicet eo ipso sit formaliter in seipsa assensus fidei, & non merè Theologicus, ita ut propositio contradictoria non solum sit erronea, verum etiam hæretica? Semper insistendum est in eo, quod habitus fidei, & habitus Theologiæ sunt distincti, sicut illatum ex inferente, non est autem alia distinctio, nisi quod assensus fidei movetur proximè adæquatè ex sola autoritate Dei loquentis, assensus verò Theologicus ex veritate objectiva, quam Deus loquitur. Ex hoc discrimine nascitur aliud, nempe quod contradictorium assensus fidei est hæresis. Contradictorium verò assensus theologi præcisè ut tale solum est error in fide. Censuræ autem erroris, & hæresis ut distinctæ notantur ab Ecclesia.

77 Neque dicas 2. affirmantem rem A, affirmare eo ipso omnia, quæ infallibiliter trahit secum res A: maxime quando hæc affirmatur cum præscientia hujus connexionis. At veritas geminæ præmissæ dicitur infallibiliter trahit secum veritatem conclusionis, ut ponitur: ergo si Deus affirmavit geminam illam præmissam, eo quod ambæ sint de fide, affirmavit eo ipso veritatem conclusionis, ut illarum ex eis præmissis: ergo etiam conclusio est de fide, & assensus illius verè, & formaliter est fidei, & non solius Theologiæ. Hoc distinguo, quando habet pro objecto formali proximo, & adæquato illud divinum testimonium, ut tale concedo (& jam dixi conclusionem eam posse aliàs credi per actum fidei) quando secus, nego. Atqui conclusio, ut illata ex præmissis, & hoc solo titulo illationis inspecto, non habet aliud ob-

jectum

etum formule proximum adæquatum nisi veritatem ipsam objectivam præmissarum, quæ veritas licet per Deum revelata non est ipsa divina revelatio, ut patet: ergo licet conclusio sit aliàs credibilis per fidem; verumtamen *ut illata ex præmissis*, & hoc solo illationis titulo inspecto, non est iudicium fidei, sed Theologiæ. Itaque qui reflexè advertit Deum revelantem præmissas, revelare etiam quasi indirectè conclusionem, potest credere præmissas, & conclusionem propter divinum testimonium, & consequenter per actum fidei, & tunc si datur discursus formalis format sibi intellectus unum entimema, cujus antecedens est revelatio, & consequens coalescit ex præmissis illis, & conclusione. Non tamen loquimur in hoc casu, sed in casu, quo propter revelationem assentiatur illis præmissis, & propter harum veritatem objectivam assentiatur consequenti objectivo, in quo solo stat, quod hoc consequens sit illatum ex præmissis.

78 Sed obices 1. licet ad affirmandum, v. g. de Sancto Petro, illativè, ac per discursum, accepisse Spiritum Sanctum sit necessaria notitia continentia in ea universali *Omnes Apostoli susceperunt Spiritum Sanctum*: verumtamen hæc notitia non est objectum formale illius affirmationis; sed mera conditio applicans illud objectum. Sed hoc ipso objectum formale illius affirmativæ conclusionis est ipsa divina revelatio enuncians *omnes Apostolos suscepisse Spiritum Sanctum*: ergo. Multa etiam probant aliqui majorem, sed ego interea nego minorem; nam juxta istum discursum, si veritas singularis de eo, quod *Petrus fuit Apostolus* non constituit objectum formale proximum illius conclusionis affirmativæ; sola illa major universalis *Omnes Apostoli &c.* erit objectum formale proximum illius conclusionis, quia ut commune est omnibus aliis materiis, objectum formale proximum conclusionis, *ut illata ex præmissis* est veritas ambarum, vel saltem unius. At veritas illius majoris universalis, quamvis innitatur divinæ revelationi non est tamen ipsa divina revelatio, ut constat: ergo subsistit, quod objectum formale proximum illius affirmativæ conclusionis, *ut illata ex eis præmissis*, & hac sola perpensa illatione, non est divina revelatio, sed veritas quædam per Deum revelata, & innixa ipsi divinæ revelationi: ergo subsistit, quod ea conclusio, *ut sic illata* non est assensus fidei, sed conclusio quædam Theologica, quamvis ut non illata ex præmissis, sed ut imbibita in ea majore. *Omnes Apostoli susceperunt Spiritum Sanctum*: sit de fide; quod si propterea dixeris nec illam majorem esse objectum formale illius conclusionis, sed ambas præmissas esse meram applicationem divinæ revelationis, & hanc solam esse objectum formale proximum adæquatum illius conclusionis; quomodo probas? Et debes dicere idem de omni alia conclusione formali, scilicet objectum formale proximum adæquatum ipsius, utalis, non esse præmissas, quæ assumuntur ad probandum, & inferendum illam. Undè immeritò contendunt aliqui omnes propositiones Theologicas deductas ex veritatibus fidei, esse quoque de fide, & hac de causa dicunt hanc propositionem: *Christus est risibilis*, esse de fide. Etenim ali-

aliquod discrimen datur ex parte rerum inter assensum proxime adæquatè inanius soli auctoritati Dei loquentis, & assensum innixum proxime adæquatè, non huic soli auctoritati, sed *ut res* adæquatè distinctæ ab hac, licet ex hac illate. Primum vocamus assensum fidei, secundum assensum Theologiæ: ergo inter hos duos assensus datur discrimen ex parte rerum, & quidem non purè physicum, ac materiale; sed Theologicum, & formale ob specificam diversitatem Theologicam objectorum formalium utriusvis assensus. Constat insuper à posteriori quia dissensus certò appositus primo assensui est hæresis formalis, & externè prolatus trahit secum reservationem; oppositus autem secundo est solum error in fide, & non trahit secum externè manifestatus reservationem, alia ve pœnas annexas hæresi formali.

79 Obii. 2. Sicut est evidens convenire unicuique singulari quidquid convenit rationi communi; ita est evidens posse, ac debere esse motivum sufficiens ad asserendum de uno singulari rem A: quidquid est motivum sufficiens ad asserendum illam de ratione communi. sic si motivum solum religionis movet Regem ad expellendos, è suo Regno omnes Hæreticos, hoc idem movet sufficiens eundem ad expellendum Martinum Hæreticum. At sola divina revelatio movet assensum universalem: *Omnes Apostoli susceperunt &c.*, ergo illa sola movet singularem nempe, quod *hic susceperis Spiritum Sanctum*: ergo illa sola movet hanc conclusionem: *Divus Petrus suscepit Spiritum Sanctum*. Distinguo majorem ad asserendum per ipsam propositionem universalem de uno singulari rem A: concedo [quia cum ratio communis non sit à parte rei idea aliqua phantastica, & Platonica, sed hic, & ille singularis, de hoc, & de illo singulari enunciatur A: quando enunciatur de ratione communi: ergo illud, quod est motivum sufficiens ad asserendum rem A de ratione communi, est sufficiens ad asserendum illam de unoquoque singulari, asserendum inquam per ipsam propositionem universalem] ad asserendum per propositionem discursu illatam ex ea universali, subdistinguo est motivum sufficiens remotum concedo: proximum nego; quia hæc propositio, *ut illata* ex ea universali habet pro motivo remoto, quidem; & ultimè resolutivo illud, quod est motivum proximum, & immediatum illius universalis; pro motivo autem proximo, & immediato veritatem ipsam universalem, ex qua supponitur inferri per discursum: ergo, non est alius fidei Theologiæ, sed solius Theologiæ, licet aliàs possit esse per se de fide, & per se revelata independentè ab illatione ex illa universali, ut initio adverti. Idem dico ad istud exemplum. Volitio interdicendi Marcino igni, & aquâ, imbibica in ea volitione generali contra omnes Hæreticos habet motivum Religionis, volitio autem partialis, *ut illata*, ex ea generali, habet pro motivo remoto motivum Religionis, pro motivo autem proximo ex passionem omnium Hæreticorum, simul cum eo, quod Martinus sit Hæreticus.

Finis Tertiæ Disputationis.

Y I

DISPU.

DISPUTATIO IV.

DE VOLUNTATE, AC SUIS ACTIBUS
IN PARTICULARI.

Volumus, nolumus, amamus, odimus, speramus, timemus &c. ; ergo habemus facultatem, potentiamque eliciendi has operationes. Hæc facultas, sive potentia est, quæ vocatur voluntas *in actu primo*, quamque in Prodromo disp. 4. num. 18. dixi identificari realiter cum anima : & exercitia illius, præsertim positiva, & quæ sunt prosecutiones, dicuntur voluntas *in actu secundo*. Hujus potentie objectum formale quoad actus prosecutionis, horumque specificativum, & distinctivum quoad nos, est *Bonum*, quod sit honestum, aut utile, aut delectabile (in quas tres classes dividunt communiter Philosophi omne bonum respectivum, & in actu secundo ; quamvis etiam Deus formaliter in se ipso sit bonus absolute, ac diligibilis actu puro charitatis, quin formaliter in se ipso sit honestus, utilis, aut delectabilis, siquidem tria ista innuunt actus quosdam creaturæ) quoad actus verò fugæ est *malum* oppositum eidem bono. Nam sicut amas, aut vis rem proximè adæquatè *quia est bona* ; ita odisti, aut non vis rem proximè adæquatè *quia est mala*. Magna pars Theologiæ Speculativæ versatur circa hanc potentiam, & suas operationes : & magna alia pars circa intellectum, & hujus operationes. Unde oportet hæc omnia benè nota habere ad vitandum æquivocationes, quæ ibi occurrunt passim, ob ignorantiam, pravamque intelligentiam harum rerum. Disputabo itaque primo in genere, deinde in specie actus voluntatis, discernendo illos inter se, aperiendoque illorum quidditatem, ut ex definitione, atque divisione firmiores habeantur discursus super specificis eorundem proprietatibus, reciprocaque oppositione, aut conjungibilitate. Proprietatem autem genericam *vitalitatis* (sunt enim actus vitales) jam exposui disp. 1. Proprietatem *spiritualitatis* gene-

genericam etiam, explicui disp. 4. Logicae majoris. Proprietatem latissimam naturalitatis, ac supernaturalitatis explicant Theologi sicut & proprietatem libertatis, necessitatis, honestatis, inhonestatis, seu bonitatis, & malitiae moralis.

CAPUT I. De *Voluntario*, advertentiaque requisita, aut non requisita ad illud. num. 1.

CAPUT II. De actu potentiae appetitivae sufficiente, & de non sufficiente: de requisito, & de non requisito ad voluntarietatem. num. 29.

CAPUT III. Cetera, quae poscit, vel non poscit voluntarietas. num. 50.

CAPUT IV. De multiplici specie voluntarietatis. num. 56.

CAPUT V. De actibus prosecutionis, atque aversionis in genere. num. 70.

CAPUT VI. De volitione, atque nolitione. num. 85.

CAPUT VII. De spe collata cum desiderio, fiducia, & aliis. num. 103.

CAPUT VIII. Exponuntur attributa objecti materialis spei. num. 112.

CAPUT IX. An bonum alienum possit esse objectum spei? num. 120.

CAPUT X. An, & quae arduitas requiratur in objecto spei? num. 142.

CAPUT XI. *An, & qua ratione debeat esse futurum objectum spei?* num. 163.

CAPUT XII. *Quid, & quotuplex sit timor?* num. 181,

CAPUT XIII. *De presumptione.* num. 223;

CAPUT XIV. *De desperatione.* num. 238.

CAPUT PRIMUM.

De Voluntario, Advertentiaque requisita, & de non requisita ad illud.

I



CTUS voluntatis alii sunt *Prosequeutivi*, quibus anima quasi fertur extra se in objectum, & quasi magis est ubi amat, quam ubi animat (sed cave ne hoc *quasi*, sive hanc similitudinem confundas cum identitate) tales sunt amores, volitiones, desideria, appetitus, gaudia, delectationes, simplices complacentiæ, & similes. Alii sunt *aversivi*, & fugitivi, quibus anima aspernatur, averfatur, fugit, reprobaturque objectum. Tales sunt nolitiones, odia, timores, displicentiæ, & similes, quibus anima discedit, & quasi tergus vertit objecto. Eandem diversitatem experimur in actibus intellectus, si quidem unis affirmamus, assentimur, adhaeremus objecto; aliis negamus, dissentimur, recedimusque ab objecto. Et sicut ratio proxima, formalis, adæquata, & consequenter objectum formale horum dissensuum, est falsitas, seu non esse objecti. Ita ratio proxima, formalis, adæquata, & objectum formale earum fugatum voluntatis est malitia, quæ apparet in objecto. Et sicut illi verè simpliciter sunt exercitia potentiz intellectivæ. Ita hi verè sunt exercitia potentiz volitivæ. Utrique possunt esse efficaces, vel inefficaces, vel mixti. *Efficaces*, vel purè affectivè quatenus magnam quamdam habent intensionem, & vehementiam (non enim solæ qualitates physicae, verum intentionales quoque, sunt capaces intensionis, ac remissionis, ut frequenter experimur) vel effectivè quatenus moraliter, physicè, aut metaphysicè determinant animam ad objectum, si sint actus *prosequeutivi*: vel repellunt objectum si sint actus fugæ, & aversionis. *Inefficaces* item, vel purè affectivè, quatenus sunt remissi, & frigidi: vel effectivè quatenus neque ex se connectuntur cum objecto, modo ullo ex tribus illis, licet sint *prosequeutivi* illius, neque cum illo opponantur. *Mixti* demum quatenus vel sint efficaces affectivè, & inefficaces effectivè, aut vice versa. (non enim repugnat, quod actus voluntatis remissus ut duo, sit ex alio titulo connexus, vel oppositus cum objecto cum quo neque connexus, neque oppositus est vehementior actus intensus ut quatuor v. g.) vel efficaces affectivè, & simul effectivè. Vel inefficaces modo utrolibet.

2 Ex hac prima, & valde universali divisione actuum voluntatis nascitur alia cuius utpote frequenter obvix notitia est valde necessaria. Nimirum divisio, & multiplicitas voluntarietatis. Voluntarium in genere

3. *Erhic.*

c. 1.

1. 2. q. 6.

art. 1.

nere definitur communiter ex Aristotele *cujus principium est in agente scientie singula*; idest omnia ea, quæ voluntaria evadunt. Consonat quoad substantiam S. Thomas inquit: *Voluntarium esse, quod est a principio intrinseco cum cognitione*, utique finis ut in corpore articuli inculcat: quatuor sonant in hac definitione, ut bene intelligis, sed unumquodque singillatim expendendum est, quia voluntarietas est basis, cui insistit tota moralitas actionum humanarum, idest bonitas, aut malitia, meritum, aut peccatum.

3 Dico 1. Ad voluntarietatem necessariam pro peccato non sufficit cognitio purè materialis, idest potentiz imaginativæ circa objectum, & circumstantias. Neque sola spiritalis purè apprehensiva licet vehemens malitiæ; neque requiritur hujus cognitio vera, & certa. Neque semper requiritur cognitio tendens signatè in actum ipsum immediatum voluntatis. Sed quæ malitiam explicet in actu, vel objecto, vel circumstantiis, quæque sit in signo priore ad actum voluntatis, quamvis non semper sit causa physica, aut moralis illius. Ecce quidem non sufficit, quod exprimat bonitatem, aut malitiam physicam objecti. Neque quod exprimat unam malitiam moralem, ut contrahat aliam. Probo primam partem. Quemadmodum ad peccandum, & merendum non sufficit appetitus elicitus à parte sensitiva, sed desideratur ultima definitiva sententia, scilicet consensus voluntatis, ut infra dicemus: ita non sufficit imaginatio, seu cognitio elicita à phantasia, quæ est depositio testis valde plebei, & cum brutis communis; sed requiritur specialis cognitio producta ab intellectu, qui est quasi assessor voluntatis, ipsius operationes gubernans. Hinc sumitur ratio à priori. Omne sine quo non datur id, sine quo non datur aliud, est id sine quo non datur illud aliud; connexum quippe cum fundamento est connexum cum termino, si utrobique connexio sit metaphysica. At sine actu intellectus non datur actus voluntatis, ut suppono, sed ad summum datur appetitus materialis, sicut in irrationalibus: & sine actu voluntatis non datur voluntarietas sufficiens ad contrahendum moralitatem ut cap. seq. exponam: ergo sine actu intellectus non datur hæc voluntarietas: ergo non sufficit actus solius potentiz imaginativæ. Ratio à posteriori est; quia aliis ebrii, dormientes, phrænetici, & infantes essent capaces habendi in eo statu dictam voluntarietatem, & consequenter meritum, ac demeritum, quandoquidem in eo statu habent vividas cognitiones ortas ex potentia imaginativa.

4 Probo secundam partem, quæ aliquibus est valde ardua; quoties datur judicium verum, firmum, & prudens, tam practicum, quam speculativum de eo, quod nulla later malitia in actione, non potest contrahi malitia moralis; & consequenter non potest dari voluntarietas sufficiens ad peccatum: illa namque actio erit ex fide, & bona. At conjunctim cum valida apprehensione de eo, quod ibi later malitia, potest dari hoc judicium. Patet exemplo Catholici vehementer tentati contra articulum fidei; nam licet repellat tentationem, quatenus ei non acquiescit; non tamen quatenus eam actu non sentiat,

& pa-

& patiat. Sed hæc consistit in eo, quod propter montes coagulatos, quos suspicatur, vehementer apprehendit falsitatem illius articuli, quem simul iudicio vero, firmo, & prudente suscipit: ergo conjunctum cum valida apprehensione de eo, quod lateat malitia, potest non dari ullum peccatum in executione voluntaria illius rei: ergo hæc sola valida apprehensio non sufficit ad voluntarietatem necessariam ad peccandum. Explicatur: aliud est te habere vehementem propensionem ad furandum, & furari etiam. Aliud habere eam propensionem, & simul efficaciter nolle furari. Illud est peccatum; hoc est meritum. Et hoc sufficit, ut dicamus vehementissimam tentationem per se solam non sufficere ad peccatum. Idem in presenti. Aliud est te vehementer apprehendere malitiam in opere A; sed simul resolute iudicare non esse talem malitiam, ut in exemplo illo tentationis contra fidem; aliud verò longè diversum habere illam apprehensionem cum carentia iudicii prudentis de eo, quod ibi non lateat malitia. Si contingat hoc secundum peccabis, quia temerè te exponis, & jam habebas principium sufficiens ad dubitandum, & consequenter ad explorandum, lateret nec ne ibi aliquis anguis. Sed voluntarietas hujus peccati non est ob solam illam apprehensionem, sed ob complexum ex illa, & carentia iudicii practici prudentis de eo, quod nulla esset malitia. Si eveniat primum, nullum est peccatum; quia non operaris contra conscientiam obligantem; sed contra tuammet apprehensionem, quæ non obligat ad præsentiam illius iudicii practici, & prudentis.

5. Probo tertiam partem. Nil sine quo dari potest ea voluntarietas, requiritur ad eam. Sed sine cognitione vera, & sine certa de malitia potest dari voluntarietas sufficiens ad peccatum. Probatur. Eo ipso, quod detur conscientia invincibiliter, aut vincibiliter erronea de malitia operationis datur peccatum, si actionem illam elicias. (Nam eo ipso operatur homo mala fide, & contra conscientiam retrahentem. Item omnis qui operatur cum sola conscientia practice dubia peccat, tum quia voluntariè se obicit periculo peccandi. Tum quia omne, quod non est ex fide id est ex bona conscientia est peccatum: tum quia parvipendit facere, vel non facere id, quod est prohibitum à Deo; sicut qui dubitans de transitu Principis per viam publicam proiiceret lapidem; parum curaret de percussione, aut non percussione illius.) At neuter habet cognitionem veram, aut certam malitiæ; nam si haberet reflexam cognitionem de eo, quod operari cum conscientia erronea, vel dubia est peccatum, jam non operaretur cum sola conscientia erronea, vel dubia, quandoquidem reflexa ista, nec dubia, nec erronea est. Ergo.

6. Probo quartam partem, scilicet non semper requiri cognitionem signatè, seu reflexè tendentem in actum ipsum voluntatis. Fateor interdum dari, & interdum etiam requiri nempe quando prohibitio cadit non supra objectum actus voluntatis, sed supra solum ipsum actum. At non semper. Nam quoties homo plenè advertens malitiam homicidii, plenè, ac sine imposita sibi necessitate, consentit in illud,

Roma. 14:

pecc-

peccat, & consequenter habet voluntarietatem sufficientem ad malitiam contrahendam. At sine reflexa, & signata cognitione supra ipsum *consensum* voluntatis possunt illa contingere; quia nullum ex illis connectitur cum hac cognitione reflexa, sicut neque cum reflexa supra ipsam volitivam potentiam: ergo. Verum est quod nihil est volitum signatè, ac instar objecti, quin præcognitum; ast cum volitio ipsa non sit reflexè, ac signatè volita, aliàs abibimus in infinitum, ut infra dicitur; inde est, quod ut ipsa sit exercitè formaliter, ac immediatè voluntaria, seu volita, non indiget reflexâ istâ cognitione, sicut nec reflexa volitione. Verum item est, quod propter quod unumquodque tale in aliis generibus illud magis. Sed non semper in genere *causa formalis*: aliàs cum objectum sit formaliter album per albedinem, visum per visionem, amicus Dei per gratiam; sequeretur albedinem esse album, visionem esse visam, & gratiam esse amicam Dei. At objecta constituuntur in genere causæ formalis extrinsecæ, volita per volitionem: ergo necesse non est &c. Quapropter cognitiones proponentes bonitatem, aut malitiam in objecto, quæ vocari solent *allici- entes*, ac *retrahentes* exercent æquivocè hoc munus: nam respectu objectorum alliciunt, aut retrahunt signatè: quatenus pandunt ipsorum bonitatem, aut malitiam; respectu actus voluntatis alliciunt, vel retrahunt exercitè; quatenus citra reflexionem supra illum per se immediatè, in genere causæ formalis impellunt, vel cohibent animam in ordine ad illum: sicut cognitiones ipsæ absque signata reflexione supra se ipsas insinuant se se homini.

Ican. 9.

7 Probo quintam partem, scilicet exprimendam esse malitiam in actu, vel objecto, vel circumstantiis: quoties quis operatur absque omni actuali, & virtuali advertentia malitiæ non habet voluntarietatem necessariam ad peccatum. Nam operatur sine conscientia retrahente, & habet legitimam excusationem, si corripitur. Et dixit Jesus quibusdam *si cæci essetis non haberetis peccatum*; id est si non haberetis malitiæ advertentiam; ergo ut detur hæc voluntarietas, necesse est, quod detur illa advertentia. Probo sextam partem de prioritare hujus cognitionis: qui advertit rem esse prohibitam tripliciter se gerere potest: *Volo hoc quia prohibitum*. Non nego quod in hoc raro casu ea cognitio est causa, vel prærequisitum ad eam volitionem; nam moveret ut quod vel ut quo ad illam, & illa non daretur, si non daretur hæc cognitio. 2. *Volo hoc licet prohibitum*. In hoc casu cognitio prohibitionis, neque physicè, neque moraliter causat eam volitionem: at prærequisita est ad illam ob reflexionem volitionis supra prohibitionem, quam spernit. 3. *Volo hoc quin volitio intrinsecè reflectat supra eam cognitionem*, habeatur ramen illa præcedente, In hoc casu ea cognitio neque causa, neque prærequisitum est ad eam volitionem; verumtamen illa cognitio verè est in signo priore ad illam volitionem secundum se: quia sicut cognitio alliciens suapte natura præcedit actui, ita cognitio retrahens, seu compescens volitionem, ne manum iniiciat in talem actum suapte natura est prior hoc: prior inquam non potest

livè

scivè quia non est causa ut ponatur, sed negativè quatenus est impedimentum intellectuale nè ponatur (& his duobus terminis laviganda est asperitas quam aliqui hicopinantur) At cogitatio dicta quando non supponit actum jam factum verè retrahit, seu ex se compescit voluntatem, ne statim inicitur in eum, quamvis sapissimè hæc spernat consilium, vel surdescat: ergo.

8 Dices: Nihil quod naturâ suâ est impedimentum actus secundum se, existit pro priori ad eum secundum se. Hæc propositio est cognata illius qua utebatur Jansenius ad negandum libertatem indifferentiæ; scilicet *non est necessarium ad meritum, vel demeritum id quod conducit, ut neutrum respectivè existat*. Et talis est libertas indifferentiæ. Aperiunt fallaciam omnes Creaturæ: quia nulla, utpote essentialiter contingens, posset existere si non posset deficere. Igitur distinguo illam propositionem nil quod est impedimentum physicum actus secundum se &c. 1. permitto; impedimentum intellectuale, quatenus per modum rationis cohibet voluntatem, ne actum illum concipiat: subdividuo, non se habet pro priori positivè ad illum concedo; negativè id est non præmunit voluntatem ab actu illo, implicas in terminis. Medicina quidem suapte naturâ est contra morbum, & tamen medicina præparativa, & præservativa ut talis, sumitur pro priori, id est, ne ingruat morbus. Minus, promissiones, & reliquæ inspirationes Dei sunt contra peccatum, & tamen existunt pro priori ad illud, quando per illud contemnuntur.

9 Hinc 1. maxima illa quam frequenter audimus nempe: *Solum se habet pro priori ad actum id quod est causa, vel prærequisitum*; est vera de prioritate positiva; quæ consistit in eo, quod res influat, atque det esse: falsa verò de prioritate negativa, quæ consistit in præcautione, seu præservatione ab illa re. Hinc 2. hoc non solum probat cognitionem retrahentem existere pro priori ad omissionem actus, sed etiam ad actum ipsum positivum æquivocè tamen: ad illam positivè quia ad illam allicie: ad hunc negativè quia ab hoc retrahit. Imò istud firmat nostram propositionem. Pro priori namque ad actum datur tota libertas indifferentiæ; Sed hæc includit causas hic, & nunc necessarias ad actum, & carentiam actus; & consequenter (ut plerumque contingit in creatis) cognitionem allicientem ad illum, & retrahentem ab hac; & cognitionem retrahentem ab hac, allicientemque ad illud; ergo pro priori ad actum datur cognitio alliciens ad suam carentiam, retrahensque ab ipso; nec non pro priori ad carentiam actus datur cognitio alliciens ad hunc, retrahensque ab illa. Hinc 3. Hoc non probat eam cognitionem esse pro priori ad actum *ut liberum*, sed ad actum *qui liber est*. Sicut enim dies hodiernus non est prior crastino, ut posteriore die hodierno, quia hæc reduplicatio imbibit ipsum diem hodiernum, qui non est posterior se ipso; & sicut visio non terminatur ad parietem, *ut visum*, quia non terminatur ad se ipsam: neque libertas est ad actum, ut liberum quia non est ad se ipsam. Ita cogitatio retrahens non est prior actu *ut libero*, quia sic reduplicatur libertas,

quam constituit ipsa cogitatio retrahens, sed est prior actu, qui liber est: & insuper est simpliciter necessaria ad actum, ut liberum quatenus est unum è constitutivis illius in esse liberi, & in hoc sensu minus proprio, potest dici prior illo. Hinc demum. Ea cogitatio est in eodem signo cum actu ut libero. Signa quippe rerum nil aliud sunt coram Deo quam ipsæ res. Unde A esse in eodem signo rei B significat A identificari adæquatè, vel inadæquatè cum B. Sed cogitatio dicta constituit actum voluntatis in ratione liberi, & consequenter identificatur inadæquatè cum illo ut libero: idest: hic objectivus conceptus actus voluntatis ut liber imbibit essentialiter eam cogitationem: ergo.

10 Probo septimam partem. Quamvis enim optimè expendas commodam, & incommoda physica actionis A, si prorsus te fugiat illius prohibitio, neque ullum habeas fundamentum ad prudentem dubitandum, non peccas eligens illam quantumvis prohibitam te ipsa: quia laboras invincibili ignorantia, quia bonâ fide illam facis; quia illius malitia non est tibi imputabilis, aut voluntaria plusquam physice, & materialiter: ergo ad voluntarietatem, quam peccatum requirit, non sufficit advertentia bonitatis, aut malitiæ physice. Probo similiter octavum. Coeunt in actione A: v. g. duæ, aut tres malitiæ: eo quod sit contra varias virtutes v. g. furtum rei sacræ: occurrit tibi sola malitia contra iustitiam prohibentem rapinam alienæ rei; sed neque ratio dubitandi occurrit de malitia contra Religionem, vetantem profanationem rei sacræ. In hoc casu, furtum illud habet voluntarietatem ad contrahendum malitiam contra iustitiam; sed non ad contrahendum malitiam contra Religionem: quamobrem eris fur, sed non sacrilegus formaliter ob nuper datam rationem, & in confessione non teneris explicare nisi merum furtum abstrahendo ab eo, quod res fuerit sacra: ergo quod advertentia exprimat unam malitiam non sufficit, ut tibi sit voluntaria malitia alia, quæ revera inest illi actioni, sed te prorsus latet.

11 Neque in his rebus urget realis, & virtualis identitas malitarum; quoniam mens humana non assequitur totam objecti cognoscibilitatem, nec cognitiones nostræ sunt comprehensivæ, sed obscuræ, inadæquatæ, atque præcisivæ: ergo stat quod in actione aliqua coeant identitate reali, & virtuali injustitia, & sacrilegium; & tamen quod ita obiciatur menti actio illa, ut possimus solum dicere est injusta non autem dicere, aut dubitare esse sacrilegam his, vel similibus terminis: ergo stat duas illas malitias esse realiter, & virtualiter idem; & tamen quod cognoscamus unam, & non cognoscamus alteram modo practico & humano [cognoscere quippe unam sub sola expressione alterius, est idem ac dicere me scire, & cognoscere practica omnia, quæ sunt, fuerunt, & erunt, nempe sub hac expressione aliquid: quod est vel ludere terminis, vel dicere me re ipsâ nescire illa omnia]. Tunc sic. Malitiam sacrilegii esse moraliter imputabilem, & voluntariam verè, ac simpliciter, trahit secum essentialiter, quod actio ponatur cum hac advertentia, vel dubio. *Hæc actio est sacrilega, est contra Religionem.* est.

est contra cultum divinum. Ac licet injustitia, & sacrilegium fiat realiter, & virtualiter idem in ea actione, fieri potest quod malitia injustitiæ sit verè, & simpliciter voluntaria, & tamen quod actio non ponatur cum illa advertentia, vel dubio; siquidem voluntarietas injustitiæ est realiter separabilis ab his: ergo licet fiat realiter, & virtualiter idem, potest esse voluntaria injustitiæ, secus sacrilegium. Recole quæ scripsi in physica speculativa agens de determinatione quoad individuum, & non quoad speciem, ubi fallacias contra hanc doctrinam fieri solitas repuli.

12. Advertendum verò est, quod ad contrahendum bonitatem, aut malitiam formalem non requiruntur cognitiones sic expressè tendentes. *Hoc est bonum morale. Hoc est juxta talem virtutem: hoc est meritum: hoc est peccatum: hoc est contra talem virtutem: hoc est demeritorium;* quia nec ipsi Theologi his reflexionibus assueti, habent eas in omnibus omnino actionibus bonis, aut malis, quas faciunt. Sufficit ergo advertentia bonitatis, aut malitiæ sub illis ipsis terminis, sub quibus actio præcipitur, aut prohibetur v. g. sufficit quod cognoscas, personam violatam esse sacram, ut committas sacrilegium: objectum, quod occidis, esse hominem, ut committas homicidium (cum carentia tamen invincibilis erroris distantis esse honestum, seu non esse malum violare personam sacram &c.) Nam eo ipso operaris contra conscientiam, quia illa cognitio ut conjuncta cum carentia illius erroris, per se retrahit ab eis operationibus. Oporteret Laicos etiam, & feminas incumbere in studium Theologicum, ac discernere virtutes inter se, & vicia inter se; si ad peccatum, & meritum foret necessaria advertentia illa reflexa, & sub illis terminis formalibus. Idem dico ad contrahendam honestatem formalem alicujus virtutis. Sufficit te velle largiri eleemosynam, ut succurras proximo: & sic habebis honestatem virtutis misericordiæ, licet nunquam audieris eos terminos *misericordia, honestas moralis:* quod menti infideat ne decipiaris audiens frequenter has voces inter Theologos, & credens hujusmodi expressas cognitiones esse necessarias ad bonè, aut malè operandum,

§. II.

13. Dico 2. Ad voluntarietatem, quam requirit lethale, interdum sufficit, interdum non, quod dicta malitiæ advertentia existat virtualiter, seu interpretative; quatenus homo aliàs poterat, & debebat scire illam rem esse prohibitam. Neque sufficit, quod illa utcumque proponat actu absolute malitiam gravem. Neque quod utcumque sit advertentia plena hujus malitiæ. Neque quod utcumque sit divisa ab æquali persuasione malitiæ in contradictorio. Neque requiritur quod hæc advertentia actu existat in se, vel in effectu

quoties actus voluntatis, acque hujus objectum verè, & simpliciter sunt voluntaria. Demum voluntarias sufficiens ad actuale peccatum non semper requirit advertentiam malitiæ inhærentis determinatè objecto materiali actus voluntatis. Neque determinatè inhærentis objecto formali, neque determinatè in objectivis circumstantiis, neque vagè, & distinctivè in aliquo ex his; licèt sufficiat advertentia malitiæ in aliquo ex his. Primam partem hujus conclusionis absolūtè prolatam multum disputant Auctores apud Thomam Sanchez. Sed eà distinctione opus est. Trifariam potest evenire, quod homo hic, & nunc ignoret prohibitionem, & consequenter malitiam, quam nosse poterat, & debebat: vel quia poterat physice licet & nos scire poteramus multas veritates medicinz &c.; si illis vacare voluissimus, & debebat remorè quatenus illa est una ex prohibitionibus, quæ spectant ad statum, ætatem, vel exercitium illius hominis, siquidem unusquisque tenetur inquirere in obligationes proprias sui status, officii, domicilii &c. Cœterum nunquam venit illi in mentem talis individua prohibitio, aut quasi reflexa obligatio inquirendi in eam; cum enim obligationes, non solum speciales, sed etiam generales cujusvis Christiani, tot sint ob innumeras combinationes casuum, & circumstantiarum, quæ circa unumquodque præceptum Decalogi, & juris humani possunt evenire, ut constat practicè ex libris ipsis Theologorum, hos casus circumstantias, & combinationes disputantium, & non exhaustivum: mirum non est, quod homo, maxime si non est professione Theologus, nullam prorsus habeat in mente speciem prohibitionis hujus, vel illius individuz rei, in hoc, vel illo casu-individuo, etiam si ea prohibitio spectet ad suum statum, officium, ætatem &c.

14 Verumquidem est unumquemque teneri *discere* obligationes suas generales, & particulares; sed *discere* modo humano, & proportionatè ad circumstantias, quibus circumdatus est: quia non tenetur unusquisque laicus, aut femina diu, noctuque studere Theologiæ, aut semper casibus conscientiz; & licèt studeret, multæ ex his obligationibus eum præterirent, ut ipsi Theologi in se experiuntur. Ergo practicè loquendo solum tenetur incumbere in eas obligationes, quæ capitales sunt, & magis frequentes in suo genere vitæ: ergo stat benè quod aliqua individua prohibitio non ita frequens, sit ex generalibus, aut particularibus hujus hominis; & tamen quod ipsi nunquam venerit in mentem. De hoc pronuntiant multi Auctores habere advertentiam sufficientem ad voluntarietatem in mala ea actione, quam hic, & nunc ponit: nempe quia habet advertentiam virtualem, nam licèt non habeat actualem; poterat tamen, & debebat illam habere ratione sui status, officii &c. Imò contradictorium visum fuit olim omnino improbabile Doctoribus Complutensibus licèt postea recte P. Vasquez temelius inspecta, mutarunt sententiam, & approbarunt hanc. Et merito: quia nullus, qui operatur cum ignorantia pura, & invincibilè moraliter, peccat: & consequenter non habet voluntarietatem sufficientem ad contrahendum malitiam. Sed omnis, qui eo modo ope-

Sanchez
lib. 1. c. 15

P. Vasquez
1. 2. disp.
107. cap. 3

peratur, operatur cum pura ignorantia; quia supponimus nec minimum eum habuisse olim, aut habere modò suspicionem de malitia. Deinde illa ignorantia est moraliter invincibilis; nam licet ille potuerit physicè eam vincere, sicut tu ignorantias multas, quas circa astronomiam habes; at tamen non venit illi in mentem obligatio vincendi illam in particulari, sicut neque tibi venit in mentem obligatio discendi, quot, & quantæ sint maculæ solares: ergo major præterquam quod est certa inter bonos Theologos, satis patet.

15 Tum quia ille operatur bona fide. Tum quia non operatur contra ullam conscientiam retrahentem, cum talem non habeat conscientiam. Tum quia habet legitimam illam excusationem, quam dedit Abimelech. *Domine num gentem ignorantem, & iustam interficere?* quam ignorantia excusationem Deus ipse admisit inquit. *Et ego scio, quod simplici corde feceris.* Rationem à priori dedit S. Thomas inquit. Consultatio intellectus non procedit in infinitum versus finem, aut versus principium; aliàs nunquam inciperemus, nunquam desineremus consultare, & sic nunquam quidquam ageremus: ergo necesse est ad unam primam cogitationem pervenire, quæ non procedat ex consultatio; sed initium consultandi sit, quam cogitationem Aristoteles tribuit fortunæ (causam primam intellige) quia occurrit homini absque hujus industria, & studio; ergo quoties defuerit illa cogitatio, neque datur deliberatio, & consultatio in mente, neque voluntarietas in voluntate. At fieri potest, quod circa obligationem, aut prohibitionem alicujus casus singularis, alicujus combinationis circumstantiarum pertinentis ad generales, vel particulares obligationes hominis, non occurrat talis prima cogitatio; eò quod neque Deus, ut Author specialis, neque specierum intellectualium combinatio, illam excitet; ergo fieri potest, quod deficiat deliberatio, & consultatio in mente, & voluntarietas in voluntate circa moralitatem idest obligationem, aut prohibitionem alicujus casus particularis spectantis ad generales, vel particulares obligationes hominis: ergo fieri potest, quod homo non contrahat malitiam formalem in casu aliquo individuo (imò in multis) cujus prohibitionem physicè poterat scivisse, & insuper debebat removere eò quod ille casus sit unus ex illis, qui ad ipsius generales, vel particulares obligationes spectat.

16 Hinc primò argumenta insistentia in eo, quod homo tenebatur scire illam obligationem solvenda sunt dicendo teneri removere, seu per se, ut loquitur eximius Doctor, nempe quia obligatio illa revera comprehendebat illum hominem, sed non teneri proxime hic, & nunc, seu per accidens ob defectum inculpabilem illius primæ cognitionis requisitæ ad deliberandam circa malitiam actionis illius. Nam potest homo sedulo, respectivè ad conditionem suam, incumbere in notitiam suarum obligationum generalium, & particularium, & simul multas ignorare, ut vel ipsis Theologis contingit. 2. Textus decrepti ex jure, in quibus dicitur *ignorantiam facti non juris excusare*: item *quia esse scire, ac debere scire*: item ignorantiam non excusare, quan-

Genes. 20.

S. Th. 1.2.

q. 14. art. 6

7. Ethicor.

Suarez.
in 3. part.
tom. 5. di-
sp. 4. se-
ct. 1. 2.

quando homo debuit scire, & hujusmodi alia; solum valent in foro externo, in quo non præsuntur hominem habere ignorantiam invincibilem suarum obligationum; quia aliàs omnis nequam prætexit ignorantiz posset elabi, & poenam fugere; secus in foro conscientiz, & coram Deo, quando hæc ignorantia est qualis hæcenus dicta est. 3. quod iste homo advertat actionem, quam hic, & nunc facit, illiusque commoda, & incommoda non est principium sufficiens, ut antequam illam ponat, inquirat num aliqua lege generali, vel speciali sit prohibita. Nam cum tot sint prohibitiones naturales, divinæ, Ecclesiasticæ, ac Civiles; passim hærent homines in factis, aut verbis, quæ humano modo faciunt, idest cum attentione ad commodum, & incommodum. Nam pro priori ad unumquodque verbum, ad unumquemque morum, vel omissionem deberent explorare, num sit aliqua pragmatica, aliqua bulla, aliqua circumstantiarum peristasis prohibens talem individuum actionem? & sic humanum commercium hæret passim. Hæcenus de primo illo casu magis controverso.

17. Potest contingere 2. quod homo advertat quidem esse prohibitiones quasdam generales, vel particulares in suo vitæ statu, respicientes talem materiam determinatam; eas tamen explorare nolit, quia efficaciter vult: nunquam attingere illam materiam, vel quia illarum explorationem differat donec sese offerant illæ occasiones, deæternens efficaciter explorare, quæ sint, & quæ non sint illæ obligationes antequam quidquam faciat in ea materia: ineunte autem tempore occurrit occasio operandi in ea materia, & oblitus prorsus illius confusæ notitiæ prohibitionum, quam olim habuit, nec non propositi indagandi veritatem, liberè absque ulla malitiæ suspitione operatur. Hic etiam non habet advertentiam, quam prærequirit voluntarietas peccandi in ea materia: quia licet hæc ignorantia fuerit proximè, ac moraliter vincibilis, non tamen hic, & nunc quando operatur; quia hæc moralis vincibilitas trahit secum aliquam cognitionem saltem obscuram, saltem formidinosam de obligatione excutiendi eam ignorantiam, explorando veritatem: ergo licet olim peccasset si quando habebat illam suspitionem, tetigisset eam materiam. Non tamen hic, & nunc, quando nec minimam habet prohibitionis suspitionem: ergo stat benè ignorantiam prohibitionis fuisse voluntariam, & moraliter vincibilem, & tamen quod operatio ex ea trahens originem non sit peccatum tempe quia multum intercessit tempus inter vincibilitatem ignorantiz, atque operationem; & quando hæc fit, jam non est proximè, ac moraliter vincibilis ignorantia. Quod si pro priori ad operationem meminerit suspitionis, quam olim habuit, teneatur veritatem explorare antequam operetur: quod si physicè non possit quia media non suppetunt, teneatur abstinere ab operatione, nam aliter mala fide operabitur. Neque peccavit quando olim noluit explorare illas obligationes (nisi fortè prævidisset simul periculum operandi in ea materia absque hac exploratione) quandoquidem modo supponimus talem hominem habuisse firmum propositum nunquam attingendi eam materiam circa

circa quam illas prohibitiones subodorabat (sicut ille, qui habet propositum nunquam suscipiendi statum Ecclesiasticum, aut matrimonium non peccat, licet nolit explorare obligationes horum statuum, quas confusè, & in genere scit ei statui inesse) vel habuisse propositum indagandi illas quando se offerret occasio attingendi eam materiam. Nullus autem tenetur discere suas obligationes multò antè quàm se offerat occasio exercendi illas: quod autem postea hoc non obstante operetur absque prævio examine in illa eadem materia, quam nunquam attingere decreverat, nihil aliud probat nisi quod ille dixit.

Nescia mens hominum facti, fortisque futura.

Act. 10

18. Potest contingere 3.^o quod ille homo adverterit, esse quasdam prohibitiones in tali, aut tali materia, negligat tamen ipsarum inquisitionem absque duobus propositis dictis. In hoc casu peccat quidem quando negligit discere illas obligationes, quæ ad ipsum pertinent ratione generali, vel speciali. Et quidem peccato illius speciei, quam connotat prohibitio, quam suspicatur. Sed non peccat quando postea oblitus penitus illius prohibitionis, & suspicionis operatur; quemadmodum qui prævidet, aut suspicatur homicidium in ebrietate contrahit malitiam homicidii quando inebriatur, sed non quando ebrius occidit. Ratio est. Omnis qui voluntariè omninò se obicit periculo contrahendi malitiam A: seu parvipendit incidere in illam, committit re ipsa coram Deo eam malitiam; siquidem operatur mala fide, & eadem lex, seu virtus, quæ vetat actionem illam, vetat quod homo se exponat modo dicto. At qui advertit quasdam esse prohibitiones spectans ad ipsum, & negligit inquirere pro qua actione, tempore, loco, aut aliis circumstantiis obligent, omninò voluntariè se exponit periculo operandi contra illas, ut supponimus, seu pro nihilo reputat illas violare: ergo. Cœterum per se loquendo non incurrit reservationem, excommunicationem, seu alias censuras annexas, quia licet possint, non tamen solent imponi violentibus legem ratione exponendi se periculo violandi, sed violentibus ratione ipsius actionis directæ, expressèque prohibitz: v.g. irregularitas non est imposita exponenti se periculo occidendi, sed actui occidendi.

19. Probo jam secundam partem conclusionis, scilicet non sufficere cognitionem utcumque proponentem actu absolutè malitiam gravem in actione. Quoties non datur *plena* advertentia malitiz gravis, non datur advertentia necessaria ad voluntarietatem contrahendi lethale. At fieri potest, quod detur aliqua cognitio actu absolutè proponens malitiam gravem in actione, & tamen non detur *plena* advertentia ut constet ex communi Theologia distinguente inter advertentiam plenam, seu perfectam, & semiplenam, seu imperfectam: ergo fieri potest, quod detur cognitio actu absolutè proponens malitiam gravem; & non detur advertentia necessaria ad voluntarietatem lethalis: ergo ad hanc non sufficit quævis cognitio actu absolutè proponens malitiam gravem. Major est certa apud plerosque Theologos ajentes [contra Ochamum malitiz gravis damnantem etiam motus primò primos voluntatis in materia]

teriam

teria gravi] quod licet ad peccatum veniale in materia gravi sufficiat imperfecta, & semiplena advertentia gravitatis malitiae, ad peccatum verò mortale requiritur advertentia plena, & perfecta; nam cum hoc peccatum importet secum res tam graves, quales sunt disruptio divinae amicitiae, aeterna privatio beatitudinis, aeternusque cruciatus, alienum prorsus esset à divina aequitate damnare criminis lethalis hominem operantem absque plena, & perfecta advertentia malitiae illius rei, quam agit. Sed difficultas est in explicando hanc plenitudinem advertentiae, seu quo differant advertentia plena, & semiplena.

20 Sicut potentia visiva res potest subire status, unum videndi simpliciter, alium nihil penitus videndi, alium male videndi ob distantiam, ob defectum lucis, ob debilitatem organi &c. Ita potentia intellectiva, quandoque cognoscit simpliciter malitiam, vel saltem dubitat; quandoque eam prorsus ignorat; quandoque eam cognoscit, sed eo modo, quo homo semisopitus, semiebrus, semiperfectus discernit socios, & alloquitur. Homini sui corpori potest contingere idem, vel ob distractionem, qua alia objecta simul cogitat, vel ob repentinam, & vehementem impressionem appetitus, ita ut revera malitiam agnoscat gravem, sed obscure valde, & quasi rem valde distantem. Huc dicitur *semiplena* advertentia, & hanc dicimus non sufficere ad lethale in re gravi, sed ad veniale. Si possemus rem digito signare, diceremus advertentiam plenam esse advertentiam ut quatuor, semiplenam autem ut duo. Obiicies: qui habet advertentiam istam, ut duo jam habet principium inquirendi, & nanciscendi advertentiam plenam ut quatuor; ergo si eam non acquirit culpa sua est: & consequenter peccat graviter, etiamsi operetur absque plena advertentia. Resp. distinguo antecedens: habet principium plenum, & grave nego: leve, ac semiplenum concedo, & distinguo consequens, culpa sua est levis concedo; gravis nego cum eo, quod adjungitur.

21 Probo tertiam partem, scilicet non sufficere utcumque hanc plenam advertentiam malitiae gravis. Nullus antecedenter perplexus peccat, si agat, si non agat id de quo est perplexus: caret enim libertate ad peccatum vitandum, ut est certum. Sed omnis antecedenter perplexus habet aliquam plenam advertentiam, vel dubium de malitia actionis. Nam perplexitas stat in eo, quod omnino judicet [& quidem non instar semisopiti] vel saltem dubitet esse peccaminosam illam actionem, & simul judicet (non instar dormientis) vel saltem dubitet esse etiam peccaminosam omissionem illius, & nequeat se expedire ab hac catena, cujus unus nexus debet esse falsus: ergo aliquis habens aliquam plenam advertentiam malitiae in sua actione non peccat in hac: ergo non sufficit plena advertentia utcumque, id est advertentia qualem habet homo, qui rem perpendit. Dices. Non datur plena advertentia malitiae, quando advertentia malitiae est impedita, & quasi hebetata per advertentiam similis malitiae in contrario. Resp. distinguo hoc, non datur plena plenitudine expeditionis, & sufficientiae ad lethale concedo, non datur plena plenitudine

distinctionis ab imperfecta, & semiplena, & quasi hominis sopiti, aut distracti, aut passione omninò correpti nego; nam datur advertentia aliàs sufficiens ad lethale in ratione advertentiæ, nisi adesset illa altera contradictoria.

22 Probo quartam partem: quoties plena, & expedita advertentia malitiæ non sit pro priori ad actionem; hæc non habet voluntarieratem sufficientem ad peccatum, quia ut supra dicebamus non erit contra conscientiam retrahentem. At fieri potest, quod in ipso operationis instanti detur plena, & expedita advertentia malitiæ, & non detur pro priori, sed pro posteriori, vel comitante respectu actionis ipsius; ut contingeret si actione ipsa, vel aliunde, excitaretur species prohibitionis: in quibus casibus prosequi actionem illam esset peccatum, non autem incipere: ergo fieri potest, quod in ipso operationis instanti detur plena, & expedita advertentia malitiæ, & tamen actio non sit peccaminosa: ergo non sufficit &c. Probo quintam partem. Peccatum habituale, sicut verè, & simpliciter est peccatum, ita verè, & simpliciter est voluntarium licet non univocè cum peccato actuali; ac non quoties peccatum est habituale debet dari in se, vel in effectu ea advertentia malitiæ; nam habitualitas peccati consistit in eo, quod peccatum sit commissum, & non sit condonatum; hoc autem verificatur etiam quando peccator dormit, seu ad alia est penitus distractus, in quo casu non habet advertentiam in se, vel in effectu de malitia furti v. g. quod commisit: ergo non quoties &c. Dices ea advertentia perseverat in ipso peccato habituali, quod est effectus illius. Hoc nego, quia vel inspicis peccatum habituale secundum quod dicit in recto, nempe secundum peccatum actuale olim commissum (& hoc non est effectus advertentiæ illius quin imò hæc retrahebat ab eo) vel secundum obliquum idest secundum carentiam divinæ condonationis, aut retractionis elicitæ ab ipso peccatore; & neque hæc carentia est effectus illius advertentiæ, ut patet. Solum ergo restat, quod peccatum habituale sit effectus illius advertentiæ, sicut homo est effectus suæ animæ. Avoca hunc ad locum doctrinam postea dandam circa similem perseverantiam consensus voluntatis.

23 Probo jam ultimam partem cum suis particulis. Eo ipso, quod aliquis reflexâ cognitione invincibiliter putaret, vel dubicaret malitiam gravem in amore naturali Dei, ut auctoris naturalis, vel in volitione assentiendi alicui mysterio ob solam humanam auctoritatem; & alterutrum faceret, graviter peccaret. Item eo ipso, quod Deus homini prohiberet alterutrum ex his duobus; homo peccaret graviter in quolibet ex illis: cum enim homo sit subditus Deo in omnibus, & per omnia: hic potest prohibere illi non solum, quod aliàs est malum, aut indifferens: sed etiam quod aliàs esset bonum sic inquit illi; *quamvis bonum esset te exercere his, vel illis actionibus, nolo tamen, quod modo istis, sed aliis exercearis.* At in nullo ex his casibus daretur necessitatio advertentia malitiæ in objecto materiali, neque in formali, neque in ulla ex objectivis circumstantiis siquidem nullæ sunt: ergo dari

potest advertentia sufficiens ad voluntarietatem peccati gravis absque ulla ex istis advertentiis: ergo istæ non semper requiruntur. Et ratio est, quia etsi objectum materiale, & formale, & objectivæ circumstantiæ sint optima; potest hic, & nunc esse prohibitus *actus voluntatis* tendens in illa, vel ob practicum errorem, vel ob veram prohibitionem Dei, qui præcipere potest ne hic, & nunc eliciamus talem, aut talem actum, qui aliàs esset positivè honestus.

24 Sed adverte me non adducere in exemplum actum honestum supernaturalem, sed entitativè naturalem, quia de illo est specialis difficultas utrum à Deo possit prohiberi. Ceterum prædicta advertentia malitiæ in quolibet ex illis tribus casibus sufficit ad voluntarietatem peccati. Probat. Est homo privatus, qui ex motivo vitandi publicum scandalum vellet occidere aliquam personam. Item esto alius, qui ex motivo gloriæ vult assistere Sacro. Esto demum alius, qui ex motivo Religionis vult ingredi templum, sed in circumstantiis in quibus certissime prævidet lapsum proprium, vel alienum ob frequentes quas habuit experientias. Tunc sic: omnes isti peccant; sed in primo casu objectum solum materiale nempe homicidium prævidetur ut malum; objectum autem formale, ex quo malè movetur, est bonum, scilicet absentia publici scandali: licet enim nullum objectum formale honestum moveat re ipsa ad actum peccaminosum: homo tamen potest malè moveri ex illo, quod re ipsa non movet ad talem actionem individuum. In secundo solum objectum formale motivum est malum, ut constat: in tertio neque objectum formale, neque materiale sunt mala; sed solum illæ circumstantiæ, quando tales sunt, ut propter illas homo debeat non ingredi templum; ergo advertentia malitiæ in objecto materiali solo, vel in formali solo, vel in solis circumstantiis [inter quas intelligo intensionem, remissionem, tempus, locum &c.] sufficit ad voluntarietatem sufficientem ad peccatum. Idem dico si malitia advertatur in solo objecto formali inadæquato, ut qui vult assistere Sacro ob Religionem, & simul ob vanam gloriam; vel in objecto materiali inadæquato, ut qui vult arrogare sibi torum, cujus una pars est propria alius; vel in una tantum ex objectivis circumstantiis, ut qui vult rem aliàs licitam, sed in loco, tempore, vel modo, in quo non licet: quorum ratio est; quia bonum ex integra causa, malum ex quocumque defectu: quod si in prædictis casibus non unus, sed duo dentur actus voluntatis, poterit unus esse bonus, ac meritorius solum de congruo; alter verò peccaminosus. Ex hæcenus dictis facillè colligitur solutio gravissimæ illius difficultatis circa explanationem regulæ moralitatis actionum humanarum.

25 Dico igitur 3. Regula proxima, formalis, & immediata nostrarum actionum est practicum illud, & ultimum dictamen conscientiæ, quo hic, & nunc resolvimus operari, aut omittere. Regula objectiva immediata est lex naturalis, aut positiva, quam eo dictamine dignoscimus. Regula magis remota est *non quavis* voluntas Dei, sed illa qua vult, aut non vult nos elicere talem operationem. Regula demum

dum objectiva ultima, & prima est sola divina Sanctitas, sive transcendentalis, quæ invenitur in quovis divino attributo, sive attributalis, quæ sit prædicatum proprium ut Omnipotentia &c. à quo tamen modo præscindo. Probo primam partem. Supposito, hominem frui libertate indifferentiæ, operatio erit bona moraliter, aut mala graviter, aut leviter in hac virtute, vel vicio, prout practicum illud, & ultimum dictamen enuciaverit. Nam idipsum est, quod voluntas liberè approbat, aut non approbat, aut positivè reprobat: ergo idipsum est, in quo peccat, aut meretur multum, vel parum, in hac virtute, vel illa, in hoc vicio, vel illo: ergo dictamen conscientiæ, non quodcumque, sed illud practicum, & ultimum, quod explicat, est regula proxima ad taxandum bonitatem, aut malitiam moralem, gravem, aut levem, in hac specie, vel in illa: taxandum inquam in actu voluntatis concepto sub eo dictamine. Neque refert intensiorem, aut remissionem prædictæ moralitatis nostrorum actuum non semper proportionari intensiori, aut remissioni dictaminis prædicti. Nam hoc probat illud non esse regulam, seu mensuram moralitatis quoad intensiorem, vel remissionem intra eandem speciem (quod verum est, hæc namque major intensio, aut remissio actus voluntatis ex ipsa potentia volitiva sola pender) sed non probat non esse mensuram moralitatis quoad genera, & species bonitatis, & malitiæ moralis.

26 Hinc multoties explicanda est in confessione conscientia, qua operatus es: v. g. voluntariè omnino intrasti domum, in qua erroneè putabas fore ruinam tuam spiritualem, quæ revera non erat: non sufficit quod dicas te ingressum fuisse illam domum, debes explicare erroneam, & malam conscientiam, qua ingressus fuisti. Fecisti actionem revera contra justitiam, & non contra Religionem; sed tu invincibiliter ignorasti primum, & putabas, vel dubitabas secundum: non debes confiteri peccatum contra justitiam, sed contra religionem, ob practicum, & ultimum dictamen, quo operatus fuisti. Obiit. Si conscientia esset regula, idest mensura proxima moralitatis, omnis qui operaretur contra conscientiam erroneam peccaret, & quidem proportionatè ad illam conscientiam. Sed hoc est falsum. 1. esto aliquis invincibiliter putaret esse peccatum diligere Deum super omnia. Hic non peccaret licet Deum diligeret super omnia; siquidem est contradiçtio, quod eodem actu, quo Deum omnibus præferret, ipsum sperneret, & tamen operaretur contra suam conscientiam; ergo hæc non est regula proxima moralitatis. 2. quando Authores censentes, peccatum lethale esse simpliciter infinitum in ratione malitiæ, aut offensæ Dei, committunt aliquod lethale, illud committunt cum hac conscientia, & tamen neque infinitam malitiam, neque infinitam offensam Dei committunt, ut apud plerisque est certum. 3. quia ex terminis videtur dissonum conscientiam erroneam, quæ à veritate declinat, divinæque voluntate, esse regulam bonitatis, aut malitiæ meriti, aut demeriti.

27 Resp. negando minorem, quam plerique hæreseos notant apud

P. Valquez.
1. 2. disp.
59. cap. 2.

P. Valquez. Ad primam probationem nego suppositum: nam repugnat quod homo aestimet Deum super omnia, quando pro priori iudicat invincibiliter erroneè hoc idem esse peccatum: & postponere eum alicui. Ad secundam, datis præmissis nego consequentiam, quia licet conscientia non sit regula proxima actionum nostrarum quoad id, quod eis repugnat, potest esse quoad id, quod non repugnat. Sed ratio malitiæ, atque offensæ simpliciter infinitæ repugnat actioni humanæ cum nulla sit, aut esse possit tam prava, ut ultra illam non sit possibilis alia peior in ratione malitiæ, atque offensæ, vel quia plus duret, vel quia sit magis intensa, vel quia fiat majore advertentiâ, vel post majora accepta beneficia, vel minore illice &c.: ergo. Ratio autem bonitatis, ac malitiæ modò gravis, modò levis, modò in hac specie, modò in illa non repugnat actionibus humanis. Ergo. Ad 3. dico conscientiam invincibiliter erroneam deflectere quidem à veritate, & volûrate divina directis, & speculativis; sed non à reflexis, & practicis quoniam veritas, & voluntas divina reflexa est, quod practicè hic, & nunc facias id, quod invincibiliter tibi apparet ut faciendum. Nec propterea vult Deus id, quod est peccatum (nam tunc actio illa peccaminosa non esset) sed illud, quod peccatum *esset* aliàs. Et nos etiam possemus licitè velle, quod homo ille faceret eam actionem aliàs peccaminosam, supposito, quod nequiremus avellere ab illo eum errorem, & quod non teneremur illam actionem impedire. Utrâvis autem suppositione absente non possemus velle, quod homo operâretur cum eo errore.

28 Probo secundam partem. Ideò à priori objectivo, & immediato conscientia aspergit bonitatem, aut malitiam moralem actui voluntatis, quia dicitur obligationem, seu prohibitionem modò naturalem, modò positivam, divinam, vel humanam: ergo hæc obligatio, prohibitio, seu lex est regula objectiva immediata nostrarum actionum. Quemadmodum ideò cognitio finis movet proximè ad ipsius appetitum quia pandit objectivam illius bonitatem; quæ est illud, quod proximè in genere objectivo movet. Probo tertiam partem. Multa vult Deus, quæ non vult, quod nos velimus, ut mortem inimici, æternos cruciatus animarum multarum &c. Cæterum ideò à priori lex positiva, habet vim obligandi nos, quia Deus vult nos obedire legibus; imbecilles quippe hæ forent, si ea divina voluntas non impertiret illis robur, & energiam ad obligandum: ergo hæc voluntas divina est regula objectiva magis remota nostrarum actionum; quatenus, cum non semper supra illam reflectamus, ex illa tamen provenit, quod his, aliisve legibus positivis ligemur: quod non accidit in lege naturali: nam etiam si Deus liberè omitteret actum, quo prohibet blasphemiam, ut omittere poterat; verumtamen blasphemia mala esset. Probo ultimam partem: possibilis est casus in quo deficiat omnis lex positiva tam divina quàm humana. Cedo duo contradictoria. In hoc casu verum est, quod subsisteret lex naturalis. Rogo tamen cur esset malum mentiri, & blasphemare nisi quia esset contrarium legi naturali? Nisi quia hoc esset contrarium, seu disforme divinæ Sanctitati. Item cur à priori esset

bo.

bonum colere, & amare Deum nisi quia hoc esset conforme divinæ Sanctitati? Hæc ergo est prima, & ultima regula objectiva moralitatis, quandoquidem etiam ipsa lex naturalis eatenus est lex, & obligat, quatenus est participatio quadam illius primæ, & summæ Sanctitatis, & est ei conformis. In ea ergo sistendum est. Hæc dixerim, præscindendo ab eo, quod sit, vel non sit possibile peccatum absque advertentia ad Deum, quia hoc alias habet considerationes.

CAPUT SECUNDUM

De actu potentie appetitivæ sufficiente, & de non sufficiente; de requisito, & de non requisito ad voluntarium.

39



DICO 1. Voluntarietas sufficiens ad lethale, non semper est contenta quovis vehementi appetitu rei graviter prohibita. Etiam si ille sit actus voluntatis. Etiam si sit absolutus, & non pure conditionatus, etiam si plenè advertentiæ conceptus. Requiritur ergo plenus etiam consensus formalis, aut virtualis: quod non tollit, dubium de patrandò, vel non patrandò aliquod lethale, esse lethale ejusdem speciei cum illo lethali directo: & confitendum cum suis specificis circumstantiis; neque quod detur aliquando veniale, & aliquando mortale in aliquibus ex his casibus. Probo primam partem. Appetitus sensitivus materialis, & carnalis, est in nobis aliquis appetitus distinctus ab actu voluntatis (pueri namque, & dormientes, phrænetici, & ebrii multa appetunt, & tamen tunc nullus datur actus voluntatis rationalis, siquidem non præluet ratio) Sed hic appetitus rei graviter prohibita non est lethalis. Tum ob hæc exempla. Tum quia licet mens sit expedita, potest homo non consentire huic appetitui, sed ipsum, manibus, & pedibus ligatum suspendere ex Cruce Jesu Christi, ut ipsemet fecit respectivè inquitens: *Si possibile est transeat a me Calix iste; Mass. 26* (en indicem appetitus sensitivi) *verumtamen non sicut ego volo, sed sicut tu:* (en ultimam definitivam sententiam voluntatis) sic etiam possumus nolle resolutè omninò bibere, aut comedere; tametsi magnam sitim, aut famem patiamur, idest appetitum sensitivum potus, & cibi: fames namque, & sitis trahunt per identitatem, aut per connexionem appetitum illum; item nolle ulcisci licet appetitus sensitivus, & bilis accensa excitet magnum appetitum vindictæ; & idem dico de appetitu circa res alias ad sensus corporeos spectantes. Tum quia ut ex D. Thoma, & aliis bene explicat Sanchez, quoties sunt multi Judices sub-

*Sanchez
l. 1. moral.
c. 1. n. 13.*

ordinati,

ordinati, finalis sententia ad ultimum, & supremum atinet. At appetitus sensitivus, seu portio inferior, seu homo vetus [circumloquia idem significantia in nobis] & actus voluntatis rationalis sunt quasi duo Iudices, quorum ille subordinatur huic: ergo finalis sententia spectat ad voluntatem: ergo donec hujus accedat consensus nihil valet totum, quod vult, & clamat appetitus sensitivus, sicut donec accedat paternus consensus nihil proficiunt blanditiæ, vel clamores pueri.

30 Cœterum cum tanta sit inter hos duos Iudices sympathia, & non observabilis distinctio, nisi attentè consideretur: cautè procedendum est in praxi, quia in istu oculi potest approbare voluntas id ipsum quod appetitus sensitivus affectat. Ad quod discernendum maxime facit habitualis indulgentia, vel resistentia voluntatis erga appetitum in ea re determinatè, non in alia disparata. Undè meritò advertit egregius ille Theologus P. Azorius pravos motus sensitivos si rationem omnino præveniant vacare omni culpa, si solam advertentiam plenam, & perfectam, vacare culpâ mortali, sed non veniali: si adde plena deliberatio esse plerumque mortales ob solam condescendentiam voluntatis cum appetitu sensitivo, quem positivè non enervat.

31 Probo secundam partem. Absque lethali contra legem positivam Ecclesiæ potest voluntas die Veneris *delectari* in esu carniæ, & cum *appetere si prohibitus non esset*, ut communiter docetur, & postea explicabitur. At utervis est actus voluntatis, & prosequutivus rei, quæ hic, & nunc prænotatur absolute prohibita; licet non habeat reflectionem in re ut prohibita; sicut neque plerumque habent alii actus voluntatis, qui absolute sunt peccatum grave: ergo potest dari actus voluntatis plenus in sua specie, & prosequutivus rei, quæ graviter prohibita noscitur, sine lethali: ergo voluntarietas ad hoc, non semper est contenta quovis appetitu voluntatis. Probo tertiam partem. Luxta communem Theologiam capite antecedenti explicatam ad lethale requiritur plena advertentia non qualiscumque, sed illius ejusdem malitiæ, quæ voluntaria dicitur. Consule si vacat P. Vasquez: ergo quoties non datur hæc plena advertentia non contrahitur malitia gravis. At potest dari absolutus consensus voluntatis in rem prohibitam absque hac plena advertentia, vel quia nulla prorsus datur. Vel quia solum datur semiplena sufficiens ad solum veniale. Vel quia licet datur plena non existit pro priori ad actum ipsum voluntatis. Vel licet existat est hebetata per æqualem advertentiam æqualis malitiæ in contradictorio: ergo. Probo quartam, & quintam. Sicut ad mortale requiritur plena advertentia ex parte intellectus; ita plenus consensus ex parte voluntatis, ut communis fert Theologia: ergo quoties non datur hic plenus consensus non datur lethale licet dari possit veniale. At existente plenâ advertentiâ malitiæ potest dari talis actus voluntatis circa illam, ut non sit plenus consensus, sed semiplenus, & imperfectus; ut constet ex communi omnium sensu distinguendum consensum plenum à semipleno; ergo actus voluntatis circa rem graviter malam plenâ advertentiâ conceptus potest non esse lethalis, sed venialis.

Azor. in fl.
moral. lib.
4. cap. 5.
q. 2. & 4.
l. 1.

Vasquez.
1. 2. disp.
107. c. 3.

32 Explicatur discernimen, quod experientia potius, quam discursus detegitur. In primis hac plenitudo consensus non consistit in eo, quod multum tempus duret, sicut neque morositas turpis delectationis nec contumacia haeretica interna. Sicut enim in unico instanti potest homo dissentire doctrinae, quam scit traditam à Deo, propositamque ab Ecclesia, & sic contrahere haeticam contumaciam; & in unico instanti delectari in ipsa objectiva oblectatione, ut distincta ab ipsa cogitatione, & à tali, vel tali modo objectivo alias coniungere solito in eo objecto, & sic contrahere malitiam gravem contra temperantiam. Ita in quavis alia prohibita materia potest in unico instanti lethali consentire, & sic habere plenitudinem consensus sufficientem, & requisitam ad lethale. Rursus neque consistit in eo, quod consentiat purè voluntariè: nam quamvis non purè voluntariè, sed cum magna displicentia, & nollitione affectivè efficaci, & quasi invitus consentiat in abjuratorem fidei; v. g. si tamen verè consensit in illam, jam habet plenitudinem sufficientem ad lethale. Item neque consistit in eo, quod ille consensus sit volitio efficax, aut saltem inefficax affectivè, vel effectivè, patrandi rem illam; nam licet utralibet abfit, imò adfit efficax, & resoluta nollitio patrandi illam, potest dari plenus in illam consensus; nempe si daretur morosa delectatio, & quasi sapida complacentia de objecto, quod menti obversatur, licet enim non omnis morosa delectatio de quovis objecto jure naturali prohibito sit lethalis, ut latè explicat P. Vasquez cui adhaeret Sayrus in clavi Regia, nempe quia potest esse de illo objecto non ut prohibito, sed materialiter, ac secundum se præcisè, aut secundum novitatem, quam habet considerato: veruntamen omnis prorsus morosa delectatio de objecto immundo est lethalis, quia per se, & non propter objectum est opposita temperantiae; & licet idem Vasquez benè probet non esse obligationem confitendi circumstantias efficientes in casu dicto objectum, circa quod est delectatio, ut si voto, si consanguinitate, matrimonio est ligatum; supponit tamen, & meritò aperiendas esse has circumstantias, si se habeant ex parte personae delectantis, sicut etiam quando objectum ipsum adversatur naturae, quia haec omnia sunt peccata contra alias virtutes.

33 Denique non consistit in eo, quod volitio, aut delectatio habeat multos gradus intentionis formaliter, aut æquivalenter; nam licet unum solum habeat gradum, si semel concipitur cum plena advertentia est lethalis, sicut dolor, & propositum, quæ in poenitentia salutari includuntur, non poscunt determinatam intentionem, aut durationem. Igitur urgente gravi tentatione multifariam potest homo se gerere. 1. non advertens plenè malitiam ob turbationem, ob distractionem, ob varietatem ingruentium aliarum specierum, potest voluntatem illam admittere. Tunc consensus est semiplenus ob semiplenitudinem advertentiae, cui proportionatur motus voluntatis, & est solum peccatum veniale; sed non est casus de quo hic. 2. advertens plenè malitiam (iste est casus de quo nunc) potest primò habere firmum pro-

Vasquez
1. 2. disp.
11. c. 3.
¶ 4.
Sayr. lib.
8. cap. 7.
Ibid. disp.
112. c. 2.

propositum reflexum cohibendi omnem approbationem voluntatis; sed tepidè repellere tentationem; idest tepidè amovere causas extrinsecas; tepidè arcere speciem, seu cognitionem excitantem illum ignem; tepidè compescere appetitum sensitivum jam exardescentem; tepidè distrahare mentem ad alia objecta salubria, vel saltem indifferentia cogitandum, ut sic interceptiatur commercium appetitus sensitivi cum voluntate; itaut propositum illud sit omninò efficax circa inhibitionem voluntatis; debile autem circa illa omnia. In hoc casu datur peccatum veniale, & hic ipse tempor resistendi est imperfectus, ac quasi semiplenus consensus in tentationem ob magnam affinitatem huius temporis cum pleno consensu. Ecce jam actum voluntatis erga objectum turpe, scilicet actum tepidè resistendi, sed qui simpliciter sit resistentiæ, conceptum cum plena advertentia, qui tamen non est lethalis, quia non est plenus consensus; sed debilitas valde disponens ad illum, ni quamprimum cotroboretur.

34 3. Potest homo esse anceps consentiat nec ne in lethale illud, quod plenè advertit. Hæc ambiguitas inspecta directè, ac collata cum objecto illo prohibito non est consensus plenus in illud, ut patet, sed imperfectus; & consequenter secundum hanc considerationem esset venialis. Ceterum absolute loquendo idest reflexè considerata cum suis circumstantiis lethalis est; quia non tantum datur lex directè prohibens homicidium: v. g. sed etiam reflexa prohibens ambiguitatem ipsam committendi homicidium plenè cognitum ut lethale. Tum quia est exponere se voluntariè manifesto periculo consentiendi. Tum quia sicut Deo loquenti debet intellectus talem reverentiam, ut non solum sit lethale dissentire, sed etiam dubitare, & quasi secum consulere dissentiat nec ne: ita Deo præcipienti eam subjectionem debet voluntas, ut non solum peccet nolens obedire, verum etiam dubitans obediat necne. Idem dico, si lex sit humana modò sit ex illis, quæ obligant in conscientia, quia tota illarum energia resolvitur in legem divinam: ergo sicut præceptum fidei prohibet dissensum, & etiam dubium: ita præcepta alia divina prohibent res, & ambiguitatem ipsam illas committendi postquam plenè nota est malicia gravis. Et ratio est eadem. Sicut enim testimonium divinum appretiare debemus saltem negativè super omnia alia motiva judicandi contrarium idest nullum ex motivis apparentibus pro parte contraria possumus acceptare, ut contraponendum par divinæ auctoritati. Et qui dubitat utrum dissentiat Verbo divino, operatur contra hanc appretiationem, nam idè dubitat, quia rationes contrarias acceptat, ut pares, vel supares divino testimonio; & hanc ob causam hæret anceps inter dissensum, & non dissensum.

35 Ita Deum, & suam superioritatem appretiare debemus super omnia saltem negativè, idest nullam utilitatem, delectationem nullam possumus acceptare, ut contraponendum par Superioritati divinæ, & subjectioni nostræ. Et in hoc distinguuntur aliorum præceptorum obedientiæ à charitate, nam hæc positivè appretiamus Deum super om-

omnia . Sed qui anceps hæret faciat nec ne id , quod plenè advertit esse prohibitum à Deo it contra hanc appretiationem : quia ideò dubitat , quia licet non intellectu , seu speculativè (hæc enim est blasphemia hæresis) attamen practicè , atque voluntariè æquè appretiat illam utilitatem , vel delectabilitatem prohibitam , atque obedientiam Dei ; & hanc ob causam hæret dubius inter consensum , & resistantiam . ergo graviter peccat : ergo licet tunc non detur plena voluntarietas , quæ sit in homicidio v. g. aut in hoc actu interno *volo occidere* , quia supponimus neutrum dari ; datur tamen plena voluntarietas , quæ sit in practico ipso , & exercito dubio voluntatis , quam supponimus voluntariè , ac deliberatè sic hæret : ergo sicut in exemplo allato fidei divinæ , cui semper insistendum , dubium illud deliberatum intellectu non est peccatum utrumque , sed contra fidem , & formalis hæresis : ita dubium practicum voluntatis deliberatum circa rem prohibitam est peccatum contra illam eandem virtutem , quæ prohibet illam rem , quia eo ipso prohibet ejusmodi dubia quocirca si dubium fuit occidere , vel non occidere Ecclesiasticum , furari , vel non furari suppellestem sacram , consentire , vel non consentire in intemperantiam cum advertentia voti &c. debent explicari in confessione hæ circumstantiæ , quia ista fuerunt dubia de committendo sacrilegium , incestum &c.

36 Obii. quisquis nondum decrevit exercitè , aut signatè peccare , non peccat : sed quisquis est anceps peccet nec ne nondum decrevit peccare . Resp. distinguo hoc , peccato illo directo , de quo est dubium concedo ; peccato reflexo stante in ipso dubio nego , Ipsi enim dubium est exercitè peccatum . Repete idem exemplum . Sed quid entitativè ex parte rerum est hoc practicum , & deliberatum dubium voluntatis cum omnes hujus potentiz actus circumscribantur his tribus geminatis speciebus . *Amor , odium . Volitio , nolitio . Gaudium , dolor* ? Respondeo sicut dubium intellectus consistit non in quavis suspensione gemini assensus contradictorii (nam citra peccatum dubitandi in fide , potest homo sic se gerere . *Nolo modò elicere positivum assensum , aut positivum dissensum circa talem articulum* . Fides enim non obligat quoad exercitium pro omni penitus instanti) sed in suspensione , originem trahente ex hoc positivo judicio reflexo . *Pro neutra parte est ratio efficax* . (& tunc est dubium negativum) vel ex hoc . *Pro utraque parte sunt aequales rationes* . (& tunc est dubium positivum) ita dubium practicum , & deliberatum voluntatis de occidendo , vel non occidendo , non consistit physicè ex parte rerum in mera omissione utriusque volitionis ; sed in omissione originem trahente ex pessimo hoc latente actu voluntatis . *Æquè assimo affectivè hic , & nunc talem utilitatem , aut talem delectabilitatem , ac legem prohibentem* . Et in hoc stat tota malicia ambiguitatis dictæ ; quemadmodum non solum peccarunt Hebræi eligendo potius Barrabbam , quàm Christum ; sed etiam Pilatus ipso optionem , seu æqualitatem inter utrumque proponens . Clara quippe est querela illa apud Isaiam . *Cui assimilasti me , & adæquasti dicis Sanctus* , ut benè intelligamus hanc rem . Et etiam inter nos est inju-

*Isai. 46. 3
& 46,*

ria æquare positivè, aut negativè virum dignum cum indigno.

Daniel. 13

37 Dices: non est fur, v. g. qui neque physicè, neque moraliter furatur, neque vult furari, neque delectatur in furto. Resp. distinguo neque deliberatè æstimat voluntate furtum tanti quanti legem illud prohibentem concedo. Si habet hanc ætimationem nego. Repete exemplum, & rationem datam. Et ecce habes obiter probatas ultimas partes conclusionis. Neque obiiicias Sufannam apud se dicentem: *Si enim hoc agere mors mihi est, si autem non agero &c.* quoniam hæc non erant verba dubitantis annueret nec ne sentibus; sed expendentis sequelas ex una, & altera determinatione, eligendi gratiâ determinationem illam, quam elegit. *Melius est mihi absque opere incidere in manus vestras &c.* Redeamus ad inceptam divisionem. Potest contingere 3. quod homo plenè advertens malitiam se habeat merè negativè, neque respuent, neque admittens illam absque pravo tamen dubio nuper explicato. Et tunc rursus distinguendum est. Vel enim excitatur vehementius aliquis motus irascibilis, aut concupiscibilis in appetitu sensitivo vel non. Si hoc: non datur plenitudo, aut voluntarieretas consensus sufficiens ad peccatum grave, & quandoque neque ad veniale, quia in hoc casu non datur periculum (hæc est ratio contrariorum) nisi remotum, & generale de eo, quod voluntas consentiat; sola enim cognitio mali nisi accedant aliz circumstantiz non est periculum speciale quod semper teneatur sub gravi culpa, vel sublevi repellere. Neque tenemur positivè præferre in omni, & pro omni casu legem divinam utilitati, aut delectabilitati, præferre inquam signatè, expressè, ac formaliter. Si primum: iterum distinguo, vel ignis ille iræ, seu delectationis accensus in appetitu sensitivo, talis est propter suam magnitudinem, aut propter qualitatem materiz, circa quam versatur (non enim omnes æquè rapiunt voluntatem) aut propter fragilitatem, consuetudinem, complexionem, experientiamque patientis in corpore illum motum iræ, aut concupiscentiz; ut magnum sit periculum quod voluntas ipsa indulgeat: vel non: eo quod oppositè adine circumstantiz. Si hoc? non peccat ille qui merè passivè se habet permitiendo, non quærendo directè, aut indirectè eam delectationem, aut choleram in corpore; & consequenter hæc omisso, aut nolitio repellendi illam positivè, non habet plenitudinem, & voluntarieratem sufficientem ad lethale absente semper dicto periculo. [quod in praxi difficile] quia licèt voluntas debeat regere appetitum sensitivum primò quatenus debet non accendere positivè prædictum ignem in illo. 2. quatenus debet impedire ne semel accensus transiliat ad voluntatem ipsam; sed non quatenus semper debeat ignem aliunde accensum in eo solo appetitu extinguere positivè etiam si non detur periculum, ut ipsa quoque exardescat. Similiter licèt magnus sit consensus, ac sympathia animæ cum corpore, voluntatis cum appetitu sensitivo, non est tantus, ut ex corporea impressione infallibiliter sequatur consensus voluntatis, sicut ex materiali cognitione phantaziz sequitur spiritualis cognitio in intellectu sui compete. Hic enim non est potentia libera, sicut illa.

38. Sin verò contingat illud primum: datur voluntarietàs, & plenitudo consensus sufficiens ad peccatum; nam eadem lex, quæ sub gravi vetat rem, vetat sub gravi, ne homo voluntariè se exponat manifesto periculo faciendi illam rem: hæc enim expositio esset in materia gravi contra prudentiam, contra propriam charitatem, & contra legem illam. At supponimus esse legem sub gravi prohibentem illum motum iræ, vel delectationis *in voluntate*; & insuper supponimus motum illum in appetitu sensitivo esse magnum periculum de eo, quod similis sibi respondeat instar Echonis in voluntate: ergo voluntas tenetur sub gravi non pati eum motum in appetitu sensitivo, sed modis, quibus possit, repellere illum positivè, vel amovendo causas extrinsecas illum excitantes, vel detorquendo intellectum, ut alia cogitet, vel invocando Deum, vel canendo, vel confabulando; vel alio quovis modo bono, seu indifferente, qui intercipiat commercium illius motus sensitivi cum voluntate. Porro quando diximus licitum esse habere se merè permissivè absente dicto periculo (quæ est communior Theologia, ut eruditè ostendit Sanchez) intelligendum est *loquendo speculative*, & prout res possunt absolutè contingere, non vero practicè, ut sapienter advertit idem Author: quia continget consensus voluntatis, qui acutissimam Dei perspicaciam fugere non potest, si non illicitò excutiat voluntas ab appetitu sensitivo carbonem illum accensum; tum propter sympathiam illius cum hoc: tum propter divinam desertionem sic puniendo superbiam hominis volentis se habere negativè, seu ut ipse dicit, merè præcisivè ad conspectum tanti hostis.

Sanchez
lib. 1. c. 2.
n. 13.

39. Hinc apparent discrimina inter eam communem Theologiam, & propositionem 47. Michaelis de Molinos. Tum quia iste loquitur *absolutè*; sententia verò hæc purè *conditionatè*, scilicet sub hypothesi, quod nullum detur periculum consensus voluntatis, quæ hypothesi si non purificatur, prorsus non licet ea permissio. Tum quia ille in ea propositione, & aliis descendit ad materiam, & singularitates alienas prorsus à munditia Christiana; de quibus non procedit hæc altera sententia; tum quia ille excusat, & suadet praxim; hæc altera sententia absolutè praxim refutat, quia absolutè loquendo manifestum intercedit periculum. Tum quia ille dat rationem barbaram, & alienam, prorsus à Christianismo; scilicet quod anima sic manet magis candida, & fortis, quæ barbaries est. Tum demum quia ille recurrit ad violentias diabolicas, quas ibi fingit, cum tamen individualitates, quæ ibi recensentur, fiant proprio, absoluto, & voluntario consensu hominis.

40. Potest contingere 4. quod homo plenè advertens malitiam pro-rumpit in affectum voluntatis circa illud objectum, non quidem terminativè absolutè, sed conditionatè. In primis hæc, & similia verba. *Ulciscerer me si non esset infernus. Ego tibi responderem de condigno si esset in alio statu, regione &c.* possunt significare non quidem actum voluntatis; sed solum iudicium præsens reflexum, quod homo habet de se ipso, & de sua operatione, si esset juvenis, si in sua patria &c. Et tunc

certain est non dari peccatum, quia solum iudicium de propria fragilitate non est peccatum. Et sic qui accedit ad confessionem cum iudicio moraliter certo de relapsu, potest bene accedere, quia potest habere resolutum, & efficacem propositum nunquam peccandi in sensu composito illius iudicii reflexi supra propriam fragilitatem. Rursus verba ista significare possunt propensionem solam voluntatis in rem illam, & quod defectus conditionis assumptæ cohibet, ne illam exequatur, aut exequi ullatenus velit, & tunc potest non esse peccatum, & si conditio non abstergat malitiam ab objecto v. g. *si non haberem decus, quod amitterem, istam rem furarer*: potest significare rationem, quæ hic, & nunc compescit meam propensionem ad furtum, esse solam honoris iacturam. Et neque est peccatum pati illam propensionem, neque moveri ex hoc motivo ad illam infringendam: ergo licet conditio adjecta non purget à malitia objectum, ut hæc non purgat, potest actus ille non esse peccaminosus. Talis autem esset, si deliberatè abiceret alia superiora motiva tamquam insufficientia ex se; v. g. si faceret hunc sensum. *Non propter Deum, aut propter suam legem, sed propter meum dedecus tempero manum à furto*: quod sine dubio est lethale ob pravam illum contemptum; nisi fortè sit mera, & pura affirmatio illius, quod tunc contingit,

§. II.

41 **D**ifficultas ergo est quando non tantum iudicium, sed etiam actus voluntatis, & consensus tertur in objectum prohibitum, sed tendens conditionatè tantum. Dico, vel conditio *abstergit* malitiam ab objecto, vel non. Si hoc secundum; peccatum est tam delectatio, quam volitio terminativè conditionata, quia est plenus, & voluntarius consensus in objectum purè, ut malum cognitum, & nulla ratione excusatum; atque idcirco tam delectatio, quam volitio ulciscendi te *si haberes alas ad fugiendum, si posses te reddere invisibilem, si non incurreres excommunicationem, irregularitatem, reatum gehenna &c.* sunt lethalia; quia etiam omnes hæc conditiones purificarentur prohibita maneret vindicta. Idem dico de nolitione, ac displicentia operis honesti sub conditione obligationis. Si verò dicatur primum: multi graves DD. tradunt non esse tunc plenitudinem, & voluntarietatem consensus sufficientem ad contrahendum lethale, licet res sit prohibita jure naturali. Unde ajunt non esse peccatum hunc actum. *Subriperem istud horologium &c. si non esset peccatum &c.* Pater Sanchez distinguit, & concedit quando res prohibetur solo jure positivo: unde non est peccatum grave efficacem affectivam volitio, seu morosa delectatio circa esum carniæ in Quadragesima, si non esset prohibitus. Negat quando jure naturali prohibetur, quia tunc est intrinsecè mala: ergo ut talis nequit

Sanchez
lib. 1. c. 2.
n. 23.

appetui quā apperatur malitia : ergo conditio illa de eo , quod res non sit mala est purē verbalis , ac ut implicatoria habetur pro non adiecta . Non acquiesco ; nam ut benē arguit Vasquez sequetur deliberatam delectationem voluntatis in concubitum cum tali persona apprehensā , ut propria , & sub hypothesi , quod conjux foret , non esse lethale ; quam consequentiam licet obiter concedat Sanchez , & postea possivē probet , atque explicet num. 24. nempe cum limitatione , quod non transfundatur delectatio ad appetitum sensitivum , dura tamen mihi est . Respondeo igitur quando conditio , sub qua fertur in rem desiderium , aut delectatio est talis , ut ea per possibile , vel impossibile purificata , res foret licita , interdum desiderium , ac delectatio habent voluntarietatem , & plenitudinem sufficientem ad lethale . Incedum non . Ubi intelligas me non loqui de his actibus subjectivē conditionaris , idest qui modō non existunt , sed existerent si purificaretur ea conditio . loquor enim de illis , ut subjectivē absolutis , terminativē autem conditionatis .

ubi supra
n. 10.

42 Arguo primō , quia fundamentum totum universalitatis qua loquuntur Adversarii stat in eo , quod hi actus ab objecto , ut tali , sumunt malitiam , unde si feruntur in objectum , ut defecatum à malitia , mali non sunt . Sed hoc est falsum si tanquam regula universalis dicatur : ergo : probo minorem . Nam , ut dixi cap. antecedente , stat objectum materiale , & formale actus voluntatis esse in seipsis bona , & tamen actum esse peccaminosum , ut constet de volitione succutendi proximo ex motivo misericordiz , quando Deus id privatum prohiberet , ut simpliciter potest : ergo ex eo præcisē , quod objectum ut tale actuum horum sit licitum , non sequitur ipsos etiam licere . Item opus conjugii , ut tale non est peccatum ; & tamen sponsi , qui de illo , ut futuro , & vidui , qui de illo ut præterito deliberata voluntate delectarentur , peccarent lethaliter saltem ob practicum , & clarum periculum sensitivum delectationis . Similiter in nolitione , ac displicentia . Nolle efficaciter subire martyrium necessarium ad fidei defensionem , licet sit purē , & præcisē propter physicam difficultatem , est lethale . Displicere autem , & tristari de eodem purē ob hanc difficultatem non est lethale : ergo circa idem omninō objectum potest unus actus esse licitus , & alter illicitus . Idem dico ex diversitate modi tendendi , quam possunt habere : ergo objectum solum non est regula universalis . Et ratio hinc sumitur . Eo ipso quod aliqua virtus specialiter prohibeat actum directē , & immediatē in seipso , hic est malus ; & eo ipso , quod nulla eum prohibeat , non est malus . At fieri potest , quod aliqua virtus specialiter prohibeat sub gravi tum morosam delectationem , tum desiderium circa objectum , etiam sub hypothesi possibili , sub qua illud liceret . Item quod nulla prohibeat alterutrum actum circa objectum sub hypothesi , sub qua liceat : ergo huiusmodi actus terminativē conditionales interdum sunt graviter mali ; interdum non : ergo interdum habent voluntarietatem , ac plenitudinem sufficientem ad lethale , interdum non . Probo primam partem minoris revocando prius

in

ad Tit. 1.

in memoriam Paulum. *Omnia munda mundi, coinquinat autem, & infidelibus nihil est mundum, sed inquinata sunt eorum & mens, & conscientia.* Sicut Medici ob salutem corporum, ita Theologi ob salutem animaram interdum coguntur evolvere, quæ procul esse debent. Morosa delectatio, ac fervens desiderium cognoscendi talem personam, sub hypothesi matrimonii est actus terminativè conditionalis, sub hypothesi sub qua illa delectatio liceret; & tamen hic actus sub gravi prohibetur circa eam delectationem, ut talem, *à temperantia*, omni non conjungi; *à religione* omni habenti votum; *à pietate* omni consanguineo: nempe ob specialem fornicatorem horum actuum; & quia non solum objectum ipsam, sed etiam voluntariæ delectationes, desideriaque hoc super objecto, ut delectabili, licet sint terminativè conditionalia, solum permittuntur subjectivè absolute, eis qui actu sunt conjuges, & minimè aliis ob prædictum manifestum periculum saltem incidendi in consensum magis expressum, & illicitum. Profecto non video quo pacto excusaretur à fœdissimo brutali lethali, qui voluntariè delectaretur, aut concupisceret circa personam ejusdem sexus, sub hypothesi quod ipse, vel alter essent diversæ sexus, & matrimonium intercederet: quæ ambæ hypotheses possibiles sunt.

43 Neque dicas primò cum multis, Religiosum, aut conjugatum desiderantes talem ducere uxorem sub hypothesi, quod ille à voto, hic à matrimonio expeditus esset, non peccare. Transeat. Ceterum cum matrimonium non importet essentialiter illud aliud, stat bonè desiderium matrimonii sub istis hypothesibus esse licitum; & tamen, esse illicitum desiderium illius commercii, atque delectationem, etiam sub istis hypothesibus, quarum veniuntate solet Diabolus aburi. Item cum in opere illo concurrant honestas, utilitas, & delectabilitas, possunt isti appetere illud sub istis hypothesibus, ut honestum, & utile; sed non ut delectabile: & de hoc procedit nostrum argumentum; siquidem ipsa delectabilitas non esset lethale in eo statu, & sub eis conditionibus. Neque dicas 2. fore ut omnes qui ambiunt nuptias lethalliter peccent. Tum quia jam dixi, non esse idem appetere nuptias, & appetere illud aliud ut delectabile, atque in eo immorari. Tum quia possunt illud etiam appetere, sed ut honestum, atque utile ad finem, ad quem Deus nuptias instituit. Tum quia aliud est appetere primariò statum illum, & post hunc delectabilitatem; aliud longè diversum appetere hanc primariò sub hypothesi illius status non operati positivè, sed suspensè manentis, & quasi de materiali se habentis. Illud primum potest licere, servatis servandis, nuptias sollicitantibus. Secundum prohibetur à temperantia omnibus, qui non sunt in eo statu; & de secundo procedit argumentum nostrum.

44 Similiter reverentia, & gratitudo erga Parentes graviter prohibet, quod delecteris, & desideres illos suspendi, & non absolvi à Principe sub hypothesi, quod committant crimen, quod plecti, & condonari possent. Et tamen suspendium illud sub ea hypothesi esset licitum: Judici utique, sed non tibi, qui Magistratu non fungeris.

Simi-

Appetitus requisitus ad voluntarium. 383

Similiter humilitas propria, & reverentia erga Deum graviter prohibet, quod delecteris in tua æqualitate cum Patre aeterno sub hypothefi chymica, quod esses ei Filius naturalis; & quod nunc appetas eam æqualitatem sub ea hypothefi. Item Religio prohibet, quod delecteris, & jam nunc desideres blasphemare Sacrosanctum nomen Dei sub hypothefi ignorantie invincibilis de malicia blasphemie, & tamen sub illa hypothefi non effet formaliter mala illa. Item clementia, & humana pietas graviter prohibet, quod jam nunc delecteris de carnificina tui proximi, & jam nunc subjective absolute desideres discernere illius membra sub hypothefi tamen, quod esses carnifex electus à Deo; in qua profectò hypothefi liceret illud. Profectò ex terminis ipsis apparet has omnes delectationes, & desideria graviter diffonare rationi, licet addatur cento ille *se daretur talis, aut talis casus*. Ergo interdum sunt lethalia istius modi delectationes, ac desideria subjective absolute, & terminative conditionata sub hypothefi, qua data, res non effet illicita.

45 Interdum autem non sunt. Nam citra violationem voti paupertatis potest Religiosus habere delectationem, ac volitionem terminative conditionatam (*nempe si esset in alio statu*) circa magnos sumptus, magnamque summæ erogationem factam propria auctoritate, ut bene notat P. Vasquez. Item homini privatio est interdium eudere moneta. *Vasq. l. 2. tam, largiri publicas dignitates &c., & tamen citra lethale, licet disp. 112. non citra stultitiam, potest apud se delectari in his, & illa decernere, cap. 3. apprehendens se Regem, vel quid simile. Item laico est prohibitum sacrificare, absolvere, conferre ordines, & tamen absque lethali potest delectari, & velle tum sacrificare, tum absolvere &c. nempe si fortè aliquando, & pro aliquo casu possibili sit Episcopus. Ergo interdum non sunt lethales hi actus conditionales per se loquendo. Quocirca Regula magis firma videtur illa, quam pro morosis delectationibus in genere scribit Vasquez loco citato: scilicet quoties hujusmodi actus habuerint specialem gravem oppositionem cum aliqua virtute, n. 15. sunt lethales; secus quando non habuerint. Qui & quando habeant; qui, & quando non habeant; oportet unumquemque audire, nam ipsi se manifestant.*

46 Dico 2. Voluntarietas sufficiens ad moralitatem non semper poscit, quod actus voluntatis sit verè physicè à propria voluntate contrahentis malitiam (pater in peccato originali, quod juxta Tridentinum *inest unicuique proprium*, & consequenter juxta veriorum Theologiam unicuique est verè, & simpliciter voluntarium; & tamen non est verè physicè à propria uniuscujusque utpote non existente physicè quando illud fuit patratum.) Neque semper poscit, quod talis actus voluntatis (sive sit fuga, sive persecutio) actus existat *in se, vel in effectu*. Ratio primi. id est illius *in se* est. Sicut ille, qui ex intentione sacrificandi, absolvendi &c. orditur seriem consuetarum actionum verè, & simpliciter sacrificat, absolvitque, licet in ipso instanti consecrationis, & absolutionis sit distractus: & consequenter non

non habeat fugitivam illam actualem intentionem. Ita ille, qui ex intentione faciendi rem bonam, aut malam, exorditur seriem actionum consuetarum, verè, & simpliciter meretur, aut peccat in omnibus illis instantibus; licet non in omnibus, & singulis habeat actualem advertentiam, & intentionem operandi ex, vel contra motivum honestum: aliàs cum ea sit humanæ mentis volubilitas, ut vix per pauca fixari possit instantia, ut eidem attendat objecto; multa opera bona manerent sine præmio, & multa mala sine poena, si ad utrumque esset necessaria actualis attentio, & intentio ad tale objectum materiale, & formale; sæpèque non eliceremus actum fidei ultra medieta-tem Symboli, utpote non habentes actualem intentionem fixam pro unaquaque particula in objecto formali fidei. Idem dico, quoad voluntarietatem necessariam ad contrahendum moralitatem.

47 Et ratio est: quia sicut ad gravissimam rem, qualis est Sacramentorum valor, contentus est Deus modo humanitus rationali efficiendi illa: & unus ex frequentissimis modis humanitus rationalibus operandi, est operari cum sola advertentia, & intentione virtualiter manente in effectu, & absque actuali, & formali. Ita ad contrahendum bonitatem, aut malitiam moralem sufficit, quod liberè modo humanitus rationali, & consuetò facias bonum, aut malum. At liberè exordiri seriem actionum, quas prævides bonas, aut malas, & illam seriem prosequi, licet non semper cum actuali advertentia, & intentione, est unus ex modis humanitus rationalibus, & satis frequentibus operandi; licet Angeli alio modo altius rationali operentur: ergo sufficiens, si cetera adint requisita, ad bonitatem, aut malitiam contrahendam in omnibus, & singulis instantibus, & actionibus illius concatenationis; quod sanè obviis exemplis in rebus bonis, malis, & indifferentibus unusquisque explicare potest. Ergo voluntarietas hæc virtualis, idest in effectu continuata, & perseverans, sufficit ad moralitatem; ergo non semper requiritur, quod actus intellectus, & voluntatis in seipsis perseveret. Et sic explicata, vera est sententia, Tanneri. Hinc omnes illæ propositiones, quæ oblici possunt, & evi- dentes videntur in materia de merito, & peccatis, v. g. *Non potest esse actu peccatum, quod non est actu contra conscientiam; quod fit cum omnimoda inadvertentia; quod non fit actu liberè; quod fit sine consensu voluntatis; & alia similes.* In primis retundendæ sunt in actionibus, sæpè conscientibus actu Sacramentum, & consequenter humanis, ac rationalibus, absque actuali tamen advertentia, & consensu; modò existant virtualiter hæc duo in effectu. Deinde distinguendæ sunt: & negandæ quando licet non detur actu advertentia, consensuque voluntatis datur tamen virtualiter virtualitate dicta, scilicet in effectu ex eis, vel sub eis incepto: concedendæ autem, quando advertentia, libertas, & consensus non perseverant adhuc virtualiter hac virtualitatis specie. Et denique danda est ratio, atque exemplum nuper eruta ex frequente humanoque modo operandi, familiari hominibus etiam accuratissi- mis in suis negotiis,

*Tanner.
disp. 4. de
pecc. dub. 5
quæst. 5.*

48 Hinc 2. Sicut ex sufficientia intentionis, & advertentiæ virtualiter perseverantium, non sequitur ebrios, amentes, pueros, dormientes, & similes posse validè conficere Sacramenta; etiam si in illos status se immitteret homo ex intentione illorum conficiendorum Sacramentorum; scilicet quia iste non est modus humanitus rationalis operandi. Ita neque hos, aut similes peccare, aut mereri actus, ex eo quod ad utrumque sufficiat dicta perseverantia virtualis advertentiæ, ac intentionis. Profectò non in omnibus, & singulis Symboli particulis actu reflectimus supra objectum formale fidei; & tamen omnes, & singulæ sunt actus fidei, si ex hoc motivo incepimus omnium seriem. Neque Religiosus, qui ex obedientia, vel charitate it ad Indos, reflectit in omnibus, & singulis passibus supra hæc motiva; & tamen omnes, & singuli norantur ad præmium si ex eis motivis aggressus est iter, & interdum illa renovat. Nempe quia ad meritum, & demeritum non alius requiritur modus operandi nisi humanus, & frequens. Talis autem est iste. Idem dico quando series est pravarum actionum; aliam cum peccata numerice multiplicentur ob interruptionem moralem; qui per horam integram vacavit rei prohibita teneretur confiteri quot momentaneas habuerit distractiones oriundas ex humano modo operandi, idest, non semper fixo in eodem objecto instar Angelici.

49 Hinc 3. Defectus libertatis, advertentiæ, & consensus actualium, ex aliis capitibus proveniens, opponitur cum voluntate requisita ad meritum, & demeritum; secus quando nascitur ex humano ipso modo operandi, scilicet distractionibus referto; sicut etiam contingit in Sacramentorum valore; & ob eandem rationem. Unde non quamlibet virtualitatis speciem dico sufficere ad utramvis voluntarietatem, (& de hoc monendi sunt Adversarii) sed eam quam sæpè dixi, & quæ sufficit ad efficiendum Sacramentum. Hinc demum aliud est, quod in casu dicto detur actuale peccatum, sive actuale meritum *actualitate advertentiæ intellectus, seu consensus voluntatis*; (& hanc terminorum contradictionem non dico) aliud verò *actualitate imputabilitatis*, quatenus actio illa elicitæ cum attentione, & consensu sic virtualiter permanentibus, verè sit imputabilis laudi, vel vituperio. Hoc est, quod dico, quodque exemplo, & ratione firmavi. Et hac distinctione explicandæ sunt cavillationes, quæ insistant eis terminis; *Peccatum, meritum, actus, in seipso*.

CAPUT TERTIUM.

Cœtera, quæ possit, vel non possit voluntarietas.

50



UO hucusque explicui constitutiva voluntarietatis, expendamus cœtera. Dico primò. Voluntarietas in genere sufficiens ad moralitatem, idest, sufficiens ut actus sit ex hoc titulo bonus, aut malus in genere moris, non semper requirit, quod actus voluntatis

sit amor, volitio, aut gaudium (nam etiam odia, & nolitones possunt habere voluntarietatem) Neque quod res actu fiat (patet in delectatione morosa, & in approbatione, seu gaudio homicidii per alium te inscio patrari, & in volitione effectivè inefficace, sed affectivè efficace: undè meritò dixit Damascenus eum, qui incidit in thesaurum, spontè quidem incidisse quia libenter; sed non ex electione quia casus fuit. Imò quandoque evenit quod sit tibi voluntarium id, quod non facis, & non id, quod facis; ut qui volens facere Sacram, vel Officium, vel commemorationem unius Sancti non advertens facit aliud; & qui volens solvere debitum Petro solvit Joanni, in quibus casibus est voluntarium id, quod non facis; sed non id, quod facis) & quævis res illa actu fiat non semper est necesse quod physicè, aut moraliter fiat ab omni illo cui voluntaria est (patet in eo, qui tacitus apud se vehementer desideraret te occidere multos homines, cui professò illa carnificina esset voluntaria: idest voluntati pessimæ illius conformis, & consequenter aspergeret malitiam moralem ei desiderio, & tamen neque physicè, neque moraliter committeret homicidium) neque est necesse, quod actus ille voluntatis sit physicè, aut moraliter à potentia volitiva (patet in Deo cui voluntaria sua exercitia immediatè libera, & tamen utpotè cum ipso adæquatè identificata, ut ex tractatu de Deo suppono, non procedunt ab eo physicè, aut moraliter; quod si in creatis, est verum, voluntatem posse amare per actum sibi à solo Deo impressum, tunc actus ille voluntatis non esset voluntarius, esset tamen voluntarium objectum illius.) Dicitur ergo voluntarium esse à principio intrinseco quatenus si sermo fuerit de voluntario exercitè formaliter, & immediatè tali, scilicet de exercitio voluntatis, illud producit physicè ab hac in creatis, vel virtualiter hoc, aut illo modo in divinis. Sin verò de voluntario signato, & objectivo, idest de re illa, quæ voluntaria dicitur, est à principio intrinseco, quatenus conformis est actui voluntatis, qui actus alterutro ex modis dictis est à voluntate. Demum neque omne, quod utcumque est à principio intrinseco volitivo, est voluntarium (nam præsentia ipsa voluntatis, & huiusmodi alia, physicè procedunt ab ea, & non habent dictam volun-

ta.

Damascen.
lib. 2. de
fide c. 24.

rietatem . Item juxta sententiam identitatis omnium potentiarum inter se , & cum anima , intellectio , sensatio , & omnes aliæ operationes humanæ procedunt physicè à voluntate , & tamen non omnes sunt verè , & simpliciter voluntariæ .) Debet ergo esse à principio intrinseco instar fugæ , aut prosecutionis objecti prælucente hujus cognitione immediatè .

51 Dico 2. Non est de ratione voluntarij in genere esse volitum instar objecti , ut notabam cap. 2. Nam licèt tale plerumque sit voluntarium *objectivum* ; verumtamen actus ipse voluntatis , qui propriissimè est exercitè in seipso voluntarius , non semper est reflexè volitus , ne in infinitum abeamus reflexionum ; sed sufficit quod immediatè physicè , ac virtualiter , nascatur à potentia volitiva instar prosecutionis , aut fugæ immediatè præcedente cognitione objecti . Hinc vox illa Augustini : *qui diligit proximum , diligit dilectionem* ; Et rursus : *scio me velle quidquid volo* ; Item Ansel. *omnis volens ipsum suum velle vult* . Item Thomæ : *amor ex propria specie habet , quod supra se reflectatur* ; non significant volitionem honoris , v. g. esse volitionem sui ipsius sicut honoris ; hoc est signatè , & objectivè sic tendens ; *volo , & amo velle* ; nam de illo *velle* , & amore reflexo est par ratio , & sic diceremus : *volo velle velle* ; & de illo tertio *volo* diceremus idem in infinitum . Igitur sicut cognitiones sine reflexione signata supra se ipsas , per se immediatè , atque exercitè , in genere causæ formalis sunt experimentales notitiæ sui ipsarum , ita actus voluntatis absque signata reflexione supra se sunt exercitè amores , seu volitiones sui ipsorum . Rursus voluntarium strictè tale non est terminus convertibilis cum libero libertate indifferentiæ , idest à necessitate quia licèt omne sic liberum sit voluntarium non tamen è converso ; quandoquidem spirator voluntariè producit Spiritum Sanctum , & Beati voluntariè amant Deum ; idest citra omnem violentiam , aut coactionem , sed maxima cum jucunditate ; & tamen in neutro casu datur libertas à necessitate cum in utroque adsit necessitas simpliciter antecedens . Fateor omne voluntarium esse liberum libertate à coactione , sed nego esse liberum libertate indifferentiæ , seu à necessitate , quæ species libertatis est omninò necessaria ad meritum , aut demeritum juxta damnationem tertiæ propositionis Jansenii : quod sedulò notandum est , quia multi confundunt voluntarium cum libero ; sed meminisse debuerant Nissenum , seu Nemesium jam olim distinguisse hæc duo . Omne inquit , quod est secundum electionem est voluntarium , sed non convertitur : quod fieret utique , si idem esset voluntarium , & electio . Porro argumenta , quæ obijcit P. Vasquez non impugnant hoc , sed perfectionem voluntarietatis crescere ob defectum libertatis , quæ est res valdè diversa . Præterea voluntarium non est convertibile cum spontaneo : tum quia bruta operantur spontè , hoc est absque violentia extrinsecus illata , sed ex instinctu , hoc est , ex impulsu appetitus sensitivi excitati per suas materiales apprehensiones , & tamen nunquam operantur voluntariè , cum neque habeant voluntatem , neque perfectam cognitionem finis , ut explicat S. Thomas :

lib. 5. Phil.

c. 4.

P. Vasquez

1. 2. dist. 23

cap. 4.

S. Th. 1. 2.

q. 6. art. 2.

quocirca solum operantur voluntariè imperfectè, quatenus apprehensio objecto subitò absque deliberatione rapiuntur in illud; & in hoc sensu explicandi sunt Aristoteles, & SS. Nissenus, & Damascenus agentes, pueros, & bruta communicare voluntario. Tum etiam quia qui ex metu cadente in Virum constantem operatur, voluntariè operatur: aliàs non peccaret, qui ob tormentorum metum abjureret fidem, & tamen non operatur spontè, sed ex illo metu valido. Denique licet ratio voluntarii per accidens augeri possit, nunc libertate, nunc necessitate, per neutram tamen crescit per se formaliter.

52 Explicatur hoc. Aliquando actus liber est magis voluntarius, quàm actus ad quem antecedenter necessitatur voluntas, sive per solam naturam, sive per aliquid sibi intrinsicè unitum, sive per aliquod extraneum. Tum quia voluntarium pro eodem multoties usurpatur, ac liberum; ut constat ex frequentibus loquutionibus S. Thomæ, & aliorum, ergo in hac acceptione certum est actum eo magis fore voluntarium, quo magis liber sit. Et hoc solum probant rationes eorum, qui docent quantitatem voluntarii crescere augmento libertatis. Nempe: *quia actus liber est magis imputabilis: quia est magis ex arbitrio, & dominio voluntatis: quia est ex mera sua electione: quia minus, & concupiscentia idem minuit peccatum, quia minuit voluntarietatem*: ut ait S. Thomas. Hæc, & similia probant de voluntario, prout coincidente cum libero, & spontaneo: in qua acceptione non loquimur modo: quandoque etiam actus elicited absque libertate est magis voluntarius, quàm actus liberè elicited: v. g. amor beatificus comparatus cum actu liberè quidem factò, sed ob metum, puram obligationem, spem lucri, torturam &c. quia ille provenit à solo principio intrinseco, scilicet voluntate, visioneque beatifica; hic verò multò magis ab istis principiis extrinsecis. Idem dico si concupiscentia ita exardescat, vel irascibilitas, ut omnem adimat libertatem indifferentiæ; sed hoc non venit ex solo conceptu antecedentis necessitatis, sed ex tali specie necessitatis antecedentis.

53 Cœterum si expendamus voluntarium secundum solam suam definitionem, idest prout procedit à principio intrinseco cum cognitione: item libertatem, ac necessitatem secundum se præcisè, & ex genere suo: dico per neutram augeri voluntarium: sed utramvis manere hoc prout erat, vel non erat. Tum quia si augetur formaliter per libertatem, omnis actus liber magis voluntarius esset, quàm actus necessarius, quod falsum est juxta nuperum exemplum. Item si augetur formaliter per necessitatem omnis actus necessarius esset magis voluntarius, quod falsum est juxta primam illam rationem: ergo utramvis se habet per accidens ad rationem voluntarii, & per neutram augetur hæc formaliter, sicut ratio subiecti, neque augetur formaliter albedine, neque nigredine: & ratio est. Voluntarietas stat formaliter quidditative in eo, quod actus sit à principio intrinseco cum cognitione: ergo quicquid per se formaliter non auget actum, aut hujus actum à principio, qui hujus intrinsicètitatem, aut cognitionem præviā, obje-

Cetera requisita ad voluntarium. 389

objecti non augeat, per se formaliter, ullum constitutivum voluntarietatis, & consequenter nec ipsam voluntarietatem. At necessitas antecedens, & libertas huic contraria, inspectæ secundum se, ac præsciendando ab his, & illis casibus particularibus, nullum ex illis quatuor augeat, vel ostende illud, quia potest dari necessitas, nec non libertas, sub qua unumquodque ex illis maneat in eadem mensura. Ergo.

54. Hinc 1. constat quid dicendum de augmento voluntarietatis objectivæ, ex eo quod liberè, aut necessario velis objectum; hæc enim voluntarietas taxatur per voluntarietatem formalem, & immediatam actus voluntatis. 2. quod actus necessarius sit magis intrinsecus (quod falsum est cum homo possit necessitari antecedenter per Deum ad actionem externam) non probat eum esse magis voluntarium, quia voluntarietas non tam poscit intrinseceitatem actionis: quam principii ex quo hæc emanat. Porro principium antecedenter necessitans potest esse intrinsecum homini, ut prædeterminatio, visio beata &c. Nec non extrinsecum omnino, ut decretum efficax divinum irresistibile, atque inevitabile per creaturam: quo circa hoc semper imitatur naturam in impetu operandi, sed non in intrinseceitate. Hinc 3. Non omnis actus liber est contra aliquam præviā inclinationem voluntatis, quia libertas divina semper, creata verò aliquando, est immunis ab isto intestino dissidio contrariarum inclinationum, & licet vulgò dicatur constitui cogitationibus alliciente, & retrahente non semper significatur, ut indispensabiliter necessarius ad libertatem, æstus iste fluxuum, & refluxuum; sed solum unam cogitationem dictare practicè rem posse fieri, & alteram, vel eandem si velis, dictare quoque practicè rem posse non fieri. Cœterum licet de ratione actus liberi esset ire contra aliquam præviā inclinationem voluntatis, non ideo esset minus voluntarius ex genere suo, quàm actus necessarius. Tum quia etiam potest voluntas necessitari antecedenter per Deum ad aliquem actum contrarium alicuius præviæ inclinationi. Tum quia voluntarietas, & involuntarietas, de quibus modò, non stat in conformitate, aut disconformitate cum inclinatione innata voluntatis, sed cum actu ab ea elicito, si sit objectiva: aut in ortu, vel non ortu à principio intrinseco sub cognitione, si sit voluntarietas exercita formalis, & immediata. At licet omni actui libero præcederet inclinatio innata in oppositum, non tamen elicita, ut patet. Ergo licet omnis actus liber esset contrarius alicui inclinationi voluntatis non eo ipso esset minus voluntarius in casu quæstionis.

55. Dico 3. Non est necesse, quod omne principium actuale voluntarii sit intrinsecum per identitatem, aut unionem [patet in omnipotentia, quam suppono esse principium actuale omnis exercitii voluntarii hominis, & tamen neutro modo est homini intrinseca.] Neque omne principium intrinsecum eliciens actum sufficit, ut hic exercitè, vel signatè sit voluntarius [patet in potentia nutritiva, locomotiva &c., quæ sanè sunt intrinsece homini, & tamen non omnes

suz

ux operationes sunt alterutro modo voluntariæ, nisi addit actus voluntatis.] Et quamvis eum eliciat sub cognitione circumstantialium, non sufficit, ut ille sit voluntarius [paret in intellectu, qui est principium intrinsecum homini, & licet cum prævia cognitione præmissarum, & aliarum circumstantialium eliciat conclusionem evidentem, hæc ex solo titulo non est voluntaria intellectu, aut homini] & hoc quamvis sit principium appetens, vel fugiens. Paret in appetitu sensitivo, qui profectò est principium intrinsecum homini, nunc prosequens, nunc fugiens, & nihilominus neque quando prosequitur reddit voluntariam prosequutionem à se elicitam, neque quando fugit, fugam pariter à se elicitam reddit voluntariam, puta voluntariam voluntarierate sufficiente ad contrahendam moralitatem, seu ad contrahendum malitiam, vel bonitatem moralem. Nam quantumcumque appetitus sensitivus vociferetur, non contrahes bonitatem, aut malitiam moralem donec accedat consensus voluntatis. Neque refert potentiam appetitivam, sicut ceteras omnes spirituales, & materiales identificari cum anima, & consequenter cum voluntate. Tum quia hoc est verum de potentiis secundum se, ac in actu primo remoto, secus ut in actu primo proximo, nam sic important prærequisita omnia ad actualem operationem, quæ prærequisita distinguuntur adæquatè invicem, & ab anima. Tum quia neque omne, quod procedit physicè à voluntate, est voluntarium, ut paulò ante dicebam. Ex quibus omnibus sequitur principium intrinsecum, quod voluntarierate flagitat, esse tale determinatum, nempe potentiam appetitivam spirituales, hoc est voluntatem: quia scrutinio facto, nullum aliud testat. Neque obstat falsa mihi illa philosophia, distinguens potentias ab anima, nam adhuc manet voluntas intrinseca homini ob intrinsecam unionem cum anima. Igitur voluntarium præse loquendo est: quod instat prosequutionis, vel fuga procedit à potentia volitiva spiritali, aut saltem est objectum non obliquum illius prosequutionis.

CAPUT QUARTUM.

De multiplici specie voluntarieratis.

56



Ræter jam notatos multi patent aditus bonitati, ac malitiæ morali ad actum nostræ voluntatis, scilicet Catalogus, qui sequitur voluntarieratum. *Primo divisio.* Voluntarium in genere est duplex: unum ratione propriæ voluntatis, ut peccatum personale; alterum ratione alienæ, ut peccatum originale. Repugnat enim peccatum abique voluntarierate ipsi proportionata. *Secundo divisio:* hæc voluntas

luntas potest esse aliena physice, ac moraliter, ut voluntas subdici reſpectu Patrisfamilias; & nihilominus quod illa vult interduſum eſt voluntarium huic, quia permittit. Poſteſt etiam voluntas eſſe aliena, physice, ſed non moraliter, ut voluntas Adami à qua noſtra diſtinguitur physice; non verò moraliter, eo quod noſtra incluſa erat in illo, incluſione, quam ſufficienter explicui in Philoſophia naturali Diſp. 3., quando à centro terræ tranſibam p-ſt carcerem mortuorum cum ſolo peccato originali: & hac de cauſa eſus ille prohibitus, fuit nobis quoque voluntarius. Rurſus una voluntas poſteſt eſſe in alia, quadrifariam in ordine ad voluntarietatem. Primò *ratione privata auctoritatis propria*, ut quando Petrus matrimonium, vel quemvis alium contractum init per Procuratorem: tunc etiamſi dormiat, ſit ebrius, ſit omnino diſtractus quando Procurator perficit contractum, hic eſt voluntarius Petro, qui excommunicationem tunc incurrit, aut aliam cenſuram, ſi forſe ſit annexa illi contractui; item ſacrilegium, ſi contractus ſit matrimonialis, & Petrus ſit in lethali, quando ſuus Procurator matrimonium contrahit; ſcilicet quia Petrum vicem, ac facultatem ſuam delegare, eſt velle jam nunc, & protunc, quod ille Procurator vult in ea materia, & in eo tempore; ergo ſi nunc vult cum advertentia excommunicationis, aut ſacrilegii alterutrum, conſumatur tunc. Unde harum rerum voluntarietas *radicatur in actu aliquo phyſico, & reali propria voluntatis*. Secundò *ratione privata auctoritatis aliena*: ut quando Pater præſcribit filio Tutorem, vel Tutricem; tunc emptiones, venditiones, aliique contractus inici ab iis circa rem familiarem, ſunt voluntarii pupillo; non ratione propriæ voluntatis, aut auctoritatis, ſed ob privatam Patris ſui auctoritatem, unde voluntarii ſunt Pupillo nullo physice interveniente actu phyſico ſuz voluntatis, ſed illius ſolum, cujus eſt proſpicere pupillo, & qui ob hanc rationem poſteſt, dum vivit, approbare omnes eos contractus faciendos per Tutorem. Et hæc ſpecies voluntarietatis *fundatur in iure naturali, vel iure gentium, vel mixto*, de quo curent alii, & conſiſtit ex parte rerum in eo quod contractus fiat à tutore, exiſteritque ea voluntas Patris cum tutorem præſcripſit.

37. Tertiò *ratione auctoritatis publicæ*, ut quando mortuo Patre ſine teſtamento, Princeps vel per ſe, vel per Magiſtratum assignat tutorem pupillo, cui ſimiliter ſunt voluntarii contractus per eum initi: & hoc unice ob ſupremam auctoritatem Principis, qui tanquam altus Dominus eorum bonorum carentium Domino proprio, idelt capace, approbat, & vult illos eoſdem contractus, quos iuxta leges facit tutor. 4. *ratione auctoritatis divinæ* cuius energia noſtræ voluntates conſtitutæ fuerunt in voluntate Adami in ordine ad obedientiam, & tranſgreſſionem præcepti; ex qua conſtitutione pependit modo explicato in ea diſputatione quod nullo interveniente physice actu phyſico noſtræ phyſicæ voluntatis, nobis voluntaria fuerat illa tranſgreſſio, unde natura ſumus filii iræ, *Filij vindictæ, Filij pænæ, Filij gehennæ*, ut ex primo inferi Auguſtinaſius: nam ſub arbore malo ſuſcitavi te: ibi corrupta eſt

Epheſ. 4.
Aug. traſſ.
4. in Ioum.

Ma.

secutionis videlicet amoris, volitionis, gaudii; id est illud quod revera est amatum, volitum &c. Meminisse debemus quod sicut non omnis actus intellectus est iudicium: quandoquidem apprehensio etiam, & discursus, sunt actus intellectus; & consequenter non solum est cognitum id quod est iudicatum, verum etiam quod est obiectum apprehensionis, ac discursus. Ita non omnis actus voluntatis profectus obiecti, est volitio: amor namque simplex, delectatio, gaudium, & fructio sunt etiam actus voluntatis. Ergo non solum est voluntarium illud quod est obiectum volitum; verum etiam illud, quod est obiectum simplicis amoris, complacentiæ, ac delectationis; licet simul adfit efficax volitio exequendi per temetipsum talem rem. Unde si morosus delectatur in nece hominis, vel de illa, casu aut consilio patrata per alium gaudeas absque legitima autoritate, & quin ad te pertineat ratione officij, illa re ipsa est tibi absolute voluntaria in ordine ad imputabilitatem; quia re ipsa est conformis tux voluntati, quin adfit legitima illa excusatio officij in Republica, aut aliis similis tituli. Non est tam voluntaria quam si illam efficaciter velles, unde cæteris paribus neque tantam contrahas malitiam, neque easdem subire debes penas; est tamen simpliciter voluntaria, quod magis apparet in rebus impuris, ubi similis delectatio, & gaudium habent voluntarietatem, ad culpam, licet efficax adfit volitio exequendi rem.

60. *Quinta divisio.* Hoc voluntarium obiectivum est multiplex. 1. *relatè ad hos simplices actus nuper dictos*, & consequenter datur voluntarium obiectivum quod non est elicitum, nec factum à principio intrinseco illius cui est voluntarium, & hoc potest esse *purum* nempe si habeas eum amorem delectationem, seu gaudium absque volitione illius ejusdem obiecti, & potest esse *mixtum* cum involuntarietate, scilicet si ita delectaris, ut simul efficacem habeas volitionem patrandi rem illam. In quo casu, si illa per accidens à te patretur, erit tibi involuntaria simpliciter, & simpliciter voluntaria, sed relatè ad actus diversos. Involuntaria quidem, ob istam efficacem volitionem; voluntaria item ob illam complacentiam, seu delectationem. 2. voluntarium obiectivum potest esse tale relatè ad actus voluntatis, qui sunt volitio illius, aut volitio rei impediens illud: cumque multiplex sit horum species, copiosam deteges segerem voluntariorum obiectivè. Et in primis expungendum, aut castigatè magis explicandum videtur voluntarium illud quod passim vocatur *interpretativum*, scilicet quod eis septum est circumstantiis, ut prudenter judicemus illud consonum esse voluntati hominis. Cum enim prudens mortalium iudicium non sit infallibile, stat bene, quod uni prudenter iudicent rem illam esse, aut fuisse conformem tux voluntati, & alii prudenter etiam putent oppositum, ut passim experimur. Et licet omnes usque ad unum prudenter judicarent obiectum tale esse consonum tux voluntati, potest contingere quod re ipsa coram Deo illud non sit tibi voluntarium; quinimò involuntarium prorsus. Alio quando enim taciti ridemus quod alii putent talem, aut talem rem esse nobis voluntariam, quam cerè scimus nobis summopere displicere.

sed dissimulamus. Hinc voluntarietas interpretativa, præcisè ut talis non sufficit ad bonitatem aut malitiam moralem contrahendam coram 1. Reg. 16. Deo, licet sufficiat coram hominibus, qui *vident, quæ parent & juxta hæc prudenter iudicant*. Deus autem *intuetur cor*.

61. *Sexta divisio*. Voluntarium objectivum relatè ad actus complexos voluntatis; potest esse 1. *negativè, seu permissive tale*. 2. *positive tale*. Voluntarietas permissiva male intellecta occasionem præbet multis paralogismis. Non consistit in eo quod non impedias id quod impedire poteras, & debebas, quoniam debitum, (sed obligatio præstat sane quod operatio sit bona, vel mala moraliter; sed non præstat per se formaliter quod sit voluntaria. Tum quia operatio facta sine ulla obligatione, ac prohibitione, passim est voluntaria. Tum quia non præstat quod operatio ipsa sit à principio intrinseco cum cognitione, in quo stat quidditas voluntarietatis; nam sive adsit, sive absit ea obligatio, fieri potest quod non impedias id, quod impedire poteras; sed tantum præstat quod non impeditio rei, (idest non executio mediorum quæ solent conducere ad illam impediendam, (sed non connectuntur essentialiter cum illius impeditio) sit à principio intrinseco: Undè hanc *non executionem* mediorum reddit simpliciter voluntariam. Igitur hæc voluntarietas permissiva non laxè, sed strictè sumpta consistit in eo quod potens impedire non impedias rem (ob affectum aliquem erga illam) hic affectus non autem obligatio illa facit quod res sit objectivè voluntaria, & hanc ob causam peccata non sunt voluntaria Deo licet potens impedire non impediat illa, non solum quia non tenetur, se directius, & immediatius quia hæc non impeditio non nascitur ex affectu ullo circa peccata, sed ex occultis suæ providentiæ finibus, quos utpote altiores nobis, non debemus quærere, aut scrutari. Neque adhuc potest dici quod sint Deo voluntaria permissive: quoniam aliud est illorum *permissionem* esse Deo voluntariam [& hoc est verum, nam unice consistit in eo quod prævidens Deus fore ut si largiatur homini talem individuam libertatem tali auxilio constitutam, in tali determinato tempore, loco, circumstantiis &c. ille abutetur & peccabit purè & præcisè quia volens, cum posset abstinere adjutus illâ gratiâ Dei, ipsi nihilominus largiatur eam libertatem constitutam per illud auxilium, & in eo tempore, loco &c, quæ largitio soli Deo est libera, & voluntaria. Aliud autem valde diversum, quod *peccatum* sit voluntarium Deo, adhuc permissive. Et hoc est falsum ob rationem datam, & quia voluntarietas omnis erga peccatum semper facit malam grammaticam cum termino *Deus* & est Solæcismus Theologicus.

62. Sed insurgit gravis difficultas: eo ipso quod Superior humanus possit, ac debeat impedire peccatum subditi, & non impediat, est illi voluntarium permissive. At fieri potest quod nullum penitus habeat affectum erga illud peccatum, quin imò odium omnino ac execrationem. Ergo ad voluntarietatem permissivam non requiritur quod non impeditio rei nascatur ex affectu erga illam rem. Et confirmatur nam alias omnia opera aliena bona, & mala, quæ possumus impedire
sed

sed non impedimus erunt nobis voluntaria permissivè, tamen si non tenemur illa impedire. Ergo erunt nobis imputabilia. Nam omnis cui bonum est voluntarium permissivè meretur, & omnis cui malum est voluntarium permissivè peccat. Hoc argumento triumphant, qui primariè ponunt constitutivum voluntarii permissivè in obligatione vitandi rem, quæ non vitatur; distinguo igitur majorem, est illi voluntarium permissivè, quando non impeditio nascitur ex aliquo affectu circa illud peccatum concedo, quando nullus omnino datur id generis affectus subdistinguo, est voluntarium verè in se ipso nego; est voluntarium denominativè à nolitione, vel omissione ponendi media regularia, & per prudentiam præscripta, ut vitetur illud peccatum, concedo: & concessa minore, nego consequentiam. Peccatum subditi dicitur voluntarium permissivè superiori, potenti, & debenti vitare illud, non quia revera ipsum in se ipso sit voluntarium superiori; quando hic nullum prorsus erga ipsum habet affectum [hoc enim esset implicatio in terminis] sed quia est voluntaria, & peccaminosa in superiore nolitio positiva, seu mera ommissio impediendi tale peccatum. In hac omissione aut nolitione stat tota voluntarietas permissiva, & ut hæc sit peccaminosa, opus est ut datur obligatio vitandi rem illam. Ex hac autem omissione &c. transfunditur per figuratam locutionem denominatio voluntarietatis in superiore circa peccatum subditi, sed est locutio metaphorica, & reflexè observanda, ne ebulliant æquivocationes. Fateor contradictorium objecti nolitionis illius esse verè voluntarium superiori. Quicumque enim positive non vult A. vult exercere contradictorium rei A. Ceterum cum objectum illius nolitionis non sit ommissio formalis, & immediata peccati subditi, sed media illa regularia, quæ superior debebat adhibere ad peccatum illud vitandum [v. g. monitio, correptio, negatio indulgentiæ &c.] quæ media non sunt identicè, aut connexivè formalis, & immediata ommissio peccati in subdito, quandoquidem eis positis posset adhuc esse pervicax; idcirco non semper est Superiori voluntarium peccatum subditi formaliter in se ipso; sed solum est voluntaria carentia eorum mediorum, quæ usu, statutis, & prudentia sunt præscripta.

63. Ad confirmationem concedo antecedens; si procedat de operibus alienis, quæ proximè, & practice possumus impedire, & non impedimus ob affectum aliquem erga illa: secus si de illis, quæ tantum remotè, & speculative possumus impedire, vel circa quæ nullum penitus habemus affectum; & distinguo similiter consequens; erunt nobis imputabilia, si habeamus affectum aliquem circa illa, permitto. Si nullum, subdistinguo, imputabilia formaliter nego, imputabilia denominativè, & locutione figurata, & sumpta à nolitione seu omissione ponendi media ad vitandum illa concedo. Nam aliquando huiusmodi exercitium potest esse bonum, aliquando malum. Igitur quando rem, quam poteras impedire, non impedis, & hoc citra omnem affectum erga illam, tota voluntarietas stat unicè in omissione seu positiva nolitione ponendi talia aut talia media ad impediendum

rem illam ; & ut peccaminosa sit hæc volitio , opus est ut tenearis non habere illam sed contrariam volitionem ponendi media illa .

64. Instabis omne liberum est voluntarium eidem cui est liberum ; sed omne permiffum est liberum permittenti ergo . Resp. diffini. est liberum libertate vagante inter *adhibere* , & *non adhibere* media regularia ad vitandum rem quæ permittitur concedo (& hinc solum habebis quod positio , & non positio illorum) mediorum est formaliter voluntaria permiffiori) libertate vagante inter existentiam , & omissionem rei permiffæ nego : quoniam data permiffione specificativè sumptâ potest ille alius non patrare peccatum , sicut filius , qui non arripit pecunias consultò relictas à Patre , ut probet ipsum : item adhibitis mediis regularibus ad vitandum peccatum , potest ille nihilominus peccare , ut nos facimus adhibitis mediis , quæ apponit Deus ad nos coercendum .

65. *Septima divisio.* Voluntarium *positivè* tale est illud circa quod datur volitio , vel inefficax , vel semiefficax (ut volitio qua vult , & non vult pigrè) vel efficax affectivè , & effectivè , ut divina volitio salutis electorum vel efficax affectivè , sed inefficax effectivè , ut volitio salutis reproborum ; vel efficax effectivè , sed inefficax effectivè , ut generosa , sed aspera , & insuavis volitio compescendi impatum validum passionis . Hoc voluntarium *positivè* tale potest multifariam contingere . 1. Cum cognitione vera rei , quam facis : & etiam cum falsa , ut quando volens dicere officium vel missam de uno Sancto dicis aliud vel aliam . 2. Potest esse voluntarium *complexivè* , seu *determinativè* non quia velis omnia constitutiva illius rei , sed quia reliquis aliundè suppositis , velis ultimum illius rei constitutum , seu complementum ; Sic , qui existentibus corpore , & anima vult unionem , vellet existere hominem licet non haberet volitionem de eo quod existeret corpus , & anima . Sic quia existente scientia media de malo usu libertatis A. Deus vult largiri hanc libertatem , ideo Deus vult existere hoc complexum connexum cum peccato ; sed quia hoc complexum non est prorsus antecedens , sed inadæquatè consequens ad peccatum ipsum , siquidem à priori prævideo Deus hominem peccaturum ea libertate , quia ille peccabit unice quia vult , & quia non vult auscultare vocem internam Dei eum cohibentis ; idcirco Deus non vult quidquam connexum , & simul antecedens omnino respectu peccati , & consequenter non vult peccatum . 3. obiectum potest esse positivè voluntarium eo quod habeas *volitionem formalem* , & *directam* illius in se ipso : vel ex eo quod habeas volitionem *mediatam* , *indirectam* , seu *virtualem* illius . Et hoc quadrupliciter potest evenire . 1. quatenus volitio sit *virtualis virtualitate obiectiva determinationis physica* idest quando vis rem antecedentem simpliciter , & nonnexam cum A. & hoc dupliciter , scilicet vel quia velis rem *per se adequatè* connexam physicè cum A. ut quando vis applicationem ignis ad pulverem nitratum , eo ipso virtualiter vis hujus conflagrationem , vel connexam licet non per se *ratione tamen circumstantiarum* . Sic qui jaculari vult in illum eundem locum in quo videt hominem vult a

vult virtualiter homicidium, licet non velit illud formaliter in se ipso; nempe quia vult jaculationem, quæ licet non per se præcisè, tamen in illis circumstantiis est omnino antecedens, & connexa cum morte illius hominis. Et idem dico in aliis rebus, in quibus licet objectum volitum non sit ex natura sua connexum cum infauso effectu, connectitur tamen ob præsentis circumstantias notas volenti.

66 Virtualitas potest esse 2. *objectiva determinationis moralis*. Id est quando quis vult rem antecedentem, & vehementer inducentem, vel per se ab intrinseco, vel ob circumstantias ad talem, & talem effectum: ut quando alio fine proximo suades, ut talem, vel talem faciat rem: nam licet tunc non habeas volitionem directam, & formalem illius rei (ponimus enim te ob finem valdè diversum suggerere illud consilium) habes tamen volitionem suadendi, quæ suasio supponitur esse antecedens, & incitamentum illius rei. 3. *virtualitas potest esse subjectiva determinationis physica*; id est quando habes volitionem, quæ per se, vel ob adjunctas circumstantias, est antecedens, & connexa cum volitione rei A. ut volitio finis est antecedens quoddam secum trahens volitionem mediorum, quæ non prævidentur posita nec ponenda ab alio: & hac de causa volitio finis, licet in hoc casu non sit volitio directa, & formalis mediorum, est tamen volitio virtualis eorum. 4. *virtualitas potest esse subjectiva determinationis moralis*, ut quando habes volitionem, quæ suapte natura movet volitionem rei A. quatenus est magnum periculum concipiendi hanc secundam volitionem v. g. volitio videndi, vel auscultandi objectum, & quæ volitio sit incitamentum ad volendum objectum, & sic qui sine causa sufficiente vult videre, videri, audire, audiri à persona periculosa, virtualiter vult suam ruinam, tamen si ultra non progrediatur prima illa volitio. Et ratio est quia voluntariè habet volitionem, quæ trahit secum aliam volitionem, scilicet proprii lapsus. Ob hanc rationem Confessarius, Chirurgus &c. qui ruinam sæpe experti sunt, virtualiter volunt relapsus, dum volunt iterum exercere suam ministerio.

67 Ad has quatuor species virtualitatis reducitur omnis modus volendi virtualiter seu indirectè seu in alio; Est tamen discrimen in ordine ad meritum aut demeritum quando objectum harum volitionum est bonum aut malum. Cum enim ad merendum non sufficiat velle actum præscriptum à virtute, sed opus sit illum velle ob objectum formale adequatum, & proximum illius virtutis [ut patet in illo qui ex motivo gloriæ propriæ largiretur eleemosynam misero] idcirco aliqua ex his virtualitatibus velle virtualiter opus honestum non statim est habere meritum illius virtutis. Cœterum ad contrahendum malitiam morale sufficit velle virtualiter, quavis ex his virtualitatibus opus prohibitorum; quia lex non solum prohibet volitiones formales sed etiam virtuales objecti prohibiti. Bonum quippe ex integra causa, malum ex quocumque defectu, ut fuscè alibi expendi. Si enim vis rem, quam prohibitam scis, peccas, quicumque sit finis tuus, nisi fortè fuerit ex illis, qui excipiuntur ab ea virtute ob regulas generales prudentiæ.

68 Sed dices contra hanc doctrinam v. g. in casu superioris Iste culpabiliter permittens peccatum subditi, committit peccatum ejusdem speciei cum peccato subditi, idest contra eandem virtutem ergo huiusmodi peccata virtualia non solum consistunt in nolitioe impediendi, ut supra dicebamus, verum etiam in peccato ipso subditi, seu in objecto virtualiter voluto. Resp. nego consequentiam eadem namque virtus v. g. iustitia, quæ prohibet peccatum illud subditi, prohibet permissionem Superioris, id est nolitioem illam impediendi, quoniam hic ex munere suo tenetur quasi indirectè ac conditionatè vitare per media regularia actiones subditi sub hypothesi quod sint contra talem aut talem determinatam virtutem: ergo si actio A. individua subditi est contra iusticiam v. g. per hanc virtutem completur obligatio illa generalis, & conditionata, quam habebat superior ex vi sui muneris, an vitandum actionem illam subditi, ergo si culpabiliter ob merum, ob fœcordiam &c. non vitat, hæc nolitio vitandi re vera est contra illam virtutem. Unde qui nunquam commisit peccatum ullum personale contra temperantiam v. g. distinctum ab ea nolitioe, potest esse reus illius virtutis, & carere forsan in Cœlo laureolâ Virginitatis, si scilicet habens potestatem, ac obligationem, cõdercendi subditum ab ea materia, culpabiliter non cõdercuit.

69 *Oitava*, & ultima divisio. Voluntarium *positivè tale* potest esse vel *propter se*, (ut finis in quo sistit voluntas) vel *propter aliud* ut sunt media. Ambo sunt simpliciter voluntaria. Sed aliquando contingit, ut velle A. v. g. propter B. omninò adimat ab A. talem aut talem rationem: aliquando non. Si contingat primum tunc velle A. propter B. non facit voluntariam illam rationem in A. secus si secundum v. g. velle efficaciter hic, & nunc solvere in actu secundo debitum propter motivum aliud turpe, aufert ab ea solutione rationem operis virtuosi, sed non rationem solutionis, ergo licet in hoc casu non sit tibi voluntaria honestas, est tamen voluntaria solutio, & absolutè manet expeditus ab illo debito:



CAPUT QUINTUM.

De Actibus prosecutionis atque aversionis in genere.

70.



DECEM solent esse in unaquaque ex his duabus speciebus: singulos recensebo, describam cursim, conferam cum suo contrario, & post omnes conclusiones datas, generalem pro eis omnibus descriptionibus producam rationem, quam non juvat apponere singulis conclusionibus. Igitur actus *prosecutionis* solent esse hi decem. *Amor simplex*, seu purus, seu strictus, seu mera complacentia, de re menti obversante. *Amicitia*, benevolentia. *Audacia*, sive generosa, & laudabilis, sive temeraria, & presumptuosa. *Alacritas animi*. *Gaudium*. *Delectatio*, seu fructio. *Volitio*, seu intentio, seu desiderium, seu appetitus. *Sper*. *Fiducia*, non quidem intellectualis, quæ consistit in magna persuasione prudente, vel imprudente adipiscendi bonum; sed affectiva, & propria voluntatis, quæ consistit in conatu adipiscendi bonum per se excludens angorem, & formidinem saltem vehementem cendi eâ, juxta Joannem scribentem. *Si cor nostrum non reprehenderit nos* (ecce carentiam angoris, & formidinis) *fiduciam habemus ad Deum*. Similiter actus *aversionis*, sive fugæ solent esse alii decem, nimirum. *Odiu simplex*, seu pura, & stricta displicentia, affectivaquæ reprobatio rei, aut personæ. *Inimicitia*. *Invidia*, seu malevolentia. *Pigritia*, *Horror voluntatis*, seu simplex metus, & formido. *Tristitia*, seu dejectio animi. *Doler*, non corporis, sed animi. *Nolitio*. *Timor* non intellectualis consistens in judicio de impendente malo; sed voluntatis, & affectivus, qui aliquid majus est quam simplex horror, seu purus metus. *Desperatio*.

1. Ioan. c. 3

71 Plerique ex his actibus in tres classes redigi possunt. Scilicet actuum purè simplicium, & incomplexorum. Et actuum purè complexorum, & actuum ex utroque mixtorum. Sicut enim in intellectu sunt tres ordines actuum: uni quibus anima nil penitus affirmat aut negat, sed præcisè contemplatur objectum, vocanturque *simplices apprehensiones*, quæ licet soleant esse suavis, vel saltem præparent animam ad affirmandum aut negandum; ast per se formaliter neque sunt assensus, neque dissensus. Alii quibus anima nunc tepidè, nunc intensè affirmat aut negat, assentitur, aut dissentitur, adstruit vel destruit intentionaliter existentiam, aliudve attributum objecti: & hi actus dicuntur *judicia*, nunc formidolosa, nunc merè probabilia, nunc certa, nunc *evidentia* &c. Alij demum qui sunt contr-

tem-

templatio & simul affirmatio aut negatio objecti. Ita in voluntate sunt tres ordines actuum. Uni simplices, & incomplexi quibus anima abstrahens ab objecti existentia, illud secundum se duntaxat prout tunc menti obversatur, approbat vel reprobat affectivè. Et hi sunt amor simplex, purus, & strictus, vel odium: quia licet movere soleant ad volitionem, aut nolitionem objecti (sicut apprehensiones ad iudicia) ast per se formaliter neque sunt volitio, neque nolitio. Unde neque omnis amor rei est volitio ipsius ut cum P. Junio dixi in Prodro-mo disp. 5. num. 286. siquidem multoties committit homo peccatum simplicis delectationis, sive amoris, sive complacentiæ in actione Venerea sine ulla volitione formalis, imò cum resoluta nolitione exequen-di actionem illam concepta ex præpotente alio motivo: & etiam actu charitatis theologicæ amamus Deum super omnia, quin habemus volitionem de eo quod Deus existat aut de eo quod sit Omnipotens, quod sit bonus &c. quia esset volitio fatua utpote rei simpliciter anteceden-ter necessariæ cum omnis volitio, & nolitio, sicut consilium, præcep-tum, prohibitio, & similia debeant esse de re contingente.

70. Neque omnis volitio est amor illius rei cuius est volitio; quan-doquidem Diabolus vult, ac desiderat decretum divinum reprobati-vum hominis cuiusvis; & tamen non amat sed odit actum illum utpo-te divinum: & nos ipsi multoties liberè facimus aut patimur, & con-sequenter volumus, actiones quas non amamus, & in quibus non de-lectamur quod innuisse videtur Dominus cum Petro dixit: *Alius te cinges, & ducet quo tu non vis*. Neque omne odium est nolitio ut nuper dixi de Diabolo, qui odit illud Decretum divinum quia tale; & non habet nolitionem, sed volitionem illius. Neque omnis nolitio est odium: ut dicebam de illo qui omninò non vult exequi actionem, quam tamen non odit, quinimò in ea delectatur, & voluntate approbat illam. Alteri autem actus voluntatis sunt complexi, & affectivè adstructivi vel destructivi existentia objecti. Et hi dicuntur volitiones, aut nolitiones nunc vehementes, nunc tepidæ &c. Alij demum mixti, qui simul sunt amor, & volitio rei, odium & nolitio, amor & nolitio, odium & volitio; quoniam nulla apparet specialis difficultas in actibus voluntatis simplicibus, & indivisibilibus, qui has mixturas habeat non phy-sicè, sed logicè in gradu remisso, vel in gradu, uno intenso, & al-tero remisso.

73. Jam inspiciens unumquemque ex his viginti actibus, & eum combinans cum suo contrario. Dico 1. quando displicentia, seu odium obiecti est contra illud secundum suam præcisè naturam, inte-gritatem, constitutionem, aut connexionem cum tali effectui, vel causa, abstrahendo ab eo quod sit, vel non sit absolutè in rebus, aut aliquod afficiat subiectum: tunc est *purum odium*. Et quando si-mili modo est complacentia, sive approbatio affectiva illius, tunc est *purus amor*, sive, *amor strictus*; Et cum persona atque actio ipsius sint res simpliciter distinctæ potest voluntas exercere unum ex his actibus respectu personæ, & alterum respectu suæ actionis, seu effectui, vel

eundem actum respectu utriusque: Sic quando actio proximi est verè simpliciter mala possumus odisse illam, sed non proximum, quem potius licet alioquin inimicum, amare debemus. Sic interdum amas, sive voluntate approbas actionem aliquam tui inimici, quem tamen non amas, sed odisti contra præceptum Christi Domini. *Ego autem dico vobis; Diligite inimicos vestros.* Et interdum odisti actionem amici quem non odio, sed amore prosequeris. Matth. 5.

74. Dico 2. quando displicentia est contra personam aliquam propter ipsius qualitatem aliquam, tunc est inimicitia seu malevolentia, adæquatè, ac completè, si reciproca sit; inadæquatè verò, & incompletè, si altera illa persona non respondeat, ut multoties contingit te ex parte tua esse inimicum illius, qui ex parte sua est amicus tuus, & vice versa (hic actus non exercetur contra subiecta rationis expertia) & est actualis quando transit cito: habitualis autem, & digna, quæ absolutè, ac magis castigatè dicatur, *inimicitia* quando non utcumque durat habitualiter per carentiam retractationis (v. g. si displicuit tibi valdè quidam multis ab hinc annis, quam displicentiam non retractasti physicè, quia nunquam postea meministi illius: improprie diceris in hoc casu esse inimicus illius, seu habere inimicitiam cum illo, quem etiam si videas, vel audias nescis jam quisnam, sit) sed durat insuper ratione repetitionum aliquarum illius odii, sive displicentiæ: quia inimicitia, & amicitia, innunt statum, & quid permanens. Quod si displicentia, & odium illius personæ, non tam sit propter illius qualitatem, quam propter commodum tuum, non erit odium inimicitiz, seu malevolentiz; sed odium oriundum ex amore proprio, & concupiscentia, sicut mox dicam, de amore alterius personæ.

75. Similiter quando complacentia, & amor personæ aliùs est propter ipsius qualitatem naturalem, aut supernaturalem, tunc est actus simpliciter benevolentiz, atque amicitiz completæ, vel incompletæ prout illa altera persona respondeat, quia amicitia strictè sumpta est *mutuus benevolentia amor*, sicut inimicitia est *mutuus malevolentia odium*, ita ut uterque actus concipiatur proximè adæquatè non ex alio motivo, sed ex bonitate, aut malicia propria, vel imaginaria illius alterius personæ, quando autem est amor, sive complacentia personæ, propter hujus operationem tibi proficuum directè, aut indirectè positivè, aut negativè, tunc est *Gratitudo*, quando est amor personæ propter bonitatem suæ actionis absolutè, atque in se ipsa inspectæ, tunc amor ad illam virtutem, aut vitium spectat, ad quam spectat illa actio. Sicut quando est displicentia personæ, seu volitio, aut nolitio contra illam propter actionem, quam fecit contra te, est vindicta: publica, aut privata prout contra te fuerit actio illa. Ubi jam vides vastum discrimen inter amicitiam, seu benevolentiam ex una parte, & concupiscentiam ex altera, inter amorem alienum, & amorem proprium. Ambo amores sunt affectivæ approbationes personæ amatz, sed est concupiscentia, & amor tuus proprius, quan-

do est amor illius personæ *propter te*, propter tuum commodum positivum, aut negativum; amicitia vero, & benevolentia. quando est amor illius, non propter te, & tuum commodum, sed *propter bonitatem ipsam personæ amata*. Unde hic actus est magis purus: & ideo actus charitatis Theologicæ longè superat perfectione ex genere suo actum spei etiam Theologicæ, quoniam illo prosequimur Deum mori proximè adquatè ex divina ipsa bonitate, & quia Deus sibi, & in se bonus est; actu autem spei prosequimur Deum, quia nobis est bonus, seu quia est noster ultimus finis quin propterea desinat esse honestus supernaturalis, & meritorius, ut dicitur in tractatu de Spei. In his duobus respectivè actibus stat propriè, ac formaliter amicitia, & inimicitia, benevolentia, & malevolentia.

76. Ex his nascuntur volitiones, atque nolitiones proportionate: nascuntur inquam, vel exercitè sicut ex intentione finis nascitur electio mediorum, vel signatè sicut ex imperio nascitur actus imperatus. Verumtamen nisi hæc volitiones, aut nolitiones moveantur proximè adquatè ex bonitate, aut malitia illius personæ, non sunt propriè, ac formaliter amicitia, aut inimicitia, sed denominativè, quatenus oriuntur ex illis: sicut exercitia virtutum moralium facta ex actu charitatis, seu ex complacentia in Deum non sunt propriè, & formaliter actus charitatis Theologicæ, sed effectus hujus. Et conclusio immediatè derivata ex principiis per se notis, non est principium per se notum, sed quid ex illo derivatum. Datur quidem in illo casu actus charitatis, sed qui consistit in complacentia illa erga Deum; non autem in volitione rei A. derivata immediatè ex illa complacentia. Sicut quando ex complacentia in amicum vis illi bonum A: habes quidem actum amicitie nempe illam complacentiam; sed volitio illa non est formaliter in se ipsa actus amicitie, quia non omne velle bonum alicui est semper, ac universè amare illum, nam certè debitor vult bonum creditori, quando vult huic solvere: & famuli bonum volunt heris, quando volunt ipsis obedire; & tamen non semper intercedit hic amor, benevolentia, & amicitia. Imò neque velle bonum alicui *ex complacentia* erga illum est formaliter amor illius; sed velle bonum illi proximè adquatè *propter illius bonitatem*, hic est actus amoris, benevolentie, & amicitie erga illum. Alii verò actus solent esse effectus: & non oportet confundere effectus cum causis.

77. Dico 3. Amicitia, & inimicitia possunt esse actus simplices, & incomplexi: nimirum mera complacentia, aut displicentia, hic sistens, & non ultra progrediens, mera affectiva appetitatio, vel reprobatio personæ propter ipsius bonitatem, vel malitiam. Et possunt esse actus complexi, tendentesque majore, vel minore efficacia in existentiam boni alicujus aut mali, quod tale sit illi personæ, & hoc proximè adquatè propter ipsius bonitatem, vel malitiam; præscindentesque à complacentia, & delectatione nec non à displicentia saltem expressa circa illam personam. Et possunt esse utroque modo videlicet complacentia, aut displicentia expressa illius personæ, & simul voli-

volitio, aut nolitio rei alicujus proximè adquare propter bonitatem aut malitiam ejusdem. Cumque non sit idem amare seu appreciare personam proximè adquare propter hujus bonitatem, ac amare, seu appreciare illam super omnia omnino nullo dempto (siquidem actus perfectæ charitatis Theologicæ, quæ amamus Deum proximè adquare propter ipsius bonitatem est composibilis cum peccato veniali quod sine dubio displicet Deo) sed ad summum super omnia graviter displicentia, siue opposita illi personæ; imò neque semper id contingat, ut constet in amicitia humanis, quæ licet verè ac simpliciter sint amicitia non cogunt te ut ames amicum super omnia omnino graviter illi opposita, quia ita possunt combinari circumstantiæ, ut defensio tuæ vitæ, aut honoris sit graviter contra illum alterum, & non teneris ratione amicitia humanæ appreciare eum supra tuam vitam, & honorem: imò cum possit evenire quod aliquis amet Deum proximè adquare propter ipsius bonitatem super omnia graviter illi displicentia in materia Religionis v. g. & non super omnia graviter illi displicentia in materia ipsius (qui amor ut vides non sufficit ad justificationem) quia potest habere auxilium efficax ad unum, & non ad alterum cum tunc materiæ realiter distinctæ, & voluntas libera ad utrumque potest eligere unum, & non alterum, sicut ex duobus pauperibus prorsus equalibus potes ex motivo misericordiæ succurrere uni et non alteri, quia liber es, Cum inquam hæc ita combinari possint, jam vides magis latitudinem graduum, & inrensionum quam habet amicitia.

78 Dico 4. Specifica illa, ac determinata simplex displicentia; vel etiam nolitio contra bonum aliquod proximè adquaret quia est bonum alii persona est invidia pura. Et quia hoc peccatum indicat, vel summam debilitatem, vel malitiam summam invidi ideo aiebat Eliphaz: *Parvulum occidis invidia.* Et Christus D. juxta Augustini interpretationem *Spiritus autem blasphemia non remittetur.* Quando est, quia aliena possessio illius boni cedit aliquatenus in malum tuum proptium tunc est actus amoris proprii. Quando displicentia, vel etiam nolitio illius boni est proximè adquaret propter malitiam veram, aut existimam illius alius personæ, tunc est inimicitia formalis, quando nascitur ex odio siue displicentia illius tunc non est formalis inimicitia, sed ejus effectus. Quando demum miscentur hæc motiva, displicentia quonque ipsa siue nolitio est mixta ex his vitiis. Similiter respectivè de complacentia, seu amore alicujus boni. Quando est proximè adquaret propter bonitatem alicujus personæ, est amicitia pura, quando non est ita sed nascitur ex actu proximè adquaret motu ex illa bonitate, non est formalis amicitia sed effectus illius. Quando est proximè adquaret quia bonum illud est bonum illi persona, quæ sanè bonitas respectivè ad illam personam distinguitur ab hujus bonitate tunc est actus complexus, & non purè simplex benevolentia, & adversatur invidia. Quando est quia bonum illius personæ aliquatenus cedit in bonum tuum proprium, tunc est amor proprius, & concupiscentia, quando denique miscentur, hæc motiva, etiam complacentia ipsa seu volitio evadit mixta.

Iob. 5.

Matth. 12.

August. 1a de Serm. Domini,

§. II.

79. **D**ico 5. circa pigritiam, & audaciam (sive bonam ut fuit illa *audacter introivit ad Pilatum*, sive convertibilem cum presumptione) specifica illa, & determinata displicentia simplex, vel etiam positiva volitio de bono, proximè adæquatè concepta propter solam carentiam, quam bonum illud prærequirit, præsentis commoditatis, qua fruitur homo, illa est *pigritia simpliciter*; quoniam est aversio à malo, vel ab indifferente, non est pigritia ut constat: si est non propter meram illam carentiam, sed propter positivum malum, seu incommodum, quod inducit, tuac non est mera pigritia (quia hæc vox innuit aversionem à carentia præsentis commoditatis) sed est pusillanimitas, seu actus contrarius fortitudinis. Unde qui non vult surgere a lecto, & relinquere illam commoditatem, ille verè est piger; & servus qui noluisset relinquere commoditatem otij ut pecunia Domini sui fructificaret, ille damnatus fuit pigritiæ; qui autem non vult tormenta subire pro Religione, pro iustitia &c. hic non tam est piger quem imbecillis, pusillanimis, & fortitudine carens: ideò namque pigritia est peior pusillanimitate cæteris paribus, quia minori hosti cedit. Similiter specifica illa determinata complacentia, vel etiam positiva volitio quæ est de re non obstante sua arduitate, quæ tamen res est practicè possibilis homini, illa est *audacia*. Generosa & heroica si vel falsiatur spe prudente divini auxilij ad superandum eam arduitate, qualis est audacia imbibita in actu spei Theologicæ: vel parvipendat mortem in congregiando cum ea arduitate, qualis est audacia Martyrum. Utramque habuerunt tres illi Sancti Viri, qui Regi dicebant. *Ecce enim Deus noster, quem colimus, potest eripere nos de camino ignis ardentis (enim spei prudentem divini auxilij) quod si nolueris, notum sit tibi Rex, quia Deos tuos non colimus*. Ecce generosum mortis contemptum. Utrumque generosæ audaciæ caput, nempe spei superandi difficultatem, & contemptum vitæ si non superetur, conatus est exprimere ille qui de quodam insigni nequam scripsit. *Fidens animi: atque in utrumque paratus, seu versare dolos, seu certa occumbere morti*. Erit autem temeraria hæc audacia, & verè presumptio, si sit complacentia, vel potius volitio positiva obtinendi bonum sine medijs, vel per media improporcionata, aut ex se, aut ex lege inviolabili. Sed de his postea quando agam de spe.
80. Dico 6. circa simplicem metum, seu purum horrorem, ut distinctum à timore, & circa alacritatem animi, ut distinctam à fiducia specifica illa displicentia, fuga, aversio simplex, seu etiam volitio mali, quod apprehendis, aut suspicaris, aut formidolose iudicas *tibi imminere directè, aut indirectè*, iste actus est, qui vocatur simplex hor-

horror; seu metus, seu formido affectiva: quia metum non habemus de bono, neque de indifferente, neque de malo neutique nobis impendente, neque de impendente, sed quod neque apprehendimus, neque suspicamur; sed de malo quod nobis impendere apprehendimus, aut suspicamur dumtaxat (quia si certò illud præcognoscimus, jam non est metus simplex, & purus horror, sed timor, qui majus aliquid sonare solet). De malo enim Chymærico, aut saltem non possibili practicè v.g. de lapsu lunæ supra caput nemo cordatus habet metum: quamobrem simplex metus, seu purus horror incipit à cognitione, sive spiritali (ut in hominibus) sive materiali, ut in bestiis, proponente aliquo modo malum imminere; sed non stat in cognitione. Sequitur fuga, & displicentia, sive spiritalis, sive materialis, sive utraque: & in hac stat formaliter affectivus horror, seu metus, & demum propter reciprocā sympathiam animæ, & corporis sequitur immediatè commotio illa angoris cordis, nec non palor, frigus, & relaxatio aliorum externorum membrorum propter fugam sanguinis, & spirituum ad præcordia.

81. Similiter alacritas pura, ut distincta a fiducia, stat in specifica illa complacentia, seu etiam volitione boni, quod apprehendimus, vel aliquo modo speramus, ut futurum, cujus quasi odorem jam præsentimus, quodque quasi gustare incipimus. Nemo enim est dumtaxat alacer propter rem purè malam, aut indifferentem; sed propter rem bonam: & quam non scit certò futuram, quia tunc jam non erit purè alacer; sed fidens insuper, aut sperans. Incipit itaque alacritas ab aliqua persuasionē, vel saltem apprehensione boni futuri; sed non stat formaliter in ea: quia ea solum est causa alacritatis. Sequitur complacentia, seu volitio tenuis proportionata ei apprehensioni: & in hac volitione, seu complacentia stat formaliter alacritas secundum positivum quia complacentia illa, ut oriunda ex ea apprehensione per se formaliter immediatè exhilarat animam, sicut displicentia mali, ut oriunda ex apprehensione imminentiæ mali per se formaliter immediatè reddit animam horrentem. Et tandem propter sympathiam dictam, sequitur immediatè illa cordis dilatatio quam experimur dum alacres sumus: & ex hac dilatatione sequitur illa major spirituum effusio per totum corpus, maxime per oculos, vultum totum &c. quando homo non vult, aut non advertit compescere diffusionem illam.

82. Dico 7. circa tristitiam, & gaudium. Tristitia animi consistit physicè in odio ac specifica illa displicentia mali (non enim habemus tristitiam de bono nisi ad summum quandò per actum invidiæ tristamur de bono alieno purè, & præcisè quia illud est bonum illi alteri personæ quæ supponit malum, ut jam præsens, vel certò, vel saltem probabilitate magna futurum. Non enim solemus moreri dumtaxat quando actu quatiur malo; sed etiam quando valdè probabiliter judicamus nos illo quatiendos. Sin displicentia illa dumtaxat supponat apprehensionem, aut scrupulum, aut suspensionem, non est adhuc tristi-

tia, eo, quod aliunde heberetur. Hæc determinata displicentia, seu odium oriundum ex aliqua earum cognitionum, est quæ per se immediate in genere causæ formalis reddit animam moerentem, ac tristem secundum positivum, licet tristitia secundum negativum consistat in carentia alacritatis, aliarumve rerum enervantium eas cognitiones, quod commune est aliis formis accidentalibus, quæ misceri possunt cum suis contrariis v. g. hæc papyrus per albedinem constituitur immediate in genere causæ formalis alba secundum positivum, & per carentiam nigredinis constituitur alba secundum negativum (quam explanationem datam intellige pro prioribus respectivè descriptionibus datis in hoc capite). Rursus ea displicentia specifica, & determinata oriunda ex eis cognitionibus propter sympathiam animæ cum corpore, cui est unita inducit corporalem tristitiam, quæ consistit in quodam angore cordis sive compressione, ex qua nasci solent singultus, idest concussiones illæ laborantis cordis, ut in personis non multum distantibus à morte: aut etiam lachrymæ ut in personis magis humidis, & mollioribus, quales esse solent pueri, ac foeminae. Contra gaudium itat physicè in specifica illa, ac determinata complacentia boni, sive amore, qui supponit bonum, ut jam præsens: vel saltem ut certò, magnave probabilitate futurum (& tunc potest gaudium consistere in volitione illius boni) non enim gaudemus tantum quando jam affectui sumus bonum; sed etiam quando magna probabilitate speramus illud. Si enim de ratione gaudii foret præsupponere actuale possessionem boni, non scripsisset Paulus viatoribus *Spegaudentes*, hæc specifica complacentia est, quæ per se immediate in genere causæ formalis, reddit animam gaudentem hilarem, & alacrem secundum positivum: & propter sympathiam cum corpore, ciet blanda quadam mediocritate hujus spiritus. Et ex hac motione nascuntur signa illa externa maxime in oculis, totoque vultu personæ gaudentis, & non advertentis, aut non volentis cohibere signa illa.

83. Dico 3. circa dolorem non corporis sed animi, & fruitionem sive delectationem ejusdem. Dolor ille est species quadam tristitiæ; nimirum determinata illa displicentia rei, quæ determinatè supponit illam ut jam præsentem, vel ut præteritam; sed irrevocabilem sive quoad existentiam, quia ad præteritum non datur potentia sive quoad effectum illius. Et talis est specificus ille dolor damnatorum, qui vocatur *vermis conscientia* (quem terminatur Christus Dominus) nempe *potui viscare vos cruciatus, & nolui*. talis etiam proportionatè est dolor imbibitus in omni actu poenitentiae scilicet. *Hec fecerim A.* Tristamur quidem ob malum imminens, sed nondum habemus illius dolorem, nisi quando jam concutimur illo ut præsentem, vel ut irrevocabilem. Hæc displicentia determinatè supponens ut jam præsens malum est quæ per se immediate in genere causæ formalis est animi dolor secundum positivum. Et dolor spiritualis damnatorum spirituum nil aliud est physicè quam vehementissima displicentia illarum poenarum, supponens illas, ut actu jam præsentem, ac indictas; displicentia verò earundem

Roman. 12

Marc. 9.

Matth. 25

dem ut duraturarum in æternum, non est dolor, sed tristitia, & timor, quæ utique latius patent. Similiter delectatio animæ, sive *fruitio* est species quædam gaudij nimirum illa determinata, quæ supponit bonum ut jam præsens, atque existens: velut præteritum, sed irrevocabile, qualis est delectatio, quam habent Beati de bonis suis meritis olim factis. Gaudemus, fateor, de bono etiam futuro, ut nuper dicebam ex Paulo, sed non *fruimur* illo pressè loquendo nisi jam sic præsens. Et nisi fruitio esset species quædam gaudij non dixisset Christus Dominus loquens de æterna fruitione *Intra in gaudium Domini sui*; quo circa determinata illa displicentia mali, quæ supponit hoc ut præsens, aut dicto modo præterito, est quæ per se immediatè in genere causæ formalis constituit animam dolentem secundum positivum: & determinata illa complacentia boni, quæ supponit hoc ut præsens, vel præteritum, est quæ in genere causæ formalis constituit animam fruentem secundum positivum: & est quæ dici solet securitas conscientie, quando habet pro objecto rem spectantem ad mores sicut opposita displicentia mali, ut præsentis, sive præteriti, solet dici remorsus conscientie: quamvis hic interdum stet in displicentia mali oriunda ex sola formidine præsentis, aut præteritionis mali moralis. Unde alacritas animi & fruitio sunt genus, & species, & illa latius patet quam hæc; quia fruitio est gaudium determinatè de re præsentè, & bona; alacritas est gaudium de re vel præsentè vel præterita vel futura etiam; & quando est de re futura certò, tunc est fiducia vel potius ex fiducia nascitur.

84. Iam ratio generalis, quam initio hujus capituli promisi harum omnium descriptionum, seu explicationum actuum horum sexdecim (ceteros explicabo capite sequente) est. Practicè sunt possibiles, & frequentes etiam actus illi quos dixi in eis explicationibus. Sed ij nullo alio nomine donari possunt justius quam nomine eorum respectivè definitorum. v.g. loquendo de his duobus ultimis. Frequenter datur displicentia de malo determinatè ut jam præsentè, & urgente; quomodo vocari potest hæc displicentia determinata nisi *dolor animi*? Nam quando est de malo impendente, sed nondum præsentè, nondum est dolor, sed tristitia, aut metus. Similiter frequenter datur complacentia boni determinatè ut jam præsentis & obtenti; quomodo vocari potest hæc complacentia determinata nisi *fruitio boni*? nam quando est de bono ut futuro, potest sanè esse gaudium, sed nondum est fruitio illius. Cumque eodem modo philosophari possimus de unaquaque dictarum explicationum collata cum suo definito, hæc de causis omnes illæ videntur legitimæ.

CAPUT SEXTUM.

De Volitione, ac Nolitioe.

85.



X segete actuum voluntatis huc usque descriptorum *Volitio*, *Nolitio*, *Sper*, *Timor*, *Desiderium*, *Desperatio*, *Presumptio*, & *Audacia* operosiores sunt, & magis eminent: hac de causa sigillatim illos exponam. Igitur volitio in genere est pondus illud affectuum, sive inclinatio voluntatis, qua

hæc tendit, pergit, & conatur *erga existentiam* rei volitæ. Sicut nolitio est contrarium pondus affectuum, seu aversio voluntatis, qua tendit, pergit, & conatur *contra existentiam* rei nolitæ. Et sic volitio differt ab amore simplici, & stricto, quia per hunc approbat dumtaxat voluntas obiectum, præscindendo ab eo quod existat, vel non existat: nec non à gaudio, quia licet hoc tendat etiam in existentiam præsentem, aut certò futuram; at non tendit à priori causando ullatenus illam; sed à posteriori præsupponendo illam. Volitio autem semper est morus, & conatus, & via suapte naturâ præcedens obiecto volito non præsupponens illud (stultè quippe velles pro instanti, aut loco A. id quod prænoscis jam esse in eo loco, aut instanti, quamvis prudenter possis velle, quod sit in alio loco, aut instanti, quod prævides jam existere in A.) sed quasi moraliter causans illud, quatenus instigat, vel instigare est apta ex sua natura, potentiam executricem propriam, aut alienam ad exequendum obiectum illud, v. g. volitio loquendi determinat potentiam locutricem, ut proferat verba. Undè volitio loquendi est causa moralis locutionis. Volitiones, seu decreta divina determinant Omnipotentiam, proportionarè ed effectus creatos unde sunt causæ morales horum respectivè. Volitio ambulandi determinat potentiam ambulatoriam ad ambulandum, & est causa moralis mediata ambulationis, quatenus determinat potentiam immediatè executivam illius. Nolitio autem est suapte natura impedimentum existentie, quatenus suapte natura cohibet potentiam executricem illius, ne illam exequatur, aut ne ultra prosequatur: & ideò juxta illos, qui admittunt carentias ex parte rerum, nolitio dicitur causa carentie, & impedimentum existentie: sicut volitio est causa hujus, & impedimentum illius, quælibet philosophandum est de his duabus operationibus conformiter quidem; sed simul difformiter.

86. Hinc obiter perscringuntur quatuor quæstiones. *Prima*. Sicut multi alii effectus possunt incipere in eodem momento, in quo incipiunt suæ causæ necessariæ, quia sine fundamento dicitur Solem v. g. fuisse per aliquod instans sine luce; nunquam tamen possunt existere pro

pro priori ad suas causas. Ita obiectum volitum potest existere in eodem primo instanti, in quo existit sui volitio, & sic in eodem primo instanti, in quo iustus desiderat, seu vult crescere in Sanctitate, ut magis placeat Deo, accipit ab hoc incrementum sanctitatis in premium illius ejusdem Sancti desiderii. Et in eodem instanti in quo homo se disponit efficaciter ad justificationem, hanc adipiscitur; alias si in instanti A. perfectè contereretur, & in B. moreretur, sine gratia moreretur, & damnaretur. At nunquam obiectum volitum existit pro priori ad volitionem sui ipsius, quatenus hæc præsupponat cognitionem enunciantem *illud jam esse*; tametsi præsupponere debeat cognitionem enunciantem naturam, aliquamque proprietatem, & attributum illius, siquidem *nil volitum quin præcognitum*, ut mox dicam.

87. *Secunda*: Impossibile videtur decretum illud, quod multi Graves Theologi vocant *concomitans*: nimirum, quo Deus vult operationem creaturæ, quodque neque antecedens, neque consequens sit respectu hujus operationis. Omnis quippe volitio rei A. cum sit via, tendentia, & metus voluntatis in illam, est antecedens respectu illius, quia est quid determinans, seu applicans, seu movens potentiam executricem illius. At omne decretum prosecutivum rei A. est volitio illius ut jam exponam ergo omne est antecedens. Ergo repugnat, quod sit concomitans. Præter quamquod, si operatio illa creaturæ sit peccaminosa repugnat, quod Deus illam velit, aut decernat decreto ullo, quanquam dicatur concomitans, quia sequeretur Deum esse causam per se illius, & velle seriò efficaciter idipsum quod seriò efficaciter prohibet. Et insuper quia termino illo *Decretum antecedens*, nil aliud intelligimus, quam decretum irresistibile, atque inevitabile creaturæ, atque decretum quod DD. illi vocant *concomitans*, habet utrumvis: quoniam ob suam metaphysicam connectionem cum ea operatione creaturæ, est huic irresistibilis: & ob independentiam, quam habere dicitur à Scientia media est eidem creaturæ inevitabilis, siquidem creatura non potest vitare ullum constitutum individui illius divinæ libertatis ad illud decretum; Existentiis autem omnibus constitutis, & consequenter existente totâ integrâ libertate divinâ ad illud decretum, nequit creatura facere, ut potius exerceatur Deus per omissionem, quam per existentiam illius decreti, aut viceversa. Sed de hoc alibi, ergo.

88. *Tertia*. Naturaliter loquendo non potest dari volitio rei A. (idem dico de nolitione) quin detur pro priori aliqua cognitio, distincta utique ab eo, quam nuper exclusi saltem confusa, implicita, aut alio nomine dicta proponens rem A. eo modo, & in eo sensu, in quo est volita. Et hoc non tantum propter pulchras illas metaphoras. *Voluntas est potentia ceca &c.* (Voluntas in sensu reali est intellectus ipse, ut dixi in Prodomo disp. 4. n. 18. quamobrem in sensu vero, & reali æque videt, aut cæcutit utraque potentia; sensus autem, formalis, logicus, & præcisivus parum promovet realitates) Item,

voluntas non potest operari circa obiectum, quod non est sibi applicatum in intentionali: sicut neque intellectus potest cognoscere rem, quæ non est sibi applicata per speciem impressam. Nam cum applicatio ista nil aliud sit ex parte rerum quam cognitio obiecti, datur pro ratione id ipsum de quo est questio. Ratio ergo à posteriori sumitur ab experientia, quæ una deprehendimus naturas rerum. Nunquam quippe volumus aut nolumus id, cuius nullam penitus habemus notitiam adhuc confusam implicitam, & sub terminis saltem generalibus licet passim velimus, ac nolumus absque cognitione reflexa ipsius volitionis, ac nolitionis, ergo sicut ex eo quod nunquam existat ignis absque alio calore, prudenter arguitur, ignem esse suapte natura connexum cum calore, & similiter de aliis: ita ex eo quod nunquam existat volitio, aut nolitio rei A. quin præcedat aliqua cognitio proponens illam modo proportionato illi rei, quæ est volita, vel nolita, prudenter inferitur eam cognitionem esse naturaliter prærequisitam volitioni, ac nolitioni: hoc est, has operationes esse naturaliter connexas cum ea cognitione, ut prærequisita quamvis non sint connexæ cum reflexa sui ipsarum cognitione. Propter eandem rationem intellectus non potest naturaliter concipere cognitionem obiecti, quod sibi non est applicatum per ullam speciem impressam illius: & agentia naturalia non possunt physice operari in passo existente extra sphaeram omnium activitatis eorum. Neque dicas intellectum posse naturaliter cognoscere rem A. quin prægnoscat illam, ergo etiam potest voluntas naturaliter amare, odisse, velle, nolle, rem A. quin prægnoscat illam. Ex isto quippe antecedente tantum sequitur posse voluntatem amare, quin præamet, posse odisse, quin præoderit; non autem quin prægnoscat. Ratio autem negandi consequentiam est, quia ex eo quod operatio speciei A. non prærequirit aliam operationem speciei ejusdem, ne abeamus in infinitum; non sequitur quod non prærequirit operationem speciei diversæ. At cognitio, & cognitio sunt operationes ejusdem speciei saltem subalternæ; secus amor, odium, volitio, nolitio, & similes actus voluntatis ex una parte: & cognitio ex altera, ergo ex eo quod cognitio non prærequirit cognitionem ejusdem rei, non sequitur illos actus non prærequirere cognitionem. Ratio à priori ob quam, nec divinitus potest fieri oppositum est. Nil quod ex sua notione, ac definitione est à principio intrinseco *cognoscente*, potest adhuc divinitus esse nisi præcedente ea cognitione; quia rerum essentia sunt immutabiles. Sed omne voluntarium est ex sua notione, ac definitione à principio intrinseco *cognoscente*: ergo nullum voluntarium potest adhuc divinitus esse sine illa cognitione. Sed omne volitum in eo sensu in quo fuerit volitum, est voluntarium, ergo nullum volitum potest esse absque illa cognitione, sed cognitio illa non semper est cognitio ipsius volitionis, ut constat: ergo debet esse cognitio obiecti ipsius voliti, ergo nil volitum adhuc divinitus quin præcognitum. Id magis apparet in volitione libera, quoniam impossibile est quod quis liberè velit libertate indifferentiæ, atque electionis,

quoniam

quin non solum cognoscat; sed præcognoscat etiam illud quod vult; quia omnis operatio rationalis, quamvis solum physice sit rationalis indispensabiliter debet procedere à mente, atque ratione, seu debet præsupponere aliquod motivum saltem illud, quod fuerit obiectum formale specificativum ipsius operationis, ergo debet præsupponere cognitionem illius, quippe obiecta formalia non movent, aut movere possunt voluntatem, nisi ut cognita. Sed omnis volitio libera libertate indifferentiæ, atque electionis est operatio saltem physice rationalis, ergo. Et ratio à priori hujus est, tum quia hæc libertas essentialiter constituitur per cognitionem allicientem, & retrahentem; tum quia de ratione voluntarii est esse à principio cognoscente;

S. II.

89. **H**inc nascitur questio quarta; quandoquidem naturaliter loquendo cognitio debet præluere volitioni, nolitioni amorì, odio, gaudio, cæterisque omnibus actibus voluntatis, quem influxum habet respectu illorum? Influxit ne physice an solum moraliter? Respondeo; quamquam inter cognitiones supernaturales quibus Deus opitulatur homini, multæ forsan sint quæ influunt physice in actus salutares: siquidem Augustinus Doctor primarius in hac re contentus non erat solo influxu morali gratiæ; quoniam ex ipsius verbis constat, Pelagium non negasse hunc influxum: citat enim illum agentem *auxilio gratia adjuvare nos Deum, dum cordis nostri oculos aperit*, *Aug. lib: de grat. cap. 7.* dum *Diaboli pandit insidias* (ecce influxum causæ morali in sensu negativo idest retrahentis) dum nos *multiformi & ineffabili dono gratia cælestis illuminat*; & deinde concludit. *Hinc itaque apparet hanc Pelagium Idè c. 8.* gratiam confiteri, qua demonstrat, & revelat Deus quod agere debeamus. Unde Prosper agebat Pelagianos *de gratia confiteri, quod quidem libero Prosper. de lib. arb. initio arbitrio sit agistra.* Atqui docere, monstrare, revelare, pendere quæ faciendæ, quæque fugiendæ sunt, est influere moraliter in prosecutionem unorum, & fugam aliorum; quia quæcunque cogitationes influentes tantum moraliter, non aliter influunt sic, nisi quatenus aperiunt pandunt, suadent, proponunt voluntati bonitatem amandam, aut malitiam fugiendam. Ergo Pelagiani tandem confitebantur quiddam & realitatem influxus morali gratiæ; & tamen Augustinus, & Concilium Milevitanum hac confessione nondum erant contenti. Ergo in aliquibus saltem ex eis salutaribus cogitationibus oportet admittere influxum plusquam moralem. Ergo physicum. Atque ideo S. Prosper post miras expositos effectus gratiæ canit

Non hoc consilio tantum atque benigno
Suadens atque docens quas normam legis haberet
Gratia. Sed mutans intus mentem, atque reformans

90. Vasque novum extracto fingens virtute creandi. Licet inquam hæc ita sint, si loquamur de specialibus eis cognitionibus. Attamen cognitiones aliz naturales, & supernaturales prærequiritæ ad actus voluntatis v. g. visio beatifica respectu beatifici amoris, non influunt *physicè* in actus eos; quia ex nullo sufficiente titulo probatur omnes illas cognitiones pollere virtute *physicè* efficiente actuum illorum voluntatis. Solum itaque influunt moraliter, sicut præmissæ formales in conclusionem formalem: & sicut imperium in actum imperatum; & sicut intentio finis in electionem mediorum, & sicut habitus acquisitus in actum. Sed explicare oportet hunc influxum moralem. Aliqui actus voluntatis, ut sunt prosecutiones omnes v. g. amor strictus, volitio, desiderium, spes, gaudium, alacritas, & fiducia, prærequirunt cognitionem proponentem aliquam bonitatem in obiecto: & consequenter allicientem ex se ad illius amorem, aut volitionem: & consequenter in hos actus influentem tanquam causa moralis *positiva*. Alii, ut sunt aversiones, & fugæ, v. g. odium simplex, nolitio, timor, tristitia &c. prærequirunt cognitionem aperientem malitiam aliquam in obiecto, & consequenter cognitionem retrahentem ex se à prosecutione illius, & invitantem ad fugam: & consequenter influentem moraliter in genere etiam causa moralis *positivæ* in hanc fugam. Porro quod cognitio causet moraliter positivè, seu moveat jam amorem, seu volitionem, jam odium, seu nolitionem, consistit *physicè* ex parte rerum in eo quod personæ hic, & nunc capaci annuendi, exprimat bonitatem, aut malitiam obiecti: quarum altera suapte naturâ excitat amorem, aut volitionem, altera suapte quoque natura excitat odium, seu nolitionem, sicut ignis suapte natura causat *physicè* calorem, & nix frigus: aut exprimat obiectum conforme regulæ motum in quo stat bonitas *bonestatis*, aut conduens, vel necessarium ad finem operatum in quo stat bonitas *utilitatis*, aut consonum animo, vel corpori, in qua consonantia stat bonitas *delectabilitatis*. Ceterum alii actus voluntatis prærequirunt cognitionem retrahentem ex se ab ipsis actibus, ut volitio, vel amor obiecti, *quamvis talem, & talem habeat malitiam*: odium, vel nolitio obiecti *quamvis talem, & talem habeat bonitatem*.

91. Hæc cognitio non est causa moralis in sensu positivo actuum illorum, quippe ut constat; non movet ad illos: in qua morione solet stare character causarum moralium; est tamen causa moralis in sensu negativo, quatenus propter specialem naturam horum actuum est indispensabiliter prærequisita hæc cognitio ad illos, ut remora illorum. Sic resistentia hostium, quæ tanè ex natura sua adversatur victoriæ, prærequiritur ad hanc. Sic arduitas actionis valde heroicæ, quæ ex natura sua hujus resistit executioni, ad hanc ut heroicam prærequiritur. Sic difficultas adipiscendi bonum magnum, quæ apta nata est ad impediendum conatum illius, indispensabiliter prærequiritur ad conatum illum, qui sit *spes*, ut infra dicam. Sic offensa, quæ suapte naturâ remoratur conditionem, instigatque ad vindictam,

Præ-

prærequiritur ad condonationem. Sic lethale, quod ex se opponitur cum justificatione indispensabiliter est prærequisitum ad justificationem. Et idem dic de aliis terminis *à quo* mutationum aliarum. Sic demum duæ quantitates, quæ ex suo conceptu reluctantur physice penetrationi reciproce, indispensabiliter sunt necessariae ad eam penetrationem. Sunt ergo multæ res, quæ (sicut composita ex partibus oppositis ut tempor, pallor, acre, & simul dulces &c. suapte natura prærequirunt ad suammet existentiam id ipsum, quod suapte natura tendit contra illarum existentiam in sensu utrique reali physico & vero, in quo non datur locus præcisionibus, & formalitatibus, & logicis illis reduplicationibus, quæ, in quantum, quatenus, ut, & simili turbæ, cujus experta est natura ipsa, & realitas rerum.

92. Dico igitur cognitionem retrahentem ab actu voluntatis esse causam moralem illius, non in sensu positivo, sed tantum in sensu negativo, quatenus debet se habere pro priori ad illum (quod est proprium causarum extrinsecarum) instar remoræ tamen actus illius. Unde obiter habes quod jam in Physica adverti, non omne existens pro priori ad aliquid, esse causam physicam, aut moralem positivam illius sed vel positivam, vel negativam. Neque dicas actus prædictos prærequirere solum eam cognitionem ut existentem in signo priori; tum quia sic non vitas, sed aliis terminis concedis cognitionem esse aliquatenus causam illarum. Esse namque in signo priore est per te esse causam, aut prærequisitum; tum quia ista prioritas non est sicut illa termini *à quo* nempe prioritas existendi in tempore antecedente; sed est prioritas consistens in eo quod actus voluntatis, & cognitio existant in eodem temporis momento. Neque rursus dicas prioritatem hanc unice consistere in eo quod per præexistentem cognitionem denominetur actus voluntatis, sicut per præexistens lethale denominatur *iustificatio* infusio Gratia. Etenim iustificatio non distinguitur adæquatè ab illo lethali sicut cœteræ mutationes non distinguuntur adæquatè à suis terminis à quo, & ad quem; sed per illos intrinsecè principiantur. Hic verò actus v.g. *volo conari in meum ultimum finem tametsi arduus, & summè difficilis sit* non constituitur intrinsecè per cognitionem arduitatis, sed est actus solius voluntatis distinctus adæquatè ab actu intellectus quamvis connexus cum illo, & similiter hic: *Nolo facere rem, à quantumcumque utilis, ac delectabilis sit* non constituitur per cognitionem utilitatis, aut delectabilitatis; sed est plenariè actus voluntatis distinctus adæquatè ab ea cognitione quamvis cum illa connexus.

§. III.

93. **H**is quatuor motis difficultatibus, multas idest novem species, nosse oportet. Præter illam multipliciter quam in præcedenti supra inter explicandum species voluntarietatis: & præter illam quæ nascitur ex diversis modis tendendi, quos possunt habere volitiones v. g. absolutum, conditionatum, determinatum, disjunctivum, universale, particularem, singularem: item causalem explicari solitum verbo illo *quia*, aut *propter*: nec non adversativum solitum explicari verbo illo *licet* aut alio æquivalente ut *volo beatitudinem, licet ardua, & difficilis sit*. Et præter multipliciter volitionum, quæ oriri potest ex motivis objectisque formalibus, ex quibus movetur voluntas v. g. ex bonitate, ex malitia objecti in hac vel illa specie; & præter illam, quæ nascitur ex efficacia, aut inefficacia, affectiva vel effectiva vel utraque vel etiam intentionis, aut remissionis, quam potest habere volitio: & præter illam quæ nascitur ex moralitate volitionum v. g. quod sit honesta in hac vel illa specie, quod sit peccaminosa graviter, aut leviter in hac vel illa specie: item quod sit libera, libertate indifferentiæ, vel sit necessaria. Et demum præter diversitatem ex parte principij ac subjecti v. g. quod volitio sit divina, sit Theandrica, sit Angelica, sit humana, sit naturalis, sit supernaturalis. Præter has inquam multipliciter (quas omnes intellige respectivè dictas de volitione) volitio aliunde est quoque multiplex.

94. Nam 1. quando est merus appetitus rationalis (non quia sit prudens, sed quia sit actus voluntatis, cognitionem spirituales præsupponens, sit nec ne aliunde rationi conformis) præscindens ab eis, quæ nunc subiungo, tunc est mera, & pura volitio: seu potius, tunc loquimur de illa præcisivè ac secundum solum conceptum genericum volitionis, quippe non potest dari à parte rei volitio, quæ non habet aliquod attributum ex sequentibus. 2. quando est volitio efficax boni quod prænotatur esse arduum, sed quod tandem obtineri potest, tunc non est volitio utcumque, sed spes etiam ut infra dicam 3. quando est volitio, seu appetitus rei prævidendo illam non esse possibilem practicè cum displicentia tamen hujus non possibilitatis tunc est volitio illa quæ dicitur vulgò *Velleitas* eo quia id generis volitiones explicare solemus verbo illo *Vellem* ex quo derivamus illud alterum *Velleitas*; quæ si tunc habeamus volitionem hujus tendentiæ *Vellem hoc si possibile esset*. Hæc interdum est prudens ut multi censent de affectu eo *Vellem non peccasse* de quo ad tractatum de Pœnitentia, quod verum puto, si affectus illis vocibus explicatus nil aliud sit ex parte rerum, quàm vehementis displicentia, & ex ea oriendus dolor peccati præteriti quàm displicentia.

plicentiam, & dolorem verbis illis explicamus, sicut interjectionibus explicari solent affectus alij. Sicut est vox illa Hofanna, *magis affectum indicans, quam rem aliquam significans* ut dicit Augustinus & sicut sunt locutiones illæ, atque exhortationes ad res inanimatas ut laudent Deum. *Benedicite Sol, & Luna Domino* & ferè totus Psalmus 148. De quo more utendi verbis, orationibusque integris loco interjectionum fasè egi autoritate sacra, & prophana etiam, Decade 2. regularum pro intelligentia Sacræ Scripturæ Regula dicta. Interdum autem est imprudens: nempe quando velleitas accipitur pro facilitate, ac levitate in mutando volitiones. Uel pro seria volitione, positivoque conatu & appetitu illius, quod prævidetur impossibile absolute, aut respectivè. Uel pro desiderio rei impossibilis desideranti ob meram ejusdem ignaviam: undè dicitur. *Desideria occidunt pigrum*, propter domesticum scilicet bellum inter desiderium, & ignaviam. 4. quando volitio est rei, qua verè indiget, vel cujus indigentem se facit persona volens, tunc non est utcumque *volitio*; sed *Desiderium* quoque, atque appetitus. Non enim volumus tantum, sed etiam desideramus, appetimusque nostrum ultimum finem; Deus autem vult; sed non *desiderat*, si pressè loquamur, neque appetit conservationem mundi, & creationem rationalium animarum, quas quotidie producit, & ab æterno voluit producere quotidie. Aliquid ergo plus addit *desiderare* appetereque supra *velle*. Et desideria quæ Christus Dominus habuit, ut *desiderio desideravi hos Pascha* &c: erant exercitia voluntatis humanæ. Voluntas autem divina si quandoque dicitur desiderare v.g. *Scit quid desideres Spiritus* intelligenda videtur, juxta Canonem illum vulgarem inter interpretes, nimirum. Cum Deus in scripturis alloquatur homines, humanos affectus induere videtur, ut *tactus dolore cordis* &c. ita *Pœnituit eum* &c. Desiderium namque pressè sumptum *indigentiam* naturalem, aut voluntariam connotat: & ambæ dedecent Deum.

95. 5. quando volitio est exercitium superioritatis: aut unius personæ respectu alijs, ut Princeps est superior respectu subditorum, & Pater familias respectu Domesticorum: aut superioritatis; non quidem volentis respectu illius, cujus operationem vult (eo quod sit una eademque persona) sed volitionis ipsius respectu operationis volite, ut est superior actus voluntatis respectu actionis potentie exterioris: tunc inquam volitio non est mera *volitio*; sed *Imperium* & decretum & erit insuper, aut non erit lex, præceptum, aut prohibitio, prout habuerit, aut non habuerit quæ mox dicam requiri ab his. Sic quamvis divina voluntas non sit physicè superior respectu Omnipotentis, volitio condendi Mundum non fuit utcumque volitio sed imperium, ac decretum. *Ipse dixit, & facta sunt: ipse mandavit, & creata sunt* multo autem melius sunt decreta, seu imperia, volitiones illæ divinæ, quibus Deus vult creaturam pati, aut, aut non pati, facere aut non facere aliquam rem singularem, & ideo hæc volitiones passim dicuntur in Theologia decreta divina; sumpta phrasi ex Isaia dicente. *Dominus enim exercituum decrevit; & quis poterit infirmare*. Similiter volitio illa

August.
traff. 51.
In Ioan.

Proverb.
21.

Luc. 22.

Roman. 8.

Genes. 6.

Psal. 148

Isaia 14.

reflexa, qua nos ipsi volumus actum nostræ ipsius voluntatis v.g. *volo diligere Deum, volo aspirare ad Deum &c.* vocatur imperium, & actus directus quem volumus vocatur actus imperatus. Et multò melius volitio qua volumus actum intellectus v.g. *volo credere* aut actum externum *volo loqui, volo ambulare &c.* Unde commune est dicere. Voluntas imperat potentij executionibus tale aut tale exercitium. Potentia executiones applicat, sive determinantur ad suas operationes per imperium voluntatis &c. 6. quando volitio non præsupponit talem, aut talem notitiam, quamvis ipsam trahat pro posteriori, non est præcisè volitio; sed est etiam *prædefinitio*. Sic volitio divina, de eo quod homo poenitentiam agat, non præsupponens scientiam absolutam peccati, vocatur prædefinitio poenitentia, ubi illud *præ* significat prioritatem: non tam positivam, quam negativam illius volitionis respectu permissionis peccati, quoniam licet ea volitio intimè connectatur cum permissione, & visione peccati, eo quia connectitur cum poenitentia, & hæc cum peccato, & hoc cum sua permissione, ac visione divinis; attamen neutra præsupponitur pro priori ad eam volitionem divinam. Idem dico de alijs volitionibus, quæ vulgò dicuntur *prædefinitiones* v.g. *prædefinitio gloriæ ante coronam* ante visionem meritorum. Prædefinitio consensus liberi &c.

96 7. Quando volitio est rei ultra vires, quibus ex se vel aliunde fungitur volens ipse: vel præter media requisita essentialiter, aut saltem ex superna inviolabili lege: tunc illa volitio est, ac dicitur *præsumptio* de qua postea. 8. quando est rei, ad quam simpliciter habes vires proportionatas, sed res est valde difficilis, multisque obnoxia difficultatibus, & non determinanda ab alio (quia tunc erit spes) sed à te: tunc inquam est ac dicitur *audacia*, interdum bona, interdum mala ut supra insinuavi, & postea probabo. 9. Quando volitio est rei cum certitudine, vel saltem ingenti probabilitate adipiscendi illam, quæ certitudo, vel probabilitas arceat formidinem contrariam tunc non solum est volitio; sed *fiducia* insuper, non intellectualis, quia hæc consistit in actu intellectus certo, vel valde probabi, sed affectiva, & animi dilatationem secum trahens, ut illa in Deo meo transgrediar murum. Et illa altera in se inimicos nostros veniilabimus cornu: & in nomine tuo spernemus insurgentes in nos. Et sæpè alibi apud Davidem: nec non apud Paulum dicentem. Omnia possum in eo, qui me confortat, huiusmodi rerum difficultum volitiones sunt quæ *fiducia affectiva* dicuntur. 10. quando est volitio rei A. v.g. cum hac expressa tendentia licet sequatur rei B. aut sine ea; sed cum prævisione de eo quod sequeretur rei B. tunc ea volitio est atque dicitur *permissio* rei B. sicut etiam quando est volitio faciendi (aut vitandi rem A.) Quamvis inde sequatur rei B. 11. quando est volitio rei A. & non ut obtineatur aliud, sed ita ut in ea, re A. sistat absolutè voluntas, vel saltem sistat per eam volitionem quamvis per aliam tunc existentem in aliud tendat, tunc ea volitio & est dicitur *intentio finis*.

97 12. Quando est volitio rei A. propter aliud; non utcumque (v.g.

Psal. 17.

Psal. 43.

Philipp. 4.

(v. g. tanquam propter objectum formale, cuius adeptionem, ac existentiam non intendit voluntas, eo quod illa aliunde existat) sed propter aliud verè, & physicè *obtinendum* ita ut volitio ipsa habeat hanc rendentiam causalem, vel si eam non habeat nascatur atque determinetur ex intentione illius alius: tunc est ac dicitur *desio* mediæ. 13. quando est volitio cum speciali ardore, & pugna contra difficultatem, tunc est *conatus*, & quia actus spei semper habet difficultatem obviam, quia semper est de bono arduo, ut infra dicam: ideo spes dicitur, non *volitio* utunque; sed *conatus* in bonum. Et quia Deo nequeunt occurrere difficultates ullæ, ideo Deus capax quidem est habendi volitiones, sive decreta; non autem habendi conatus, sive actus spei si castigatè loquamur. Illæ autem phrasæ, quibus apud Isaiam loquitur. *Laboravi sustinens*. Item. *Heu consolabor super hostibus meis*. Item. *Servire me fecistis*. Item. *Molesti estis & Deo meo*. Et similes intelligendæ sunt, ut patet, sicut illæ *tactus dolore cordis* &c. 14. Quando volitio est rei A. suapte natura præsupponentis rem B. nondum existentem quando datur ipsa volitio, tunc hæc est indirectè volitio rei B. Et sic potestas humana quamvis non possit præcipere immediatè, ac directè actus internos voluntatis subditorum, potest illos præcipere atque ad illos obligare saltem mediatè, ac indirectè: non solum quia potest præfinire tempus, locum aut circumstantias, in quibus exercentur actus illi interni aliunde præcepti lege divina; verum etiam quia potest præcipere actiones externas humanas, ad quas prærequiruntur hi aut illi actus interni voluntatis subditi. 15. Quando volitio aut nolitio est rei à te faciendæ contra alium, & eam huic manifestas, tunc est *minatio* 16. Quando est rei à te faciendæ in bonum aliis, & eam manifestas illi, dando jus ut à te exigat eam rem idest manifestas illam, non tantum reflexe narrando illam, sicut historiam; sed directè tunc est *promissio*, quæ si fiat Deo, est *votum*; si ad ejus autem impletionem invoces Deum, ut testem est *Iuramentum*, quæ sunt res distinctæ, quamvis utriusvis violatio sit sacrilega, ut pote contra honorem Dei. Sin volitio aut nolitio non fuerit hujusmodi; sed sit pura resolutio faciendi, aut non faciendi aliquid, est merum *propositum* cuius ut talis violatio est contra solam virtutem constantiæ. Et ideo violatio popositi nunquam peccandi, quod habemus in Sacramento Pœnitentiæ non est sacrilegium, sed præcisè contra constantiam, attentio præcisè quod sit contra illud propositum. 17. quando volitio aut nolitio est rei pendentis ab alieno arbitrio, non subiecto, & subordinato ipsi volenti, tunc est *petitio* seu *oratio*, si illi alteri manifestetur, & non pure materialiter, & quasi per modum historię; sed formaliter, ac significantè, quod dictum intelligi etiam pro minatione, promissione &c. Atque ideo quamvis Deus velit multa, quæ pendere voluit à determinatione creaturæ, eo quia voluerit hanc fungi libertate indifferentiæ, non tamen petit aut orat. Quia libertas creaturæ est essentialiter subordinata Deo. Aequalis autem potest petere ab æquali, quia hoc ipso hic non est illi subiectus. Et

Isaia 1.
Ibid. 43.
Ibid. 7.

superior humanus potest orare ab inferiore tum super re in qua non est Superior tum in qua est Superior, sed præscindit à Superioritate, quippe potuit carere illa simpliciter, quod non verificatur de Deo respectu creaturæ ullius. 12. Quando est mera, & simplex volitio, aut nolitio actionis alienæ huic manifestata cum ratione impellente, tunc est *suavis*: quando sine speciali ratione impellente tunc est merum *consilium*: Quando obtinet rem tunc est *persuasio*. Denique quando volitio est actionis alienæ, ita ut ea volitio sit usus atque exercitium superioritatis, quia fungitur persona volens supra alteram, seu sit volitio concepta propter subiectionem quam hæc altera habet respectu personæ volentis: tunc volitio est *lex*, seu *statutum* quod idem solet esse aut præceptum, aut prohibitio prout fuerint aliz circumstantiæ singulæ gillatim requisitæ ad unumquodque ex his.

93. Explicatur quantum sufficit modo philosophico, quia ad tractatum de legibus explicatur fufius, quid sit lex, quid præceptum, quid prohibitio, & in qua volitione, aut nolitioe superioris consistant. Aliquando una persona est subiecta, alii per suam met essentiam, ut omnes personæ creatæ sunt subiectæ Deo. Aliquando ratione nativitatæ, ut filius foeminae illius, quæ mancipium sit, subiectus specialiter est heredes, aliquando ratione domicilii, ut cives alienigenæ subditi sunt Principi Civitatis. Aliquando ratione nativitatæ, & simul domicilii, ut cives indigenæ: aliquando ratione iuramenti quales milites solent præstare Imperatori, Vassalli Regi, Scholastici Rectori Universitatis &c. Aliquando ratione voti, quale Religiosi emittunt obediendi suis Prælati. Aliquando ratione disciplinæ, ut Scholastici subditi sunt Magistris. Aliquando demum propter alias rationes, ut uxor est subdita Marito, famuli liberi sunt subditi Patrifamilias &c. Rursus hæc subiectio unius, & superioritas alterius, interdum est universalis quoad omnia nullo ex contingentibus excepto. Et talis est subiectio creaturarum respectu Dei, huiusque superioritas respectu illarum. Interdum verò quoad aliqua, jam huius, jam illius, jam alterius speciei prout fuerit materia. Nam certè Cives sunt subditi Regi, fideles Episcopo, discipuli magistro, milites Imperatori, & mancipia heris, quoad multa; non quoad omnia prorsus, & illa quidem eterogenea, & inter se dissimilia. Dico ergo. Sicut quando alius vult actionem Petri exercitè, aut signatè, quia sibi est utilis, volitio illa est actus concupiscentiæ, & quando illam vult exercitè, aut directè, implicite, aut explicitè, quia est utilis ipsi Petro. illa volitio est actus benevolentie. Et quando illam vult exercitè, aut signatè, implicite, aut explicitè quia est vultus Dei, illa volitio est actus Religionis, & in cæteris simili modo. Ita quando alius vult actionem Petri, seu quod is faciat rem A. (ex illis in quibus est subditus) volitione mota exercitè, aut signatè, implicite, aut explicitè, directè, aut reflexè, formaliter, aut virtualiter (idem dico de cætera turba) quia ipse est superior Petri; sive quia is est subditus fuit. Superioritate, sive subiectione consistente

physicè ex parte rerum in aliquo speciali ex dictis, non autem in generali ea subiectione, quam docet Petrus, *subiecti igitur effote omni humana creatura propter Deum*, quamvis cognitio præcedens volitioni non exprimat illud in specie, aut individuo: tunc inquam ea volitio legitimè manifestata est præceptum, aut lex, aut statutum prout fuerit concursus aliarum circumstantiarum hæc inter se discriminantium, & circumstantiarum aliarum, quæ requiruntur ex parte materiz, ex parte personæ, ex parte loci, temporis &c. ad valorem legis, aut præcepti, aut prohibitionis. Et quando fuerit nolitio similiter mora tunc est prohibitio. Nempe, quia id invenitur respectivè in omni, & sola lege, aut præcepto: in omnique, & sola prohibitione strictè talibus. Et constat ex praxi ipsa Superiorum, maximè Ecclesiasticorum, qui quando volunt, aut nolunt actionem aliquam subditi, ut hic sciat volitionem illam, seu nolitionem esse præceptum, vel esse legem, adiungunt illam clausulam *in virtute Sanctæ Obedientie*, aut aliam similem, & quando addunt, *sub pœna peccati mortalis*, *sub gravi*, aut quid simile, non est quia velint *subditum peccare mortaliter*, casu quo non obediat, quia volitio hæc non licet ipsis, & Deo repugnat: foret enim Deus causa per se peccati *pro illo casu*, si vellet actionem esse peccatum *pro illo casu*: & ex titulo mox dando volitio illa esset fatua. Sed quia monent subditum de malo imminente illi, si contumax fuerit, quando verò addunt *sub pœna capitis*, *sub pœna multæ*, *sub pœna excommunicationis*, possunt non solum monere, & minari: verum etiam positivè velle hæc res, quia nulla ex illis est peccatum, sed pœna peccati, actusque iustitiæ vindicativæ.

99. Hinc 1. quod actio contra legem, præceptum, aut prohibitionem, interdum sit peccatum grave, interdum leve. Item quod Superiores dicantur interdum obligare sub gravi, interdum sub levi: non est quia illi velint actionem perveracis subditi esse peccatum grave, aut esse peccatum leve, quia ut dixi volitio hæc non licet ipsis, unde illis non significant *volitionem*, sed *monitionem* imminentiæ mali: & insuper, quia cum actio inobedientis subditi contra voluntatem Superioris volentis, aut nolentis efficaciter ex parte sui, & propter motivum dictum subiectionis, suapte natura sit mala, fatuitas est velle illam esse malam pro illo casu: sicut esset fatuas velle hominem esse absolute animal pro casu quo absolute existat. Stat ergo discrimen in eo, quod monent subditum (vel hic aliunde scit) se habere quidem volitionem, aut nolitionem illius actionis, sed non omnino resolutam, & efficacem prorsus (non enim consistit in indivisibili efficacia affectiva volitionum, ac nolitionum) & tunc obligant sub levi: aut monent subditum, vel hic aliunde scit, volitionem esse omnino resolutam, & penitus efficacem ex parte superiorum, vel monent materiam esse gravem: & tunc si cœtera concutiant requirita obligant Superiores sub gravi. Stat etiam discrimen in illis alijs, quæ discernunt peccatum grave à levi: puta parvitatem, aut magnitudinem

materiæ, gravitatem, aut levitatem, plenitudinem, aut semiplenitudinem consensus, vel advertentiæ &c. Hinc 2. ad rationem legis præcepti, aut prohibitionis non sufficit mera complacentia, aut displicentia, purus amor, vel odium superioris adversus actionem subditi; sed requiritur positiva volitio, aut nolitio. Ast non requiritur volitio omnino efficax ex parte Superioris, quia ut modo dicebam, unus ex modis obligandi sub levi, & ratione cujus actio contra legem, aut præceptum sit peccatum veniale, est quando superior vult quidem, aut non vult actionem subditi volitione, aut nolitione modo dicto motis; non tamen volitione, aut nolitione prorsus efficax ex parte sui sed cedente, vel cessura ignavia, aut contumacia subditi: quod his duobus actibus voluntatis superioris explicari potest. *Volo quod facias rem A. Alter. Si post notificatam banc meam voluntatem ignavis, vel magna alia passione correptus deliberes quid faciendum* (solum namque deliberare, idest, expendere sequelas ex actione, ac omissione, ut deliberabat Susanna, nondum est contra legem ire) *permitto tibi contra meam voluntatem ne facias*: His duobus actibus positis, quorum similtas non est impossibilis cum passim accidat hominibus etiam cordatis habere voluntates secundum quid contrarias, subditus peccat quidem si non faciat rem illam quandoquidem simpliciter it contra primam illam voluntatem Superioris motam ex superioritate ipsius supra illud, sed ratione secundæ voluntatis peccatum illud non est grave.

100. Hinc 3. Non omnis volitio divina, aut humanorum superiorum; est strictè præceptum: sicut neque omnis nolitio est prohibitio strictè, quia non omnis movetur ex superioritate propria supra nos, aut subjectione nostra erga illos; sed possunt ab hoc præciudere, & aliunde moveri. 4. quando Superior indicit legem, aut præceptum, cujus executionem tacitus apud se non vult ob alia motiva, quibus finit se rapi: tunc verè & simpliciter non imponit legem, aut præceptum quia utrumque indispensabiliter poscit actum, quo Superior quatenus est ex se velit subditi exercitium quod præcipit: Unde si huic constaret de actu illo superioris interno, contratio verbis quibus præcipit, non teneretur obedire; teneretur tamen quia per se loquendo non constaret de actu illo interno superioris: & consequenter subditus debet iudicare illum verè, & simpliciter velle rem, quam externè præcipit. 5. quoties Superior imponit legem; aut præceptum, aut prohibitionem, nolitio illa per quam dixi constitui legem, & nolitio per quam constitui prohibitionem, habeat duo motiva (adequata, vel inadæquata prout censueris actionem internam posse, aut non posse habere duo motiva totalia) Unum quasi prius, & genericum, fundamentaleque, alterum quasi posterius, & specificum volitionis illius, aut nolitionis v.g. *quia es subditus meus vel quia sum Superior tuus* (en motivum quasi prius fundamentale, & genericum respectu illius actus, & aliorum quos exercere poterat respectu illius subditi) *volo propter gloriam Dei* (en motivum proximum, & specificum specificæ hujus volitionis).

tio;

Daniel. 13
v. 22.

tionis) *quod exerceas actionem A.* non tamen negabo posse interdum habere unum idemque motivum v.g. *quia es subditus meus, & propter hanc solam rationem* (aliqua ex subjectionibus supra notatis) *volo quod exerceas actionem A.* Semper tamen requiritur quod volitio illa, aut nolitio, quæ est præceptum, lex, statutum, aut prohibitio moveatur intrinsecè, eut extrinsecè formaliter, & virtualiter signatè, aut exercicè mediare, aut immediate, implicite, aut explicite ex subjectione unius, & superioritate alterius: aut saltem præsupponat notitiam alterutrius, & illius motionem non repellat.

101. Neque enim sufficit quod purè, ac præcisè illam præsupponat. Quoniam nil compossibile cum eo quod volitio non sit præceptum, aut prohibitio, sufficit per se præcisè ut sit præceptum, aut prohibitio. At volitionem præsupponere notitiam istam, compossibile est cum eo quod non sit præceptum, aut prohibitio. v.g. si Superior sic se gereret *quamvis meus subditus sis, non propter hoc, sed propter nostram amicitiam, propter tuum bonum, propter gloriam Dei volo quod facias rem A. aut nolo quod facias rem B.* Certè actus uterviselt practicè possibilis, & præsupponit superioritatem unius, subjectionemque alterius; & tamen non est præceptum, aut prohibitio. Ergo. Quod si volitio superioris præsupponat notitiam huius superioritatis suæ, & subjectionis personæ alterius: & insuper huius notitiæ motionem non repellat, tunc potest habere quod sufficit ex hac parte ad rationem præcepti, aut prohibitionis; sed idè est, quia hoc ipso movetur saltem extrinsecè ex illa subjectione, quamvis non tendat intrinsecè in illam: sicut conclusio formalis, tamen non tendat intrinsecè in objectum præmissarum, ex illo tamen movetur. Neque obiciat legem Valeriam, tertium ab eadem familia latam, prohibentem virgis, ac securi cædi eum qui ad populum provocaret: quæ verè erat lex, & tamen ut Livius advertit *si quis adversus eam fecisset, nil ultra quàm improbè factum, adiecit*, quasi ea lex non aliud habuerit motivum, quàm vitare improbum illud factum. Etenim aliud est quod leges non soleant explicare nisi tale aut tale motivum: Aliud quod verè à parte rei non habeant nisi illud. Primum contigit sapissimè, & contigit in ista lege. Secundum nunquam potest contingere: in sensu composito quod volitio, aut nolitio Superioris sic *lex*, vel *prohibitio*; quoniam sicut est de ratione volitionis, quæ sic actus religionis *moveri ex culta divino*: & de ratione nolationis, quæ sic actus spei *moveri ex bono ut utili speranti* &c. ita est de ratione volitionis, quæ sic *lex*, aut *præceptum* moveri aliquo ex illa turba adverbiorum, exercicè, signatè, implicite, explicite &c. ex superioritate unius, & subjectione alterius. Et iste Marcus Valerius erat tunc Superior, quia erat Consul, & plebs scivit, seu iussit, hoc est, probavit legem illam per solita verba *ut rogat*.

Livius
lib. 10.

102. Hinc demum habes primarium constitutivum omnium humanorum actuum, quorum Catalogum texui in hoc §. esse volitionem, aut nolationem. Decreto autem constitutivo primario non est admodum difficile deprehendere reliqua. Id autem intelligendum est de
actibus

actibus illis præstè, ac formaliter sumptis v.g. de desiderio strictè sumpto, de velleitate strictè sumpta, de lege strictè sumpta &c. quod si ad laxitates, metaphoras, analogias, & similia declines, aliter philosophandum est.

CAPUT SEPTIMUM.

De Spe collata cum desiderio, fiducia, & alijs.

103.



UM inter recensendum, atque explicandum actus voluntatis multa super illis obiter dixerim: oportet illa probare, & maxime proprietates actus spei, quæ integrum tractatum Theologicum solet implere, quem non bene capies nisi hujus actus naturam bene noveris.

Enchirid.

cap. 8.

1.2.qu.40

art. 1.

2.2.qu.17.

art. 1.

Tres proprietates detexit S. Augustinus in actu spei, inquit: *Spes autem nonnisi bonarum rerum est. Nec nisi futurarum. Et ad eam pertinentium, qui earum spem gerere perhibetur.* Quatuor verò S. Thomas scribens spem esse de *Bono, Futuro, Arduo, Possibili* haberi. Unde actus spei, vulgò definitur. *Desiderium seu conatus efficax adipiscendi bonum, arduum, & futurum.* Spes habitualis, si sit acquisita, est qualitas spiritualis in anima relicta ex crebra repetitione actuum spei, facilitans ad iteratam eorumdem repetitionem: & consistit physicè ex parte rerum in intentione specierum relictarum ex actibus illis juxta dicta disp. 1. n. 112. sicuti ceteri habitus acquisiti. Si sit infusa, est supernaturalis qualitas nobis infusa per Deum, suppletque defectum nostrarum virium ad elicendum actum supernaturalem Spei Theologicæ. Præter inspirationes namque, illustrationes ceteraque auxilia transeuntia, voluit Deus quod haberemus potentiam, facultatemque physicam permanentem, nobisque intrinsicam per unionem ad physicè producendum actus supernaturales: & ejusmodi potentia, seu facultas est, quæ vocatur habitus infusus. Multa circa spem disputant Doctores. Remissis ad locum suum Theologicis, expediam sola Philosophica.

104. Dio 1. Actus spei (v.g. adipiscendi Deum nostrum ultimum finem) non consistit adæquatè in actu ullo intellectus. Neque in complexo ex actu intellectus, & actu voluntatis, sed consistit adæquatè in actu quodam, & speciali voluntatis, infra explicando, essentialiter præsupponente actum quemdam, & specialem intellectus, nimirum proponentem certò, vel magna probabilitate practicam possibilitatem obiecti. Unde spes pertinet ad voluntatem formaliter; ad intellectum autem merè directivè. Explico primam partem. Quamvis satis frequens sit modus loquendi metonymicus, quo tribuitur causæ nomen effectus, & iuxta quem judicium regulativum, & exercitativum spei vocatur *Spes*; ceterum præstè, ac Scholasticè loquen-

do

do iudicium firmum adipiscendi bonum arduum non est Spes, sed causa regulans, movens, & excitans Spem, quemadmodum iudicium de possessione boni non est gaudium, sed causa gaudii, & iudicium de bonitate finis non est intentio, & cupiditas huius, sed res excitans hanc cupiditatem. Neque retorqueas hęc exempla contra me: cum nunquam dicatur iudicium esse gaudium; & sepius dicatur habere nos spem obtinendi ab alio bonum aliquod, eo ipso quod habeamus specialem persuasionem obtinendi illud. Etenim figuratz locutiones non obligant semper, ac pro semper, cum sint ad placitum humanum, interdumque in una materia sonet bene metaphora, quę translata ad materiam aliam pungit aures. Sic usitatum est apud seculares Authores adscribere nomen Cereris, Bacchi, & Martis panis, vino, & bello quę censabantur effectus illorum; & inauditum est adscribere creaturę nomen Omnipotentię, quę causativa est illius, aut nomen decreti applicativi Omnipotentię, quod esse solet causa specialis effectus. Similiter usitatum est adscribere nomen spei iudicio illi, quod spem excitat, & usitatum non est adscribere nomen gaudii iudicio excitativo gaudii. Juxta hanc figuratam locutionem (porro figuratus modus loquendi frequentissimus est in omni sermone, sive divino, sive Angelico, sive humano, sacro, sive profano) accipiendum est illud Symboli. *Expecto resurrectionem mortuorum*, id est *credo*, & illud Clementis Alexandrini, *expectationem esse opinionem*, Clem. Alex. lib. 2. Strom. Et aliz obvix locutiones Theologicę, in quibus causę (nimirum actus fidei) tribuitur spes, cujus una causa est fides, ut innuit Paulus. *Fides est sperandarum substantia rerum*. Enchirid. cap. 2. Profecto sicut dicimur fide sperare: ita dicimur fide colere, diligereque Deum, quin propterea actus Religionis, ac charitatis consistant physicę in actu fidei. Meminisse oportet definitiones multoties dari per effectus definiti, ut adverti in Dialectica disp. 1. num. 146. Unde mirum non est vulgarem illam apprehensionem de eo quod spes sit intellectualis persuasio adipiscendi bonum, corripuerit post se antiquos illos, quos meminit 1. 2. qu. 40. art. 2. S. Thomas, & modò etiam post se corripiat vulgum.

305. Jam conclusionis ratio in materia spei Theologicę est. Hęc spes est firmissima, & certissima, & indeclinabilis, ut loquitur Paulus. *Farrissimum solatium habemus, qui confugimus ad tenendam propofitam spem, quam sicut anchoram habemus anime tutam, ac firmam* &c. & rursus: *tenemus spei nostra confessionem indeclinabilem*, ergo saltem specifica hęc spes non potest consistere in iudicio merę probabilis, aut etiam moraliter certo de adeptione beatitudinis, cum ambo sint physicę, ac metaphysicę fallibilia. Non item in iudicio metaphysicę certo, & absoluto de illa adeptione. Tum quia qui reprobis est, sed ignorat, tenetur dum est in via elicere actus spei Theologicę; cum tamen non possit habere istam certitudinem metaphysicam absolutam suę beatitudinis. Tum quia omnes tenemur sperare illam; & nemo nisi ob specialem revelationem potest habere istam certitudinem, ut constat ex Tridentino. Non demum in iudicio metaphysicę certo sed purę conditionis.

Clem. Alex.
lib. 2. Strom.
Encbirid.
cap. 2.

Hebra. II.

1. 2. q. 40.
art. 2.

Hebr. 6.

Ibidem
cap. 10.

dicationato v. g. *Salvabor si moriar in gratia*, aut *salvabor si per me non stet*, quoniam nil compossibile cum positiva efficace desperatione est formaliter actus spei. Sed iudicia ista sunt sic compossibilia: quia compossibilia sunt cum dejectione animi, positivaque nolitione obtinendi beatitudinem, oriundis ex cognitione ingentium superandarum difficultatum, ita ut homo suo deditus abdomini dicat. *Nolo tanto pretio emere beatitudinem, quamvis certissimè illam obtinerem si perseverarem in gratia: & quamvis certissimè non stet per Deum quod illam non obtineam*, ergo iudicia ista non sunt formaliter actus spei, sed quid valdè conducens atque excitans ad illum. Ob hanc eandem rationem spes aliarum naturalium non consistunt formaliter in actibus intellectus, quippe licet illæ non habeant certitudinem, atque invictum robur, quod de spe Theologica dicit Paulus; attamen non semper habet homo iudicium certum de adeptione boni naturalis, quod sperat: & quamvis habeat illud iudicium potest simul cum illo desperare hoc est ob insurgentes difficultates terri, ac nolle efficaciter bonum quod tanti stabit ipsi. Scriptum est enim. *Propter frigus piger arare noluit: mendicabit ergo astate, & non dabitur illi.*

Propter. 20.

P. Arriaga.
2. 2. Disp.
26. sect. 2.

166. Probo secundam partem, scilicet spem actualem non consistere in complexo ex actu intellectus, & voluntatis. Ideò hoc esset, quia solo deficiente actu intellectus, idest omni penitus probabilitate positiva, aut negativa obtinendi bonum, deficit Spes. Hac ratione adducitur Arriaga, sed hoc non valet 1. quia etiam deficit gaudium deficiente cognitione possessionis boni: & deficit intentio finis deficiente cognitione suæ bonitatis. Et neque gaudium consistit formaliter in prima cognitione, neque intentio in secunda. 2. Illud solo, vel intelligitur rigorosè, ita ut significetur, quod deficiente actu intellectus, & perseverantibus omnibus adæquatè distinctis ab illo deficit actus spei. Vel sumitur laxè, & significatur hunc actum deficere quories deficit actus intellectus. Si hoc secundum? duntaxat habebitur actum intellectus esse terminum, quo cum intimè connectitur actus Spei, quod verum est, esse autem terminum connexionis non est esse constitutivum, alias Deus esset constitutivum, seu pars essentiae papyri huius, siquidem hæc papyrus intimè connectitur cum Deo. Si illud primum est implicatio in terminis, quoniam termino illo complexo. Solo actu intellectus deficiente assumuntur dux Hypotheses. Una quod deficiat actus intellectus, & hæc trahit secum, quod deficiat quoque actus voluntatis, qui per illum regulatur, quippe intimè connectitur cum illo, qualis est actus spei. Altera, quod cetera omnia adæquatè distincta ab actu intellectus perseverent (alias non deficeret actus intellectus solus.) Et hæc trahit secum quod perseveret actus Spei, qui unum est ex illis, quæ distinguuntur adæquatè ab actu intellectus. De hoc enim est questio, & hoc est quod à nobis affirmatur. Est ergo ista propositio similis huic. *Solis extremis deficientibus, deficit eorum physica unio*, & cuivis alii in qua sermo sit de termino connexionis, & dicatur quod illo solo deficiente deficit fundamentum.

Egi

Egi de isto modo arguendi in Prodromo disp. 4. num. 79.

107. Probo tertiam partem nimirum spem actualem consistere adzquate in actu voluntatis, presupponente cognitionem de practica possibilitate obtinendi rem, licet arduam, & consequenter ad hanc potentiam spectare formaliter. Volitio efficax boni essentialiter presupponens cognitionem arduitatis nec non futuritionis boni illius, si per volentem ipsum non stet, vel est possibilis, vel non. Si hoc? cedo contradictionem formalem, aut equivalentem. Si illud? volitionem istam vocamus spem: quia non est actus simplex amoris stricti, aut mere complacentiæ, nam hæc præscindit à consecutione boni: Non gaudium, nam hoc supponit cognitionem boni, ut jam possessi, vel absolute possidendi; illa autem volitio seu conatus efficax, in quo dico stare spem, quamvis supponat cognitionem de adeptione boni, si non stet per ipsam personam sperantem; aut non supponit cognitionem absolutam de futuritione boni: Unde Apostolus qui dicit *Spe gaudentes*. Et *Spei autem non confundis*. Quibus verbis certitudinem obtinendi ultimum finem indicat, scribit alibi. *Cum metu, & tremore vestram salutem operamini*. Et Petrus addit *Magis satogite, ut per bona opera certam vestram vocationem, & electionem faciatis*. Quia ut jam olim scriperat. *Si iustus vix salvabitur, impius, & peccator ubi parebunt?* Non item desiderium purum, ac specificè tale: nam hoc ut tale non prærequirit quod bonum cognoscatur esse arduum, vel futurum, ut mox dicam: atque idcirco desiderium purè ut tale, seu mera cupiditas pertinet ad *concupiscibilem*; spes autem ad *irascibilem*. quamvis ipsa sit concupiscentia, idest appetitus seu conatus in bonum, ut bonum *ipsi sperantis*, nempe est bonum arduum cuius consecutio indiget robore animi. *Nunc animis opus Anea, nunc pectore firmo*, ergo restat quod illa volitio efficax præsupponens cognitionem arduitatis, & jam insinuat futuritionis, sit spes. Sed illa volitio est adzquate actus voluntatis, ergo spes est actus voluntatis adzquate. Confirmatur, possibilis est efficax conatus, & volitio possidendi Deum cum ipse auxilio purè, ac præcisè, ut nostrum ultimum finem seu, *ut bonum nobis*. Sed hæc volitio in primis est actus virtutis Theologicæ (siquidem objectum formale proximum adzquatum ipsius est quid adzquate divinum: nempe bonitas nostri ultimi finis, & quidem, ut capax, & proportionatum, ut moveat actum illum) Deinde non est actus fidei, ut patet, neque charitatis quia non movetur ex Deo, ut sibi, & in se bono absolute, sed ut bono ipsi volenti. Ergo est actus spei Theologicæ, ergo actus spei potest esse volitio, & consequenter esse actus voluntatis. Quod de uno, de omnibus dico.

108. Obij: Fiducia est fides quadam vividior. Sed spes est fiducia ergo spes est fides, & consequenter est actus intellectus. Confirmatur primo Abraham *contra spem in spem credidit*, ergo quia sperare est credere. 2. certitudo est proprietas spei præsertim Theologicæ juxta communem Theologiam. At certitudo est proprietas intellectus solius; ergo. 3. Desperatio consistit in Judicio de non futuritione boni,

Roman. 12
ibidem.
cap. 5.

Philip. 2.
2. Petri
cap. 1.
1. Petri
cap. 4.

Enchirid. 2.

quoniam desperantibus obicimus rationes suadentes illam futuritionem, ergo spes quæ actus contrarius est consistit in iudicio de futuritione boni. 4. objectum formale spei non tam est bonum sub ratione boni quam sub ratione assequibilis, quod enim non est assequibile non est objectum spei. Sed bonum sub ratione assequibilis pertinet ad intellectum nam ad voluntatem solum spectat sub ratione boni, ergo objectum formale spei pertinet ad intellectum, ergo, & ipsa spes. Ad objectionem respondeo. Jam distinxī supra inter fiduciam intellectualem, & fiduciam affectivam. Illa consistit in fide ista, seu persuasione vivace; at illa non est propriè fiducia, sed una ex causis excitativis fiducie sicut cognitio imminentis mali non est timor; sed incitamentum timoris. Unde Joannes ibi citatus ex eo quod cor nostrum non reprehendat nos seu ex securitate conscientie tanquam ex causa

1. Ioan.
cap. 3.

intulit fiduciam habemus ad Deum tanquam effectum. Secunda est quæ est propriè fiducia, nempe alacris quædam volitio adispiscendi bonum arduum, oriunda ex ista vivace fide, aut persuasione; & eo major quo major fuerit ista persuasio, quia quo major est causa naturalis, eo solet esse major effectus. Hæc volitio, conatus, appetitus, seu desiderium, ut tale hoc est ut oriundum ex illa persuasione, ostendit animo alacritatem illam, vel similem; si materia fuerit diversa.

Psal. 17. *In Deo meo transgrediar murum. Et persequar inimicos meos, & comprehendam illos. Et confringam illos nec poterunt stare. Et si consistent adversum*

Psal. 26. *me castra, non timebit cor meum. Si exurgas adversum me prælium, in hoc ego sperabo. Volitio, & conatus triumphandi hostes, ad quem alludunt hæ phrasæ, & qui ex illa firma persuasione divini auxilii oriebantur. Dominus illuminatio mea, & salus mea quem timebo? iste inquam conatus, & ista volitio est, quæ propriè est fiducia, & etiam gaudium de re futura sed certa (jam adverti solitos nos esse gaudere non solum de re præsentē, sed etiam quando sumus certi de bono futuro) & sicut hoc gaudium, & fiducia nascitur ex illa persuasione, ita ex illa fiducia nascitur illa alacritas, hilaritas seu dilatio animi, quæ sit nova complacentia, quæque ad speciem gaudiorum de re, non quidem jam præsentē, sed certò futura, spectat. Hanc fiduciam fateor esse spem. Unde solum habebitur spes esse fiduciam affectivam non autem fiduciam intellectualem, id est esse fiduciam formalem, & consequenter esse actum voluntatis; non verò esse fiduciam radicalem.*

109. Ad primam confirmationem nego consequentiam, quia Apostolica illa verba solum significant Abraham fide supernaturali viciisse naturalem persuasionem de non habendo Filium ex Sara. *Plenissime sciens*, inquit ibi Paulus, *quia quæcunque promisti potens est & facere*. Ad secundam dico. Certitudinem, quæ est proprietas Spei non esse certitudinem formalem, hoc est, non esse certitudinem affirmandi, aut negandi, quæ est proprietas actuum intellectus; sed certitudinem illativam, & præsupponendi iudicium certum. Hæc autem potest competere actui voluntatis. Et de facto competit appetitui illi, quo anhelamus super omnia ad Deum, ut nostrum ultimum finem,

quoniam hic appetitus seu conatus præsupponit fidem de eo quod Deus fidelis sit in suis promissionibus, & potens exequi quod promisit, ad quod nuper recurtebat Apostolus pro fiducia Abraham explicanda. Ad tertiam nego maiorem. Desperatio est obnoxia eidem æquivocationi cui spes. Ambo hi actus censentur vulgò consistere in actu intellectus, quia, ut supra dicebam, est frequens figurata locutio tribuendi causæ nomen effectus. Sed ambo re vera stant formaliter in actu voluntatis. Spes in alacri volitione, & conatu dicto adipiscendi bonum, tamen arduum sit, nascente ex fide, vel naturali persuasionem, prout fuerit obiectum de practica possibilitate obtinendi bonum illud. Desperatio in dejectione animi, seu abiectione, nolitioneque obtinendi hic, & nunc illud bonum ob impossibilitatem apparentem, sive arduam veram obtinendi umquam illud. quæ dejectione animi, abiectioneque boni illius nascitur ex persuasionem de eo quod non obtinebis umquam tale bonum. Atque ideo desperantibus solemus proponere rationes suasivas futuritionis boni illius, quia fugat illam alteram persuasionem falsam cessat desperatio, sicut avulsa radice arescit arbor. Et sic solvitur probatio illius majoris. Ad quartam nego maiorem. Probatio non est efficax: quia sicut obiectum non assequibile non est obiectum spei: ita neque obiectum non futurum, aut non arduum. Et tamen neque arduitas, neque futuritio sunt obiectum formale spei; sed sunt meræ conditiones necessaria in obiecto materiali illius, sicut alia multa. Idem dico de assequibilitate.

110. Hactenus probavi spem esse actum solius voluntatis. Sed quisnam est? Dico 2. Spes non est præcisè amor simplex, seu mera complacentia obiecti, quia hæc præscindit ab existentia obiecti; cum tamen spes sit conatus obtinendi illud iuxta nuper dicta. Neque est purum gaudium, quia hoc ut tale non est conatus in adeptione obiecti, sed mera delectatio de præsentia, vel certa futuritione boni ob specialem notitiam de practica possibilitate obtinendi illud; spes autem est appetitus, seu conatus in illius consecutionem: & quia hic conatus, ut oriundus ex prædicta futuritione obiecti, recreare, atque delectare solet animum, hac de causa dixit supra Apostolus *Spej gaudentes*. Neque est desiderium præcisè, atque specificè tale, quia hoc, præcisè ut tale, est appetitus boni præscindens ab huius arduitate, & à futuritione idest à practica possibilitate obtinendi illud: multoties namque excitari cognitione alienius boni protinus appetimus illud, sit, vel non sit obtentu difficile, sit, vel non sit practice possibile nobis; postea verò indagamus, sint nec ne media efficacia, ut illud obtineamus. Spes autem est appetitus boni determinatè præsupponens illud esse arduum; sed practice possibile, ergo spes non consistit in amore præcisè, in gaudio præcisè, in desiderio præcisè quamvis fieri possit ut idem actus voluntatis sit spes, & simul amor, gaudium, & desiderium. Hinc spes, ac desiderium strictè, ac specificè tale distinguuntur tanquam duæ species infimæ. Spes autem, ac desiderium genericè sumptum, tanquam species, & genus, quia,

omnis spes est desiderium, sed non omne desiderium est spes.

111. Denique Spes, præcisè ut talis, non est amor benevolentiz, aut amor amicitiz; sed amor concupiscentiz, quoniam benevolentia est actus, quo amamus aliud, præsertim cognoscitium, quamvis rationale non sit, propter bonitatem, quam in eo deprehendimus; amicitia autem est actus, quo amamus aliud, *quod sit rationale*, seu *persona*, propter bonitatem, quam in ipso quoque deprehendimus. Non enim datur amicitia cum irrationabilibus licet detur benevolentia. Unde bene infert Ripalda, quod licet omnis amicitia sit benevolentia, non omnis benevolentia est amicitia. Concupiscentia, verò est actus, quo prosequimur bonum, ut nobis utile, & quia nobis utile. At spes, præcisè ut talis, neque est primum, neque secundum, sed tertium. Ut pater in spe æternæ beatitudinis. quia non est amor Dei propter absolutam bonitatem, quam in se habet, aliàs esset actus charitatis; sed est prosecutio, sive appetitus erga Deum, *ut nostrum ultimum finem*, & consequenter erga Deum, *ut nobis bonum*, ergo Spes est actus voluntatis, qui præcisè ut talis, neque est benevolentia, neque amicitia; sed concupiscentia. Ex quibus omnibus eruitur definitio spei actualis. In genere est. *Efficax desiderium*, sive conatus, sive appetitus, sive cupiditas, sive intentio (hec omnia sunt vocabula distincta, sed idem significantia in presenti) *sci præcognita, ut bona, ardua, & futura*, idest practicè possibilis speranti. Spes autem in specie Theologica, seu actus primarius hujus virtutis Theologicæ, ut distinctus ab aliis, qui procedere possunt ab illa, est. *Desiderium, conatus, seu appetitus efficax possidendi Deum cum ipsius adiutório, ut nostrum ultimum finem.*

P. Ripalda
disp. 21. de
spe sect. 5.

CAPUT OCTAVUM

Exponuntur attributa objecti materialis Spei.

212.



RIA notavi supra ex S. Thoma, nempe *Bonum, Arduum, & Futurum*. Hæc explicanda suscipio. Ne autem res obscure procedat, si loquamur in genere, hoc est, abstractimè: disputabo in specie de Spe Theologica non quoad omnia sua attributa, quia pleraque spectant ad Theologos; sed quoad illa, quæ communia sunt Spei naturalium rerum naturalium, quorum attributorum explanatio ad Philosophos spectat. Dico 1. Necesse non est quod obiectum spei sit bonum amissibile. Unde in eodem instanti, non dico in eodem signo, in quo quis est metaphysicè certus de fututione boni, potest habere spem illius. Explicatur. Geminam contingentiam, sive amissibilitatem distingue. Unam penitus antecedentem, alteram

alteram consequentem ad cognitionem spei directricem. Non nego primam, quoniam obiectum purè, & simpliciter necessarium, ut tale nequit esse obiectum Spei Theologicę: stultum quippe esset seriò, & efficaciter sperare, Deum esse Omnipotentem, aut alia similia prorsus antecedenter necessaria. Solum igitur nego secundam, 1. quia juxta communē Theologiā legendā apud P. Ripaldā in animabus Purgatorii datur Spes Theologica, & supernaturalis circa beatitudinem, & tamen hæc non est amissibilis ab eis, cum noverint cognitione infallibili se aliquando obtenturas beatitudinē: ergo opus non est quod bonum sit amissibile consequenter. Responderi Lorca eam cognitionem esse obscuram, & obscuritate equivalere defectibilitati. Contra: eatenus cognitio illa obscura equivaleret defectibilitati, quatenus animum non redderet certum prorsus, atque securum de futuritione absoluta beatitudinis, atque idcirco hæc esset amissibilis, non quidem physicè, sed intentionaliter respectu habeatis cognitionem illam obscuram: sed quamquam cognitio sit obscura reddit animas illas certas prorsus, atque securas de absoluta futuritione beatitudinis: quoniam est cognitio certa certitudine infallibilitatis, & indubitabilitatis utpote innixa promissioni divinæ, & sicut nos dubitaremus potius de quibusvis aliis evidentiis, quam de Trinitate, eo quia cognitio, quam habemus hujus mysterii, licet sit obscura, est tamen certa utrāque illā certitudine: ita sanctæ illę animę, quamquam habeant cognitiones obscuras absolute futuritionis beatitudinis, potius dubitarent de quibusvis aliis evidentiis merè naturalibus, quam de illa futuritione, ergo obscuritas ea cognitionis non equivalet defectibilitati. 2. Ista responsio declinat à terminis præcisīs quęstionis ad latissimos virtualitatis, equivalentiarumque campos. Vel enim requiritur, quod bonum speratum verè, & simpliciter sit defectibile physicè in rebus coniunctim cum spe supernaturali cognitioneque ejus directrice. Vel quod sit tantum defectibile æquivalenter æquivalentiā consistente in obscuritate cognitionis infallibilis circa futuritionem illius boni, quod tamen non sit defectibile consequenter ad eam cognitionem. Si primum? hoc est, quod præferebat sententia hujus Authoris, & hoc est quod probatur esse falsum exemplo Purgatorii. Si secundum? hoc est aliud à conclusione ipsius, & non impugnatur exemplo illo est tamen falsum: Quod probatur ratione à priori conclusionis.

113. Eo ipso quod in obiecto concurrant omnes conditiones necessarię ut sit materia spei, & ex parte potentię nullum detur impedimentum, potest hæc concipere actum spei; sed quamquam detur metaphysica evidentiā absolutę futuritionis boni possunt in hoc concurrere omnes conditiones necessarię ut sit materia spei; & insuper potest nullum dari impedimentum ex parte potentię. Ergo quamquam detur metaphysica evidentiā futuritionis absolutę boni, potest concipi spes illius. Probo minorem: quoad primam partem. Conditiones necessarię sunt *bonitas*, *arduitas*, atque *futuritio*; non enim comminisci debemus plures, aut pauciores illis quas Theologi assignarunt: at quamquam detur evidentiā illa possunt dari in obiecto hæc conditiones. Pro-

batur

Ripaldā
disp. 18.
num. 44.

batur . In primis de bonitate non est difficultas . De arduitate sic discurro . Arduitas consistit vel in excellentia ipsa boni sperati , vel in eo quod donandum sit ab alieno arbitrio , vel in eo quod obtinendum sit magno laboris pretio , vel in ipsa anxietate sperantis , dubioque circa adeptionem boni quoad substantiam : at quamvis detur illa evidentia potest cognosci bonum illud ut ingentis excellentiæ , ut donandum ab alieno arbitrio , ut obtinendum dependenter à magnis laboribus sperantis ; quandoquidem evidentia illa nulli horum adversatur ; quia imò potest etiam esse evidentia horum omnium . Deinde illa animi anxietas , & dubitatio potest abesse perseverante adhuc arduitate , ut contingit animabus Purgatorij , quæ anxietate illa , & dubitatione carent & tamen adhuc ipsis est ardua gloria , quam non possidebunt nisi magnis prius exanclatis laboribus . Ergo . Idem dico de futuritione , quoniam evidentia non trahit actualem existentiam boni , cum possit dari evidentia saltem abstractiva rei non existentis modo , sed exitura postea ; ergo quamvis detur evidentia futuritionis absolutæ boni , potest hoc habere omnes conditiones in objecto spei necessarias . Probo jam secundam partem primæ minoris . Si aliquid impedimentum daretur ex parte potentiæ , maximè evidentia dicta . Sed hæc non impedit actum spei . Probatur . Nihil quod maximè acuit spem , invitatque potentiam ad sperandum , impedit spem : sed quemadmodum cognitio de non futuritione boni potentiam retardat a sperando , ita clara , & evidens cognitio futuritionis maximè acuit spem , invitatque potentiam ad sperandum , nam quo certiores sumus adeptionis boni , eò alacriores sumus ad illud sperandum , ut experientia constat . ergo clara & evidens cognitio &c.

114. Respondebis primò . Etiam cognitio alliciens ad amorem liberum instigat potentiam ad eum , & tamen adeò crescere potest ut dari nequeat amor liber sed necessarius . Sicut enim amor liber poscit cognitionem allicientem sed in gradu certo , ac determinato . Ita spes requirit cognitionem futuritionis in gradu certo , ac determinato , quem si excedat non subsequetur spes , sed affectus alius ; quia non semper subsistit axioma illud prout sonat . *Sicut se habet simpliciter ad simpliciter ita magis ad magis* quoniam *magis* opponi solet cum *simpliciter* , sicut majus pondus in una lance statæ opponitur cum albarum æquilibrio . Sed contra . Tamen si actus , ut liber libertate indifferentiæ poscat gradus determinatos in cognitione alliciente , qua pratergrediente illos , non erit liber actus . Voluntariè tamen affirmatur idem de actu spei , quia non subsistit hic ratio quæ ibi . Etenim libertas perfectissimè indifferentiæ importat secum id ipsum quod sonat ; nempe æqualem distantiam ab utriuslibet extremi necessitate , ac impossibilitate . Et quam crescente inclinatione in alterum , adhuc subsistat libertas indifferentiæ simpliciter talis , eo quod hæc latitudinem admittat intra spheram præviæ inclinationis , & non consistat in puncto mathematico indivisibilique (quia hoc est proprium solius libertatis indifferentiæ perfectissimæ) quemadmodum adjectis aliquibus gradibus in contra-

pon-

pondio premente lancem, possunt adhuc esse pendulę lances conserva-
reque librationem; ceterum sicut adeo potest crescere contrapondium
illud, ut penitus libratio deficiat, unaque lanx prorsus cedat. Ita
quo magis crescit ea inclinatio, eo magis receditur ab eo puncto in-
differentię. Ergo tantum crescere potest ut jam neque perseveret indif-
ferentia perfectissima, neque alia minor, quę absolute sit indifferentia.

115. Ergo tantum potest crescere cognitio alliciens, ut jam neque
libertas perfectissime indifferentię neque libertas moralis neque physi-
ca perseveret. Hęc autem ratio indifferentię non nisi ad libitum ad-
moveri potest spei Theologicę, quia hęc potest non esse libera, & me-
taphysica evidentia futuritionis absolute non tollit libertatem spei ex
eo quod necessitat ad eam juxta hunc authorem, deinde non ex eo quod
sit impossibilitas illius, quia cum sit cognitio alliciens, non
potest libertatem tollere ex capite impossibilitatis, sed ad summum ex
capite necessitatis ad spem. Hinc arguitur 2. licet cogitatio alliciens
interdum perimat libertatē amoris, attamen non opponitur cum amore
ipso secundum se præsciudendo à libertate, quinimò ipsum acuit, urget-
que potentiam ad ipsum, ergo quamquam cognitio futuritionis absolu-
tę boni, alliciens ad ejusdem spem, consurgeret usque ad metaphy-
sicam evidentiam non opponeretur cum spe ipsa secundum se, ut di-
stincta à libertate indifferentię, quinimò ipsam acueret; sed ad sum-
mum opponeretur cum libertate, vel aliqua alia denominatione ex-
trinseca rationi Spei Theologicę supernaturalis sumptę secundum sua
intrinseca præcisę.

116. Respondebis 2. Pręter conditiones recensitas in obiecto
Spei, seu potius in arduitate illius, esse aliquam aliam juxta Sanctum
Thomam, nempe quod non adsit inevitabilis causa illius obiecti.
Verba sunt hęc. *Bonum, cujus jam inevitabilem causam habemus, non
comparatur ad nos in ratione ardui verę enim proprię dicitur aliquis, quia
habet argentum, sperare se habiturum vestem, quod statim in potestate ejus
est ut emat.* Sed contra. Aliud est habere inevitabilem causam, quę
nulla mediante difficultate sortitura est effectum. Aliud quę difficulta-
tibus mediantibus illum fortietur, De prima loquitur S. Thomas, ut
exemplo ipso quod apponit constat; nos loquimur de secunda, ut
constat ex ratione supra data: nam licet inevitabilis causa adsit, po-
test ea nonnisi post multum tempus, multosque sperantis labores ex-
antlatos; effectum sortiri ut contingit animabus Purgatorij, ergo,
pręter conditiones recensitas non requiritur ista in sensu nobis noxio.
Explicatur. Esto requiri arduitatem in obiecto spei. (quod negat P.
Ripalda quodque nos infra disputabimus) rogo nunc. Vel censet hanc
arduitatem esse physicam, & ex parte rei, quatenus re ipsa vincendę
sint difficultates objectivę ad bonum obtinendum? Vel censet illam
esse mentalem quatenus sperans non sit omninò certus certitudine in-
dubitabilitatis, sed anxius dubiusque circa boni adeptionem? Si pri-
mum? tamen si habeas evidentiam metaphysicam, causamque inevitabi-
lem futuritionis, possunt ingruere illę difficultates, laborque in eis
sepe-

1. 2. q. 67
art. 4. ad
3.

Ripald.
disp. 21.
sect. 4.

superandis, quoniam neque evidentia, neque inevitabilis causa exonerant ab eo labore, quinimò ambæ possunt esse tales circa futuritionem boni ut obtinendi determinatè per medium illarum difficultatum, atque laboris, Si secundum? habes contra te animas Purgatorij indubitanter credentes futuram aliquando suam beatitudinem, & tamen hanc sperantes, nec non animas priscorum Patrum in limbo quondam degentium, sperantes pretium suæ redemptionis, quod aliquando futurum certissimè absque ulla ambiguitate credebant, & deuique Christum Dominum infallibiliter scientem, quando inter homines degebat, futuram aliquando gloriam sui corporis, & tamen illam sperantein. De hoc ultimo lege Ripaldam.

Ripald.
disp. 27.
sect. 4.

117. Obicit Magister Lorca. Sicut se habet timor ad malum, ita spes ad bonum, at mali infallibiliter venturi nequit dari timor: nam affectus qui tunc datur est sola tristitia, & constat ex Aristotele, ergo neque boni infallibiliter venturi datur spes. Et confirmari potest primò. Bonum jam possessum nequit esse materia spei, sed bonum quod cognoscitur infallibiliter, ut possidendum, est virtualiter jam possessum, ergo. 2. nequit dari gaudium, & spes circa idem bonum sub eadem formalitate, ac cognitione: quia illud supponit rem, ut præsentem, & hæc ut absentem: at ex vi cognitionis infallibilis boni aliquando futuri, & ut futuri datur gaudium, ergo sub eadem sola cognitione nequit dari spes ejusdem, ut futuri. 3. stulticia est desiderare rem simpliciter antecedenter necessariam, ergo etiam rem, quæ infallibiliter præcognoscitur futura. Probatur consequentia. Ideo primum est verum quia cum desiderium, & volitio sint motus in existentiam rei, stultum est conari, & moveri in id, quod ut pote antecedenter necessarium exiturum est sive detur sive non detur talis motus, atque idcirco stultum est desiderare, seu sperare Deum fore cras omnipotentem; at etiam illud quod infallibiliter præcognoscitur futurum, futurum est detur necne actualis spes, vel desiderium ipsius, quia supponit esse futurum antecedenter ab hoc præsentis desiderio, ergo stulticia est desiderare id quod infallibiliter præcognoscitur futurum, atqui spes intrinsecè importat desiderium, seu volitionem seu intentionem efficacem, licet cum aliis attributis, ergo stulticia est sperare id, quod infallibiliter præcognoscitur futurum. Sed spei Theologicæ, ac supernaturalis repugnat stulticia, Nego minorem objectionis, quoniam Christus Dominus habuit scientiam infallibilem suæ necis, & tamen habuit timorem ejusdem, nam *cepit pavere*; pavor autem, & timor differunt sicut gladius, & ensis: & ille timor adeò certus est, ut gravibus censuris percellant Theologi graves oppositum apud Ripaldam; quod verò detur tristitia non opponitur cum eo quod detur timor, quoniam idem Christus Dominus utrumque habuit affectum nam *cepit pavere & tridere*; & ait *tristis est anima mea* &c. Ratio autem est. Tristitia in eo casu est de futuritione ipsa, ut tali, nam quod illam movet, est futurum esse absolutè tale malum quocirca tristitia illa est actus quasi reflexus supra futu-

Marc. 14.
33.
Disp. 25.
num. 20.
Marc.
ibidem.

futuritionem, timor verò supponens subjectivè futuritionem, non est de hac ut tali; sed de ipso malo quod futurum agnoscitur, non enim timemus futurum esse malum, sed malum quod futurum est. Aristoteles, ut ex contextu ipso suadet P. Hurtado non negat universè timorem mali certò futuri; Sed mali futuri, quod comparatione præsentis angoris, porius est bonum eo quod sit terminus & finis illius.

Hurt. dis.
113. §. 40.

118. Ad primam confirmationem distinguo maiorem. Bonum jam physicè possessum vel saltem intentionaliter per iudicium certum de præsentia ipsius nequit esse materia spei concedo; bonum jam possessum non physicè formaliter; sed tantum æquivalenter ratione certæ cognitionis de futuritione illius, nego maiorem: quia iuxta rationem conclusionis fieri potest quod habeat omnes conditiones necessarias, & nil insuper impediatur potentiam à concipiendo illius spem. Permissæque minore propter ingentem latitudinem, quam habent virtualitates, & æquivalentiæ, nego consequentiam. Ad 2. nego maiorem, quoniam ut constat experientiâ non modo gaudemus quando actu physicè possidemus bonum, sed etiam quando certi omnino sumus de ipsius futura consecutione. Ergo gaudium non requirit determinatè bonum, ut jam præsens physicè aut intentionaliter ratione cognitionis suggerentis illud jam esse præsens. Ergo gaudere possumus de illo eodem, bono quod speramus & sub eadem cognitione sub qua speramus. Igitur quemadmodum eadem cognitio bonitatis finis potest impellere ad duos actus diversos: unum qui sit simplex complacentia, alterum qui sit efficax intentio finis: ita eadem certa cognitio futuritionis boni excitare potest duos affectus diversos: unum qui sit gaudium, & alterum qui sit spes; quod si magis pressè loqui volueris, philosophare de gaudio, & spe boni, certò futuri sicut nuper philosophabamur de tristitia, & timore mali certò futuri. Gaudium in hoc casu est actus reflexus supra futuritionem in quam tendit directè, ac immediatè quatenus gaudemus de eo quòd certè sit futurum bonum concupitum; Spes autem est actus qui subjectivè præsupponit cognitionem futuritionis; sed non tendit in hanc: non enim speramus quasi reflexè rem esse futuram; sed scientes illam esse futuram, bonam, & arduam, speramus illam *existere* aliquando. Sicut decretum intensionis supponit rem esse possibilem, sed non tendit in possibilitatem, non enim decernit Deus quod sit res possibilis, sed quod existat res, quam præcognoscit esse possibilem. Unde gaudium in hoc casu non est de eo quod objectum erit, sed de eo quòd certò erit. Spes è converso non est de eo quòd objectum certò erit, sed de eo quòd suo tempore erit: & quamvis idem sit ex parte rerum erit, & suo tempore certò erit. Diversæ tamen sunt expressiones, & hac diversitas sufficit ad actus diversificandos, ut passim contingit cum circa res prorsus identificatas habere soleamus actus valdè diversos. Iuxta hunc discursum permissâ maiore secundæ confirmationis, distinguo minorem: datur gaudium immediatè, ac directè tendens in ipsam futuritionem; concedo minorem; in bonum ipsum, nego. Et distinguo consequens nequit dari spes immediatè, ac directè tendens in futuritionem.

nem, permitto: in bonum ipsum ut distinctum, sed non ut præcisum à futuritione, nego.

119. Ad tertiam confirmationem respondeo duo. Primum est, infallibilem cognitionem futuritionis absolutæ boni illius posse proponere illud ut exiturum dependenter ab actu ipso spei Theologicæ (non curo modo hujus libertatem, sed solam specificam essentialiam) quatenus ea cognitio supponat essentialiter promissionem divinam largiendi bonum illud dependenter à spe actuali, nec non revelationem de hujus existentia: in hoc casu est disparitas inter spem rei antecedenter necessariæ, ac spem boni infallibiliter exituri, quandoquidem res illa (scilicet bonum hoc) existat, sive detur, sive non detur spes actualis. Secundum. Esto bonum infallibiliter cognosci, ut futurum, independenter ab actuali spei ipsius. Permitto quod hinc inferuntur duo: unum est: nos non posse sperare illud *ut conjunctum cum infallibili ea cognitione* quia sic est prorsus necessarium: alterum: nos non posse sperare illud spe, seu conatu absolute causante, causaturove ipsum. Cœterum neque inferitur non posse sperare illud, spe ex se, ac secundum suam speciem causativa illius boni, & in actu secundo causatura, si non daretur infallibilis ea præcognitio, ut possibile est: item neque inferitur, nos in sensu composito ejusdem cognitionis non posse sperare illud spe terminata *ad ipsum bonum solum, & secundum se*: quemadmodum licet imprudens sit conatus in amorem *ut conjungendum* secum ipso; attamen in sensu composito ipsius est possibilis conatus in amorem *ut sic præcisè*; quia ipse præcisè ut talis est prorsus contingens, licet ut secum ipso logicè conjunctus, sit penitus necessarius. Quod si dixeris illam spem necessariò fore inefficacem, ut pote supponentem bonum aliunde exiturum: concedam de inefficacia effectiva, absolute in actu secundo. Sed negabo de inefficacia affectiva, causativaque conditionatè, sub hypothesis quod non daretur infallibilis ea præcognitio; ut poterat non dari pro priori ad alium actum spei, qui esset ejusdem moralis speciei cum isto, quamvis necessariò debeat dari pro priori ad actum istum individuum, utpote regulatum per infallibilem istam cognitionem. Et eni disparitatem ad bonum simpliciter antecedenter necessarium: imprudentia namque desiderandi illud, non est præcisè quia exiturum est, detur nec ne desiderium; sed insuper quia hoc licet terminetur ad ipsum secundum se; non terminatur ad rem antecedenter contingentem, & insuper quia desiderium ipsum adhuc quoad speciem, neque in actu secundo neque in actu primo neque absolute, neque conditionatè, sub hypothesis ulla possibili est causativum ejusdem. Quo circa nego consequentiam illius tertiæ confirmationis, & rationem per quam probatur.

CAPUT NONUM.

An bonum alienum possit esse objectum spei?

120.



UAMVIS nonnulli Theologi distinguant inter spem Theologicam, & spem aliâ speciei, mihi nullo discrimine aguntur ambz: quoniam in puncto cardinali difficultatis desumptæ ex solo conceptu spei, conveniunt, licet materialiter differant. Triplicem hac super re leges

sententiam apud P. Oviedo. Sed revocandum est in memoriâ quod sæpè insinuavi, nempe ut actus aliquis verè, ac simpliciter sit spes Theologica, opus est quod eliciatur ab habitu spei. Sic contritio perfecta, qua justificatur peccator, verè est charitas Theologica; & tamen non elicitur juxta frequentiore nostram Scholam ab habitu charitatis quem meretur, seu ad quem disponit. Item charitas actualis essentialiter reflectens supra sui ipsius præceptum, essentialiterque libera verè esset charitas Theologica; & tamen elici nequit ab habitu ut pote opposito cum omissione peccaminosa ejus actus, & consequenter connexo cum eo. Similiter fides, ac spes actuales, quibus disponitur ad justificationem ille, qui ambos amisit habitus verè sunt fides, & spes, quin physicè producantur ab eis habitibus; quocirca licet per se loquendo hujusmodi actus procedant ab habitibus infusis sibi respondentibus: non verò semper indispensabiliter adhuc in præsentî providentia, quia cum impossibilis sit reciproca prioritas, & insuper innegabile sit nonnunquam existere eos actus pro priori ad habitus justè confugimus ad aliud principium supernaturale, eorundem elicivum: quod sit vel auxilium transiens, vel Omnipotentia specialiter applicata. Ergo sicut actum elici ab habitu spei non sufficit ut sit spes actualis (quandoquidem suo loco recensui actus elicitos ab hoc habitu, quorum nullus est stricta spes) ita neque requiritur. Notandum insuper est, quæstionem non esse an ex virtute charitatis, amicitiz, aut alius, sperare, seu desiderare possimus alienam beatitudinem? Planum quippe est actum charitatis, nec non amicitiz posse movere ad hoc desiderium, seu spem. In quo sensu intelligendus est Augustinus inquitens cum alijs DD. apud Ripalda charitatem alijs sperare: nempe movere ad concipiendam spem, seu intentionem fervidam circa alienam beatitudinem. Est ergo quæstio. Num actus efficaciter intentivè tendens in alienam beatitudinem sit verè formaliter in se ipso spes Theologica.

121. Respondeo. Alienum bonum potest esse objectum spei Theologicæ: primò quatenus conducens mediâtè, vel immediâtè ad nostram beatitudinem, siue quoad substantiam, siue quoad modum, unde bea-

Ovied.con.
2. de Spe

Rip.dif.28

etudo, oratio, conversioque aliorum ad Deum, imò, & interdum aliòrum malum, potest esse huiusmodi objectum. 2. etiam si sit purè aliena; nullumque dicat ordinem ad nostram physicè vel moraliter talem, ratione ullius affectivæ unionis. Prima pars probatur. Omne medium conducent mediatè, vel immediatè ad finem, potest ut sic conducent esse objectum intentionis efficaciter tendentis in eum finem, quando huiusmodi intentio non adversatur fini, sive quoad substantiam, sive quoad modum (non enim requiritur semper quòd medium necessarium sit, aut quòd sit efficax, aut quòd sit immediatè conducent; quoniam licet intentio efficax finis possit non ferri in medium non efficax per se. & non necessarium determinatè; at etiam ferri potest in medium purè remotum, atque purè conducent, quia in hoc nulla cernitur contradictio; imò experientia constat, nos fini alicui inhiantes multoties intendere media, quæ duntaxat sunt mediata, & duntaxat conducentia, non verò simpliciter requisita, vel necessaria) at spes Theologica est intentio efficaciter tendens in beatitudinem, ergo omne medium conducent ad illam, ut sic conducent, potest esse objectum spei Theologicæ, quando illius intentio non adversatur beatitudini propriæ, sive quoad substantiam, sive quoad modum; & aliena beatitudo, conversio ad Deum, oratio, penalia exercitia, imò & mala non pauca aliena, possunt esse medium conducent proximè, vel remotè ad propriam beatitudinem, sive quoad substantiam, sive quoad modum, ut est certum, ergo hæc omnia possunt esse objectum spei Theologicæ quando eorum intentio nullatenus adversatur propriæ beatitudini; at fieri potest quòd nullatenus adversetur eò quòd nobis interdictum non sit velle, seu intendere efficaciter illa. Ergo. Addidi semper *quando intentio non adversatur* &c. quoniam fieri potest quòd peccatum etiam alienum conducat ad nostram beatitudinem, quoad substantiam, vel modum, ut Tyrannorum peccata conduxerunt ad Martyrum laureolas. Item aliena damnatio, subitaneus interitus, & huiusmodi alia, quæ esse nequeunt objectum spei Theologicæ: nempe quia cum nobis prohibita sit harum rerum volitio, adversaretur hæc beatitudini perpetuè quoad substantiam, si esset peccatum grave; & quoad tempus, vel modum si veniale. In eo sensu dicto habuit Christus Dominus strictam spem non solum circa gloriam sui Corporis, sed etiam prædestinatum beatitudinem, reproborum justificationem, auxiliaque gratiæ propter ipsius merita collatæ; quia hæc omnia valdè conducebant ad suam gloriæ exaltationem; ut bene notat Ripalda.

Ripald. disp.
27. sect. 4.

122 Sed obijciat. Aliud est quòd spes actualis tendat purè materialiter, & quasi remotè in bonum alienum sicut in Petrum tendit hic assensus: *Album est pallium Petri*. Aliud quòd tendat formaliter, & proximè ita ut sit spes Theologica dicti boni, atque ut tendens in illud. Primum est quod probatur nostro discursu. Secundum verò est falsum: nam eo ipso quod bonum alienum sit duntaxat medium conducent ad finem nostræ beatitudinis, intentio efficax huius fertur in illud mediatè, & quasi secundariò: hoc quippe est proprium omnis me-

An bonum alienum sit objectum spei . 437

medii , ut talis nempe eligi propter finem , & consequenter esse objectum quasi remotum ; & secundarium intentionis directe , & immediate tendentis in finem : at eo ipso quod intentio hæc feratur quasi mediatè , ac secundariò in alienam beatitudinem , illa non est spes Theologica medii huius . Nam eo ipso fertur in illam propter beatitudinem propriam , & consequenter propter aliquid distinctum ab objecto formali spei Theologicæ ergo , Confirmatur , 1. Omnis intentio boni , quæ non movetur proximè adæquatè ex objecto formali spei Theologicæ non est spes Theologica : sed omnis intentio boni alieni , *ut conducentis ad nostram beatitudinem* non movetur proximè adæquatè ex objecto formali spei Theologicæ : quoniam adæquatè ; vel saltem inadæquatè movetur ex utilitate , seu conducentia illa , quæ profecto distincta est ab objecto formali dicto , cum hoc saltem inadæquatè sit quid divinum ; illa verò utilitas sit adæquatè res creata , ergo . 2. veritas præcisè illata ex revelatis non est objectum fidei , sed veritas Theologica , & assensus illius non est actus fidei , sed Theologiæ . Quia non movetur proximè adæquatè ex objecto formali fidei , sed ex connexionne objecti materialis fidei cum ea veritate : at etiam efficax intentio alieni boni , ut conducentis ad nostram beatitudinem non movetur proximè adæquatè ex objecto formali spei , sed ex conducentia illius boni ad objectum materiale spei , ergo neque intentio hæc , ut talis est actus spei Theologicæ neque bonum illud est objectum spei actualis , quæ talis sit ratione ipsius , quamvis talis sit ratione alius rei scilicet beatitudinis nostræ , 3. spes Theologica supernaturalis intrinsecè importat certitudinem consequendi suum objectum , suffultrat divina fidelitate ac promissione , ergo nullus actus qui caruerit huiusmodi certitudine est , ut talis , spes Theologica supernaturalis : at intentio boni alieni , ut conducentis ad nostram beatitudinem , caret ejusmodi certitudine , siquidem non promissit tibi Deus bona aliena , quæ utilia sint ad tuam beatitudinem , quoad substantiam , vel modum , ergo ea intentio , ut talis non est spes Theologica supernaturalis , quomobrem dari quidem potest desiderium specificè tale boni alieni conducentis ad nostram beatitudinem , sed non spes actualis strictè talis , qua distinctione non semel nos ipsi utimur .

123 Pleraque ex his transeunt innoxie , quia consultò non posui in conclusione bonum alienum *est sed potest esse* objectum spei . Igitur quemadmodum veritas illata ex revelatis potest credi per assensum , qui ut terminatus ad ipsam , sit purè Theologicus , necnon per assensum alium , qui ut terminatus ad ipsam sit fides divina , prout intellectus se gesserit assentiens illi veritati immediate propter Verbum Dei , vel immediate propter connexionem objecti revelati cum ea veritate , quandoquidem revelatio fundamenti connexi potest esse revelatio etiam termini , & intellectus potest moveri ad hujus assensum , tum immediate ex revelatione , tum mediatè , & rardius , quatenus ex illa moveatur immediate ad solum assensum fundamenti , & postea ex connexionem hujus moveatur ad assensum termini : quemadmodum in ;
quam

quam id potest contingere. Ita etiam intentio efficax boni, seu mali alieni, ut conducentis ad nostram beatitudinem, potest non esse spes actualis Theologica quatenus rendens in illud: quod bene probant ista argumenta, & etiam potest esse. Tum quia si rationes adversæ probarent oppositam impotentiam, probarent quoque non posse nos ferri per spem Theologicam in media exhibenda per Deum, quæ proxima ac necessaria sunt: neque in media à nobis ipsis præstanda, quæ proxima requisita, & efficacia sunt. Subsistit enim eadem ratio motionis ex conducentia eorum mediorum, quæ conducentia distincta est ab objecto formali spei, subsistitque altera ratio siquidem spes beatitudinis propriæ, quasi remotè, & per accidens fertur in huiusmodi media quatenus proximè fertur in beatitudinem, & propterea fertur in illa media quia utilia, & necessaria sunt ad beatitudinem; atqui sequela hæc est mala, & apertè contraria S. Augustino aienti in Enchiridio esse materiam spei omnia quæ continentur in Oratione Dominica: ergo rationes istæ non probant illam impotentiam. Tum quia probarent quoque, spem ipsam beatitudinis *formalis* non esse spem Theologicam quia plerumque intentio efficax finis movetur proximè adæquatè ex ipsius bonitate absoluta, vel respectiva ad intendentem ipsum: at utraque bonitas beatitudinis formalis distincta est ab objecto formali spei Theologicæ, quando quidem neutra est quid entitativè divinum, ergo intentio efficax illius, ut obtinendæ à Deo non foret spes Theologica.

124 Et ratio pro utrisque est. Tamen plerumque contingat voluntatem prius intendere finem, & quasi postea eligere media. Item ferri in hæc propter illum finem, seu propter conducentiam eorum in illum, utrobique significante illo *propter* motionem objectivam: Item propter illius intentionem, significante hic motionem pure subjectivam, sicut etiam plerumque fit voluntatem intendere finem propter ipsius bonitatem, ita ut hæc sola sit objectum formale proximum, & adæquatum illius intentionis. Cæterum etiam fieri potest absque ulla contradictione, quod objectum formale proximum intendendi illum finem, sit aliud distinctum ab illius bonitate (ut contingit in spe ipsa Theologica, cuius objectum formale non est præcisè bonitas ipsa beatitudinis formalis, quæ etiam est finis intentus; sed aliud quod Theologi disputant & de quo postea) Item fieri potest absque contradictione quod præcognoscens homo utilitatem horum vel illorum mediorum à Deo, vel à se, vel ab alia creatura exhibendorum, uno impetu, unaque motione ex objecto formali spei, feratur simul indivisibiliter tum in beatitudinem, tum in media illa, quin horum utilitas sit plusquam conditio remotè præsupposita, remotèque necessaria ad eum actum. Præcognoscens quippe homo ingentem utilitatem beatitudinis, conducentiamque mediarum vel immediatam, efficacem vel purè sufficientem aliquorum mediorum, potest unico actu, unaque motione *ex Deo ut summi bono* & nostro ultimo fine v.g. velle efficaciter beatitudinem, & media prædicta: quia objectum formale spei ad hæc omnia potest

movere immediatè, præsuppositâ conducentiâ eorum mediorum : & non est de ratione medij quod intendatur propter suam conducentiam, tanquam rationem formalem motivam; sed propter conducentiam, tanquam rationem formalem, vel tanquam conditionem remotè, ac præsuppositivè existentem (vel si pertinax fueris in asserendo illud determinatè esse de ratione indispensabili mediorum, dicam res prædictas non fore media strictè talia : esse tam in objectum materiale Spei Theologicæ, quod in præsentî conamur, & nihil aliud) sed eo ipso quod hæc ita contingant, media illa seu res illæ non sunt objectum remotum Spei, neque hæc tendit in illas proximè immediatè propter conducentiam ad beatitudinem; Sed proximè adæquatè propter objectum formale Spei, præsuppositâ remotè evidentiâ credibilitatis forinsecus ministrata à Ministris Ecclesiæ, ergo fieri potest quòd ejusmodi res sint objectum Spei actualis Theologicæ quæ talis sit respectu illarum.

125. Explicatur principiis quibus non semel usus fui licet per se loquendo objectum formale proximum adæquatum hujus assensus *Petrus est animal* sit complexum ex his duabus veritatibus. *Omnis homo est animal, Petrus est homo*; nihilominus quid prohibet te, supponendo Petrum esse hominem, assentire animalitati propter veritatem illam universalem tanquam unicam motivum proximum: vel supponendo omnem hominem esse animal, assentire animalitati Petri proximè adæquatè propter veritatem particularem, tanquam proximum motivum adæquatum. Nempe alterutro ex his modis *Petrus est homo*: quia autem *omnis homo est animal, Petrus quoque est animal*. Ubi, quidquid sit de æquivalentiarum, virtualitatumque latitudine, objectum formale proximum adæquatumque hujus ultimi assensus est veritas universalis; illa verò altera singularis est quid remotè præsuppositum, & conditio sine qua non. Item sic. *Omnis homo est animal, quid verò Petrus: est homo, ille absque dubio est animal*. Ubi veritas universalis est quid remotè præsuppositum, instar conditionis sine qua non; objectum autem formale proximum & adæquatum est sola veritas singularis, in quam solam tendit causaliter assensus animalitatis Petri. Quod si dixeris, non posse licentiâ eadem dicere, ex duabus causis simultaneis unam solam producere effectum, alteramque remotè præsupponi, & ex duobus revera constituentibus compositum unum esse totam illius essentiam; alterum verò esse conditionem sine qua non. Si inquam id diceres meminisse debueras constitutionem influxumque physicum non pendere à nostro arbitrio; sicut pendet motio intellectus atque voluntatis ex motivis sufficientibus, sed non necessitantibus: (largitus namque est nobis Deus non modo libertatem indifferentiæ quoad substantiam; verum etiam quoad modum intentionis, durationis, necnon motionis, iam ex uno jam ex alio motorum menti simul obversantium, & non rapientium potentiam involuntabili impetu, ut ratione constât, & experientia) unaquæque autem ex dictis veritatibus alterâ jam præsuppositâ sufficiens est ad movendum, quia ut constât exemplis datis in unamquamque potest assensus tendere intrinsecè causaliter alterâ remotè præsuppositâ.

ra. Hoc dico in præsentiarum. Per se loquendo fertur voluntas in media ex conducencia quam important ad finem; Cæterum nihil prohibet quòd præsupposita remotè ac subjectivè conducencia illa, voluntas feratur in media propter objectum formale ipsius intentionis, quando objectum formale movens ad hanc, movere etiam potest ad illa media sive quæ strictè sive quæ laxè sint talia; de quo non curo: At objectum formale spei Theologicæ quodcumque sit potest movere ad media illa, quæ conducere possunt ad propriam beatitudinem ut modo supponitur, ergo.

126 Hinc respondeo ad objectionem negando esse falsum secundum illud membrum dividens: nego item probationis majorem, ad cujus probationem jam dixi modum, quod intentio finis plerumque fertur, & quo etiam ferri potest in media propter finem: addidique me non curare, quod bonum alienum retineat, vel non retineat strictam denominationem medii stricti, modò re ipsa possit esse objectum spei Theologicæ. Ad primam confirmationem nego minorem, & probationem, quia jam explicui modum quo intentio boni, ut conducentis ad nostram beatitudinem, potest non moveri proximè ex hac conducencia (sicut non moveretur ex ea actus spei Theologicæ, quo speramus à Deo media necessaria ad beatitudinem; aliàs non esset spes Theologica) sed præsupponendo eam remotè ac insitit conditionis sine qua non, potest moveri adequatè proximè ex objecto ipso formali spei. Ad secundam concessa majori distingo minorem, non moveretur semper ex objecto formali spei, concedo: non moveretur unquam nec moveri potest, nego minorem, & consequentiam. Ad tertiam distingo minorem subsumptam. Intentio boni alieni caret semper certitudine &c. nego: caret interdum, concedo minorem. Et distingo consequens. Ea intentio, ut talis non est semper spes Theologica, concedo: non est unquam, nego consequentiam. Nusquam dixi omnem intentionem omnis boni alieni esse spem Theologicam, sed aliquam, posse esse. Igitur aliqua sunt bona aliena promissa per Deum v.g. collatio gloriæ eis, qui decedunt in gratia: quæ collatio cedere potest in nostram beatitudinem, quatenus illi de se jam in Cælo securi, & de nostra salute solliciti, possunt nos precibus adjuvare. Item assistentia DD. Catholicis in genere, summoque Pontifici in individuo, ut nos doceant res ad fidem, vitamque rationalem spectantes, quæ doctrina cedere similiter potest in nostram salutem. Item sanctitas aliquorum in Ecclesia degentium (credimus enim Ecclesiam Sanctam Catholicam, & talis non esset si nullus Sanctus, nullusque Catholicus viveret) & ea Sanctitas nobis quoque prodest, nam credimus quoque, & confitemur Sanctorum communionem. Et hujusmodi multa alia circa Sacramentorum dispensationem: ergo intentio alieni boni non cadit à conceptu spei Theologicæ ex defectu certitudinis promissionisque divinæ circa illud.

127 Totum difficultatis pondus vergit in secundam partem conclusionis. Quam ut defendant Thomistæ ad unionem confugiunt charita-

ritatis, vi cuius bona amici habentur ut propria, & consequenter illius beatitudo, etiam, ut illius, censetur nostra, capaxque terminandi spem actuale, quæ concupiscentia est. Cœterum quia id est reverti ad primam conclusionem, agereque de aliena beatitudine, non ut penitus aliena; sed quodammodo, ut coincidente cum nostra, ideo dico alienam beatitudinem independentem etiam ab hoc recurſu esse posse obiectum materiale spei Theologicæ. Fateor id à plerisque negari; sed cum affirmari videatur à P. Becano, & Meratio, insuperque videatur Authores contrarios sibi ipsis adversantes in ratione contra nos instruenda, eosque compellat sua sententia ad concedendum, actum, cuius obiectum formale proximum sit obiectum formale spei, & cuius obiectum materiale non sit obiectum materiale spei (quod longè difficilius est mihi, quàm ratio ab illis objecta) ideo hanc partem sequor quam prius sic explico. Non modò est actus fidei divinæ ille, quo credimus articulos ad nos spectantes; verum etiam ille quo propter idem verbum Dei credimus articulos spectantes ad alium; item non modò est actus charitatis Theologicæ ille, quo diligimus Deum, verum etiam ille quo propter eundem Deum nos, & proximos diligimus, quo exemplo utebatur S. Thomas ad probandum alienam beatitudinem supposità unionem amoris posse esse obiectum spei in-
P. Becano. cap. 14. quæst. 2. num. 7. Merat. disput. 33 sect. 3.
 quies. *Et sicut est eadem virtus caritatis, qua quis diligit Deum; se ipsum, & proximum: ita etiam est eadem virtus spei, qua quis sperat sibi ipsi, & aliis.* Nempe quia utlibet actus, scilicet assensus ille, ac dilectio hæc habent idem respectivè obiectum formale proprium, & characteristicum fidei, & charitatis: nimirum auctoritatem, ac bonitatem Dei: Et regula firma universalisque agnoscendi virtutem, ad quam spectant actus humani, est obiectum formale proximum adæquatumque cui insunt, ac propterea vocari solet obiectum specificativum. Hoc in præsentiarum. Non modò est spes Theologica illa, qua speramus nostram beatitudinem propter obiectum formale, & characteristicum huius virtutis; verum etiam illa qua, propter idem obiectum formale, alienam intendimus beatitudinem: quod etiam ab opposito explicari potest sicut enim nostram, ita alienam salutem, & correptionem, desperare possumus physicè, aliàs frustra fuideret oppositum S. Augustinus ipsorum tantum desperanda est correptio, contra quos habemus occultam luctum. Et alibi de nullius salutem idem sermo. Respondere autem cum recentioribus, Augustinum loqui de desperatione impropria ne adversetur sibi ipsi scribent. Spem non esse nisi rerum ad eum pertinentium, qui earum spem gerere perhibetur, videtur voluntarium, nam si ibi loquitur S. Doctor in sensu laxo, ne sibi adversetur hic, cur hic non loquetur in sensu laxo, ne sibi adversetur ibi.

128 Probo igitur conclusionem primò ex ipsa contrariorum doctrina. Omnis actus cuius obiectum formale proximum est aliquid divinum, cum ipse sit satis frequens ad aliquem habitum insulum Theologicum de facto existentem spectat, sive in actu secundo, sive saltem in actu primo quando aliquis emergit obex ne ab ipso hic, & nunc

August. in Psalm. 54. idem sermo. 11. de verb. Domini. Id. in Enchirid. c. 83.

oriatur (alià s non esset ratio admittendi habitus infusus de facto existentes; sed possemus dicere, solum auxilium speciale Dei interius, vel ex exteriori influere in actus virtutis) at aliquis efficax conatus beatitudinis alienæ, ut prorsus alienæ, habet pro objecto formali proximo adæquato aliquid divinum, & insuper est satis frequens: ergo aliquis conatus efficax alienæ beatitudinis, ut prorsus alienæ, ad aliquem habitum infusum Theologicum defacto-existentm spectat, sive in actu Secundo, sive in actu primo: sed non ad fidem, ut est certum; non ad charitatem, ut mox dicam; ergo ad spem. Sed eo ipso est spes actualis juxta eodẽ RR. non admittentes hic distinctionem supra datam, inter hoc quod est, nasci ab habitu spei, &, esse spem actualem: atque idcirco facilius admittentes actum prædictum existere absque habitu Theologico infuso quàm eum pertinere ad habitum spei, ergo aliquis efficax conatus beatitudinis, ut penitus alienæ est spes actualis. Dixi *sive in actu secundo, sive in actu primo*, quoniam actus charitatis, quo justificatur peccator, actusque fidei, ac spei, quibus disponitur ad hos habitus homo, qui infidelitate desperatione illos repulerat, non spectant ad hos habitus in actu secundo quatenus physice nascuntur ab eis, quia nasci nequeunt ab habitu ad quem disponunt, ut docet Scholæ nostra, sunt tamen capaces ex conceptu suo specifico nascendi physice ab eis habitibus, verèque, ac simpliciter sunt earum virtutum: quoniam, ut sæpe inculcatum est, specificativum actuum humanorum non tam est efficientia physica ab habitibus, quam morio proxima, & adæquata ex objectis formalibus virtutis. Superioris discursus articuli probabuntur ex refutatione solutionum diversarum in quas adversarii abeunt.

Suarez. 119. Et primò quidem difficilis est solutio Eximii Doctoris inquisitionis, actum prædictum à charitate nasci. Tum quia, ut ab ea nasceretur opus erat, quòd prædictus actus moveretur ex Deo, *ut sibi, & in se bono*: at ponimus non sic moveri, sed ex Deo, *ut summo bono boninum* summeque beante illos, quòd non est objectum formale charitatis, ergo licet imperari possit exercitè, vel signatè à charitate, quatenus hæc posset movere utrolibet modo ad illum, sicut movere potest ad actus alios; attamen formaliter in se ipso non est charitas, sed spes; Tum quia si ideò elicitur à charitate, quia beatitudo aliena cedit in gloriam Dei; cum cedat etiam beatitudo propria, sequetur conatum in propriam beatitudinem non esse spem, sed charitatem. Secundo repellitur solutio P. Hurtado agentis, hunc actum insolitum.

Hurtad. 99. esse, pro insolitis autem actibus honestis non dari habitum infusum. Repellitur inquam experientià ipsà, quoniam satis frequens est in viris præsertim Apostolicis, salutique animarum intendentibus, conari in alienam beatitudinem, ut alienam, magnotum pretio laborum priorum comparandam, & ex motivo solius summi boni, ut beatitudinis suas creaturas, quia ex alta æstimatione Dei, ut boni hominibus, quantum valent conantur in animarum salutem, quod, & nos omnes gratià Dei excitati præstare possumus passim. At pro actibus salutari-

lutaribus frequentibus ponendi sunt defacto habitus infusi: ergo actus prædictus ab aliquo habitu infuso defacto existente dimanare debet. Tertiò repellitur solutio RR. dicentium cum P. Oviedo, nullum esse inconveniens in eo quòd quispiam detur actus salutaris, & Theologus non spectans ad ullam ex virtutibus Theologicis defacto existentibus: licet namque hoc non sit inconveniens in actibus raro existentibus, secus tamen in eis qui frequenter eliciuntur (alioquin cederet rationem distinctam ab auctoritate, ob quam datur defacto habitus infusus) at conatus prædictus in alienam beatitudinem unice conceptus ex complacentia atque appetitione Dei, ut summè beantur creaturas suas, satis frequens est in viris, præsertim Apostolicis, & non secus, ac generosi alii actus haberi potest à quovis fidei, qui gustaverit, & viderit, quàm suavis est Deus: ergo duo exempla, quibus hi aucthores mitigant suam propositionem, non satisfaciunt. Primum est actus, qui simul sit fidei, ac scientiæ. Secundum illius qui simul sit charitatis, & misericordiæ quorum neuter elicitur ab habitu infuso defacto existente cum tamen uterlibet sit Theologicus. Sed primum exemplum non venit ad rem cum actus ille licet possibilis sit, non tamen frequens, & communis.

*Ibid. c. 5.
Ovied. com.
fr. 2. n. 46.*

130. Præterea vel est de ratione actus Theologici quòd habent pro motivo pleno & proximo aliquod divinum vel non? Si primum? neuter actus est Theologicus, cum uterque habeat pro motivo etiam proximo aliquod creatum. Ergo sicut dolor de peccatis partim propter Deum dilectum, partim propter gehennæ formidinem non est charitas Theologica justificans, ita neque actus isti sunt actus Theologici. Si secundum? ambo erunt Theologici, amboque spectabunt ad fidem, & charitatem respectivè; non quidem tanquam effectus illorum præcisè, sed illorum simul cum alijs principijs: habitus enim infusus habet ex se activitatem influendi ad a quate, vel inad a quate in actum omnem respicientem idem objectum formale quod ipse respicit. Ergo habitus fidei ex se habet activitatem influendi saltem inad a quate in actum, qui simul fuerit fidei, & scientiæ, nec non habitus charitatis in actum, qui simul fuerit charitatis, & misericordiæ. Repellitur 4. solutio aliorum dicentium actum prædictum pertinere ad benevolentiam, amicitiamque supernaturalem. Tum quia possumus conari in beatitudinem hominis peccatoris, imò & nequissimi infidelis quod maximè intendunt Apostolici viri: actus ille non potest esse amicitia moralis. supernaturalis quandoquidem non movetur ex dote ulla supernaturali detecta in ea persona, in qua nil nisi turpe conspicitur: ergo tum quia actus, de quo locutus sum, movetur unice ex Deo ut summè bono respectivè ad hominem illum, summèque beante homines: at actus hic nequit esse amicitia, aut benevolentia cum moveatur proximè ad a quate ex alio distincto à bonitate personæ, cui volumus bonum. Ergo solutio ista non venit ad actum, de quo loquimur. Repellitur 5. solutio, quæ formari poterat ex eo quod licet actus prædictus eliceretur ab habitu spei, non tamen esset spes actualis. Etenim docti RR., cum quibus modò

congregiar non admittunt hanc solutionem. Et præterea licet solus ortus ab habitu spei non sufficiat, quando actus non est efficax conatus in bonum arduum, & futurum; sufficit tamen ad rationem spei actualis, quando est conatus huiusmodi, sed talis potest esse conatus beatitudinis alienæ ut talis, ergo si semel conceditur eum nasci ab habitu spei, immerito negatur eum esse spem actualem. Denique repellitur solutio P. Ripaldæ recurrentis ad præviam complacentiam in altera ea persona cui volumus beatitudinem, & hinc inferentis volitionem hanc non esse spem Theologicam. Repellitur inquam 1. quia non est necessarium quod præcedat huiusmodi complacentia. 2. quia licet præcedat non impedit actum subsecutum spem esse Theologicam. Constabunt ambo ex mox subiiciendis.

Ripaldæ
dissut. 25.
num. 30.

S. II.

731. **P** Robo 2. eandem conclusionem à priori. Omnis actus cujus objectum formale proximum adæquatum est objectum formale proximum adæquatum spei Theologicæ, & cujus objectum materiale habet omnes condiciones necessarias ad spem, est verè, & simpliciter spes Theologica, sive eliciatur physicè, sive non eliciatur ab hoc habitu infuso (certius namque specificativum, quàm hæc elicientia, est objectum formale proximum adæquatum quia jam monui elicientiæ eam neque sufficere neque indispensabiliter requiri) at intentio efficax alienæ beatitudinis (etiam ut non dicentis rationem ullam ad nostram sive formaliter in se ipsa, sive ratione unionis charitatis, aut amicitie) potest esse talis, ut suum objectum formale proximum adæquatum sit objectum formale proximum adæquatum spei Theologicæ, & cujus objectum materiale omnes habet condiciones necessarias ad spem: ergo intentio efficax alienæ beatitudinis, etiam ut non dicentis ordinem ullum ad nostram sive formaliter, sive virtualiter ratione unionis prædictæ, potest esse verè, ac simpliciter spes Theologica. Minor habet duas partes & duos adversariorum ordines. Probo primam. Eatenus intentio prædicta non posset moveri proximè adæquatè ex objecto formali spei Theologicæ, quatenus nequimus velle alteri suam beatitudinem, ut penitus præscindentem à nostra, nisi ex complacentia in illo altero, & propter aliquam bonitatem in illo detestamur. Hæc est famosa inter adversarios ratio, sed ea non convincit ut bene notarunt vel ipsi etiam RR. qui eandem sententiam nobis oppositam defendunt. Ergo intentio prædicta potest moveri proximè adæquatè ex objecto formali spei. Probo minorem; tum quia per actum Religionis volumus Deo cultum, non aliter ac creaturis volumus bona, & per actum misericordiæ volumus proximo bona temporalia, atque spiritualia, & per actum iustitiæ volumus restitutionem quæ etiam est bona

cre-

creditori proximo: ergo si nequimus velle bonum alteri, nisi ex complacentia in ipsius bonitate, nequimus exercere actum Religionis nisi ex complacentia in divina bonitate, neque actum misericordiae, aut iustitiae nisi ex complacentia in proximo. Ergo nequimus exercere actum Religionis, sine actu charitatis Theologicæ: neque actum iustitiæ restituentis, aut solventis debitum sine actu amicitiae, atque benevolentiae erga creditorem. Ergo confundendæ sunt virtutes, quæ apud omnes discernuntur. Quod si dixeris; hæc exempla probare nos posse velle bonum alteri purè materialiter, secus verò formaliter, citra complacentiam in ipsius bonitate, sola verba dabis; quoniam velle bonum alteri formaliter, aut significat tibi complacentiam in bonitate illius, aut non? Si hoc? ergo licet non detur ea complacentia possumus velle bonum alteri formaliter. Si illud? dicam, me non defendere nos posse sperare alteri beatitudinem formaliter in isto sensu; sed duntaxat materialiter, quatenus intendere possumus per actum, qui verè, & simpliciter sit spes Theologica beatitudinem alienam, ut prorsus alienam, quod duntaxat in presenti disputamus.

132. Tum quia si ideò nequimus velle bonum alteri, quin ex ipsius complacentia, & bonitate moveamur, quia velle illi bonum est illum amare, & complacere in ipsius bonitate: sequitur nos nequire velle aliquod bonum nobis ipsis, quin nos ipsos aueamus, & in nostra bonitate placeamus. At per spem nostræ beatitudinis nobis ipsis volumus magnum bonum, ergo movemur ex nostra bonitate complacentiaque in nobis ipsis. Ergo non elicimus spem strictè Theologicam juxta vestrum modum ratiocinandi. Hanc secundam consequentiam admittit P. Oyiedo, quando verum fuerit primum consequens. At juxta vestram rationem semper est verum illud, quandoquidem subsistit semper nos non posse velle bonum nisi ex complacentia in bonitate illius cui bonum volumus: & consequenter nos non posse velle bonum nobis nisi ex complacentia in nobis ipsis: ergo. Neque est disparitas quod nos simus determinati quoad speciem ad nos amandos secus alios; quoniam istinc solum infertur nos nequire prosequi odio nos metipsos, si eut possumus alios; sed non infertur, nos posse per appetitum elicitum velle nobis aliquod bonum absque cognitione, præviaque complacentia nostra, & non posse alijs. Neque refert item, pessimos luroncs velle sibi ipsis bona: cum tamen se ipsos, ut pote sceleratos, non ament: quoniam id est falsum, siquidem identitas secum ipsis est bonitas sufficiens ut ipsi se ipsos ament, quamvis se ipsos nefarios, & nebulones agnoscant. Et ratio est. Eo ipso quod ex alia affirmatione beatitudinis sive objectivæ, sive formalis (prout fuerit objectum formale spei Theologicæ) moveamur ad volendam illam communicari alteri, ut sua bonitas diffundatur, & illi, vel illis sit experimentaliter nota, volumus alteri beatitudinem, & non ex complacentia in eo altero, sed unice propter excellentiam, & bonitatem objecti formalis spei. Atqui illo modo possumus nos gerere: siquidem ea est beatitudinis bonitas, ut digna sit quam velimus omnibus communicari, omnibusque esse

Ovie. contr.
2.

esse experimentaliter notam. Ergo. Profectò experientia clamat, nos multoties desiderare alios esse participes boni, instanterque vocare illos, ut cernant illud, vel alio modo fruantur illo, non propter ipsos, sed propter ipsum bonum quod adeò arridet nobis ut velimus illud in alios diffundi; in quo casu volitio est materialis respectu personarum, quibus bonum optamus; Sed non respectu bonitatis boni ipsius. Sic ex sola complacentia in Dei bonitate respectiva ad creaturas rationales, quatum est ultimus finis, optare solenius eum agnoscere, atque amari præscindentes in eo actu ab ingente utilitate quæ illis dimanat ex eâ cognitione, & amore Dei. Cur ergo ex complacentia in ipsa beatitudine, prout fuerit objectum formale spei Theologicæ nequibimus optare quod illa communicetur alijs præscindentes à complacentia in eis alijs nec non ab utilitate quæ illis dimanat ex illa communicatione.

133. Sed esto neque nos velle bona alteri, nisi ex complacentia in eo: id solum probaret complacentiam præviam habere pro objecto formali specificativè illius personæ bonitatem; sed non volitionem ipsam derivatam ex ea complacentia. Ergo hæc potest habere pro objecto formali proximo adequato aliquid divinum. Ergo potest esse actus Theologicus. Probo antecedens. Nequimus elicere assensum Theologicum, ut talem absque præcedentia actus fidei, & tamen assensus Theologicus ut talis non habet pro objecto formali proximo id quod est objectum formale proximum actus fidei. Item plerumque volitio hujus determinati medii A. concipitur ex intentione finis exercitè per se ipsam subjectivèque movente ad eam volitionem, & tamen objectum formale proximum illius volitionis non est objectum formale intentionis, quoniam objectum illius plerumque est utilitas medii ad finem, & objectum formale intentionis est bonitas ipsa finis. Item ex timore gehennæ potest homo morti proximis, carensque Confessario elicere actum perfectæ contritionis (sciens namque aliam non esse viam evadendi eos cruciatus, quos timet, nisi Deum super omnia diligendo potest ille timor vel imperare vel per se immediatè subjectivè movere eam perfectam contritionem) & tamen hæc non movetur proximè ex gehenna. Item ex amore Dei, sive imperante, sive per se immediatè movente, acuit interdum homo timorem gehennæ & *sevis compescuit ignibus ignes*; potest enim ex amore Dei dicere *confige timore tuo carnes meas*, & tamen ille timor non movetur proximè immediatè ex divina bonitate. Ergo. 1. non semper ultimum resolutivum actus, est objectum formale, specificativum ejusdem, cum hoc competat soli objecto formali proximo. Ergo. 2. ex eo quod actus A. concipi nequeat absque præcedentia actus B. licet sequatur hunc proximè in genere subjectivo movere ad illum, sicut movere cognitio, atque inclinatio: non tamen sequitur hunc, vel objectum formale hujus, esse objectum proximum formale specificativum illius. Ergo ex eo quod spes alienæ beatitudinis concipi nequeat nisi ex complacentia in illa persona, non sequitur objectum formale formale hujus complacentiæ esse objectum specificativum illius spei. Hinc solutam habes famosam illam adversariorum ratio-

trationem: vel negando esse necessarium quòd alijs beatitudinem velimus ex complacentia in illis, ut suadent tres priores rationes: vel dato hoc, negando volitionem specificandam à bonitate illius personæ ut ostendit quarta ratio.

134. Instabis: Amare alterum est complacere in ipsius bonitate. Sed juxta S. Thomam, & communem mortalium apprehensionem, velle bonum illi est illum amare, ergo velle bonum illi est complacere in ipsius bonitate. Confirmatur. Actus quo volumus alteri aliquid bonum est actus voluntatis intrinsecè tangens illam personam, ergo, vel reddit eam amatam, vel volitam, vel detestatam, vel nolitam, quia ab hoc impræcindibile est. Sed non detestatam, aut nolitam, aut volitam, ergo amatam. Probant similiter hæc duo nequire nos velle nobis ipsis beatitudinem, aut Deo cultum, aut proximo restitutionem, quin nos, Deum, & proximum amemus: ergo vel hæc impotentia infert impotentiam eliciendi actum spei Theologicæ solius, religionis solius, ac solius justitiæ, vel non? Primum absonum est Theologiæ imò, & Philosophiæ morali agnoscendi virtutes morales præcindibiles à charitate Theologica amoreque proprio, & alieno. Si secundum? ergo impotentia volendi proximo beatitudinem, ut illius solius, non arguit impotentiam volendi illam, per actum spei Theologicæ. Distinguo itaque minorem instantiæ. Omne velle bonum alteri est ipsum amare strictè, ac rigorosè, nego (propter exempla, quæ reposui, & quia possumus velle bonum alicui non ex complacentia in ipso, in qua stat amor strictus, ac rigorosus, Sed vel ex complacentia in nobis ipsis largientis illud bonum, vel ex complacentia in bono ipso quod volumus alteri esse experimentaliter notum, vel ex complacentia in alia tertia persona, in cujus gloriam cedit illud idem quod bonum est alteri) neque oppositum scripsit uspiam S. Thomas. Aliquod velle bonum alteri est ipsum amare, concedo minorem, & nego consequentiam. Dicitur frequenter volitio boni alieni esse amor illius personæ, quia frequenter est amoris effectus, ideo quia frequenter concipitur ex complacentia illius personæ; sicut maternitas dicitur esse moralis necessitas amandi filium, quia frequenter est hujusmodi necessitas, sed non semper metaphysicè, ac indispenfabilitè. Vel dicito velle bonum alteri esse eum amare non formaliter semper sed præsuppositivè; quòd autem amorem illius præsupponat non impedit eam volitionem habere pro objecto formali proximo adæquato aliquid distinctum ab ea persona, ut jam explicui, & consequenter aliquid divinum. Ad confirmationem nego consequentiam propter eadem exempla jam posita, tametsi enim omnis actus voluntatis attingens objectum in recto tribuit ei aliquam ex istis denominationibus, secus verò quando attingit objectum purè obliquè, sicut volitio auri, quod est in terra attingit terram, & tamen nullam ex istis appingit terræ denominationem. Ecce probatam, & explicatam primam partem illius primæ minoris scriptæ num. 131.

135 Probo jam secundam contra doctos RR. qui ex alio capite
ado;

ad adiungitur possibilitatem spei beatitudinis alienæ, ut penitus alienæ, nimirum ex eo quod iudicent in ea beatitudine non concurrere circumstantias omnes objecti Spei. Arguo 1. quamvis obiectum formale spei possit movere ad actum, qui non est spes actualis Theologica, sed vel amor strictus gloriæ, vel desiderium specificè tale, vel gaudium de illa, vel timor gehennæ; verumtamen repugnat obiectum formale spei movere ad intentionem efficacem objecti, quod non sit obiectum materiale spei. Sicut repugnat obiectum formale fidei movere ad assensum objecti, quod non sit obiectum materiale fidei; siquidem complexum ex autoritate verboque Dei non potest movere proximè adæquatè ad assentiendum veritati, quam Deus non revelavit, & quæ idcirco non est obiectum materiale fidei. Et sicut repugnat obiectum formale Charitatis Theologicæ movere ad amorem illius, quod non sit obiectum materiale huius virtutis, siquidem divina bonitas nequit movere ad amorem cadocemonis [?] in casu quippe invincibilis erroris non movent prædicta obiecta formalia, sed falsa eorumdem existimatio sicut connexio antecedentis cum consequente non movet ad assensum huius quando re ipsa non datur talis connexio, ac proinde assensus ille non est re ipsa scientificus, tamen scientificus videatur. Et ratio est quia ex ipsa terminorum apprehensione constat, obiectum materiale esse illud ad cuius tendentiam intellectivam vel volitivam movet obiectum formale. Ergo est implicatio in terminis quod obiectum formale moveat actum efficacem circa rem A. & tamen quod res A. non sit obiectum materiale; sed per vos obiectum formale spei potest movere ad efficacem intentionem alienæ salutis ut alienæ. Faciemini namque intentionem hanc posse concipi & moveri ex obiecto formali spei Theologicæ, & meritò (Sane nulla ostenditur contradictio in eo quod quis unicè propter obiectum formale spei huius conetur efficaciter in alienam beatitudinem ut alienam, bonam, arduam, atque futuram) ergo ea potest esse obiectum materiale spei Theologicæ. Ergo incoherenter negatis hoc, admittentes motionem illam. Neque propterea multiplicantur conditiones objecti materialis spei, nam cum bonitas sit per omnes admissa, & bonitas ut talis a quæ cadere possit in bonum proprium, atque alienum, idcirco aientes nos bonum alienum posse esse obiectum materiale spei, non multiplicamus, sed explicamus conditiones necessarias.

136. Arguo 2. evolvendo cardinalem rationem horum Authorum. Eatenus in aliena beatitudine non concurrent omnes conditiones, quas postulat spes, quia una ex requisitis indispensabiliter foret, quod obiectum non sit bonum purè alienum: atqui talis conditio in primis non requiritur ex nudo, & solo conceptu objecti spei communiter admissio in quo duntaxat auditur *bonum, futurum, arduum, possibile haberi*, quæ omnia inveniri possunt in bono purè alieno, ut patet. Deinde non requiritur ex alio titulo. Probatur; titulus cui maximè insistant hi RR. est, quia omnis actus spei est concupiscentia, & de ratione concupiscentiæ simpliciter talis, ut distincta ab aliis affectibus, est ten-

dere

dere in rem, quæ bona sit ipsi concupiscenti. Sed hæc ratio non evincit rem. 1. quia omne verè, & simpliciter spectans ad partem concupiscentiæ verè, & simpliciter est concupiscentia: sed omne desiderium verè, & simpliciter spectat ad partem concupiscibilem: quia desiderium genericè sumptum differt à spe in eo, quòd illud spectat ad partem concupiscibilem, & spes ad irascibilem, ergo omne desiderium est vera concupiscentia. Sed potest dari desiderium boni alieni, ut prorsus alieni, futuri, & ardui, ergo alietas boni non adimit intentioni efficaci illius rationem concupiscentiæ, ergò quamquam de ratione spei sit concupiscentia potest dari spes de bono penitus alieno. Non ergo est de ratione omnis concupiscentiæ sumptæ in genere, quòd tendat in rem bonam determinatè ipsi concupiscenti. Neque latibula quæras laxitatis, & proprietatis: inquiring desiderium esse concupiscentiam laxè, sed non propriè; eàdem quippe licentià dicit alius, spem esse concupiscentiam laxè, sed non propriè: ergo donec terminos definias laxitatis, & proprietatis idem de utroque affectu dicemus. Neque dicas juxta omnes Philosophos, & Theologos post Aristotelem distingui in appetitu duplicem partem irascibilem nimirum, ac concupiscibilem. Ergo si desiderium spectat ad concupiscibilem nequit esse spes, quia hæc attinet ad irascibilem. Etenim hoc etiam est contra te: nam spem, quam dicis spectare ad irascibilem conaris esse concupiscentiæ, quamobrem sicut actio, & passio sunt idem, licet constituent diversa prædicamenta ob diversos, quos habent respectus, ita actus idem voluntatis potest esse spes, atque desiderium spectareque ad diversas istas passionēs; ad irascibilem quidem, qua parte obiectum est arduum; ad concupiscibilem autem, qua parte obiectum est bonum.

137. 2. quia ut bene notat P. Meracius aliud est obiectum quasi primarium, & immediatum spei; aliud verò obiectum quasi secundarium, atque mediatum. Spes est concupiscentia respectu illius, quod circa illud debet esse propria beatitudo, vel quid conducent in illam (atque in hoc sensu intelligenda sunt testimonia Augustini, & Thomæ circumferri solita ad probandum spem non esse nisi circa bona propria, habendaque ab illo, qui habere dicitur spem) At verò spes non est concupiscentia stricta respectu obiecti, quod est quasi secundarium, & mediatum, & talem dicimus alienam beatitudinem, ut penitus alienam. Quia spes primò, & directè tendit in bonum proprium, & postea in alienum, quemadmodum Religio versatur primò circa cultum Dei, & tunc est *latria*. 2. & quasi mediatè circa cultum Sanctorum, & sic non est *latria*, sed *dulia*. Charitas quoque propria primò versatur circa bonum personæ, cui inest, & sic est concupiscentia. 2. & quasi mediatè circa bonum personæ extraneæ, & sic non est concupiscentia propria, sed benevolentia. Idem dicimus de spe juxta hanc secundum modum philosophandi: nempe versari directè circa propriam beatitudinem, & respectu hujus dici concupiscentiam; 2. & quasi mediatè circa beatitudinem prorsus alie-

2. *Retbo-
ric. cap. 5.*

nam, & respectu hujus non esse concupiscentiam. Neque dicas 1. Obiectum secundarium semper innuere respectum ad primum, quia propter si aliena beatitudo hac sola ratione est obiectum spei, non defenditur illa, ut prorsus aliena, sed, ut dicas, respectum ad nostram. Etenim aliud est esse obiectum secundarium positivè quatenus attingatur propter subordinationem ad primum, ut conceptus obiectivi dicuntur attingi à Logica propter conceptus formales, & hi propter demonstrationem. Aliud verò esse secundarium, tantum negativè, quatenus non sit illud, ad quod immediatè directè, & quasi ex prima intentione conatur actus Spei. Hoc secundum non semper dicit ordinem ad primum, & in hoc secundo sensu dicimus alienam beatitudinem posse esse obiectum secundarium spei.

138. Sic sublevatio alienæ miseriæ corporalis est obiectum secundarium misericordiz; primum verò sublevatio miseriæ spiritualis, quin illa ordinem dicat ad hanc. Sic pietas versatur primum circa auxilium Parentum; secundario circa auxilium aliorum Consanguineorum quia hoc subordinationem aliquam specialem dicat ad illud, quasi intendi nequeat nisi propter illud positivè. Neque dicas 2. explicationem hanc esse violentam verbis utriusque Sancti Doctoris, eo quia universaliter dicant spem non esse nisi de bonis propriis, maxime autem S. Augustini, qui eam contraponit fidei inquitens, hanc esse rerum etiam malarum, & præteritarum; spem verò bonarum, & futurarum. Id non dicit quisquis meminere uitatum esse in Scriptura, quòd negetur aliquid inesse alicui, quod alterius comparatione existimamur exiguum; ut observat bandius noster Commentator. Si ergo infallibilis auctoritas Scripturæ negare solet inesse alicui illud, quod revera inest; alterius tamen comparatione minus est: nempe quia hic modus loquendi usitatus est inter homines, quid mirum, quod isti duo Sancti Doctores universaliter loquendo negeant, bonum prorsus alienum esse materiam spei, eo quia secundario, minus præcipue, ac magis mediatè sit materia spei, collatum cum bono proprio.

139. Probo 2. illam minorem explicando rationem oppositam. Esto omnem concupiscentiam pressissime talem tendere in illud quod est, vel esse apparet bonum ipsi concupiscenti, quoniam concupiscere est, quod vulgò *codiciat* dicimus; *codiciat* autem semper est circa aliquid utile, & bonum respectu illius, qui dicitur *codiciat*. Verum tamen quando dicitis omnem prorsus spem esse concupiscentiam, vel dicitis esse quasi materialiter concupiscentiam, eo quod tendat in illud, quod re ipsa est bonum concupiscenti ex parte rerum, attendat hic nec ne ei utilitati, ita ut tota ratio, ob quam est concupiscentia soli obiecto materiali inhæreat. Vel dicitis esse *formaliter* concupiscentiam, quatenus præsupponat notitiam reus convenientiæ. Si primum concupiscere possumus (& consequenter sperare in hoc sensu) alienam beatitudinem, ut prorsus alienam, quoniam licet non moveamur ex respectu illius ad nostram, imò licet eam penitus ignoremus,

semus,

P. Sancti-
us in cap.
20. Eze-
chiel. num.
56.

remus, ac proinde eam ut penitus alienam optemus, fieri potest quòd re ipsa coram Deo beatitudini expediat nostræ, sive quoad substantiam, sive quoad modum: eo quod ille beatitudinem adeptus obtineat nobis à Deo auxilia efficacia, vel multis aliis de causis, quæ contingere possunt. Si secundum? rogo iterum. Vel concupiscentia debet supponere eam noticiam, quatenus moveatur ex utilitate actuali, convenientiaque illius boni respectu concupiscentis. Vel præcisè quatenus eam noticiam prærequirat instar conditionis sine qua non? Si primum? ergo spes beatitudinis nostræ, vel non est actus Theologicus, vel non est concupiscentia quoniam actualis illa utilitas, & convenientia non est adæquatè, quid divinum cum importet aliquid creatum, ergo si ex illa sola proximè movetur, duntaxat erit amor proprius, ergo vel actus ille non est Theologicus, vel non est concupiscentia.

140 Si secundum? Cum impletio ipsa formalis nostri desiderii sit bonum nostrum, quemadmodum operis orbari est nobis adversum, palam sit spectare ad nos in hoc sensu alienam beatitudinem, eo ipso quòd illam efficaciter velimus, & consequenter ad hanc volitionem; non quidem propter unionem charitatis, neque propter conducitiam ullam specialem ad nostram Beatitudinem, ut talem, sed propter naturam ipsam obiecti, ut à nobis efficaciter voliti, quia per ipsam volitionem sit quasi proprium, eo quòd sit nobis asperum, desideria nostra frustrari, & jucundum impleri quocirca aliud est quod sit de ratione concupiscentiæ tendere in bonum nostrum, quod tale sit *consequenter*, & ex suppositione nostri desiderii, & aliud, quod tale sit *ex se*, antecedenterque ad nostrum desiderium. Primum est verum, & secundum falsum. Beatitudo, ut prorsus aliena, non est formaliter aut virtualiter bonum nostrum antecedenter ad nostrum efficacem conatum illius, sit tamen bonum nostrum in sensu dicto consequenter ad talem conatum. Quod si dixeris implicationem esse in terminis, quòd sit bonum prorsus alienum, & insuper proprium? Respondeo hanc proprietatis speciem supponi in ipsa quæstione, & non adversari alietati de qua est controversia, nam cum ex natura ipsa rerum sit bonum proprium. quòd desideria nostra præsertim iusta non frustrentur, sed effectum fortiantur (præscinditur à bonitate morali) quando inquirimus, num beatitudo aliena, ut penitus aliena, possit esse materia spei, alietate illa non excludimus hanc proprietatem, sed solam proprietatem conducendi ad nostram beatitudinem, & etiam proprietatem oriundam ex unionem amicitie, vel charitatis. Unde non est bonum nostrum ea ratione, qua supponitur prorsus alienum.

141 Obii: ergo Omne desiderium est concupiscentia: ergo desiderium, quo ex complacentia in amico, ipsi optamus bonum est concupiscentia. Sed hoc desiderium est benevolentia: ergo confundimus hos duos affectus, quos omnes discernunt. Confirmatur Spes Theologica non est quælibet concupiscentia, sed boni illius, quod est ultimus finis: ergo si conatus in alienam beatitudinem ideò est concupi-

scientia, quia aliena beatitudo sit nostrum bonum consequenter ad eum conatum, dicere oportebit eam conducere ad nostram beatitudinem dividendam consequenter ad illum conatum. Respondeo ad objectionem. Concupiscentiam esse bifariam 1. *materialiter* quatenus præcindendo à complacentia in nobis, velimus id quod sive antecedenter sive consequenter ad ipsam volitionem est bonum nobis. 2. *formaliter* quatenus ex complacentia in nobis ipsis velimus aliquid. Desiderium, quo ex complacentia in amico, ipsi volumus bonum, est concupiscentia materialis, sed non formalis; unde solum habebis benevolentiam formalem esse concupiscentiam materiale (quod absurdum non est, quemadmodum enim ex complacentia in nobis possumus velle id quod consequenter est bonum alteri; ita ex complacentia in eo altero possumus velle id, quod consequenter est bonum nobis, ubi miscebuntur concupiscentia formalis, & benevolentia materialis) non autem habebis benevolentiam, formaliter ut talem, esse puram concupiscentiam. Ad confirmationem distinguo antecedens, quod sit ultimus finis respectu personæ sperantis, nego antecedens: quia de hoc est questio: respectu alterius, vel illius cui speratur, concedo antecedens, & nego consequentiam. Vel dicis spem Theologicam ex suo conceptu esse concupiscentiam beatitudinis propriæ, vel duntaxat esse concupiscentiam determinatè respicientem beatitudinem, præcindentem ab eo quod sit beatitudo propria vel aliena. Si primum? de eo est questio, & probandum restat tibi. Sic secundum? & illud permittimus, & inde nihil contra nos.

CAPUT DECIMUM.

An, & quæ arduitas requiratur in obiecto Spei.

142.



Arduum in præsentem idem est quod altum excelsum accessuque difficile juxta phrasim illius, qui de Poliphemo canebat. Ipse arduus, atque pulsat Sydera. Item graditurque per aquor jam medium, nec dum fluctus latera ardua tinxit. Quamobrem meritò explicuerunt arduitatem pro difficultate eximius Doctor, & P. Conink adhærentes S. Thomæ mox citando. Igitur quemadmodum ira, temperantia, fortitudo, audaciaque ex propriis terminis respiciunt obiecta ardua, ita quaeritur: num spes sit ejusdem classis? Dico primò quamquam arduitas seu difficultas neque adæquatè sit obiectum formale spei. Item licet non requiratur illam in suo obiecto materiali omnis actus ab habitu spei oriundus, & consequenter habitus hic non exigit illam suapte natura. Nihilominus spes actualis strictè talis postulat illam indispensabiliter in suo obiecto materiali; & quidem non arduitatem in actu primo solummodo.

Encid. 3.

Suarez. disput. 1. sect. 3.

Conink disput. 19. dub. 2.

modo, sed in actu secundo. Neq; vincibile ab ipso sperante determinatè sed ab ipso, vel ab alio. Neq; determinatè intrinsecam ipsi objecto spei, sed intrinsecam vel extrinsecam. Explico primam partem, quam docuit etià P. Oviedo sicut objectum materiale visus corporis debeat ex natura rei esse quantum; tamen quantitas neque adequatè neque inadæquatè sit objectum formale visus; nempe quia lux, & color quæ sunt ejusmodi objectum formale movere nequeunt ad videndū nisi objectum quantum. Præterea sicut objectum materiale fidei divinæ debet esse ens, verū, bonum &c. quin attributa hæc ingrediantur objectum formale, eo quod non moveat ad quodlibet; sed ad assensum illius quod est verū bonū &c.

143. Ita arduitas requiritur quidem ad objectum formale spei, quatenus illud non movet ad affectum efficacem prosequitivum nisi objecti, in quo illa reperitur; sed hinc non inferitur illam esse adequatè, vel inadæquatè objectum formale spei, sed esse conditionem requisitam ab hoc in illo objecto materiali; atque in hoc sensu scripsit S. Thomas. *Dicendum quod arduum non est ratio appetendi, vel accedendi potius bonum; & ideo sper quæ directius respicit bonum est prior.* Et alibi scripserat. *Bonum arduum, siue difficile habet rationem ut in ipsum tendatur in quantum est bonum, quod pertinet ad rationem spei; & ut ab ipso recedatur in quantum est arduum, & difficile quod pertinet ad rationem desperationis.* Et ratio est. Objectum formale affectus prosequitivi, ut distincti ab affectu averſivo, est illud quod movet ad illum affectum. Ergo quod ad eum non movet, non est objectum formale illius; sed arduitas, siue difficultas non movet ad affectum prosequitivum objecti. Probatur: nihil quod suapte natura retrahit ab eo affectu movet ad illum. (potest quidem esse necessarium ad illum, sicut cogitatio retrahens est necessarium ad actum liberum, & in præſenti arduitate dicimus necessariam ad actum spei: esse verò necessarium in genere *movendi*, atque *invitandi* ad illum esse implicatio in terminis) at arduitas boni suapte natura retrahit ab efficacie ipsius prosecutione; quia formaliter in se ipsa non est bona, quin imò bonum ipsum asperitate inficit; sed solum est bona causativè, vel occasionaliter quatenus novum decus, novaque iugunditas accreſcit ex ipsa arduitate debellata: ergo.

144. Obicitur: tamen arduitas neque sic bona neque alliciens ad actus virtutis, quæ non ordinatur ad ipsam vincendam, cæterum est bona & alliciens ad actum virtutis suapte natura ordinatæ ad victoriam illius. Sic magnitudo ipsa bellici conflictus acuit martiales animos ut illi se ingerant. Sic difficultas, arduitasque actionis glorioſæ animorum generosorum excitat voluntatem ad actus heroicos fortitudinis, iræ laudabilis, atque temperantiæ. Nempe quia hæ omnes virtutes ex sua specifica differentia aspirant ad difficultates ipsas vincendas: atqui spes ex sua quoque specifica differentia ordinatur ad difficultates vincendas, ergo hæ tamen retrahentes ab aliis actibus, alliciunt tamen ad actum spei. Nam quo difficilius apparet objectum spei, eo fortius erigitur animus nobilis ad ipsum extorquendum, quanquam animus imbellis eo citius langueſcat: Confirmatur. Esto arduitatem non

Oviedo
controv. 1.
de spei
num. 39.

S. Thom. 1.
2. qu. 25.
art. 3. ad 2.
& qu. 23.
art. 2.

alli.

allicere, sed retrahere: hoc non impedit illam esse obiectum formale specificativum spei. Nam licet fallacientia sit necessaria ad obiectum formale actus persecutivi, non verò actus averfativi, atque contemptivi; Sic divina bonitas non allicit sed retrahit à volitione peccandi, & tamen est obiectum formale specificativum malitiæ huius actus, quem aggravat. *Volo violare legem quantumcumque bonus sit Deus; & huius. Volo Deum deservire;* nempe quia uterlibet tendit ad averfativè, seu contemptivè in Deum: Sed spes licet tendat persecutivè in suum obiectum materiale tendit ad averfativè, seu contemptivè in ejusdem arduitate, quam vincere conatur. Ergo licet hæc arduitas non alliciat potest esse obiectum formale spei. Distinguo maiorem obiectionis est bona, & alliciens per se formaliter ac positivè nego: per aliud, ad quod est necessaria quodque non daretur sine ea arduitate concedo maiorem. Et permitta minores nego consequentiam; quod Martyrum animos fortes, & magnanimos allicit est gloria illa, seu iucunditas, seu utilitas quæ consequitur victoriam magnarum difficultatum. Victoria autem non datur absque illis.

145. Quocirca hæc dicuntur in phrasi pulchra, & concionatoria allicere actum generosum, non quia per se formaliter immediatè, ac positivè alliciant; sed quia necessariæ sunt ad illud, quod per se formaliter allicit nempe ad gloriam utilitatemque victoriæ, removen- que carentiam sui ipsarum impediens illam gloriam, aut iucunditatem victoriæ. Neque alienum est hoc ab humana consuetudine. Pulcher namque & venustus loquendi modus transmutat sæpè nomina rerum. Sic dicebat naufragus quidam. *Si genus humanum, & mortalia temeritis arma; At sperate Deos memores fandi, atque nefandi.* Et compati- entienti Sorori dicebat Dido. *Hunc ego si potui tantum sperare dolorem, Et perferre soror potero?* Utrobique audis nomen Spei applicatum timori, qui est affectus contrarius; Scholasticis verò non datur tanta licentia; quapropter licet frequenter difficultates erigere, allicere, movere, invitareque, animum fortem, generosum, gloriæ avidum &c. Et quò maius ingruit periculum, eò alacrius occurrendum esse: illæ phrasæ sunt pulchræ, sed falsæ si enuncient de difficultatibus per se formaliter immediatè, arque in sensu positivo; veræ autem de difficultatibus in sensu negativo quatenus removen- tibus suam carentiam, quæ prohiberet victoriæ iucunditatem, & verè quoque in sensu mediato, quatenus necessariis ad aliud, quod per se formaliter immediatè allicit, nempe ad honestatem, utilitatem, vel iucunditatem difficultates triumphandi. Audi S. Thomam dicentem; *quod est difficile non appetibile in quantum huiusmodi, sed vel in ordine ad aliud delectabile, vel ratione bonitatis quæ difficultati admiscetur;* iuxta quam regulam intelligenda est solutio qua ibi occurrit primo argumento quamque in nos torquet P. Amicus mox citandus. *Dicendum quod difficile, vel arduum addit quandoque speciem rationem bonitatis, scilicet pretiositatem quandam. Ex hoc ipso quod non de facili habetur, sed dicitur omne rarum carum; hæc autem pretiositas requirit illam difficultatem non verò consistit formaliter in illa; sed in victoria illius.*

Encl. 1.
ibidem 4.

S. Thom. in
3. art. 2. in
corp.

146 Ad confirmationem dico; licet spes tendat adversativè in arduitate, verumtamen est actus prosecutivus circa suum obiectum materiale: Ergo ut talis nequit haberi pro obiecto formali nisi illud quod moveat in illius prosecutionem, cumque arduitas non moveat; idcirco illa non est obiectum formale spei *ut tendentis in suum obiectum materiale*, quamvis sit ut tendentis contemptivè, adversativèque in illius arduitate. Instabis primò ex P. Amico. Potentiæ diversæ nequeunt specificari per diversas condiciones obiectivæ, sed tantum per diversæ obiecta formalia; at potentiæ irascibilis, & concupiscibilis sunt diversæ potentiæ. Ergo non specificantur per diversas condiciones obiectivæ; sed per diversa obiecta formalia. Atqui specificantur per arduitate, quæ propria est unius, & non alterius; ergo arduitas attinet ad obiectum formale potentiæ irascibilis; atqui spes attinet ad hanc potentiæ. Ergo arduitas attinet ad obiectum formale spei. Maiorem arguunt fallaciter intellectus humanus, & Angelicus; qui perfectè distinguunt specie saltem, & nihilominus habent idem obiectum formale nimirum veritatem. Negant item eam maiorem PP. Arriaga, & Conink, quia propter doctrinam, quam hic dederat ex P. Hurtado, actus intellectus, & voluntatis non modo variant speciem propter diversitatem obiectorum; sed etiam cum eorumdem identitate propter diversitatem potentiarum, à quibus proficiuntur, vel modorum, quibus tendunt in obiecta. Sic complacentia simplex, desiderium inefficax, & spes subiecti eiusdem differunt specie; & tamen possant, & solent habere idem obiectum materiale, & formale. Sed his parcens distinguo ultimum consequens, reliquis omisis. Arduitas attinet ad obiectum formale spei, quatenus est tendencia prosecutiva sui obiecti materialis, nego; quatenus est tendencia adversativa, contemptivaque arduitatis sui obiecti, permitto consequens. Hic actus *volo esum carniæ*, licet prohibeatur sit ab ipso Deo; prosequitur unum, & spernit aliud; quatenus est prosecutio, esus carniæ habet pro obiecto formali delectabilitatem v.g.; quatenus spernit divinum præceptum habet pro obiecto formali, non quidem alliciente ad ipsum, sed specificante malitiam ipsius, procacem contumaciam adversus Deum. Idem respectivè dico de actu spei prosequente efficaciter beatitudinem, licet arduam. Ratio equivocationis est; quia plerumque solis actibus prosecutivis attenditur, atque idcirco solemus dicere obiectum formale actuum esse id quod movet ad illos; sed attendendi sunt etiam actus tendentes adversativè, contemptivèque in motiva ex se remorantia, & obiectum formale horum actuum non ut tendentium prosecutivè in aliud, sed ut contemnentium remorantes difficultates præcisè, non est quod movet ad ipsos, sed quod ab ipsis removel; contemnitur verò. Atque idcirco in ratione conclusionis data num. 143. locutus sum signanter de affectu prosecutivo, ut distincto ab aversivo.

147. Instabis, arduitas interdum identificatur realiter cum obiecto formali spei, eo quod hoc ab intrinseco sit arduum, sitque obiectum ipsum materiale; Ergo arduitas erit tunc obiectum formale spei,

etiam

Amicus
dispus. 19.
num. 5.

Arriaga
dispus. 26.
num. 5.
Conink
dispus. 19.
num. 3.
Hurtado.
dispus. 5.
num. 15.

etiam ut prosequutivæ: alias sequerentur contradictoria juxta Logico-
rum cantilenam. Nego consequentiam; quoniam in huiusmodi rebus
pendentibus ex identitate, & distinctione rationis vigorem nullum ha-
ber identitas realis. Immenfitas, & autoritas Dei identificantur rea-
liter, & virtualiter; & tamen hæc, secus illa, est obiectum formale fi-
dei. Et ratio est; quia rem esse obiectum formale alludit ad determi-
natam cognitionem illius expressivam, & quamquam obiectivi conce-
ptus identificentur, cognitiones distinguuntur mutuò. Sic quia illud,
quod mover ad assensum fidei non est hæc noticia. *Deus est immensus*,
sed hæc *Deus infinita pollet autoritate* idcirco revelatione suppositâ,
autoritas dicitur esse obiectum formale fidei, secus immenfitas, ta-
men si duo hæc attributa sint prorsus idem ex parte rerum. Similiter,
quod mover ad spem non est hæc cognitio *obiectum est arduum*; in sen-
su jam exposito, sed hæc *obiectum est bonum*; quapropter licet ardu-
itas, & bonitas sint idem ex parte rerum, & licet bonitas interdum
sit obiectum formale spei, nunquam tamen arduitas. Insideat atq;
hæc locutionum intelligentia, quia ex indigestis propositionibus
multi indigesti Syllogismi procedunt. De futuritione, ac bonitate,
quas diximus esse proprietates quoque obiecti spei aliter philosophan-
dum est. Futuricio nunquam est obiectum formale spei supernatura-
lis, quoniam obiectum formale ut *quod*, atque in recto actus virtutis
Theologalis debet esse entitativè divinum; ut *quo*, atque in obliquo
potest esse illud, quod fuerit actuale, formale, immediatum exerci-
tium illius divini: ergo, quod neutrum fuerit nequit esse obiectum
formale spei, ut *quod*, sive ut *quo*; At futuricio formalis, & imme-
diata obiecti boni neutrum est, ut constat quidquid sit de futuritione
illativa, & causativa, Ergo.

143. Bonitas verò interdum est obiectum formale Spei, interdum
non. Vel enim loquimur de actu spei tendente immediatè, ac direc-
tè in ipsum Deum: vel tendente immediatè, ac directè in aliquod
creatum præcisè, ut auxilium divinum, gratiam, beatitudinem for-
malem &c. Si primum? bonitas illius obiecti formalis potest esse obie-
ctum formale illius spei absque jactura Theologalitatatis, quoniam
Theologalitati non adversatur habere pro obiecto formali aliquid di-
vinum, ut per se patet. Si secundum? bonitas illa sola nequit esse
per se præcisè obiectum formale Spei Theologicæ, quippe, quæ indi-
spensabiliter debet habere pro obiecto formali proximo aliquid divi-
num; aliàs erit virtus purè moralis. Probo jam secundam partem,
scilicet non omnem actum spei, idest oriundum ab hoc habitu, postu-
lare arduitate in suo obiecto materiali. Gaudium beatitudinis, sim-
plex complacentia, desideriumque specificè tale ejusdem procedere
potest ab hoc habitu, ut plerique censent. At hi actus præcisè, ut
tales præscindunt ab arduitate beatitudinis: quoniam licet hæc, ut
pote incomparabilis viribus solius naturæ, eo ipso sit ardua; at tamen
actus illi ab hoc præscindunt, respectuque illorum de materiali se ha-
bent: ergo aliqui actus oriundi ab habitu spei præscindunt ab ardui-
tate

rate sui obiecti materialis, ergo non omnes postulans illam ex sua natura. Et hinc colligitur tertia pars. Si enim habitus spei suapte naturâ prærequireret universaliter arduitatem dictam, ille habitus non posset influere in actum omnino præscindentem ab ea. Omnis quippe actus ortus ex eo habitu saperet ipsius naturam, quatenus haberet id, quod ille ex sua natura trahit secum, ergo si aliqui actus ex eo orti præscindunt ab arduitate obiecti materialis, signum est cum habitum non requirere positivè ex se talem arduitatem.

149. Major difficultas est in 4. parte (quamvis PP. Conink, & Arriaga judicent illam potius de nomine, quam de re) ex quo Pater Ripalda cœpit ei contradicere. Sed arduitatem esse necessariam in obiecto spei communis est doctrina in Scholis Theologorum, originemque traxit ex Aristotele, qui fiduciam contraponit timori inquitens. *Ut enim fiducia timori contraria est, sic id quod confidimus ei quod timeamus.* Accedit S. Thomas scribens. *Obiectum spei est bonum arduum possibile haberi.* Et rursus: *Spei, secundum quod est virtus Theologica respicit arduum, alterius auxilio consequendum.* Et alibi: *quia bonum, quod non est arduum quasi nihil reputatur ut sic cupiditas maximè videtur tendere circa obiectum arduum in quod etiam tendit spei.* Et ibidem: *Tertio requiritur: quod sit aliquid arduum cum difficultate adipiscibile non enim quis dicitur aliquid sperare minimum, quod statim est in sua potestate ut habeat.* In quam doctrinam frequentissimè eunt Theologi. Et ecce rationem impulsivam sequendi hanc sententiam, quoties propositio aliqua habetur vera à ferè omnibus Theologis, ac Philosophis, & contra ipsam non insurgit convincens ratio, illa admittenda est: at arduitatem requisitam esse in obiecto materiali spei est propositio ejusmodi, & contra illam non insurgit convincens ratio, ut mox videbimus, ergo.

150. Ratio motiva est. Quoties disputatur legitima vocis significatio, illa accipienda est, quæ ab omnibus ferè traditur, non enim licet nova vocabularia comminisci: at eo ipso quod disputetur, num arduitas sit de ratione obiecti materialis spei, disputatur num hæc vox *Spei* significet determinatè tendentiam in obiectum arduum: & ferè omnes Authores affirmant: ergo dicendum est hanc vocem significare determinatè tendentiam in obiectum arduum: ergo omnis spes actualis fertur in obiectum arduum, & actus, qui in illud non fertur non est spes actualis. Ratio à priori est. Omnis actus participans rationem fortitudinis tendit in arduum, quia propria fortitudinis materia est difficultatem vincere. At omnis actus spei participat rationem fortitudinis: nam quemadmodum desperatio est pusillanimitas quædam, vel difficultatibus cedens, vel minora bona eo quod facilia sint, præponens majoribus: ita spes est generosus quidam affectus repellens positivè, vel negativè difficultates nec non blandæ bona minora, quæ adversantur majoribus. Ergo omnis actus spei tendit in arduum. Et confirmatur ex sententia contraria. Differri bonum, in quod efficaciter conatur, abs dubio cruciat animum cru-

Ripalda,
tom. de fide
disput. 21.
sect. 4.
2. Retbori-
cor. cap. 5.
S. Thom. 1.
2. qu. 17.
art. 1.
Idem ibid.
quæst. 10.
art. 1.

ciatus capacem, quod addo propter Deum, quem dilatio non torquet suorum efficacium deceptorum, nempe incapax est cruciatus minimæque molestit. Ergo dilatio ea reddit arduum, & difficile illud bonum. Sed futuritio trahit secum dilationem eo modo, quo futuritio fuerit. Ergo futuritio, ut talis alicujus boni vehementer optati reddit illud arduum hoc ipso, & difficile. At per se spes requirit futuritionem in suo obiecto, ergo arduitatem, quia, ut jam dicam arduitas, quam nos defendimus non consistit in hoc determinatè, aut determinatè in illo; sed in quovis reddente laboriosam consequutionem boni, quod si nobis concedas lis tota dirimitur. Neque fugias per distinctionem inter efficacem conatum consequendi *illicò*, & efficacem conatum consequendi *postea*. Nam etiam hic secundus cruciat donec impleatur, & donec accedat mensura illa temporis, cui præfixa est largitio boni. Neque inferas fore ut spe ipsa reddatur obiectum arduum spei; quoniam licet absurdum sit quòd ita reddatur arduum, quatenus ipsa spes impediat, aut tetardet illius consequutionem; sed non quatenus spes simul cum dilatione cruciet animum, & consequenter reddat suum obiectum adipiscibile pretio laboris, atque molestit. Probo jam primum antecedens. Tum quia nihil magis decantatum quàm tortura desiderij efficacis dilati in posterum. Tum quia ex Scriptura idem constat. Testis est David. *Usquequo Domine obliuisceris me in finem; ubi sæpè.* Et alibi. *Heu mihi quia incolatus meus* &c. Testis Job. *Usquequò non parces mihi.* Testis Isaias. *Utinam dirumperet Cæles, & descenderes,* quæ testimonia satis ostendunt dilationem boni dilati, & atdenter exoptati non levem gignere anxietatem, & arduitatem.

151. Obijcit 1. P. Ripalda. Beatitudo potest terminare spem illorum quibus non est ardua. Ergo arduitas non est de ratione obiecti spei. Probo antecedens 1. quia beatitudo promissa omninò liberaliter absque ullo onere non est ardua, & tamen posset spem terminare. 2. Angeli in statu viæ, homines in statu innocentie, & Deipara sperant beatitudinem, & tamen illis non erat ardua, sed per actus facilissimos assequibilis nulla resistente passione. 3. Christo Domino potuè differri ut obtinenda per actus facilissimos. 4. Anime Patrum in limbo sperabant beatitudinem; sed ea non erat illis ardua, quandoquidem in eo statu nullam patiebantur anxietatem juxta S. Thomam. Nego antecedens objectionis. Ad probationem dico arduitatem præsentis materiæ non consistere in hoc, vel illo determinatè: quapropter dilatio sola, aut incertitudo obtinendi bonum, siue quoad substantiam, siue quoad tempus, & ejusmodi alia, sufficientem gignunt difficultatem: siquidem non est assequibile nisi pretio dilationis conatus vehementis. Ar in omnibus istis casibus daretur dilatio boni vehementer concupiti per actum ipsum spei. Ergo in omnibus istis daretur difficultas, seu arduitas sufficiens reddendo arduum obiectum istud, idest non alicet assequibile, quàm pretio dilationis. In casibus autem istis alterutra semper accidit. Nam in primò si promittitur beatitudo *illicò* danda, non

datur

Psal. 12.

Psal. 119.

Job. cap. 7.

Isaia 64.

8. Thom. in

3. diff. 269.

unic. art. 4.

ad 3.

datur locus spei, si post tempus, & tempus, ecce dilationem dure consequentem animum efficaciter desiderantem. In 2. Angelis, & hominibus ardua erat beatitudo, quia incerta utriusque, & quia non illico danda; Deiparae verò ardua etiam fuit, tum propter dilationem, tum quia dependens à magnis angoribus, quos prius perpessa fuit. In 3. dilatio illa simpliciter possibilis arduam, & laboriosam redderet Christo Domino visionem beatam, ut pote obtinendam pretio dilationis. In 4. Patribus illis incerta erat quoad tempus redemptionis, atque beatitudinis. Ergo ex hoc duplici capite arduitas emergebat. Mirum autem est S. Thomam hic adduci, cum alibi non obscure innuat fuisse aliquam poenam Christo esse in eo inferno secundum animam, & in sepulchro secundum carnem: cur ergo non similis poena illis Patribus? lege Bellarmin. ubi Cajetani additamentum miraberis. Igitur animæ illæ fuerunt post solutam poenam temporalem liberæ ab illis cruciatibus, sed non à gemina illa anxietate.

S. Thom. 3.
p. 9. 52. art.
1. 5. 3.
Bellarmin.
tom. 1. cap.
16. lib. 4. de
Christo.

152. Obicit. 2. Ex objecto formali spei possumus moveri ad conatum boni non ardui: sed hic conatus erit spes actualis quoniam eo ipso quod movetur ex eo objecto formali, pertinet elicitive ad habitum spei. Ergo Confirmatur. Nihil est in quo consistat arduitas quam requirimus. Nego minorem: cujus probatio non est efficax, quoniam num. 148. iam ad verbi, multos actus elici ab habitu spei, qui non sunt spes actualis. Ergo ex eo quod ille conatus concipiatur ex objecto formali spei, & consequenter nascatur ab habitu spei, perperam arguitur eum esse spem actualem; potest namque esse primum quoddam beatitudinis desiderium specificè tale, quod præscindat ab arduitate: sicut præscindere potest à futuritione, tamen ab objecto formali spei concipiatur. Ad confirmationem distingo antecedens. Nihil est, in quo solo & determinatè consistat, concedo: vagè, nego antecedens, & consequentiam. Dicam in secunda conclusione arduitate objecti spei consistere in quovis reddente illud laboriosum, & non nisi magno pretio assequibile cumque multa sint quæ id præstare possunt, & unis deficientibus emergant alia, idcirco inductio huius Authoris similis est huic: *neque hic equus requiritur ad equitandum, neque ille requiritur: ergo nullus.*

153. Obijciatur 3. Eo ipso quod independenter ab arduitate spei differat à desiderio, non requiritur arduitas; sed independenter ab illa differt. 1. quia sufficienter differt per futuritionem quam ipsa requirit, secus desiderium. 2. quia potest proponi objectum ut arduum, & non ut futurum; sed tunc potest terminare desiderium, & non spem: ergo quia sola futuritio distinguit spem à desiderio. 3. obiectiva conditio secernens spem à desiderio nequit augere hoc, & minuere illam. Ergo quæ id præstiterit, nequit esse eiusmodi conditio: sed arduitas id præstare potest; nam sæpe arduitate objecti boni crescit desiderium, & minuitur spes; Ergo. 4. nequit discerni spes à desiderio per illud, quod non pertinet ad obiectum, quod, vel, quo spei; sed arduitas non sic pertinet: quia quod non est bonum neque amatum non sic

pertinet, nam ambo illa objecta debent esse bona, & amata, sed arduitas non est bona, nec amata, quippe quæ magis retrahit, quam allicit. Ergo: 5. omnes conditiones requisitæ in objecto prosecutionis qualis est spes, debent esse bonæ, ac appetibiles: at arduitas non est ejusmodi, quia per ipsam retrahimur à prosecutione objecti boni; Ergo. Diluant hæc argumenta qui ex sola distinctione inter spem ac desiderium, arduitatem probaverint; nos rationem hanc non tetigimus: Sed quia ingeruntur ab hoc Authore. Nego minorem obiectionis: prima probatio incidit in id, à quo fugit. Nam futuritio, ut strictè talis trahit secum dilationem boni strictè futuri: ac dilatio est arduitas: siquidem communi judicio, testibusque prolatis nuper, dilatio ipsa optati boni angit animum: ergo. Secunda probat arduitatem non sufficere per se præcisè ad spem, & sufficere posse ad desiderium; at non probat eam non esse requisitam. Igitur spes postulat suum objectum esse simul bonum, arduum, & futurum per quorum complexione differt spes à desiderio, & qualibet ex his conditionibus deficientibus deficit spes, succedat nec ne desiderium. Ad tertiam nego antecedens cui obstreperunt omnes illæ actiones, quæ communi judicio postulant in suo objecto difficultatem superandam, ut actus fortitudinis, iræ, magnanimitatis, & quivis alius heroicus ut talis: arduitas quippe distinguit hos actus ab aliis mollioribus. Et tamen usque adeo crescere potest difficultas. ut animus languescat, & penitus deficiat. Obstreperit etiam actus liber qui abs dubio prærequirit cognitionem positivè, aut saltem negativè retrahentem, quæ adeò attolli potest, ut deficiat actus liber.

254 Quocirca illud antecedens ad summum tenet de objectiva conditione per se adæquatè discernente positivè spem à desiderio; non de illa, quæ tantum inadæquatè, & negativè discernit quatenus exigitur à spe, & non à desiderio, qualem censemus arduitatem. Præterquam quodd arduitas, quam requirit spes, non est quæcumque, & in quovis gradu: sicut cognitio retrahens, quam requirit actus liber, non est in gradu quocunque siquidem non est in summo, sed arduitas quædam determinatè consistens in gradibus medijs, quos solum Deus novit, quique sufficiunt ad reddendum vigorosum affectum voluntatis; non autem ad ipsum prorsus extinguendum; sicut propinquitas objecti; quam poscit potentia visiva, non est quæcumque, nam summa certè officit; sed media quædam, & proportionata: atqui arduitas in eis solis gradibus non minuit, sed acuit spem, ergo arduitas quam hæc requirit hanc non minuit; tamen alia, quam non requirit eam minuire possit. Ad 4. nego majorem: quoniam ut iam dixi actus habentes idem objectum materiale, & formale quo, & quod specificari possunt ex solo intrinseco modo tendendi. In præsentī verò differunt spes, ac desiderium quatenus spes requirit in suo objecto materiali complexione ex tribus dictis conditionibus, à qua ut tali præscindit desiderium specificè tale. Ad 5. distinguo majorem: quando prosecutio est etiam prosecutio erga illas conditiones concedo majorem: quando dunta-

rat est persecutio erga aliud, tendentiaque adversativa, & contemptiva illarum; nego maiorem: & concessa minori nego consequentiam. Actus, qui est pura, & simplex persecutio, sit istius naturæ; ille verò, qui ita est persecutio unius, ut sit tendentia adversativa conditionis repectæ in eo, non requirit talem conditionem esse bonam, & appetibilem, sed potius esse adversam, quandoquidem est conatus contra illam. Testes sunt actus heroici temperantiz, & fortitudinis, qui abs dubio ut tales desiderant in suo objecto arduitatē, & tamen hæc præcisè ut talis non est appetibilis, licet actus illi sint persecutionis, nempe quia non sunt prosecutiones erga illam, sed erga objectum, quod illa exasperat, unde dumtaxat sunt conatus, & impulsus contra illam. Ita actus spei.

155. Quintæ parti scilicet arduitatē debere esse talē in actu secundo, & non sufficere purè in actu primo contradicunt docti recentiores. Nil quod præcisè ut tale non est arduitas sed possibilitas vel capacitas arduitatis sufficit præcisè ut tale ad affectum, qui determinatè poscit arduitatē. Sicut quod præcisè ut tale est mera capacitas, seu possibilitas habendi gratiam sanctificantem, præcisè ut tale non sufficit ad gloriam, quæ determinatè prærequirit in persona actuale gratiam sanctificantem: & sicut hic non sufficeret distinctio inter gratiam in actu primo, & gratiam in actu secundo, ita neque illic inter arduitatē in actu primo, & arduitatē in actu secundo; at spes determinatè poscit arduitatē in suo objecto: & arduitas in actu primo, præcisè ut talis, non est arduitas; sed capacitas possibilitasve proxima, aut remota arduitatis: sicut cæteri actus primi non sunt res illæ, ad quas sunt actus primi sed possibilitates, seu capacitates, modò proximæ, modò remotæ ad illas. Ergo. Et hic, potius quàm oppositus, videtur communis sensus Authorum arduitatē requirentium. Explicatur. Nihil facillimum est materia digna spei juxta hos Authores; sed quanquam detur magna arduitas purè in actu primo potest res esse facillima. Ergo quanquam illa detur potest res non esse materia digna spei. Ergo illa non sufficit Probo maiorem. Eo ipso quòd nulla prorsus detur actu absolute hic, & nunc difficultas res erit facillima: Sed quanquam detur magna arduitas purè in actu primo haberi potest quòd nulla prorsus detur absolute hic & nunc difficultas; siquidem arduitas purè in actu primò est componibilis cum carentia arduitatis in actu secundo. Ergo.

156. Obiici: Ad fortem illam, & efficacem erectionem animi quam præstat spes, & ex qua requirit arduitatē in suo objecto, sufficit, quòd hoc ita appareat difficile, ut ex se sit inductivum doloris, anxietatis, & timoris, ergo sufficit arduitas in actu primo. Confirmatur: non requiritur difficultas, quæ de facto efficaciter retrahat à spe, sed sufficit quæ retractiva sit, ergo non requiritur difficultas affligens, sed quæ afflictiua sit. Confundi videntur actus secundi necessariò discernendi. Aliud est difficultas sive arduitas in actu secundo retrahendi efficaciter ab actu spei; aliud in actu secundo inducendi effectum alium distinctum, ut maiorem, afflictionem, anxietatem &c. aliud in actu

secundo reddendi obiectum verè difficile vereque non insequibile, nisi per calcatas pergendo difficultates, quæ re ipsa occurrant speranti, resultet necne maior, anxietas &c. Non postulamus arduam in actu secundo juxta primam, aut secundam explicationem, sed juxta tertiam. Sic actus, ut liber, prærequirit sæpe cogitationem in actu secundo retrahentem; non quidem quatenus actu impediatur actum eum, neque quatenus in actu secundo inducat affectum alienum; sed quatenus non modo sit potens retrahere aliasque retraheret; verum insuper quatenus hic & nunc verè retrahat proponendo actu absolute difficultates, licet hæc per actum ipsum liberum exercitè spernancur. Hinc distinguo consequens objectionis. Sufficit arduitas in actu primo reddendi obiectum non aliter insequibile, quàm per calcatas difficultates nego consequentiam; in actu primo impediendi actum ipsum spei, vel consecutionem ipsam boni, aut in actu primo inducendi mororem, anxietatemque; concedo consequentiam. Ad confirmationem concedo consequentiam; Sed addo ipsum quod est dari difficultatem, quæ afflictiva sit, est dari arduam in actu secundo quando quidem non aliter obtinendum est obiectum, nisi colluctando cum ea, viresque insumendo quod non accidit ei, cui omnia sunt aequè facilia, quique in nullius effectione, vel impeditone laborat; impenditque vires.

157. Probo 6. partem scilicet sufficere quod arduitas præfata sit vincibilis ab ipso sperante vel ab alio. Animæ degentes olim in limbo post peccata diluta, spem habuerunt beatitudinis, ergo hæc erat illis ardua, & tamen non erat ab illis superabilis, seu evitabilis arduitas: quoniam illa consistebat in sola gloriæ dilatione efficaciter decreta per Deum donec exhibita fuisset redemptio per Christum, & ille animæ neque poterant impedire id decretum neque accelerare redemptionem. Idem dices de illo, cui Deus pollicitus esset prorsus liberaliter beatitudinē post annum, hic enim abs dubio speraret; & tamen arduam, quæ tunc in sola dilatione consistebat, minimè posset vincere, ergo. Nos autem divino formari auxilio superare possumus multas beatitudinis nostræ, quia illæ consistunt in remoris, quas vincere possumus. Septima pars erat prædictam arduam posse extrinsecam esse obiecto spei, & non requiri determinatè quod sit intrinseca. Nam in casu nuper proposito promissionis prorsus liberalis donandi gloriam post annum, arduitas consisteret in sola dilatione. Sed hæc non esset intrinseca beatitudini, quidem secundum se capax est ut illicò detur: imò nec nobis ipsis est intrinsecè ardua beatitudo, quia per se ab intrinseco non trahit secum difficultates, illas, quæ superandæ sunt ad obtinendam illam, nam licet per se ab intrinseco sit supernaturalis, & consequenter per se ab intrinseco inacquiribilis solis viribus naturæ; attamen per se ab intrinseco non repugnat quòd penitus liberaliter concedatur nobis à solo Deo: ergo necesse non est quod sit intrinseca obiecto spei arduitas, quam habere debet. Explicatur tum quia licet beatitudo propter suam supernaturalitatem foret intrinsecè ardua, nihilominus obiectum etiam naturale potest esse materia spei, & in eo non reperitur specialis

is iste titulus arduitaris. Tum quia possibilis est creatura simplex supernaturalis, cui sit connaturalis beatifica visio, sicut connaturalis est complexo ex intellectu, & lumine gloriæ: at illa sperare posset beatitudinem eo quod Deus decreverit non annuere statim suæ exigentiæ. Ergo.

158. Dico 2. Arduitas prædicta non consistit determinatè in eo quod sperans careat certitudine obtinendi bonum. Neque determinatè in eo quod obtinendum sit illud ope, auxilio, aut beneplacito alius. Neque determinatè in eo quod bonum hoc sit entitativè in se ipso excelsum valdè. Consistit igitur vagè ac indeterminatè in quovis inducente dolorem, vel laborem, vel timorem, vel anxietatem, vel dilationem in adeptione boni prædicti. Primam partem supra scripsi contra Lorca, & P. Arriaga qui recurrit etiam ad illam incertitudinem, seu certitudinis carentiam, quam non nego sufficientem, sed determinatè necessariam ad arduitaratem, quam habere oportet obiectum spei. Etenim Sanctæ animæ, tum quæ olim in limbo, tum quæ postea in Purgatorio debebant spem habuerunt beatitudinis. Ergo hæc utrisque ardua erat, & tamen neutræ carebant certitudine illius, cum utraq; certissimè essent de beatitudine aliquando obtinenda absolutè. Ergo arduitas non consistit determinatè in ea carentia certitudinis. Quod si dicas, non omnes animas Purgatorii frui hac certitudine, eo quod aliquarum Purgatorium, sit hæc ipsa incertitudo, dicam me non loqui de illis, sed de aliis in quibus non datur ista incertitudo. Obiicies ultra soluta eo in loco. Ea, in quibus homo nullum veteretur impedimentum, quasi non ardua reputantur juxta S. Thomam sed qui omninò certus est de bono obrinendo nullum illius veteretur impedimentum; aliàs non foret omninò securus, ergo illud quasi non arduum reputatur. Ergo ut bonum sit arduum debet esse incertum. Confirmatur juxta eundem ibidem securitas de malo vitando excludit timorem illius. Nam qui securus omninò est de vitazione mali non potest simul judicare arduum, & difficile eximi ab illo. Ergo securitas de bono obtinendo excludit spem illius ob eandem rationem, quoniam ita se habet timor ad malum arduum vitandum, sicut spes ad arduum bonum obtinendum. Distinguo majorem obieditionis. Nullum impedimentum efficax, & in actu secundo, nego: nullum impedimentum adhuc inefficax, & labore superandum, concedo, & proportionatè distincta minore nego consequentiam. Eo ipso quod homo prævideat aliquid ex se retardans adeptionem boni, & non nisi magni expensis laboris superandum, habet bonum illud ut arduum. Sed quamvis nullum deret impedimentum efficax, & in actu secundotale, potest dari aliquid retardans ex se adeptionem boni, & non nisi magni expensis laboris superandum, ut contingit utrisque animabus jam dictis, ergo. Ad confirmationem distingo antecedens securitas de malo vitando independenter à proprio labore concedo; dependenter nego. Nam hic labor reddit arduam vitacionem illius mali, quamvis aliàs certa sit, & similiter distingo consequens.

159. Se:

*Arr. dif. 26
M. 6.*

*S. Thom. 1.
2. q. 40. art.
8. ad 1.*

Vasquez 1.
p. disp. 44
num. 235.
Turrian.
2.2. disp. 60
dub. 1.

159 Secunda pars est contra P. Vasquez, quem sequitur P. Turrianus. Ubi non nego istam dependentiam ab alieno arbitrio esse interdu arduatorem sufficientem, quippe quæ incertitudinem anxietatenque gignere solet: solum igitur nego eam esse determinatè requisitam. Vel eatenus dicitis arduatorem consistere in ista dependentia, quatenus hæc reddit bonum incertum propter indifferentiam quam habet arbitrium alienum. Vel quatenus dependentia ab auxilio alieno, quodcumque illud fuerit, reddit objectum arduum. Vel quatenus sola dependentia ab auxilio alieno *speciali* sit quæ arduum illud reddit. Si primum? jam dixi, istam incertitudinem non esse determinatè necessariam ad arduatorem salvandam: ergo si eatenus recurritis ad dependentiam ex alieno arbitrio, quatenus hinc nascitur incertitudo, inciditis in sententiam Magistri Lorca. Præterquamquod ista dependentia potest dari absque incertitudine, quandoquidem utrarumque animarum dictarum solatium pendeat ex arbitrio divino, & tamen illæ non torquebantur incertitudine. Si secundum? est falsum nam quis dicit inflammationem pulveris nitratæ admoto igne, crastinumve solis ortum esse res arduas aut esse materiam spei licet ambo pendeant simpliciter ex aliquo concursu alieno nempe ex generali concursu Dei. Si tertium? etiam est falsum, tum quia si Deus in instanti A. promitteret se illicò in B. largiturum gloriam omninò liberaliter absque ullo, vel minimo onere, gloria non haberet arduatorem sufficientem, ut illam sperares; & tamen pendeat ex auxilio specialissimo Dei. Nam licet consequenter ad promissionem non posset Deus non dare gloriam, semper tamen subsistebat hanc non esse quid generale, sed specialissimum beneficium Dei; quod si ad latissimum confugas æquivalentiarum, virtualitatumque campum, in longum ibimus, & à puncto difficultatis declinabimus. Tum quia non solum possumus sperare ea, quæ pendent ex auxilio speciali Dei; sed etiam ea quæ ex sola nostra industria pendent supposito generali concursu divino, ut adaptionem doctrinæ, victoriam ex hoste valido, sed nobis absolutè impari: ergo hæc habent arduatorem; & tamen non pendent ex auxilio speciali Dei, ut suppono, ergo arduitas non consistit determinatè in dependentia ex isto auxilio.

Hurt. disp.
95. sect. 2.

160 Probo tertiam partem contra P. Hurtado, quæ docet arduatorem nihil aliud esse, quam excellentiam ipsam boni. Fateor hanc requisitam esse ad spem, nam sicut timor non est de malis levissimis, ita neque spes de levissimis bonis. Requiritur, ergo excellentia, & interdu sufficit; sed arduitas non consistit formaliter in ipsa determinatè. Tum quia etiam bona, quæ in se, ac in nostra æstimatione, sunt levia possunt esse ardua utpote obnoxia difficultatibus, atque idcirco illa relinquimus, quia pluri stare solent, quam valent, ergo arduitas potest dari absque excellentia boni, ergo non consistit formaliter, aut illativè in ea sola, tum quia bonum valdè excellens potest non esse arduum, ergo excellentia non est per se præcisè arduitas. Probo antecedens. Si Deus in instanti A. promitteret, se statim in B.

B.

B. largiturum beatitudinem absque ullo onere ; vel sub onere levissimo : beatitudo non foret ardua capaxve terminandi spem ; & tamen adhuc erat ingens bonum , quod non negabis impune . Ergo fieri potest quòd bonum sit ingens , & tamen non sit arduum . Ergo arduitas non consistit semper in excellentia boni . Et ob eandem rationem neque in supernaturalitate ; tum quia in casu nuper dicto beatitudo maneret supernaturalis , cum tamen ardua non esset promissario illi : tum quia sperare possumus res etiam naturales , quæ eo ipso quòd dignæ sint spe , arduæ esse debent . Dices ex P. Oviedo . Non magni habetur inter homines solem videre , neque Petrum dicimus felicem ex eo quod solem cernat : quia licet sit magnum frui hac visione , vilescit tamen in nostra æstimatione , ex eo quòd facillimum sit : ergo licet possit dari arduitas absque excellentia boni , non verò hæc absque illa . Et confirmatur ex D. Thoma agente ubi supra . *Bonum quod non est arduum , quasi nil reputatur ut sic* . Concesso antecedenti & hac auctoritate , loquendo ut plurimum , nego universalitatem consequentis . Facilitas boni adimit sane gradus aliquos appreciationis usque adeò tamen assurgere potest bonum , ut prorsus vincat hostilitatem illius facilitatis : & hoc contingeret si Deus beatitudinem , hypostaticamque unionem polliceretur illicò dandam absque onere ullo , adeò namque sunt bonæ ambæ , ut vincant contemptum , qui ex ea facilitate aspergetur alijs subiectis levioribus .

161. Probo ultimam partem : quodcunque reddat objectum non aliter assequibile nisi caro pretio , luctaque cum difficultatibus , reddit illud arduum : sed quodcunque inducens laborem , vel dolorem , vel timorem , vel anxietatem , vel dilationem in adeptione boni , reddit illud non aliter assequibile nisi caro pretio luctaque cum difficultatibus ergo &c. Hinc interdum est arduum objectum capaxque terminandi spem ratione solius laboris physici , ut consecutio magnæ doctrinæ , triumphus de hoste robusto pari tamen , vel suppari . Interdum ratione doloris , pœnalitatum atque timoris , ut beatitudo respectu viatorum . Interdum ratione solius dilationis , ut redemptio generis humani respectu animarum limbi . Interdum ratione anxietatis atque incertitudinis , ut extractio nostræ fortis inter multas inclusas in amphora : necnon speciale auxilium Dei ad perseverantiam , & ad victoriam acris tentationis : quoniam non obstantibus promissionibus *iudicia tua absfuerunt multa* , & ignoramus an concurrant omnes circumstantiæ præfinitæ à Deo promittente . Rursus hæc incertitudo potest provenire ex eo quòd rarò accadat res , quam speramus , vel ex eo , quòd plures sint modi impediendi , quàm inducendi illam , ut primi senarii in ludo talorum , vel ex eo quòd penitus dependeat ab alieno arbitrio , quod propter suam indifferentiam incertam reddat indulgentiam . En copiosam arduitatis segetem .

162. Obicitur Arduitas debet esse quid determinatum ; aliàs non haberemus punctum fixum hac super re , sed non explicuimus illam per quid determinatum , ergo malè explicuimus . Distinguo majorem , ar-

N n n

duitas,

Psal. 33

duitas, ut existens à parte rei debet esse quid determinatum, concedo, ut requisita in genere ad objectum spei, nego. Quoties obiectum fuerit arduum debet esse tale per aliquid, vel aliqua determinatè: aut interdum est arduum solà dilatione coniuncta cum vehemente conatu, interdum solà incertitudine, interdum cruciatibus sufferendis ante boni adeptionem, interdum aliis titulis: & in hoc sensu dicimus, arduitatem prædictam non esse quid determinatum, id est non semper consistere in uno, vel unis præcisè. Porro modus hic philosophandi alienus non est à recta doctrina, cum passim occurrat in Scholis: quemadmodum enim ventus in genere non semper est *exhalatio calida, & sicca collateraliter illisa*, ut definiebant Peripatetici. Neque semper est *motus solius aeris*, ut docebant Stoici; sed quod quovis modo aerem concitare, & protrudere possit, ut merito scribit P. Athanasius Kircherius. Et quemadmodum multa alia, quæ dum contingunt à causâ aliquâ determinatâ contingunt, sed in genere non poscunt hanc præ illa. Ita arduitas obiecti Spei.

Kircher.
lib. 4. de
mund.
subterran.
sect. 2. c. 10.

CAPUT UNDECIMUM.

*An, & qua ratione debeat esse futurum
Obiectum Spei?*

163.



Explicando ergo arduitatem necessariam in hoc obiecto dixi non semel capite antecedente, futuritioni annexam esse dilationem consequendi bonum, & hanc ipsam dilationem reddere arduum bonum ipsum juxta testimonia ibi producta, quibus adde notam.

Illam Salomonis sententiam *Spes, qua differtur, affligit animam.* Et illam Pauli. *Si autem, quod non videmus, speramus, per patientiam expectamus.* Et denique illam Divi Thomæ. *Spes in quantum caret presentia sui obiecti causat afflictionem*, quæ doctrina intelligenda est consentaneè ad dilationem obiecti, ardoremque Spei. Si enim hæc non fuerit valde intensa, & bonum non differatur nimis, torquebit leviser animum, quo circa brevis ea dilatio non sufficit reddendo arduum, materiamque dignam spei, bonum illud; Sin verò valde differatur, vel quamquam illicò sit habendum, spes tamen importet ardentissimum desiderium, sufficiens, adeest molestia in adeptione illius, consequenterque illud jam evadit arduum. Experientia quippe constat carò emi bonum illud, quod dilationis pretio emitur.

164. Ut autem id melius intelligatur, futuritionem dispensabo obiecti spei. Certum est illud aliquo modo futurum esse oportere. Non

Proverb.

14.

Roman. 8.

D. Thom. 1.

2. quæst. 32.

art. 3. ad 3.

Non præcisè quia, ut ex S. Thoma notant DD., hoc maximè differat spes à gaudio, quòd gaudium sit de bono jam habito, & spes de bono habendo. (quandoquidem etiam gaudere solemus non solum quando actu physicè; verum etiam quando virtualiter possidemus bonum, eo quòd certi omninò simus de futura possessione ejusdem) sed quia spes ex proprijs terminis est via, motus, & conatus voluntatis in bonum acquirendum, vel ab alio accipiendum, hujusmodi autem motus, ne sit præposterus, clarè innuit consecutionem aliquo modo esse futuram saltem quatenus non præsupponatur existens ante talem conatum. Sed difficulus est in hac futuritione explicanda. Futuricio solet dici terminus complexus importans duo: præsentem nimirum absentiam, & existentiam postea: Unde duplex resultat cardinalis difficultas una contra absentiam, altera contra existentiam, quam habere debet obiectum spei. Absentia bifariam potest contingere: primò physicè ex parte rerum, quatenus non existat obiectum in eo instanti, in quo datur spes. Secundò intentionaliter quatenus existat nec ne ex parte rerum, non tamen existat in mente sperantis. Hæc item intentionalis absentia octo modis esse potest juxta artem combinandi: quoniam primò potest esse positiva consistens in cognitione vera, vel falsa enunciante non existere tunc obiectum spei. 2. potest esse intentionalis absentia merè negativa consistens in sola carentia cognitionis enunciantis existere obiectum illud. Rursus utralibet potest quatuor modis considerari. 1. cognitio existens pro priori ad spem, dictansque obiectum non existere pro priori ad spem. 2. existens pro priori, & dictans non existere in eo instanti temporis adhuc pro posteriori ad spem. 3. existens in eo instanti præscindendo à prioritate respectu spei, & dictans obiectum non existere in toto eo instanti temporis adhuc pro posteriori ad spem. Cumque absentia intentionalis negativa consistat in carentia cognitionis dictantis existentiam obiecti spei, & hæc cognitio quatuor similibus modis evenire possit, idcirco absentia intentionalis negativa quadruplex etiam esse potest. Unde octo resultant absentia intentionales: quatuor positivæ, & quatuor negativæ.

165. Dico 1. Futuricio, quam in suo obiecto materiali spes desiderat, non trahit semper, ac indispensabiliter absentiam physicam ejus obiecti. Neque absentiam consistentem in eo, quòd illud non existat pro priori, & independentè à spe. Neque absentiam ullam intentionalem positivam; sed sufficit, ac requiritur ad dictam futuritionem absentia intentionalis merè negativa. Probo eodem discursu tres priores partes: quoties obiectum proponitur, ut bonum assequibile, & non proponitur positivè, ut facile, neque positivè, ut absolute existens in A. v. g. possumus sperare ipsum in A. nisi ex alio latere irruat specialis difficultas, ut in præfenti supponimus non irruere, sed quamquam illud revera existat in A., & quidem anteaquidènter, & independentè ab actu spei: item quamvis non detur ulla positiva cognitio enuncians illud non existere in A. fieri potest, quòd

tale obiectum proponatur ut bonum assequibile (in quo non est difficultas) & insuper quod non proponatur positivè, ut facile, neque positivè, ut existens absolute in A., quoniam neque illa existentia obiecti, neque carentia illius positivæ cognitionis connectuntur metaphysicè cum cognitione positivè proponente obiectum, ut facile, vel ut jam existens absolute in A. quoniam multa existunt a parte rei, quæ nos fugiunt: & insuper non est idem de facere unam cognitionem, ac positivam cognitionem contrariam cum detur medium nempe, quod utraque deficiat, ergo quamquam obiectum existat in A., & quidem antecedenter, & independentè à spe: item quamquam positiva cognitio non detur enunciata, illud non existere in A., possumus sperare illud in instanti A. Probo majorem, quoties actu prudenter, spectanteque ad irascibilem, possumus illud sperare, quia spes actualis, quoad rem præsentem nihil aliud est quàm efficax conatus prudens, & irascibilis (ideit difficultatum contemptivus) circa aliquod bonum, sed quoties obiectum proponitur, ut bonum assequibile, & non proponitur positivè, ut facile, neque positivè, ut absolute existens in A., possumus in A. sollicitare illud actu prudenter, & spectante ad irascibilem.

166. *Prudente quidem.* Tum quia prudentia humana non adversatur ignorantia alicujus, vel aliquarum veritatum reipsa existentium. Tum quia in eodem instanti in quo exit motus, via, & tendentia in rem, potest res existere, ut exempla cuicque obvia suadent, ergo ex eo quòd efficax illa sollicitatio sit motus, & tendentia in rem, male arguitur eam imprudentem fore, si coexistat illi rei. Probo antecedens. Ultima dispositio ad formam est via, motusque in illam. Actio creata est via, & motus in suum terminum. Conditio perfecta in gratiam perfectam. Volitio efficax actus interni, vel externi in utrumlibet; & tamen in eodem puncto temporis in quo existunt illa priora, existunt respectivè hæc posteriora, ergo. Et ratio est, quia solum officeret prudentia horum motuum, atque tendentiarum ferri in suos terminos: præsupponendo illos ante se, id namque est conari actum agere: atque idcirco nequeunt illi existere dependentè ab eo, quòd in signo posteriore detur motus, & procuratio illorum, quia id esset existere dependentè à facilitate philosophica. Non tamen officit prudentia tendere in eos terminos, ut existentes in signo posteriore juxta nupera exempla. *Irascibili* etiam five, *forti* quippe fortitudinis est non modo ducta absoluta, & effectiva cum difficultatibus, sed etiam affectiva, ideit conatus ipse subiectivè absolutus, & terminativè conditionatus contra ipsas si forte occurrant, quemadmodum enim pusillorum est non aggredi consecutionem boni, donec ceret constet de ipsius facilitate, ira fortis, & pugnacis animi est adoriri consecutionem boni possibilis, & futuri, sunt nec nemestus difficultates contrariæ, ergo quoties obiectum proponatur ut donum assequibile, & non proponatur positivè, ut facile, neque positivè, ut absolute existens in A., potest in eo instanti concipi

Spe

spes ejusdem. Dixi *absolutè existens*, quia non obstat, quòd proponatur, ut conditionatè existens sub hypothèsi magnæ alicujus difficultatis, quæ tunc vincatur, sive illa consistat immediatè in actu ipso spei proposito, ut difficili, sive in alio quopiam; quòd, si proponatur, ut existens conditionatè sub hypothèsi non difficili nequit esse obiectum spei, non tam ob futuritionis, quàm arduitate defectum.

167. Atque hanc ob causam non acquiesco Doctis RR. probantibus nostram conclusionem ex eo quòd absentia intentionalis negativa sufficiat discernendo spem à gaudio, & ex eo quòd desiderare possumus idipsum quòd desiderio coexistit, modo sit illo posterius. Non acquiesco. Tum quia spes plùs dicit, quàm desiderium ut ipsi fatentur, scilicet arduitate in objecto, & specialem acrimoniam in actu ipso spei ergo non sufficit ad spem quidquid sufficit ad desiderium. Ergo ex eo præcisè quòd absentia illa intentionalis negativa sufficiat desiderio, distinctione hujus à gaudio, non infertur sufficere dirigendo actum spei; tum quia si istud, quòd verificatur de multis desideriis, eaque discernit à gaudio, amoveat objecti arduitatem, non sufficit ad spem ut patet: atque instantanea boni consecutio magis apta est amovendo arduitatem objecti, quàm permittendo illam: ergo nisi aliunde prospiciatur arduitati, opus est, quòd positivè cognoscamus obiectum non existere in instanti A., ut saltem in dilatione ipsa arduitas salvetur: ergo si non datur hæc cognitio sequitur (ut detur locus spei) difficultas quæ consistat vel in actu ipso spei, vel quæ admixta sit bonitati statim possidendi, vel quæ alibi funderetur ne ita futuritioni attendamus, ut arduitatem obliviscamur, nobisque exprobreter. *Antra Carybdis adit, qui vult evadere Scyllam.* Quocirca verum reor, quòd notavit P. Ribadeneyra, videlicet de ratione objecti spei, atque desiderio, esse inquietare quodammodo animum, illumque cruciare. Annuo; sed non semper ob absentiam physicam boni, vel intentionalem positivam cum interdum sufficiat sola difficultas, quam animus experitur in actu ipso spei, (eo quòd pronus esset v. g. ad alia cogitando) vel in ipso bono, vel in alio remorante ab hoc: quòd autem Apostolus scripsit, *Spes quæ videtur non est spes, nam quòd videt quis quid sperat?* nobis non nocet; tum quia hic excludit cognitionem objecti ut jam existentis, & ex hac exclusionem non sequitur debere existere cognitionem oppositam: tum quia apertè loquitur de visione objecti existentis antecederet ad conatum hominis. Rursus quòd D. Thomas ait. *Spes in qua cum caret presentia sui obiecti, causat afflictionem:* nobis non nocet: quia non dicit esse de ratione omnis prorsus actus spei carere presentia physicà sui obiecti existentis pro posteriori ad spem.

168. Hinc inferuntur duo. Primum. Non requiri arduitatem, aut futuritionem realem ex parte objecti: quoniam supposità invincibili ignorantia, sive positivà, sive negativà circa difficultatem, absentiamque boni, possumus efficaciter erigere animum ad obtinendum illud ob rationem nuper datam: Ei namque qui meritò, vel immeritò suspi-

P. Ribade-
neyra disp.
10. de vol.
num. 5.

Roman. 8.

D. Thom. 1
2. qu. 32.
art. 3. ad 2.

Æneid. 6.

suspicitur magnam aliquam difficultatem, jure dici potest. *Nunc animus opus Æneæ: nunc pectore firmo*: & merito potest ille erigere animum ad colluctandum cum eis difficultatibus tenaciter apprehensis, sicut Troianus corripit ferrum adversus inanes umbras; *Striditque aciem venientibus offert*: fortitudo enim est actus voluntatis, & hæc non tam dirigitur objectivis realitatibus, quàm diſtamine vero, vel ſalſo intellectus. Secundum. Non requiri in objecto ſpei arduum, aut futuritionem intentionalem *poſitivam*; ſed ſufficere purè negativam conſiſtentem in carentia cognitionis proponentis objectum ut facile, vel præſens; carentia namque diſtæ cognitionis ſufficit cum prudentiæ philoſophicæ, tum fortitudini quas importat ſpes. Dices: cur ſimiliter non dicimus poſſe eſſe objectum ſpei illud, quod re ipſa non eſt bonum imò neque poſſibile: quandoquidem etiam proponi poſſe ut poſſibile ac ut bonum? Reſpondeo ambo poſſe eſſe objectum ſpei naturalis: ſecus tamen ſupernaturalis quia hæc ut pote certiffima inniti non poſſe niſi promiſſioni divinæ, & hæc non poſſe eſſe niſi de rebus poſſibilibus, atque bonis poſſe verò eſſe de re facili, quæque ex vi ipſius promiſſionis exiſtit jam in inſtanti præſenti independentem ab ipſo actu ſpei; quòcirca licet æquè ſonent in objecto ſpei bonitas, arduitas, ac fatutricio; eſt nihilominus diſcrimen, quia adeſt prædicatum aliud in ſpe ſupernaturali, nempe certitudo non aliunde naſcens quàm ex divina promiſſione, poſcentq; bonitatem veram, & realem in objecto ſpei, quod eſt objectum promiſſionis; non verò adeſt prædicatum ullum poſcens arduum, aut futuritionem ſumptam pro præſenti carentia, veram, & realem: & excludens purè exiſtimatam.

169. Replicabis. Si quis invincibiliter judicaret Cœlum eſſe Deum, & hoc errore ſuppoſito, Cœlum diligeret ſuper omnia propter ſuam divinitatem, non eliceret actum charitatis Theologicæ juſtificantis: ergo ſi quis invincibiliter credit objectum eſſe arduum, atque futurum quando tale non eſt, non elicit actum ſpei. Probatuſ conſequentia. Ideò primam eſt verum, quia licet actus voluntatis æquivalenter virtualiterque quoad moralitatem ſint illius virtutis, cujus objectum formale, atque materiale exiſtimatum habent; eo quòd moralitas in genere, ac ſpecie ſumatur ab invincibili, prædictoque diſtamine conſcientiæ: non tamen phyſicè, ac formaliter ut dicebam agens de auditione fidei propter revelationem purè exiſtimatam: atque idcirco non elicit poenitentiam re ipſa, & formaliter talem, ille qui in invincibiliter credens eſſe poenitentiam manus ablueret, abluir manus, quidquid ſit de æquivalentia quoad meritum, neque elicit actum charitatis Theologicæ, qui errore illo circa Cœli divinitatem laboraret. Nempe virtutes etiam voluntatis, ut ſtrictè phyſicè, ac formaliter tales determinatam requirunt materiam, determinatumque objectum formale: ac ſpes actualis eſt actus voluntatis, determinateque requirit objectum arduum, & futurum; ergo non eſt phyſicè ac formaliter ſpes actus ille, qui tendit in objectum, quod pure exiſtimativè eſt arduum, & purè exiſtimativè deſicit de præſenti quamvis ſit ſpes virtualiter, & æqui-

æquivalenter quoad meritum . Nego consequentiam replicæ , & concessa majore probationis cum prima parte minoris , nego secundam ; quia de ea est quæstio ut existente physicè ex parte rerum , & non debet supponi ut certum id de quo est dubium . Explicatur . Ut homines reciprocè intelligerentur , suasque ipsas agnoscerent operationes , determinatam definiunt vocibus significationem , determinatamque materiam , atque obiectum formale virtutibus : ergo sicut non licet extendi contra Sapientium placitam , ita neque coactatio præter ipsam . At charitati Theologicæ definiunt pro materia determinatam Deum , & proximum ; pro obiecto autem formali divinitatem verè , ac simpliciter talem , & denique pro exercitio actum dilectionis simplicis , vel efficacis . Item poenitentiz assignarunt pro exercitio actum fugæ , pro materia actum culpæ , & pro obiecto formali aliud , super quo non conveniunt Authores (Vide Suarez) ergo neque actus est charitatis Theologicæ physicè , & formaliter talis , neque est actus poenitentiz physicè , & formaliter talis iste quem obijcis . Cæterum pro materia spei duntaxat declararunt rem bonam , arduam , & futuram præcindendo à realitate , vel sola existimatione invincibili harum qualitarum , quia ut voluntas actu forti , & prudente exardescat in obiectum , necesse non est , quòd hæ qualitates physicè ex parte rerum existant in obiecto : sed sufficit quod firmiter apprehendantur : ergo si existant si vè purè existimentur , sufficiunt ad spem naturalem . In spe supernaturali aliud datur prædicatum jam dictum determinatè requitens bonitatem verè talem nullum tamen datur requirens arduitatem , vel futuritionem verè talem , ergo spes Theologica , & supernaturalis , quæ non modo æquivalentor , sed physicè , & formaliter sit talis , extendi potest ad illud , quod neque re ipsa est arduum , neque deficit de præsentis . Et ratio est quam non semel dedi . scilicet luctam cum solis apprehensis difficultatibus , animumque subjectivè absolutum aggrediendi consecutionem rei , sit nec ne difficilis , spectare etiam ad fortitudinem , partemque irascibilem , & posse prudentem esse si nullum suboritur dubium .

170 Ultima pars erat : absentiam intentionalem merè negativam sufficere , ac requiri quoad futuritionem , quam importat obiectum spei . Quod ne confusè , atque indistinctè accipias , memento , hanc absentiam quadripartitam . Nam potest consistere primò in carentia cognitionis certæ existentis pro priori ad spem , atque distantis bonum existere independentè à conatu hominis . 2. in carentia cognitionis certæ existentis pro priori distantis obiectum existere pro posteriore , in carentia cognitionis certæ , quæ existeret pro posteriore , & distaret obiectum existere pro posteriore . 4. in carentia cognitionis certæ existentis pro posteriore , & distantis obiectum existere pro priori . Dixi semper *cognitionis certæ* , quoniam si cognitio fuerit merè probabilis , ac formidolosa non impedit prudentem conatum in bonum , & consequenter non impedit spem illius . Dico igitur solam primam indispensabiliter requiri , quoniam soliditas esset conari seriò , & efficaciter in

P. Suarez.
disp. 2. de
poenitentia
sect. 3.

in consecutionem illius, quod antecedenter praevidens independentem à tuo conatu. Et eam solam sufficere quoad rem praesentem quia juxta rationem paulò ante exhibitam, eo ipso quòd objectum proponatur, ut bonum assequibile, & pro priori ad spem non proponatur, ut jam existens independentem ab illa, possumus ferri in ipsum actu forti, & prudente si cætera adsint requisita.

171 Reliquæ neque sufficiunt neque requiruntur universaliter. *Non sufficiunt*; nam eo ipso quòd pro priori ad omnem conatum boni habeat homo cognitionem certam de existentia illius independentem ab omni conatu proprio (de existentia inquam praesenti) nequit spem concipere prudentem. At quamvis neque habeat cognitionem existentem pro posteriore, & distantem objectum existere pro priore, neque cognitionem existentem similiter, & distantem objectum existere pro posteriore, neque cognitionem existentem pro priori, & distantem objectum existere pro posteriori: fieri nihilominus potest quòd pro priori ad conatum boni habeat homo cognitionem certam de existentia praesente ipsius independentem ab omni conatu: quandoquidem hæc cognitio cum nulla illorum trium connectitur, ut meditati patebit: ergo quamvis nulla deret ex tribus illis cognitionibus, fieri potest quòd homo non possit prudenter sperare attentio futuritionis titulo; ergo nullius ex illis cognitionibus carentia sufficit. Item *neque requiruntur*. Nam eo ipso quòd pro priori ad spem non habeat homo certam cognitionem de existentia boni independentem ab omni conatu suo potest prudenter conari ad ipsum obtinendum, ut sæpè dictum: at quamvis deficiant illæ tres carentiæ idest quamvis certò cognoscat pro posteriori ad spem, bonum existere pro posteriori ad eam, & quamvis certò cognoscat pro priori ad spem bonum existitum pro posteriori ad eam, & demum quamvis certò cognoscat pro posteriori ad spem objectum illud extitisse jam pro priori; fieri nihilominus potest quòd pro priori ad spem non habeat homo cognitionem de existentia praesente boni independentem ab omni suo conatu, siquidem hujus cognitionis carentia non connectitur ullatenus cum illis: ergo quamvis nulla carentia ex illis tribus deret, potest homo prudenter conari in illud bonum. Major erit certa intelligenti eam; quoniam licet fieri possit, ut homo ille nequeat prudenter concipere spem, nascetur impotentia hæc ex alio capite quod modo non disputamus. Sed non ex defectu sufficientis futuritionis, de qua sola disputamus nunc.

172 Hactenus de prima parte futuritionis, scilicet de absentia objecti. Aggredimur secundam, nimirum *existentiam ipsam futuram*, ex cujus genuina explicatione pender gravis illa quaestio. Num videlicet sperare possit beatitudinem ille cui facta est revelatio terminative absoluta de sua damnatione. Et ratio dubitandi est clara. Apex difficultatis consistit in assignatione futuritionis quæ sufficiat, & requiratur simul in objecto ad concipiendum spem illius. Sed hujusmodi futuritio non est assignabilis. Probatur, vel est futuritio physica ex parte

te rerum, vel intentionalis consistens in aliqua cognitione. Primum est falsum, nam quamvis objectum neutiquam sit ex parte rerum futurum, v.g. beatitudo reproborum: vel eo quod objectum illud imbibat duo contradictoria, potest invincibiliter cognosci, ut futurum, sed eo ipso reliquis suppositis possumus illud sperare. Ergo ea futuritio non est necessaria. Neque sufficit: quoniam eo ipso quod invincibiliter cognoscamus objectum, ut impossibile, nequimus illud sperare, sed quamquam re ipsa sit futurum, possumus illud invincibiliter cognoscere, ut impossibile, ergo quamquam re ipsa sit futurum, fieri potest quod ex presenti capite nequeamus ipsum sperare: ergo neque sufficit neque requiritur futuritio ista realis. Si secundum iterum quæro. Vel ista futuritio intentionalis est purè negativa consistens in carentia cognitionis certæ dictantis objectum non esse futurum? Vel est positiva, consistens in cognitione enunciante objectum esse futurum? Si primum? illa carentia non requiritur, ille namque cui facta est revelatio absoluta de sua damnatione propter peccatum, quod committeret, dicitur posse sperare beatitudinem; & tamen non habet illam carentiam, quinimò habet certam cognitionem de eo quod non existeret sua beatitudo, ergo. Si secundum? rursus quæritur. Vel ea intentionalis futuritio positiva consistit in cognitione enunciante absolute ac immediate objectum exiturum esse? Vel in cognitione enunciante conditionatè objectum exiturum? Si primum? non requiritur ea cognitio supposita veritate nuperi exempli. Si secundum? non sufficit quia cum nullum sit possibile objectum quod non existat sub aliqua conditione, cognitio enuncians duntaxat objectum existere conditionatè sub aliqua conditione, duntaxat enunciat objectum esse possibile: At cognitio enuncians duntaxat objectum esse possibile licet sufficiat simplici complacentiæ vel etiam desiderio specificè tali, non tamen spei ut mox dicam ergo de primo ad ultimum nihil est assignabile, in quo consistat futuritio, quam exigit objectum spei.

§. II.

173. **N**ihilominus. Dico 2. Objectum spei aliquomodo futurum esse debet, prout futuritio plus dicit, quam mera possibilitas metaphysica. Hæc futuritio non est physica obiectiva ex parte rerum, neque intentionalis positiva consistens in iudicio prorsus certo, & absoluto enunciante immediate futuram existentiam obiecti. Neque consistens in iudicio probabili enunciante absolute eandem existentiam. Neque in iudicio reflexo, certo, enunciante ejusdem probabilitatem. Neque in iudicio utcumque enunciante objectum illud esse conditionatè futurum præcisè sub aliqua conditione. Neque in iudicio præcisè enunciante adesse causam sufficientem

illius boni, aut nos gavituros plena potestate purificandi conditionem acquirendique illud bonum. Sufficiens ergo, & requisita futuritio quoad rem præsentem est intentionalis: partim positiva, & partim negativa consistens in complexo tum ex carentia cognitionis habentis hæc duo. (Primo enunciare certò, & absolutè obiectum nunquam existitum. 2. non supponere positivè libertatem proximam ad sperandum) tum ex cognitione de eo, quòd sufficientem habemus, vel habebimus potestatem acquirendi tale bonum, si illud à nostra cooperatione pendet: vel cognitione de eo quòd alius sufficientem potestatem, inclinationemque habebit ad illud nobis donandum, si illud bonum ex ejus duntaxat pendet largitione quamobrem futuritio, quam habet nostra beatitudo, cujus habemus spem supernaturalem, consistit partim in carentia cognitionis certæ antecedentis, ac absolutæ de nostra damnatione non supponentis positivè nostram libertatem ad sperandum (certum quippe est non dari in hac providentia hujusmodi cognitiones, quidquid sit de revelationibus comminatoriis, ac purè conditionatis, quæ omnibus in generali, & nonnullis in particulari, ut Judæ, & Ninivitis factæ sunt, scriptum est enim *nescire hominem finem suum*, & partim in actu fidei, quo credimus fore ut obtineamus beatitudinem si mandata servaverimus, insuperque nobis non defuturum auxilium divinum ad illa servanda. Futuritio autem boni, quod petimus, ac speramus, ut largiendum à solo Deo independentem à nostra cooperatione v.g. salus temporalis, vel spiritalis amicorum consistit partim in carentia perfectæ cognitionis, partimque in cognitione positiva de eo quòd Deus potestate, bonitate, fidelitateque pollet superabundante ad largiendum tale bonum.

174. Probo primam partem, quia hoc maxime differt spes à desiderio purè, ac specificè tali, quòd huic habendo sufficiat agnoscere rem esse bonam, & possibilem; spes autem plus desiderat: stoliditatis quippe argueretur, qui speraret rem purè possibilem metaphysicè, nullam penitus habens probabilitatem de ejusdem futuritione, ergo obiectum spei aliquomodo futurum esse debet prout futuritio plus importat supra possibilitatem metaphysicam. Addo hoc propter illos, qui ajunt sufficere, quòd obiectum sit *possibile speranti*, seu *practice possibile* quibus non contradico, quia hæc possibilitas practica, seu respectiva ad sperantem est, quam dico futuritionem prout distinctam à mera possibilitate metaphysica. Secunda pars suadet in primo dilemmate rationis dubitandi. Probo tertiam partem. Judicium absolutum prorsus certum, immediatèque enuncians existentiam nostræ beatitudinis nequit dari absque speciali revelatione juxta testimonia Scripturæ, ac Tridentini toties data; & tamen sperare possumus, ac debemus nostram beatitudinem: ergo absque illo judicio possumus hanc sperare: sed eo ipso quòd hanc speremus habet futuritionem, quam in suo obiecto materiali desiderat spes: ergo hujusmodi futuritio non consistit in eo judicio: ergo licet illud sit futuritio sufficiens, non

non ramen requisita. Confirmatur doctrinā seuvel, & iterum dandū. In eodem puncto temporis, in quo Petrus peccaminosē omittit actum spei beatitudinis possunt hæc omnia ordine hoc contingere. 1. quod Deus videat illud peccatum. 2. quod in pœnam illius reveler ei absolutē suam damnationem. 3. quod Petrus illam spontē, vel necessitatus credat per actum fidei supernaturalis (longior quippe alias necti solet catena rerum sibi invicem succedentium ordine causalitatis, & simul in eodem momento temporis existentium) ac in hoc casu datur absoluta certitudo de non futuritione beatitudinis coniunctim cum peccaminosa spei omissione, & consequenter cum libertate proxima ad sperandum, ergo coniunctim cum hac potest dari ejusmodi absoluta certitudo. Sed coniunctim cum ejusmodi certitudine nequit dari iudicium prorsus certum, & absolutum enunciāns immediatē, ac directē beatitudinem, ut patet, ergo deficiente hoc iudicio dari potest libertas proxima ad sperandum: sed quoties datur proxima libertas ad sperandum, datur sufficiens futuritio in objecto spei: ergo deficiente hoc iudicio dari potest sufficiens futuritio in objecto spei, ergo hæc futuritio non consistit in eo iudicio.

175. Respondebis primò ex doctrinā Patris Hurtadi mox citandi. Aliud est, quod duo prædicta nequeant coexistere in eodem signo: aliud in eodem instanti, sed pro diversis signis. Primum est verum, & secundum falsum. Contra, quia res essentialiter oppositæ nequeant coexistere in eodem instanti reali licet pro signis diversis, alias res, & rei carentia possent existere in eodem puncto temporis modo existant pro diversis signis, quæ pessima, & barbara videretur vocis intelligentia. Et ratio est, quia signa rerum non sunt involucria, vel cubilia ab eis adæquate, distincta; sed res ipsæ, vel complexa ex ipsis resultantia, quocirca signorum discretio remedium est purē verbale ad defendendum res posse sibi invicem coexistere, quandoquidem res omnes metaphysicē invicem oppositæ eo ipso sunt in diversis signis: atqui duo prædicta iudicia sunt invicem opposita, quatenus rationalium nemo potest habere simul eos duos assensus: ergo duo prædicta iudicia, neque in eodem signo, neque in eodem instanti rationabiliter coniungi valent. Explicatur. Nihil commune rebus metaphysicē inconiungibilibus in eodem instanti, est remedium sufficiens, ut coniungi possint duo prædicta iudicia: at signorum diversitas communis est rebus metaphysicē inconiungibilibus, eo quod omnia metaphysicē opposita eo ipso sint in signis diversis, quia eo ipso sunt realiter diversa, ergo ista signorum diversitas non sufficit ad concordanda duo prædicta iudicia. Respondebis 2. Spes nostra est certissima circa beatitudinem, sed non aliunde haurit certitudinem, quam ex prævio iudicio regulante, ergo præsupponit iudicium omnino certum circa futuritionem beatitudinis, sive illud sit elicium à fide, ut delirant hæretici, sive aliū rationis, ut voluit Almaynus. Hunc nodum solvi suo loco, ubi dixi: certitudinem nostræ Spei non esse undequaque absolutam (cum jubeamur operari nostram salutem

Et Ephef.
6.
Trid. sess. 5
ca. 4. & 12

476

Disp. IV. Cap. XI.

cum timore, & tremore, interdictumque sit vanam habere fiduciam, sed respectivam ad Deum, & qua parte respicit hujus auxilium.

176. Eodem principio omnis alius probus quartam partem: Videlicet hanc futuritionem non consistere in judicio subiectivè probabili enunciatæ absolute futuram existentiam obiecti. Nihil inconiungibile cum A coniungibili cum B., est simpliciter necessarium ad B. (Omne quippe simpliciter necessarium ad hoc terminat hujus connexionem: cumque aliunde omne fundamentum connexionis essentialis sit oppositum illi, quod est inconiungibile termino sue connexionis, palam sit B esse oppositum ei, quod est inconiungibile cum suo termino: ergo si non est inconiungibile cum A., aperte sequitur non esse terminum sue connexionis illud, quod est inconiungibile cum A.) at iudicium probabile enuncians immediate, ac absolute, beatitudinem esse aliquando futuram, est inconiungibile cum iudicio prorsus certo, & absolute enunciatæ illam nunquam esse futuram, & hoc insuper iudicium est coniungibile cum libertate proxima sperandi, ut numero 174. explicui. Ergo iudicium illud probabile non est simpliciter necessarium ad libertatem proximum sperandi. Ergo non est simpliciter necessarium ad futuritionem, quam in suo obiecto requirit actus spei, ea namque proxima libertas indispensabiliter trahit secum ejusmodi futuritionem. Probo similiter quintam. Scilicet neque consistere in judicio reflexo subiectivè certo, enunciatæque probabiliter futuræ existentie obiecti, in cujus contrarium coincidunt sententia P. Hurtadi, & P. Oviedi, his, vel illis verbis explicatæ. Ubi non nego sufficientiam, sed necessitatem eorum iudiciorum. Nil sine quo potest dari sufficiens futuritio in obiecto spei, est id, in quo consistit determinatè ea futuritio. Sed sine hoc iudicio, quod ponit Hurtad. *Nihil video cur existimem me esse reprobum.* Et sine hoc, quod addit Ovied. *Probabile est, me adepturum tale bonum.* potest dari sufficiens futuritio in obiecto Spei. Probatur: eo ipso, quod datur iudicium fidei supernaturale omnino absolutum de damnatione futura, eo modo quem paulò ante exposui neutrum ex istis duobus iudicijs existere potest in isto eodem instanti: at quando datur sufficiens futuritio in obiecto Spei dari potest prædictum iudicium de damnatione futura: ergo quando datur sufficiens futuritio possunt ambo ista iudicia deficere. Probo minorem: Omne instans, in quo datur proxima libertas ad actum spei est instans, in quo obiectum habet sufficientem futuritionem: at instans, in quo datur hac libertas, potest esse instans, in quo datur prædictum iudicium, ut jam exposui. Ergo instans, in quo datur sufficiens futuritio, potest esse instans, in quo datur prædictum iudicium.

177. Solutio P. Hurtad. distinguens inter dari *in eodem instanti*, & dari *in eodem signo* iam est præoccupata. Respondet 2. P. Oviedo. Illud iudicium enunciatæ probabilitatem beatitudinis æternæ præcisè motivis, & circumstantijs existentibus pro priori ad spem: iudicium verò quod nos obijcimus enunciatæ carentiam pro signo posteriori: & non apponuntur iudicia, quorum unum affirmat existentiam rei æternæ.

ris unis motivis & alterum negat eandem alij in speciebus circumstantijs. Sed contra. Judicium precise enuncians probabilitatem, veritatem, certitudinemve rerum *attentis precise unis motivis* non enunciat absolute, & simpliciter eas modalitates, neque reddit animum securum de probabilitate, veritate &c. rei; ergo si hoc solo iudicio contentus sis, non defendis iudicium verè, & simpliciter enuncians probabilitatem futurationis beatitudinis. Probatur antecedens. Nullum iudicium compossibile cum iudicio certo, & absoluto de improbabilitate, falsitateque rei enunciat absolute, & simpliciter probabilitatem, aut veritatem rei, seu est assensus utriusvis: ac omne iudicium *precise* enuncians probabilitatem, aut veritatem &c. *attentis precise unis motivis* est compossibile cum iudicio certo, & absoluto de improbabilitate, falsitateque rei; quandoquidem frequens est hic modus iudicandi. *Verum est quod assensus precise hac ratione probabilis, verumque est tale obiectum; verumtamen absolute; & simpliciter est prorsus falsum, & improbabile.* Ergo nullum iudicium precise enuncians probabilitatem, aut veritatem rei *attentis precise unis motivis* enunciat absolute, & simpliciter probabilitatem, seu est assensus strictus, & rigorosus illius. Neque hoc argumentum retorqueri potest in ultimam partem nostræ conclusionis; quoniam in sensu composito eorum duorum, quæ ibi proponimus, licet dari possit iudicium de ingenti difficultate beatitudinis vehementerque timor non consequendi illam; non tamen iudicium pravius certum, & absolutum de illius improbabilitate: quoniam si daretur hoc iudicium daretur iudicium certum subjective de non consequutione beatitudinis, cui enim est prorsus improbabilis res A. est prorsus certa subjective carentia ejusdem: illo autem iudicio certo existente deficeret carentia ejusdem, quæ carentia est unum ex illis duobus, quæ ibi ponimus.

178. Explicatur. Vel requisitio istius iudicii de probabilitate beatitudinis coincidit cum illa ultima parte nostræ conclusionis vel non? Si primum erit dissidium purè vocale. Si secundum? ex illa nostra sententia sumenda est ratio à priori contra hanc. Eo ipso quòd homo cognoscat sibi donandam esse a Deo plenam, & sufficientem potestatem adipiscendi beatitudinem, & pro priori ad spem huius non habeat certam cognitionem de eo quòd absolute non obtinebit beatitudinem, potest serio, & efficaciter conari in illam, & consequenter sperare: qui enim caret hac cognitione, & ex alia parte agnoscit in sua manu esse consequutionem boni, cur nequibit illud sperare, ac quamvis neutrum ex illis duobus iudiciis expressis, ac formalibus detur; possunt contingere illa duo: ergo quamvis neutrum detur ex illis, potest homo sperare beatitudinem. Sed quoniam homo potest hanc sperare, hanc habere futurationem, quam in suo obiecto requirit spes. Ergo quamvis neutrum detur ex istis iudiciis, potest dari sufficiens futuritio: ergo hæc non consistit in ullo ex istis duobus iudiciis. Neque refert primò, ad spem prudentem non sufficere cognitionem solius possibilitatis obiecti. Ergo requiritur cognitio de probabili consequutione illius: quod bifariam

iam confirmatur ab Oviedo: quia nemo prudens intendit efficaciter rationem, quin pro priori expendat sit nec ne prudenter, seu probabiliter assequibilis ille finis. Item pro priori ad fidem est necessaria cognitio de prudente credulitate obiecti: ergo pro priori ad spem est necessaria cognitio de prudente saltem sperabilitate: sed hæc cognitio est cognitio de probabilitate consequendi bonum; ergo requiritur huiusmodi cognitio. Consequentia obiectionis est nulla si procedat de iudicio expressè, ac formaliter enunciante probabilitatem. Secus si de iudicio virtualiter, & indirectè illam enunciante quale potest dici iudicium quod nos ponimus. Ad primam confirmationem nego antecedens, si procedat de probabilitate expressa, & formali, quoniam sufficit expendere sit nec ne in propria manu acquirere illum finem, & non dari certam, absolutamque cognitionem de non consequutione ejusdem independentem à potestate intendendi illum. Ad secundam concedo consequentiam; ait prudens sperabilitas non consistit necessariò in formali, expressaque probabilitate obtinendi finem, cum sufficiat complexum ex certa noticia de eo quod donanda sit nobis à Deo sufficiens potestas comparandi illud obiectum, & ex carentia iudicii tories dicti: quocirca inter hanc cognitionem *possibile est bonum A.* & hanc *probabile est me adepturum bonum A.* mediat hæc *sufficiens habebis potestatem adipiscendi illud si voluero*. Prima non sufficit ad spem concipiendam. Secunda non requiritur. Tertia sufficit, ac requiritur, quæ maior est quàm prima, & minor quàm secunda: atque idcirco potius quàm hanc secundam requiro illam tertiam quando bonum dependet à nostra cooperatione. Cætera huc spectantia invenies in Prodro mo disp. 5. num. 25. ubi consortium explico revelationis de damnatione cum libertate ad sperandum beatitudinem.

§. III.

179. **P** Robo sextam partem. Nempe hanc futuritionem non consistere plenè, ac sufficienter in iudicio enunciante obiectum quomodolibet futurum conditionarè. Tum quia nullum iudicium compossibile cum iudicio certo absoluto, atque antecedente de non futuritione beatitudinis, est per se præcisè sufficiens futuritio illius: at iudicium præcisè enuncians beatitudinem futuram esse conditionatè compossibile est cum iudicio certo absoluto, & antecedente de hypothesi non purificanda, & consequenter de beatitudine nunquam futura: siquidem veritas conditionalis præcisè ut talis nihil ponit in esse ergo. Tum quia cum nullum sit possibile obiectum quod sub aliqua conditione non existat, quodvis bonum possibile haberet futuritionem, sufficientem ad concipiendam spem prudentem ipsius, si sufficeret sola, parè futuritio conditionata. Probo similiter septimam partem contra P. Ri-

P. Ripalda, & doctos RR. cum securos: nimirum eam futuritionem non consistere plenè, ac sufficienter in iudicio præcisè enunciantæ ad esse causam sufficientem illius boni, aut nos plenè gavissuros posse stare comparandi illud. Nullum iudicium compossibile cum iudicio certo, & absolut de non futuritione beatitudinis independenteque è libertate ad sperandum est per se præcisè futuritio sufficiens: quoniam si tale iudicium non pendet subiectivè ab illa libertate sequetur quòd antecedenter, seu independenter ab illa erit homo certus absolute de non futuritione beatitudinis, unde nequibit prudenter sperare illam. At prædictum iudicium est compossibile cum hoc secundo. Probatur. Esto Petrum firmiter, & absolute assentiri revelationi de sua damnatione propter peccatum furti quod postea committer; agnoscere tamen sibi non defuturam sufficientem potestatem ad vitandum illud peccatum, beatitudinemque acquirendam. Ecce consortium quod affirmat minor, quoniam licet sciat in sua manu esse acquirere beatitudinem, scit etiam independenter penitus à libertate sperandi suam marum potestatem abusuram, & beatitudinem non adepturam. Ergo. Ubi non disputo consortium prædictæ revelationis cum libertate *mediata* ad sperandum, & consequenter cum casu in quo beatitudo habere potest sufficientem futuritionem, Sed duntaxat nego iudicium illud esse per se præcisè futuritionem sufficientem, quandoquidem si est coniungibile cum casu futuritionis etiam est coniungibile cum casu non futuritionis.

180. Obiiciunt hi Authores. A nullo potest negari posse hominem illud bonum sperare, quod novit esse in sua potestate. Distinguo hoc. Si ulterius noscat independenter subiectivè à libertate sperandi, se abusurum ea potestate, & consequenter non adepturum illud bonum, nego (quia omnis, qui certus prorsus est antecedenter ad libertatem sperandi, se non adepturum bonum, nequit proximè sperare illud, uno excepto casu, nempe quòd certitudo hæc sit subiectivè consequens ad liberam omissionem, aut conceptionem spei, prout jam explicui) si hanc secundam notitiam non habeat, concedo propositionem. Alia est futuritio intentionalis positiva, consistens, in iudicio enunciantæ aliquid ex eis, quæ in hac conclusione repulimus. Alia futuritio intentionalis merè negativa consistens in carentia iudicii de non futuritione absoluta beatitudinis. Assentior his Authoribus, quoad exclusionem iudicii enunciantis aliquid illorum; sed dissentior quoad secundum: illi namque contenti sunt iudicio enunciantæ in nostra potestate esse acquirere bonum. Ego autem præter hoc iudicium requiro carentiam dictam.

181. Aggrediamur jam ultimam partem, quam sic explico. Dixi *carentiam iudicii*, quoniam merè apprehensione non obtinendi bonum, quamvis suavis sit, sperari potest, & consequenter non impedit sperare, nam in sensu composito illius potest dari prudens iudicium futuritionis sufficientis ad spem. Dixi 2.^o *certè, & absolute enunciantis*. Quoniam si iudicium sit merè probabile, aut formidolosum, non opponitur cum prudentia spei, nam etiam in sensu composito ejusdem

eiusdem potest dari prudens iudicium reflexum de probabilitate obtinendi bonum, quod iudicium licet non requiratur, sufficit tamen ad spem. Item si iudicium enuncians bonum illud nunquam exiturum non sit absolutum, sed conditionatum non impedit spem, potest enim coexistere iudicio absoluto de probabilitate obtinendi bonum. Dixi 3. *non supponentis positivè libertatem ad sperandum*, quoniam si dictum iudicium hanc supposuerit libertatem, eo quod supponat omissionem spei, per hanc tendentiam, *quia omitto actum Spei, damnabor*: vel eo quod supponat spem actualem per hanc tendentiam, *quamvis modò spero beatitudinem, damnabor*, non impedit proximam libertatem sperandi, & consequenter sufficientem futuritionem in obiecto spei, ut explicui in Prodomo Disp. 5. num. 252. & 255. Arguo itaque, quoties homo habet proximam libertatem sperandi, sufficiens datur futuritio in obiecto spei: quia proxima hæc libertas ad spem prudentem impræscindibilis est realiter ab ea futuritione. Sed quoties ex una parte detur carentia prædicti iudicii, & ex alia detur iudicium de eo quod nobis donabitur potestas sufficiens acquirendi illud bonum si velimus: vel illum alterum, à quo solo pendet illud bonum, habere sufficientem potestatem, inclinationemve donandi illud: quoties inquam hæc duo concurrant, habet homo libertatem proximam ad spem prudentem suppositis alijs prærequisitis, quæ modo non disputantur. Ergo quoties hæc duo concurrant datur sufficiens futuritio in obiecto spei, ergo illud complexum est sufficiens futuritio; cumque aliunde non requiratur ulla ex eis, quas repuli à num. 174. sequitur illud complexum esse sufficientem futuritionem, & requisitam. Minorem primi Syllogismi iam probavi nuper num. 178. Ostendat quippe contrarius quidnam ex capite futuritionis obiecti deficiat homini illi, qui ex una parte certus est de plena, & sufficiente potestate acquirendi bonum, & ex alia non habet firmum antecedentem assensum de eo quod sit abusus ea potestate; assensum inquam independentem ab ipsa libertate ad sperandum, nam si fortè eum habuerit pendentem ab ea libertate nil refert; quoniam huiusmodi assensus nequit impedire illam futuritionem quam præsupponit eo ipso, quod præsupponat proximam sperandi libertatem.

182. Hinc primo distinctionem capies inter hos quatuor assensus firmos, & absolutos. *Damnabor quidquid iam fecero. Damnabor propter peccatum quod commisi, & quod nunquam me pœnitebit. Damnabor propter peccatum quod commissurus sum. Damnabor propter spei omissionem quam modò habui.* Nam quidquid sit de amicitia, vel inimicitia cum libertate ad sperandum, de quo egi in loco illo Prodomi iam citato, tria priora iudicia non relinquunt ullatenus in beatitudine futuritionem necessariam ad concipiendum spem illius: excludunt quippe sui ipsorum carentiam quam necessariam diximus ad futuritionem dictam; quartum compossibile est cum ea futuritione: nam supponit per se immediate omissionem spei in eodem instanti per se immediate peccaminosam, ergo supponit in eodem instanti libertatem proximam sperandi,

randi, ergo supponit in eodem instanti futuritionem sufficientem in beatitudine; ergo hanc futuritionem non excludit. Hinc 2. convenientiam intelliges, & disconvenientiam inter ambas eas partes quas in futuritione claudi scripsi. Sicut enim non requiritur quod absentia obiecti sit physica ex parte rerum neque intentionalis positiva, sed sufficit merè negativa; ita non requiritur quod ejusdem existentia sit postea physice ex parte rerum, neque quod sit intentionalis positiva, sed sufficit intentionalis negativa consistens in carentia prædicti iudicii omnino antecedentis, certi, & absoluti, tanquam inadæquatè constituyente eam futuritionem. Cæterum futuritio quoad absentiam rei non amplius poscit, quàm carentiam cognitionis enunciantis præsentem rei existentiam; quoad existentiam autem futuram ultra carentiam dicti iudicii postulat positivam cognitionem saltem de eo quod nobis donabitur sufficiens potestas acquirendi bonum, si illud pendeat ex nostra cooperatione: vel de eo quod alius sufficientem potestatem inclinationemque habet ad illud nobis concedendum.

CAPUT DUODECIMUM

Quid, & quotuplex sit Timor?

181.



UEMADMODUM spes est conatus efficax (effectivè, vel saltem affectivè) in bonum arduum, & futurum iuxta iam dicta, quod licet ex parte rerum non sit tale, tale nihilominus proponatur his, vel illis terminis. Ita timor in genere est fuga efficax saltem affectiva a malo

arduo, & futuro, quod menti obversatur ut habens has condiciones. Porro quæstiones eadem quas Theologi movent contra bonitatem, contra arduum, contra futuritionem boni quod est obiectum spei moveri possunt, & solent contra maliciam, contra arduum, & contra futuritionem mali quod est obiectum timoris; sed hæc resolvendæ sunt principiis iisdem quibus supra resolvimus illas; quamobrem brevitati consulens paucas restringam, quæ specialem excitare possunt difficultatem. Timor affectivus in genere (de timore intellectuali iam egi disp. 2. num. 5.) est duplex. Primus, qui est passio, spectatque ad appetitum materiale, & potest cadere in bruta. Secundus qui est actus spiritualis ad voluntatem spectans, & à solis oriundus rationalibus. Illum primum divisit S. Thomas in sex species nimirum *segnitiem, erubesceniam, verecundiam, admirationem, stuporem, & agoniam*. Consule ibi eum, ubi causas, & effectus hujus materialis timoris egregiè descripra videbis.

S. Thom.

1.2.4.41.9

4.44.

182 Timor qui est actus voluntatis in solisque rationalibus invenitur

nitur est quadruplex. *Filialis*, seu *castus*; *servilis*, *initialis*, *mundanus*, seu *humanus*. Hæc divisio non est analogica seu æquivoca, sed univoca, quia unumquodque ex membris dividendibus verè, & simpliciter est timor. Rursus est adæquata quoad rem præsentem quoniam non loquimur nunc de timore purè physico, sed de morali, & prout conjungit, vel disjungit animum à Deo. Si disjungit est timor mundanus & improbus; Si conjungit, vel est consumatus, & perfectus in sua specie, vel tener adhuc, & remissus. Si hoc secundum? est timor initialis. Si illud primum, Vel ex motivo Divino, & sic est timor Filialis vel ex motivo vitandi pœnas annexas peccato, & sic est timor servilis. Hinc mundanus, servilis, & filialis differunt specie inter se, initialis autè in tota sua latitudine solum differt ab his duobus penes magis, & minus, quæ speciem non mutant. Timor filialis est fuga à peccato, quatenus hoc displicet Deo. Et dicitur *filialis*, quia proprium est filiorum abstinere à patris injuriis, quæ talibus dicitur etiam *castus*, quia S. Augustinus explicuit illum exemplo castæ uxoris horrentis ab adulterio non timore, sed amore sui viri. Probant multi hunc timorem ex Psal. 18. *timor Domini Sanctus permanens in sæculum sæculi*. Unde inferunt Cœlicolas habere quoque timorem culpæ, cumque illis non sit timor propter pœnam, à qua securissimos se cognoscunt, restat quòd sit propter solum Deum. Non aquietesco. Tum quia si solus recessus, seu abominatio peccati, propter Deum esset timor culpæ etiam Deus ipse timore concuteretur, siquidem culpam detestatur propter se ipsum.

183. Tum quia de ratione timoris est quòd suum objectum sit aliquomodo futurum, sicut est futurum respectivè objectum spei, nemo enim cordatus timet id, quod neutiquam imminet, ergo nullus, qui independentem à sua libertate præsentem atque futura, novit objectum illud nunquam exiturum, sive ex aliena, sive ex propria determinatione: & insuper novit se nunquam habiturum libertatem ad illud ponendum in rebus: nullus inquam id generis potest habere timorem strictè talem illius objecti, ac omnes Beati independentem à sua libertate præsentem atque futura noscunt se nunquam lapsuros in peccatum (sive ex propria determinatione, quia libertatem verè talem non habebunt ad peccandum; sive ex aliena determinatione strictè tali, quia id est impossibile) ergo nullus Beatus habere potest timorem strictè talem peccandi, sive subeundi pœnam ullum sive cavendi Deo.

184. Dico timorem strictè talem quia habere possunt alios affectus timori affines, quique confundi solent cum eo, nempe displicentiam, vehementem horrorem, aversionemque qualem habere solent etiam qui securissimos se vident ab aliquo malo; Sed hi affectus simplices sunt, & incomplexi instar amoris stricti qui esse potest de objecto entitativè necessario; timor autem est instar desiderii affectus complexus, quippe qui suapte natura tendit, vel absolute, vel conditionate in sui objecti impeditionem, sicut spes in sui objecti consecutionem. Cautè igitur discernendi sunt affectus, qui cum distincti sint confundi solent. Et hinc habes quo timore culpæ, gehennæ, amissionis Dei &c.

S. August.

183. 9.

in Ioan.

Psal. 18.

percelli possint Beati scilicet timore improprio, convertibili cum horrore, displicentia, aversioneque simplici, licet in sua specie intensa, arque efficace. Melius ergo probatur existentia timoris filialis ex eo quod fuga efficax, seu recessus (non dico à culpa, quia id sub lite est ab extrinsecis, vehementibus illecebris ad peccatum, motus ex solo respectu ad Deum verè est timor illarum; quia illæ sunt malum quoddam magnum imminens, & cujus vitatio ardua esse solet. Sed hic timor neque est mundanus, neque servilis, neque initialis, ut parer. Ergo filialis. Quocirca licet non omnis actus charitatis sit formaliter timor filialis, omnis tamen filialis timor est formaliter, vel saltem præsuppositivè actus charitatis Theologicæ. Hinc rejicitur sententia Durandi explicantis timorem filialem pro timore p-næ damni, & servilem, pro timore p-næ sensûs. Rejicitur inquam. Tum quia innititur fundamento vacillanti, scilicet non posse dari timorem culpæ eo quod, hæc sit voluntaria, & consequenter proveniens à principio intrinseco, quam rationem paulò post disputabimus. Tum quia admittit hæc Theologia negari nequit hominem ex motivo divino posse efficaciter recedere affectivè ab illicitis ipsis, & invitamentis ad culpam. Sed hic recessus est timor filialis, & non propter p-nam damni, sed propter illud divinum motivum. Ergo dari potest timor filialis qui non sit propter p-nam damni.

*Durand in
3. dist. 4.
quest. 4.*

185. Timor servilis est fuga à peccato propter p-nas illi annexas. Hunc timorem esse honestum moraliter præterquamquod infertur ex doctrina Ecclesiastica contra Bajum, & ex Concilio Tridentino satis docetur à Christo Domino agente. *Ostendam vobis quem timeatis: time-te cum qui postquam occideris, tabes potestatem mittere in gehennam.* Ecce proponit omnibus motivum timoris servilis: nimirum p-nam infligendam contumacibus: Ergo hic timor dignus est quem Christus exciet in nobis: Ergo est honestus. Si dixeris primò S. Thomam sic concludere. *Sic ergo timor servilis in quantum servilis charitati contrariatur.* Respondeo geminam servilitatem discernendam esse in hoc timore, unam ipsi essentialem consistentem in tendentia aversante peccatum unice propter p-nam; alteram accidentalem consistentem in conjunctione cum peccato. S. Thomas loquitur de hac secunda, arque idcirco comparat ibidem timorem servilem cum fide informi, quæ solum per accidentalem conjunctionem sui cum peccato adversatur charitati. Nos verò loquimur de prima; præterquamquod timor prædictus adversatur charitati non quidem in genere moris, quasi sit peccatum; sed in genere phyico quatenus non movetur ex generoso illo motivo, neque ut servilis moveri potest, ex quo movetur charitas. Si dixeris 2. SS. Parres damnare timorem servilem? Respondeo eos loqui de timore mundano ut notavit eximius Doctor. Præterquamquod tres solutiones (quas in Decadis Regularum Scripturæ probo) præ oculis habenda sunt ex sacra litteratura eruta universalitatis, qua loqui solent SS. Parres, & qua alicubi loquitur Augustinus damna is virtutes Ethnicorum eo quod absque fide exercitæ erant. 1. propositiones uni-

*Concil.
Trident.
sess. 6. cano.
13.
Luc. 12.
S. Thom.
2. 2. qu. 19.
art. 4.*

*Suarez.
disput. 1.
de spe
sect. 4.*

versales non semper intelligendæ sunt in rigore luministico v.g. *Omnes quotquot venerunt fures sunt, & latrones*. 2. solitum esse negare unis quod longe minus est quàm quod habent alii v.g. *tibi soli peccavi*, cum peccaverit etiam contra Uriam, & contra totum Regnum. 3. solitum esse negare id, quod finem suum non obrinet. v.g. *Scribe virum istum sterilem* cum ille genuerit Salathiel. Si tandem dixeris. Timor non est in charitate; sed perfecta charitas foras mittit timorem ut scribit Ioannes, quæ sententia cum non possit intelligi de timore filiali, restat ut de servili intelligatur. Respondeo. Cum Christus Dominus; apud Lucam iam citatum hortetur nos ad timorem servilem, nempe ad timorem Dei propter gehennam, in quam nos mittere potest: item cum Concilium Tridentinum hunc timorem annueret cum dispositionibus ad iustificationem, palam fit S. Ioannem non docere charitatem mittere foras timorem servilem, sicut mittit foras peccatum; sed sicut perfectum expellit minus perfectum, eo sensu quo Paulus dixit. *Cum autem veneris quod perfectum est evacuabitur, quod ex parte est*; non quia quod ex parte est sit peccatum; sed quia est minus perfectum: atque idcirco ibidem addit Ioannes: *qui autem timet, non est perfectus in charitate*. Ubi non dixit *non est in charitate*. Parco aliis explicationibus istius textus, & aliorum similium contra honestatem timoris servilis: quia de his egi tractatu de Penitentia.

186. Timor initialis, licet soleat esse initium sapientiæ, ac charitatis; verumtamen non est sic definiendus. Nam etiam timor servilis initium solet esse charitatis habitualis, iuxta Tridentinum proxime citatum. Neque consistit in solo timore filiali incipiente, & adhuc tenero, ut opinantur docti R.R. Ideo namque per vos, hic timor non bene explicatur per solum initium charitatis, quia in superiore divisione ponitur, ut membrum dividens distinctum a timore servili, qui initium quoque solet esse charitatis, et ponitur quoque ob eandem rationem, ut distinctus à timore filiali: & timor filialis tener adhuc, & tepidus, est substantialiter timor filialis, quia hæc magis, & minus non mutant speciem, ergo prædictus timor, vel non ponitur in dicta divisione, ut distinctus à servili: vel ponitur etiam, ut distinctus à filiali, & consequenter non est timor filialis incipiens. Igitur timor initialis in genere est ille, quo sive propter Deum, sive propter poenam, salubriter concuti incipit homo adversus culpam. Si enim timor filialis adhuc tenellus, & imbellis est timor initialis respectu alius filialis etiam, sed magis robusti: cur similis timor servilis non erit quoque timor initialis respectu alius, servilis quoque, sed magis vivacis? Subdividendus igitur est timor initialis in initialem filialem, & initialem servilem; alias timor servilis tepidus adhuc, & incipiens deerit superiori divisioni, quin sufficiat dicere eum intelligi in eo membro *timor servilis*, nam etiam timor filialis incipiens intelligitur in eo altero *timor filialis*. Porro

quando S. Thomas dixit, timorem initialem esse actum quemdam medium inter servilem, & filialem, quo præluxit Durando, sic expressit.

presè loquenti, intelligendus est de solo initiali filiali, quatenus ex fervili transire solemus ad filialem repidum, & ex hoc ad intensum juxta illud *ascensionem in corde suo disposuit*; sed non loquutus est de initiali servili, qui verè quoque est initialis proximè respectu aliis servilis vividioris; remotè autem respectu filialis, & magis remotè respectu justificationis. Jam quòd hic timor initialis sit etiam honestus constat tum ex Ecclesiastico. *Fili accedens ad servitutem Dei, sit in justitia, & in timore*. Tum ex eo quòd sicut timor ipse robustus, sive filialis, sive servilis, est honestus; ita idem licèt repidus, & merè inchoatus, quamvis minus honestus sit. Denique timor mundanus est ille, quo ita fugit homo à malo, ut illius vitandi causà recedat à Deo, vel recedere sit paratus. Hic est ex genere suo nequam, ut per se patet, quocirca ab illo nos cohibet Christus Dominus, ubi supra. *Nolite timere eos, qui occidunt corpus*. Sed quid dicendum de timore magis noto, quia magis vulgari, idest de fuga ab aliquo grandi malo imminente, *quis est malum nobis*. Perspicuum est istum non esse timorem Theologicum, cum nihil habeat divinum pro obiecto formali proximo. Cum autem sit actus concupiscentiæ, seu amor proprius, est vel non est honestus prout sit vel non sit consentaneus regulis charitatis, quas erga nos habere debemus. Odium sanè, & abnegatio propria, quam jubemur, non est ut subeamus; sed ut vitemus infernum.

187. Quxres. An timor sit primariè actus fugæ, ut supponimus in definitione, vel potius actus prosequutionis? Hoc secundum descendunt multi agentes, timorem esse primariè prosequutionem, seu volitionem subiectionis ad Deum propter eminentem hujus potestatem ad insigendum malum contumacibus. Sed his fundamentis confundere videntur effectum cum causa, ut xpiissime contingit in his rebus. Sicut enim spes Theologica actualis non stat formaliter in prosequutione subiectionis ad Deum propter hujus eminentem potestatem ad nos beandum, sed in conatu efficace ad beatitudinem, & ex hoc conatu oriri solet volitio subijciendi nos Deo, quia potest nos beare. Itaque timor Theologicus non stat formaliter in ista prosequutione subiectionis passivæ ad Deum, quia hic potest nos punire; Sed in fuga efficace ab hoc malo, ex qua fuga nasci solet ista prosequutio nostræ prosequutionis ad Deum. Etenim ista volitio subiectionis istius, vel est, aut præsupponit fugam efficacem ab isto malo, quod Deus infligere potest, vel non. Si primum? ecce jam timorem stantem in fuga ista, nam quid est ista fuga à malo magno, & futuro, si non est timor illius? Si secundum? ista volitio istius subiectionis propter potentiam infligendi malum, à quo nullum penitus habes horrorem, perinde est, ac volitio subiectionis ad Deum, ob eminentiam potestatis, quam habet ad condendum, & conservandum hunc, & alios mundos: nam par est pro omnibus eminentia suæ potestatis, ergo si hoc hęc secunda non est timor, quia nulla datur aversio à termino hujus eminentiæ, ita neque illa prima si nullus datur horror ab illo malo, quod Deus infligere potest.

§. II.

188. **J**AM super timore multas, & graves excitant quæstiones: Arist. x. *Rethoric.* Philosophi Erici, quibus occasionem dedit Aristoteles: timorem namque describens ait. *Futuri mali corruptivi, aut dolorem infrentis perturbatio quadam, aut dolor: non enim cuncta timemus mala, remota namque non timentur, omnes enim sciunt se morituros, verum quia non propè, idèd non curant.* Et rursus. *Opus est salutis subesse spem, pro quo borrescunt: cuius signum, quod timor ad consulendum inducit.* Cujus Aristotelicz doctrinæ meminisse videtur Cicero scribens. Timor est *metus mali appropinquantis*. Hinc quæres 1. an discrimen inter spem, ac timorem sit quòd illa sit semper efficax, & hic interdum inefficax? Affirmant RR. agentes hanc esse communem apprehensionem. Sed immeritò, sicut enim timor interdum est efficax, nempe quando inducit ad consulendum, eo quòd suum obiectum non prævideatur, ut certo futurum, neque ut certò non futurum: & interdum est inefficax, eo quòd non sit magnus. Ita spes interdum est efficax, inducitque in actu secundo ad mediorum positionem, & interdum inefficax, effectivè: eo quia bonum præcognoscatur certò futurum, absolutè independentèr à libertate sperantis, & consequenter non inducit in actu secundo ad consulendum, eligendumve media.

189. Testes sunt animæ, quæ olim degebant in limbo, nec nunc modo in Purgatorio cruciantur: quæ spem gloriæ habebant, & habent in sensu composito absolutæ certitudinis obtinendi beatitudinem independentèr jam à sua ipsarum libertate præsentè, atque futura, ergo ex hoc capite non differunt spes, & timor. Et ratio est, quia vel loquitur de efficacia effectiva, vel de affectiva. Si primò? fateor illam non semper inesse timori, verum neque spei, ut constat ex nupero exemplo, quod communis Theologia, & hi quoque Auctores admittunt. Consistit namque hæc efficacia in connexionè cum fine ratione connexionis cum eo quòd sperans apponat media hic, & nunc necessaria ad illius consequutionem; quando autem finis prævidetur obtinendus independentèr à præsentè, & futura libertate sperantis, necesse non est, quòd hic eligat, seu apponet media, cum sufficiat se habere quasi merè passivè. Ergo spes tunc non habet connexionem dictam. Si secundò? fateor spem gaudere semper ista efficacità saltem conditionali, explicabilique hac voce *vellem* majore, aut minore, prout fuerit intensior, vehementiaque spei. Nam, ut jam dixi, non omnes actus spei sunt ardore, intensioneque pares. At timor eadè efficaciâ gaudet saltem conditionali, explicabilique hoc terminò *nollem* majore, vel minore prout fuerit vivacior, acrimoniaque timoris, ergo admittenda non est ista differentia inter spem,

spem, atque timorem. Quæres 2. An malum, quod est obiectum timoris debeat imminere proximè? Affirmant Aristoteles, & Cicero locis citatis, sed nos habemus firmiorem sermonem, cui benefacimus attendentes sacram scilicet doctrinam. Tametsi enim frequentior, & vividior sit timor, quando malum imminet proximè dari etiam potest quando impendit remotè, quoniam Scripturæ, ac PP. incutiunt nobis timorem, tum infernalium poenarum, tum capitalis sententiæ definitivæ ferendæ in extremo mundi die; & tamen hæc non imminet proximè, nec absolntè, ergo dari potest timor mali non imminetis nisi remotè.

190. Quæres 3. an Deus sit obiectum timoris? Nil magis ingeminatum in Scriptura, quàm Deum timendum esse. Et nil magis ingeminatum in scholis, quàm timorem esse obiecti mali. Cumque Deus neque sit neque esse possit malum creaturarum, ecce rationem dubitandi. Movet hanc quæstionem S. Thomas. Et respondet Deum esse obiectum, ut *quo* timoris, idest subiectum, seu principium, à quo nobis timere debemus si pervicaces fuerimus; non tamen ut *quod*, quia Deus non est malum ullum. Igitur respondeo. Deum esse obiectum ut *quo* timoris propter hanc rationem, & in hoc sensu loquuntur Scripturæ. Item obiectum ut *quod*, non quidem Deus specificativè, ac secundum se præcisè inspectus propter istam rationem S. Thomæ; sed reduplicativè ut amissus, vel amittendus, quoniam eadem bonitas, quæ possessa exhilarat animum, amissa torquet formaliter, ut talis bonitas, quia dolor est formaliter immediatè non de amissione utcumque, sed de amissione determinata *talis bonitatis*, seu, *de tali bonitate*, ut amissa: sicut idem malum, quod præsens torquet, ut triumphatum exhilarat non ut *quo* instar exercitij formalis cruciandi, vel exhilarandi, sed ut *quod*, quia lætitia est formaliter immediatè de tali malo ut superato. Quamobrem licet Deus specificativè, ac secundum se præcisè spectatus, non sit bonum, aut malum nostrum formale; ac tamen reduplicativè, ut possessus beatitudine supernaturali, est bonum nostrum: & reduplicativè, ut amissus est ingens nostrum malum ira, ut ambæ denominationes simul, & indivisibiliter cadant supra Deum, & formam; quàmvis æquivocè, ac proportionatè ad uniuscujusque naturam. Tam enim repugnat Deo esse nostrum formale bonum, quàm esse nostrum malum, & tam potest esse nostrum malum radicaliter, hoc est, subiectum, aut principium justè nobis insignens malum: quàm nostrum radicale bonum, idest principium misericorditer imperians nobis aliquod bonum. Explicatur. Sicut verificativum propositionis, quod tale sit in sensu positivo (qui frequentior est, & magis vulgaris) est illud, quo existente propositio est vera, & quo deficiente est falsa; verificativum in sensu negativo non est istud; sed potius illud, quod attingitur per propositionem negativam, & quo existente illa est falsa, & quo deficiente illa est vera: atque idcirco sola existencia Petri v. g. est verificativum propositionis negativæ, verificativum inquam non in sensu positivo, & vulgari (ecce æqui-

S. Thom.
2.2. qu. 19
art. 1.

equivocationis radicem) sed in sensu negativo: quoniam verificatio propositionum affirmativarum, ac negativarum non sunt regulanda perpendiculo eodem, cum illae sint adeo dispares, qua distinctione qui non utuntur vacillant inter defendendum solam existentiam rei esse obiectum verificativum propositionis negativae. Ita aliud est malum, quod in sensu positivo sit tale; & aliud, quod in sensu mere negativo tale sit. Primum est illud quod praesens cruciat, & absens delectat; Secundum est converso, quod absens cruciat, & praesens recreat. Cumque Deus possessus exhilaret, amissus torqueat, idcirco est bonum nostrum in sensu positivo, & ingens malum nostrum in sensu mere negativo, sed non absolute, quia dissonat valde haec locutio absoluta. Deus est malum nostrum.

191 Quares 4. an malum culpe sit obiectum timoris? Negat absolute Aristoteles inquiens. *Non enim cuncta timeamus mala, ut fieri injustus, vel stultus; sed quaecunque, vel magnos dolores, vel corruptionem adducunt.* Coincidit S. Thomas, qui ad hanc quaestionem respondet. *Dicendum quod sicut obiectum spei est bonum, futurum, arduum, quod quis potest adipisci ita timor est de malo futuro arduo quod non potest de facili vitari. Ex quo potest accipi quod id quod omnino subiaceret potestati, & voluntati nostrae, non habet rationem terribilis; sed solum illud est terribile, quod habet causam extrinsecam. Malum autem culpa causam propriam habet voluntati humanam, & ideo proprie non habet rationem terribilis.*

Eandem doctrinam supponit paulo ante, & repetit paulo post. En rationem ob quam multi Thomistae absolute, ac sine distinctione respondent negative huic quaestioni; sed meminisse debuerant verborum, quae immediate post haec scripsit S. Doctor nosque producemus infra.

Ex adverso latere S. Augustinus ait. *Illud potius time quod si nobis non eris, quid? peccare: peccare time.* Et alibi. *Timore autem casto ipsa, quae bunc timorem foras mittis, peccare timet caritas.* En rationem ob quam alii absolute quoque, ac sine explicatione respondent affirmativè quaestioni.

Antiqua valde origo difficultatum in Scholis perstreptentium, absoluta affirmatio horum, & absoluta negatio aliorum: cum tamen cribratis terminis, & pulvere excusso idem dicere soleant uni quod alteri, ut in praesentiarum contingere experietur quiquis utraque rationes perpendit.

192 Placethac de causa (quidquid contradicat P. Oyiedo) discutito, qua procedit P. Coninck, cui praeluxit eximius Doctor. Trium considerari oportet, quae verè ex parte rerum inveniri solent in peccato. Primum sola, nuda, & praecisa ratio delectabilitatis, seu utilitatis. Secundum voluntarieras malitiae violandi legem divinam contra conscientiam retrahentem. Tercium fomes peccati, fragilitas ingenta, aliique graves impulsus ad hoc malum perpetrandum, gravisque difficultas in abstinendo ab illo.

Rursus aliud est malum culpae formaliter, ut tale; aliud formaliter, ut tale praesentis: hoc namque syncategorema expugnat cetera omnia, & solam nudamque relinquit malitiam formalem; illud autem primum locum relinquit, ut alia

P. Oyiedo. *controv. 5. de spe n. 17*
P. Coninck. *disp. 20. dub. 3.*

P. Suarez. *disp. 1. de spe sect. 4. num. 4.*

alia adveniant, à quibus malum culpæ formaliter ut tale denominationem accipiat, quam subire nequit *formaliter*, ut tale præcisè. Et hoc evenit in præfenti, utjam exponam. Denique sicut in objecto spei considerandum est objectum purè materiale nempe objectum speciatum: & objectum formale, ratio nimirum sub qua spes terminatur ad illud objectum: & conditio objectiva requisita in eo objecto ad hoc ut terminet spem v. g. arduitas. Ita in objecto timoris, ut bene advertit idem Oviedo, aliud est objectum purè materiale scilicet malum grave imminens, cuius vitatio est difficilis; aliud autem objectum formale, ratio videlicet propter quam objectum illud dignum est, quod timeamus v. g. arduitas vitandi illud, licet enim objectum formale sit quoque requisitum; non tamen omne requisitum est objectum formale, siquidem quantitas requiritur in objecto, ut hoc videatur, & tamen non est objectum formale videndi.

193. Respondeo ergo quæstioni. Licet malum culpæ non sit obiectum timoris secundum solam, & nudam rationem utilitatis, voluptatis, aut voluntarietatis, quam importat. Ideo neque secundum solam, nudam, & præcisam rationem malitiæ, & consequenter licet illud formaliter, ut tale præcisè, non sit obiectum timoris. Verum absolute loquendo, omnibusque pensatis malum culpæ formaliter ut tale potest esse obiectum timoris. Probo duas priores partes: de conceptu timoris est, quod suum obiectum materiale sit positivè (& non negativè duntaxat, aut præcisivè) malum magnum aliquo modo futurum, vitatum difficile, id est, quod cognitio prævia timorem excitans positivè proponat, sive complexè, sive incomplexè distas qualitates in objecto: sicut de conceptu spei est, quod cognitio ipsius regulativa proponat verè, vel falsè, incomplexè instar apprehensionis, vel complexè instar iudicii obiectum materiale, ut bonum magnum, futurum, & arduum, ergo neque illud, quod præcisè, ut tale non proponitur, ut malum, neque illud, quod præcisè ut tale, non proponitur ut vitatum difficile, sunt præcisè ut talia obiectum materiale timoris. Et quamquam hunc excitare soleat sola suspicio, vel dubitatio harum qualitarum, idè est quia hæc suspicio si non directè; reflexè saltem proponit illarum consequentiam in objecto, non quidem judicative, sed apprehensive. Tunc sic. Sed culpa præcisè secundum rationem *utilitatis*, *voluptatis*, ac *voluntarietatis* non proponitur positivè, ut mala; siquidem hæc rationes præcisæ, ut tales abstrahunt à malitiâ, & reperiri possunt in re undequaque bona. Item culpa secundum solam, & nudam rationem malitiæ, transgressionis quoque legis, ramenti proponatur, ut ingens malum, & proponitur positivè ut vitatum difficile, siquidem ea ratio præscindit ab arduitate vitandi culpam, & reperiri potest in re facile vitabili, ergo culpa neque secundum solam, & nudam rationem *utilitatis*, aut *voluptatis*, neque secundum solam, & nudam rationem *malitiæ*, est obiectum timoris.

194. Hanc autem esse mentem S. Thomæ loco citato in ratione dubitandi constat ex verbis, quæ immediatè subiungit, posito enim

exemplo timentis improborum societatem scribit. *Sed propriè loquendo in tali dispositione magis timet homo seductionem, quam culpam secundum propriam rationem* (nota hoc ubi præcisè attendit S. Doctor quidditati culpæ, quæ profectò præscindit ab arduitate, siquidem committi potest ex mera, & pura malitia, absque impulsu, seu tentatione red-dente difficilem ipsius vitiationem) *id est in quantum est voluntaria, sic enim non habet, ut timeatur, ergo præcisè negat timorem culpæ secundum propriam rationem, & secundum voluntarietatem, quam & nos negamus; sed restant alii tituli, unde culpa potest esse obiectum timoris. Constat idem ex aliis textibus obiici solitis, in quibus semper meminit solius rationis voluntarietatis, aut solius rationis malitiæ, ergo quando negat culpam esse obiectum timoris præcisè loquitur de culpa secundum solam rationem malitiæ, aut, voluntarietatis. Quo-circa sicut ille, qui locutus in sensu essentiali meritiò diceret hominem non esse album, eo quia hoc attributum non reperitur indispensabiliter in omni homine; ita loquens Sanctus Doctor in sensu essentiali, & rerum naturas inspiciens, jure scripsit malum culpæ non esse obiectum timoris, siquidem arduitas, quam obiectum timoris indispensabiliter poscit, non invenitur necessariò in omni culpa. Neque dicas cum P. Oviedo ubi supra, rem hanc esse per se notam, & credendum non esse Sanctum Doctorem docuisse dumtaxat veritatem per se notam. Etenim licet sit per notum, culpam secundum solam rationem voluntarietatis, vel voluntatis non esse obiectum timoris; non est per se notum, illam secundum solam, & nudam rationem voluntarietatis, atque malitiæ non esse obiectum timoris, quia ad hoc probandum opus est recurrere ad alia duo, quæ non sunt per se nota. Unum est: obiectum timoris non esse contentum solâ malitiâ imminente, sed ulterius, postulare arduitatem. Alterum est: voluntarietatem consistere in eo, quod actus sit à principio intrinseco. Cumque neque P. Co-nink, neque nos dicamus S. Thomam docuisse illud primum præcisè; sed ulterius addamus docuisse secundum: inde fit quòd juxta explicat-ionem nostram non docuit rem per se notam.*

§. III.

195. **P** Robo tertiam partem. Nimirum. Malum culpæ absolu-tè omnibusque pensatis posse esse obiectum timoris: non quia beatitudo sit obiectum spei, tamen ab extrinseco tantum sit difficilis, ut arguunt RR. Etenim, quòd bene notat P. Oviedo, S. Thomas absolutè pronunciat beatitudinem esse obiectum spei, & absolutè quoque pronunciat malum culpæ non esse obiectum timoris. Ergo discrimen aliquod agnovit. Et ratio est; quia cum beatitudo sit intrinsece supernaturalis, unumque ex primarijs in hac sphaera, inde est quòd non

P Ovied. ib.
num. 28.

solum ab extrinseco, sed intrinsecè quoque est ardua, cum ex suis intrinsecis sit supra vires totius naturæ, quòd profectò non accidit malo culpæ. Præterea non dixi malum hoc semper, ac necessariò esse, sed posse esse objectum timoris: quoniam hoc ut tale postulat arduitatem, & fieri potest quòd malum culpæ faciliè possit vitari, ut primi Parentes potuerunt manum temperare ab arbore prohibita; nec ut contingit omnibus illis, qui ex pura malitia peccant. Arguo iam sic pro illa tertiâ parte. Ideò per vos malum culpæ formaliter ut tale nequit esse objectum timoris, quia non est malum terribile, & ideò non est malum terribile quia non est ab extrinseco, sed ab intrinseco; cum ex proprio suo conceptu sit voluntarium, cujus character est esse à principio intrinseco. At quamvis ratio hæc optima sit ad probandum illud specificativè sumptum, id est secundum solam, nudam, & præcisam rationem culpæ, atque voluntarietatis, non esse objectum timoris; impar tamen est probando illud absolutè, ac simpliciter omnibusque attentis non posse objectum esse timoris. Probatur 1. quia etiam res voluntaria potest esse objectum spei, ut constat ex Paulo ad Romanos. *Cum in Hispaniam proficisci cæpero, spero quòd præteriens videam vos.* Illud autem præterire, atque videre liberum erat Apostolo, & consequenter voluntarium. Item ex prima ad Corinthios. *Spero enim me aliquantulum temporis manere apud vos.* Hæc brevis mansio libera etiam, & voluntaria erat eidem. Et alibi. *Spero autem in Domino Jesu, Timotheum me citò mittere ad vos.* Hæc quoque missio libera erat, & voluntaria. Tunc sic. Tam requirit arduitatem objectum spei, quàm objectum timoris licèt æquivocè. Si ergo actio voluntaria objectivè, cùs principium primum, volitio nimirum, est à principio intrinseco, potest habere arduitatem sufficientem, ut sit objectum spei, juxta Apostolicam phrasim, cur malum culpæ (præcipuè consistentis in actione externa) tamen voluntarium, & consequenter à principio intrinseco, habere nequit arduitatem, atque terribilitatem necessariam ad objectum timoris?

Roman. 15.

1-Cor. 16.

Philip. c. 2

196. Et ratio est: quemadmodum ut objectum verè, ac simpliciter sit proximè visibile ex parte sui, sufficit quòd luce, ac colore perfundatur, sive illa habeat ab intrinseco, sive ab extrinseco, ut passim contingit in objectis, quæ non sunt per se ab intrinseco lucida v.g. colores ipsi materiales. Item ut verè, ac simpliciter sit calidum, sufficit, quòd verè, ac simpliciter afficiatur colore, sive illum habeat ex sua natura ut ignis, sive contra suam naturam ut aqua, sive neque juxta, neque contra ut lignum. Ita, ut objectum verè, ac simpliciter sit sperabile, sufficit quòd verè, ac simpliciter habeat magnam bonitatem, arduitatem, atque futuritionem, sive tria hæc habeat per se ab intrinseco, sive ab extrinseco, ut multoties contingit in futuritione, quæ profectò non solet esse intrinseca objecto. Item, ut verè, ac simpliciter sit terribile, seu capax terminandi timorem, sufficit quòd verè: ac simpliciter habeat malitiam magnam, imminentem, vitatque difficilem, sive illam habeat per se ab intrinseco, sive ab extrinseco, quia neque in de-

fnitione spei, neque in definitione timoris præscribitur quòd hæ qualitates sint intrinsecæ, ac essentialia objectis horum affectuum, & in rerum notionibus sicut non est detrahendum, ita neque quidquam addendum. Et quemadmodum in exemplis prolatis, aliisque innumeris, quæ proferri poterant, hoc solum datur discrimen quòd unæ res per se ab intrinseco gaudent eis denominationibus, aliæ autem tantum ab extrinseco; verè tamen, ac simpliciter gaudent illis (sicut aqua verè, ac simpliciter est calida, licèt talis sit ab extrinseco, & accidentia materialia verè, ac simpliciter sunt visa, licèt ab extrinseco propter lucem, quæ perfunduntur, & visionem quam terminant, quod idem deprehendes in objectis verè, ac simpliciter cognitis, amatis &c.) ita in spe, ac timore.

197. Quando objectum per se ab intrinseco est bonum, futurum, & arduum per se ab intrinseco est sperabile; quando ab extrinseco accipit aliquam ex his qualitatibus, verè tamen, ac omnibus pensatis habet illam; verè est objectum sperabile licèt ab extrinseco. Similiter quando objectum per se ab intrinseco est malum imminens, vitæque difficile, per se ab intrinseco est terribile, seu capax quòd timeatur; quando verò ab extrinseco duntaxat habet has qualitates, verè tamen, & omnibus pensatis habet illas; verè est objectum terribile, quamvis ab extrinseco; aliàs dicemus esum carniæ die Veneris, & reliqua mala quia prohibita non esse verè, ac simpliciter mala quandoquidem talia sunt præcisè ab extrinseco propter prohibitionem. Item quemadmodum in exemplis productis illæ denominationes non afficiunt præcisè formas illas, sive conditiones extrinsecas: sed ipsa quoque subiecta: ita casu quo bonitas, arduitas, vel futuritio boni sunt huic ab extrinseco spes non terminatur duntaxat ad illud extrinsecum, sed ad objectum ipsum, quod ex illo extrinseco est bonum, futurum, & arduum. Et casu quo malitia, arduitas, vel imminencia mali sit huic extrinseca, timor non terminatur duntaxat ad illud extrinsecum, sed ad objectum quòd ab illo extrinseco est malum &c. Sic ergo firmum, esse absolute omnibusque pensatis terribile, seu dignum quòd timeatur, objectum illud quòd absolute, & simpliciter, omnibusque pensatis, est malum, grave, futurum, & vitæ difficile: terribile inquam specificativè, ac per se ab intrinseco, quando per se ab intrinseco afficitur his attributis; & terribile ab extrinseco, seu reduplicativè ut subsistens eis conditionibus, quando ab extrinseco habet illas. Tunc sic. Sed malum culpæ formaliter ut tale, licèt specificativè ac secundum solam rationem malitiæ, non habet arduitatem: item licet absolute loquendo non habeat semper ab intrinseco omnes distas qualitates (ut mala illa quæ sunt mala unice quia prohibita quæque facile vitari possunt, patranturque ex pura malitia) nihilominus sapè sit quòd absolute omnibusque pensatis habeat malitiam, futuritionem, atque arduitatem saltem ab extrinseco, ut constat ex omnibus eis peccatis imminentiis, quæ agrè admodum & non nisi speciali auxilio Dei vitari possunt ratione fragilitatis, inveteratæ consuetudinis, acrimoniæ

tentationis, vehementiæ inclinationis, & aliarum circumstantiarum, passim voluntarium, quæ arduam summè reddunt vitacionem illius culpæ, cuius veritatis testis est experientia. Ergo licet in alium culpæ formaliter ut talè præcisè, ac secundum nudam, & solam rationem malitiæ, aut voluntarietatis, nunquam sit obiectum timoris: item licet non semper sit talè per se ab intrinseco; potest verò talè esse absolute, ac simpliciter, licet ab extrinseco: quemadmodum aqua est calida, paries visus, & obiectum amatum. Huic explicationi nec adversarij contradicent credo, nisi quæstionem detorqueant ad loquendi modos.

198. Hinc non obstat, malum hoc ut pote voluntarium, esse à principio intrinseco. Instauratur quippe argumentum. Eo ipso quod possit esse malum imminens, vitatuque difficile, potest esse obiectum timoris, sed quamquam sit à principio intrinseco, potest esse malum imminens, vitatuque difficile ob vehementiam impulsus, tentationisque ad illud committendum ergo quamquam sit à principio intrinseco potest esse obiectum timoris. Et ratio est quia si forte dumtaxat ab intrinseco, subsisteret ratio contraria; at non est dumtaxat ab intrinseco, sed etiam ab extrinseco circumstantiarum, non quidem determinantium, sed vehementer impellentium ad culpam, & hic vehemens impulsus sufficiens est ut homo non nisi magna difficultate abstinere possit ab illa. Sic condonatio gravis injuriæ, sic generosa vehementis tentationis victoria, sic contemptus honoris, ac divitiarum, sic captivitas intellectus in obsequium fidei, sic sexcenta alia ut pote voluntaria, sunt à principio intrinseco: quod non tollit, illa esse valde ardua, & nos specialissimo Spiritus Sancti robore indigere ad exequendum hæc heroica opera, quibus vitam peccata opposita. Ergo malum culpæ esse ab intrinseco (cui propositioni adeo fidem Thomæ) non est principium firmum ad negandum illud malum posse absolute ac simpliciter esse obiectum timoris. Neque obstat malum hoc non esse ab extrinseco quia jam dixi illud posse esse ab extrinseco, impulsivè licet non determinativè. Præterquam quod si datur inevitabilis atque irresistibilis prædeterminatio ad materiale peccati sufficienter est hoc ab extrinseco, id est, ab alio prædeterminante: cumque ex hoc materiale infallibiliter resulter malicia formalis absque potentia creata, vel increata vitandi hanc in sensu composito illius, palam sit tam materiale quàm formale peccati esse, sufficienter, ab extrinseco, ut sint materia timoris.

P. Ov. ibid.
num. 19

199. Hinc solvuntur utraque argumenta. Obiicitur. 1. cum P. Oviendo. Dum timemus fragilitatem nostram, ingruentesque tentationes, vel has timemus, ut formaliter per se ab intrinseco malas, vel eas unice timemus propter peccatum, quod ex illis procedere potest. Sicut Deum timemus propter supplicia, quæ inferre valet. Si primum malum illud quod timemus non est malum culpæ, quoniam fragilitas nostra, ingruensque tentatio non sunt formaliter in se ipsis culpa, ergo ex eo quod malum hoc timeamus non sequitur nos timere malum cul-

p2)

pe, ac quo solo est questio. Si secundum? non sunt obiectum malum, quod timeretur, sed principium à quo procedit obiectum illud malum, ergo recursus hic ad fragilitatem inclinationem, consuetudinemque nostram, nec non ad vehementiam tentationis, inuicilis est ut saluemus in malo culpe a diuitatem necessariam ad obiectum timoris. Respondio quomodo modum reuelatio est obiectum *quod* fidei diuinæ quatenus ipsius credimus existentiam: & insuper est obiectum *quo*, idest exercitium quo so maliter immediatè authoritas diuina reditè dignum fide mysterium: & quomodo Deus est obiectum *quod*, & *quo* charitatis Theologicæ, quatenus hac diligimus Deum propter Deum. Ita fragilitas nostra ingruens tentatio, & huiusmodi alia, quæ abinentiam à peccato reddunt arduam, possunt esse obiectum quod unius timoris, quem favebor, non esse formaliter, ut talem præcisè, timorem mali culpe ob rationem quam adducit arguens; ceterum etiam possunt esse obiectum *quo* timoris terminati ad malum culpæ; non quia sint *quo* hoc malum constituitur malum, sed quia sunt *quo* constituitur vitari difficile, quam difficultatem requirit obiectum timoris. Timemus igitur malum ipsum culpæ, ut *agrè vitabile*, & constituitur *agrè vitabile* per nostram fragilitatem; tentationisque vehementiam. Unde ad obiectionem permisso dilemmate cum suis sequelis nego ultimam. Quia recursus ad hæc capita dicta est ut saluetur arduitas in malo culpæ; eâ autem itabilità, cum ceteræ non desint conditiones ad timorem, potest dari hic circa malum culpæ reduplicativè, ut *agrè vitabile*.

200 Obiicitur 2. ex Thomistis. Malum culpæ formaliter, ut tale, non est obiectum terribile. Ergo nequit esse obiectum timoris. Probat antecedens, primò illud duntaxat est terribile quod imminet ab extrinseco, ergo quod imminet ab intrinseco, non est terribile, at malum culpæ formaliter ut tale imminet ab intrinseco quia est voluntarium, ergo 2. malum culpæ formaliter ut tale nequit esse pœna, ergo neque obiectum timoris. Probat consequentia. Ideo primum est verum quia non est ab extrinseco, quod ratio pœne postulabat, at idem postulat ratio terribilitatis, ergo 3. quoties aliquid timemus ut *quod*, timemus ut *quo* causam illius ergo si timemus malum culpæ, timebimus ut *quo* causam illius, at nos ipsi sumus causa illius, ergo timebimus nos ipsos, ut *quo*. 4. licet multoties contingat peccatum *agrè* vitari posse ob concurrentes circumstantias, hoc non sufficit, ut illud formaliter, ut tale sit obiectum timoris, nam solum arguit circumstantias illas ad culpam provocantes, esse quod timemus. Terminis ipsis conclusionis soluta sunt hæc. Distinguo antecedens. Formaliter ut tale præcisè non est obiectum terribile, concedo; formaliter ut tale non præcisè sed omnibus etiam aliis pensatis, subdistinguo. Non est obiectum terribile per se ab intrinseco, concedo: non est obiectum terribile absolute ac simpliciter, nego antecedens, & terminis eisdem distinguo consequens. Ad primam probationem permisso antecedente, distinguo consequens, quod imminet ab intrinseco *duntaxat*, concedo: non duntaxat ab intrinseco, sed

sed etiam ab extrinseco nego consequentiam. Malum culpæ formaliter, ut tale imminet quoque ab extrinseco: quatenus extrinsecus circumstantiæ possunt vehementer attrahere ad malum culpæ formaliter, ut tale, licet non *ut tale præcisè* quia id esset implicatio in terminis. Et sic solvitur etiam secunda probatio. Ad 3. permitto totum, quia verè possumus timere nos ipsos ut causas in malum culpæ proolives ab initio. Ad 4. nego illam: quia sicut apud Thomistas ipsos non solum possessio Dei, verum etiam Deus ipse, ut possidendus beatitudine supernaturali est obiectum materiale spei, licet Deus secundum se præcisè non sit arduus aut difficile dabilis in rerum natura, ut per se patet (Unde fit ut spes terminetur non ad solam possessionem Dei, sed etiam ad Deum ipsum ut possidendum) Ita licet arduitas vitandi peccatum non sit ipsi intrinseca, sed extrinseca; Nihilominus peccatum absolute simpliciter omnibus pensatis esse potest arduus vitacionis, & consequenter timor non terminatur ad solas illas difficultates, sed etiam ad peccatum ipsum, ut agere vitabile ob illarum concursum.

§. IV.

Uterior explicatio timoris.

201. Sicut hæc vox *spes* ambigua significationis est. Et hæc vox *spes* ambigua quoque est (unde multarum plerumque scaturigo difficultatum) ita hæc vox *timor* multifariam accipitur in utraque literatura, sacra scilicet, ac prophana. Interdum quippe significat dubium, vel suspicionem latentis alicujus mali: & hæc est vulgaris valde intelligentia, sed non scholastica, *quid dubitas? aut tuta times?* inquit Ovidius, idest malum latere suspicaris. Unde fit, ut sicut vulgus confundit spem cum cognitione ipsius directricæ, cum tamen spes strictè sumpta non sit actus intellectus; sed voluntatis. Ita sapientimè confundit timorem cum prævia cognitione illum excitante, idest cum cognitione apprehensiva, vel certò judicativa, vel formidolosa impendentis alicujus mali; sed hoc est confundere causam cum effectu, quia timor ipse Scholasticè sumptus non est actus intellectus, sed voluntatis. Interdum significat horrorem, aversionem, seu displicentiam impendentis mali, qui affectus sunt simplices, atque incomplexi, ut amor strictus. *Nihil magis, quàm perfidiam timemus,* aiebat Cicero pro Flacco, idest horremus, seu averfamur. Interdum obiectum ipsum materiale, seu formale timoris. *Illic trepidaverunt timore, ubi non erat timor.* Idest ubi neque res timenda dabatur, neque timendi motiivum. Interdum timorem reflexum;

Ovid.

lib. 5.

Trist.

deg. 2.

Cicer. pro
Flacc.

Psol. 13.

Psal. 90.

Psal. 54.

xum: quidem timor ipse directus potest esse malum quoddam, & imminens. *Non timebis à timore nocturno.* Interdum significat angorem, anxietatem, sive agoniā animi, qui affectus imitari solent, vel etiam subsequi timorem. *Tremor, & timor venerunt super me.* Interdum denique alia, quæ deprehendit quisque utriusque literaturæ fuerit peritus.

202. In nulla ex his acceptionibus disputamus nunc timorem; sed solum prout est *fuga efficax saltem affectivè à malo futuro, magno, & erduo.* Aliquis enim datur affectus cui competunt hæc attributa, ut experientia constat. Ille igitur est, quem modo disputamus, vocamusque timorem prout distinctum à tristitia, desperatione, anxietate, suspitione, angore, horrore, displicentia, aliisque affectibus timori concernitis, qui eum imitari solent quique in disputationibus passim confunduntur cum eo, & propterea cautè discerni debent: Neque dicas primò ista duo attributa *futurum, possibile vitari*, quòd tacitè imbibitur in illo termino *difficile vitari* esse invicem opposita. Quoniam obiectum timoris non semper est futurum *absolutè*, sed imminens, sive futurum conditionatè sub tali, vel tali hypothèsi, quæ absolutè vitari potest. Neque dicas 2. hanc explicationem timoris non permittere locum quæstioni vulgari inter scholasticos. Num videlicet timor subsistere possit in sensu composito notitiæ certæ, atque absolutæ, futuritionis mali, vel etiam non futuritionis? Certe quippe erit pars negativa si esse supponitur de conceptu timoris, quòd suum obiectum vitari possit quamvis ægrè. Id ne dixeris? Quia possibilitas etiam practica vitacionis consistens in libertate ad illam neque identicè, neque connexivè est vitatio ipsa, ergo stat bene quòd possit vitari; & tamen quòd sic certò absolutè futurum, neque quia non enunciamus sensum compositum vitacionis, aut non vitacionis; sed libertatis ad utramvis cum cognitione proponente obiectum timoris. Sed quia intelligentia dictæ definitionis quæstiones non paucas dissolvit, illam particulatim exponere oportet. Dicitur *fuga*, quia sicut spes habet locum suum inter actus prosecutivos: ita timor inter adversativos, & omnes huius vocabulo generico dicuntur *fuga*.

Disp. 4. de
spe num. 5.

203. Reclamant Thomistæ legendi apud cursum Carmelitarum, agentes, actum primarium timoris salvari sufficienter in actu, qui non sit fuga formalis à suo obiecto, sed merus, & purus affectus formalis prosecutionis, qui habeat pro obiecto materiali (seu pro obiecto formali, & primario quod, ut ipsi loquuntur) *passivum subiectivum creaturæ ad Deum*: & pro obiecto formali quo *eminentiam divinam, ut potentem malum inspicere*; qua explicatione viam sternunt timori, tum in Christo Domino, tum in Beatis. Quia verò textibus claris S. Thomæ se impugnari vident à nostratibus, idèò fatentur malum esse obiectum primarium, & principale timoris, non quia sit obiectum, ut quod, atque in recto; sed quia est connecatum indispensabile illius divinæ eminentiæ, quam respicit timor. Sed contra primò ex ipso Angelico Præceptore. Nil quod est proprium, & principale obiectum.

Actum timoris est purum connotatum ejusdem. Insoletis quippe est applicare mero connotato ea duo attributa, quis enim dicer proprium, ac principale obiectum hujus tendentiz animal esse sensationem, quæ tantum est connotatum illius: atqui juxta S. Doctorem *Proprium ac principale obiectum timoris est malum quod quis refugit*, & paulò post. *Timor autem principaliter respicit malum, cuius fugam importat*. Ergo 1. malum, istud ab jure vocatur patum connotatum timoris. Ergo 2. loquens S. Doctor indefinitè de timore, & consequenter universaliter (cum materia sit essentialis,) docet timorem importare fugam à malo, quod est principale suum-obiectum. Ergo fuga est prædicatum essentialè omni prorsus timori. Ergo impossibilis est timor, qui sit puta, & præcisa persecutio boni. Contra 2. Omnis actus voluntatis, cujus proprium, ac principale obiectum est malum quoddam, est fuga; ac omnis timor verè talis est actus voluntatis, cujus primarium, ac principale obiectum est malum quoddam: ergo omnis timor verè talis est fuga. Minor radicitur à S. Thoma locis nuper citatis aientè, *Dicendum quod sicut obiectum spei est bonum, futurum, arduum, quod quis potest adipisci. Ita timor est de malo futuro, arduo quod non potest de facili vitari*. Major probatur. Omnis actus voluntatis, qui obiecto tribuere debet denominationem vel amati, vel averfati, & non tribuit primam, tribuit secundam, & consequenter est fuga ab ipso. Sed omnis actus voluntatis, cujus obiectum proprium, ac principale est malum quoddam, est actus voluntatis, qui obiecto suo debet tribuere alterutram ex eis denominationibus: & non tribuit primam, quia malum ut malum non est capax amoris. Ergo tribuit secundam, consequenter est fuga ab illa. Probo primam partem minoris. Omnis actus voluntatis vel est accessus, vel est recessus. Ergo circa nil melius, quàm circa suum obiectum proprium, & principale exercere potest hac munera. Ergo omnis actus voluntatis vel est accessus, vel recessus circa malum quoddam, quando hoc est suum obiectum principale. Sed si est accessus tribuit illi denominationem amati, si recessus denominationem averfati. Ergo omnis actus voluntatis cuius obiectum principale est malum quoddam, est actus qui obiecto suo debet tribuere alterutram ex eis denominationibus.

204. Ratio autem explicans & probans particulam istam, simulque satisfaciens argumentis contrariis est. Aliud est quod timor sit etiam primariè actus persecutionis. Aliud quod non sit aut realiter, aut formaliter ratione nostræ fuga à malo contrario. Primum est quod docetur à S. Thoma textibus quos congerunt adversarij, & non negantur à nobis, sed infra explicabitur: secundum est quod negamus, & nusquam docetur à S. Thoma; imò oppositum paulò ante audivimus ab illo. Etenim sicut in actu contritionis perfectæ, atque formalis coadjuvant realiter duæ tendentiæ: una persecutionis erga Deum, altera fugæ à peccato, quarum una erit primaria, & altera secundaria, prout actum illum inspexeris juxta rationem paulò post dandam. Item sicut in spe actuali Theologica tres inter aliòs concurrunt respectus: unus ad De-

um, ut obiectum nobis possidendum, alter ad eundem ut prius nobis auxiliantem, alter ad infernum ut nobis fugiendum. Ita in actu primario timoris strictè, ac scholasticè sumpti (sive illum contempleris, ut actum virtutis, sive ut exercitium illius doni Spiritus Sancti, quod vocatur *donum* timoris) duo inter alios coeunt respectus, unus qui est prosecutio reverentiae, subiectionisque illius erga Deum, alter qui est aversio, seu fuga à malo; tum quia timor ex propriis terminis scholasticè sumptus, segregatusque ab aliis vulgaribus acceptionibus, quas initio hujus capitis reieci, est simul, ac indivisibiliter timor mali alicujus, (siquidem ex propriis terminis repugnat esse, aut boni præcisè ut talis, aut rei indifferentis, ut talis præcisè) & insuper principii illius exterinseci, quod inducere potest illud malum; ergo timor Theologicus simul, ac indivisibiliter est, & fuga à malo quod timeamus, & prosecutio subiectionis Deo potenti infligere illud malum. Tum quia timor hic, qui est actus primarius doni timoris, non consistit purè, ac præcisè in illa prosecutione: ergo consistit etiam in hac fuga cum tertius alius respectus impertinens sit ad rem præsentem. Probo antecessens. Nihil quod dari potest deficiente timore, est id in quo purè, ac præcisè consistit timor, quandoquidè nihil in quo purè, ac præcisè consistit timor, dari potest deficiente timore; ut puta prosecutio illius subiectionis, ac reverentiae dari potest deficiente timore; quoniam dari potest ex solo, & mero motivo reverendi excellentiam ipsam, seu eminentiam divinam ut distinctam à malo, quod infligere potest (illa namque ut sic distincta dignissima est, cui nos totos subiciamus) & in tali casu non est actus timoris strictè, ac scholasticè talis; sed vel religionis, cuius est divinam revereri excellentiam, vel charitatis, cuius est Deum super omnia appetere, vel obedientiae, cuius est nos submittere superioritati creatoris, vel humilitatis cuius est agnoscere & sateri infinitam nostram distantiam à Deo. Ergo ista prosecutio non est id in quo purè, ac præcisè consistit timor scholasticè acceptus, sive ut actus virtutis sive ut exercitium doni timoris quod multi Theologi reputant idem, volentes distinguere dona Spiritus Sancti à virtutibus ei respondentibus.

205. Explicatur 1. In isto objecto formali *eminentia divina potenti malum infligere* duo sonant: ipsa nimirum eminentia, & malitia, seu malicia, seu nocivitas illius mali. Si præcinditur omnino à fuga, & aversione ab hac, solum restat in genere move id magnitudo, seu excellentia ipsa divinae potestatis: atqui subiaci Deo, propter hanc, non est timor strictè, scholasticèque sumptus; sed actus alicuius ex virtutibus nuper memoratis; alioquin moralitates actuum confunderemus, quas tanto labore conati sunt discernere Theologi, ut nostras ipsas operationes agnoscamus rationalium more. Ergo si omnino præcinditur à fuga aversioneque à malo non habebimus actum timoris strictè talis; Ergo hic ut strictè talis claudit indispensabiliter fugam à malo. 2. esto malum illud, quod divina eminentia inducere potest, esse leve, aut gravis facile, hic & nunc omnibus pensatis, ex quo duo non depre-

mes

mes contradictoria. Tunc dari potest volitio istius subiectionis propter divinam eminentiam potentem malum illud infligere, siquidem subiectio non minus debetur Deo propter ea, quæ auxilio eius sunt facilia, quam propter illa quæ difficilia sunt. Et tamen nunc non datur timor strictè talis, quia hic iuxta communem apprehensionem neque est de minimis, neque de vitatu facillimis. Ergo dari potest illa persecutio absque timore; ergo hic non consistit adæquatè in illa. Erga quia consistit etiam in fuga saltem affective, & in actu primo efficace à malo, quæ fugæ species non datur quando malum est leve, aut facile vitatu. 3. per vos timor est persecutio subiectionis Deo propter suam eminentiam potentem malum infligere. Tunc sic. Vel istud malum attingitur à timore pure materialiter absque illa positiva aversione, & eo modo quo attingi poterat res alia magna indifferens (v. g. productio firmamenti) si subiectio foret propter eminentiam, qua solus Deus potest rem illam causare. Vel attingitur simul indivisibiliter cum aversione ab illo. Si hoc secundum, ergo impræcindibilis est timor realiter à fuga mali, ergo non est realiter pura, & mera persecutio boni. Si illud ergo per accidens, & impertinenter se habet in ordine ad timorem, quod sit malum, vel bonum, vel indifferens obiectum illud, quod divina eminentia potest inducere, ergo quando subiectio est propter eminentiam, qua solus Deus potest inducere magnam aliquam rem indifferentem, etiam dabitur actus primarius timoris: vel non dabitur quando est propter eminentiam divinam potentem inducere malum, quandoquidem hoc attingitur absque ullo horrore per actus timoris, & materialiter se habet, quod sit malum, nam eatenus præcisè potest requiri determinatè quod sit malum, quatenus timor ut talis intrinsecè imbibit fugam ab eo obiecto, quod eminentia divina inducere potest.

§. V.

306. **H**Actenus de realitatibus. Quod si perconteris quemnam ex his duobus respectibus dicat primariè timor, in longum imus. quoniam inter extrinseca creata realiter identificata non datur verè ex parte rerum ista primarietas, aut secundarietas, ut ex metaphysica suppono, ergo solum restat, quod detur, vel non detur juxta nostrum concipiendi, & apprehendendi modum. Cumque latissimus, & varius sit apprehensionum campus, ideò in longum imus. Respondeo igitur. In timore, qui procedit à virtute Theologica, vel est donum Spiritus Sancti, spectantur hæc prædicata. *Timor Dei* tamquam causæ potentis infligere malum. *Timor separationis à Deo* (sive per culpam, sive per æternam damnationem) tamquam mali ad quod exhorremus. Et denique *timor Theologicus in genere*;

R r r 2

Timor

Timor prout præcisè est *timor Dei* dicit primariè prosecutionem subiectionis, atque reverentiæ dictæ. Et sic intelligenda sunt multa illa testimonia S. Thomæ, quæ Thomistæ accumulunt. Timor, prout præcisè est timor mali separationis dictæ à Deo, dicit primariè respectum fugæ ab hoc malo: & hoc probant rationes à nobis productæ. Ubi non adversamur S. Doctori, ut jam videris. Timor prout præcisè est timor Theologicus, æquè primariè dicit ambos respectus, non clarè, ac in specie; sed confusè, atque in genere, idest respectum prosecutionis ad subiectionem Dei, ut potentis malum in genere causare, & respectum fugæ à malo, ut sic, quia timor præcisè, ut talis tamen est mali, quam causa potentis illud infligere. Ergo tam æquè dicit respectum ad potestatem inductivam mali, quam respectum ad malum ipsum. At respectus ille est prosecutio subiectionis ad illam potestatem, & respectus hic est fuga à malo, ergo timor theologicus, præcisè ut talis, tam æquè dicit respectum prosecutionis, quam averfativum. Explicatur. Sicut forma vitæ apprehensa secundum positivum est primariè principium operationis vitalis; apprehensa verò secundum negativum est primariè vis expulsiua formæ cadavericæ, si forsan hæc datur: ita timor apprehensus secundum positivum dicit primariè prosecutionem subiectionis passivæ istius; apprehensus autem secundum negativum dicit primariè fugam à malo. Et quia plerumque apprehenditur secundum respectum ad malum cuius est timor: ideo ponimus in sua definitione spei potius fugam, quam prosecutionem. Sicut in definitione Spei ponitur prosecutio, & non fuga, quia licet etiã sic fuga à malo contrario materiæ spei, plerumque tamen apprehendimus illam secundum respectum ad obiectum separatum.

207. Idem deprehendes in plerisque aliis rebus, quæ uno modo apprehensæ, dicunt primariè unum, & alio apprehensæ modo dicunt primariè aliud, quia ut jam notavi, hæc primarietas alludit ad conceptus formales, quibus res apprehendimus, & nequit dari a parte rei plusquam fundamentaliter inter extrema realiter identificata. Sic relativa, apprehensa præcisè, ut relativa, dicunt primariè hoc quod est *habere totum suum esse ad aliud*: & apprehensa sub aliis conceptibus dicunt alia prædicata ultra hoc. Sic ens rationis, apprehensum præcisè ut tale, dicit primariè *habere totum suum esse obiectivè in intellectu*, aliter autem apprehensum habet suum esse physicum, & reale, ut alibi explicavi. Sic homo, apprehensus, ut rationalis, dicit primariè respectum ad ratiocinationem, & secundariè respectum ad risum; apprehensus verò, ut risibilis dicit primariè hunc secundum respectum, & secundariè illum primum. Si demum actio, prout est exercitium hujus agentis, primariè dicit respectum ad illud, & secundariè respectum ad terminum; ceterum prout est productio hujus termini primariè dicit, seu magis sonat respectum ad terminum, & secundariè ad agens. Idem respectivè contingit timori. Ille quippe est, & timor Dei, & timor mali licet æquivocè, prout

est timor Dei præcisè primariè dicit respectum subiectionis ad eum, & secundariè, sive ex consequenti aversionem à malo (& hoc est quod docet S. Thomas) prout est verò *timor mali* primariè dicit fugam ab hoc, & secundariè prosecutionem illius subiectionis . Et hoc est solum, quod defendimus .

208. Hinc solvuntur argumenta contraria . Primum . Iuxta S. *S. Thom. 2. Thomam habitus virtutum, & donorum propriè, & per se respiciunt bonum; malum autem ex consequente* . Ergo actus primarius timoris, sive prout est virtus, sive prout est unum ex donis Spiritus Sancti, non est fuga mali, sed prosecutio boni . Confirmatur . Actus primarius cuiusvis habitus est ratio eliciendi cæteros, & in quem cæteri resolvuntur . Sed prosecutio boni subiectionis ad Deum est ratio fugiendi malum contrarium: ideo enim fugimus malum separationis ob culpam, quia volumus nos ipsos subicere Deo . Ergo sola prosecutio boni est actus primarius timoris . 2. munus præcipuum timoris est nos Deo perfectè subicere, ut ita simus mobiles ad nutum Spiritus Sancti . Sed hoc primariè fit per solam prosecutionem huius subiectionis, non per fugam à malo contrario, ergo sola prosecutio boni satisficit munerì primario timoris . Hæc facilem habent solutionem ex dictis . Distinguendæ sunt propositiones, atque concedendæ de timore prout est præcisè, ac determinatè *timor Dei*; idest de timore secundum respectum, quem dicit ad causam extrinsecam potentem malum infligere; negandæ verò de timore, tum in sensu reali, tum in sensu formali prout determinatè, ac præcisè est *timor mali* (quia sic primariè dicit fugam ab hoc) tum in sensu formali adæquato prout est *timor mali à Deo*, quia sic æquè primariè dicit ambos respectus . Instabis . Idem Angelicus Præceptor agnoscit donum timoris in Christo Domino, atque in Beatis . Sed neque ille habuit; neque hi habeant fugam à malo separationis à Deo, sive propter culpam, sive propter æternam damnationem, ergo distinguo minorem, quam concedo de fuga efficace, quam nos habemus, & nego de inefficace consistente in aversione vehemente à malo, quod cognoscunt posse Deum infligere, vel positivè, vel permissivè ipsorum naturis specificativè sumptis, licet non reduplicativè, ut existentibus in tali, vel tali statu (& in hoc sensu dixi capite antecedente Beatos non habere timorem strictè talem) quod satis innuit idem Angelicus inquires . *Fuga ergo huius mali, quod est Deo non subijci, ut possibilis natura; impossibilis autem beatitudini erit in Patria . In via autem est fuga huius mali, ut omnino possibilis* .

209 Ex alio latere insurgit Pater Conink suadendi ergo dari posse timorem nempe castum, & reverentialem abque fuga mali . Etenim non modo fugimus, & timemus mala; verum etiam illa, quæ utpote valde excellentia nostræ sunt improporcionata dignitari . Sic privatus homo timere solet etià cum tremore ac pallore quando Principè alloquitur etiam si nullum ab eo tibi immineat malum, nempe quia fulgor ipse majestatis terret improporitione loquentis cum audiente est mori vult sufficiens timendi .

Luc. 5.

mendi. Sic S. Petrus apud Lucam dicebat Christo Domino *exi d me quid habeo peccator sum*. Et ibidem, qui pàralyticum viderunt sanatum repleti sunt timore, dicentes quia vidimus mirabilia hodie. Et apud eundem.

Ibid. cap. 7

revocato ad vitam adolescente quodam accepit omnes timor, & magnificabant Deum. Sic denique illud Jobi. *Columna Cali contremiscunt, &*

Job cap. 26

pavens ad nuntium ejus. Explicat S. Gregorius timor iste ne eis penalis sit non timoris est sed admirationis. Ergo agnoscens creatura eminentiam

S. Gregor.

lib. 17. moral.

ral.

divinam innititque sui ipsius distantiam ab illa, potest illam fugere, ac timere, non ut malam; sed ut summopere excedentem, sibi que improporcionatam, ergodari potest timor absque fuga à malo. Distinguo antecedens objectionis timorè strictè atque Scholasticè tali; nego (nisi forte ex illa excellentia improporcionem vereamur nobis aliquod malum) timore, qui talis sit in communi, laxioreque modo loquendi; concedo. Et similiter explicentur textus cum cœteris. Sæpè adverti appositisque exemplis firmavi duos dispares valde esse modos loquendi. Unus Scholasticus, qui exactus, rigidus, & severus est obiecta proponens modo magis vicino conceptibus ipsis metaphysicis, quemque non incongrue metrico sermoni assimilabis; alterum vulgarem, qui laxus est, & sermoni soluto suppar torusque figuratis scædens loquutionibus, ubi nomen causæ absque falsitate tribui solet effectui, & huic nomen illius, & utrique vel alteruri nomen earum, rerum quæ antecedere comitari, vel subsequi sueverunt, vel similes sunt in aliquo effectu. Et sicut hoc secundo utentes, repellimus cumnaus ea sciolos, qui vulgaribus colloquiis ingerunt pueriliter Scholasticum rigorem: ita quando utimur rigore Scholastico non admittimus modum vulgarem laxumque loquendi.

Æncid. 10

210 Igitur timor, ut initio notavi varias habet significaciones in utraque litteratura. Una ex illis est non quidem timor strictè talis, sed reverentia, seu veneratio majoris dignitatis, ut constat ex illo Virgilii, quide Iove Deastorum supremo dicit. *Et totum nutu tremescis Olympum*. Et Paulo antè. *Et dicente Deum domus alta fleseit*. Et tremefacta solo tellus flet arduus æther. Ubi juxta latinicatis peritos nil aliud significatur, quam veneratio, & reverentia: nisi forte quando ex violata illa majestate cui adsumus suspicemur malum aliquod in nos resiliire. Hæc autem reverentia, quamvis propter analogiam, & propter effectus quos inducere solet, vocetur timor; verumtamen strictè atque scholasticè loquendo timor non est. Nam scholastici discernunt actus humanos ex obiectis formalibus. Obiectum autem formale istius reverentia est valde distinctum ab obiecto formali timoris strictè talis, nam illud est superioritas præcisè, ut talis (siquidem præcisè, ut talis digna est reverentia) hoc verò est vel illa superioritas, ut potius malum insigere, vel malitia illius obiecti, quod timeatur respectiva ad timentem ipsum, nam sicut spes respicit obiectum, ut bonum speranti, ita timor respicit obiectum, ut malum timenti, atqui malitia hæc necnon superioritas, ut potius insigere malum est quid diversum à superioritate præcisè ut tali, ergo reverentia, & timor Scholasticè tales habet obje-

sta

Et formalia valdè diversa, ergo sunt affectus humani valdè diversi, quamvis propter similitudinem, coniunctionemque quam solent habere, nomina mutare soleant, & timor dicatur reverentialis, & reverentia dicatur timida. Neque urget, quod Scriptura, & PP. utantur voce illa *timor*, quoniam ut Scripturarii notant cum Deus per Scripturas, & per os Sanctorum loquatur, cum hominibus loquitur modo inter homines usitato. At usitatum valde est inter homines uti figuratis, tropicisque locutionibus (ut quotidiana docet experientia) quæ jam sunt propria, atque elegantes consequenter ad frequentem eandem usum, ergo mirum non est, quod Scriptura, & PP. eisdem utantur. Vix paginam leges in Biblijs ubi ad figuratas aliquas locutiones non offendas, sicut in colloquijs ipsis humanis. Neque hinc potest argumentum sumi ad dogmatum subversionem, hac quippe de causa providit Deus Ecclesiæ suæ regulas firmas fidei, publicas, atque universales, & Ecclesiæ ipsius est exponere, quando habent sensus figuratos, quando propriissimos, atque Scholasticos verba Scripturæ. Ad illud de homine privato timentem alloqui Regem respondeo. Interdum esse verum, & strictum timorem, tum excitandi Regiam displicentiam, tum gerendi se in verbis, & actionibus, habituve corporis minus decenter (& hujusmodi erat timor illorum, quos obicijs ex Luca) interdum verò est puta reverentia, & quia hæc causæ solent effectus timoris v. g. pallorem, tremorem, cordis contractionem &c. idcirco vocatur timor, sicut febris ardentissima vocatur ignis. Et hoc etiam contigisse potuit in exemplis istis ex Evangelio erutis.

III. Hæc sufficiunt primæ illi particulæ definitionis timoris nempe *Fuga*, explicationique doni timoris. Additur *efficax* non quidem effective semper, quia efficacia effective consisteret in connexionione cum vitiatione mali, vel saltem cum medijs ad illud vitandum, atqui timor non semper habet connexionem alterutram; non primam, ut constat ex reprobis: non secundam, quia fieri potest, quod in A. vehementi concutiaris timore carenti Deo ob culpam, ob æternamque damnationem, & consequenter efficaciter proponas adhibere media ad illud malum vitandum; & tamen, quod evanescente timore in instanti B. media non adhibeas, ergo sicut contritio dumtaxat connectitur negativè cum medijs ad vitandum malum, quatenus in instanti, in quo ipse datur præcipue si fuerit intensus, nequit existere volitio illius mali, aut volitio efficax ponendi illa media. Tum quia spiritus damnati vehementer timent longam durationem seriem in quibus sunt cruciandi, quin timor ille ipsos moveat, ut media ponant ad vitandum seriem illam cruciarum, utpotè independentem ab ipsorum libertate præsentis, atque futura. Tum quia sicut obiectum spei, ut talis, potest tale esse ut unice dependeat ab alieno arbitrio (v. g. auxilium efficax ad perseverandum in gratia, ad prioremque gloriæ in animabus antiqui lymbi) ita timor potest esse mali à solo alieno arbitrio infligendi, ergo sicut spes non semper determi-

nat ad consulendum media efficacia obtinendi bonum, ita neque timor determinat semper media efficacia ad vitandum malum.

212. Dicitur saltem *affectivè efficax*. Hæc efficacia affectiva potest esse, vel intensa, vel remissa, quia timor esse potest magnus, aut levis; cæterum sicut spes, ita debet esse affectivè efficax, ut non coniungatur cum volitione sui obiecti effectivè efficaci, ac proinde, qui metu temeritatis projicit merces in mare non habet spem fruendi illis, quia licet habeat voluntatem illarum affectivè efficacem; hæc tamen enervatur per oppositam volitionem effectivè efficacem vitandi illud malum. Ita timor debet esse ita affectivè efficax, ut non coniungatur cum volitione effectivè efficace sui obiecti: quoniam si adest hæc volitio abest timor strictè talis, quidquid sit de timore secundum quid. Rursus hæc efficacia potest esse terminativè absoluta, & sic explicabilis. *Nolo*, vel conditionalis, sic explicabilis. *Nollem*. *Et si per me staret, impedirem tale malum*. Hoc namque sufficit ut obiectum sit terminus fugæ affectivè efficaci, inconiungibilisque cum volitione effectivè efficace illius obiecti. Præterea potest esse efficacia in actu primo, & quatenus est ex parte ipsius timentis: nec non in actu secundo, quæ divisio veritabilis est cum proxime dicta. Denique hæc efficacia affectiva potest esse, vel respectu mali possibilis nature timentis secundum se præcisè; non vero attentis circumstantiis, hic, & nunc occurrentibus: vel mali hic, & nunc absolute possibilis ipsi timenti, quam divisionem docuit nos S. Thomas, nosque infra repetemus pro salvando dono timoris in Beatis. Dicitur *à malo*, non quod tale sit ex parte rerum, sed quod tale apprehendatur esse. Non item quod tale sit absque mixtura boni, sed quod tale sit licet bonitate temperatum. Dicitur item *futuritis*, quia malum præsens, vel præteritum non sunt obiectum timoris; sed doloris, vel mœlitiæ: atque idcirco scripsit Philosophus ubi supra. *Eos qui jam jam mori sunt plerumque, non timere, sed trisuri*, quem sequitur S. Thomas in 1.2. q. 15. art. 7. *quiens. Quando nulla est spes evadendi, apprehenditur malum, ut præsens: & sic magis causat tristitiam, quam timorem*. Dicitur *magna*, quia sicut spes non est de minimis, ita neque timor. Dicitur *tandem*, & *arduo*. Ecce figuratam loquutionem ubi malo illi applicatur attributum sui contradictoriæ: quod enim difficile esse debet, non est mali ipsius existentia; sed vitatio, nam sicut illa, quæ facillimè obtineri possunt non sunt materia digna spei: ita neque illa, quæ facillimè possunt vitari sunt materia digna timoris. Rursus sicut, ut obiectum aliquod sit materia spei non requiritur determinate, quod sit producibile ab ipso sperante: sed sufficit, quod ab alio sit donabile, ut constet ex utriusque animabus sæpe citatis, quæ sperabant beatitudinem à solo Deo ipsis donabilem, & constet etiam ex nobis ipsis, qui speramus auxilia efficacia à solo Deo largibilia. Ita ut malum aliquod sit obiectum timoris necesse non est determinate, quod per ipsum timentem sit vitabile; sed sufficit quod alius solius influxu vitabile sit. Erationem aliam ob quam timor non semper inducit ad consulendum media.

§. VI.

213. **J** Am circa Theologalitem timoris sit conclusio: Timor mundanus non est actus Theologicus, unde non procedit ab habitu infuso spei. Timor filialis, seu castus, ut talis etiam non procedit ab eo habitu. Neque semper à charitate habituali, sed vel ab ea, vel à Religione, vel ab obedientia, Timor servilis propter æternam poenam damni est Theologicus, & procedit ab habitu spei. Propter autem solam poenam sensus non est Theologicus, neque propter solas poenas Purgatorij. Probo primam partem. Nullus actus peccaminosus est de facto Theologicus procedit ab habitu spei. (quidquid sit de possibili) ac omnis timor mundanus ut talis, est peccaminosus, ut constat ex ipsius definitione supra data, ergo. Probo secundam partem, Nullus timor carens obiecto formali spei procedit ab hoc habitu. Sed omnis timor castus, & filialis, præcisè ut talis, caret obiecto formali spei. Probatur. Hoc obiectum formale est complexum ex Deo ut nobis bono, promittente, atque auxiliante, ergo omnis timor, qui non movetur ex hoc complexo caret obiecto formali spei. At omnis timor castus, & filialis præcisè ut talis non movetur ex hoc complexo, sed vel ex Deo ipso (amor quippe hujus super omnia est simul fuga efficax à peccato gravi imminente, & ægrè vitabili) & sic erit actus charitatis, Vel ex honestate colendi Deum, ipsius obediendi (& sic procedet ab habitu religionis, vel obedientiæ) cum enim prædictus timor vocetur filialis, atque castus propter analogiam ad filium, castamque uxorem, & ambo hi teneantur exhibere amorem, reverentiam, atque obedientiam, inde est quod abstinere à gravi iniuria Parentis, vel mariti, modò ex motivo amoris, modò ex motivo obedientiæ, modo ex motivo reverentiæ, ergo timor Dei castus, & filialis, præcisè ut talis, movetur similiter ex aliquo horum motivorum erga Deum, ergo præcisè ut talis caret obiecto formali spei.

214. Explicatur. Spcs præcipuè explicat quoad rem præsentem, tendentiam in Deum *ut nobis bonum & beatitudine supernaturali*. Ergo ille solus timor potest procedere ab hoc habitu, qui fuerit fuga à malo propter Deum, ut bonum nobis beatitudine dicta. At timor filialis, & castus præcisè ut talis non est propter hoc motivum; sed propter aliquod ex illis tribus, quæ propria sunt uxoris castæ, filiique obsequentis Patri. Ergo præcisè ut talis &c. quod si loquaris de timore modo non ex honestatibus dictis, sed ex divina ipsa maiestate, auctoritate præcipiendi, ille non erit religionis, aut obedientiæ sed charitatis. Debes namque distinguere inter maiestatem ipsam, atque honestatem cultus; nec non inter auctoritatem præceptivam, atque honestatem obediendi Deo

actus moti proximè adequatè ex maiestate, auctoritateve divina (ambz profectò possunt esse respectivè motivum sufficiens ad cultum, atque obedientiam) sunt Theologia, paresque hominem iustificando si insuper sint appreciatio Dei super omnia ipsi graviter displicentia. Sic enim non omnis actus fidei Theologicæ est perfectus perfectione universalitatis, atque idcirco aliquis est coniungibilis cum actuali hæresi circa alium articulum: ita non omnis actus utcumque charitatis est appreciatio Dei super omnia, & consequenter non omnis est sufficiens ad iustificationem. Moti autem ex honestatibus actionum ipsarum sunt, pure morales. Rursus debes distinguere inter actum imperatum per alium actum, qui sit charitas: & actum motum exercitè, ac subiectivè ex officio electio mediorum solet moveri exercitè ab intentione finis, quia hæc non semper est reflexa volitio illius electionis: atque actum motum proximè immediate ab attributo ipso divino: neque primi, neque secundi generis actus sunt Theologici, sed tertij. Sicut conclusio Theologica, ut talis præcise non est actus fidei, quia non movetur proximè immediate ex motivo fidei; sed ex assensu moto ex illo motivo. Hinc probatur tertia pars; Videlicet timorem filialem, sive cultum non semper procedere à Charitate habituâli, contra RR. agentes prædictum timorem esse actum charitatis. Eo ipso, quod timor filialis, & cultus possit esse actus solius religionis, vel solius obedientiæ, non semper nascitur ab habitu charitatis, atqui potest esse ut nuper dicebam, ergo ratio autem quam RR. adducunt, scilicet ad charitatem spectare non modo prosequutionem eorum, quæ placent Deo; verum etiam fugam ab eis, quæ displicent; probat timorem hunc posse esse, non autem semper esse actum charitatis. Dices unaquæque virtus eo ipso quod sit inclinatio ad bonum est fuga à malo v. g. actus iustitiæ est fuga ab iniustitiâ &c. Ergo etiam est timor suppositis aliis requisitis, ergo cum sit honestus, & non sit servilis, sequitur esse cultum, & filialem; alias divisio timoris supra data non erit adequata. Cur ergo meminimus illarum dumtaxat trium virtutum? Nego consequentiam cum adiuncta probatione, quoniam divisio illa non est timoris in genere, ampleque sumpti; sed *timoris Dei*; seu propter specialem aliquam innuit relationem ad Deum: sic autem non includit istos timores, quos objicis, quia penitus immemores Dei, possumus fugere à malo contrariis virtutibus, ut pure moralibus, quæ fuga erit Philosophomoralis. Meminimus autem singillatim earum trium virtutum, quia filij, castæque uxoris (à quibus timor hic sumit suam denominationem) est, præstare amorem, cultum, atque obedientiam Patri, & Marito: consequenter quæ fugere propter aliquod ex his motivis ab iniuriâ Patris, & Mariti.

215. Probo quætram partem, scilicet timorem servilem propter æternam penam damni, esse Theologicum procedereque ab habitu spei. Omnis timor propter motivum spei Theologicæ est Theologicus, proceditque ab eo habitu (supposita supernaturalitate, & reliquis conditionibus, quas profectò habere potest) ac omnis timor propter moti-

vum spei Theologicæ. Probatur omnis timor propter Deum ut nobis possidendum æterna beatitudine est propter motivum dictum. Sed omnis timor propter illam pœnam est propter Deum ut nobis possidendum beatitudine supernaturali, quoniam eatenus formaliter illa pœna est pœna, & quid malum nobis, quatenus Deus, ut nobis possidendus, est nobis bonus, non enim alia ratione est mala privatio, nisi quatenus est bonum illud quo privatur, ergo, Nequedicas servilitatem pugnare cum Theologalitate: nam licet istud sit verum de alia servilitate; non de illa quæ consistit in fuga ab æterna privatione Dei, quoniam hæc fuga, & appetitus Dei ut nobis boni, æternaque beatitudine possidendi, sunt termini convertibiles. Ergo sicut hic appetitus est Theologicus, ita illa servilitas. Quintam partem scilicet timorem propter solam pœnam sensus, non esse actum Theologicum, docet P. Oviedo. Sed quia illius ratio non placet, arguo sic. Nullus timor propter motivum distinctum à motivo spei, neutriquamque divinum, est Theologicus, ac omnis timor propter solam pœnam sensus, æternam aut temporalem Purgatorii, est propter motivum distinctum à motivo spei, & minimè divinum, quoniam sola pœna sensus est ut patet quid creatum, & neque formaliter, neque illativè est privatio beatitudinis essentialis, siquidem in sensu composito illius dari potest hæc: quia non sequeretur duo contradictoria ex eo quòd in eodem instanti in quo patitur homo gravissimos cruciatus, Deum possideat beatitudine essentiali, ut contigit Christo Domino in sua Passione. Ergo pœna sensus æterna, vel temporalis dumtaxat potest esse obiectum timoris, Theologici prout accidentaliter coniuncta ex lege Dei cum pœna damni, ergo nullus timor propter illam solam est Theologicus. Dico solam, nam si timor sit de illa ut coniuncta cum pœna damni, vel stabili lege Dei non separandi illam ab hac jam potest Theologalitatem induere.

P. Oviedo.
conitroo. 5a.
num. 66.

216. Idem dico de timore Purgatorii, & de timore degendi multis annos inter mortales: quoniam ambo hæc sunt coniungibilia cum beatitudine essentiali, ergo neutrum est formaliter, aut illativè per se præcisè privatio illius. Ergo fuga ab utroque præcisè ut rati, non est fuga propter motivum spei Theologicæ aut propter aliud divinum. Ergo neque procedit ab habitu spei neque est actus Theologicus. Quod si pœna Purgatorii, longiorve vita, considerentur ut impedimentum retardans beatitudinem essentialem, timor alterutrius potest esse Theologicus, procedere que ab habitu spei, quoniam sicut efficax conatus in obiectum quamprimum obrinendum, repellit impedimentum efficax illius, ita illud etiam quod consequitionem retardat, ergo ex motivo spei potest quis aversari, tum vitam longiorem, tum Purgatorium, ut retardantia non per se præcisè, sed propter decretum divinum ademptionem beatitudinis essentialis. Obiicies cum RR. quibus arridet sententia Doct. eximii agentis timorem pœnæ sensus procedere ab habitu spei. Eodem pondere quo terra vergit deorsum, fugit locum sursum, & eodem habitu quo intellectus assentitur aliquid propositioni negat contrariam; & eadem charitate, qua obiectum divinum diligimus, num. 115.

P. Suarez.
disp. 1.
sect. 4.
num. 115.

S. August.
lib. 33. qu.
quæst. 33.

detestamur peccatum, ergo eadem spe, qua homo appetit beatitudinem, ut bonum sibi conveniens: timet malum contrarium, ergo timet æternam pœnam sensus. Confirmatur omnes hi actus tam timoris quam spei versantur circa bonum proprium utpote oriundi ex concupiscentia; quocirca dixit Augustinus. *Nulli dubium est nullam aliam esse metuendi causam nisi id, quod amamus*. Ergo causa metuendi æternam pœnam sensus, & Purgatorii, temporalem, & incolatus nostri prolongationem est beatitudo ipsa, quam amamus. Concesso antecedente obiectiōnis distinguo consequens, timer malum quod per se ab intrinseco est contrarium concedo, ut contingit in istis exemplis: quod ab extrinseco tantum est contrarium subdistinguo: timer malum illud reduplicativè ut cum illis extrinsecis coniunctum, concedo: specificativè sumptum, nego ambas consequentias: quoniam malum pœna sensus per se ab intrinseco non est contrarium beatitudini, quo circa specificativè sumptum non est obiectum timoris oriundi ab habitu spei fugientisque ab illo licet reduplicativè ut malo sensus præcisè. Ad confirmationem concessio antecedenti nego consequentiam, quia cum præsciindendo à beatitudine possumus amare immunitatem à pœna æternæ sensus, siquidem ipsa per se ipsam est nobis mala, & immunitas ab ipsa per se est nobis bona: item cum in sensu composito ipsius dari possit beatitudo essentialis, inde est quod malum illius pœna metuere possumus, etiam si meru hoc beatitudinem non optemus. Dixi semper *beatitudinem essentialem* quoniam accidentalis opponitur quidem cum illa pœna; ceterum cum non sit quid divinum ut pote consistens tum in existentia tum in carentia quorundam accidentium, idè licet propter eam timeamus pœnam sensus non idè hic timor est Theologicus. Dices Juxta Tridentinum, Timor earum pœnarum necnon culpæ propter eius fœditatem, honestus est. A quo igitur habitu procedunt si non à dono timoris, vel ab habitu spei? Respondeo ab habitu supernaturali morali, sed non Theologico, ut multi alii actus honesti, & supernaturales.

Conc. Trid.
sess. 14. c. 4.

§. VII.

217. **E**X dictis infertur timorem mali discedendi à Deo per culpam, interdum esse actum Theologicum charitatis. Interdum spei Theologicæ. Interdum esse actum purè morale. Interdum esse actum specialis virtutis timendi Deum. Interdum denique esse actum illius doni Spiritus Sancti, quod nuncupatur donum timoris. Probo primam partem, licet non omnis actus utcuque motus ex obiecto divino sit Theologicus, ut sæpe adverti, constatque ex sententia valdè probabili donec actum entitativè naturalem (& consequenter non Theologicum) moveri posse ex obiecto divino; & insuper

con-

constat ex actibus illis, qui vel remotè duntaxat, vel duntaxat inad-
 quate proximè moventur ex obiecto divino, qui non semper sunt Theo-
 logici: aliàs qui derestatur peccatum non purè propter Deum, sed in-
 adquate propter hunc, & inadquate propter poenam, adquateque
 propter utrumque simil, iustificaretur; licet inquam hæc vera sint, ve-
 rumtamen omnis actus supernaturalis motus proximè adquateque ex
 obiecto entitative divino, & quidem libere, est actus Theologicus, quia
 non est purè moralis. At timor prædictus interdum est actus superna-
 turalis, & liber, motus proximè adquateque ex obiecto entitative di-
 vino. Probo hoc ultimum in quo potest esse difficultas. Omnis actus
 proximè adquate motus, aut ex bonitate, aut ex maiestate, aut ex
 autoritate divina præceptiva, est motus proximè adquateque ex obie-
 cto entitative divino, nimirum ex aliquo horum attributorum, siquidem
 unumquodque ex eis est motivum sufficiens retrahendo à culpa, & conse-
 quenter concipiendo averfionem, & fugā efficacem ab ea, sive quia Deus
 bonitate pollet, sive quia maiestate, sive quia autoritate legislativā: sed
 timor prædictus interdum est actus motus proximè adquate ex aliquo
 illorum attributorum, quoniam, ut nuper dixi, unumquodque illorum
 est motivum sufficiens retrahendo à culpa. Ergo: Quod autem possit
 esse actus charitatis constat etiam ex dictis, quoniam virtus eadem cuius
 est amare Deum super omnia, producit etiam fugam averfionemque
 ab omni quod adversatur Deo. Sed charitatis Theologica est amara
 Deum super omnia. Ergo charitas Theologica producit etiam fugam,
 seu averfionem ab omni quod adversatur Deo: ergo fugam, & aver-
 fionem à malo discedendi à Deo per culpam: ergo cum in hac fuga
 concurrere possint ceteræ qualitates necessariae, ac sufficientes ad timo-
 rem, palam fit virtutem charitatis producere posse dictum timorem.
 Probo secundam partem, scilicet prædictum timorem interdum esse
 actum spei Theologicæ. Omnis timor ex motivo spei Theologicæ est
 actus spei Theologicæ concurrentibus reliquis conditionibus. Sed præ-
 dictus timor potest esse ex motivo spei Theologicæ: nimirum ex mali-
 tia privationis beatitudinis essentialis: vel quod idem est, ex bonitate
 huius: deinde ceteræ conditiones supernaturalitatis, futuritionis, ar-
 duitatis &c. possunt concurrere. Ergo prædictus timor interdum est
 actus spei Theologicæ.

218. Probo tertiam partem: nempe timorem illum esse interdum
 actum purè moralem. Omnis actus liber, honestus, & supernaturalis
 motus proximè adquate ex motivo creato est purè moralis: quoniam
 licet obiectum ultimò resolutivum sit divinum; si tamen proximum ad-
 quatum est quid creatum actus à Theologicalitate cadet, quia non speci-
 ficatur ab illo, sed ab hoc; & testis est conclusio Theologica, quæ li-
 cet ultimò resolvatur in obiectum divinum, nempe autoritatem Dei
 revelantis alterutram præmissam; nihilominus quia proximè adqua-
 te moventur ex sola ipsa veritate revelata, huiusque connexionem cum
 obiecto conclusionis, idcirco non est assensus Theologicus, seu oriun-
 dus immediatè ex virtute Theologica, (quæ est acceptio in qua modo
 loqui-

loquimur) At prædictus timor, quem suppono cum cæteris attributis, potest moveri proximè adæquatè ex motivo creato, qua potest moveri ex honestate ipsa amandi Deum, vel colendi Deum, vel obediendi Deo, vel ex malitia subeundi pœnas sensus: quoniam unaquæque ex his honestatibus est plenè sufficiens, ut retrahat animum ab eo malo, & consequenter ut detur fuga efficax ab illo, sicut honestas ipsa creata divini cultus est motivum sufficiens, ut hunc prosequamur, ut Deum prosequi solemus per virtutem religionis. Ergo prædictus timor interdum est actus purè moralis. Probo quartam parrem scilicet interdum esse actum specialis virtutis timendi Deum. Tum quia sicut detestationem peccati esse multoties actum charitatis, & multoties actum spei non tollit existentiam specialis virtutis moralis nimirum *pœnitentiæ* à qua etiam procedere potest ea detestatio quod plerique actibus humanis contingit indifferentibus ex se ut procedant ex hac, vel ex illa virtute determinandisque per obiectum formale proximum adæquatum quod hic, & nunc respiciunt. Ita prædictum timorem, quandoque esse actum charitatis, quandoque spei, non tollit existentiam specialis virtutis moralis, cuius primarium exercitium sit timere Deum. Et ratio est. Non modò timemus Deum, seu fugimus à prædicto malo propter motiva jam dicta; verum etiam propter honestatem ipsam colendi Deum (ut or hac reflexione signata supra *honestatem*, quia licet necessaria non sit, sicut nec reflexio signata supra libertatem, supra supernaturalitatem, super obligationem, & similiter tamen utuntur illà, quibus modò non contradico) ergo cum hic timor sit frequens assignanda est aliqua virtus, ad quam spectet. Sed hac virtus non est Theologica, cum motivum proximum adæquatum quod assignavi non sit quid divinum, ergo est virtus moralis. Sed non obedientiæ, aut religionis *solutis*: quia hæ præcisè ut tales, præcisè respiciunt honestatem colendi Deum ut sic, atque obediendi ut sic Deo; virtus autem, quàm concendo, licet respiciat honestatem subiectionis, quæ univocari potest cum obedientiâ, vel cultu; at verò non respicit honestatem cuiusvis subiectionis; sed subiectionis ad Deum *propter malum quod consistere potest* à quo omninò abstrahit virtus Religionis, atque obedientiæ. Præterea non est virtus humilitatis, quia hac respicit subiectionem ad Deum *propter summam distantiam nostræ parvitatæ ad illius magnitudinē*. Ergo solum restat quod sit specialis quædam virtus moralis, quæ vocatur timor Dei, sicut alia quædam vocatur Religio, alia obedientia &c.

219. Notaveris obiectum formale à me assignatum his virtutibus moralibus importare aliquid divinum v.g. honestas colendi Deum constituitur intrinsecè per divinam ipsam excellentiam cui consonus est cultus. Nihil refert. Tum quia ut illæ virtutes assurgerent ad Theologalitatem erat necessarium, ut sæpè monui, quod obiectum formale proximum adæquatum illarum sumptum ut quod esset purè, & præcisè res exteatiè divina ut constet in tribus virtutibus certò Theologalibus. Sed quanquam obiectum formale sit consonantia actionis creatæ cum aliquo divino, & consequenter quanquam constituatur per aliquid divinum;

vinum; obiectum formale proximum adæquatum sumptum ut quod non est purè, ac præcisè aliquid divinum. Ergo quanquam prædictum obiectum formale constituatur, per aliquod divinum, non idè virtutes illæ assurgunt ad Theologicitatem. Tum quia erat necessarium quod ipsum obiectum formale diceret *saltem tu recto* aliquid divinum. Ac quanquam intrinsecè dicat aliquid divinum, non dicit illud *in recto*. Nam quamvis conformitas Dei cum suo cultu v.g. dicat Deum *in recto* & cultum *in obliquo*; conformitas verò cultus cum Deo invertit terminos; dicitque cultum *in recto* & Deum *in obliquo*. Ergo sic oppositio legis cum peccato, non est oppositio peccati cum lege: quia illa oppositio est bona, & hæc est mala, propter rectorum, & obliquorum inversionem. Sic Petrum, distingui à Paulo non est Paulum distingui à Petro, quia illud, est differentia adæquata identificata cum Petro; hoc autem differentia identificata cum Paulo; Illaqueantur, ergo Tyrones his, & similibus propositionibus, quia non discernunt inter identitatem, & infallibilem connexionem, iudicantque idem esse, omnem distinctionem, oppositionem, atque conformitatem, esse mutuam, ac distinctionem unius esse distinctionem alterius, oppositionem unius esse oppositionem alterius conformitatem unius esse conformitatem alterius.

220. Probo jam ultimam partem: nimirum prædictum timorem, interdum esse actum doni specialis Spiritus Sancti. Potrò huiusmodi septem specialia dona existere Christianus nullus ignorat post auditum in Ecclesia illud Isaïæ. *Requiescet super eum Spiritus Domini, Spiritus Sapientie, & Intellectus, Spiritus Consilij, & Fortitudinis, Spiritus Scientie, & Pietatis, & replebit eum Spiritus timoris Domini.* Num. autem hæc dona distinguantur, à Virtutibus infusis, quas alludunt, non est hujus tractatus; sed alius: ubi distinctionem unanimes negant Scotistæ, & unanimes affirmant Thomistæ: munus autem illorum donorum est quasi elevare habitus ipsos infusos. Nam sicut hi. elevant naturam ad actus supernaturales ordinarios: ita dona illa elevant ad actus valdè extraordinarios, specialissimoque Spiritus Sancti instinctu indigos. Sic donum fortitudinis elevavit Samsonem, & Eleazarum quemdam Machabzum, ut se ipsos simul cum hostibus Dei interficerent. Sic donum Consilij evehit animum, ut extraordinariâ prudentiâ provideat futuris. Et sic de reliquis, unde argumentum sumo. In unaquaque ex virtutibus dictis, sive Theologicis, sive moralibus, potest accidere specialissima fuga à malo discedendi à Deo longe superans frequentem, & ordinarium modum honestatis, & supernaturalem fugiendi ab eo malo. Vel cedo rationem, ob quam id contingere nequeat, ergo fuga illa, utpote specialissima, & extraordinaria, ab aliquo dono Spiritus Sancti debet procedere, sive illud sit, sive non sit distinctum à virtute infusa. Sed à nullo congruentius, quam à dono timoris, ergo fuga illa procedit ab hoc dono. Sed fuga illa potest esse timor actualis, quia concurrere possunt contra requisita ad timorem, ergo prædictus timor actualis interdum procedit à dono timoris, nempe quando est præter communes leges rationis communis.

Hinc

Isai. 15.

Judic. 5.

Machab. 6

Hinc si septem illa dona distinguantur à virtutibus, donum timoris quandoque influet in timorem, qui sit Theologicus, quandoque in timorem, qui sit purè moralis, vel religionis, vel obedientiæ &c. Sin verò non distinguantur à virtutibus, donum timoris erit multiplex: unum Theologicum consistens in charitate, vel spe valde intensis, potentibus elicere actus extraordinarios timoris: alterum morale consistens in religione, vel obedientia, vel timore habituali extraordinarie intensis, valensque ad actus extraordinarios timoris.

221. Obijcies. Non quævis prosequutio erga Deum est actus charitatis; sed illa quæ movetur ex tali determinato obiecto formali v. g. divina bonitate. Et non quævis prosequutio cultus divini est actus Religionis, sed illa quæ concipitur ex tali determinato obiecto formali honestate nimirum, ut aliqui volunt, ipsius cultus, & sic de alijs virtutibus, ergo non quævis fuga efficax à malo futuro, & arduo est actus timoris, sed illa quæ concipitur ex tali determinato obiecto formali, ergo licet prædictæ virtutes Theologicæ, atque morales influere possint in fugam efficacem à prædicto malo, arduo, & futuro non eo ipso convincitur posse influere in actum, qui sit timor formalis quidquid sit de timore purè materiali. Et ratio primæ consequentiæ est. quilibet actus humanus, ut constitutus in sua specie determinata, debet habere suum obiectum formale, proximum, determinatum, quod sit ipsius specificativum, & quasi tessera, vel character quo discernamus eum ab alijs actibus humanis, ut constat in omnibus virtutibus, atque vitijs, ergo timor Dei ut constitutus in sua specie, debet habere aliquod obiectum formale determinatum, quod discernatur ab alijs actibus humanis: ergo sicut charitas habet suum caracteristicum obiectum formale, ac proinde non quævis prosequutio erga Deum est actus charitatis; sed illa sola quæ concipitur ex determinato obiecto formali (idem de Religione, alijsque virtutibus) ita timor habet suum caracteristicum obiectum formale v. g. subiectionem ad Deum, ut *potentem malum infligere*, ac proinde non quævis fuga efficax ab illo malo est actus timoris, sed illa sola, quæ concipitur ex determinato illo obiecto formali. Concesso antecedente obiectionis, nego consequentiam. Et ratio contra rationem obiectam est, quemadmodum poenitentia verè, & simpliciter formalis, & non purè materialis, est detestatio, & dolor de peccatis non propter hoc specificum, & determinatum obiectum formale, sed propter hoc, vel propter illud honestum, & supernaturale (siquidem contritio perfecta: & imperfecta propter iacturam beatitudinis, & imperfecta propter deum ad poenam verè, & simpliciter sunt poenitentia sufficiens ad justificationem unaquæque suo modo; & tamen valdè discrepant in obiecto formali proximo, & adæquato) ita timor Dei verè, & simpliciter formalis, & non purè materialis dumtaxat est fuga efficax à malo futuro, & arduo non propter hoc specificum, ac determinatum obiectum formale, sed propter hoc, vel propter illud quod specialem aliquam dicat relationem ad Deum.

222. Quoniam sicut Pœnitentia salutaris *ut sic* non est specifica virtus, sed quædam valdè generica, indifferensque ut contrahatur, vel ad classem virtutum Theologicalium, vel ad classem moralium prout fuerit obiectum formale adæquatum, & proximum quod habuerit. Ita timor formalis Dei *ut sic* non est virtus ulla specifica infima, sed valdè generica, indifferensque ut contrahatur jam ad hanc virtutem Theologicam jam ad illam, jam ad hanc virtutem moralem, jam ad illam, prout fuerit obiectum formale adæquatum, & proximum, ex quo concipiatur. Hinc, vel loqueris de timore salutari *ut sic*, atque præcisè ut tali: vel de illo prout est determinata quædam virtus moralis. Si primum? tibi ipsi das disparitatem ad istas virtutes quas obiectis, quæque species infimæ sunt; nec non solutionem ad istam rationem quæ solum procedit de virtutibus, & vitiis constitutis in determinata specie infima. Si secundum? jam dixi timorem salutarem, prout est specifica quædam virtus moralis, habere suum determinatum obiectum formale specificativum. Ex quo elicies quidem virtutes alias infusas sive Theologicas, sive morales non influere in timorem qui sit actus specificæ virtutis cujusdam moralis; non autem elicies virtutes eas influere nequire in actum, qui verè, & formaliter sic timor salutaris. Quod si difficultatem detorquens ad modum loquendi, dicasque hunc solum esse formalem timorem; ceteros autem materiales, teneberis dicere solam detestationem peccati conceptam ex motivo Pœnitentiæ prout est virtus quædam specifica moralis, esse pœnitentiam strictè, & formaliter talem; conceptam autem proximè adæquatè ex sola divina bonitate esse pœnitentiam purè materiale. Cumque absque pœnitentia verè, & formaliter tali nullus peccator adultus justificari possit, ut satis colligitur ex concilio Tridentino, necnon ex Luca ubi semel, & iterum inculcat Christus Dominus *nisi pœnitentiam habueritis omnes similiter peribitis*; teneberis concedere prædictam detestationem ex prædicto motivo conceptam imparem esse justificationi, quod absit. Ne confundantur igitur pœnitentia formalis in genere cum pœnitentia in specie aut timor formalis in genere cum timore in specie.

Concil.

Trid.

Iess. 6. c. 14.

Luca 6. 13



C A P U T XIII.

De Præsumptione.



UAMVIS virtutes Toeologicæ, ut distinctæ à moralibus dici soleant non habere medium, certum est hominem posse peccare in spe ad mores spectante per excessum, (& hoc peccatum est præsumptio) nec non per defectum, & id vocatur desperatio. Ambæ ex-

plicandæ sunt. Igitur præsumptio, sicut pleraque alia vocabula, significationibus scatur. Multarum radix difficultatum ambiguitas vocum, quibus utimur. Alludere potest præsumptio cum ad intellectum, cum ad voluntatem, tum ad actionem externam. Præsumptio externa est anticipata rel-umptio. Sic Paulus ad Corinthios. *Unusquisque suam curam præsumit ad manducandum*. Præsumptio intellectualis potest intelligi primo per hoc quod est præsumere, seu præsumere habere animum, ut apud Valerium. *Præsumpsit unum ea re significari exitum suum* 2. pro hoc quod est prævenire, seu præoccupare argumenta contraria, quæ acceptio, vulgaris est apud Rethoricos, quorum Quintilianus inquit *mirè verò in causis velis præsumptio, cum id quod obici potest, occupamus* 3. pro iudicio ex vero similibus signis concepto, unde præsumptionem describunt iurisperiti in Rubric. de præsumption. *Existimatio quæ ex verosimilibus conjecturis ducitur* 4. pro fundamentis ipsis objectivis ad iudicandum, & sic dividitur præsumptio in vehementem, probabilem, & leve, prout vis aut energia fuerit motivorum ad iudicandum 5. pro iudicio temere concepto, ut illud *Semper enim præsumis seiva conturbata conscientia* 6. pro alta, gloriosa, & maiore quam par est, existimatione sui ipsius ut apud Judith. *Præsumentes de se, & de sua virtute gloriantes humilias, & apud Ecclesiasticum. Vidis præsumptionem cordis eorum, quoniam mala* 7. pro alta etiam, & gloriosa existimatione alius, ut apud Judith ibidem *Ostende quoniam non derelinquis præsumentes de te* 8. pro iudicio congruo rebus, de quibus est sermo, ut illud Sapientie. *Mibi autem dedit Deus dicere ex sententia, & præsumere digna horum quæ mihi dantur*. Nulla ex his-ceptionibus venit ad rem præsentem, & rationes sive amicæ sive inimicæ innitentes alicui earum, expugnandæ sunt.

224. Præsumptio prout alludit ad voluntatem est motus in rem supra propriam virtutem, convertiturque cum audacia mala, & est multiplex. una quæ est in rem supra propriam virtutem moralem, id est in rem quæ homini interdicitur: ut apud Ecclesiasticum. *In medio magnatorum loqui non præsumas*. Frequenterque auditur in iure positivo: *nemo præsumat. Si quis præsumperis*. Ubi præsumptio sumitur pro audacia supra id quod

I. Cor. II.

Quintial.
lib. 5. Iust.
Prætor.

Sæc. 17.

Judith. 6.
Eccl. 18.

quod permittitur hujus peccati malicia non est specifica, sed generica, & valdè universalis prout fuerit materia, quæ prohibetur; & motivum, ex quo prohibetur, & circumstantiæ pro quibus prohibetur. Altera quæ conatur in rem, quæcunque illa fuerit, supra vires proprias etiam physicas, ut hic, & nunc valentes: qualis est illa quæ apud Ovidium obicitur Phæronti *Magna petii Phæron, & qua non viribus istis Munera conviciunt, nec tam puerilibus annis*. Rursus hæc potest esse duplex: una philosophica, nempe quæ in rem tendit naturalem supra vires etiam proprias physicas, ut si conareris columnas templi concutere, vel integras hostium copias inermis fugare inilar Samsonis. Altera Theologica, & est, quæ simili audacia tendit in rem supernaturalem. Hæc item dupliciter potest contingere. Primò circa rem supernaturalem valdè genericam communemque aliis virtutibus, ut si præsumeres diu vivere absque noxa etiam veniali magnumque illud donum, perseverantiz adipisci, sine speciali auxilio Spiritus Sancti. Secundo in materia determinata spei Theologicæ. Nulla illarum specierum præsumptionis disputatur in præfenti; sed sola hæc ultima, quæ est immoderantia spei, communiterque definitur, teste Castro Palao. *Spei obtinendi à Deo supernaturalis dona, aliter quàm ipse obtinenda fluit*, quod duobus modis contingere potuit. Primò quatenus est spei obtinendi, quod ipse non vult dare; sic sperare à Deo unionem hypostaticam, gloriam parem gloriæ Deiparæ, gloriam in sensu composito moriendi in lethali, auxilium ad legem violandam (quæ una est ex Calvinii blasphemij) esset præsumptio, petulantique audacia contra virtutem Spei. Secundo, si quod Deus re ipsa vult dare affectes medijs alijs, quibus dare non vult. Sic Pelagianismus, atque Semi-pelagianismus præsumptionem trahunt contra Spem Theologicam, quia trahunt conatum in beatitudinem (quam sane vult dare ille, qui illuminat omnem hominem venientem in hunc Mundum, qui quæ vult omnes homines salvos fieri) meritis, aut saltem meritorum initio purè naturali, quo titulo non vult Deus beatitudinem donare.

225. Sic etiam lutheranismus est similis præsumptio, quia est conatus adipiscendi beatitudinem sola fide absque proprijs meritis contra legem divinam non largiendi gloriam adultis ratione utentibus nisi propter alia etiam opera præcepta: siquidem fides absque operibus cadaver est. Ubi jam notaveris hujusmodi præsumptiones raro infici unà solâ malitiâ contra spem, sed plerumque trahere secum alias ut blasphemiam, irreverentiam &c.

Jam quòd præsumptio complectatur duos illos modos, probatur: spes Theologica est conatus complexus tendens in duo: nimirum in illud quod Deus promissit (alias carebit certitudine characteristica, quæ insignitur) item in media quæ Deus prædefinit, quod commune est omni intentioni efficaci finis: nempe tendere in media hic, & nunc necessaria. Ergo aspirare ad majora, quàm promissa sint: vel per media magis libera, quàm sint media prædefinita, est vitium contra spem per excessum. Sed sola præsumptio de qua in præfentiarum est contra

spem per excessum. Ergo ambo illa sunt præsumptio specifica Theologica. Dices. Spes atque præsumptio conveniunt in obiecto materiali, atqui si spes obiecti non promissi v. g. unionis hypostatice esset præsumptio, non daretur ea convenientia ut patet, ergo ea spes non est præsumptio, ergo hæc consistit in sola spe obtinendi donum supernaturale aliter quam Deus promissit, ut præfert communis illa definitio. Respondetur: sicut superstitio, quæ est peccatum per excessum contra Religionem, non habet idem obiectum materiale quoad speciem infimam, quod habet religio, siquidem non semper est reverentia illorum dumtaxat quæ vult Deus; sed interdum plurimum quam Deus vult. Ita præsumptio Theologica specifica non semper convenit cum spe in obiecto materiali quoad speciem infimam; sed vel quoad hanc, vel quoad subalternam: quatenus præsumptio hæc tendit in rem supernaturalem sicut tendit spes Theologica, quod si in rem tenderit impossibilem ut spes habendi pro identitate attributa divina; illa non tam erit præsumptio quam mentis defectus.

226. Jam circa moralitatem hujus affectus sit conclusio. Præsumptio Theologica in materia spei Theologicæ est grave peccatum. Et per se loquendo gravius peccatis contra virtutem quamlibet moralem, & similiter gravius infidelitate, desperationique suppar, sed non semper destruit per se præcisè spectata in genere demeritorio habitum spei. Probo primam partem. Non quia plerumque trahat secum errorem, contra fidem: absque judicio enim pratico sola apprehensione obiecti precedente, atque ut dici solet, sola excitatione specierum, potest voluntas prodire in actum imprudentiæ imprudentia morali qualiter prorumpit semper ac peccat. Sed sola apprehensio vehemens non est hæresis aut error contra fidem ut patet in Catholico patiente illas vehementes apprehensiones contra fidem; & tamen huic inconfusæ adhaerenti, ergo absque errore contra fidem haberi possunt illæ apprehensiones. Arguo sic. Omne quod graviter dissonat rationi, est peccatum grave. Sed omnis præsumptio in materia spei Theologicæ graviter dissonat rationi. Probat. Omnis efficax, & serius conatus, vel in obiectum, vel per media contra stabilem ac firmam providentiam Dei præcognitam, graviter dissonat rationi: tum ratione materiæ, quæ levis non est: tum ratione advertentiæ, quæ supponitur plena: tum ratione voluntarietatis, quæ etiam plena supponitur, siquidem actus est serius, & efficax conatus. At omnis ea præsumptio est serius, & efficax conatus, vel in obiectum, vel per media contra stabilem ac firmam providentiam Dei præcognitam, ut constat ex supra data explicatione ipsius. Ergo. Quocirca licet in hac præsumptione inveniri possint rituali tollentes, vel minuantes malitiam, sicut in aliis etiam peccatis, v. g. ignorantia invincibilis, advertentia semiplena dumtaxat aut semiplenus consensus; id probat per accidens illam esse posse nullum, aut leve peccatum; sed non impugnât illam ex genere suo esse peccatum grave: quod insinuat exemplis explicandum est.

227. Subsequentium partium intelligentiæ præmittendum est pri-

modo: licet non semper, atque absolute quo excellentior fuerit aliqua virtus eo gravius sit peccatum quodvis contra illam, verumtamen quo excellentior fuerit virtus, eo gravius est per se. Icq. quando, ceteris paribus, seu ex genere suo, peccatum graviter directeque illi oppositum. Ratio primi est: tum quia peccatum etiam veniale contra iustitiam est aliquod peccatum contra hanc virtutem, quæ profectò nobilior est quam temperantia, & tamen non est gravius peccato lethali contra hanc ut patet, ergo non quodvis peccatum contra virtutem nobiliorem &c. tum quia charitas est nobilior fide, atque spe iuxta Apostolum ad Corinthios. *Fides, spes, & charitas, maior autem horum est charitas.* Et tamen non quodvis peccatum lethale contra charitatem est universaliter gravius peccato quovis contra fidem, aut spem. Probat: mera negligentia diligendi Deum in eo instanti, pro quo urget præceptum charitatis, est peccatum grave contra hanc virtutem: positiva contumacia infidelitatis, & positiva desperatio sunt peccata gravia contra fidem, & spem: atqui illa mera negligentia non est semper absolute gravius peccatum unoquoque ex his duobus. Ergo. Et ratio est. Gravitas hic, & nunc peccati non taxatur unice per virtutem quam spernit, sed per multas alias circumstantias v.g. per maiorem ardorem seu intensiorem per maiorem advertentiam contra quam sit per minorem tentationem, cui homo cedit, per maiorem immediationem directionemque in virtutis contemptu: atqui fieri potest quod peccatum grave contra inferiorem virtutem habeat maiorem durationem, immediationem, advertentiam &c. ergo fieri potest quod peccatum contra inferiorem virtutem sit hic, & nunc absolute omnibusque pensatis gravius peccato contra virtutem nobiliorem, quamvis ex genere suo sit levius eo modo quo licet argentum ex genere suo minoris æstimetur, quam aurum: mille tamen argentei absolute omnibusque pensatis pluri habentur, quam unus aureus, sic quanquam Religio, ut pote virtus purè moralis, inferior sit fide, quæ est virtus Theologica, nihilominus sacrilegium, perjurium, blasphemiaque sub levi tentatione, & contra plenissimam advertentiam elicitæ contra religionem, graviora sunt peccata dubio momentaneo negativo contra fidem, quod utique est peccatum grave. Sic etiam inter peccata ipsa graviter opposita virtuti eidem una sunt graviora aliis, vel propter diversum modum tendendi quem habent, vel propter diversas circumstantias occurrentes; alioquin dicemus solam omissionem dilectionis præcepti parem esse gravitate odio expresso, & formali Dei, solamque negligentiam discendi mysteria fidei parem esse hæreticæ pervicaciæ. Unde etiam inter propositiones oppositas sacræ doctrinæ unæ sunt peiores alijs. Secunda pars hujus præmissi est quæ docetur à S. Thoma. Et ratio est: licet contemptus alicuius virtutis non sit unica ratio malitiæ in actu graviter directeque illi opposito: est tamen sufficiens. Ergo si ceteri tituli sint aequales excedit absolute in malitia peccatum illud, quod graviter, ac directe advertatur virtuti nobiliori. Ergo per se, ac ex genere suo gravius est peccatum illud quod graviter, ac directe opponitur nobiliori virtuti. Cur addiderim duo

1. Cor. 10.

S. Thom.
22. q. 20.
art. 3.

duo illa syncategoremata *graviter*, *directè* satis insinuavi inter probandum primam partem huius præmissi.

228. Præmittendum est 2. *Spem Theologicam* esse virtutem perfectiorem Fide. Hanc propositionem negant aliqui Auctores apud P. Oviedo alienæ fidem excellentiorem esse spe. Ipse Turrianum sequutus ab utroque excessu manum temperat ibidem num. 66. Sed nos sequimur eximum Doctorem Becan. arque Conink quos num. 53. refert pro dicto excessu, & quidem cum habitus fidei plenè, adæquatèque sumptus imbibat habitum spectantem ad voluntatem, à quo procedit imperium credendi, nec non alium spectantem ad illum, à quo nascitur assensus ipse fidei planum est *Spem* esse perfectiorem fide supra quoad habitum illum quoniam ille est virtus purè moralis; spes autem est virtus Theologica. Ergo spes perfectior est illo habitu. Idem dico si collatio sit inter actum, & actum: quippe actus spei est Theologicus, ut potè motus proximè adæquatè ex aliquo divino; actus verò oriundus ex illo habitu est pure moralis: siquidem est imperium assensus fidei propter honestatem, v.g. ipsius: ergo actus ille perfectior est hoc ex genere suo. Probo igitur præmissum positum: quoties res spectata juxta una prædicata æqualis est alteri, & spectata juxta alia est superior, & iuxta nulla est inferior, res illa absolutè, & simpliciter est superior quàm altera. At spes juxta una prædicata est æqualis fidei (quoniam ambæ sunt æquè supernaturales, æque Theologicae, seu æquè moventur proximè adæquate quæ ex moribus divinis æquè perfectis, siquidem spes movetur proximè adæquatè ex divina bonitate ut nobis possidèda; fides ex divina auctoritate ut nobis loquente; & neque divina bonitas est inferior auctoritate, neque ejus possessio loquutione) deinde juxta alia est superior.

229. Probatur eo ipso quòd sit longè difficilior, est juxta hoc prædicatum superior, major quippe difficultas in obsequio præstando augget hujus excellentiam ceteris paribus. At spes longè difficilior est quàm fides. Probatur: tametsi fides sit captivitas intellectus, opus specialissimum Dei, ac proinde ingens meritum; excellentia tamen ipsius in primis non consistit in eo quòd assequamur modum quo res fidei contingunt, hæc namque assequutio sive intelligentia non tam est opus fidei quàm intuitionis; sed in eo quòd firmiter assentiamur illis quomodo libet contingant ex parte rerum. Rursus neque ex eo quòd supposito verbo Dei intellectus firmissimè assensatur veritati quæ est supra, vel etiam contra rationem naturalem sibi soli relictam. Tum quia cordatus quisque reflexè agnoscit suam solam rationem naturalem non assensui omnia, & non semper esse re ipsa rem, quæ sibi evidens videbatur, cum sepius deprehenderit se in errore, inveneritque non fuisse quod sibi evidentissimum videbatur, aut fuisse quod videbatur sibi impossibile, quæ reflexà advertentiâ cohibetur intellectus ne tenax sit eorum quæ sibi soli certissima videntur, ergo multum non est quod intellectus rationem suam naturalem, quam ad eò debilem experitur, verbo Dei submittat, multum inquam respectivè ad illud quod mox dicam de spe, tum quia naturæ ipsius manu scriptum est in mente ratio-

rationali Deum impotentem esse fallere ac falli , magis sapientem ac veracem esse ceteris omnibus , & consequenter plus fidendum esse testimonio Dei , quàm rationi cuiusvis ex adverso insurgenti , sicut in propositionibus Mathematicis , & reliquarum artium plus credendum est peritis , quàm rudibus illius artis . Non stat ergo difficultas in prædicto assensu supposito divino testimonio ; sed in eo quòd testimonium hoc , obscurè propositum , ex toto corde admittatur , & eo admissò stabilis eliciatur assensus contra argutias ratiuncule nostræ naturales . Rursus quævis obscurè proponatur dictum testimonium ; eis tamen suaderetur rationibus vel extrinsecus ab hominibus vel intrinsecus à Deo loquente ad cor hominis ut evidenter sit rationi consonum suscipere illud evidenterque sit temerarium nolle intellectum captivare in obsequium illius . Ergo de primo ad ultimum , tota difficultas fidei consistit in captivitate intellectus ut semel suscipiat divinum testimonium ad conspectum rationis evidenter suadentis esse temerarium non captivare intellectum petulcum , & pervicacem ut illud suscipiat .

S. II.

250. **H**Æc difficultas licet magna sit non adeò torquet animum sicut difficultas spei Theologicæ . Hęc quippe sum sit efficax , & resolutus conatus obtinendi Deum ut ultimum finem , est eo ipso efficax , & resolutus conatus apponendi omnia media necessaria , amovendique impedimenta omnia , ergo est efficax , & resolutus conatus obediendi omnibus & singulis præceptis legis : resistendique cunctis tentationibus in materia gravi , quæ ingruere possunt , pariendi jacturam salutis , vitæ , honoris , & bonorum omnium , si fuerit necessaria ad finem illum obtinendum , atqui hoc altè ferit nec in frequenter cunctos humanos appetitus , ergo spes efficax est conatus resolutus suffocare hos cunctos appetitus . Sed id summo perè dolet , tum propter multitudinem , tum propter frequentiam , tum propter charissimas materias in quibus lucta hęc potest contingere , ergo difficultas spei Theologicæ longè superat difficultatem fidei , ergo si juxta hæc prædicata spectetur , nobilior est fide . Neque propterea unumquodque peccatum lethale est directè ac signatè contra spem ; sed contra obiectum secundarium spei nempe contra media necessaria ad obtinendum ultimum finem . Primum namque illud postulabat , quodvis peccatum reiicere signatè beatitudinem ut talem , quod perfectio non cōtingit . Quo circa sitibi obijciatur dicta sequela absurda , distingue : & cōcessio omne peccatum grave esse physice in genere obiecti contra spem Theologicam , quippe quæ nolitionem efficacem trahit secum omnium peccatorum ; nega illud semper esse moraliter contra illam , quia illa non

non prohibet directè cuncta peccata sed præcipit actum efficaciter affective repellentem omnia peccata, quæ duo esse valde diversa constat ex virtute charitatis, & Pœnitentiæ, quæ similiter trahunt secum actum repellentem cuncta peccata gravia, & tamen ipsæ non prohibent per se præcisè cuncta peccata, alioquin singula, ultra propriam specificam malitiam, alijs duabus inficerentur; unâ contra virtutem Pœnitentiæ; alterâ contra Theologicam charitatem, omitto, quæ replicari possunt. Neque rursus obijcias virtutem Pœnitentiæ, quæ eundem conatum obediendi toti legi, trahit secum, quin propterea perfectior sit fide: fatebor namque esse difficiliorem; sed negabo perfectiorem esse, quia ista major difficultas compensatur per divinitatem motivi, quod habet fides; secus Pœnitentia, ut virtus purè moralis. Spes autem Theologica fruitur eâdem divinitate motivi, qua Fides. Neque rursus cum P. Oviedo dicas fidem quoque esse firmam adhesionem ad Deum, ut summè veracem, constansque exercitium credendi Deo, quia neutra constantia trahit secum tot, tantos, & tam frequentes cruciatus sicut constantia Spei.

231. Denique spes juxta nulla prædicata est fide inferior. Quinque namque sunt quæ extollere possunt fidem supra spem. 1. quodd plus laudetur in Scriptura. Sed non urget, nam sapius, & sapientius quoque laudatur eleemosyna, misericordia, & justitia quin propterea aliqua ex his perfectior sit quàm spes. Nempe quia sicut ad unionem rationalem hominum magis conducunt justitia, misericordia, & virtutes id generis, quàm spes Theologica, ita ad unionem aliam eorundem altiore, scilicet ad unionem in Religione, magis conducit fides. Jure igitur magis commendantur illæ virtutes, & fides etiam quàm spes licet perfectiores non sint. 2. est quodd fides pertineat ad intellectum, quæ perfectior est potentia. Id namque probaret fidem esse charitate perfectiorem Apostolo contradicente. Actus itaque potentiz perfectioris perfectior est cœteris paribus actu potentiz imperfectioris; secus autem cœteris imparibus; aliàs simplex apprehensio foret perfectior spe actuali Theologica. In præsentiarum aurem cœtera sunt imparia quoniam ardor ille, seu conatus efficax, quo spes fertur in omnia media positiva, & negativa, quæ necessaria sunt adipiscendo beatitudinem, est ingens disparitas. 3. est quodd spes, utpote concupiscentia, dicit ordinem ad nos; fides autem purius, & sincerius tendit in Deum unice propter summam suam auctoritatem. Neque id urget, quoniam ordo ille spei perfectus est, & insuper trahit secum efficacem conatum in observantiam omnium præceptorum, victoriamque omnis tentationis, & quidem propter Deum nostrum ultimum finem. 4. quodd spes accipiat suam certitudinem à fide. Neque hoc valet, quoniam etiam Charitas Theologica præsupponit fidem; & tamen hac est perfectior. Adde. Istam acceptionem compensari, quia spes formaliter in se ipsa est bona, & meritoria; Fides autem licet formaliter in se ipsa sit vera; non tamen est formaliter in se ipsa bona moraliter, & meritoria, sed quatenus præ-

sup;

S. Thom.
1.2. q. 56.
art. 3.

supponit actum voluntatis, ut notat S. Thomas. Bonitas autem moralis, atque meritum excedit veritatis perfectionem. 5. quod fides sit radix justificationis. Neque hoc urget: nam etiam prima radix ante fidem liberam est sancta illa inspiratio, qua Deus erudit hominem, ac de lege sua docet eum, quin titulus hic extollat eam cogitationem supra fidem, ac spem. Neque quod sine fide impossibile sit placere Deo, nam hic textus intelligitur de fide habituali (ut probant parvuli qui immediatè post baptismum placent Deo quin actum ullum fidei elicuerint) atque etiam sine spe habituali impossibile est in hac providentia placere Deo propter connexionem quam gratia habet cum habitu spei ac fidei. Habes igitur probatam illam minorem secundi præmissi scilicet spem juxta una prædicata spectatam esse parem fidei, juxta alia esse superiorem, & juxta nulla inferiorem, ergo absolutè omnibusque pensatis spes est excellentior fide.

232. Probo jam secundam partem conclusionis datæ num. 126. videlicet, præsumptionem ex genere suo esse peccatum gravius peccatis contra virtutem quamlibet moralem. Tamen si ea possint adesse circumstantiæ, quarum concursu peccatum contra virtutem moralem, gravius sit hic, & nunc omnibus pensatis peccato contra virtutem Theologicam ut dixi in præmissis primo; verumtamen quo excellentior fuerit virtus, eo gravius est per se loquendo ceteris paribus, ac ex genere suo, peccatum graviter; & directè oppositum illi ut ibidem dixi, atqui virtutes Theologicæ excellentiores sunt virtutibus moralibus, ergo peccatum graviter, & directè oppositum alicui earum, gravius est ex genere suo, ac ceteris paribus, peccato quovis contra virtutem moralem. At præsumptio in materia spei Theologicæ est peccatum graviter, & directè oppositum huic virtuti: siquidem hac æquè prohibet excessum atque defectum, æquè contemneres privatum Procerem adscribendo illi titulum *Majestatis* atque negando titulum *Excellentiæ*. Ergo. Probo similiter contra recentiores esse peccatum, gravius ceteris paribus infidelitate. Quo excellentior est virtus eo gravius est ex genere suo peccatum graviter, ac directè oppositum illi, ut in primo præmissis. Sed spes excellentior est fide ut in præmissis secundo, ergo gravius est ex genere suo peccatum graviter, & directè oppositum illi. At præsumptio, de qua in presenti, graviter, & directè opponitur spei; positiva autem infidelitas fidei. Ergo præsumptio hæc gravius est peccatum ex genere suo ceterisque paribus quàm positiva infidelitas. Dices cum RR. Infidelitas magis directè opponitur fidei quàm præsumptio spei. Ergo est majus peccatum. Nego antecedens quia cum res æquè spernatur per excessum ac per defectum; si infidelitas opponitur fidei directè per defectum; præsumptio directè quoque opponitur spei per excessum. Neque ex eo quod peccatum destruat habitum infusum arguitur esse majus. Nam peccatum quodvis grave destruit habitum omnium nobilissimum nempe charitatis; & tamen non est gravius alijs peccatis lethalibus contra fidem, aut spem, non destruentibus hos habitus infusos. Unde probatam habes quæ-

tam partem illius conclusionis scilicet esse peccatum desperationi par, quamvis diversæ speciei. Eadem namque est virtus cui ambæ opponuntur, & par est modus spernendi, negare cultum debitum, & maiorem debito scienter præstare, nam est irrisio. Dico scienter. Nam si præsumptio nascatur ex ignorantia invincibili, erit peccatum purè materiale.

P.Ovied.
contr. 6. de
spe n. 54.
P.Konink
dis. 20. dub.
13. n. 130.
P. Turian.
ad art. 2. q.
21 S. Thom.

233 Ultima pars videbitur alicui contra communem Theologiam, docentem apud P. Ovied. habitum spei præsumptione destrui. Verumtamen præter ipsum Ovied. qui nostram propositionem putat valdè probabilem ibidem duos magni iudicii habemus Authores PP. Conink & Turrianum. Adde communem illam Theologiam procedere de præsumptione obtinendi gloriam, vel sine meritis distinctis à fide, vel cum solius arbitrii meritis. Quarum prima est Lutherana, & secunda Pelagiana, & ambæ destruunt habitum spei, quia destruunt habitum fidei sine quo habitus spei non subsistit. Nos vero loquimur de præsumptione per se præcisè spectata, & præsciendū ab his duobus speciebus. Revocandum igitur in memoriam est quod altibi disputavi nempe hæresim formalem non opponi ex natura rei cum habitu infuso fidei. Idem propter eandem rationem suppono modò de præsumptione respectu habitus spei: & insuper addo, neque opponi cum illo in genere causæ demeritorie per se præcisè spectatam. Eatenus enim præsumptio dicta mereretur privationem habitus spei, quatenus trahit secum ruinam habitus fidei, & illico subsequitur ruina habitus spei. Vel quatenus est peccatum grave contra spem. Vel quatenus specie non differt à desperatione, ut docet P. Granado, vel quatenus est positiva nolitio beatitudinis, & consequenter desperatio strictè talis. Hæc sunt motiva contraria, Sed nullum evincit rem. Ergo. Non primum. Tum quia aliud est quòd præsumptio per se præcisè trahat formaliter, & directè privationem habitus spei; aliud quòd trahat illam per consequentias, & ratione hæresis cui admisceri potest, primum est quod nego, atque idcirco signanter dico *per se præcisè spectatam*, & hoc non probatur ratione ista, quamvis enim communis sit Theologia apud P. Oviedo deficere habitum spei deficiente habitu fidei, quod fundamentum est totius spiritualis ædificij; hoc solum probat, hæresim imbibere solitam in præsumptione dicta, mereri privationem utriusque habitus; non autem præsumptionem ipsam per se præcisè spectatam, quæ sanè potest committi sine hæresi. Secundum est quòd probatur ista ratione; sed secundum non negatur modò à nobis.

P.Granad.
tract. 4.
disp. 3.

P.Ovied.
contr. 3. de
spe n. 75.

234. Tum quia licet præsumptio Pelagiana, Lutherana, & Calviniana importent hæresim formalem; absque hoc tamen dari potest præsumptio in materia spei: si nimirum homo contra conscientiam, sed cum ignorantia invincibili Ecclesiasticæ doctrinæ hac super re, affectat beatitudinem, aut sola fide, aut solis meritis naturalibus inaxius: potest namque conscientia aliunde retrahere, quàm ex doctrina fidei. Ergo potest dari peccatum præsumptionis contra spem non retrahens secum privationem habitus fidei. Urgetur. Audacia peccandi prætextu di-

vinz misericordiz nec non conficiendi vitiorum iter sub vana fiducia, corrigendi postea mores, sunt præsumptiones in materia spei Theologicæ, & tamen præcisè ut tales nullam imbibunt hæresim internam, ergo potest dari præsumptio contra spem Theologicam, quæ hæresim internam non importet: ergo si eatenus præsumptio destruit habitum spei quatenus destruit habitum fidei, & eatenus destruit hunc quatenus importat hæresim, non omnis præsumptio destruit habitum spei. Negabit aliquis maiorem hujus discursus eo quia S. Thomas dixerit. *Peccare autem sub spe veniæ quandoque percipiendæ cum proposito abstinendi a peccato, & penitendi de peccato hoc non est præsumptionis, sed hoc peccatum diminuit, quia per hoc videtur habere voluntatem minus firmatam ad peccandum.* Sed aliud est peccare sub spe veniæ cum proposito abstinendi a peccato: & aliud sub vana spe veniæ absque proposito hoc, & cum sola fiducia vana intellectu corrigendi postea mores. S. Thomas nominatim loquitur de primo peccare; nos de secundo. Ergo textus non est contra nos.

S. Thom. 2.
2. q. 21. ar.
1. ad. 3.

235. Non item secundum motivum: quia sicut non quodvis peccatum contra fidem meretur privationem hujus; sed sola positiva infidelitas, ita non quodvis peccatum contra spem privat hoc habitum, maxime cum huic privationi, etiam propter positivam desperationem, non militet authoritas Tridentini, aut aliud irrefragabile testimonium ut notat P. Oviedo. Et aliàs sola omissione culpabili actûs spei pro casu obligationis eliciendi eum, amitteretur habitus infusus hujus virtutis. Ratio autem est. Oppositio, quæ non probatur, neganda est. At oppositio cujusvis peccati in materia spei, vel in alia, cum habitu infuso spei non probatur, si ve ea dicatur oppositio physica, si ve purè moralis, & demeritoria. Ergo. Quocirca licet propter quod vis lethale deficiat habitus gratiæ, & hoc deficiente deficiant ceteri habitus infusi, ut pote rami ex ea radice pullulantes; non tamen habitus fidei ut expressè docet Tridentinum, neque spei, ut paritate fidei suadent communia Theologorum suffragia. Non tertium, nam eatenus præsumptio, ac desperatio non distinguuntur specie juxta P. Granado, quatenus conveniant in eodem fine, seu motivo. At ratio hæc non sufficit. Tum quia ut bene notant RR. electio mendaciæ, & electio occidendi innocentem ne loquatur, possunt convenire in eodem fine, scilicet occulandi veritatem: & tamen sunt peccata specificè diversa, atque ut talia explicanda in confessione. Ergo convenientia in eodem fine, seu motivo non sufficit ad specificam unitatem infusam peccatorum. Tum quia neque in virtutibus est firma ista regula ut sæpe dictum. Amor quippe naturalis, & amor supernaturalis Dei habere possunt idem motivum, divinam scilicet bonitatem satis notam ex principiis naturalibus; & tamen distinguuntur specie. Similiter charitas supernaturalis, quam habemus in via, & quam Beati habent in Patria, eodem gaudent motivo, seu obiecto formali, nimirum divina bonitate: & tamen distinguuntur specie morali, quandoquidem una est necessaria, & altera libera. Item fides obscura, meritoriaque nec non fides

POvied. ib.
num. 82.

Trident.
sess. 6. c. 15
P. Granado
traß. 4.
dis. 3.

cum evidētia in attestante respiciunt idē obiectum formale, & tamen distinguuntur specie.

236. Et ulterior ratio est. Identitas specifica etiam in genere moris inter duos actus poscit quod in nullo intrinseco, & speciali prædicato de genere moris notabiliter differant; non enim distinguuntur purè individualiter, sicut duo homines, si in aliquo speciali atque intrinseco prædicato notabiliter differant, & consequenter non conveniunt in eadem specie infima quidquid sit de subalterna. At fieri potest quod conveniant in eodem fine, atque motivo, & tamen quod in aliquo prædicato intrinseco de genere moris notabiliter differant. Sic amor purus, simplex, ac strictus Dei, efficax desiderium propagandi fidem ejus, idem motivum habent; & nihilominus ex intrinseco suo modo tendendi notabiliter differunt in genere moris. Sic spes Theologica actualis, desiderium purum gloriæ, amor strictus eiusdem, nec non gaudium, habent idem obiectum formale juxta factis communem inter nostros Theologiam; & nihilominus ex intrinseco specie distincti, seu notabiliter differentes in suo intrinseco modo tendendi, seu nequeunt definiri adhuc in sensu reali eadem definitione juxta doctrinam quam dedi Disp. 3. Logicæ Majoris num. 79. Sic desiderium subveniendi egeno propter Deum, & desiderium aliud subeundi Martyrium etiam propter Deum, conveniunt in obiecto formali motivo, cum tamen differant notabiliter in aliquo prædicato intrinseco de genere moris: Explicatur. Verum est quod sæpè dixi, nimirum obiectum formale proximum, esse specificativum actuum, seu esse regulam firmam, & universalem ad cognoscendum speciem in qua est actus: speciem inquam, vel infimam, vel subalternam, sed non semper *infimam determinatè*. Quo circà licet omnes assensus, habentes pro obiecto formali auctoritatem Dei loquentis, sint fidei divinæ; at rursus possunt subdividi in species alias distinctas in genere moris. Et quamvis omnes actus prosequutivi, habentes pro obiecto formali proximo divinam bonitatem; sint charitatis; at rursus subdividuntur in species alias, prout fuerit modus, quo tendunt, prout fuerit obiectum materiale in quod tendunt, & prout fuerint alia, quæ necessariò postulat perfectæ exactæque identitas specificæ infima. Idem potiori jure dicendum de actibus peccaminosis, quandoquidem facilius est contrahere maliciam, quàm honestatem. Ergo quamquam desperatio atque præsumptio haberent eundem finem, seu motivum, non sequitur esse peccata speciei inimicæ, sed subalternæ id est esse contra eandem virtutem.

237. Non-denique quarta ratio, quæ est RR. Distinguunt illi inter hoc, quod est positivè relictere media, quæ certò sunt necessaria ad beatitudinem, & hoc quod est, eligere alia impertinentia præscindendo ab eis primis. Et addunt, præsumptionem consistentem in illo primo esse positivam nolitionem beatitudinis, & consequenter destruerè habitum spei; secus præsumptionem consistentem in hoc secundo. Sed contra: licet nolle media, quæ agnoscuntur necessaria

ad

ad beatitudinem, 'sit beatitudinem nolle; nolle autem media' quæ agnoscuntur, quamvis errore culpabili, ut superflua ad illam non est illam nolle adhuc virtualiter: qui enim ardentius vult aliquem finem potest, quin sibi contradicat, nolle medium simpliciter necessarium ad illum, quod erroneè iudicat esse impertinens, quamvis liberè laboret errore illo, eo quòd si talem, vel talem rem faceret, ut debebat, illo levaretur. Atqui præsumptio prima, Pelagiana, scilicet atque Lucherana, quamvis reiiciant merita supernaturalia, & merita alia distincta à fide, ideò est quia supponit cognitionem licèt erroneam de eo quòd utraque merita non sint necessaria ad beatitudinem, ergo illa præsumptio non est nolitio beatitudinis, ut talis, siquidem est coniungibilis cum serio, & efficace conatu in eam, ut finem ultimum, ergo non est vera, & stricta desperatio. Ergo per se, præcisè non destruit habitum spei, tamen si eum destruat per hæresim, quam multoties supponit, juxta doctrinam infrà dandam. Ajunt esse nolitioem saltem virtutalem beatitudinis. Distinguo hoc, virtualem virtualitate formali, nego, quia hæc egebat cognitione de eo quòd media illa erant necessaria, & quamvis culpa sit non habere eam cognitionem, re tamen vera illa non habetur: virtualitate materiali, concedo. Hæc autem virtualitatis species non est stricta, & propria desperatio, ut infrà dicam, & consequenter non evectit formaliter per se ipsam habitum spei adhuc in genere demeritorio.

C A P U T X I V.

De Desperatione.

238.



UT finis imponatur huic tractatui de actibus volutatis, restant disputandæ *quidditas*, & *moralitas* desperationis strictè talis. Et quidem illicò offendimus ad lapidem in questionum vestibulo sæpè obvium: *diversam scilicet vocum acceptionem*. Igitur desperatio sumitur primò purè negativè pro pura carentia spei Sic Cicero. *Exercitius comparatus ex senibus desperatis*, id est de quibus nulla erat spes. 2. positivè pro abiectione animi, seu repudio spei ipsius. Sic Ovidius. *Cur ego desperem* (id est spem abiiciam, seu deponam) *fieri sine coniuge mater?* Et Cicero. *Considerandum est, ne aut temere desperes propter ignaviam, aut nimis confidas propter cupiditatem*. 3. pro carentia probabilitatis rerum meliorum. Sic idem Cicero desperationem definit. *Ægritudo sine ulla rerum expectatione meliorum*. Et alibi. *Non equidem planè despero, ista esse vera; sed nescio: & discere à te volo*. 4. pro cæco furore. Sic Virgilius. *Una salus vitæ nullam sperare salutem*. Et Sallustius: *neq[ue] foret*

In Catilin.

5. Fastor.

1. Offic.

Tusculan.

qu. lib. 4.

De Divin.

Æncid. 20

foret

S. Thom. 2.
2. qu. 40.
art. 4. ad 3.

forte desperatione adducti vitam mortem præferant. Sed his acceptionibus minus. Desperatio in phrasi Theologica describitur a S. Thoma. Re. cessus à re desiderata propter estimatam impossibilitatem adipiscendi.

P. Turri-
an. disp.
64. dub.
10.

239. Hinc sit Conclusio. Desperatio strictè, ac Theologicè sumpta nequit consistere formaliter immediatè in solo actu intellectus. Neque in sola omissione spei præceptæ. Neque in quavis reflexa nolitione sperandi. Neque in quavis nolitione efficace, sive formali sive interpretativa beatitudinis. Neque in quavis nolitione apponendi media, ut ordinata ad beatitudinem. Neque in quavis displicentia hujus, ut arduæ. Neque in quavis dejectione animi ob non futuritionem beatitudinis. Prima pars est contra P. Turrianum, & contra vulgarem exificationem. Sicut enim vulgus confundit spem cum probabili judicio obtinendi bonum, & timorem cum judicio probabili urgentiæ mali nempe causam cum effectu, ita confundit desperationem cum judicio de non consequutione boni. Sed tanta licentia non datur Scholasticis: & aliter vulgus aliter Theologi inspiciunt res. Arguo sic, si ratio formalis desperationis Theologicè acceptæ, consisteret in actu intellectus, foret hic. *Non possumus absolutè, & simpliciter consequi beatitudinem.* Vel hic. *Non consequar absolutè, & simpliciter beatitudinem.* Alii quippe impertinentes videntur ad rem præsentem. Sed in neutro consistit formaliter immediatè. Non in hoc secundo, nam omnes reprobi possunt habere illud secundum, quamvis temerè ob defectum divinæ revelationis; & tamen non omnes committunt peccatum desperationis, ergo. Neque dicas consistere in eo judicio prudenter concepto, nam sic desperatio stricta, & Theologica non erit peccatum. Non in illo primo. Nam licet ex illo descendere possit actus voluntatis, qui est formaliter desperatio; ille tamen formaliter in se ipso non est desperatio; sed hæresis quædam ad desperationem inducens: sicut judicium de practica possibilitate obtinendi beatitudinem non est formaliter in se ipso spes Theologica: sed quid inducens ad hanc spem. Probo assumptum.

S. Thom. 2.
2. quæst. 20
art. 2.

240. Si judicium illud esset formaliter in se ipso desperatio, hæc esset hæresis. Sed hoc est falsum, ergo. Probo majorem postea probaturus minorem. Judicium illud est hæresis, ergo si &c. Probo antecedens. Fide certum est, omnes homines rationis compotes, possunt absolutè, & simpliciter cum gratia Dei collata ex meritis Christi obtinere beatitudinem, & consequenter triumphare imbecillitatem, propensionemque ad culpam, anteaque scelera quantumvis enormia delere, necnon diabolicas omnes suggestiones repellere, ergo judicium oppositum est contra suam certè, & immediatè, ergo est hæresis juxta hujus definitionem. Probo jam minorem Syllogismi conditionalis. Tum quia juxta D. Thomam desperatio contingere potest absque infidelitate. Tum quia ad illicitam desperationem sufficit vehemens cogitatio ingentis difficultatis in adeptione beatitudinis. Huic quippe succumbens homo cogitationi potest illicitè desperare imprudenter inquam *non est digna tanto labore solus*, atqui vehemens illa cogitatio

giratio dari potest absque heresi, ergo non consistit in illo primo iudicio.

241. Obijcit P. Turrianus, quodlibet ex duobus dictis iudicijs aufert obiectum spei, ergo in quolibet consistit desperatio. Confirmatur. Esto Petrum ardentem oprasse dignitatem à Rege, quem tamen sciat postea decrevisse immobiliter illam non largiri. Hic sanè desperaret illius consequutionem; & tamen neque haberet nolitionem illius dignitatis, quinimò ardentem volitionem, neque cessaret à prosequutione mediorum ad illam obtinendam, quia nullum erat medium, ut suppono, in sua potestate, ergo dari potest desperatio absque nolitione finis, nec non absque nolitione mediorum, ergo quia consistit in solo iudicio dicto. Jure negat consequentiam objectionis P. Oviedo, quoniam etiam iudicium erroneum distans, Deum indignum esse amore aufert obiectum charitatis Theologicæ; & tamen non est formaliter in se ipso odium Dei, sed quid impellens in hoc odium. Idem dico de istis iudicijs. Non sunt formaliter in se ipsi desperatio; sed quid desperationem inducens. Ad confirmationem, in qua dissolvenda laborat P. Oviedo, datis cæteris nego consequentiam: quippe adhuc restat alius actus distinctus ab istis iudicijs in quo stare possit formaliter immediatè desperatio ista Petri: neque reflexa nolitio concipiendi spem, inquirendi, ponendique mediâ *propter impossibilitatem præcognitam obtinendi dignitatem*: quamquam enim consequenter ad istam impossibilitatem antecedentem sit impossibilis spes actualis, mediumque utile; nolitio utriusvis specificativè sumptæ. Consequenter enim ad eandem hypothesim potest dari, & necessitas rei, & volitio ipsius specificativè sumptæ: item impossibilitas rei, & nolitio ipsius secundum se, loquor de desperatione prout opponitur spei effectivè absolutè, atque in actu secundo efficaci, parcens modo spei affectivè tantum efficaci.

242. Probo secundam, & tertiam partem simul, heresis formalis non consistit formaliter immediatè, aut in sola omissione assensus præcepti à virtute fidei, aut in positiva nolitione eliciendi hunc assensum: fieri namque potest quòd homo nulli articulo fidei dissentiens omitat assensum fidei, seu positivè nolit eum elicere hic, & nunc, non propter falsitatem, quam in eo detegat; sed propter voluntariam distractionem ad alia obiecta cogitanda, vel propter alia motiva, quæ occurrere possunt, ergo fieri potest, quòd homo minime desperans beatitudinem, omitat hic, & nunc spem præceptam, aut eam elicere nolit positivè, non quidem propter arduitatem, diffidentiam, minoremve estimabilitatem; sed quia aliò vult distrahere animum. Confirmatur ex alibi dictis, ubi statui, spem actualem Theologicam posse extrinsecè esse malam in alia saltē providentia. Tunc enim possemus omittere spem, & ipsam positivè nolle, ut commune est omni rei prohibiti. Et tamen tunc non eo ipso esset licita desperatio strictè talis contra obiectum formale hujus virtutis, quod subsistere poterat in sensu composito illius prohibitionis: siquidem desperatio strictè talis con-

contra prædictum obiectum perseverans, in omni providentia est mala, sicut est mala hæresis formalis, odiumque Dei, ergo desperatio strictè talis non consistit purè, & præcisè in ullo ex eis duobus, sed aliud quid poscit.

243. Probo quartam: nimirum desperationem strictè talem non consistere in quavis nolitione beatitudinis v. g. Qui nollet efficaciter beatitudinem usque ad centum annos v. g. ut interim Deo inserviret, & animarum saluti, (ut de SS. Parente Ignatio refert Ecclesia in suo officio) aliquam haberet nolitionem beatitudinis. Et tamen non desperaret, ut certum est. Item iustus, qui divinæ conscius voluntatis nolentis efficaciter dare beatitudinem, huic voluntati se conformaret positivè, ac directè, nolitionem etiam aliquam haberet beatitudinis, & tamen non desperaret desperatione verè tali, & contra spem Theologicam, siquidem tunc non subsistebat obiectum formale huius virtutis ut talis. Ergo. Et ratio est. Nolitio, quæ non spernit obiectum formale spei, non est desperatio, sicut actus intellectus, qui non spernit obiectum formale fidei, non est hæresis. At fieri potest quòd nolitio aliqua beatitudinis, nec non mediolorum ut ordinatorum ad illam non spernat obiectum formale spei, ut patet in utroque casu proposito. Nam in primo Deus, ut nobis bonus ratione supernaturalis beatitudinis, postponitur sibi, ut sibi, & in se bono, & in secundo postponitur divinæ ipsi voluntati: quod non est spernere Deum ut nobis bonum neque perversus aliquis ordo; sed rationabiliter se gerere, & obiectum formale minoris virtutis, qualis est spes sub ratione concupiscentiæ, postponere obiecto formali virtutis excellentioris, qualis est charitas Theologica. Ergo ratio desperationis non consistit adxquatè in sola nolitione, quæcumque illa fuerit beatitudinis, mediolorumve ut ordinatorum ad illam. Ergo aliquid plus addendum est. Neque quod est dictum, contra propriam charitatem foret, quoniam hæc etiam postponenda est obiecto formali charitatis Divinæ. Neque hic habet locum vetusta illa distinctio inter velle quod Deus vult, & velle quod Deus vult nos velle.

244. Quoniam licèt hæc distinctio sit vera, & multoties necessaria; in casu tamen adducto necessaria non est: quia nullum est absurdum, nolle propriam beatitudinem citrà omnem culpam, unicè, & præcisè, quia Deus supremo utens Dominio illam non vult absque omni nostra culpa, qui casus locum non habet in præfenti providentia. Illud displicentia est communis Theologia; quia nil compossibile cum spe est stricta desperatio circa idem penitus obiectum. At simplex illa displicentia est compossibilis cum spe actuali: quandoquidem in eodem instanti in quo displicet tibi beatitudo ipsa, non specificativè, & secundum se sumpta; sed reduplicativè ut ardua, potes seriò, & efficaciter conari in media necessaria ad obtinendum illam: quoniam voluntarium simpliciter frequenter admiscetur involuntario secundum quid. Ergo. Addunt docti RR., hoc esse verum, quamvis displicentia adeò inardescat, ut necessitet quoad speciem ad nolitionem effici-

ficacem beatitudinis eo quod omisso quavis poenitentia finalis necessitat etiam quoad speciem ad nolitionem eam quz si esset stricta, & formalis desperatio; omnes qui decedunt impenitentes ex tardio atque displicentia mediorum, quz necessaria sunt ad beatitudinem desperantes morerentur. Additamentum hoc displicet; quonia omnis affectiva postpositio sive expressa, & signata, sive tacita & exercita (modo fit formalis, idest cum plena advertentia) obiecti formalis spei respectu alius rei distincte à divina excellentia, est contra illud obiectum formale, quippe quod omnibus prahabendum est, juxta rectam rationem illo uno excepto. At omnis displicentia beatitudinis reduplicativè, ut arduz, adeo vehemens, ut necessitet quoad speciem ad nolitionem beatitudinis, hoc est, adeo vehemens, ut impossibile reddat feriam, efficacemque volitionem illius, in primis supponit advertentiam obiecti formalis spei (hac quippe absente erit desperatio purè materialis sicut deficiente advertentia obiecti formalis fidei non potest dari nisi ad summum hæresis materialis) deinde est affectiva postpositio saltem exercita, atque virtualis obiecti formalis spei respectu arduarum obtinendi illud, quoniam ideò displicentia inardescit usque ad impossibilitatem volitionis efficacis beatitudinis, quia homo arduarum mediorum cedit, & cōsequenter mavult non luctari contra hanc, quam beatitudine frui. ergo.

245. Neque inferas fore ut omne lethale sit odium Dei, atque desperatio, eo quod obiecto prohibito postponat si non expressè, atque signatè, exercitè saltem, atque tacitè, & virtualiter obiectum formale charitatis nempe divinam bonitatem, & obiectum formale spei nempe beatitudinem. Id ne intuleris, quamvis enim omne lethale fiat indispensabiliter cum advertentia ad Deum, quod graves Authores negant, non semper fit cum advertentia ad beatitudinem, quz peccato repudiatur illo, neque ad divinam bonitatem, ut obligantem ad omnia sibi posthabenda. Sed hanc advertentiam postulat contemptus formalis, ut distinctus à purè materiali, ergo non omne lethale est contemptus formalis obiecti charitatis, aut spei Theologicæ. Rursus, quamvis sub ea fieret advertentia, non esset odium formale Dei, licet esset contra charitatem. Quia sicut absque odio decreti reprobativi (quod nunquam licet, cum decretum hoc sit res divina) possumus malle decretum prædestinativum, quam reprobativum; ita absque odio Dei possumus malle obiectum prohibitum, quam obiectum formale charitatis. Erunt verò stricta desperatio in casu isto, quia desperatio contenta est recessu ab obiecto materiali spei, & contra obiectum formale hujus, sicut hæresis formalis contenta est recessu intellectuali ab obiecto materiali fidei contra hujus obiectum formale. Hinc, quamvis reclamant dicti RR., jure scripsit P. Arriaga eum qui morti proximus advertens se in lethali esse, negligit confessionem, licet hoc faciat per puram omissionem, verè desperaret nempe si advertentiam, habet Dei ut ultimi finis, & obligationis adspirandi ad ipsum efficaciter, quoniam negligentia illa est affectiva, & voluntaria postpositio, si non signata, & expressa ratione hujus desiderii: *malo omissionem*.

XXX

529.

P. Arriag.
de Fide
disp. 30.
n. 13.

confessionis, quàm beatitudinem; at exercita, & tacita obiecti formalis spei respectu omissionis confessionis.

246. *Æquivalere quoad voluntariam rejectionem beatitudinis nolitioni hujus: quod, semel admissa possibilitate puræ omissionis peccaminosæ, de omnibus puris omissionibus concedendum est, nimirum illas æquivalere quoad speciem, gradumque malitiæ actibus illis positivis, qui essent volitio, aut nolitio peccaminosæ, v.g. puræ negligentia voluntaria audiendi sacrum sub advertentia obligationis tanto est digna supplicio quanto positiva nolitio. Ad rationem contrariam, quam hic quoque obijciunt contra P. Arriaga; Dico: Vel illa culpabilis omisio pœnitentiæ finalis, illudque tadium cujus causâ peccatores moriuntur impœniteres, sit cum advertentia obiecti formalis spei ad cujus consequationem necesse est tadium excutere, atque omissione supersedere; Vel non? Si primum? est stricta desperatio contra Spem Theologicam, si non expressa, & directa; at tacita exercita, & indirecta. Non creduntur omnes illi mori desperantes, quia non creditur proponi omnibus illis cum plena advertentia obligatio anteponendi obiectum formale spei ceteris alijs. Si secundum? non moriuntur cum formali desperatione, sicut neque cum hæresi formali, qui dissentitur obiecto revelato, quin ei proponatur sufficienter obiectum formale fidei. Probo denique desperationem strictè talem non consistere in quavis dejectione animi circa adeptionem beatitudinis. Tum quia sicut aliud est spes; aliud alacritas illa animi, quam spes solet secum trahere: ita aliud est desperatio, aliud mœstitia illa, seu dejectio animi, quam desperatio solet importare. Tum quia nil compossibile cum spe actuali strictè tali est stricta desperatio, at ista dejectio animi compossibilis est cum spe actuali, nisi forte tam intensa sit, quàm displicentia illa de qua nuper, ergo. Probo minorem. In eodem instanti, in quo datur ista dejectio, & mœstitia potest animus colluctari cum illa, sicut cum cogitationibus, affectibusque retrahentibus, & eis non obstantibus conari efficaciter in beatitudinis adeptionem quasi in spem contra spem, ergo sicut in eodem instanti in quo datur cogitatio, vel appetitus, vel pondus voluntatis retrahens ab opere, possumus hoc exequi opus, ita in eodem instanti, in quo torquet abiectio illa animi possumus assurgere ad spem concipiendam beatitudinis.*

§. II.

247. **S** It secunda conclusio. Desperatio stricta, verè, ac simpliciter talis consistit in omni, & solo recessu voluntatis absoluto, determinato, affectivèque efficaci, sive positivo, sive negativo (quod addo propter rationem paulò ante datam in favorem P. Ar.

Arriaga) à beatitudine, qui recessus sit contra obiectum formale spei Theologicæ. Et hoc quamvis non trahat secum odium illius ob arduitatem, qua obtinenda est. Potestque multifariam contingere ejusmodi desperatio. Prima pars videtur mens S. Thomæ loco citato, & explicatur. Infidelitas namque stricta, verè, & simpliciter talis, consistit in omni, ac solo recessu intellectuali absoluto, & determinato ab obiecto materiali fidei, qui recessus sit contra obiectum formale hujus, consistit enim in dissensu simpliciter, & absolute tali obiecti, tamen propositi, ut revelati per Deum, eo quod revelatio non proponitur, ut prorsus evidens, vel quia ratiunculae aliquæ insurgant ex adverso. Neque opponas dubium etiam negativum contra res fidei esse hæresim formalem, quoniam licet illud dubium purè, & præcisè, ut tale non sit dissensus, sed assensus, & dissensus suspensio, trahit nihilominus originem ex pessimo alio judicio, quo homo judicat auctoritatem Dei, aut Ecclesiæ non esse motivum sufficiens ad assentiendum resolute obiecto illi, de quo ambigit. Similiter odium Dei verè, ac simpliciter tale consistit in omni, ac solo absoluto, determinato, affectivoque recessu ab obiecto materiali charitatis Theologicæ contra obiectum formale hujus, nempe in displicentia de Deo ob vana alia, motiva licet Deus sit bonus. Hoc respectivè dicimus de desperatione; hanc nimirum verè, & simpliciter talem, consistere in omni, & solo eo affectivo recessu à beatitudine, quæ est obiectum materiale primum spei, qui recessus fuerit contra obiectum formale hujus, sive adequatum, sive inadæquatum: id est contra aliquod ex illis tribus, quæ sunt obiectum formale hujus virtutis, ut constitutæ plenè, & totaliter in sua specie. Et ratio est. Nullum produces actum, in quo hæc concurrant attributa, qui non sit stricta desperatio (nolle beatitudinem unicè, quia Deus non vult illam donare ex soloque motivo se submittendi divinæ voluntati, non est contra obiectum formale spei, tum quia in eo casu non dabitur, quandoquidem neque Omnipotentia auxiliaretur, neque daretur promissio divina: tum quia non est contra hoc obiectum in genere morali posthabere ipsum sublimiori motivo quale est charitatis Theologicæ) nullum item, cui aliquod ex eis desit attributis, qui sit stricta desperatio. Et hoc est primum, ex quo probandæ sunt à priori omnes, & singulæ partes conclusionis negativæ nuper datæ. Stricta quippe, & vera desperatio consistit in solo dicto recessu. Sed nullus ex eis præcisè ut talibus, est dictus recessus. Ergo.

248. Secunda pars est contra P. Oviedo, & alios apud eundem; sed illam defendunt PP. Hurtado, Conink, Meracius, qui arguit ex eo, quod desperamus unionem Hypostaticam, gratiamque æqualem gratiæ Deiparæ, quin alterutram odio prosequamur. Reponit Oviedo. Hæc obiecta in se esse bona; respectivè autem ad nos esse mala, supposito decreto divino negandi ea nobis. Neutri acquiesco. Tum quia sicut nequit dari hæresis formalis, nisi contra id, quod credi potest fide divina, id est quod sufficienter proponitur ut revelatum per De-

P. Ovied.
co ntrov. 6
n. 8.
P. Hurtad
disp. 104.
sect. 2. §.
25.

P. Conink.
disp. 20.
n. 11.
Merac.
disp. 35.

um, ita desperare nequimus desperatione stricta, & scholastica, nisi id quod sperare possumus; desperatio quippe hæc est contra obiectum formale spei. At sperare nequimus ista duo, siquidem neque Deus promissit nobis illa, neque pollicitus est nobis omnibus auxilia ad illa & sola potentia Dei non sufficit per se præciè ad movendum spem firmam & indeclinabilem nisi accedat divina promissio; aliàs firmissimè sperare possemus quæcumque Deus potest facere. Ergo nequimus desperare; sed tantum non sperare obiecta ista, quia hoc secundum contentum est defectu obiecti formalis spei, illud autem primum obiecti poscit existentiam. Tum quia aliud est nolle: aliud odisse obiectum. Obiecta ista, supposito eo decreto, digna sunt quæ nolumus, ut divinæ voluntati conformemur; non autem quæ odio prosequamur supposito namque eo decreto non sunt mala, sed impossibilia solum consequenter. Missus igitur aliis rationibus Turriani à quibus se explicat Ovidio.

P. Ovid.
ibid. num.
II.

249. Probo sic secundam illam partem, scilicet, non esse necessarium quòd ille recessus trahat secum odium beatitudinis, ob huius arduam. Eo ipso quòd quis deterritus arduitate obtinendi gloriam desistere velit à concipiendo ipsius spem, à mediorumque positione, & impedimentorum omissione, tacitus dicens: gloria non fuit condita mihi, verè desperat. Item eo ipso quòd res mundanas, aut etiam infernum ipsum furore cæcus malit, quàm beatitudinem, verè, & simpliciter desperat (nam eo ipso affectivè recedit ab obiecto materiali spei, & quidem contra obiectum formale huius, quod est tum bonitas beatitudinis ceteris omnibus fruicionibus præhabenda, tum Omnipotentia ut auxilians, auxilio sufficiente ad superandum quamcumque arduam). At fieri potest quòd absque odio seu displicentia beatitudinis, etiam ut ardua, alterutro illo modo se gerat homo. Probat. Non est idem nolle obiectum, ac ipsum odisse. nam licitum est nolle decretum reprobativum, & licitum non est illud odisse, ut sæpè dixi. Et ratio est quam benè excogitavit P. Junius. Sicut in intellectu sunt uni actus simplices, qui præcise ab existentia, & carentia obiecti, & vocantur apprehensiones; alii verò complexi, qui tendunt intentionaliter in existentiam, vel carentiam obiecti, & dicuntur iudicia. Ita in voluntate sunt actus quidam simplices, & incomplexi qui vocantur amor aut odium, quibus voluntas dumtaxat approbat, vel reprobat obiectum abstrahens ab eo, quòd sit, vel non sit in rerum natura; licet postea per actum alium posteriorem velit aut nolit ejusdem existentiam; alii autem complexi, qui dicuntur volitiones, aut, nolitiones. Ergo quamvis alteruter ille modus se gerendi trahat secum nolitionem beatitudinis ut ardua idest propter arduam, vel impossibilitatem cum mundanis deliciis, non eo ipso trahit secum odium, vel displicentiam circa beatitudinem ipsam, ut distinctam ab arduitate, & impossibilitate. Atqui est desperatio beatitudinis ipsius ut sic distinctæ. Ergo non est indispensabiliter odium, aut displicentia illius ejusdem, cujus est desperatio, quia

Imò ipsa arduitas, & excellencia beatitudinis potest esse titulus ad concipiendum majorem appropriationem cui succumbens homo pusillanimis dicat: *Natur non sum ad tantum bonum*: atque idcirco scripsit S. Thomas. *Potest autem desperatio esse ex solo super excessu boni*, nempe quia homo it contra obiectum formale spei ut *audacia generosa*, nempe contra divinam Omnipotentiam ut auxiliaturam.

S. Thom. 2.
2. 2m. 40.
art. 2.

250. Pro tertiz partis explicatione scilicet, desperationem posse multifariam contingere tenendum est principium nuper datum, videlicet desperationem verè, ac simpliciter talem esse affectivum recessum ab obiecto materiali spei, contra hujus obiectum formale sicut hæresis strictè, & formaliter talis nequit non esse contra obiectum formale fidei. Insuper tenendum est, spem actualem primariam tria specifica, & characteristica habere prædicata, quorum unicuique respondet suum obiectum formale proportionatum. Est namque actus concupiscentiz: & sic habet pro obiecto formali bonitatem beatitudinis respectivam ad sperantem. Est item certa, & indeclinabilis: & sic habet pro obiecto formali promissionem divinam. Est demum generosus, atque in bono sensu audax conatus in beatitudinem, & sic dicitur habere pro obiecto formali Omnipotentiam ut auxiliatricem. Præterea sciendum est voluntatem multifariam posse recedere affectivè ab aliquo obiecto: primò negativè per puram omissionem prosequendi illud; 2. positivè per simplicem aversionem, odium, seu displicentiam ejusdem respondentem amorì simplici inter affectus prosequutivos. 3. per nolitiam positivam respondentem desiderio. Hæc nolitio (prætereo inquitiam seu dolorem de præsentia illius obiecti, qui affectus contraponi possit gaudio) potest esse directæ, & formalis. Vel indirectæ, & virtualis. Utravis potest esse absoluta, conditionata, disjunctiva, efficax affectivè, semiefficax, inefficax affectivè, efficax effectivè, inefficaxque effectivè. Hæc quoad respectum ad obiectum materiale. Quoad obiectum formale potest esse, vel purè materialis absque advertentia obiecti formalis spei, vel nolitio formalis, quatenus ipsius supponat advertentiam: cumque obiectum formale resulter ex illis tribus dictis potest supponere advertentiam omnium illorum, vel duorum tantum, vel unius dumtaxat. Rursus potest esse contemptiva hujus obiecti formalis, vel per tendentiam explicitè, ac formaliter reflectentem supra illud v. g. *nolo beatitudinem, licet tam bona sit, licet auxilium suum promiseris Deus: quia nimis ardua est &c.* vel per tendentiam non quidem signatam in obiectum ipsum formale, sed exercitè ac subiectivè supponentem ipsius notitiam, ipsiusque exercitè spernentem. Ut contingit in aliis peccaminosis nolitibus, quæ non semper reflectunt supra obiectum formale virtutis, cni adversantur, sed supponentes dumtaxat subiectivè illius notitiam retrahentem ab ipsa nolitioe, hæc nihilominus concipitur à voluntate.

251. En copiosam combinationum segetem ad colligendum quando committatur, & quando non committatur peccatum desperationis verè
&

& formaliter talis. Tu omnia & singula iteraberis; ego paucis perstringam. Primò quemadmodum ignorantia, etiam crassa, & affectata divine revelationis, excusat à peccato hæresis formalis licet non ab alio peccato contra fidem, ita eadem ignorantia excusat à peccato desperationis formalis, quando est ignorantia contra objectum formale spei Theologicæ, licet non ab alio peccato contra hanc virtutem. Sic qui hanc vitam pertasus, & unice, ac præcisè ex motivo evadendi ab angustis, quibus opprimitur, immemorque objecti formalis spei Theologicæ, sibi necem adiscit, licet graviter peccet; non tamen desperationem formalem incurrit. 2. sola displicentia, vel beatitudinis odium non quidem propter se; sed propter arduam, quam secum importat, non est desperatio ut jam dictum. 3. sola nolitio, sive directæ, & formalis, sive indirectæ, & virtualis, sive absoluta, & determinata, sive conditionata aut disjunctiva beatitudinis, ut arduæ, si non sit effectivè efficax, non est vera, & propria desperatio, quia omnes hæ nolitiois species sunt conjungibiles cum conatu absoluto, determinato, efficaceque *efficiendi* obtinendi beatitudinem, ponendique media necessaria ad illius arduam superandam, ut contingit in aliis rebus, in quibus voluntarium simpliciter admiscetur involuntarium secundum quid. At prædictus conatus est spes actualis primaria, ergo omnes istæ species nolitiois sunt conjungibiles cum spe actuali primaria, ergo nulla ex illis est vera, & propria desperatio, quamvis aliunde possint esse peccatum contra spem. 4. omnis absoluta determinata, & effectivè efficax nolitio beatitudinis, sive directæ, & formalis, sive indirectæ, & virtualis concepta cum advertentia hujus virtualitatis, necnon objecti formalis spei, sive, ut concupiscentiæ, sive ut tendentiæ certæ, sive ut audaciæ generosæ, item sive intrinsicè reflectat adversativè, sive non reflectat supra ipsum objectum formale, est vera, & propria desperatio. Sicut est vera, & propria hæresis formalis omnis absolutus, & determinatus dissensus incarnationis v. g. elicitus à Christiano sub advertentia objecti formalis fidei, sive intrinsicè reflectat adversativè supra hoc objectum, sive non reflectat. Dixi cum advertentia hujus virtualitatis. Nam si quis nollit apponere tale medium, seu amovere tale impedimentum cum totali ignorantia de eo quod illud sit medium, & hoc sit impedimentum, nollit quidè virtualiter beatitudinem; sed virtualitate pure materiali, compassibilique cum spe actuali beatitudinis. Sicut si quis dissentiret conclusioni legitimè illatæ ex objecto revelato; cum ignorantia tamen hujus illationis, dissentiret quidem virtualiter revelationi; sed virtualitate pure materiali, & involuntaria.

251 Hinc desperat 1. qui sub advertentia beatitudinis, ut objecti formalis spei, idest ut dignæ quæ concupiscatur super omnia alia inferiora, mavult expressè damnationem aut bona temporalia, aut etiam aliud supernaturale v. g. facultatem patrândi miracula, donum prophetiæ &c. quam beatitudinem ipsam si forte bonum aliquod supernaturale ponitur inconjungibile cum beatitudine (salvo semper objecto for-

formali charitatis, & obedientie debita Deo, cui beatitudo ipsa ponenda est). Quia ille efficaciter non vult beatitudinem contra obiectum formale ipsius spei, ut est actus concupiscentie. Dices, non quavis nolitio rei A. eo quod hzc postponatur rei B, est desperatio rei A. alias quoties in electionibus posthabemus unum alteri desperationem haberemus illius unius. Ex alia parte quod obiectum nolitum sit eterna nostra beatitudo non appingit rationem desperationis actui, qui aliàs, & ratione aliàs obiecti, desperatio non foret, ergo effectivè postponere beatitudinem bonis temporalibus v. g. non est desperatio beatitudinis. Data prima parte nego secundam. Quoniam obiectum formale spei sub ratione concupiscentie, idest Deus ipse, ut à nobis possidendus, tamquam finis ultimus, propter suam characteristicam, & singularem perfectionem postulat quod nulli alii bonitati creatæ postponatur (talis est amor, & reverentia debita nostro ultimo fini ut tali) secus verò obiectum formale spei alienius dignitatis v. g. aut rei aliùs temporalis. Ergo quamvis non sit contra obiectum formale huius spei, & consequenter quamvis non sit desperatio dignitatis v. g. estimare illam minoris quàm aliud; est tamen contra obiectum formale spei Theologicæ, & consequenter ex hoc capite potest esse desperatio, minoris estimare beatitudinem, quàm bonum temporali.

253. Desperat 2. qui constitutus in casu, in quo si non facit rem A. eo ipso carebit beatitudine, negligit ac purè omittit rem A. v. g. peccator qui in periculo certo mortis omittit contritionem, ac confessionem; ut paulo ante dicebam cum P. Arriaga de illo, qui morti proximus contritionem, ac confessionem pura omissione negligit: licet namque ea pura negligentia non sit positiva desperatio in sensu physico, & positivo: eo quod sit purum nil; est tamen positiva desperatio virtualiter seu in sensu Theologico, eo quod, sicut alie quoque peccaminose omissiones, æquivaler quoad malitiam specificam positive nolitio beatitudinis. Desperat 3. qui excellentia, vel arduitate percussus beatitudinis cessat à conatu adipiscendi illam, à mediorum positione, impedimentorumque remotione, quia hic recedit affectivè absolute, ac determinatè ab obiecto materiali spei contra Omnipotentiam, ut auxiliantem ad vincendum illam arduitate. Desperat 4. qui similiter cessat, vel non aggreditur negotium salutis, ob dubium de auxilio divino ex se sufficiente quia hic operatur contra fidelitatem divinam, ut promittentem auxilium suum, & insuper hæresim committit. Desperat denique quisquis per positivam nolitioem, vel per puram omissionem recedit effectivè efficaciter ab æterna beatitudine recessu injurioso aut bonitati ipsius beatitudinis aut Omnipotentie, ut auxiliatrici, aut fidelitati divine, ut promittenti: in prima injuria potest non esse hæresis formalis secus in secunda, & tertia. Dices: ut actus aliquis sit contra obiectum formale virtutis non sufficit quod sit contra obiectum formale parziale, sed opus est quod totale, & adæquatum contemnat. At actus proximè dicti non sunt contra obiectum formale totale spei Theologicæ, sed contra parziale dumtaxat,

at, quoniam illud per nos resultat ex tribus illis, quæ insinuari n. 130. ergo actus proximè dicti non sunt contra spem Theologicam, ergo non sunt desperatio stricta. Nego maiorem, quia non solum est hæreticus, qui negat Incarnationem Verbi, sed etiam, qui illam concedens, & insuper infallibilem auctoritatem Dei, negaret eam esse per Deum revelatam. Et tamen revelatio non est objectum formale adequatum, sed præcisè inadæquatum ad summum; ergo est hæreticus, qui operatur contra solum objectum inadæquatum fidei, ergo ex isto capite non excusatur desperatio illius, qui iret contra objectum formale inadæquatum spei Theologicæ. Et ratio est licet unumquodque ex dictis objectis formalibus sit inadæquatum respectu spei Theologicæ, ut constitutæ in sua specie, est tamen quid divinum entitative, ergo illud spernere est spernere aliquid divinum, ergo est peccatum contra virtutem Theologicam. Non semper contra charitatem, aut contra solam fidem, ergo contra spem; ergo si aliunde adsint cætera requisita ad desperationem, erunt peccata desperationis.

254. Sit ultima conclusio. Sola desperatio strictè, ac formaliter talis de consecutione beatitudinis, nec non hæresis formalis meretur privationem habitus spei. Secus desperatio de obiecto non necessario ad beatitudinem simpliciter aquirendam, sed solum magis conducente, seu etiam necessario ad maiorem tantum beatitudinem. Et tamen eadem desperatio aliunde esset peccatum grave. Prima pars probatur non ratione directâ, sed auctoritate: neque auctoritate Scripturæ, aut Tridentini, quia hoc dumtaxat definit fidem amitti infidelitate, & similem sententiam nusquam profert circa amissionem spei propter desperationem. Auctoritas igitur est concors Theologorum sententia, qui paritate fidei docent idem de spe. Eadem quippe motiva quæ probant Deum punire hæresim privatione habitus fidei, probant punire desperationem privatione habitus spei. Adde infidelitatem propter rationem supra datam. Fides enim juxta Tridentinum est initium fundamentum, & radix justificationis. Ergo fide infusâ deficiente ædificium totum spirituale collabitur. Ergo deficit habitus infusus spei. At infidelitate deficit fides infusa juxta eundem. Ergo infidelitate deficit habitus spei. Hæc ratio licet non sit metaphysica, suadet moraliter rem, accedente unanimi Theologorum consensu apud P. Oríed. Dices exceptio firmat regulam in contrarium. Ergo eo ipso quòd illo cap. 15. Tridentinum doceat habitum gratiæ amitti quovis lethali, & habitum fidei sola infidelitate, tacitum præteriens habitum spei, sufficienter innuit hunc non amitti desperatione. Respondeo exceptionem signatam, & expressam firmare regulam in contrarium: item exercitam, atque virtutalem quando contrarium illud venit ad rem, in qua fit exceptio; secus si ad rem non venit. Tridentinum capite illo dumtaxat agit *adversus hominum quorundam callida ingenia*, qui dicebant gratiam amitti sola infidelitate. Tunc non veniebant ad rem amissionis spei, sed amissionis gratiæ, & amissionis fidei. Ergo ex eo quòd doceat fidem amitti per infidelitatem & non doceat spem amitti propter desperationem, non sequitur docere

oppo:

*Concil.
Trident.
sess. 6. c. 15*

*Idem sess. 6
cap. 8.*

*Ibidem
cap. 15.*

*P. Oríed.
contr. 3.
num. 75.*

oppositum, idest non amitti propter desperationem.

255. Secundam partem de obiecto non necessario ad beatitudinem simpliciter, docuit eximius Doctor. Arguo sic. Desperatio consequendi tot gradus gratiæ in hac vita, & gloriæ in altera, quæ habet Desperatio, est aliqua desperatio de obiecto non necessario simpliciter ad simpliciter obtinendum beatitudinem; sed tantum ad majus spirituale emolumentum. At desperatione ista non amittitur habitus spei, sicut nec desperatione obtinendi unionem hypostaticam (si talis desperatio dari potest) quæ etiam non est necessaria ad beatitudinem. Ergo. Et ratio est; quia ista non est verè, ac simpliciter desperatio, cum non sit contra obiectum formale spei Theologicæ, siquidem neque est contra beatitudinis bonitatem simpliciter talis, neque contra Omnipotentiam ut auxiliantem, aut fidelitatem divinam ut promittentem: cum Deus non sit pollicitus auxilium suum omnibus indiscriminatim ad obtinendum determinatè tantum, ac talem gradum sanctitatis, & gloriæ. Sed esto dictam desperationem fore aliunde peccaminosam, eo quod sit de obiecto valdè conducente, licet non simpliciter ex se necessario, ad beatitudinem simpliciter acquirendam, v.g. de statu Religioso cujus desperatio sit tibi aliunde prohibita vel ex voto, vel ex præcepto legitime imposito. Adhuc non destruit habitum spei, quoniam illa ex tendentia sua non opponitur directè cum spe, nam stat bene desperare tale spirituale emolumentum, talem gradum gratiæ, talem gradum gloriæ, & tamen conari efficaciter in gratiam, & gloriam absolute quoad substantiam, ut pote existere valentem absque eis gradibus. Et quamvis ille conatus efficaciter repellat affectivè omne, quod cognoscitur esse impedimentum beatitudinis quoad substantiam, hoc probat eos duos actus esse subiectivè atque exercitè impossibiles; non autem actum illum peccaminosum adversari obiecto formali spei: quemadmodum omisso contradictoria actus spei est sanè exercitè, ac subiectivè inconiungibilis cum actu eo; Sed non semper est adversa obiecto formali spei. Præterquamquod fieri potest ut peccaminosa illa desperatio non advertatur reflexè ut peccaminosa, seu ut impedimentum beatitudinis: peccatum quippe non requirit reflexam advertentiam supra actum internum, sed supra obiectum illius.

256. P. Oviedo restringit partem hanc ad rem neque antecedenter neque consequenter necessariam ad beatitudinem: quoniam si quis desperaret de auxiliis efficacibus (quæ solùm consequenter sunt necessaria ad salutem, eo quod per sufficientia possit quis antecedenter obrinere illam) peccaret malitià directè oppositā motivo spei, & consequenter desperaret beatitudinem quoad substantiam. Ergo habitu spei orbaretur. Non acquiesco ratione limitationis: quoniam auxilia efficacissima sunt antecedenter necessaria ad salutem simpliciter obtinendam. Nam quamvis auxilia sufficientia sint sufficientia, non tamen sufficiunt per se præcisè absque obedientia legis ad salutem obrinendam; in ea autem obedientia stat iuxta nostrā scholam efficacia absoluta in actu secundo. Obiicies ex eodem, qui dissentit obiecto, quod potest credere fidei

Y y

divi

P. Suarez,
disp. 1. scilicet 8.
de spe.

P. Oviedo.
controver. 3.
Ad. 85.

divina, peccat contra fidem, & huius habitu expoliatur. Ergo quid desperat obiectum, quod spe Theologica sperare potest, peccat contra spem, & huius habitu expoliatur. At obiectum illud conducens; non tamen necessarium ad beatitudinem, vel necessarium dumtaxat ad maiorem beatitudinem, possumus sperare spe Theologica. Ergo. Confirmatur. Implicatio in terminis est quod desperatio illius sit peccaminosa: & tamen quod illud non sit necessarium ab beatitudinem simpliciter: nam si hic & nunc omnibus pensatis non est necessarium ad beatitudinem, non est cur peccaminosa sit illius nolitio, ergo subiectum nostræ propositionis est impossibile.

257. Nego consequentiam obiectionis. Nam qui dissentitur verbo Dei sufficienter proposito est infidelis, & consequenter habitu fidei nudatur, si illum præhabebat. At qui dissentitur obiecto, quod potest credere fide divina, dissentitur verbo Dei sufficienter proposito, quoniam si non foret sufficienter propositum nequiret illud obiectum credere fide divina. Ergo. Cœterum quin homo spernat obiectum materiale primum, aut obiectum formale spei Theologicæ, potest desperare id quod vel solum est conducens ab beatitudinem quoad substantiam, vel solum est necessarium ad maiorem beatitudinem, in eodem quippe momento quo anhelat ad beatitudinem quoad substantiam propter ipsius bonitatem, propter Omnipotentiam auxiliatricem, & propter divinas immobiles promissiones, potest desperare statum Religiosum, Martyrium, & huiusmodi alia, quæ non sunt simpliciter necessaria ad beatitudinem; nec non desperare tantam adipisci sanctitatem, quantam Apostoli adepti fuerunt, quæ sola necessaria est ad tantam gloriam habendam, quantam illi possident. Et ratio est, quia excellentia obiecti formalis spei solummodo obligat directè & formaliter sub gravi ad conatum efficacem beatitudinis quoad substantiam. Obiectum verò formale fidei cohibet irreverentem dissensum, vel minimæ veritati sufficienter propositæ, ut per Deum revelatæ; quia æquè dedecet illum fallere, aut falli in minimis, atque in maximis: quod non contingit in obiecto formali spei; aliàs omnes teneremur sub gravi aspirare efficaciter ad sublimem gradum sanctitatis, ac beatitudinis. Ad confirmationem respondeo duò: primum, me non asserere absolute desperationem illam debere esse peccaminosam: sed, non destruere habitum spei quamvis peccaminosa esset. Secundum: nullum elici absurdum ex eo quod hic & nunc ex aliis motibus prohibita sit tibi desperatio status Religiosi, non propter obiectum, sed propter motiva ipsa, eo quod hic, & nunc obstat ea desperatio alii actui, quem hic, & nunc teneris sub gravi: arqui status ille non est necessarius simpliciter ad beatitudinem. Ergo fieri potest quod obiectum non sit necessarium simpliciter: & tamen quod illius desperatio hic & nunc peccaminosa sit.

En sufficienter liberatam fidem, quam in Prologo huius operis dedi. Et en, si non totam suppellestem actuum animæ nostræ: ac certè non mediocrem illius partem. Profecto absque reflexis his notitijs super OEconomiam, numerum, & qualitatem nostratum harum ope-

operationum vitalium, ægre movebis pedem in altioribus disciplinis.
Et pudenda res est, hominem divagari extra se, inscium omnino
eorum, quæ intra se habet.

F I N I S.

I N D E X

*Primus Numerus Disputationem significat,
Secundus Marginalem.*

A

Anima quid sit? 1. num. 1. Quotuplex? ibi. num. 6. Post separationem à corpore quæ recordatur, & quæ non recordatur hujus vitæ? 1. 130. & seqq. Datur in Brutis. 1. num. 167. & 200.

Actio nascens à Principio vitali, non semper est vitalis. 1. 10.

Animæ quæ, & quo sensu sint, ac non sint divisibiles? 1. num. 21. & seqq. quæ sint mortales, quæ immortales? 1. 36. & seqq.

Animarum æqualitas, inæqualitas, unicitas, aut pluralitas. 1. 45. & seqq.

Actio immanens quotuplex? & quænam propria actionum vitalium Dei? 1. 61. Sufficit, quod recipiatur in parte integrante sui principij. Ibidem.

Auditio quomodo fiat? 1. 86.

Apoplexiâ laborantes, cur non sentiant? 1. 134.

Anima, seu appetitus sensitivus explicatur. 1. 153. & seqq.

Anima quomodo ascendat ex sensatione ad judicium? 1. num. 134. & 2. num. 8.

Anime Purgatorii habent spem. 4. 112.

Apprehensiones indigent quoque aliquo fundamento. 2. num. 2. quomodo sunt, 2. num. 2. &

seq. Quomodo movere soleant ad judicandum? 2. 10. Quid sint, & quam diversæ? 2. num. 70. & seqq.

Apprehensio vehemens malitiæ non sufficit per se ad peccandum. 4. num. 4.

Apprehensio suavis, seu lumen fidei. 2. 73.

Apprehensio non repugnat Angelis, sed Deo. 2. 110. Debet præcedere iudicio etiam evidenti. 2. 121.

Apprehensionum complexum potest esse iudicium. 2. 124.

Assensus, & Dissensus an coniungi possint? 3. 33.

Advertentia quæ sufficit, & quæ non sufficit: item quæ requiritur, & quæ non requiritur ad voluntarietatem? 4. 3. & seqq. item 13. & seqq.

Advertentia plena, & semiplena: quo differant? 4. 20.

Actus aversionis, & prosecutionis in genere. 4. 70. & seqq.

Actus viginti voluntatis explicantur. ibidem, & seqq.

Amicitia, & inimicitia præse tales: quid sint? 4. 74. & seqq.

Audacia bona, & mala quid sit? 4. 74.

Alacritas, quid sit? 4. 81.

Amisibilibitas boni non est necessaria ad spem illius. 4. 112.

Alienum bonum an possit esse obiectum materiale spei? 4. 113. & seqq.

Ar.

Arduitas, qua ratione sit necessaria in obiecto Spei? 4. 142.
Atomista difsimulatus, impugnat. 1. 200.

B

Bonum quod est obiectum spei, quam amissibilitatem debet habere? 4. num. 112.
Beatitudo, imo, & mala aliena, quomodo possint esse obiectum materiale spei Theologicæ? 4. 121.
Bruta habent animas, & instinctum, nec sunt meræ machinæ instar artificiale. 1. n. 167.
& seqq. & à num. 200.
Cur interdum certius operantur illo, quam homines ratione? Ibi dem.
Beati non habent timorem cadendi in culpam, aut poenam. 4. 182. & seqq.

C

Conceptus univocus omnium viventium. 1. 70.
Curritas Virgæ intra aquam cur? 1. 91. 73.
Certitudo, quid, & quotuplex? 2. 88. & seqq.
Non deficit, eo quod cognitiones pendeant à sensibus ex se fallacibus. 2. 119. & seqq.
Causæ Virtus licet finita non semper consumitur, aut atteritur per jugem productionem effectus. 1. 95.
Custodis Angeli bona consilia, quomodo contingant? 1. 118.
Caput solum est locus cognitionis, & cur? 1. 133.

Cognitionibus quas modo habemus quot rerum series præcedat?

1. 134.
Cognitio abstractiva qualis sit, & qualis non sit? 1. 137. & seqq.
Quo sensu terminetur immediate ad obiectum, vel ad substitutum aliquod phantasma? 1. 142. & seqq.
Cognitio immediata tripliciter esse potest. 1. 152.
Cognitio evidens, intuitiva, comprehensiva. 2. n. 100.
An influat physicè in actum voluntatis? 4. 89.
Concupiscentia carnis quid sit physicè? 1. 156.
Concupiscibilis Pass quid sit? 1. 163.
Conscientia dubia quomodo possit interdum resolvi? 2. 25.
Comparatio simplex, quid sit. 2. 21.
Cogitationum diversitas unde proveniat? 2. 79.
Conclusio illata ex præmissis probabilibus, quando est probabilis? 2. 82.
Comprehensio quid sit? 2. 113.
Comprehensio Dei non sequitur ex quacumque cognitione possibile in Omnipotentia. 2. 114.
Comprehendere Deum repugnat creaturæ. Ibi num. 116.
Creatura non potest cognoscere in Omnipotentia omnia possibile. 2. 117.
Conclusio, an sit essentialiter talis? 2. 149.
Cognitio reflexa de bonitate illationis. 2. 151.
Conclusio formalis, an reflectat supra obiectum præmissatum. 2. 155.
Præcisè ut illata ex præmissis de Fide, non est actus Fidei? 3. 73.
X y r 8 &

& seqq.

Potest ramen esse actus fidei ut illata ex aliquo antecedente in sensu reali. 3. 61. & seqq.

Conditionati affectus in rem prohibitam quando sint, & quando non sint peccaminosi? 4. n. 40. & seqq.

Concomitans decretum. 4. 87.

Culpa quo sensu sit obiectum timoris? 4. 191. & seqq.

D

Dubius, quo sensu sit, ac non sit obiectum timoris? 4. num. 190. Particeps sit conceptus viventis? & operetur immanenter? quotupliciter loqui potest cum anima? 2. 14. Non habet apprehensiones. 2. 120. 64.

Diaboli suggestiones, ac tentationes quomodo contingant? 1. 117. & seqq.

Dubium quid sit? 2. num. 6. & quando positivum, quando negativum? Ibi. In decem classibus redigitur. 2. num. 20. Cum eo operari quando est peccatum quando non? 2. n. 24. & seqq.

Diversitatis humanarum cogitationum Origines. 2. 79.

Determinativum scientiæ quid, & quotuplex? 2. 87. Scientiæ medicæ quodnam sit? 3. num. 15.

Discursus, quid, & quotuplex? 2. 146. & seqq. quando potest stare in actu simplici? Ibi 147. In quonam actu stet formaliter Discursus? num. 148. Num requirat cognitionem reflexam de bonitate illationis? 2. 151.

Dolor animi quid sit? 4. 83.

Dona Spiritus Sancti, & specialiter donum timoris. 4. 220.

Desperatio quid sit, & quotuplex?

4. 238. & seqq. In quibus actibus non consistit? Ibi 239. In quo actu consistit? Ibi n. 247. Expellit habitum spei. Ibi n. 254.

E

Eminenter, atque Virtualiter non semper sunt idem. 1. 63.

Effectus non semper absunt vires suæ causæ. 1. 95.

Evidentiæ cognitionis quid sit? 2. 100. Quotuplex? Ibi dem.

Eminentia Dei, ut potentis infligere malum quomodo attingatur per actum timoris? 4. 203. & seqq.

F

Felles, nocturnaque animalia, cur habeant lucem in oculis, sicut noctiluæ in cauda. 1. 87. Fomes peccati quid sit physicè? 1. 156.

Formido intellectualis, seu timor quid sint? 2. 5.

Formido malitiæ quando inscit, quando non inscit actionem. 2. 33.

Fides supra spem extollitur? Disp. 4. num. 231.

Fides Miraculorum, in quo consistat physicè. 2. num. 74.

Fidei iudicium geminam habet certitudinem. 2. 89.

Fides quomodo possit coniungi cum opinione. 3. 38.

Fides potest esse cum, atque ex evidentiâ in Attestante. 3. 39. & seqq.

Fides, sicut etiam charitas, non est

est species infima, sed Genus cō-
plectens varias species. 3. 49.
Fides quomodo haberi possit per
discursum? 3. 61. & seqq.
Formido voluntatis quid sit? 4. 80.
Fruitiō quid sit? 4. 83.
Futuritionem quam requirat obie-
ctum spei? 4. n. 163. & seqq.

G

Generatio Aeterni Filij quomo-
do sit vitalis? 1. 64.
Gustatio quid sit, & quomodo fiat?
1. 86.
Gratitudo quid sit? 4. 75.
Gaudium quid sit? 4. 82.
Gratia aliqua inluit plusquam
moraliter in actus salutare. 4. 89.

H

Habitus acquisitus nil est ali-
ud, quàm specierum inten-
sio. 1. 112.
Homo exterior, interior; vetus,
novus, animalis, rationalis, &c.,
quid sit? 1. 153. & seqq.
Hæresis formalis excusatur per
ignorantiam, crassam etiam, &c.
affectatam. 2. 48.
Horror quid sit? 4. 80.

I

Introspectio, & juxtapositio,
quid sint? 1. num. 6.
Immortalitas animarum. 1. 36. &
seqq.
Inæqualitas animarum refutatur.
1. 50.
Immanentia actionis duplex: &
quæ sit propria actionum Vitali-

um Dei? 1. 61.

Imaginationis vivacitas quantum
juvare soleat? 1. 110.

Inscissibilis pars quid sit? 1. 163.

Intellectus quid sit? 2. num. 1.

Passibilis, & Possibilis quid sit?
2. num. 9.

Judicia non desinunt esse infallibi-
lia eo quia pendeant à sensibus,
qui fallibiles sunt. 2. 8. quomo-
do fiat judicium? 2. n. 11. quo-
modo soleant movere ad alios
actus? 2. num. 12. & seqq.

Ignorantia antecedens, comitans,
consequens, & reliquæ explican-
tur. 2. num. 35. & seqq. quæ,
& quando excusentur, quæ, &
quando non excusent à pecca-
to? 2. num. 42. & seqq. Crassa,
& affectata excusatur ab hæresi for-
mali. 2. 46.

Ignorantia illius, quod sciri de-
buerat, quando excuset à pecca-
to? 4. 13. & seqq.

Iudicium quid sit, & quod duplex,
nempe. Probabile, temerarium
certum, quidditativum, evidens
&c. 2. num. 75. & seqq.

Intuitiva cognitio, quid sit? 2. n.
107.

Iudicium potest esse qualitas com-
posita. 2. 124. qua ratione sit
iudicium sui ipsius? 2. 132. An
possit se ipsum habere pro obie-
cto? Ibi 133. quo differant ju-
dicia de præsentī, de præterito,
ac de futuro. 2. 134. qua spe-
ciali ratione connectantur cum
suis objectis? 2. 136. Semel ve-
rum, an possit transire in falsum.
2. 137.

Interpretativum voluntatum. 4.
60.

Invidia quid sit? 4. 78.

Instrictus brutorum quid sit, & an
detur? 1. num. 166.

In-

Instinctus divinus, quid sit? Ibid.
166.

Instinctus brutorum quo sensu soleat esse certior quam humana ratio: & cur hac non est perfectior? Ibi num. 167.

L

Locomotiva Virtus, & locutiva vitalis est. 1. num. 10.
Locutiones Angelorum, & Dei cum anima nostra quotupliciter possunt contingere? 2. num. 14.
Lumen suavisimum fidei quid sit? 2. 73.
Lex quid sit? 4. 98.

M

Memoria rationalis quid sit? 2. num. 1.
Minorem probabilitatem, quando sequi liceat? 2. 66.
Mutatio in Deo non sequitur ex eo quod in una rerum serie haberet æternè decretum, quod in alia serie rerum non haberet in æternum. 3. num. 14.
Metus quid sit? 4. 80.

N

Nutritio in quo stes formaliter. 1. num. 7. & num. 66.
Cur distinguatur à generatione viventis? Ibidem.
Nervorum commotio propter objectum aliquod visum. 1. 105.
Notitia quid sit? 4. 85.

O

Oratio quid sit, & quomodo contingat? 1. 86.
Obiectum nec præsens, nec existens potest videri oculis corporeis, Deo miraculosè operante. 1. 100. & seqq.
Opinio minus probabilis, quando admitti possit? 2. 66. & seqq.
Opinio quid sit? 2. 77.
Objecta ex se indifferentia sunt ad claritatem, obscuritatem, probabilitatem, improbabilitatem &c. 2. 97.
Opinio, & Fides an possint coniungi? 3. 38.
Obiectum spei quam arduitatem debet habere? 4. 142. & seqq.
Quam item futuritionem? 4. 163. & seqq. Quotupliciter potest esse absens? Ibi. 164.

P

Pars, seu Portio inferior. Pars seu portio superior, quomodo intelligenda? 1. num. 9.
Partes viventis, quæ informantur animâ? 1. num. 13.
Pater Æternus quo sensu vivat æterna generatione Filij? 1. 64.
Præsentia objecti cur acuat amorè, timorem, odium? &c. 1. 92.
Phantasia, & Phantasma materiale. 1. 103.
Phantasie vivacitas quam jubet scientijs, & artefactis? 1. 110.
Pars, seu portio superior, inferior &c. 1. 153. Irascibilis, & concupiscibilis. 1. 163.
Peccatum quo sensu sit objectum timoris? 4. num. 191.
Præambula ad judicandum. 2. n.

3.
 Perplexitas antecedens quando datur? 2. 23. & 4. 21.
 Probabilitatem minorem sequi quando liceat? 2. 66.
 Probabile iudicium quid sit, & quotuplex? 2. 77. & seqq.
 Probabilitatis, atque Improbabilitatis enunciatio est reflexa 2. 79.
 Propositiones enunciantes probabilitatem, improbabilitatem, certitudinem, evidentiam, obscuritatem obiectorum, sunt reflexæ: 2. 97.
 Per se notum, five evidens ex terminis, quid, & quotuplex sit. 2. 105.
 Propositionis semel vera, num possit mutari in falsam? 2. 137.
 Præmissæ quomodo influant in conclusionem? 2. 149.
 Propositiones de futuro contingente, quo sensu sint determinatæ veræ, aut determinatæ falsæ? Disp. 3. n. 5. & seqq.
 Plenitudo, & semiplenitudo advertentiz. 4. 20.
 Permissivè voluntarium. 4. 61.
 Prosecutionis, & aversionis actus 4. 70.
 Pigritia quid sit? 4. 79.
 Præceptum quid sit? 4. 98.
 Præsumptio quid, & quotuplex? 4. 223. & seqq. Quantum peccatum sit. 4. num. 226. Non semper expellit habitum Spei, aut trahit secum hæresim. 4. 233. & seqq.

Q

Quid diffinitiva cognitio quid sit? 2. 310.

R

R Reflexio illa specialis lucis ex aqua, speculo, & similibus, cur non ex quovis loco percipiat? 1. 90. & seqq. Item, cur non in tota speculi superficie videamus nos? Ibidem.
 Reminiscencia quid sit? 1. 129.
 Regula proxima moralitatis. 4. 25

S

S Emen, & Sanguis, & Spiritus utriusque non informantur animā. 1. 16. & seqq.
 Spiritus non potest destruere substantiam spiritualem, cui dominatur, licet possit spiritualia accidentia. 1. 42. quo sensu possit spiritus pati à rebus corporeis? Ibi. 43.
 Speciei infimæ individua possint habere inter se aliquam intrinsicam inæqualitatem. 1. 46.
 Spirator quo sensu vivat per spirationem? 1. 64.
 Sensatio corporalis quid sit, & quomodo contingat? 1. 80. & seqq.
 Saporatio quid sit, & quomodo fiat? 1. 86.
 Species impressæ quid sit, & an detur? 1. 88.
 Sydera, cur appareant majora in utroque Orizone. 1. 92. & cur objecta alia in aliquibus speculis? Ibidem.
 Species impressa non concurret physicè efficienter, sed solum determinativè ad actum vitalem 1. 99. Ipsius, atque lucis productiones sunt omnium velocissimæ, & quo sensu? Ibidem.
 Spe-

Species impressæ internæ materia-
les iuvantes phantasiam, ad-
mitte debent. 1. 103. & seqq.
ent, spirituales intelligibiles. 1.
129.

Sensus communis quid, & ubi sit?
1. 103.

Species imaginativa quo sensu sit
imago, simulachrum, phanta-
sma &c. 1. 109. quomodo con-
servantur, & excitantur? 1. 111. &
seqq.

Species hæc sunt respectivè habitus
acquisiti ab ea potentia animæ,
in qua sunt species ipsæ. 1. 112.

Somniorum variæ causæ. 1. 113.

Series rerum præcedentium cogni-
tionibus nostris. 1. 134. & 2. n.
8. atque seqq.

Scrupulus quid sit? 2. num. 1. O-
perari contra illum, non est pec-
catum. 2. num. 3.

Suspicio quid sit? 2. n. 4. quando
insicit actionem? 2. 33.

Sensus externi perspicacia utilis
ad intelligendum. 2. n. 8.

Scientiæ mediæ determinativum.
3. 15. & seqq.

Statutum quid sit? 4. 98.

Spes quid, & quotuplex? 4. 103.
& seqq. In quonam non stat
physicè? 104. Quis actus vo-
luntatis sit. 4. 110. Attributa,
& proprietates sui objecti inci-
piunt exponi. 4. num. 112.

Spes an possit esse de bono alieno?
4. 121. Qua ratione postulet su-
um obiectum esse arduum? 4.
142.

Synderesis quid sit? 1. 165.

Spes est ex genere suo, perfectior
fide. 4. 218.

Spiritus Sancti dona quid sint? 4.
220

T

Temerarij Indicij origines. 2.
num. 2.

Tristitia quid sit? 4. 82.

Timor intellectualis quid sit? 2.
num. 5.

Timor affectivus quid, & quotu-
plex? 4. 181. & seqq.

Timor culpæ, aut poenæ non ca-
dit in Beatos. 4. 182. & seqq.

Timor servilis est honestus. 4. 185.
Timor quo sensu habeat Deum pro
obiecto? 4. 190. quo sensu sit
de malo culpæ? 4. 191.

Timor ex suo conceptu est actus
fugæ. 4. 192. Unde suus actus
primarius non est metus, & pu-
rus actus prosecutionis. Ibi. n.
203. & seqq. Quisnam sit abso-
lutè actus ille primarius? Ibi.
num. 204. Quisnam timor sit ac-
tus Theologicus, quisnam non
sit? Ibi. num. 213. & seqq.
Virtus specialis timoris proba-
tur. Ibi. n. 218.

V

Verificatiuū propositionis, quo-
tuplex sit? 2. 87.

Vita non dividitur adæquatè in
nutritivam, sensitivam, & ratio-
nalem. 1. num. 12.

Viventis partes, quæ animā infor-
mantur? 1. num. 13.

Vivens quid, & quotuplex? 1.
58. & seqq.

Virtualiter, ac *eminenter*, non sem-
per sunt idem. 1. 60.

Viventia omnia conveniunt uni-
vocè. 1. 70.

Vita in actu secundo, quotuplex?
1. 73.

Vivens ipsum quotuplex? 1. 76.
Vir-

Virga semimerfa, cur apparet curva; aut fracta? 1. 91.

Vitrum per quod videtur obiectum cur huic aspergere videatur suum colorem? Ibidem.

Videri potest oculis corporeis obiectum nec præsens, nec existens. 1. 100. & seqq.

Voces interiores, quas interdum audire videtur sibi homo, quid sint physice? 1. 118.

Voluntas quid sit, & quo sensu dicatur cæca? 2. n. 1.

Verum iudicium, seu Veritas iudicii quid sit? 2. 83. quoduplex, & qualis? 3. n. 1. & seqq.

Voluntarium quid sit? Dis. 4. n. 2. quæ cognitiones non sufficiant ad voluntarietatem? Ibi num. 3. & seqq. Advertentia malitiæ quando sufficit, quando non sufficit, quæ requiritur, quæ non requiritur. 4. 13. & seqq. Actus potentiae appetitivæ sufficiens, vel non sufficiens: requisitus vel non requisitus ad voluntarietatem. 4. 29. & seqq. Tendentia conditionalis sufficiens, aut non sufficiens ad voluntarietatem.

malitiæ gravis. 4. 41. & seqq. Species existentiae, advertentiae atque consensus, quam poscit, aut non poscit voluntarietas. 4. 46.

Voluntarium quo sensu sit majus, quando est liberum, aut quando est necessarium? 4. 52. quo sensu debeat esse intrinsicum suum principium? 4. 55. quoduplex sit Voluntarietas, aut Voluntarium? 4. 56.

Voluntarium interpretativum. 4. 60. Permissivum. Ibi 61.

Voluntatis actus viginti explicantur. 4. 70. & seqq.

Volitio quid sit? 4. 85. Nequit concipi naturaliter sine pravia cognitione. 4. 88. quomodo in eam influat hæc cognitio? 4. 89. quoduplex sit volitio? 4. 93. & seqq.

Velleitas quid sit? 4. 94.

Volitionum species undeviginti. 4. 94. & seqq.

Virtutis nobilioris violatio non semper est peccatum gravius quàm violatio virtutis inferioris. 4. num. 227.

ERRATA CORRIGE.

Disputatione Prima, numero marginali 6.

Immanes, immanens. 12. mativa, motiva. 20. pro navis, pro navi. 46. obcur-
tionem, obdurationem. 207. betis poetis. 208. loci, ioci. 208. Assimulata, assimilata.
217. illum, illud. 226. elementum terræ tamquam pars essentialis, tamquam pars
integralis. *Disput. 2. Num. 9.* nun, nunc. 18. noo, non. 28. non fun, non sunt. 31.
hominum, non occidat, hominem non occidat. ibid. contra conscientia, contra con-
scientiam. 45. Doctur, Doctor. ibid. expliciit, explicite. 48. Deut dixit, Deus dixit.
53. despectent, despereat. ibid. nequ quia &c. siva quia &c. ibid. imo existens,
imo existentes. 55. & Gregorio XIII. & Gregorium XIII. 58. vapulavit, vapu-
labit. 59. Passivz, Passivz. 70. Fundamanto, Fundamento. ibid. ita est imagi-
natio, ista est imaginatio. 71. comparato, comparatio. ibid. iuo loco, suo loco,
75. discendit, descedit. ibid. ubliviscamur, obliviscamur. ibid. determinatz,
determinatè. ibid. pricipatur, præcipitur. ibid. prudenter suasivè, prudenter
suasivo. ibid. haabis, habebis. 76. arenas marii, arenas maris. ibid. aut facilitatis,
aut falsitatis. 78. illa sola quasilla sola quz. ibid. atque connexz, atque inconnexz.
vel sententiam, vel sententiam. ibid. contingit hoc, contingit hoc. 83. det tem-
pore, de tempore. 85. negativn, negativo. 86. regularz, regulari. 89. expri-
mitur, experimur. 94. incarnationem, incarnationem. 96. hucusqde, hucusque
104. æxquatè, adxquatè. 110. quidditæem, quidditatem. 111. omia, omnia.
118. Angeli, inferioris, Angeli inferioris. 121. Quamvis cognitio, Quavis
cognitio. 126. prædicatum complexum, prædictum complexum. 134. inter
tria hæc iudicia, & &c., inter tria hæc iudicia, est. ibid. indieectè, indi-
rectè. 139. reflectio, reflexio. ibidem præcesè, ut tale, præcisè ut
tale, &c. *Disputatione 3. In Prologo claudito.* Decretum divinum, *dele*
punctum. *Num. 12.* indiefficientz, indifferentz. 12. ineventalis, inevitabi-
le. 14. exista, existat. 16. præscientia, præsentia. 22. religionum, religiosum.
24. meaiz, mediz. ibid. prorsus, prorsus. 32. præcise, identificantur, præcise non
identificantur. 34. non adhæret, non adhæreret. 40. contradictorium, contra-
dictorium. 45. Respondebis 3., Respondebis 2. 64. habebat, habebit. 67. de
quomodo, de quo modo. *Disp. 4. Num. 8.* implicas, implicat. 17. fuas, suas.
18. spectan-, spectantes. 27. Nequiremss, Nequiremus. 31. Prohibitcas, Prohi-
bitus. 32. Affective, Affective. 34. Precipi-nti, Precipienti. 52. mnuunt, mi-
nuunt. 55. uz, suz, 56. aliquos, aliquo. 65. vel efficax effectivè, sed inefficax
effectivè. 66. an vitandum, ad vitandum. 79. fortitudin, fortitudini. 87. con-
vituruis, constitutivis. 88. excusi, exclusi. 97. tendentiam, tendentiam.
101. cut, aut. religionis, religionis. 104. Dio, Dico. 105. certo, certo. 106.
nt, ut. 119. spei, spe. 120. Opus est, non opus est. 122. scilicet, scilicet. pro-
xime, proximè. 141. beatitudinem dividendam, *dele* dividendam. 157. po-
sumus, possumus. secundum, secundum. 150. erat, erit. 169. consequentia,
consequentia. 176. exposui, exposui. 177. contentus, contentus. 185. annue-
ret, annumeret. 194. per se notum, per se notum. 195. nec ut contingit, & ut con-
tingit. 198. præterquam, præterquam. 205. erga, ergo. 213. propter, pro-
pter. 214. obediendi, obediendi. 217. donec, docente. 218. onfigere, infligere.
219. tu recto, in recto. 235. quod vis, quod vis.

Leviara typhothetarum sphaemata præsertim ad Græcas voces oscitantium v.g.
arhomus pro atomus, Philosophia pro Philosophia, ætherogeneus pro heteroge-
neus &c. Prudentis Lectoris iudicio relinquatur.







